

EXERCITATIONES
THEOLOGICÆ
DE DEO

EJUSQUE ATTRIBUTIS

JUXTA VERIORA

DOCTORIS SUBTILIS PRINCIPIA

Scholastica methodo ad usum studiosæ Juventutis accommodatæ,
variisque Dissertationibus tum ad Dogma, tum ad
Historiam spectantibus illustratæ.

AUCTORE R. P. AC M.

F. JOANNE JACOBO AYMAR

PROV. AQUIT. ANTIQ. MIN. OBSERVANTE,

*Lectore Jubilato, Sacræ Facultatis Parmensis Doctore Collegiato, Regique
Hispaniarum Infantis Parmæ Ducis Theologo.*



V E N E T I I S
M D C C L X V.



TYPIS ANTONII ZATTA

SUPERIORUM PERMISSU AC PRIVILEGIO.



EXERCITATIONES
 THEOLOGICÆ
 IN UNIVERSAM THEOLOGIAM
 ANTELOQUIUM.



*Opientes aliquid de penuria ac tennitate nostra cum pauper-
 cula in gazophylatium Domini mittere (magistri sententiarum
 Petri Lombardi Regia Galliarum civitatis antistitis, cun-
 clorum Theologorum principis verbis liceat uti) præcipuas
 scientia illius, per quam, dicente Sancto Augustino de Tri-
 nitate lib. 14. cap. 1. fides saluberrima, qua ad veram
 beatitudinem ducit, gignitur, nutritur, defenditur, robera-
 tur, quaestiones suscipimus pertractandas, nihil de viribus nostris præsumentes,
 sed totam spem nostram projicientes in Deum qui oculos nostros revelabit, qui-
 bus mirabilia ejus consideremus, ut dum studiose juvenutis utilitati consuli-
 mus, & bonis opitemur, & contra impios veritatem efficaciter defendamus.
 Nec a proposito nos deterrebit operis amplitudo, qui dierum nostrorum nume-
 rum ignorantes, residuum annorum Religionis defensionis penitus consecramus;
 ab incerto labore, quando ei fuerit complacitum, cui per omnia placere inten-
 dimus summo verum moderatori, solummodo cessaturi. & quid rêvera magis
 religiosum hominem decet, quam circa res a Deo revelatas occupari, certas
 conclusiones ex principis fidei vario discursu, urgentique ratiocinio inferendo?*

*Hujus Scientia, quam Theologiam, seu de Deo sermonem, placuit homini-
 bus appellare, dignitatem aut excellentiam hic commendare quid necesse? Obje-
 ctum illius totale, adequatum & attributionis dicere Deum, eaque omnia quæ
 ad ipsum ordinem habent, nonne est illam prædicare satis, nisi habitus ab
 objectis specificari alicui foret ignotum? quæcumque autem Theologia contem-
 platur, ad Deum referri, vel ut proprietates & attributa illius; vel ut effe-
 ctus ab illo profectos, cujuscumque sunt Creatura omnes; vel ut media ad ipsum
 conducentia, qualia sunt Sacramenta, præcepta legis, virtutes exercenda, ma-
 la vitanda, ipsaque gratia ad ea omnia necessaria; & tandem circa ipsum
 Deum illam primitus occupari, vel ut unus est, vel ut trinus in personis,
 vel ut in forma hominis nobis datus est in mysterio Incarnationis, cui non
 est compertum?*

De unitate, necessitate, ac certitudine Theologiz.

ETSI una specificè scientia sit Theologia, sive ex duabus propositionibus revelatis, sive ex una propositione de fide, & altera propositione lumine naturali cognita eruantur illius conclusiones, quæ in revelatione fundantur, etiam si una ex præmissis ad fidem non pertineret, sub diverso tamen respectu potest considerari, habita ratione rerum & modi quo tractantur, variamque sortiri denominationem. Etenim si in rerum divinarum contemplatione quiescat nihil hominum moribus præstans, speculativa vocatur. Si vero circa regulas morum versetur, & de iis quæ homines bonos efficere possunt occupetur, moralis Theologia appellabitur. quod si Dialectica legibus, & syllogistica artis regulis juxta modum disputandi utraque sese diligentius accommodet, scholastica merito nuncupatur. Si controversias quæ fideles inter & Etherodoxos versantur, suscipiat dirimendas, catholicum dogma validis argumentis ex Scripturis Sacris, Patrum, Conciliorum testimoniis ac definitionibus depromptis, adversus hæreticorum cavillationes defendendo, Dogmatica dicitur, & Polemica. Si autem fidei dogmata, prout ordinem ad historiam dicunt consideraveris, quid circa ea actum sit variis in locis aut temporibus diversis, accuratius perpendens, vel quorundam ex Sanctis Patribus mentem circa aliquod fidei caput ex illorum scriptis curiosius investigaveris prudentis critices lumine adjuncta, illam positivam vocare quid vetat? verum quoquo modo circa has omnes quæstiones sese exerceat Theologus, illasque sub quoquo respectu ut libuerit attingat, unius semper ejusdemque Scientiæ studio vacabit.

Ad ordinem multiplices illas & fere innumeras quæstiones tractandi quod spectat, magistro Sententiarum, cujus methodum secuta est maxima Theologorum pars, prævisse videntur inter Græcos Sanctus Joannes Damascenus sæculo octavo, inter Latinos sæculo undecimo desinente Sanctus Anselmus, quæstiones vel potius res Theologicas ad certa quadam capita revocantes. præcipuas ex Patrum ecclesiæ ac Sanctorum Doctorum, qui prioribus sæculis floruerant, decretis sive sententiis, quatuor libris sententiarum dictis complexus est sæculo duodecimo jam memoratus Petrus Lombardus Episcopus Parisiensis, eam ob rationem magistri sententiarum cognomento donatus. Quæ ad Deum ut unum, & ad Sanctissimam Trinitatis mysterium attinent priori libro absolvuntur: in secundo agitur de Angelis, de hominis Creatione ejusque lapsu: in tertio de humani generis reparatione res est: circa novæ legis Sacramenta versatur quartus. Eamdem veluti methodum tenentes recentiores Theologi à majoribus in pluribus recessere, a nonnullis, quæ minus necessaria illis visa sunt, aut nihil aliud præter verba habere, quæstionibus abstinentes, prioribus quamplures addendo, per quas Theologia præsentis ævi maxime illustratur, ingeniosos eruditorum hominum dissertationibus valde locupletata.

Theologiam, si quoad substantiam consideretur, in quantum videlicet ex principis fidei suas elicit conclusiones, quavis ratione id assequatur, ecclesiæ Christi simpliciter necessariam ille solus negare posset, qui Scripturarum & San-
clorum

Horum Patrum lectioni parum deditus ignoraret, per illam fidem saluberrimam, ut mox dicebamus ex Augulino, quæ ad beatitudinem ducit, gigni, nutrir, defendi, roborari. Hinc est quod dicat Apostolus ad Ephesios scribens, Deum ecclesie sue dedisse Apostolos, Prophetas, Evangelistas, Pastores & Doctores ad consummationem Sanctorum in opus ministerii, in adificationem corporis Christi, ut fideles non sint velut parvuli fluctantes, & circumferantur omni vento Doctrina. & de Episcoporum officio loquens ad Titum scribendo illum moneat, Episcopi esse ut amplectatur eum, qui secundum doctrinam est fidelem sermonem, ut potens sit exhortari in doctrina sana, & eos qui contradicunt arguere. Id autem quomodo assequeretur Episcopus, nisi rerum divinarum scientia quæ Theologia est, polleret? ideo in suadenda divinarum scripturarum lectione iis qui aliis præsumt, toti fuere quolibet tempore Sancti Patres, utque scientia ecclesiastica, Canonum antiquorum, Patrumque studio vocarent sapissime monuere Concilia, ut spiritualibus armis muniti, errorem revincere, impietatem conterere, hæreticos comprimere, infirmos confirmare possint. neque enim diversa ratione velutis depositum custodiri valet. & quicumque in Ecclesia Dei constituti ad fidelium instructionem, cœlesti sapientia, vel Theologica scientia ditari contemnunt vel negligunt, & fideles proinde ipsorum curæ commissi, ut postulat officii ratio, docere non valent, Deum aliquando sunt audituri illis dicentem quod olim apud Osee prophetam dixerat, quia tu scientiam repulisti, repellam te, ne Sacerdotio fungaris mihi:

Non tamen inde concludendum, omnibus singulisque Christi fidelibus scientiam illam quam Theologiam dicimus, simpliciter necessariam esse. Numquid omnes Apostoli? Numquid omnes prophete? Numquid omnes Doctores? inquit Paulus Corinthios alloquens. & licet omnium sit simplex fidei & mysteriorum intelligentia secundum uniuscuiusque intellectus sphaeram, ut de ea quæ in eis est spe rationem queant reddere, non omnium est de rebus fidei Christianæque religionis arcanis differere. quapropter iis qui in Theologicis disputationibus minime versati sunt, non licet cum illis qui sunt ex adverso, id est hæreticis, contendere ne leviter nimis armati subversionis periculo exponantur.

Si de Theologia ratione modi sive methodi quæ pluribus ab hinc sæculis in scholis traditur, sermonem faciamus, illam non esse simpliciter toti Ecclesie necessariam certum est, cum absque illa diu fuerit, & florētissima Christi Ecclesia, quod asserti veritatem omnimode demonstrat. illam autem utilissimam esse, tum ad mysteriorum expositionem & intelligentiam, tum ad refellendos Novatorum errores, nemo sensatus negabit. quantum ex illa contra quorumcumque sæculorum hæreticos Ecclesie advenit utilitatis norunt quotquot in rebus historicis sunt versati; & præter illos ii omnes qui advertunt per illam genitricis vocum notiones quibuslibet in controversiis exhiberi, verumque cuiusvis controversie statum præcise aperiri, propositionis firmanda fundamenta declarari, adversariorum argumenta & cavillationes confutari: quæ omnia cum ex Scholastica Theologia nos habere sit indubitatum, nisi ipsi evidentia aliquis refragari velit, in iis longius immorari foret superfluum. verum ut in doctrina Sanctorum Patrum fundatum dignoscatur quod asserimus, audiantur Sanctus Hilarius lib. 12.

de Trin. fidem, inquit, non nudam Apostolus, atque inopem rationis reliquit: quæ quamvis potissima sit ad salutem, tamen nisi per doctrinam instruat, habebit quidem inter adversa tutum refugiendi recessum, non autem retinebit constantem obtinendi securitatem: eritque ut infirmioribus sint post fugam castra, non etiam ut arma habentibus adsit interita fortitudo. *audiat* & S. Augustinus lib. 2. de doctrina Christianæ cap. 31. hæc habens. Disputationis disciplina ad omnia genera questionum, quæ in literis Sacris sunt, penetranda & dissolvenda plurimum valet. tantum ibi cavenda est libido rixandi, & puerilis quædam ostentatio decipiendi adversariorum.

Hinc irridendi Lutherani & Calvinistæ, alique hujus furfuris homines non pauci, qui in Theologiam temere debacchantes, quasi Scholastica disciplina sophismatibus solummoda foret occupata, quæstiones vacuas & inanes movens, illam velut religioni noxiam, fidesque alienam procul amandam temere affirmarunt. verum hæc in causâ ipsis non sine gravi fundamento diceretur, sibi mentitam esse iniquitatem, ex eo quod ea, quam audacter nimis carpunt, scholastica Theologia utantur ad suos errores defendendos, & ad veritatem catholico-romanam impugnandam; in eam parcius insurrecturi, si in ipsos valde simul & invicte ex illa non argumentarentur catholica Communionis Theologi, quod in istos ex parte Hæreticorum est majoris odii Seminarium. Nec interest quod inutiles, & etiam fuitiles quæstiones non paucas quandoque tractent multi inter Scholasticos, ex quarum enucleatione nihil incrementi religioni, nec Societati advenit: id enim Scholasticis, non Scholastica Theologia vitia vertendum est, cum ii re ex se bona & utili, vane, & male utantur. quapropter illa utiliter retenta, abusus erant refecandi. in illam ergo vehementius seculdescant Eubærodoxi falsa jactantes: vaneſcent illorum vociferationes, ex quibus nihil quod utilitati Theologiae adversetur legitime colligi poterit.

Verum non ideo probandi priorum temporum Hæretici, præsertim Ariani, oppositam tenentes viam, sicut & recentis ævi Sociniani, qui rationem humanam totius religionis regulam unicam statuentes, omnia fidei nostra capita juxta philosophicum lumen metienda existimarunt. Sunt enim hæc duo plane diversa; in rebus fidei rationibus desumptis ex Catholica veritatis principiis argumentari, ex propositionibus vel præmissis revelatis, vel ex revelatione mediate saltem cognitis; & de rebus fidei ex solo naturalis luminis dictamine, seclusa aut neglecta revelatione differere, ac de illis juxta humani intellectus sibi ipsi relictæ Captum judicare. primum est religiosi hominis, philosophiam & rationem fidei subjucentis, suum auctoritati & præcipuum, suum & rationi locum tribuentis: alterum impietatis est, auctoritatis, quæ rationi, ut loquitur Augustinus, præparat hominem, servire venientis. Non ergo fidei dominari debet humana ratio, nec juxta ipsam pensanda sunt Christiana religionis mysteria, sed unicuique jus suum est conservandum, ut sibi invicem ancillantur. quam regulam si prudenter tenerent Sociniani intellectum in captivitatem redigentes, adversus scientiam Dei impie non se extollerent: tuncque excellens illud ingenium quo jactanter gloriantur, legitime exercentes, fidem & rationem inter se minime pugnatæ,

gnare, neque fide esse contra; sed supra aut præter rationem agnoscerent. quoties igitur in fidem insurgit humana ratio, eamque profternere petulanter existimat, non veram, non sanam, sed falsam & vitiatam illam quilibet sapiens pronuntiabit. quod ut Marcellinum non lateret, sic illum alloquebatur Augustinus epist. 143. Si ratio contra divinarum Scripturarum auctoritatem redditur, quamlibet acuta sit, fallit verisimilitudine; nam vera esse non potest. rursus si manifestissimæ certæque rationi velut Scripturarum Sanctorum obijciuntur auctoritas, non intelligit qui hoc facit; & non Scripturarum illarum sensum, ad quem penetrare non potuit, sed suum potius obijcit veritati: nec quod in eis, sed quod in se ipso velut pro eis invenit, opponit. Verum de iis multa differere non juvat, circa quæ Consuli poterunt Pessavius, aliique Theologi qui de Prolegomenis Theologiae fuscè tractarunt. Hos si adirent litterati non pauci de Religione parum solliciti, etsi inter Catholicos annumerandi, & non immerito, Theologicas Exercitationes, seu quæstiones per quas fides catholica magis ac magis elucidatur, nocivas & proscribendas non leviter adeo pronuntiarent. Hujus tam salutaris scientiæ cognitio, & exercitatio semper certe maximum ecclesiæ adjumentum asserere potuit, siue ad Scripturas ipsas vere, & sane intelligendas, & interpretandas; siue ad patres securius, & utilius perlegendos; siue ad varios errores & hæreses detegendas, & refellendas; inquebat Sixtus V. Sanctum Episcopum & Cardinalem nostrum Bonaventuram eximium ecclesiæ Doctorem connumerans. & exinde concludebat, tanto magis decere Summos Pontifices hoc invictum fidei propugnaculum defendere, & hereditatem majorum conservare & tueri, quanto magis Hæretici hanc munitionissimam scholastica Theologia arcem oppugnare, & evertere conentur.

Quantum habeat certitudinis Theologia facile intelligit quisquis novit conclusiones illius cælesti revelatione, ipsaque Dei veritate & auctoritate fulciri. conclusionem enim Theologicam dicimus illam, quæ ex quodam fidei decreto, in quo velut in principio implicite duntaxat & ex consequenti quasi delitescit, ratiocinando extrahitur. ex quo sequitur Theologicam propositionem non debere esse per se & immediate revelatam; quæ enim est revelata, etsi ratione deduci possit ex aliis fidei capitibus, & ejusdem fidei caput, pariter cum cæteris dogmatibus auctoritatis, non autem proprie loquendo Theologica assertio. unde si veri potest propositionem aliquam esse eodem tempore revelatam & fidei caput, nec non theologicam conclusionem; ut cum assertitur duplicem esse in Christo voluntatem. hæc propositio in quantum colligitur ex dogmate statueretur duas esse in Christo naturas, divinam scilicet & humanam, est conclusio theologica, ex præmissis revelatis per ratiocinium illata. Sed pro ut est propositio revelata immediate a Deo, est verum dogma, quod negantes Monothelitæ hæretici reputati sunt. advertendum est quod theologica conclusio certa debet esse & evidens: si enim probabilis duntaxat foret, nec ad fidem tunc, nec ad scientiam Theologicam pertineret. duo supponit dogma fidei, nempe quod sit a Deo revelatum, & quod ab Ecclesiâ nobis proponatur ut aliquid divinitus revelatum; est enim solius Ecclesiæ determinare quandam sint vere revelata: motivum fidei nostræ, seu ratio assensus quem dogmati præbimus est revelatio: medium vero quo de
reve-

revelatione nobis constat, est Ecclesie definitio; & hæc duo in conclusione theologia non reperiuntur. Huic cum assentimur, motuum assensus est illius cum revelatione connexio; medium vero est ipsa ratio. quæ duo sunt accurate observanda, ne aliquando ut propositio de fide defendatur, illa quæ dumtaxat connectitur cum propositionibus revelatis, & ex illis per discursum inferatur.

Ad gradum certitudinis Theologicarum conclusionum quod spectas, sint ne certiores conclusionibus aliarum disciplinarum quæ ratione aut evidentia fulciuntur, in eo difficultas nulla potest reperiri: inter certum enim & certum non reperitur magis & minus, nisi ad motivi dignitatem attenderes. certitudo conclusionum Theologicarum sicut aliarum disciplinarum conclusionum certitudo, eodem nititur fundamento proximo & remoto: in ipsa siquidem Dei summa veracitate, summaque ejus bonitate utraque fundatur; & rationis universalis, seu evidentia generalis, non minus est auctor Deus bonus & verax, quam revelationis. unde inter utriusque ordinis conclusiones quantum ad certitudinem, gradantis comparatio gratis & otiose statueretur. quæcumque certitudo, modo sit vera, est interior animi affectio, quæ rei propositæ absque ulla habitatione assentimur. ubi ergo nulla est habitatione, sive in revelatione, sive in evidentia immediate fundetur ille assensus, eundem reperiri certitudinis gradum videtur indubitatum. omnibus scientiis naturalibus digniorem esse Theologiam fatebitur omnis qui in memoriam revocabit disciplinarum dignitatem desumi ex earum objecto & fine. Theologiae objectum est Deus cognoscendus mediante lumine fidei: Deus possidendus in æterna felicitate est illius finis. alias ergo scientias dignitate superat Theologica disciplina.

DE LOCIS THEOLOGICIS.

Loci Theologici qui sunt veluti armamentaria, e quibus eruntur momenta quibus ad conclusionum suarum probationem & confirmationem nititur Theologia, decem vulgo numerantur. de his erudita methodo late scripsit ante omnes alios Melchior Canus e Dominicanorum familia, insignis Theologus, Canariæ Episcopus. sunt autem illi, auctoritas Sacra Scriptura, Traditionis, Ecclesie, Conciliorum, Apostolica Sedis, Romanorumque Pontificum, Sanctorum Patrum, Theologorum, Rationis, Philosophorum, Historicorum. generalem de illis notionem hic subministrare satis erit; quæ si brevior quibusdam videatur, opus eximium de locis Theologicis memorati præfatis adeant.

DE SACRA SCRIPTURA.

Cuicumque auctoritati in rebus Theologicis præire Sacram Scripturam solus non Christianus negabit. est autem Scriptura Sacra verbum Dei revelationem ab hominibus inspiratis, in libris quos Canonicos vocamus scriptum. de illa loquens Apostolus epist. 2. ad Timoth. cap. 3. dicit quod omnis Scriptura divinitus inspirata utilis est ad docendum, &c. & epist. 2. divi Petri cap. 1. habetur, Spiritu Sancto inspirati locuti sunt Sancti Dei homines. Libri autem

tem illi ideo dicantur canonici, tam quia fidei nostra continent regulam, tum quia in pluribus Ecclesiæ canonibus illorum series continetur. canon enim vox Græca est regulam significans: unde fides nostra, nostrique mores dirigi debent juxta Sacrorum Canonum Sanctiones & Decreta, a quibus si devient, nec fides erit recta, nec mores sancti dicentur.

Sacram Scripturam dividi in Vetus Testamentum ante adventum Christi Scriptum, & Novum Testamentum post ipsius mortem ac resurrectionem eodem saculo conscriptum, omnibus notum est. illi omnes libri quos Scripturarum Canon complectitur sunt vel legales, vel historici, vel sapientiales, vel prophetales. legales sunt in testamento veteri, quinque libri Moysi, qui uno græco nomine Pentateuchus dicuntur, videlicet Genesis, Exodus, Leviticus, Numeri, Deuteronomium; in novo quatuor Evangelia, Matthæi, Marci, Luca, Joannis. Historici in Veteri Testamento sunt libri Josue, Judicum, Ruth, quatuor Regum, duo Paralipomenon, duo Esdræ, Tobie, Judith, Esther, Job, & duo Machabæorum; in novo testamento Acta Apostolorum. Sapientiales in testamento veteri sunt Psalmi, Proverbia, Ecclesiastes, Canticum Canticorum, Sapientia, Ecclesiasticus; in novo quatuordecim Epistolæ Pauli Apostoli, scilicet ad Romanos; duæ ad Corinthios; ad Galatas; ad Ephesos; ad Philippenses; ad Colossenses; duæ ad Thessalonicenses; duæ ad Timotheum; ad Titum; ad Philemonem; ad Hebræos. Petri Apostoli duæ; Joannis Apostoli tres; Jacobi Apostoli una; & Juda Apostoli una. Libri tandem prophetales sunt in Veteri Testamento quatuor propheta majores, videlicet Isaias, Jeremias cum Baruch, Ezechiel, Daniel; duodecim minores scilicet, Osee, Joel, Amos, Abdias, Jonas, Michas, Nabum, Habacuc, Sophonias, Aggeus, Zacharias, Malachias; in novo autem Apocalypsis Joannis Apostoli.

Duplex est Sacra Scriptura sensus, litteralis, qui vocibus ipsis prout sonant exprimitur; Mysticus, qui non ipsis verbis, sed rebus per verba significatis indicatur. Sensus litteralis, alius est proprius, alius est metaphoricus: sensus proprius est ille quem verba simpliciter accepta præferunt; metaphoricus vero est ille quem ex verbis improprie usurpatis, seu a re propria ad rem non propriam translatis habemus. Sensus Mysticus est, vel Allegoricus, vel Tropologicus, vel Anagogicus: per allegoriam quæ sub lege veteri sunt gesta, adumbrant ea quæ futura erant sub novo Testamento. ad morum informationem pertinet Tropologia. quæ de temporali veteris populi statu scripta sunt, per Analogiam de alterius vitæ felicitate & Ecclesiæ triumphanti intelliguntur. quæ gesta sunt indicat sensus litteralis: quæ sunt credenda docet allegoricus: quæ nobis sint agenda testatur moralis: quo tandem pergere debeamus ostendit anagogicus.

Ex solo sensu litterali certa argumenta ducet Theologus, utque de hujusmodi sensu inter sanctos Patres & Doctores non controversetur opus est. Si enim ambiguus sit Scripturæ locus, & ab illis diversimode intelligatur, ex isto probabile duxerunt, non vero certum desumetur argumentum. mysticus sensus cum juxta uniuscujusque ingenium aut pietatem cudatur, sufficiens non est argumenti fundamentum, nisi ab Ecclesiâ ille sensus proponeretur, vel ejusdem Scriptu-

ra auctoritate fulciretur, vel ex ipsa textus serie necessario colligeretur, vel de ipso per traditionem constaret, ad veritatis confirmationem valet sensus mysticus qui est necessarius, minime vero dum sensus ille est mere arbitrarius.

Brevissimam hic Sacra Scriptura atteximus notionem, quacumque ad illam spectant ex prolesso alitiquando tractaturi. interea consulantur auctores non pauci, qui in prolegomenis Theologia diutius immorantes, copiosius de Scripturis Sacris egerunt. magna cum nos maneat dicendorum seges, in ipso Theologia limine diu siteri gradum non juvat, satis pro nunc egisse arbitramur, si candidatos monuerimus, ut Sacrarum Scripturarum lectionem summo & precipuo loco semper habeant.

DE TRADITIONE.

Traditio divina ex qua Theologia argumentatur suas probando Conclusiones, est Dei verbum a Sacris Auctoribus non scriptum, sed viva vocis oraculo ad nos transmissum, ejusdem cum Verbo Dei scripto auctoritatis. Scriptum enim sit Dei Verbum vel non sit scriptum, modo constat illud esse Dei Verbum, eandem ex parte hominum postulat reverentiam, & non dissimili polles auctoritate. de illo loquebatur Apostolus epist. 2. ad Thessal. cap. 2. dicens, stete & tenete traditiones quas didicistis sive per sermonem, sive per epistolam nostram. præter traditiones divinas quæ nihil aliud sunt quam ipsa Dei jussa tum Patriarchis, tum Prophetis, tum Apostolis a Deo & a Christo credita, scriptis non consignata, aliæ sunt Apostolica traditiones, aliæ ecclesiasticæ. Apostolica sunt quædam leges quas edidisse creduntur Apostoli, & si inter eas quæ in scriptis reliquerunt non reperiantur. ad illas attendens S. Augustinus lib. 3. contra Donatistas cap. 3. sic loquebatur regulam ab omnibus servandam statuens: quod universa tenet Ecclesia, nec conciliis institutum, sed semper retentum est, nonnisi auctoritate Apostolica traditum rectissime creditur. Ecclesiastica sunt consuetudines quædam a primis Ecclesie pastoribus, vel ab ipsis fidelibus inductæ, quæ licet non scriptæ, vim tamen legis obtinent. Harum omnium traditionum testes sunt Sancti Patres qui singulis ætatibus floruerunt, unusquisque enim eorum refert quid suo tempore sentiret, quid observaret Ecclesia. illarum præterea extant vestigia, vel certa argumenta in Conciliis, in libris liturgicis, aliisque ejusmodi antiquitatis Ecclesiasticæ monumentis. Hinc divina providentia quæ religioni præsertim invigilat tantum est ne interire aut depravari potuerint illa traditiones, quarum vim ac necessitatem perpetuo agnoverunt Patres & Concilia, imo & ipsi Hæretici qui illas parvipendere se professentur, & multa credunt, multa observant, quæ nonnisi traditione tenemus.

Quæpiura eorum quæ a Christo Domino tum ante mortem, tum post resurrectionem per dies quadraginta qui ipse in cælum Ascensionem præcessere, edocti sunt Apostoli ad Ecclesiam Christianam regimen, minime ab ipsis conscripta, ad nostra usque tempora traditione pervenere. Hac ab Apostolis acceperunt qui per civitates sunt ab ipsis Episcopi constituti: illi rursus docuerunt alios sibi successuros, a quibus alii docti similiter sunt & ordinati: sicque custoditum huc usque

que est in Ecclesia verbi Dei depositum, ad finem usque temporum in illa, & ab illa custodiendum. unde lib. 2. contra Julianum cap. 10. Num. 34. dicebat Augustinus Patres quod invenerunt in Ecclesia, tenuerunt; quod didicerunt, docuerunt; quod a Patribus acceperunt, hoc filiis tradiderunt. Neque enim ex Scripturis peti possunt omnia, inquit S. Epiphanius, adversus Apostolicos Num. 6. ideo alia scripto, traditione alia Sanctissimi Apostoli reliquerunt: quod ipsum ita Paulus affirmat: quemadmodum tradidi vobis, ad traditionis vim & usum attendens S. Hieronymus adversus Luciferianos sic loquebatur. etiam si Scripturæ auctoritas non subesset, totius orbis... consensus instar præcepti obtineret. Nam & multa alia quæ per traditionem in Ecclesiis observantur, auctoritatem sibi Scripturæ legis usurpaverunt. quot & quanta sint consuetudines ab Ecclesia receptæ ad dogmata & ad mores ordinem dicentes, quæ scripto prodita non sunt, & in sola traditione fundantur, recenset ex parte lib. de Spiritu Sancto cap. 27. S. Basilius, addens quod desiceret ipsum dies, si Ecclesiæ Mystéria citra scriptum tradita pergeret recensere: quod ad traditionem commendandam satis est.

Ad ipsam Scripturarum Sanctarum intelligentiam traditione utitur Ecclesia: tum ut intelligatur qui sint libri vere Canonici, tum ut habeatur legitimus Scripturarum sensus. Neque enim libros alios recipit ecclesia in Canonicarum Scripturarum numerum, quam quas ab Apostolis mansisse certa traditione novit. Nec illas sacras explicat Scripturas, nisi juxta eum sensum quem constanter tenuit Ecclesia. quanto ergo cum studio majores debet interrogare Theologus ut noverit quod ubique, quod semper, quod ab omnibus creditum est, ut id tenent universitatem, antiquitatem, consensionem sequatur, quis non videt? de Theologi nomine falso gloriaretur, qui etsi multa volumina pervolvens quæ traditionis sunt, sollicite non investigaret. Huic merito hæc Apostoli verba Habr. cap. 5. ascriberentur: cum deberetis magistri esse propter tempus, rursus indigetis ut vos doceamini, quæ sint elementa Exordii Sermonum Dei.

DE ECCLESIA.

Ecclēsiā Christianā esse Societatem fidelium, qui cōsulantur unius fidei professione, eorundem Sacramentorum participatione, ejusdem spei vinculo, sub auctoritate legitimorum Pastorum, quorum Caput visibile est Summus Pontifex Romanus Episcopus, Petri Apostoli successor, Christi in terris Vicarius, solus Hæretici inficiaretur. Hæc autem cum sit columna & firmamentum veritatis, falli nescia ut a Spiritu Sancto perpetuo edocēta & directā, supremam habet in dirimendis fidei controversiis auctoritatem, illiusque judicium utpote infallibile, ejusve tribunal ex eo quod legitimum sit, nequit declinare quicumque Catholicus, dum de rebus fidei, aut morum regulis agitur. omnis enim qui Ecclesiam non audit, sicut Ethnicus & Publicanus nobis esse debet, ex ipso Christi verbo. ex eo ergo quod Ecclesia aliquid in fidei dogma definiendo & suscipiendo nullatenus possit errare, neque proinde errando desicere, ut sape sapius a primis Religionis Christianæ temporibus adversus Hæreticos ostensum est causam

sum agentibus sanctis Patribus & controversistis, utque, ubi de Christi Ecclesia ex professo, abunde probamus contra recentiores a vii etherodoxos, sequitur Ecclesia decretis, velut Dei oraculis nobis esse acquiescendum. quod dixisse satis est ut dignoscatur, quam grave argumentum ex Ecclesia definitionibus desumat Theologus in iis omnibus quæ ad fidem vel ad mores pertinent, pro suis assertionibus stabiendis & defendendis.

DE CONCILIIS.

UT fidei depositum custodiat, & profana vitentur vocum novitates Episcopi invigilantes, cum insurgentes controversias in rebus fidei dirimere suo iudicio non potuere soli, ob nimiam contradicentium multitudinem vel factionem, atque etiam ob controversiarum gravitatem, totiusque Ecclesia exigentiam, in unum concenerunt, modo generalibus in comitiis, modo in particularibus congressibus, tum nationalibus, tum provincialibus, pro ut Christiana Republica bonum exposcebat. illis in Spiritu Sancto congregatis, per se vel per suos Legatos præsentante Summo Pontifice, ad quem de jure spectat Conciliorum tum convocatio, tum approbatio, quicquid ab Episcopis ab eodem Spiritu Sancto positis regere Ecclesiam Dei, quibusve solis de jure iis in conventibus sedere ut iudicium ferant datum est, in causis fidei & morum ut dogma; vel dogmati necessario connexum, fuit definitum, ut ipsius divinitatis oraculum a quibuscumque Christianis ubique gentium acceptum est, ac tanquam infallibile & irrefragabile Ecclesia iudicium vel decretum ab omni non hæretico observatum. quod de Conciliis Oecumenicis & Generalibus, universam Ecclesiam representantibus, simpliciter verum est: & de Conciliis particularibus, dum ipsi accedat Ecclesia totius consensus, cui, sive sit per orbem diffusa, sive sit legitime congregata, infallibilitatis privilegium nunquam de futura divinitus concessum est, similiter est intelligendum.

Conciliorum quæ huc usque in Ecclesia habita sunt, vel ad finem usque sunt habenda, norma extitit Concilium quod Jerosolymis habuerunt Apostoli, ut dirimerent subortas quæstiones graves inter conversos ex Judæis, vel ex gentibus fideles, de quo Actuum cap. 15. etsi absolute necessaria non sint Concilia, cum Ecclesia dispersa non minus sit infallibilis quam Congregata, & multa hæreses, e gravioribus etiam, absque Conciliorum convocacione fuerint proscriptæ, ut jam sua ætate observabat magnum Ecclesia Africana lumen Augustinus, necessaria interdum esse possunt, ob maximam quæ in Ecclesiam universam redundat utilitatem, ut norunt qui in Ecclesiastica historia Lectione versati sunt: estque Concilium medium ordinarium definiendis fidei controversiis accommodatum, potissimum ut dissidentium querimoniis obvietur; illoque congruo medio non uti esset aliquando periculosum, quo usi sunt Apostoli, controversiam de legalibus Antiochia exortam absque Concilio definire volentes. Nullibi melius fides universalis Ecclesia solet apertius explicari, vel splendidius eminare, aut securius predicari, quam in compendio universalis Ecclesia, quæ Conciliis generalibus representatur, aiebat sæculo proxime elapso Petrus de Marca, inter celebres Ecclæ.

Ecclesia Gallicana Episcopos non ultimus. cetera qua ad Concilia spectant suo loco, suoque tempore dicentur.

DE SUMMO PONTIFICE.

Maximam quocumque tempore extitisse Sedis Apostolicae, seu Ecclesia Romanae, Summici Pontificis auctoritatem pro dirimendis fidei controversiis, litibusve inter ipsos diversarum Ecclesiarum Episcopos exortis, nulla pars orbis ignorat. idque prima Sedis dignitati debebatur honoris, ob Divi Petri Episcopatum, qui petra est aeternum duratura, super quam Ecclesiam suam Christus aedificavit, ut majores cause ad illam referrentur, ac illius fides & traditio ceteris Ecclesiis tamquam forma atque regula proponeretur. Hinc factum est quod primis Christianitatis diebus, sicut & in temporum decursu, sanctiores, nec non doctiores Episcopi Romam mitterent, de gravissimis circa Religionem negotiis ad Summum Pontificem scribentes, nihil in magni momenti disputationibus definire volentes Romana Sede inconsulta. & merito quidem, cum Romanus Antistes in ea sit collocatus cathedra, quæ non solum unitatis centrum est, sed ad quam in rebus dubiis velut ad veritatis oraculum qui non vult errare, confugere debeat, ut in Epistola ad Alexandrum VII. loquebatur doctissimus Godeus inter ejusdem Gallia præfules nulli secundus. Nam ut verbis Cæsarii Arelatenus utar, inquebat idem Episcopus Summum Pontificem velut alloquens, sicut a persona Beati Petri Episcopatus sumit initium, ita necesse est ut disciplinis competentibus Sanctitas vestra singulis Ecclesiis, quid agere debeant, evidenter ostendat. Hac ducti ratione, veraque erga Petri Cathedram & Ecclesiam principalem unde unitas Sacerdotalis exorta est, moti reverentia Africani præfules, tam Carthagenensis Provincie quam Numidie, damnata ab ipsis Pelagii ac Cælestii doctrina, acta illorum Conciliorum ad Innocentium Papam miserunt, ut ipsorum judicium Sedis Apostolica auctoritate firmaretur; utque comparata Ecclesiarum Africa traditione cum Romana Ecclesia traditione, a Summo Pontifice probatum haberent, utrum rivulus ille Africanus, licet exiguus, ex eodem quo etiam illius abundans emanaret capite fluenteretur. Erat autem prioribus sæculis solemnissimum adeo, usitatusque recursus ad summum Pontificem & Sedem Apostolicam, ut ipsi Hæretici & Schismatici ad eam confugerent, schismatis vel hæresis ignominiam vitaturi si cum Ecclesia Romana consentirent. unde contra Novatianorum aliorumque hujusmodi infidias præmunire volens Sanctum Cornelium Papam Sanctus Cyprianus; ipsum Ep. 55. vel 59. sic alloquebatur: Navigare audent & ad Petri Cathedram, atque ad Ecclesiam principalem, unde unitas Sacerdotalis exorta est, a Schismaticis & prophanis litteras ferre. His positis, facile intelligitur Romanum Pontificem supremam præ reliquis sigillatim in universa Ecclesia esse auctoritatis: atque adeo Sancta Sedis Decreta summo ab omnibus honore esse excipienda; nec ulli contra ea que semel pronuntiavit Summus Pontifex sentire licitum esse, multo minus eas determinationis contrarium dogmatizare, ut loquitur Ger-
son Academia Parisiensis Cancellarius, nisi manifesta appareret ratio repugnandi,

di, quibus vero in casibus illud evenire possit, presentis instituti non est investigare. pro nunc advertisse sufficit maximam in universa Ecclesia praeter ceteris auctoritatem habere summorum Pontificum Constitutiones, utpote quae emittantur ab ea Sede quae aliarum mater est & caput: unde ex illis non leve inferat argumentum Theologia, etsi non omnino certum ac necessarium a quampluribus reputetur.

DE SANCTIS PATRIBUS.

EX Sanctis Patribus in aliquo asserendo quod ad fidem vel ad morum regulas spectet inter se convenientibus infallibilis & irrefragabilis auctoritatis argumentum elici quis non fatetur? tunc enim ad locum traditionis cuius testes illi sunt reducitur, proindeque non verum esse non potest dogma quod defendunt, aut tenent in cunctis Christiani Orbis regionibus hac Ecclesiae lumina, quae ut suos Patres, suosque Doctores habere illa gloriatur. verum hi seorsim si sumantur, magna licet ipsis debeatur reverentia, ejusdem non sunt auctoritatis, & ex eorum verbis & scriptis non nisi probabiliter argumentatur Theologus, cuius majoris vel minoris probabilitatis argumentum efficitur juxta gradum quem ii respective in Ecclesia obtinent. Sunt enim nonnulli inter Sanctos Doctores, primas in quibusdam materiis habentes, ut Athanasius & Hilarius circa Trinitatem, Leo circa incarnationis mysterium, Hieronymus circa expositionem Scripturarum, Augustinus pro arcanis Divinae gratiae ac praedestinationis, qui harum veritatum intelligentia singulari videntur illustrati; unde iis in quaestionibus sunt aliis Doctoribus anteposendi, nisi ceteri omnes, vel etiam major eorum pars illorum sententiae adversarentur. ad ea autem quae fidei non sunt, sed ad humanas pertinent disciplinas, eadem non gaudent auctoritate Sancti Doctores, etsi concordantes inter se inveniantur, cum hujusmodi quaestiones ordinem ad revelationem non dicant, sicque circa eas traditio divina minima versetur. non tamen etiam in iis rebus non est parvi faciendus illorum consensus, quos scientiarum humanarum peritos fuisse eorum scripta vel dicta testantur. Si autem aliquis eorum videretur in quibusdam a veritate desistere, aut duriora essent illius verba quam ut possint in bonam partem explicari, ab ejus sententia ut par est recedendo, debitus illi honor servandus tamen est, ac de illo semper est modeste loquendum. Neque enim sol ex eo quod quasdam patitur oculis, desinit esse luminare majus quod est.

DE THEOLOGIS SCHOLASTICIS.

Cum juxta vulgare effatum unicuique sit de propria arte credendum, quis temeritatis non damnaretur concordem Doctorum Scholasticorum sententiam respiciens? a Scholasticis Doctoribus instruitur ac defenditur Christi Ecclesia, quae quinque aut sex abhinc saeculis illos habet, ceteris paribus, loco Sanctorum Patrum: unde merito huic accommodari possunt haec Psalmistae verba, pro patribus tuis nati sunt tibi filii. Nec aliud in Ecclesia docent bodierni Theologi, si in
globo

globo & simul considerentur, præter id quod ab ipsis priorum sæculorum Patri-
bus ac Magistris docti sunt: quare si illi omnes errarent, ipsa Ecclesia in er-
rorem laberetur, quod profus est impossibile. validum ergo elicitur argumen-
tum in rebus fidei & morum ex communi Theologorum consensu. Si vero non
sint inter se concordēs, & majori illorum numero aliqui non mediocri note
contradicant, utramque opinionem probabili donari fundamento id signum erit,
proindeque nihil certi circa propositam quæstionem posse determinari. tuncque ad
vim rationum quibus utriusque partis Theologi fulciuntur erit attendendum, &
standum iis qui Sanctorum Patrum dictis propius adhaerebunt. Neque enim au-
thoritatem facere Theologos aliquis arbitrabitur, nisi ex valida ratione
ipsi loquantur: atque etiam Doctor inter alios celebratissimus secluso argumen-
torum pondere parum audiet, aliis, etiam minus celebratis, ob gravia momen-
ta oppositum defendentibus. quæ omnia sunt metienda juxta ea quæ olim dixi-
mus dum de opinionum probabilitate extrinseca ageremus.

DE RATIONE NATURALI.

IN rebus quæ sunt Religionis & fidei humana ductu rationis agi, modo pru-
dentia regulis consulatur, nemo illicitum esse prædicabit. iis in circumstan-
tiis rationi naturali valedicere, vel illam solummodo seclusa auctoritate au-
dire, non minoris videtur esse periculi. in quæstionibus ad fidem spectantibus
servanda sunt rationi sua jura. non eo sensu quod rationi humane subiaceat
fides, de qua judicium ferre præsumat, ut consentiant Sociniani, quidquid ratio-
ni aut testimonio sensuum minus consentaneum videtur a religione procul aman-
dantes, sed in quantum per eam explicantur & elucidantur ea fidei capita,
quæ nonnisi per ratiocinium ex primævis revelationis fontibus hauriuntur. et-
iam dum de religione tractatur, homines agere debent ut homines sunt; nihil
quod recta rationi vere adversetur, ut de fide tenendum ipsis proponi pro cer-
to habentes. quot modis, quot in casibus rationis naturalis usum adhibuerint in
difficilioribus explicandis fidei mysteriis sancti Patres, atque etiam Auctores Sa-
cri, notum est adeo, ut de iis longius disserere sit penitus superfluum.

DE PHILOSOPHIS.

Philosophorum auctoritatem inter locos Theologicos non difficulter annu-
merabit quisquis attendat iis aliquando usos fuisse Sacros Scriptores, ipsosque
sæpe sapies a Sanctis Patribus in testimonium fuisse vocatos. quot enim sunt
quæstiones, quot Theologica dogmata quæ philosophicis quæstionibus connectun-
tur, ut Dei providentia, atque etiam ejus existentia, animæ rationalis im-
mortalitas, aliæque non pauca, quæ ex communi consensu philosophorum non
levem gradum certitudinis habent? ex illorum sententiis igitur probabiliter ar-
gumentabitur Theologus, dum hujusmodi placitis plus æquo non tribuens, in iis
rebus in quibus a veritate non desistunt, eorum rationibus utitur juxta rerum
exigentiam. quis enim vanum, aut imprudens reputaret illos audire, illos sequi
qui

qui intimam naturæ vim explicarunt, ipsamque rationis humanæ vocem altius sunt rimati, & in multis rebus viam fidei præparasse prædicari possunt? eorum tamen argumentis nulla exurgit certitudo, quæ certitudini fidei valeat æquari.

DE HISTORICIS.

Multum in rebus Theologicis Historicis juvare, quandoque etiam esse humanas historias absolute necessarias, potissimum in iis quæ ad Chronologiam spectant, certum ita est ut nihil magis. quod ut manifestum fiat satis erit si dicamus, ipsos sacrorum Librorum auctores sæpe ad historiam remittere, & in ipsis non pauca reperiri quæ sine perfectâ historia notitia nequeunt intelligi, ut sæpe sapiens experti sunt qui rationes temporum accuratius sunt perscrutati. non solum Ecclesiastica historia Theologo est necessaria ut Hæreticis sese opponat: sed etiam multis in casibus historia profana, ne ex ipsis ignorantia multa falsa & sibi adversantis tuenda suscipiat. ex historiis autem humanis eo fortius elicitur argumentum, quo illa majoris erunt auctoritatis. ejusmodi autem esse reputabuntur juxta auctorum gravitatem & sinceritatem, præsertim si ea scripserint quorum testes fuerunt, vel quæ scripserunt acceperint ab hominibus fide dignis, qui ea narraverint quæ ipsi viderunt vel audierunt, & in quibus ab aliis vel a se ipsis decipi minime potuerunt.

De auctoritate Sancti Augustini in rebus Prædestinationis & Gratiæ.

Sanctum Augustinum Ecclesiæ Hipponensis Antistitem inter ceteros Catholicæ Christi Ecclesiæ Patres & Doctores velut fulgidissimum Solem inter Stellarum splendescentem, secretiora divinæ gratiæ mysteria, occultioraque Prædestinationis arcana, aliis Doctores altius fuisse rimatum, nemo nisi omnimode indoctus ignorat. perdifficiles & intricatas hujusmodi quæstiones adversus hæreticorum, Pelagianorum potissimum, versutias & cavillationes subtiliter adeo ac feliciter ab ipso pertractatas, ut Augustini doctrinam circa easdem, suam fecerit Sancta Romana Ecclesiæ, veram ac perpetuam suam fidem in ejusdem scriptis recognoscens, cui veritatis, amico compertum non est? Hunc pro gratia Christi validissime contra pervicaces illius hostes dimicantem demiratus Sanctus Hieronymus, epist. 195. ad ipsum Augustinum, his alloquebatur verbis: Macte virtute: in orbe celebraris. Catholici te conditorem antiquæ rursus fidei venerantur, atque suspiciunt, & quod signum majoris gloriæ est, omnes hæretici detestantur. in dirimendis ergo quibuscumque controversiis, quæ circa gratiæ necessitatem, gratuitatem, efficaciam, & naturam, inter Theologos sapissime moventur, summa gaudere auctoritate Hipponensem, eumque præ ceteris Doctores esse audiendum; nec non ubi de hominum prædestinatione ac reprobatione, aliisque ad illam ordinem habentibus quæstionibus, adeo ut quæ ipsa de iis recte dixeris, sint ab omnibus, tamquam certissimum quid, indubitanter suscipienda, consensus in eo est omnium.

Et

Et merito quidem, cum contra inimicos gratia Dei catholica acies istius viri ductu pugnaueris semper & uiceris, eosdem, quotiescumque aduersus illos dimicaueris, Augustino pro illa & cum illa incessanter pugnante, baud dubie superatura. Non igitur mirum, quod praestantissimum hunc Doctorem summis laudibus celebraverint Summi Pontifices, ipsius doctrinam ita approbantes, ut in explicandis praecipuis catholicae fidei capitibus, potissimum si de gratia Christi aliquantulum agatur, nullus sit qui suum non velit esse Augustinum; quique adeo non formidet ab ipso discordare, ut etiam si ab illius recedat sententia, eloquium nihilominus & orationem ab illo velit mutuari. Hunc pro merito extollens Cælestinus Papa in epistola ad Gallos, eum dicit pro magistro optimo a Romana Ecclesia semper fuisse habitum, nec umquam finis suspicionis saltem rumore aspersum; eosque coercendos esse vult, qui Augustino obstrictantes, ipsius de praedestinatione doctrinam reprebendebant, illum in dicendo modum excessisse cauumniantes: talique dicentibus resistendum pronuntiat.

Sanctus Leo, nondum conquescente Gallorum factione, quadam capitula de gratia & libero arbitrio, ex libris Augustini verbatim decerpit, misit ad Concilium Arausicum, ab Episcopis illis recipienda & subscribenda, ut etiam factum est. Et Papa Gelasius in Concilio Septuaginta Episcoporum, nedum probavit omnia scripta Sancti Augustini, ut optime observat Bellarminus, sed etiam ipsi aduersos Joannis Cassiani & Fausti Rhegiensis libellos damnauit. Hinc Clemens Octauus totam disputationem in Congregationibus de Auxiliis ad normam doctrinae Sancti Augustini adstringendam iudicauit. non enim aequum ipsi videbatur, ut quum in Ecclesia praedecessores ejus non pauci, quasi haereditaria jure voluerant relinqui doctrinam, pateretur illam hac quasi haereditate privari. & reapse fere omnes Summi Pontifices religioni duxisse videntur quod illa saepe Augustini doctrina remaneret. unde dicebat apud Morinum Innocentius X. ubi est Sanctus Augustinus, ibi est Ecclesia. quanti fecerint Augustinum Sancti Doctores qui ab ipsis diebus ad nos usque vixere, nec non sacrosancta Ecclesiae Concilia, recensere esset superfluum, cum neminem possit latere. illius ergo doctrina quod incessanter in iis quae conscripturi sumus adhaereamus, praesertim de scientia & voluntate Dei, de Praedestinatione aut reprobatione, de gratia Christi, hominisque libertate tractaturi, ab omnibus in veritate ambulantibus probabitur. Summa cum reverentia cunctos Ecclesiae Patres, Sanctosque Doctores perpetuo excipimus: ad Augustinum magistrum diligentius in omnibus habebimus, ab ejus mente, vel in minoris momenti questionibus, aliquando recedere nefas arbitantes. Hunc enim, Martino V. docente, tanta fuisse scientia novimus, ut nihil pene ex Scripturis Sacris possit, nisi eo duce intelligi; nihil nisi eo interprete explicari: & unus postremo omnium Patrum sapientumque ingenia, ac studia exhibeat. utinam quem in discendo ductorem lati suscipimus, nobis in agendo ita sit exemplo, ut apud Deum, verum & efficacem hunc habeamus intercessorem!

I N D E X

SECTIONUM AC QUÆSTIONUM

Quæ in hoc Volumine continentur.

A	Nteloquium.	Pag. III	Quæstio V. utrum Deus unicus sit,	44
	De unitate, necessitate, ac certitudine Theologiæ.	IV	Affertio. Deus ita necessario est unus ut plures esse Deos repugnet.	45
	De Locis Theologicis.	VIII	Solutio objectionum.	47
	De Sacra Scriptura.	ibid.	Corollarium.	53
	De Traditione.	X	Quæstio VI. Quænam sit ratio constituti- va divinæ essentia.	55
	De Ecclesia.	XI	Affertio I. Neque per cumulum ac congre- riem perfectionum, neque per intelle- ctionem, neque per infinitatem formaliter constituitur divina essentia.	56
	De Summo Pontifice.	XII	Affertio II. in affectate seu Independentia totali reponenda est Dei existentia.	58
	De Sanctis Patribus.	XIII	Conclusio Sectionis.	62
	De Theologis Scholasticis.	XIV	Sectio Secundæ de distinctione quæ admit- ti debet inter divina attributa & essen- tiam divinam.	63
	De ratione naturali.	ibid.	Quæstio I. an & quomodo attributa divi- na tam inter se, quam comparate ad essentiam distinguantur.	ibid.
	De Philosophis.	XV	Affertio I. inter divinam essentiam & at- tributa, tam absoluta, quam relativa, & inter attributa absoluta secum colla- ta, admitti nequit salva fide distinctio realis, sive major dicatur sive minor.	65
	De Historicis.	XVI	Affertio II. inter attributa divina, sive ab- soluta, sive relativa & essentiam divi- nam, nec non inter attributa abso- luta secum collata, admitrenda est Sco- tica formalis distinctio, etque prorsus insufficiens virtualis distinctio, quam ra- tionis ratiocinantis vocant Thomistæ.	68
	De auctoritate Sancti Augustini in rebus prædestinationis & gratiæ.	ibid.	Solutio objectionum.	77
	Sectio prima de existentia Dei, ejusque essentia.	2	De insufficientia distinctionis tam virtualis, quam rationis.	96
	Quæstio I. an propositio Deum existentem prædicans sit per se nota.	ibid.	Appendix Sententiæ Doctoris Subtilis circa distinctionem formalem.	102
	Quæstio II. an impressam a natura existen- tia Dei ideam aut cognitionem in nobis ipsis ab obtu feramus.	9	Quæstio II. Quid erraverint Anomæi, Gil- bertus Porretanus, alique circa distin- ctionem quæ reperitur essentiam divinam inter & attributa.	109
	Affertio. Extrat in nobis lumen aliquod a natura, cujus ducta existere Deum re- rum omnium creatorem, ac gubernatorem ita invicte cognoscimus, ut ex illo ve- re demonstretur Dei existentia.	10	Affertio. Etsi perplexa satis esset doctri- na Gilberti de distinctione quam in divinis admittebat, realem tamen distinctio- nem quam certum est ipsum admisisse inter essentiam divinam & attributa re- lativa, cum pariter admisisse tam inter quæ-	11
	Solutio objectionum.	14		
	Quæstio III. an possit demonstrari, & qui- bus argumentis demonstretur Dei existen- tia.	20		
	Affertio. Multiplici argumentorum genere invicte demonstratur Dei existentia.	21		
	Primum argumentum petitum ex ente ne- cessario.	ibid.		
	Secundum argumentum ex mundi structura ejusque gubernatione.	24		
	Tertium argumentum petitum ex omnium populorum circa Dei existentiam con- sensu.	29		
	Solutio objectionum.	34		
	Quæstio IV. utrum ad fidem pertineat Dei existentia.	41		
	Affertio. Ab omnibus & singulis homini- bus fide divina credenda est Dei exis- tentia.	42		

SECTIONUM AC QUÆSTIONUM. XIX

quolibet attributa & essentialia, quam inter attributa ipsa, sive absoluta sive relativa, probabilis videtur. 108

Quæstio III. in quo præcise differentia de distinctione quæ in divinis reperitur, tum secundum Thomistas, tum juxta Scotistas sit referenda. 114

Assertio. Distinctionem rationis ratiocinatae D. Thomæ inter & distinctionem formalem Scoti, nihil interest discriminis præter phrasim: utriusque Doctoris enim, Angelici & Subtilis, opiniones sermone licet dissonæ, in re tamen penitus congruunt; & quidquid est inveterati inter utramque Scholam ex hac parte dissidii, in utriusque Doctoris interpretes, verba præceptorum pro arbitrio interpretantes, videtur proflus refundendum. 123

Conclusio Sectionis. 129

Sectio tertia. De variis Dei attributis sigillatim spectatis. 131

Quæstio I. An & quo sensu Deus sit infinite perfectus. 135

Assertio I. Deum esse in omni genere perfectionum, infinitum ille solus iniciatur qui veram non habet supremi illius unicuique numinis ideam. 133

Assertio II. perfectiones simpliciter simplices esse divinum formaliter continet; perfectiones vero secundum quid simplices in illo eminenter vel virtute continentur. 136

Quæstio II. An Deus sit simplex & compositus. 137

Assertio I. unicam esse in rerum natura substantiam, Deumque unicum illum & universalem esse mundi substantiam, gratis & renitente ratione non minus quam fide impius fabulatur. 139

Assertio II. Deum ens simplicissimum, cuiuscumque compositionis physice expertem esse seu incorporeum fides simul & humana ratio testantur. 141

Solutio objectionum. 143

Assertio III. Neque etiam compositionem metaphysicam in Deo censemus admittendam, quem omnimodo simplicitate, quo soli Deo competere potest, gaudere ipsa distat ratio. 148

Quæstio III. An circa Dei incorporeitatem Melito Sardensis, Tertullianus, Audius, S. Epiphanius, Theophilus Alexandrinus in suspitionem merito venerint. 151

Assertio. Nec Melito, nec Tertullianus, nec Epiphanius, nec Theophilus, ab illorum qui Deo corpus physicum tribuunt, partibus steteret, etiam durius vel incautius

quidam fuerint locuti aut scripserint. *ibid.*

Quæstio IV. An Deus immutabilis sit & æternus. 163

Assertio. Immutabilitas & æternitas ita sunt Deo propriæ, ut ipse solus sit immutabilis & æternus. 164

Solutio objectionum. 166

Quæritur, an æternitas in Deo dicat durationem & successionem, sinque res omnes actualiter Deo præsentis atque æternitati eo existentes. 171

Quæstio V. Utrum Deus sit immensus. 173

Assertio. Deus qui vere est immensus, ubique per essentialiam suam ac substantiam est præsens; & ex ejus operatione in loco necessario colligitur ejus præsentia, quam omnibus rebus inesse, ac locis ex se postulat immensitas. 175

Solutio objectionum. 179

Quæritur, utrum dici possit Deum esse in loco, & quo sensu id sit intelligendum. 182

Quæritur, quid sentiendum sit de spatiis vulgo imaginariis, & utrum Deus dici possit in illis existere, eisque esse præsens. 183

Quæstio VI. De incomprehensibilitate & ineffabilitate Dei. 185

Assertio I. Deus vere est incomprehensibilis, adeoque ab intellectu creato, etiam cum auxilio supernaturali, plene & adæquate non potest cognosci. *ibid.*

Assertio II. Deus est absolute ineffabilis; & licet multis vocari possit nominibus summam ipsius perfectionem declarantibus, nullum tamen ex iis quibus vocatur nominibus, totalem & adequatam Dei ideam nobis præbere potest. 190

Quæstio VII. De veracitate, bonitate, justitia, misericordia, ac omnipotentia Dei: an vere in illo sint & quomodo. 194

Assertio I. Deus est summe verax, & ipse solus, adeoque nec fallere, nec falli potest. 195

Assertio II. Deus ita essentialiter bonus est, ut sit summum bonum, & quidquid boni habent entia creata, sit bonitatis divinæ participatio. *ibid.*

Assertio III. Deus ita essentialiter iustus est, ut in ipso formaliter sit plena perfectaque iustitia. 197

Assertio IV. Misericordiam, prout dicit voluntatem subveniendi alienæ miseriæ, esse formaliter in Deo certissimum est. 200

Assertio V. Deum vere & absolute omnipotentem esse sicut docet fides, ita distat ratio. estque illa Dei omnipotentia,

quæ a nullo retardari potest, supremæ ipsius voluntas exequens iuxta sapientiam suæ leges, & efficiens quicquid vult. **222**
 Conclusio Sectionis. **226**

Sectionis quarta de visibilitate Dei. **227**
 Quæstio I. Utrum Deus videri possit per corporis oculos, ac per eos sit aliquando visus vel videndus. **ibid.**

Assertio I. Deum per corporis oculos aliquando videri possibile non est. **228**

Assertio II. Per corporis oculos Deus a nemine unquam visus est, aut videbitur. **230.**

Solutio Objectionum. **ibid.**

Quæstio II. Quænam fuerit in præsentia materia vera mens Sancti Augustini. **234**

Assertio. Deum nec unquam fuisse visum aut videndum in propria natura per corporis oculos, nec posse aliquando videri constanter tenuit Sanctus Augustinus: ipsum vero in hac materia dubium quandoque hæsisse, nonnulli indocte fingi possunt. **ibid.**

Quæstio III. Utrum possit Deus ab homine intuitu videri. **234**

Assertio. Quæ creatio intellectui naturæ viribus possibilis non est intuitiva Dei visio, supernaturalis gratiæ adiutorio fit homini iusto possibilis: & rêvera Beatos omnes in cælo per æterna sæcula hæc esse fructuros iuxta Catholicæ fidei principia ab omnibus est credendum. **235**

Solutio Objectionum. **238**

Quæstio IV. Quænam fuerit mens S. Joannis Chrysostomi & Theodreti circa possibilitatem visionis Dei intuitivæ, quæve de illa utriusque doctrina. **234**

Assertio I. Intellectui creato cum supernaturali auxilio possibilem esse visionem Dei intuitivam constanter tenuisse S. Joannem Chrysostomum nemini negare licitum est. **235**

Assertio II. a communi Sanctorum Patrum doctrina minime recedens Theodoretus possibilitatem visionis comprehensivæ solummodo impugnavit, intuitivæ Dei visionis nedum possibilitatem, sed & existentiam, constanter tenens. **241**

Quæstio V. An ulli hominum in terris degenti concessa aliquando fuerit visio Dei intuitiva. **244**

Assertio. Nulli mortalium dum viveret, neque Moyse, neque Divo Paulo datum est, nec ad horum Deum clare ac intuitu videre. **245**

Solutio Objectionum. **250**

Quæritur quodnam serendum sit iudicium

de tot Sanctis utriusque sexus, qui Deum vidisse sicuti est, & cum eo familiariter fuisse consubulatos ab historicis narratur. **255**

Quæstio VI. Quibus & quando sit concedenda visio Dei intuitiva, utrumve mille annorum Regnum post Resurrectionem sit admittendum. **256**

Assertio I. Fictitium Christi cum sanctis suis mille annorum regnum super terram, quocumque sensu intelligatur, inter vanas anileque fabulas omni carentis fundamento, iuxta constantem ecclesiæ fidem, est computandum. **258**

Solutio objectionum. **261**

Assertio II. Justorum animæ, quæ & corporibus exeuntes nihil habent purgandum, ad supremam Cæli beatitudinem, claræque Dei visionem absque mora ætate admittendas tenet omnis catholice sentiens. **262**

Solutio objectionum. **273**

Quæstio VII. Quid de justorum decedentium animabus quæ nihil purgandum habent opinati sint sancti Patres Ambrosius, Augustinus, & Bernardus. **263**

Assertio. Nec Sanctus Ambrosius, nec Sanctus Augustinus, nec Sanctus Bernardus a Catholico dogmate vel minimum deflexisse dici possunt, utpote qui de animarum beatitudine statim atque corpore solutæ sunt nunquam dubitaverint. **ibid.**

Quæstio VIII. Quænam fuerit circa visionem Dei animabus iustis concedendam mens Joannis XXII. utrum aliquid de eis re detineret. **265**

Assertio. Licet Joannes XXII. qui ab initio Pontificatus ad annum usque 1330. antiquam maiorum doctrinam & fidem tenens in eam postea inclinaverit sententiam quæ visionem Dei intuitivam animabus iustorum ad resurrectionem usque procrastinat, nihil tamen ea de re definiit: immo morti proximus, illam revocans opinionem, dogma catholicum palam professus est. **ibid.**

Quæritur, utrum a hæc fide defecisse in hac parte, & aliquis erroris labe maculatus reputari possit Joannes XXII. **302**

Quæstio IX. Quodnam & quotuplex sit visionis beatificæ obiectum. **ibid.**

Assertio I. Deum unum in essentia, trinum in personis, eaque omnia, quæ sunt in Deo formaliter, tam absolute quam relativa, intuitu vident in cælo Beati; nec non clare cognoscunt cuncta fidei mysteria quorum fidem in terris habuerunt. **303**

Assertio

SECTIONUM AC QUÆSTIONUM. XXI

Assertio II. Beati in cœlo sese invicem, suosque nesciunt: de rebus vero præsentibus ac præteritis, ea sciunt quæ ad ipsos spectant: de futuris autem, & aliis ad ordinem universi pertinentibus, ea vident quæ illorum felicitati conferre possint. 304

Quæstio X. Quomodo fiat visio Beatifica, & undenam sit repetenda ipsius inæqualitas. 306

Assertio I. Creatura intellectusalis per nativas vires ad Deum intuitivè videndum, ex se insufficiens, per lumen gloriæ, quod est habituale quoddam auxilii genus illi omnino necessarium, ad beatificam visionem evehitur. 307

Assertio II. Visionem beatificam, quæ in omnibus tam Angelis, quam hominibus ejusdem est speciei, non esse in omnibus beatis æqualem ob morum inæqualitatem nos docet Catholica fides. 311

Assertio III. Inæqualitas beatificæ visionis moraliter ex meritum inæqualitate repetenda, proxime & efficienter petitur, tum ex inæqualitate luminis gloriæ, tum ex diversâ perpiciendi intellectus, qui physice per nativam aciem activè concurrunt tamquam causâ principalis, non autem ut instrumentalis, ad illam visionis huius inæqualitatem. 316

Quæritur, an in visione beatifica admittenda sit quædam species impressa vel expressa. 322

Conclusio Sectionis. 322

Sectio quinta de Scientia Dei. 323

Quæstio I. Utrum sit in Deo scientia, quodnam sit illius objectum. 324

Assertio. Deus, cui inest plenitudo Scientiæ, ipsaque simplicissima, habens Deum pro primario objecto, & pro secundario ea omnia quæ sunt extra ipsum, perfectissime se novit, cunctaque alia a se & sigillatim: ipsique putent intima cordis; nec ab ipso sunt abscondita mala sive naturæ, sive pœnæ, sive culpæ seu peccati. 324

Quæstio II. An futura quæcumque & possibilia cognoscat Deus: anve per hanc ipsius infallibilem præscientiam tollatur rerum contingentia. 326

Assertio I. Deus cui possibilia quæcumque vere sunt nota, futura omnia etiam libera & contingentia, nec non futura conditionata, etiamsi non sit ponenda conditio a qua eorum pendet existentia, certa & infallibili scientia cognoscit. 327

Assertio II. Per infallibilem hanc futuro-

rum in Deo præscientiam tolli rerum contingentiam, aut hominis everti libertatem, solus inferre poterit non catholicus. 332

Solutio objectionum. 332

Quæstio III. Quoniam in medio cuncta cognoscat Deus. 338

Assertio I. Res omnes sive futuras, sive possibiles, in sua essentia cognoscit Deus. 339

Assertio II. Futura libera & contingentia non cognoscit Deus in rebus eorum cum ipso coexistentia, illorumve in æternitate præsentia. 340

Assertio III. Futura omnia libera & contingentia videt Deus in suis decretis efficacibus & absolutis. 340

Solutio objectionum. 342

Assertio IV. Futura conditionata cognoscit Deus in antecedenti suo decreto, non quidem absoluto sed conditionato. 342

Quæstio IV. Quotuplex in Deo admittenda sit scientia: & utrum decur scientia media quædam inter scientiam simplicis intelligentiæ & scientiam visionis. 344

Assertio. Nulla in Deo inter scientiam simplicis intelligentiæ & scientiam visionis admittenda est scientia media: effluere in statu præsentis quoad opera supernaturalia, ut merum commentum, nulloque nixa fundamento, quin potius omnimode, utcumque intelligatur, improbabili, a scholis omnibus eliminanda. 348

I. Ut Sacris Scripturis parum consona improbat scientia media. 349

II. Ut prorsus aliena a doctrina S. Augustini, immo & ab ipso repudiata improbat. 364

III. Ut non satis recedens a Semipelagianorum placitis rejicitur. 372

IV. Ex inutilitate simul ac falsitate fundamentorum quibus nixa dicitur. 379

V. Ut recens inventum quid & multiplici censura notatum. 382

VI. Ob diversa incommoda quæ ab illa necessario procedere videntur. 385

VII. Ut Doctoris Subtilis principis prorsus contraria a Schola Scotistica totaliter eliminanda. 386

Solutio objectionum. 389

Conclusio Sectionis. 390

Sectio sexta de Voluntate Dei. 391

Quæstio I. An multiplex in Deo sit voluntas, illaque semper sit efficax. 391

Assertio I. una & simplicissima est in Deo voluntas, quæ pro vario ad creaturas respectu multiplex formaliter est agnoscenda. 392

At-



A ssertio II. <i>Sola Dei voluntas consequens & absoluta semper impletur.</i>	394	A rgumenta ex <i>Scripturis.</i>	410
Q uæstio II. <i>Utrum Deus sit vere liber: quidve importet ratio essentialis per quam intelligitur summa ipsius libertas.</i>	395	S olutio Objectionum.	412
A ssertio I. <i>Vera & proprie dicta libertate circa objecta ad extra dicitur Deus.</i>	396	A rgumenta ex <i>Sancto Augustino.</i>	415
A ssertio II. <i>Libertas in Deo est ipsa ejus voluntas quatenus ex vi electiva ipsi intrinseca & essentiali illam formaliter liberam constituyente, antecedenter ad decretum a quo potuit abstinere, fertur in actum qui potuit esse & non esse, & terminatur ad objectum ipsi extrinsecum & contingens.</i>	397	S olutio objectionum.	423
Q uæstio III. <i>An, & quod sit providentia in Deo.</i>	399	A rgumenta ex <i>aliis Patribus.</i>	430
A ssertio. <i>In Deo est vera ac proprie dicta providentia omnia complectens: & illa dici debet, dispositio æterna divinæ voluntatis, juxta quam omnia & singula in suos proprios fines per sufficientiam seu convenientiam media diriguntur.</i>	403	A rgumenta ex <i>Scoto.</i>	432
<i>ibid.</i> Q ueritur an divina providentia finem suum semper assequatur.	403	A rgumenta ex <i>Ratione.</i>	434
Q uæstio IV. <i>An, & quid sit prædestinatio in Deo.</i>	404	S olutio objectionum.	437
A ssertio. <i>Admittenda est in Deo prædestinatio Sanctorum, quæ est præcipientia & preparatio beneficiorum Dei, quibus certissime liberantur quicumque liberantur: ad quam illi soli qui pertinent æternam salutem consequuntur.</i>	406	Q uæstio VI. <i>An & quid sit Reprobatio.</i>	443
Q uæstio V. <i>An prædestinatio ad gloriam sit ita gratuita ut meritum prævisionem præcedat & nullum habeat causam præter gratuitam Dei prædestinantis voluntatem.</i>	408	A ssertio. <i>Prima & generalis ratio, justaque utriusque reprobationis causa fuit originale peccatum in omnes Adæ posterorū diffusum: hæcque reprobationis parvulorum ratio adæquata, adultorum vero inæquata; nec in solam Dei Voluntatem ad cuiuscumque peccati, originalis, vel actualis, prævisionem, potest reprobatio hominum absque impletate refundi.</i>	445
A ssertio. <i>Prædestinatio Sanctorum in statu præsentis naturæ antecedit quaecumque meritum prævisionem, & est ita gratuita ut nullam habeat causam præter absolutam Dei voluntatem, infinitamque ejus misericordiam.</i>	409	Q uæstio VII. <i>An immutabilis sit & fixa Sanctorum prædestinatio, ita ut certus adeo sit prædestinatorum numerus, qui nec minui possit, nec augeri.</i>	454
		A ssertio. <i>Adeo fixa est ac immutabilis Sanctorum prædestinatio, tam ex parte Dei eligentis quam ex parte hominum electorum, ut certus ac determinatus a Deo prædestinatorum numerus nec minui possit, nec augeri.</i>	455
		Q ueritur utrum de sua prædestinatione aliquis possit esse certus.	461
		Q ueritur, quinam sint tum prædestinationis, tum reprobationis effectus.	462
		Q uæstio VIII. <i>quodnam sit ferendum de Hæresi prædestinatioæ judicium.</i>	463
		A ssertio I. <i>Nec inter Aduersarios monachos vivente S. Augustino, nec in Gallis sub Cælestino I. fuisse hæretici prædestinatiani: sed eo nomine a Semipelagianis calumniis non semel traducti sunt doctrinæ Augustinianæ defensores.</i>	465
		A ssertio II. <i>Nec Gotthelchæus hæresim prædestinatioæ aliquando renovavit.</i>	468
		Conclusio Sectionis.	479

*Fr. Petrus Joannetius de Molina Sacrae Theologiae Lector,
 Catholicae Majestatis in Regali Congressu Matritensi pro
 Immaculata Conceptione Theologus, totius Ordinis S.P.N.
 Francisci iterato Minister Generalis, Visitator, ac Re-
 formator Apostolicus, in Domino Servus.*

Vigore praesentium licentiam damus R. P. Joanni Ja-
 cobo Aymar Lectori Jubilato, Doctori Theologo,
 Nostrae Observantis Provinciae Aquitaniae antiquio-
 ris alumno Typis mandandi opus ab ipso compositum,
 cui titulus: Exercitationes Theologicae, de Deo, ejusque at-
 tributis &c. juxta verioris Doctoris Subtilis principia &c.
 modo a duobus Lectoribus Jubilatis a nobis ad hoc de-
 signatis publica luce dignae videantur, servatis de cetero
 servandis.

Datum Romae ex Araecæli die 31. Julii anno 1762.

(*Fr. Petrus Joannes de Molina Minister Generalis.*)

Loco Sigilli

Registratae

De Mandato Reverendiss. in Christo
F. Petrus Jacobus de Lojano Secret. Generalis Ordinis.


Theo.

Theologicum opus, cui titulus. Exercitationes Theologice, de Deo, ejusque attributis &c. juxta veteriora Doctoris Subtilis principia &c. ab egregio, præclarissimoque Admodum R. P. Joanne Jacobo Aymar Sacræ facultatis apud Minoristas Lectore, ac Doctore ingeniose compositum, jubente Reverendis. Nostro Parre Ministro Generali Petro Joannerio de Molina summa cum voluptate perlegimus, in eoque mirati summus doctrinæ profunditatem, claritatem in rebus difficillimis explicandis, felicitatem denique in detegenda veritate, eaque firmissime tuenda. Quare æquum censemus, ut typis mandari possit, dum iis, ad quos spectat, sic videatur.

Dat. Parmæ in Conventu Sanctissimæ Annuntiationis
die 29. Junii 1763.

(*Fr. Claudius de Mirandula L. Jubilat. & Exprov.*)

(*Fr. Melchior de Buxeto Lect. Jubil. Minister Prov.*)



EXERCITATIONES THEOLOGICÆ

De Deo uno ejusque Divinis attributis.



Agnus es, Domine, & laudabilis valde, magna virtus tua, & Sapientie tuae non est numerus. Et laudare te vult homo, aliqua portio Creaturae tuae, cum Augustino Deum alloquente lib. 1. confess. cap. 1. exclamabit quisquis suae non immemor creationis, hoc primum esse ac unum hominis officium attender, magnificum ac sapientem suum continuo laudare Creatorem. Hunc quem praedicat quidquid existit in rerum natura, pro modulo nostro celebrare aggredimur. Etenim de eo loqui, de eo disserere, de iis, quae ad incomprehensibilem ejus naturam spectant, religiose tractare, ipsum laudare est; de illius bonitate confisi, quod ipse adjuvabit infirmitatem nostram, ut quae nostri sunt muneris adimplentes, de eo, si digne minus, digna tamen loqui possimus. Nobis altiora non querere, nec fortiora nobis scrutari prouideret fatagemus, ne propius quam decet ad Deum accedentes, audaciores maiestatis scrutatores effecti, opprimamur a gloria. Hoc unum vos monitos velim quotquot ista conscripturi estis aut lecturi Theologiae Candidati: ob vanam gloriam, aut vitiosam curiositatem, aut turpem questum, paganorum more, supernaturalibus cognitionibus animum ne imbuatis, qui dumtaxat ut meliores efficiamini, propriamque sic aut aliorum ad aedificationem, studio vacare debetis; utque, Supremo donante Numine, cognitis Christianae Religio-

A

nīs

nis arcanis, vitam degatis sanctiorem. Ante mentis vestræ oculos illud Sapientis indefinenter habeatis; *Quoniam in malevolam animam non introibit Sapientia, nec habitabit in corpore subdito peccatis. Spiritus enim Sanctus discipline effugiet fictum, & auferet se a cogitationibus quæ sunt sine intellectu, & corripiatur a superveniente iniquitate.*

Quidquid circa Deum, divinaque illius attributa suscipimus investigandum, sex curabimus comprehendere sectionibus. Supremi ac unici illius Numinis existentiam & essentiam prima ostendet. Quænam inter attributa tum inter se, tum comparate ad essentiam Divinam distinctio sit admittenda, statuet secunda. De variis Dei attributis tertia tractabit. Circa illius visibilitatem occupabitur quarta. Quænam Deo insit scientia quinta resolvet. Quæ ad illius spectant voluntatem sexta tandem complectetur.

SECTIO PRIMA.

De existentia Dei ejusque essentia.

Cum juxta Augustinum de libero arbitrio lib. 1. cap. 2. optime de Deo excusimare verissimum sit pietatis exordium, ab ipsius existentia simulque ac essentia initium sumere debere quæ circa illum sumus indagaturi admonet ratio. Id autem cum methodo ut assequamur, singula diversis attingemus quæstionibus, ne ex dicendorum multitudine confusio oriatur.

QUÆSTIO PRIMA.

An propositio Deum existentem prædicans sit per se nota.

PROPOSITIONEM per se notam cum Doctore subtili in 1. dist. 2. quæst. 2. dicimus eam, quæ ex intellectus terminis evidenter innotescit. Distinctionem quam statuunt aliqui inter propositionem per se notam quoad se, cujus prædicatum in idea subjecti includitur, & per se notam quoad nos, quam veram demonstrat ipsa terminorum enunciatio, inadmissibilem cum Scoto judicamus. Nulla est inquit Num. 3. *distinctio de per se nota in se, & in nobis, quia quæcumque est in se, & per se nota cuicumque intellectui est per se nota, licet non actu cognita, tamen quantum est ex terminis est evidenter nota, si termini concipiuntur.* propositio nulla potest nota vocari, nisi respective ad intellectum cognoscentem. Unde verus præsentis controversiæ sensus est, utrum per se nobis manifesta sit Dei existentia: quod minime in dubium revocabit quisquis consuebitur existentiam ita Deo essentialiter competere, ut nequeat ullo modo concipi Deus, quin existens concipiatur. Aliunde Thomistas inter & Scotistas de nomine tota lis esse videtur, omnibus consentientibus propositionem istam, Deus existit, notam esse per se quoad se: quo admissio intentum habent quicumque Doctori subtili adhærent, volentes aliam propositionem notam denominari non posse nisi quatenus intellectam.

ASSER.

ASSERTIO UNICA.

Propositio Deum affirmans existentem est per se nobis nota.

Hanc assertionem, quam expresse tenet Scotus loco citato num. 4. sic loquens, *propositio illa Deus est, est per se nota, quæ conjungit ista extrema, esse & essentiam divinam, scilicet Deum & esse sibi proprium*: probare non erit difficile, etenim illa propositio est per se nota nobis, cujus prædicatum ita essentialiter est subiecto, ut quicumque claram habet utriusque ideam, prædicati scilicet & subiecti, concipere non possit subiectum absque prædicato, adeo ut sublato prædicato, subiectum non remaneat, neque intellectus ullo modo valeat considerare tale subiectum præscindendo a prædicato, ex eo quod idea unius necessario & absolute importet ideam alterius. Res autem sic se habet in propositione affirmante Deum existeret. Ut primum enim aliquis serio reflectit ad illud quod significatur per illam vocem Deus, & eodem instanti attendit ad id quod existeret significat, necessario compertum habet subiectum nec esse nec concipi posse absque tali prædicato, quod includitur essentialiter & necessario in subiecti idea. Quod ita verum est, ut quantumvis ingenio laboret homo, supposita semel in illo idea illius quod declarat hæc vox Deus, nusquam poterit, nec per abstractionem metaphysicam, separare existentiam ab illo, utpote quæ sit de primario illius conceptu & inseparabiliter. Et major non requiritur intelligentiæ vis ad dignoscendam inter utrumque connexionem necessariam, vel prædictæ propositionis veritatem, quam ad intelligendum principium istud, totum est majus sua parte, vel illud, quæ sunt eadem cum uno tertio sunt eadem inter se: cujus duplicis axiomatis evidentia, licet utrumque sit per se notum, exigit quod prædicati & subiecti clara & distincta habeatur idea: quæ in hominibus rudibus & ingenio tardis facilius non est, quam idea Dei, quæ ideam existentiae secum importat.

Et ita convincens videri debet hoc ratiocinium, ut illud Doctor Angelicus ex parte habeat ut principium indubitatum, dum quæst. 10. de veritate, art. 12. in corp. ait, *ad hoc quod aliquid sit per se notum, nihil aliud requiritur, nisi ut prædicatum sit de ratione subiecti*; tunc enim subiectum cogitari non potest sine hoc quod prædicatum sibi inesse appareat. Ex qua propositione facilius est inductio pro minori, relative ad quæstionem propositam, ex qua sequatur necessario nostræ veritas assertionis. Hinc est quod 1. parte quæst. 2. sic concludat: Dico ergo quod hæc propositio, *Deus est, quantum in se est, per se nota est, quia prædicatum ejus est idem cum subiecto, Deus enim est sum esse*. Nec talem veritatem ullatenus valent evertere quæ subjungit, quominus hæc propositio nota per se, non sit nota nobis: Sed quia nos non scimus de Deo quid est, non est nobis per se nota, sed indiget demonstrari per ea quæ sunt magis nota quoad nos, & minus nota quoad naturam, scilicet per effectus. Neque enim ut nobis per se innotescat Deum existeret, opus est quod sciamus quid sit præcisè illius constitutum; sed satis est quod intelligamus, illud quod

EXERCITATIONES

4
vocatur Deus, cujus idea nequit esse nisi juxta mensuram nostræ mentis, imperfecta nempe & valde limitata, necessario cognoscatur existere, & in illius primaria idea inseparabiliter, ut dictum est, includatur existentia. Quod revera accidit quoties attendentes ad ea quæ existunt, naturaliter concludimus illorum quendam esse authorem a quo existentiam participant, qui rerum omnium author, existentiam a nullo alio participare debet, sed illam habere a se ipso & aliunde ut per effectus nobis Dei existentia demonstratur opus est, quod sit nobis per se notum illos quos vocamus effectus, non posse esse ex se ipsis: Et illud facilius non est intellectu, quam facile est intelligere esse aliquid primum ens per se existens, a quocumque alio independentens, a quo cætera cuncta dependant.

Et ideo præcise quia per se nobis notum est Deum existere, nullus esse homo potest, quantumvis rudis supponatur, modo, sit cujusdam ratiocinii capax, qui Deum possit invincibiliter ignorare, ut alias ostendimus. Illud que ex hoc principio colligere videntur Sancti Patres, atque etiam gentiles Philosophi. *Nemo negat, quia nemo ignorat, quod ultro natura suggerit, Deum esse universitatis conditorem:* inquit Tertullianus lib. de Spectac. cap. 2. *Hæc est vis vera divinitatis, ut Creatura rationali jam ratione utenti non omnino, & penitus possit abscondi:* ait Augustinus Tract. 106. in Joan. *De hominibus nulla gens est, neque tam immansueta, neque tam færea, quæ non, etiam si ignorat, qualem Deum habere deceat, tamen habendum sciat,* dicebat Tullius in 1. de legibus. Unde est quod non nullis placeat nusquam veros fuisse Athæos. Si enim tales aliqui voluerunt haberi, id in eis fuit ex ridicula quadam singularitate magis quam ex vera quadam opinione in qua extiterint, quod nullum esset Supremum numen æternum, increatum, a se existens, & a quo suum esse haberent quæcumque sunt. Si quidem absque testimonio de se loquente, in hominis cujuslibet mente Deus semetipsum deferere non potest. Quod revera experti sunt ipsi insipientes qui aliquando sine Deo fuerant, quando ad cor suum & ad primitivum rationis lumen rediere, quod innumeris exemplis haud difficile ostendi posset si opus esset; & ut videri posset apud illos qui falsitatem vel non existentiam Atheismi demonstrarunt.

Quod autem etiam nobis sit per se nota Dei existentia, non tamen sit pariter nobis per se notum quid sit Deus, ita ut non nisi vario discursu multiplicique ratiocinio quamplures intelligant Deum esse ens necessarium, id quod optimum est, id quo majus aut melius excogitari non potest, ens denique perfectissimum, id satis libenter concederem. Licet enim id sequatur ex plenitudine entis quæ in Deo est, vel melius quæ Deus est, & necessitatem a se ipso existendi comitetur, cum ad hujusmodi cognitionem deveniri non possit nisi gradatim, & ex comparatione quam plurimum idearum inter se, quæ licet philosophis, & hominibus acutæ mentis præditis haud difficulter insit, hominum tamen vulgo inesse nequit nisi magno rationum anfractu, secundum majorem vel minorem intellectus tarditatem, id saltem respectu illorum non videtur dici posse ipsis per se notum: alioquin quam multa dici pariter possent per se nota nobis, quia ad illorum cognitionem non raro devenimus

mus

mus levisiori discursu; sic nihil haberet præ illis necessaria Dei Existentia, quod nullus nisi audacter & temere proferret. Et fortasse hæc fuit Angelici Doctoris mens dum dixit, hanc propositionem, Deus est, non esse nobis per se notum, quia nos non scimus de Deo quid est, quod etiam per varios discursus nisi modo imperfectissimo, quandiu peregrinamur a Domino, videntes per speculum & in enigmate, scire non valeamus; id etiam qui Deum vident facie ad faciem, perfecte non intelligentibus, cum non nisi a se ipso Deus comprehendi possit. Quo posito ut revera est, controversia Thomistas inter & Scotistas nota erit de nomine, cum juxta hunc sensum proposita questione, diversimode alii præ aliis sentire non possint.

Et juxta mox allatam expositionem videtur intelligendus Sanctus Anselmus in Prologio, cap. 2. cum dixerit existentiam illius quo majus nihil cogitari potest, non esse in solo intellectu id cogitantis, sed & in re, sic loquitur cap. 4. Nullus intelligens id quod Deus est, potest cogitare quia Deus non est, licet hæc verba dicas in corde, aut sine ulla, aut cum aliqua extranea significatione. Deus enim est id quo majus cogitari non potest. Quod qui bene intelligit, utique intelligit id ipsum sic esse, ut nec cogitatione queat non esse. Certe qui dem, ut primum bene intelligitur Deum esse id, quo majus nequit excogitari, ipsum existere & necessario, & independentem a quolibet alio, cunctaque ab illo originem habere eo ipso per se nobis notum est, quia termini intellectus pro ut significant, existentia talis includitur in idea illius quo majus cogitari non potest? Sed major hominum pars in præsentis naturæ status ad illorum terminorum intelligentiam non venit, nisi discurrendo & ratiocinando, ideas cum ideis comparando. Unde Dei existentia sub hoc respectu illius scilicet quo majus cogitari non potest, non poterit relative ad illo dici nota per se, ut pote quæ pro ipsis non levi eget expositione: licet aliunde verum sit, hæc facta expositione ex qua oritur terminorum intelligentia: existentiam illius, quo majus excogitari nequit, Dei scilicet, esse illis per se notam. Verumtamen quoquo modo sumatur, exinde evidenter colligendum erit, Deum a nullo mentis compote posse invincibiliter ignorari.

Non deerunt qui opponunt, si propositio affirmans Deum existere, esset nobis per se nota, non fuissent homines qui illius negassent existentiam; Deus absconditus dei non posset: illaque propositio nulla indigeret ratiocinatione ad sui manifestationem. Id autem omne sic esse in dubium nequit revocari. Magnum fortasse aliquid fari existimabunt talia objicientes, cum tamen nihil in his sit difficultatis. 1. Falsum absolute dico fuisse homines ratione utentes, qui Deum penitus ignoraverint, vel ipsum non esse serio crediderint. Multos fuisse Atheos prædicæ, qui ita vixerint ut si judicassent Deum non esse, & cupiditatibus dediti ipsum non existere, ut illis facilius ac pacatis indulgerent desiderantes, multosque adhuc reperiri illis similes quis ignorat? Illud in humanitatis dedecus, etsi inviti, confitemur, & in hoc sensu quæcumque loca Sacræ Scripturæ, in quibus impii & insipientes Deum negasse aut nescisse narrantur, intelligenda esse dicimus cum Sanctis Patribus, aliisque Ecclesiæ Doctoribus. 2. Deum existere per se nobis notum est,

est, ut ostendimus: attamen illum esse absconditum non minus certum est. Absconditus ergo est quantum ad existentiam, ita ut dubitari possit an existat? minime. De illius natura, ejusque modo existendi illud dicitur, & circa utrumque nobis est ex aliqua parte, sed non ex omni absconditus: plura enim de illo scienda habemus, quam sint ea quæ in hac vita de eo intelligere ac prædicare valemus. Vel potius, ut Scripturæ sensum attingamus, sic Deus absconditus dicitur respectu ad suæ sapientiæ leges, suæque providentiæ regulas, juxta quas omnia quæ in mundo sunt & fiunt, regit & moderatur, ita ut illa quæ ab ordine providentiæ divinæ recedere videntur, huic tamen subjaceant ordini, ipsive intendant: atque etiam absconditus nobis est Deus, si ad ejus attendamus judicia quæ sunt occultissima, viasque ejus inspicimus, de quibus loquens Paulus Rom. cap. 11. sic exclamat: *O altitudo divitiarum sapientiæ & scientiæ Dei! quam incomprehensibilia sunt judicia ejus, & investigabiles viæ ejus!* Sed hæc omnia non sunt ad nostrum propositum, cum de existentia Dei agatur, quæ sensatum neminem latere potest juxta mox exposita.

Nec infirmatur nostra veritas assertionis per id, quod tertio loco additur, nempe quod si propositio affirmans Deum exillere, esset nobis per se nota, nulla indigeret ratiocinatione ad sui manifestationem; illud enim gratis opponitur, nihilque veritatis habet hujusmodi inductio; quod ex principiis, vel prima rerum notione fit manifestum; propositio per se nota ea est, quæ ex terminis simpliciter apprehensis nata est causare sui evidentiam in intellectu. Nec obstat quod ad terminorum notionem veram comparandam multiplici aliquando opus sit discursu. Tunc enim necessaria illa ratiocinatio non est ad propositionis manifestationem, sed ad statuendum quid per subjectum & prædicatum illius significetur, & ad ostendendum quomodo, vel saltem quod unum sit idem cum alio; vel ad efficiendum quod termini ex quibus coalescit propositio nota per se, concipiantur, ut inquit Scotus. Quibus terminis intellectis, propositio nota per se (quod habet independentem à quolibet intellectu, & a relatione essentiali subjectum inter & prædicatum, ita, ut istud necessario includatur in idea illius, a quo neque per mentem, ut supra diximus, possit separari) eo instanti fit per se nota nobis. Unde sophisma potius quam directa argumentatio dici potest iste syllogismus: illud non est notum per se quoad nos, quod omnibus & singulis statim & sine discursu non innotescit. Sed Dei existentia statim & sine discursu non innotescit omnibus & singulis: etenim a multis ratiocinantibus rejicitur, cum a multis Philosophis, Epicureis nempe, aliisque Atheis rejiciatur. Ergo existentia Dei non est per se nota quoad nos. Propositio major, quæ est universalis, expositione indiget, & in minori nequit sumi secundum suam universalitatem. Sciendum enim est, an supponat ut aliquid sit nobis per se notum, quod & ipsi termini propositionis statim & sine discursu omnibus & singulis innotescunt: hoc in casu, falsa est major propositio, quæ in minori propositione fit particularis, & non minus de terminis propositionis, quam de ipsa propositione potest intelligi; & vera esse potest respectu terminorum, qui prima fronte

non

non nullis, tum ex mentis tarditate, tum ex variis præjudiciis, possunt non esse manifesti; falsa tamen est respectu propositionis, terminis illius semel intellectis; & istud sic ostendo. Hæc propositio, Deus existit, est nota per se. Detur aliquis ignorans significationem duplicis hujus vocis, quod certe occurrere potest, si aliquis reperiat, qui ex infantia sibi ipsi relictus, & ab omnium consortio segregatus ad provectam ætatem usque, de iis neminem loquentem audierit, est aliunde per intimum sensum, & perpetuam experientiam de propria existentia certius, quam proinde ob vocum non usum nullo termino poterit significare: huic homini cum aliis deinde degenti manifestetur quid per existentiam intelligatur, quid nomine Dei significetur, quod fortasse non intelliget nisi multiplici ratiocinatione, varioque discursu, terminis ab illo tunc intellectis, nulla alia adhibita ratiocinatione, existentia Dei illi homini statim innotescet, & propositio illa, Deus est, quæ per se nota erat, etiam illo non intelligente, fiet per se nota ipsi intelligenti. Recens cognitio veritatis istius propositionis in nomine illo nihil mutat naturæ talis propositionis: hæc erat jam nota per se, ut supponitur, & est, sit illi hominis, ex recenti terminorum intelligentia, nota: erit igitur per se tunc nota homini illi.

Et miror quod nobis hæc ex parte oppositus Niëolaus Iherminier, sacre facultatis Parisiensis Doctor insignis, hoc sillogismo tanquam fundatissimo nitatur nulla adhibita expositione, huncque per se deficientem, hac propositione confirmet; propositio per se nota quoad nos ea dicitur, quæ ita clara, ita perspicua est omnibus, ut nulla ratiocinatione opus sit ad illam manifestandam, cujusmodi sunt illæ propositiones primæ: *impossibile est idem simul esse & non esse; totum est majus sua parte*; quæ a nemine revocantur in dubium. Quomodo non advertit vir doctissimus, perspicuitatem vel evidentiam propositionum non repeti ex eo quod absque ulla ratiocinatione manifestentur; hoc enim falsissimum est, cum ipsa evidentia oriatur in rem cognoscente, ex explicita vel implicita ratiocinatione, quam absolute præsupponit, cum ad præbendum assensum cuicumque propositioni, quantumvis evidenti, non moveatur intellectus nisi per ratiocinationem. Assensus propositioni evidenti est necessarius, est verum judicium duas ideas uniens vel separans, & judicium illud prærequirit ratiocinationem eo majorem vel minorem, quo facilis vel difficilis termini quibus exprimuntur illæ ideæ concipiuntur. Evidentia propositionis oritur ex impressione quam in mente producit judicium illud duas conjungens ideas ab invicem inseparabiles, quarum una est essentialis prædicatum alterius & necessario; vel separans duas ideas impossibiles absolute, quarum una in nullo sensu de altera est prædicabilis. Quod ita verum est, ut propositio quædam possit non esse evidens cuidam terminos illius non concipienti, quæ majori hominum numero, cui noti sunt termini, sit evidens, eo quod in illis facillimum sit de his ideis judicium, quod circa illas est in aliis difficile. Unde tali supposito judicio, intellectus huic uniioni vel separationi harum idearum non potest non assentiri, ex eo quod tale judicium per se pariat evidentiam. Et aliunde propositio non est per se nota aut evidens

evidens quia a nemine revocatur in dubium, sed potius a nemine revocatur in dubium, quia iudicium quod circa illam ex conceptis terminis fertur, evidentiam necessario parit. Hinc est quod S. Thomas lib. 1. contra gentes cap. 11. pro ut refertur ab illo Celebris Doctore, postquam dixit quod, *quia hoc ipsum quod Deus est mente concipere non possumus, remanet ignotum quoad nos, sic pergit: Sicut omne totum sua parte majus esse per se notum est simpliciter: ei autem qui rationem totius mente non conciperet, oporteret esse ignotum.* Quæ ultima verba illationi hujusce Sorbonistæ ex omni parte colendisimi, evidentissime adversantur.

Hac non superflua digressionem, cum juxta illam metiri debeamus, utrum veri fuerint Athei vel non, qua nituntur partem affirmantem tenentes, sic proposita, ad questionem principalem redeamus, si tamen veram rei notionem, ne ludatur in terminis, distinde indagare, fuit ab illa recedere. Ratiocinatio quæ aliquando prærequiritur ut ex propositione per se nota ac evidenti exurgat in mente quorundam hæc impressio evidentie, quam præ se fert ex intelligentia terminorum si concipiantur, est ipsi propositioni accidentalit, nihil ab ipsa tollens virium, quas habet ad pariendam ex se evidentiam, sed tota hujus ratiocinationis necessitas se tenet ex parte hominis terminos propositionis non sat intelligentis, qui expositione indigent, ut ex eorum intelligentia, propositionis evidentia dignoscatur. Quapropter tam Div. Thomas, quam Scotus, alique Doctores communiter exiunt ad propositionis evidentiam, ut quid prærequiritur sine quo nihil, quod termini concipiantur. Sicque fieri potest quod propositio quæ modo mihi per se nota non est, cras sit per se mihi nota, quod non est ex vitio propositionis, ita ut magis per se nota sit uno tempore, quam aliis temporibus, quod nec cogitari potest; sed ex vitio mentis meæ, modo non intelligentis vim terminorum, quos cras perfecte capiet. Unde ex necessitate ratiocinationis illius nihil adversus assertionem recte concluditur.

igitur, ut rem summam definiamus: „propositio per se nota, inquit Doctor, ea dicitur quæ ex terminis propriis, qui sunt aliquid ejus, ut sunt ejus, habet veritatem evidentem; & non propter aliquid aliud quod sit extra terminos proprios, habent evidentiam, sed ex se tantum, ut omne totum est majus sua parte: quæ propositio ex his terminis sic conceptis, ut sunt ejus termini, nata est habere evidentem veritatem complexionis. Ex quo patet aut idem Scotus, quod distinguere non est inter propositionem esse per se notam & per se noscibilem, quia idem sunt. Nam propositio per se nota non dicitur, eo quod ab aliquo intellectu cognoscatur per se; tunc enim si nullus intellectus actu cognosceret, nulla propositio esset per se nota; sed dicitur per se nota, quia quantum est de natura terminorum nata est habere evidentem veritatem contentam in terminis, etiam in quocunque intellectu concipiente terminos, quos si aliquis intellectus non concipiat, & ita non concipiat propositionem, non minus est per se nota, quantum est de se. Sicut patet de Syllogismo perfecto, qui nullius indiget, ut appareat necessarius. “ Hæcille, Ex quibus non improbabiler concludetur,

tur, utrumque Doctorem Angelicum nempe, & Subtilem, quantum ad substantiam rei satis inter se convenire, licet in quibusdam differant quantum ad principiorum usum aut applicationem unde; ut aliquid evidens assertum est, propositione affirmantem quod Deus existat, esse per se nobis notam, quod fere ab omnibus Theologis ut indubitatum habetur.

QUÆSTIO SECUNDA.

An impressam a natura existentie Dei ideam aut cognitionem in nobis ipsis ab ortu feramus.

„ Quidnam ne est hominum qui non cum istius principii notione diem
 „ primæ nativitatis intraverit? Cui non sit ingenum, non affixum,
 „ imo ipsi pene in genitalibus matris non impressum, non insitum, esse
 „ Regem ac Dominum, cunctorum quæcumque sunt moderatorem? “ aiebant
 „ Arnobius Lib. 1 contra gentes: & quis ei non assentitur? verum lumen illud
 „ quod signatum est super nos, ex quo Dei unius omnium rerum creatoris
 „ ac redoris existentia nos latere non potest, sit ne Idea quædam illius innata,
 „ ut post Carthesium multis placet Theologis, sit ne quædam nobis insita
 „ ratiocinandi vis, qua facili discursu ex iis quæ sunt, & ex nobis ipsis colligamus
 „ necessario unum omnium conditorem ac moderatorem. existere, non
 „ nisi difficile potest determinari. Neque enim omnes de iis ideis quæ dictæ sunt
 „ innatæ, quod sint & quid sint, compertum habent; quin potius juxta veriora
 „ philosophiæ principia, non nullis placuerit omnes nostras ideas, cunctasque
 „ ex iis exortas rerum cognitiones, tam in spiritualibus quam in materialibus,
 „ a sensationibus originem ducere, ita ut exacte loquendo, verissimum
 „ sit illud bene intellectum axioma, *Nihil est in intellectu quod prius non fuerit
 „ in sensu*; quod ingeniose nuper a philosopho non mediocri notæ, simul & invicte
 „ fuit demonstratum, illæsa hæc in unoquoque nostrum a natura impressa
 „ supremi unius numinis moderantis quæcumque ab ipso sunt, indelebili
 „ cognitione, & ab ipso, si directe procedant, recedere nequeunt quotquot volentes
 „ hanc propositionem; existit Deus, non esse per se notam quoad nos,
 „ tenent non aliter quam per discursum facilem quidem, quem fere semper
 „ præcedunt parentum aut magistrorum colloquia & præcepta, nobis inesse unius
 „ Dei existentie cognitionem. Hæcque videtur vera Divi Thomæ doctrina dum
 „ lib. 1. contra gentes cap. 12. dicit quod *nostra cognitionis origo in sensu est,
 „ etiam de his quæ sensum excedunt.*

Et nihil interest quod argumentum desumptum ex idea innata Dei multum virtutis habeat adversus Atheos, quod incumberet probandum, & absolute negatur ab iis, quibus non arrident ideæ innatæ; ex falso supposito desumpta ratiocinatio, cum fictitio aut labili fundamento ruat necesse est. Id, inquam, non interest, cum aliunde quam plura sint ac validissima argumenta, vel potius demonstrationes ad Atheos convellendos. Est autem verus præsentis quæstionis sensus, utrum in nobis a natura quoddam lumen habeamus

B

five

sive dicatur idea ingenua, sive dicatur cognitio quam necessario parit facilis discursus ex rebus aspectabilibus ad earum autorem conducent, ratione cuius neminem lateat Dei existentia, ita ut ex illo lumine naturaliter Deum ostendente, cuicumque ad se ipsum attendenti vocemque illam naturæ audienti, demonstrari queat existentia Dei, adversus eos qui eam vellent partem affirmantem amplectemur, de iis qui contrariam tenent parum solliciti, modo contra libertinos & impios intentum habeamus.

ASSERTIO UNICA.

Exstat in omnibus nobis lumen aliquod a natura, cujus ductu existere Deum verum omnium creatorem ac gubernatorem ita invicte cognoscimus, ut ex illo vere demonstretur Dei existentia.

EVidens adeo est hujus veritas assertionis, ut & gentiles philosophos, quos, dum rationi consentiebant, fugere non poterat, illius fuisse defensores omnibus sit compertum: "unum quiddam, idemque numero esse simul ubi," que totum, communis indicat mentis humanæ conceptio; quando omnes "naturali quodam instinctu clamant, in unoquoque nostrum esse Deum:," adeo ut unus in omnibus idemque sit Deus," inquit lib. 5. Enneadum Plotinus e schola Platonis "quæ gens, aut quod genus hominum, quod," non habeat sine doctrina anticipationem quamdam Deorum, id est ante," ceptam animo quamdam informationem? dicebat Tullius lib. 1. de nat. Deorum. Omni autem in re consensio omnium gentium lex naturæ putanda est," inquit, quo cunctarum nationum Deos ratione cognoscentium comperto consensu, sic veluti concludendo loquebatur lib. 1. Tuscul. quæst. "Nulla est gens tam barbara, quæ non fateatur esse aliquem Deum: adeo," quidem ut homines falsum Deum habere malint, quam nullum omnino "quæ ethnicorum verba ostendunt, quanta sit vis luminis illius in omnibus hominibus a natura impressi, ad supremi numinis eorum quæ sunt creatoris ac moderatoris, existentiam invicte manifestandam.

Et revera cælum & terra fortiter adeo in hominum mente de Deo loquantur, ut ab ipsa ratione deviare dicendi sint etiam ipsi sapientes in quibus, ut dicitur Sapi. cap. 13. *non subest scientia Dei, & de his que videntur bona, non potuerunt intelligere eum qui est, neque operibus attendentes agnoverunt quis esset artifex.* Quare autem insipientes & vani? nisi quia rerum sensibilibus specie delectati, speciosorem eorum dominatorem nescierunt, vocique naturæ minime obtemperantes, speciei generatorem hæc omnia constituisse non sunt recordati: & in hoc omnimode culpandi; a magnitudine enim speciei & creaturæ cognoscibiliter poterit creator horum videri... Si enim tantum potuerunt scire ut possent asimulare sæculum: quemoda hujus Dominum non facilius invenerunt? & invictum adeo contra impios est argumentum vox illa naturæ in cordibus hominum perpetuo de Deo loquentis, ut impietatem gentilium, & illorum etiam qui inter ipsos sapientes dicebantur, ex eo increpaverit Apostolus Rom. cap.

cap. 1. quoniam veritatem Dei in injustitia detinuerunt, illum palam non adorantes, aut aliis non prædicantes, quem naturali lumine non potuerunt non cognoscere: quia quod notum est Dei, manifestum est in illis, Deus enim illis manifestavit invisibilia enim ipsius a creatura mundi, per ea quæ facta sunt intellecta conspiciuntur: Sempiterna quoque ejus virtus, & divinitas: ita ut sint inexcusabiles, quia cum cognovissent Deum, non sicut Deum glorificaverunt. Cujus vis argumenti neminem fugit, qui ad cor suum rediens, omnia quæ in mundo sunt & videntur, autorem suum ac moderatorem, tacito sed potentissimo sermone sibi prædicare in semetipso experitur.

Apostoli Pauli argumento utentes fere omnes priorum sæculorum patres, inexcusabiles dixerunt gentiles, quod Deum omnium creatorem & rectorem cum natura docente intellexissent, ipsi gloriam & honorem non attulerunt: non nullos ex illis pro omnibus aliis audiamus, omnibus nota sunt ista Iuliani martyris verba Apologia 2. *Dei appellatio nomen non est, sed rei inenarrabilis, natura omnium insita opinio.* Quid expressius iis quibus in admonitione ad gentes scribit Clemens Alexandrinus sic loquens: *omnibus simpliciter hominibus, maxime autem iis, qui versantur in doctrina & litteris, infusillatus est quidam divinus influxus, quæ de causa, vel invititi quidem, fatentur num esse Deum ab interitu alienum & ingentium.* Egregia sane sunt quæ dicit Tertullianus, Apologeticæ cap. 17. *quod colimus Deus unus est, qui totam molem istam cum omni instrumento elementorum corporum, spirituum, verbo quo jussit, ratione quæ disposuit, virtute qua potuit, de nihilo expressit in ornamentum majestatis suæ... invisibilis est, etsi videatur: incomprehensibilis, etsi per gratiam representetur: inestimabilis, etsi humanis sensibus æstimetur, ideo verus & tantus est... Et hæc est summa delicti nolentium recognoscere quem ignorare non possunt. Vultis ex operibus ipsius tot ac talibus quibus continemur, quibus sustinemur, quibus oblectamur, etiam quibus exterremur? Vultis ex anima ipsius testimonio comprobemus? quæ licet carere corporis pressa, licet institutionibus pravis circumscripta, licet libidinis ac concupiscentiis evigorata, licet falsis Deis exaneillata, cum tamen respiscit, ut ex crapula, ut ex somno, ut ex aliqua valetudine, & sanitatem suam potitur, Deum nominat, hoc solo nomine, quia proprio Dei veri. Deus magnus, Deus bonus, & quod Deus dederit omnium vox est; judicem quoque contestamur illum: Deus videt, Deo commendo, Deus mihi reddit. O testimonium anima naturaliter Christiana! Denique pronuncians hæc, non ad Capitolium, sed ad Cælum respicit. Novit enim sedem Dei vivi, ab illo & inde descendit. Quid evidentius dici possit unde evincatur cunctis hominibus inesse lumen aliquod a natura, cujus ductu invicte cognoscere valeant, & de facto dum hunc sequuntur vere cognoscant existere Deum, non qualemcumque, sed Deum verum, de quo questio movetur, qui vere sit mundi hujus, & Cunctorum quæ extant creator & rector; dicant qui illum Deum & Dominum vellent ignorare, sed in corde, invitati licet, ore quamvis contraria fari non verecundentur, coguntur confiteri.*

Non directe minus ex Eusebio Cæsariensi eadem veritas comprobatur. Ipsi lib. 2. præparat. Evang. Cap. 9. sic loquenti aures attentas præbeamus. *Enim illud ac salutare in primis, quod Dei nomen essentiamque significat, ipsius*

naturæ ductu, impressisque animo per sese notionibus, vel divinitus potius inspiratis nemo non intelligit. Hoc enim omnes populi communi quodam rationis sensu percipere, cum id omni animo, ratione & intelligentia prædito, idem hujus universalis artifex naturalibus quibusdam cogitationibus inseruerit. Audiatur tandem Augustinus, ut de cæteris taceamus, quorum omnium una eademque vox est. Quod Deus dicitur universæ creaturæ, etiam omnibus gentibus antequam in Christum crederent, non omni modo esse potuit hoc nomen ignotum. Hæc est enim vis veræ Divinitatis, ut creaturæ rationali jam ratione utenti, non omnino ac penitus possit abscondi. Exceptis enim paucis in quibus natura nimium depravata est, universum genus humanum Deum mundi hujus fatetur auctorem. Si ergo sint aliqui qui Dei existentiam negantes, huncque eorum quæ sunt conditorem non agnoscentes, hi ex Augustino annumerandi sunt cum iis, qui ratione non utuntur, vel dicendi sunt ex iis esse, in quibus nimium depravata natura de suo auctore infeliciter conticescit, & super quos, ut ait Paulus Rom. cap. 1. revelatur ira Dei de cælo: quique evanuerunt in cogitationibus suis, & quorum insipiens cor obscuratum est, sed ex illis nihil contra assertum concludi potest, contra ipsos ubique. Terrarum fortiter reclamante cunctarum nationum numerosissimo cœlu.

His audiis tum scripturæ, tum patrum, atque etiam veterum philosophorum testimonis, sic ad veritatis manifestationem arguere licet. Lumen illud cuius ductum sequentes supremi numinis rerum omnium creatoris ac gubernatoris existentiam ex nobis ipsis necessario cognoscimus, omnesque cunctarum gentium, & cuiusque temporis homines pariter cognoscunt, est in nobis impressum a natura, quod commune omnibus est iis qui naturam illam participant, quodque in omnibus idem est, licet in quibusdam clarius fulgeat quam in aliis, & in nullius anima penitus deleri potest. Hæc enim universalitas quæ individuum quodcumque ratione uti valens complectitur ita naturam matrem, omnibus unam supponit, ut aliud ullo modo nequeat habere principium quid quid in singulis ejusdem speciei constante & secundum eandem formam reperitur, cum in naturam refundatur, & ab illa sola proficiatur ut ipsi proprium, illud quod omni ejus individuo convenit & semper, juxta receptissima metaphysices principia. Extat autem in omnibus nobis, ut testantur ea quæ mox retulimus, lumen ex quo evidenter & invicte cognoscimus existere Deum rerum omnium Creatorem ac gubernatorem, quem supremum numen vocamus. Sit ergo a natura in nobis omnibus lumen illud necesse est. Ex illo autem lumine vere demonstrari supremi illius numinis existentiam ostendemus quæstione sequenti.

Lumen hujusmodi, vel melius dictamen naturæ, ratione cuius, de Deo naturaliter, & secundum se notum est si est, ut loquitur Doctor subtilis, non dicemus ideam innatam, cuius naturam explicare valde difficile est; si enim hæc idea vel cognitio in ipsa animæ creatione esset nobis adeo infusa; quæcumque aliam ideam acquisitam seu cognitionem in pueris, eo instanti quo ejusdem cognitionis sunt capaces, præcederet necessario vel infallibiliter Dei idea aut cognitio, cum illa in hac hypothese esset quid primum in anima nostra; id
tamen

ramen verum non est, ut propria docemur experientia. Aliunde supponi posset hominem licet omni sensatione a nativitate carentem, habere Dei ideam, quod est absolute impossibile. Illud ergo naturæ dictamen in nobis omnibus alte de Deo loquens ex quo ratione utimur, recte dicemus occultam quamdam naturæ vocem, quæ nos facili discursu, ac non implicata ratiocinatione, ex nobis metipsis, aliisque rebus aspectabilibus, ad illarum & nostri creatorem ac moderatorem Deum verum & unicum gradatim sed necessario conduci. Idque eo libentius dicemus, quo verius sensum scripturæ sacræ & sanctorum patrum, hoc posito videmur attingere. Laudata enim ex illis testimonia, & alia quæcumque possent asserri, si sint vere ad propositum, indicant absque ambiguitate qualibet cognitionem Dei, seu ideam per discursum & illustrationem ex prævia nostri, aliarumve creaturarum idea & cogitatione, ut attente cuilibet a præjudiciis libero rem pendenti fiet prima fronte manifestum. Ratio illa omnibus divinitus insita, ac primum in pectoribus nostris, condita, cunctisque mortalibus innixa, nos ab his rebus quæ oculis cernuntur, ad Deum subvertit, inquit Gregorius Nazianzenus, orat. 2. de Theol. Cujus sancti Præfatus verba facilem nobis præberent aliorum sanctorum patrum intelligentiam, si quid ex eorum dictis posset difficultatis occurrere. Præterquamquod ipsi ideæ innatæ circa Dei existentiam defensores, illam dicant non actualem Dei cognitionem sed facultatem vel naturale lumen, quo ex sola terminorum apprehensione intelligimus Deum esse, eodem modo, quo statim ac sine prævio discursu, inquit Tournely, concipimus veritatem istarum propositionum, impossibile est idem simul esse & non esse: alteri ne feceris quod tibi fieri non vis. Atque etiam fatentur ideam illam Dei, quam innatam volunt, in nobis excitari occasione rerum quæ in mundo cernimus, ut ait Witasse. Verum longius ipsis erat progrediendum, probando quomodo illud fiat absque discursu quocumque, quod ipsis erat impossibile, huncque prævium discursum necessario supponant ea quæ offerunt, illum impugnare volentes; cum aliqualem, etsi facilem, discursum requirat apprehensio terminorum, sine quo nec ipsi apprehenderentur termini. Ex quo fit ut ad nostram accedant sententiam, dum suam statuere sibi blandiuntur. Cæterum non minus premuntur Athei per dictamen illud naturæ in sensu exposito, imo facilius & efficacius perstringuntur, quam per ideam innatam, multis etiam Theologis invidiam, qui vocem hanc naturæ nos facili discursu ex creaturis ad creatorem infallibiliter conducentis, omnium hominum mentis efficaciter loquentem, ut quid indubitatum admittunt.

Nec forte superfluum erit observare, ideæ illius innatæ de unius veri Dei existentia defensores, ut quid ad illam pertinens supponere quod non nisi per multiplicem discursum, alia cum aliis comparando dignosci potest. Volunt enim hanc innatam Dei ideam intime impressam animæ, absque discursu & ex se ipsa, nobis representare Deum ut ens perfectissimum, ut summum bonum universæ, quod nec quidem excogitari potest. Hinc etenim sequeretur non minus esse per se notum quid Deus sit, quam quod sit, proindeque nos habere ideam innatam de essentia Dei sicut de ipsius existentia: quod

quod saltem verum esset in sententia eorum qui volvere divinam essentiam constitui formaliter per cumulum seu congeriem omnium perfectionum actualium, quod idem sonat ac ens perfectissimum. Et verum esset etiam in aliorum sententia, cum fluat necessario a veri Dei essentia quod omni vera perfectione doneatur, & quod sit summum bonum universe, in quocumque modo sumatur, sive in quantum quidquid boni habet aut accipit creatura, illud ab hoc summo bono quod est Deus, participat: sive in quantum ille est omne bonum transcendentaliter, qui proinde solus potest esse verum bonum creaturæ rationalis, cui longe ab illo summo bono omnia dura sint & amara, ut quodam loco loquitur Augustinus, necesse est. Quomodo ostendere possint id, quod tamen non est admittendum, non sequi ex innata idea Dei sub respectu entis perfectissimi aut summi boni, quem dicunt esse quid primum in idea existentiae Dei, arduum nimis videatur. Idea igitur entis perfectissimi, idea summi boni in universum, est valde complexa, & in mente hominum efformari nequit nisi prævio discursu varias ideas supponente. Prius sciendum videtur quid perfectionis, quid imperfectionis nomine debeat intelligi, & præcipuarum saltem perfectionum grosso modo est habenda cognitio. Quid dici debeat bonum & summum bonum non facile adeo intelligitur; & quam plures sunt homines, qui ideas illas metaphysicas habere nequeunt nisi difficili ratiocinatione, quæ ex variarum idearum comparatione, & non aliter proficisci potest; quæ difficultas, qui labor cum supposita hac innata Dei cognitione, quæ facilissima esse debet si vera est, conciliari minime possunt. Et mirum quod in illa sententia tot difficultates, quas leviter dumtaxat attingimus, & ex quibus aliæ quamplures oriuntur, non senserint qui eam, ut quid indubitatum & quasi evidens, defendunt. His omnibus obviatur, si vox illa naturæ in mentibus hominum efficaciter loquentis de Deo, modo a nobis exposito sumatur. Unde juxta hanc expositionem quæcumque occurrent dicenda quæ ad illum dicant ordinem, volumus intelligi. Et pauca sunt quæ hoc posito solvenda occurrant adversus assertionem; quibus tamen ut faciamus satis nos admonet veritatis amor.

SOLUTIO OBJECTIONUM.

I. **O**bjectio. Natura in omnibus hominibus uniformiter loquente, si ex ipsa in cunctis esset dictamen illud ex rebus aspeatabilibus ad illarum factorem & moderatorem Deum facili discursu necessario nos conducent, nullus hominum esset, qui rerum omnium Creatorem Deum posset ignorare, vel negare, nullique proinde fuissent Athei. Contrarium tamen constat. Quot philosophi, quot impii quorum nomen ad nos usque pervenit, qui nihil de Deo crediderunt; & fortasse quot ad hunc extant, qui nullum supremum numen a quo ortum habuerint & regantur ea, quæ sunt, admittentes, de quibus dici potest quod sint sine Deo in hoc mundo; & adversus quos christiana pietas, si posset separari a charitate, quæ omnia suffert, omnia sperat, divinam invocaret iustitiam, dicens cum psalte Regio, celsum.

effunde Domine iram tuam in gentes quæ te non noverunt. Fictitium ergo sit oportet lumen illud naturale, & gratis omnino mentibus nostris impressum supponitur.

Resp. utinam homines omnes ad illud naturæ dictamen vellent attendere, nec aliquando reperirentur qui vim illius experientes inviti, scintillam illam extinguere conarentur: at prohi dolor! eo amentix devenere nonnulli, ut plurimum cordis cupiditatibus fascinati, ut mentem ipsam, ita depravaverint, qui naturæ de Deo loquentis dictamen adeo obscurare misere potuerunt, ut Deum, quem scelorum suorum ultorem ferre nequibant, nullum esse desiderantes ut liberius & securius voluptati indulgerent, non existere sibi fere persuasum habuerint. Illum tamen penitus ignorare non valuerunt, frustra contra rationis dictamen pugnantes, hunc sibi ipsis intime præsentem sæpissime experiebantur, ut in se tandem reversi confessi sunt. Naturam igitur in omnibus hominibus de Dei universorum conditoris & rectoris existentia uniformiter loqui est indubitatum: illiusque vocem quoties audire voluit homines quicumque sint, ejusque sequi dictamen, a creaturarum, suique ipsius consideratione ad creatorem infalibili tramite devenient, cum inter creatorem & creaturas sit relatio omnimode necessaria. Nullus est hominum qui facili discursu vim demonstrationis habente, sentiens se non esse a semetipso, & gradatim de omnibus quæ sunt aut fuerunt ex consequenti idem judicium ferens, ratione naturali non agnoscat, se, cunctasque creaturas alias, unum necessario habere authorem, qui ut omnia ab illo esse habeant, nullum debuit habuisse creatorem, sed esse a se ipso, alioquin daretur progressus in infinitum, quod absurdum esse, ratione distante, ab omnibus teneret. Hinc facile videtur quid sentiendum sit de iis qui Deum ignorasse dicuntur, & pro Atheis habentur quod multi fuerint omni ævo qui vixerint eodem modo ac si existimassent non existere Deum, eumque revera non esse in votis habuissent, id jam concessimus nimia id edocti experientia, eosque prædixisse Atheos vocari non renuimus. Ergone fuere Athei speculative, interne, ac directe qui quodam judicio supra se reflexo omnem unius Dei omnium rerum auctoris sensum deposuerint? nequaquam. Idque de variis gentilitatis philosophis, aliquotve vulgo sapientibus dictis gratis asseritur: & si ut tales, etiam a non-nullis paribus habiti sunt, id in sensu generico & improprio est intelligendum: eorum maxima pars inter paganos, gentium ridiculam multitudinem, & multo magis eorum simulachra pro nihilo reputabat, ac de iis inconsiderate, & aliquando contemptibiliter loquebatur. Cum autem quid de uno Deo cunctarum rerum opifice, qui naturæ lumine, & ex rerum creaturarum seria contemplatione illis non erat absconditus, sentiebant illi philosophi aut sapientes, populo quem satis non faciebant, ejusque profanam superstitionem, irridebant ob multiplices Deos illius eorumque idola, non aperirent, pro Atheis habiti sunt. Neque etiam inter eos desuere, qui ex stolta quadam ostentatione, vel ex singulari jactantia, ut aliis hominibus mentis acumine superiores viderentur, sicut etiam nostris accidit temporibus, de omnibus apertè dubitantes, circa primam mundi originem, ipsiusque gubernationem siste-

sistemata sistematis addentes, etiam ipsius Dei existentiam coram multitudine, aut privatis colloquiis ore blasphemio impugnaverint. Nihilominus illi omnes, nisi depravatis affectibus corde radicaliter vitio mens ipsa, Deo illud permittente in scelorum poenam, obtenebrata adeo fuerit, ut lumen naturale quasi extinctum in ea videretur respectu Divinitatis, quod non impossibile iudicarem, licet inde nihil in nos posset concludi: illi omnes, inquam, nihilominus de unius veri Dei rerum omnium opificis existentia anticipes minime fuere; quin potius de illa eo certiores erant, quo magis in naturæ arcana penetraverant. Unde concedendo quod fuerint, & adhuc sint Athei, qui prædicæ aut externe tales possint reputari, nego absolute quod veri sint aut aliquando fuerint Athei speculative, sincere & interne, Deum verum mundi creatorem necessarium e medio tollentes, quidquid in contrarium dici possit, aut colligi ex historiis, quæ juxta sensum mox traditum explicari debent.

Nec minimum premunt quæ laudari possent sacræ scripturæ loca, ut sunt ea verba Davidis: *Dixit insipiens in corde suo non est Deus: effunde iram tuam in gentes quæ te non noverunt*, aliaque iis similia quæ passim occurrunt. Observandum enim est talia non protulisse insipientem in mente sua, sed in corde suo, ut ostendatur ex pravis affectionibus, ex corruptione cordis oriri in impio hunc cogitandi modum, qui potius magisque sit in corde, quam in ore, cum illum puderet verbis desideria cordis sui manifestare, quæ rationi adeo illantur. Unde hunc locum psalmi 13. exponens Augustinus sic loquitur: *Nec ipsi enim sacrilegi & detestandi quidam philosophi, qui perversa & falsa de Deo sentient, ausi sunt dicere, non est Deus. Ideo ergo dixit in corde suo, quia hoc nemo audet dicere, etiam si ausus fuerit cogitare. Corrupti sunt, & abominabiles facti sunt in affectionibus suis: Id est, dum amant hoc sæculum, & non amant Deum: ipsa sunt affectiones quæ corrumpunt animam, & sic excæcant, ut possit etiam dicere imprudens in corde suo, non est Deus. Quod dicit idem Psalmista, effunde iram in gentes quæ te non noverunt, hoc est juxta Augustinum ut insinuat textus, quæ te non invocaverunt. Est enim non nosse Deum, ipsum non invocare, ipsum non laudare, ipsum non glorificare: & in eo, ut diximus superius cum Apostolo, inexcusabiles fuere sapientes gentilitatis, quia cum cognovissent Deum, non sicut Deum glorificaverunt, ei non redentes hunc cultum qui ei debetur, quemque exigit ab omnibus hominibus eodemque sensu intelligendus est ipse Apostolus, dum de iis qui recenter ex gentilitate ad fidem Evangelii conversi fuerant dicit, quod aliquando sine Deo fuerant, cum illum scilicet non adorarent, falsos deos loco illius habentes.*

Nec aliquid contra assertionem mihi videtur posse concludi ex idololatriis, qui falsa Numina habentes, a nonnullis Athei reputantur, sed immerito; quin potius, eorum cecitas erga objectum legitimum cui supremus debetur cultus, quem diis fictitiis decernebant, argumentum est ostendere aptissimum naturæ dictamen homines ex rebus sensibilibus ad illarum auctorem necessario duccens. Existentiam supremi unius omnium moderatoris, qui omnia produxit.

duxisset, ut quid indubitatum agnoscebant; etenim iis qui inter eos sua utebantur ratione de primitiva rerum origine, continuaque gubernatione, impossibile videbatur non esse aliquod ens supremum independens, a quo omnia, quæ sunt, esse suum haberent. Sed variis decepti præjudiciis, fortasse ex prava educatione, aut ex suorum sacerdotum cupiditate, obscuratum habentes intellectum quantum ad naturam Dei illius, de cujus existentia necessitate ratio naturalis illos admonebat, pro illo quem ignorare non poterant, diis quos ignorabant servierunt. Sicque errantes, Deos falsos loco veri Dei omnium creatoris sibi fingendo, testimonium perhibebant voci naturæ de Deo omnibus hominibus loquentis, cum falsorum numinum idea, absolute supponat anticipatam unius veri Dei ideam, ipsiusque necessariam existentiam, aut potius impossibilem non existentiam, si ita loqui fas sit: sicut falsæ variorum populorum religiones, unam religionem veram necessariam præsupponant. Quapropter dici posset, idololatrias errasse circa modum rei, non vero circa rem ipsam: quod satis est ad illos ab Atheismo vindicandos. Et quare impugnans innatam Dei ideam Nicolaus l'Herminier, voluerit augere adeo Atheorum numerum, qui, inter eos idolorum cultores recensendo, in immensum excrevisset, non invenio.

2. Objectio. Si in nobis omnibus extaret lumen illud a natura ad existentiam Dei homines necessario ducens, aliquid de Deo naturaliter cognosceremus, illius naturam, ejusque perfectiones tali lumine detegeremus. Nullus hominum tamen sola docente natura, scire potuit quid sit Deus, quænamve sint Divinitatis attributa etsi enim natura duce Deum ut ens perfectissimum, ut summum bonum, ut illud quo majus aut melius nihil excogitari potest seiremus, quod non conceditur, nihil tamen de illo pro ut est cognoscere-mus: gratis ergo in nobis dictamen illud naturæ supponitur.

Resp. Falsitatem istius inductionis ostendere quid necesse? Neque enim diximus luminis naturalis ductu nos devenire ad cognoscendum quid Deus sit, sed ad necessariam ideam sive cognitionem ipsius existentia. Duo sunt omnimode diversa, scire quod Deus sit, & scire quid Deus sit. Illud intellectus creati captum superat, quod per fidem solum, juvante gratia, in præsentia vita aliquo modo imperfectissimo detegere possumus, minus imperfecto in altera vita, mediante lumine gloriæ, detecturi. Alterum, nempe quod Deus sit, natura docemur, nullumque sensatum latere potest, rerum sensibilibus, quæ per se intimo sensu cognoscimus esse non posse, contemplatione, invictæ ad illarum auctorem & conservatorem nos ducente, idea rei factæ ideam Factoris necessario excitante. Cum ergo ad cognoscendam existentiam Dei sub idea omnium creatoris & moderatoris insitum nobis sit a natura lumen illud, satis est quod de illa invictæ loquatur: & aliud præter id ad quod nobis datum est operaretur, si manifestata nobis per ipsum unici illius eorum quæ sunt conditoris ac rectoris existentia, aliquid de Dei natura ejusque perfectionibus, vel etiam ex parte nobis aperiret. Unde verum est quod additur, nullum hominum, sola docente natura, quid sit Deus, quænamve sint Divinitatis attributa, saltem ut revera sunt, scire potuisse, quod ad fidem
C
spe-

spectat mediante revelatione, quamvis etiam Deum ut summum bonum, ut ens summe perfectum, ut illud quo melius aut majus nihil potest excogitari, natura duce sciremus, nihil tamen de illo pro ut est cognosceremus, id optime dicitur: cum in suo esse sit Deus ineffabilis, ejusque perfectiones nullas præter ipsum valeat comprehendere. Et aliunde ideam entis perfectissimi, quo nihil majus aut melius esse potest, se habuisse contendant Epicurus & Spinoza, qui tamen recte minus de Deo sentiebant, illumque, verbis saltem, negabant, perfectiones omnes mundo, quem æternum fixerunt, tribuentes, illumque pro unico Deo habentes; si tamen quæ loquebantur de æternitate materiæ, & de unico illo ente universalissimo, cujus omnia entia sunt totidem partes, varizque modificationes successivæ, quodve finem non est habiturum, ipsi vere intellexerunt, aut etiam intelligunt hodierni materialistæ, qui Deum omnium rerum creatorem ut videantur non agnoscere, sibi ipsis interius mentientes, incomprehensibilia phantasmata, ideasque secum impossibiles statuere vel proponere coguntur. Verum illi pro nunc nihil ad propositum, quos contra propriam conscientiam & adversus illud universale naturæ dictamen, cum Dei omnium creatoris existentiam impugare volunt, sentire, ut potius loqui existimamus.

3. Objeçtio. Ut lumen illud naturale de Deo loquens, quod in nobis omnibus esse supponitur, invicte homini Deum existentem ostenderet, ex creaturis creatorem necessario colliges, oporteret ut connexio esset absoluta & necessaria Deum inter & ea omnia quæ extant. Gratis autem talis supponeretur connexio: alioquin Deus esse non potuisset quin produceret creaturas, sicque fuisset ab æterno creator & necessarie, quod tamen falsissimum est, fideique contrarium: & aliunde, in re tanti momenti præcipuum certitudinis nostræ argumentum esset testimonium sensuum, quibus nimium tribuere periculosissimum esse ipsa ratio didat. Nullum ergo remanet assertum.

Resp. Merum esse sophisma illud argumentum, contra logicæ regulas peccans, quis prima fronte non videt? Deus enim sub vario respectu consideratur, modo ut creator, modo ut non creator, vel consequenter & relative ad creationem, & deinde præcindo a creatione. Ut autem legitime procedatur, considerandus est sub eodem respectu. Hoc prænotato certum est Deum non produxisse necessario creaturas, & ab illis producendis poterat certissime abstinere. In hac hypothesi, ex hoc capite demonstrari non posset Dei existentia, cum nemo esset cui demonstraretur. Sed posito quod aliquid existat extra Deum, illud cum a se ipso produci nequeat, quod enim non est, esse sibi dare non valet, id contradictionem importaret, necessario supponit ens superius a quo producatur, & connexio tunc inter utrumque seu relatio, ita est necessaria, ut idea unius ab idea alterius non possit separari, cum res producta vel creata, in quantum consideratur ut producta & creata, ordinem dicat absolutum ad producentem & creantem. Unde ad creaturas ut tales homo sensatus nequit attendere, quin in ipsius mente eodem instanti idea authoris illarum & creatoris exurgat: neque ab illis duabus ideis inevitabiliter connexis, una semel supposita, per intellectum modo quocumque

que præcindi potest. Unde inexpugnatum remanet in omnibus hominibus ratione urentibus dictamen naturæ invictæ & necessario de Deo per creaturæ aspectum loquentis. De voce illa potenti & efficaci naturæ Deum per ea quæ facta sunt necessario ostendentis, hæc scribit S. Joannes Chrysostomus in hæc jam relata Apostoli verba, quod notum est *Dei manifestum est in illis: undenam manifesta erant? vocem e superis immisit illis Deus? nequaquam: Sed quod illos voce validius illicere poterat, id fecit, mundi creatione in medium propozita, ut possit, sapiens, rudis, scythæ, Barbarus ex ipso aspectu eorum, quæ sunt oculis subjecta, pulchritudinem edoctus ad Deum ascendere.* Mundum ergo hunc aspectabilem intueatur quicumque sapiens aut impius, omnia, quæ in illo sunt, factorem suum prædicare necessario audiet.

Insultum est, nihilque in oppositum concludens quod addunt dicentes, quod in re tanti momenti (agitur enim utrum existat Deus vel non) præcipuum certitudinis nostræ argumentum esset testimonium sensuum, quibus nimium tribuere periculosum ratio ipsa dicat: talia qui opponunt se longe a ratione distare non advertunt. Nullo modo nititur sensuum testimonio certitudo nostra de existentia Dei, quæ ratione invictissima simul & necessaria, fundata in essentiali & absoluta relatione creaturæ ad creatorem, nititur: illaque ratio unum ex alio facili ac evidenti discursu inferens, est ipsi summet dictamen naturæ menti nostræ fortiter clamans, mediantribus iis quæ aspectui nostro obijciuntur, esse unum verum Deum omnia regentem, quæ non nisi ab ipso, qui est totius entis plenitudo, esse per creationem & productionem habere potuerunt. Huicque naturæ infallibili dictamini nimium tribuere cum de necessaria Dei existentia quæstio movetur, non nisi imprudenter timeremus, cum illud in anima sit divinitus impressum, ut naturaliter cognoscamus existere Deum, omnium quæ sunt conditorem ac moderatorem, utque ipsius existentiam ignorare nemo possit, nisi voluntarie huic naturæ valide de suo autore clamantis voci aures obturaverit. Si diceretur, nos tentantibus sensibus certos fieri de existentia rerum sensibilibus & creaturarum omnium quæ nos circumdant, sicuti per sensum intimum de propria nostra existentia reddimur certi, illud ultro concederemus. Sed dum relationi sensuum circa existentiam rerum creaturarum in genere fidem nos omnes adhibemus, hac in re decipi non formidamus, cum iudicium omnium hominum constans & perpetuum circa objectum aliquod in genere spectatum, sit infallibile certitudinis tam moralls quam physicæ argumentum: & aliunde uniusquisque de sua existentia omnimodam habens certitudinem errare nequit, dum supra se ipsum reflectens, hanc a se ipso non habere firmissime tenet, & ad aliam a quo illam accepit, Deum scilicet, ex sui cognitione & eorum omnium quæ existunt, gradatim conscendit, sic naturæ dictamini de quo agitur, & per quod a creaturis ad creatorem devenitur necessario, irrefragabile testimonium reddens.

QUÆSTIO TERTIA.

An possit demonstrari, & quibus argumentis demonstraretur Dei existentia.

Indemonstrabilem dixerint Dei existentiam Athei, si quidam vere & sincere suere ex animo, quod ut falsum & impossibile jam negavimus, mirum non esset, cum illud impietatis eorum esset inevitabile corollarium. Illorum nihilominus vesaniam, ut manifestemus, præcipua afferamus argumenta quibus convinci possent, supremi numinis mundi hujus creatoris ac moderatoris existentiam demonstrando, idque tali modo, ut quisquis ratione ducitur inficias ire nequeat. Isti eodem convellentur ii, qui de Dei existentia licet non dubitent, illam tamen existimant demonstrativis argumentis non posse ostendi. Duplex datur genus demonstrationis: una a priori, in qua effectus probatur per causam sive proximam, sive remotam, vel in qua propositio quædam probatur per aliquid illam præcedens tamquam causa, vel tamquam antecedens. Alia a posteriori, in qua causa probatur per effectum, vel in qua veritas propositionis ostenditur per aliquid posterius, vel ut effectus, vel ut consequens. Et si possit in rigore logico dici demonstrationem a priori & directam eam esse, quæ educitur ex natura rei ipsius demonstrandæ; demonstrationem vero a posteriori & indirectam illam esse, quæ educitur ex aliquo ad naturam rei non pertinente essentialiter, sed dumtaxat ab illa fluente ut proprietate secundaria, ideoque ex natura entis summe perfecti & infiniti, ejusque attributorum consideratione, variisque argumentis ex natura ipsius subjecti, Dei scilicet desumptis, absolute posset dici a priori demonstrabilis Dei existentia, ut multis visum est, ne aliquid novi proferre in medium dicamur, tritam sequentes viam, Dei existentiam a posteriori, ex mundi creatione, vel per effectus ostendemus, varia asserendo argumenta quæ ex illa erui possunt, vim demonstrationis eo magis habentia, quo magis communi hominum intelligentiæ vel captui accommodantur. Ante conspectum nedum vulgi, sed & philosophorum, attenta minuculi animalis in ortu, progressu, propagatione & conservatione consideratio, de Deo fortius loquitur, quibuslibet metaphysicis argumentis: ac in mente sapientis, ipsum validius prædicant generales naturæ leges, mutationi minime obnoxie, fluentes ex ipsa forma, quam materiæ impressit supremus artifex, & juxta quas mechanismo uniformi, a quo numquam recedit, orbis universus subiacet, dependenti a primo illo motu quem illi in principio communicavit Omnipotens. Ex mundi creatione ac conservatione, eundarumque rerum aspectu, Dei existentiam omnibus & singulis hominibus necessario colligentibus, moralis evidetur demonstratio, cui non obtemperare non poterit quisquis ratione ducitur. Nec deerunt metaphysicæ demonstrationes quibus impius reprimatur; quæ cum multiplices esse possint, quæ urgentiores & faciliores nobis videbuntur, illas asseremus.

ASSERTIO UNICA.

Multipli argumentorum genere invicte demonstratur Dei Existentia .

Invalida ne sint & infirma, quibus tum Carthesius, tum alii ipso multo antiquiores, demonstrare Dei existentiam susceperunt argumenta, quorum vis ex bene intellectis ipsorum principiis desumenda est, non investigantes, cum varii esse possint modi, quibus eadem veritas detegatur, quod nostrum est directe attingere conabimur. Scripturæ, patrumve testimoniis in præsentî materia parum consulimus, ipsorum auctoritati: impio quocumque rem habemus nihil dante, quem ratione, quam in omnibus sequi gloriatur licet sapissime ab ipsa portentose recedat, ad illud, de quo jam egimus, naturæ dictamen in omnium hominum mente alte de Deo loquens, reducere, si fieri adhuc potest, intendimus.

Primum argumentum petitur ex ente necessario, ex quo, demonstrata Dei existentia, deducuntur essentialia ipsius attributa, in quantum ab humana ratione undequaque limitata possunt intelligi.

Argumentum istud metaphysicum ex ente necessario petitur, & ad quod facile reducuntur argumenta alia petita ex primo movente immobili, ex prima rerum causa efficiente, pro ut a Divo Thoma proponitur, efficaciter minus Dei existentiam demonstrare contendit, & ostendere conatur Nicolaus l'Herminier, dicens illud supponere quod in questione est, nempe ens necessarium esse Deum, quod inquit, non probat Doctor Angelicus: ipsum vindicant Thomistæ si velint: nobis talis provincia non demandatur. Demonstrationem nostram ex necessaria unius entis, quod Deus sit, existentia, modo breviori quo poterimus, sic proponemus.

Eus aliquod ab æterno existentiam habuisse, per se evidens est: si enim quædam in tempore vel nunc existunt, ut nemo sensatus negabit, evidenter sequitur aliquid ab æterno existisse: idque concedunt quos dicimus Atheos, qui mundum volunt æternum, & materiam ab æterno ac necessario existisse supponunt, etsi hanc materiæ æternitatem minime valeant aut intelligere, aut probare. Eus aliquod ab omni alio independents & immutabile ab æterno existisse est absque dubio: Etenim, si ens aliquod necessario fuit & existit ab æterno, vel illud sit absolute independents & immutabile, vel detur infinita successio entium a se invicem pendentium & mutationi subjacentium, quorum alia sint ab aliis progressu ad infinitum, absque ulla primitiva ac efficiente illorum causa, necesse est. Absurdum autem est suppositum istud ultimum; impossibilis enim est, & evidenter contradictionem importat hæc in infinitum progressio. Eius illud immutabile, independents, existens ab æterno, existere a semetipso pariter certum est. Siquidem id omne quod existit, vel e nihilo prodit a quacunque causa improdudum; vela causa quædam ex-
tria.



trinfeca factum est, vel per se exiit, non datur medium. Repugnate autem & contradictionem involvit formalem quod aliquid e nihilo prodierit a quacumque causa improductum. Et aliunde impossibile est, ut mox ostendamus, omnia quæ sunt, a causis extrinsecis & externis proditiisse. Exiit ergo a semetipso & necessario ens illud independens & immutabile oportet, nec aliter absolute res se habere potest. Unde sequitur 1. existentiam entis necessario existentis & a semetipso non posse absque contradictione negari, cum enim absoluta, essentialis sit & naturalis necessitas vi cuius exiit, non magis negari potest illius existentia, quam rotunditas circuli, quam relatio aequalitatis duplicem hunc numerum inter, duo & duo faciunt quatuor, alique huiusmodi. Exinde sequitur 2. visibilem mundum istum & materialem esse non posse ens illud primitivum, increatum, a nullo dependens & per se æternum. Jam enim demonstravimus ens omne quod fuit ab æterno, ab omni alio independens, nullamque sui causam externam habens, per se necessario extitisse, atque necessario existere vi unius necessitatis absolutæ, essentialis, & naturalis. Hocque posito evidenter ex eo sequitur mundum materialem, independentem & æternum a se ipso esse non posse, nisi exiit necessario, & adeo absoluta ac naturali necessitate, ut absque contradictione formali nequeat supponi non existens; secum enim contradictorie pugnant existendi necessitas absoluta, & possibilitas non existendi, ideoque mandum istum materialem non existere necessario evidenter patet, cum absque repugnantia qualibet concipiamus illum posse non existere, aut illum aliter esse posse quam nunc est. Sive ad formam & configurationem ipsius, dispositionemque ac motum partium diversarum attendamus, sive de materia qua constat cogitemus, pro arbitrio factum illum intelligimus. Sit quædam in existendo convenientiæ necessitas, sicut & inter variarum illius partium ordinationem esto: Nec minima in eo cernitur existendi necessitas illa essentialis & naturalis, quam ipsi attribuerent voluit Athei & Materialistæ pro illa acriter pugnantibus.

Eas per se existens infinitum sit & ubique præsens necesse est. Infinitatis seu immensitatis idea, nec non & æternitatis, idæ entis existentis a se ipso ita connectitur, ut posita una, alia non possit non poni: esse enim a se ipso nihil aliud est, quam esse vi absolutæ, essentialis & naturalis necessitatis: quæ necessitas cum sit omnimode absoluta & a qualibet causa independens, ubique & semper ab omni variatione liberam illam esse evidens est. Sicque infinitum sit & æternum necesse est quidquid vi necessitatis in se ipsa absoluta exiit. Quod finitum aliquid a se existat, evidenter implicat. Si ens quoddam concipere possum quin involvat contradictionem, absens ab uno loco determinato, eodem modo illud ab alio loco absens concipere licebit, & successive illud nullibi præsens potero judicare; ideoque quacumque existendi necessitate donatum supponatur, illam ab aliqua causa extrinseca participabit, illam ex intimo & ex suo non habet, & consequenter non exiit ex se ipso. Ex hoc principio inexpugnabili concludendum, ens per se & a se existens nullam omnino habere ex proprietatibus ad materiam spectantibus, ut sunt

sunt motus, configuratio, divisibilitas, aliaque hujusmodi, quæ ex se necessario ens finitum & limitatum designant.

Unicum pariter sit ens per se existens absolute est necessitatis. Ex necessitate existendi naturaliter sequitur entis supremi unitas; simplex enim & semper eadem est necessitas absoluta, diversitatem quamcumque nec varietatem admittens; diversitas quæcumque aut varietas in existendo oritur necessario ab extrinseca aliqua causa a qua pendet. Evidenter autem implicat plures supponere aut duas naturas diversas, per se existentes necessario & absque qualibet dependentia. Cum enim illarum qualibet ab altera non pendeat, quamlibet existere solitarie potest optime supponi, & nihil implicat quominus eo, gitemus alteram non existere; ideoque earum neutra existet necessario. Sola ergo entis per se existentis simplex & unica essentia existat necessario evidens est. Unicum illud ens a se & ab æterno existens sit intelligens pariter oportet, cujus intelligentiam probant, ut infra ostendemus, eorumque sunt creatio, conservatio & directio. Et cum sit rerum omnium origo, causa & archetypum, omnium entium quæ ab illo suam ducunt originem, perfectiones quascumque eminenter contineat necesse est: effectus enim aliqua donetur perfectione qua careat ipsius causa impossibile est. Ens illud intelligens quod necessario per se existit, esse ens liberum & agens libere, summe sapiens, verum, bonum, iustum, potestatis infinitæ, omnique pollens perfectione in gradu eminentiori nemo negabit. Cum ea omnia sequantur necessario ex absoluta & naturali existendi necessitate.

Ex his omnibus propositionibus quæ sunt totidem principia per se evidentia sic intellectis breviter concludamus. Existit ab æterno & necessario aliquod ens, immutabile, independens, existens a se ipso, infinitum, immensum aut ubique præsens, simplex, intelligens, unicum, summe perfectum, rerum omnium principium, omnipotens: Ens autem hujusmodi est necessario Deus, & tale ens esse non potest quin sit Deus; id enim præcise Dei nomine nos omnes intelligimus, & aliunde orbis iste universus ab illo dependens, quem æternum & sine ullo principio nemo rationis compos prædicabit, non potest esse illud ens. Ergo existit Deus, quod erat demonstrandum.

Nec est quod reponunt Epicurei aut Spinosistæ, dari quidem ens aliquod necessarium ac æternum, videlicet materiam, seu atomos, quas increatas volunt, nullumque dari ens contingens ac productibile, cum substantiæ omnes quæ nullæ aliæ sunt præter materiam, producantur solummodo ratione extensionis: unde, inquit, ex illa necessitate existendi ab æterno minime sequitur existere ens illud supremum, intelligens, unicum, simplex, quale sit illud, quod Dei nomine volumus intelligendum. Nullius est momenti quod opponunt, omnique destituitur fundamento. Siquidem ipsis probandum incumbet, atomos & materiam existere necessario & per se, nullamque habere potuisse causam sui productivam, resque omnes seu substantias esse per perpetuas materiæ illius increatæ & improductæ modificationes, quod dum statuere volunt in varias incidunt absurditates, perpetuum entium successionem in infinitum usque, quin suæ existentia causam habeant primitivam, admittentes,

ea quæ in medium proferunt parum capientes, multoque minus ostendere valentes. Absurdum plane est fingere infinitam entium inutabilitum ab invicem dependentium progressionem nulla data illorum causa efficiente, estque absolute impossibile, & contradictionem involvit. Erit ne infinita hæc progressio veluti series seu concatenatio æterna entium ab invicem dependentium, ut supponi debet inter atomos illas aut inter varias substantiæ materialis partes? est evidens congeriem illam entium causam extrinsecam suæ existentie habere non posse, ex eo quod quæcumque extant vel existerent in universo mundo, congeriem illam vel in parte vel in toto supponuntur constituere. Ex altera parte evidens est nec ullam posse habere causam intrinsecam suæ existentie, ex eo quod in hac infinita serie seu concatenatione entium nullum est quod non pendeat ab illo quod præcedit. Cum ergo necessario nulla illorum pars exsistat, nec totam illorum entium congeriem existere necessario manifestum est; neque enim est absoluta necessitas existendi quid extrinsecum seu externum, relativum & accidentale respectu entis necessario existentis. Absolute ergo quid impossibile dicit infinita hæc successio entium ab invicem dependentium nulla posita causa primitiva & independente. Nec aliquid in oppositum dicit, quando verum esset, substantias non produci nisi in quantum materia primitiva novas induit formas, varias successive patitur modificationes; quid enim interest, modo materia a principio, vel atomi a causa efficiente extrinseca, & ab æterno a se existente necessario, id est a Deo, create admittantur, quod satis est ad illarum contingentiam, & ut non existant necessario. Quod enim detur materia de novo, vel non, hic non investigamus, philosophorum est: id solum partes nostras exequentes affirmamus, nec atomos Epicureorum, nec substantiam expansam seu materiam Spinophilorum, existere necessario aut a se, cum id ex omni parte repugnet. Sed existentiam illarum, quæcumque in temporum decursu donentur configuratione, cuicumque subjaceant mutationi, necessario supponere existentiam entis a se & necessario existentis, a quo esse suum acceperint. Quod eo fortius manet demonstratum, quo majorem involvit oppositum contradictionem.

*Secundum argumentum petiitum ex temporanea simul ac mirabili mundi
hujus structura, illiusque continua gubernatione.*

Mirabilem hanc mundi hujus temporaneam structuram, supremi illius entis necessario existentis intelligentiam ac potentiam evidentem ostendentem, suumque unicum creatorem nobis alte prædicantem, magnifice describit Regius propheta per hæc verba, *Cæli enarrant gloriam Dei, & opera manuum ejus annuntiat firmamentum*. Neque enim inter ea quæ extant, aut minimum reperire est ens, quod tacito sermone, valido tamen & efficaci humanæ rationi non indefinenter dicat, *Scitote quoniam Dominus ipse est Deus, ipse fecit nos*. Deum ergo mirabiliter demonstrat supremum omnium conditorem mirus ordo partium orbis universi, miranda hæc structura illius: Causas enim ex effectibus pensare debemus, & ex operibus opificem. Nulla autem

autem est alia causa, in quam mundi illius creationem, conservationem, sicut & moderationem possimus refundere, præter Deum. Vel enim mundus iste æternus est, vel forte ex atomis præexistentibus, & ex fortuita partium materiæ configuratione ratione motus ipsi connaturalis, vel in tempore fuit a Deo creatus. In fortuitam atomorum connexionem, earumque accidentalem dispositionem, sicut & in casualem seu fortuitam partium materiæ modificationem ac configurationem, orbem istum numeris omnibus absolutum; nemine manum admovente, qui refunderet, non minus insaniat illo, qui magnificas inspicies ades, perfectum artificium, egregiam picturam, librum elegantem; atque huiusmodi, ea omnia casui adscriberet, summum pictorem artificem industrium, egregium architectum, luculentum scriptorem ex iis minime intelligens. Verum illæ atomi unde exortæ? unde, & quid ille casus hæcque fors & fortuna? si aliquid sunt præter inane nomen, unde illis virtus illa, ut ex accidentali earum connexionem, opus adeo mirificum, sibi semper constans, a prima sui perfectione numquam recedens coaluerit? vicerit ergo oportet cæcus ille atomorum concursus cuiuscunque intelligentiæ sapientiam, ut opus omnes creatas excedens vires ille condiderit casu. Peiuscūm nimis est tale artificium, ut non perfectissimum supponat, & omni ex parte demonstret artificem. Jamque Epicureos cum suis atomis mundum producentibus indignabunda irridet Ratio.

Verum ne opinionem illam licet insulsam, quæ antiquitus numerosam philosophorum sectam habuit patronam, levius attigisse videamur, universam rerum aspectabilium compagine[m] repentina atomorum incensio[n]e non evenisse, nec etiam evenire potuisse ostendamus. Casu nihil posse evenire quod sæpe læpius multiplicatum secundum leges determinatas ac statuta tempora semper eodem modo necessario eveniat, nulla interveniente aliquando essentiali mutatione, etiam per accidens, ita ut illud quod supponitur fortuitum, & ut tale repræsentatur, summam artificis omnipotentis, a cuius nutu ipse etiam casus, si quis circa illius de quo agitur formationem posset admitti, videatur totaliter pendere, industriam ex se se redoleat, facile capit intellectus humanus, nec intricato opus est ratiocinio ut hujus innotescat veritas propositionis, quæ prima fronte evidentiam parit. Rem autem sic se habere respectu orbis universi, tam in cœlestibus, quam in terrestribus, pro ut a nobis cognoscuntur, & quotidiana confirmatur experientia, quis contradiceret? in formatione & constitutione mundi hujus, non minus quam in annosa illius conservatione, summam relucere industriam opificis, ipsi casui & sorti penitus superioris, qui negaret, nonne inter insipientes ipse esset annumerandus? Nunc autem respondeat Epicureus quis; leges illæ primitivæ secundum quas perpetua succedit, tum vegetantium, tum animalium cuiuscunque speciei, generatio, propagatio, ac renovatio, quin ulla ab initio acciderit in essentialibus mutatio, vel sunt ipsi sorti, seu atomorum fortuito concursui essentielles, & ab intrinseco, ita ut res aliter absolute non posset evenire, vel sunt ab extrinseco, & ab agente superiore latæ, qui secundum suæ voluntatis ac sapientiæ consilium, & rerum quas producebat exigentiam, uni-

cuique modum inalterabilem constituerit. Si illud ultimum, habemus intentum; erit enim agens ille, quem authorem suum natura universa demonstrat, Deus, pro cuius existentia certamus. Si primum aliud, subsistere non potest, est enim quid contradictorium, & pro secundo illo invide clamatur: forti ab intrinseco inesse leges primitivas & invariabiles, juxta quas cuncta quæ ab illa sunt diriguntur, repugnat; tunc enim transiret ab esse casuali illam constituyente, ad esse necessarium juxta principia firma dirigibile, quod illi nullo modo valet competere, illamque in manus tradit supremi formatoris Dei, quod systema Epicureorum funditus prosternit. Præterea, si ex fortuito atomorum & partium materiæ concursu coagmentata sunt prima cujuscumque speciei animalia, ne extra sphaeram rerum sensibilium nos veluti immediate ambientium vagemus, quare ex illo denuo non gignuntur? quare ex necessaria commixtione maris & seminae ubique terrarum, nec alio modo ullibi gentium, procreantur? Numquid in primitiva rerum formatione vis illa fortis ita exhausta & extincta, ut amplius nequeat exerceri? Fictitius ergo fortuitus ille atomorum concursus primum rerum quæ extant principium.

Vanum simul & impossibile illum exultimantes veteres philosophi, Epicureis demptis, ad dogma usque creationis ratione sibi relicta exurgere impotente, materiam ab æterno existisse excogitaverunt, huncque præsentem illius, quam cernimus partium configurationem, ab intelligenti prima quadam causa ipsi materiæ coeternis elaboratam, ac miro ordine dispositam esse voluerunt, nonnullis defendentibus mundum, neque etiam præsentem secundum ejus partium dispositionem, temporaneum esse, sed æternum, hancque æternæ materiæ coexistere partium dispositionem; unde concludebant res omnes semper fuisse prout sunt, sicque futuras in perpetuas æternitates. At non vanum minus ac commentitium illud systema: repugnat enim quoquo sensu accipitur æternitas mundi, cui esse necessario, aut per se ^{supra diximus} existere, nullatenus convenit. Restat igitur illum fuisse in tempore a Deo creatum virtute infinita ex nulla præexistente materia, & fuisse ex nihilo omnipotentissima voluntate educum, sicque mundi mirabilem structuram demonstrativum de Dei existentia nobis subministrare argumentum. Et aliunde homo ipse solus, aliis Creaturis deficientibus, satis esset ad demonstrandam illius existentiam. Excellens adeo opus juxta omnes suas partes ad proprium cuique munus apte dispositas aspectibus nostris exhibet homo, ut qui in ipso indelebile Divinitatis sigillum undequaque non intuetur, oculis & mente captus valeat reputari.

Non minori evidentia ex mundi conservatione & gubernatione, quam ex illius creatione evincitur supremi numinis existentia, cum non minor virtus requiratur ad rei alienius conservationem & directionem, quam ad illius productionem. Nonne Divinum arguit rectorem perpetuus ille causarum secundarum fluxus & refluxus a tot sæculis in hoc universo constanter perseverans, quin ex tot mutationibus accidentalibus ad continuum generationum successum necessarii, nulla totalitati vel minima eveniret mutatio? unde tanta elementorum concordia, quæ licet inter se ratione naturæ dissidentia, ad bonum

bonum tamen totius in suo ordine inviolabiliter perseverant? unde mirabiles illæ ac semper eadem astrorum revolutiones, quorum tum conjunctiones, tum oppositiones, tempestatum varietati accommodatæ, non minus humani corporis saluti servant, quam frugum terræ nutritioni & augmento? unde perfectum illud & nusquam interruptum æquilibrium tot globorum igneorum immentæ molis circa se ipsos motu velocissimo perpetuo girantium, nec non planetarum lumen suum ab illis mutantium motu diurno & annuo proprium cursum peragentium juxta certiores astronomiæ leges, quin aliqua temporum revolutione aut periodo ab illis nec minimum recesserint; nonne hæc illorum omnium conservatio & directio, Deum omnipotentem rebus omnibus quæcumque sint, leges ponentem demonstrant, quem evidenter ostenderat illorum creatio? Nonne, ut de cæteris taceam, Deum rerum omnium conditorem ac rectorem demonstrative prædicat paterna hæc & indefessa vigilantia cura, quam omnibus providens, omnium hominum salutis invigilans, nec avibus cæli, nec bestiis terræ, nec piscibus maris desit; unde non immerito de illo cecinerit Propheta, *qui operit cælum nubibus, & parat terræ pluviam: qui producit in montibus fœnum, & herbam servatius hominum: qui dat jumentis fœmam ipsorum, & pullis cervorum invocantibus eum* (psal. 146.). Portentum ipse est in rerum natura, omnibus execrandum, cui nihil de Deo Cælum & terra loquuntur. Neque enim nisi sit mentis impos, ea omnia quæ commemoravimus mirabilia undequaque in hoc universo surgentia intueri potest, & de Deo illorum auctore non cogitare. Velit, nolit impius, necessaria est absolutaque relatio inter utrumque. Supremum artificem demonstrat opus, quod a se & ab æterno esse non potest; omnemque hominem per lumen unicuique a natura impressum non difficili discursu ex rerum visibilium contemplatione ad creatorem recto ac necessario tramite ratio ducit, illius existentiam invictè demonstrans, de Deo incessabili voce cunctis humanæ menti clamantibus: *ipse fecit nos, & non ipsi nos*. Ut quid stulte, de factore nostro dubitare potes, qui nos intieris nihil de nobis dubitas! Te ipsum nullum te habere auctorem, finge si potes; quod si non potes, nostrum desine negare creatorem. Cum igitur nullus sit hominum, licet rudis supponatur, illius dictaminis naturæ in omnibus univoce loquentis incapax, quomodo antiquitus veri fuerint Athei, aut nunc esse possint, minime intelligitur.

Undenam ergo, inquit aliquis, supposito dictamine illo naturæ de Deo in hominum mente, mediantibus rebus aspectabilibus alte loquentis, huncque invictè, saltem pro philosophis ac sapientibus, necessario demonstrantis, undenam factum est quod apud sapientiores gentium æternitas mundi universaliter recepta fuerit, & quænam opinionis illius fuerit origo, ex qua Atheismo laborasse demonstratur majoris notæ philosophos, qui de existentia unius Dei omnium rerum conditoris nequidem cogitaverunt?

Resp. Maximam philosophorum ac sapientum partem mundum æternum antiquitus credidisse certissimum est: idque, si exinde colligeretur necessario illos atheismo laborasse, referendum esset ad profunda judicia Dei, qui in præteritis generationibus dimiserat omnes gentes ingredi vias suas, ut inquit

Apostolus act. cap. 14. illos tamen Dei unius existentiam agnovisse pariter certum est: plures enim illorum de Deo sermonem fecere, licet verum de ipso ideam non haberent. Neque existimabant cum æternitate mundi stare non posse Deum, cui mundum faciebant cœternum; quod ita verum est, ut nonnulli voluerint hunc fuisse ab æterno mundi formatorem ex præexistente materia sibi cœterna. Hæc autem duo quæ incompensabilia omnino sunt quomodo intelligerent frustra requireremus. Primitivam rerum omnium creationem ab omnipotenti & æterno Deo ignorantes (sola enim revelatione nobis fuit manifestata) æternitatem mundo tribuebant: isti, ex eo quod materiam quamdam creatam non intelligerent, ecceperent quomodo natura illa pure intellectualis illam pro arbitrio fingere potuisset; & ideo iners & otiosus erat Deus ille quem admittebant; illi vero, quia mundi productionem a Dei existentia necessario & inseparabiliter fluere, putabant, ut calor a Sole. Sic procedebat primi. Ex eo quod materia sit increata, illam Deus nequit movere, aut aliquid ex ea operari, cum illam movere aut sapienter disponere non possit nisi illam noverit, nec illam nosse valeat nisi produxerit eam: omnis enim ipsius scientia ab ipso est, nec illam ab extrinseco habere potest: Materiam ergo quæ extra ipsum est nosse non valet Deus, nec proinde in illam agere. Deinde qua arte quibusve mediis de illa, omnia quæ extant finxisset? Sic vero discurrebant alteri, qui licet mundi formationem quoad modum, Dei virtutem tribuerent, illum æternum nihilominus tenebant; impossibile est, inquebant, Deum aliud quid facere præter id quod facit, immutabiliter enim vult, nec ulli variationi subjacere potest voluntas ipsius, proindeque nihil velle potest agere aliud nisi ipsum quod actu agit: etenim velle in Deo est ipsum operari, cum in eo nulla nova succedat voluntas: cum ergo ab æterno voluerit mundum condere, illum revera ab æterno condidit. Verum nemo est qui non sentiat hæc duo, non dicam argumenta, sed sophismata, ex eo procedere quod difficile quid sit ens spirituale, quidve æternitas intelligamus; & aliunde quare per tot sæcula quæ mundi creationem præcessere Deus nihil operans supponatur non videmus. Nec mirum, cum ea quæ intelligentiæ nostræ captum superant curiose nimis scrutantes, illa tamen juxta mensuram intellectus nostri pensare existimamus. De Deo humano more ut homines judicamus: de æternitate per se immensurabili loquimur ad normam eorum, quæ ut pote finita possunt mensurari, sicque alta nimis sapientes, scrutationes nostras scrutando deficiunt. His victi ratiunculis gentiles philosophi, sicut & hodierni sapientes, vel potius impii, æternitatem mundi proposuere, ne illum fortuito atomorum concursui epicureorum adscriberent, non nisi hac duplici via philosophis incedendum arbitantes. Error igitur illorum non in eo situs erat, quod non vellent existere ens supremum ab æterno, existentiam enim illius ut plurimum non impugnabant, sed potius ut quid indubitatum supponentes (de eo quæstio inter eos non movebatur) de illius natura recte minus judicabant, sicque sibi ipsi contrarii, de Deo quem ignorare non poterant, ipsi universa natura in eorum mente testimonium perhibente, quid vere sentirent exprimere.

mere non valabant: quapropter de illo tacere maluerunt, quam absurda & contradictoria loqui de illo, quem mundi creatorem plenis faucibus prædicassent, si modum quo ens pure spirituale, ejus perfectiones illos latebant, potuerat materiam e nihilo educere, illamque modo mirabili elaborare, intelligere, aliisque intelligendum præbere potuissent. Et si quidam inter eos ut divinitatis irrisores habiti sunt, id non fuit quod revera divinitatem ipsam irriderent, sed quia ridiculam & absurdam, quam de ea gentes habebant ideam, parvi faciebant, veram de illa dare notionem etiam ipsi impotentes. Nec tot philosophos inter Atheos vellem annumerare, nisi atheismus in immensum exerevisse supponatur, quod nec verisimile crediderim; alioquin dicendum esset naturam per se alte adeo de Deo vociferantem, pro tot tantisque hominibus obmutuisse, vel potius in iis penitus fuisse extinctam, quod nullus probaret.

*Tertium argumentum petatum ex omnium populorum circa
Dei existentiam Consensu.*

OMnes gentes quascunque fecisti venient, & adorabunt te Domine, & glorificabunt nomen tuum, quoniam magnus es tu; & faciens mirabilia, tu es Deus solus. Hæc narrando talia eecinisse psalter Regium quis non videt, dum omnes populos cunctorum temporum in eo cernit consentire ut unum Deum confiteantur? rem autem sic se habere nemo sensatus negabit. Etenim ut eum doctissimo Huetio verba faciam, "consentientes habemus potissimum eas", gentes, quæ aliquam ab ingenio & elegantiori cultu duxerunt commendationem, Romanos, Græcos, Ægyptios, Assirios, Chaldæos, Persas; qui ignem & solem, non ut Deos, sed ut supremi Dei, rerum omnium principii & auctoris imaginem coluerunt; Brachmanes, quæ Indiæ gentis, Sinenfes, quæ orientis totius cultissima pars est: inter quos secta quædam summum mundi opificem Tao appellat, nomine, uti conjicio ab Ægyptiorum Theuth deducto. Et inter variorum temporum variarumque regionum populos Deum opificem mundi confessi sunt homines sapientiores, elatioresque philosophi: Thales, Xenophanes, Anaxagoras, Pythagoras, Plato eum platonieis eundis, Aristoteles, Heraclides, Theophrastus, Simplicius, Socrates, Cynici cum Antisthene, Stoici cum Zenone, e quibus nonnulli perbelle de Deo locuti sunt, ut videre est apud Clementem Alexandrinum in libris stromatum, alioque priorum sæculorum ecclesiæ patrum, qui illorum testimonia collegere: & iis addi possent poetæ celebriores cum eorum principe Homero, quorum scriptis Theologiam horum temporum docemur. Unde evidenter ostenditur constantem apud omnes homines fuisse supremi unius Numinis summique Dei existentiam. Omnium autem populorum consensus vocem naturæ indicat invictæ: quod enim eundis hominibus est commune, illud ipsis esse a natura, apud omnes receptissimum est. Falsum vero nequit esse & fictitium dictamen illud naturæ alte de Deo etiam apud rudiores loquentis. Existat ergo Deus necesse est. Dixi apud rudiores etiam: ipsis enim, modo

ratio.

ratiocinari tantisper velint, omnia supremum prædicant Numen. Quoquo versum respiciant intra se vel extra, Deum ubicumque reperient. Homo quantumvis agrestis, sui esse principium se non esse intelligit: ut autem quomodo existentiam ipse participet capiat, ad omnipotentem, a quo fuerit e nihilo educus, confugiat necesse est. Extra se ipsum vero, orbem habet universum, qui ipsi est ad instar tabellæ, in qua supremus artifex in suo opere se ipsum delinçavit, sui imaginem in illo, in quantum possibile erat, describens, ita ut nec oculos aperire queat quin undequaque cunctipotentis intelligentiæ, & a qua omnia sunt, vestigia circumspectat & notet. Unde, ut delirantes, sunt habendi, qui hominum vulgus, dum de certitudine existentiae Dei agitur, in testimonium vocandum non esse contendunt, populorumque omnium consensum etsi unanimum, hac in parte pro nihilo esse reputandum asserere non verecundantur. Talia sari ipsis est facile: sed talia ratione quadam firmare hoc opus, hic labor.

Demonstrativum illud argumentum petiit ex populorum omnium consensu nuper a philosopho non minus impietate, quam eruditione noto fuit impugnatum, cujus impietatis virus eo periculosius & certius ab incautis cum ebibatur, quo illos decipit delectabilis, ipsius tela quod retundamus postulat religionis amor. I. inquit, de consensu isto omnium populorum quantum ad Dei existentiam non constat, Quot enim regiones adhuc incognitæ, quot gentes de quarum religione ac moribus nihil scimus, & quantum etiam existentia nos latebit quandiu immensa hæc terrarum australium pars ignota remanebit? Ut quid profertur suppositus ille hominum omnium consensus quandiu quid de Deo terrarum illarum incolæ senserint ignorabimus? etsi concederetur satis esse si quid senserint gentes cognitæ sciamus, nihil probatum remaneret, cum plures extitisse populos atheismo laborantes referat historia teste Strabone: atque adhuc esse tum in Africa, tum in America, referant qui recenter regiones illas peragraverunt. II. Vix discerni potest quid sit naturæ dictamini tribuendum, quid vero juveniis institutioni. Parvulos quibus nihil de Deo dictum fuisset, sibi ipsi relictos ad adultam ætatem usque, quidquam de Deo fore cogitaturos quis asseret? nondum loqui didicerunt, & multa jam de Deo audierunt, & laudabiliter quidem: sed quo magistra natura ducerentur, sic probari non potest. III. Omnium populorum consensus, etsi de eo hac in re constaret, veritatis exinde infallibile signum reputari non posset: tum quia veritatis tale signum an præferat naturæ dictamen plane incertum, tum quia hoc dato firmaretur polytheismus, quem fere omnium gentium fuisse religionem est indubitatum, unde esset unitas Dei abigenda. Quid ergo de Divinitate judicaverit hominum multitudo non interest, nullius ponderis cum sit illius in re tanti momenti judicium.

Hoc triplici momento demonstrationem de Dei existentia ex omnium gentium consensu petitam infirmare tentat Boyleus; sed frustra, cum talibus argumentis facillime respondeatur. Ac I. quidem ex gentibus terrarum incognitarum incolis, ac iis quarum nos latent mores & religio, nihil haud dubie

dubie concludere sibi blandietur impietas; neque etiam illas in testimonium advocandas censemus: & tali ictu dum impetitur ille de quo agitur populum consensus, in ipsum sagitta recidit sagittarium. Nullas fuisse nationes quarum fuerit atheismus impietas communis evidenter adeo ostenderunt homines eruditi, qui antiquiores mundi annales summa diligentia, immensoque labore sunt percrutati, ut historiæ hac in parte nulla fides a sapientibus jam adhibeatur. Eo instanti quo homines societatem secum inire queunt, Deum unum agnoscunt. Et dato, non concessio, quod atheismo ad tempus laborassent feræ quædam & immanes nationes, belluis potius quam hominibus assimilandæ, nihil inde sequeretur; materialis enim, non formalis esset illarum atheismus, ex rusticitate ortus, mentisque crassitudine adeo miseranda, ut in eis ipsa natura videretur extincta: unde parvulis rationis usum non habentibus similes sunt dicendæ, cum nihil nisi quod est generis animalis in eis invenitur: Sicque licet homines aliquot sint adeo hebetes, ut omnia absque attentione ulla intueantur, & cujuscumque illationis ac discursus incapaces, exinde insulse colligeretur a magnitudine speciei creatorem agnoscere non esse homini a natura. Nullum ergo adversus nostram demonstrationem est primum, quo illam fortiter impugnare impietas, exilitat argumentum. Propter quam quod leviusquam par est, atheismi notam incurrunt nonnulli, qui hac impietate minime laborarunt. Neque enim hac labe inquinati reputandi sunt quicumque Deum ignorant, vel de illo digne minus sentientes quamdam ipsi adimunt perfectionem, aut aliquam attribuant imperfectionem: isti illum verum Deum rerum omnium creatorem ac rectorem confitentur: alii nec bene nec male de illo cogitant, erga ipsum mere negative se habentes, de iis quæ extant eorumque principio parum solliciti, vix ad propriam sui ipsius existentiam attendentes. Ille habendus est Atheus, qui unius Dei orbis conditoris existentiam edoctus, re perpena illum negat existere, aut mundi non esse factorem putat. Et istiusmodi Atheorum, quos Atheos speculativos vocamus, brevissimum numerum arbitramur. Et si aliquando repertus fuerit quis eorum impietatem suam dissimulare aliisque communicare non formidans, hunc etiam inter gentiles pœna, quandoque supplicio fuisse multatum quis ignorat?

2. Non adeo difficile est discernere, ut supponitur, an vox sit naturæ quod Deum habeamus creatorem, & ab illo quæcumque sunt suum esse participant, vel utrum illud ab institutione nobis advenerit. Varium esse pro diversitate temporum ac locorum hominum civilem institutionem, nemo negabit: perpetuam rerum mutationem, frequentem populorum commixtionem, humanarum propensionum vicissitudines, propriam cujusque familiæ aut gentis utilitatem, aliæque id genus, juventutis institutioni multum conferre docet experientia: unde locorum, temporum, gentiumque genio illam accommodari, variisve mutationibus exinde exurgentibus subiacere necesse est. Hinc diversitas morum, praxis, ususque disparitas; quod modo decet, brevi fiet indecorum: quod uni genti utilitatem affert, alteri nocet. At natura in omnibus hominibus cujuscumque ævi, cujuslibet regionis, una semper est

est ac eadem: in iis quæ vere sunt humanitatis, in omnibus & ubique uniformiter operatur: quod modo ipsi essentialiter congruit, ipsi nusquam fiet incongruum, & ideo præcise juxta leges necessarias & invariables dirigitur. Cum ergo Divinitatis notio, hæcque de Dei orbis istius creatoris existentia viguerit apud omnes homines idea, non obstantibus innumeris cunctorum sæculorum vicissitudinibus, ita ut ab illorum cordibus explosa nusquam fuerit, hinc evidenter sequitur non a morum informatione illam nobis inesse, sed ex vero ac necessario dictamine naturæ proficisci, ob inevitabilem connexionem quæ inter primam hanc veritatem de unius Dei existentia & mentem nostram reperitur. Unde invincibiliter colligendum illam non esse humanæ prudentiæ fructum; hæc enim variis hominum cupiditatibus serviens, nihil firmum & semper stabile operatur. Et falsum omnino est a civili populorum legislatore exordium sumpsisse Religionem, ipsique ut primitivo institutori referendum esse cultum quem creatori exhibet creatura, cum adeo certum sit ut nihil magis, quod quisquis gentem quamdam voluit legibus informare, apud eam, licet barbaram ac feroem, quemdam religionis cultum vigere antea reperit: idque ita verum est, ut legislatores omnes, gentes quas instituendas susceperant, per Deos, quibus illæ serviebant, adjurarent, velut ad eas ab earum numinibus missi fuissent. Fictitium ergo illud aliud impietatis momentum. Verum pro Divinitate certantes fortius insistamus. Si a natura hominibus non est hæc prima & universalis notio Divinitatis, ita ut mirabilis hæc mundi structura menti hestitæ necessario de Deo non loquatur, sed ab educatoribus in nos transierit idea Dei, hanc ideam unde hauserrat qui primus de Deo cogitavit. Neque enim de Deo, ut supponitur, ridente natura, hanc a se ipso habere potuit, illam ab alio non habuit; eadem enim recurreret quæstio, donec ad illum primum deveniretur, qui hanc ideam sibi efformasset. Sed quomodo rei incognitæ, ut est in tali hypotefi supremum numen, imaginem sibi fingere poterat ille homo? id repugnat: ideoque est objecti repræsentatio, supponit necessario objectum saltem quodam modo cognitum. Dicit audacior fortasse quis cum poeta, primus in orbe deos fecit timor. Sed impium quid juvat sacrilega hæc divinitatis derisio? Nonne prius est Deum scire, quam illum timere? ergo si nullus fuisset timori locus, nullam habuissent homines Divinitatis ideam? O delirantis impietatis commentum! & ipse timor quem in patrati sceleris pœnam experitur nocens, testimonium perhibet ipsi naturæ cuilibet homini de Deo loquenti.

3. Illud naturæ dictamen universale ac necessarium non semper vera nuntiare, ideoque populorum consensum ex illo manantem certum non esse veritatis indicium gratis fingeretur. Adversus illos naturæ detractores quid ipsa ratio dicat audiamus: quam immerito dictamen illud ipsis videatur incertum ex eo quod sit vitiosa natura, mox innotescet. Duplex in nobis distinguitur naturæ dictamen: a veritate unum nusquam recedit, nec in errorem trahere potest, estque homini meditati, & rationem exacte sequenti proprium, nihilque aliud est, quam ipsa rectæ rationis vox. Alterum semper in errorem inducit, ipsique rationi sucum facit, cum mentis attentionem antecedit

a cupiditatibus proficiscens, nunquam rationi subjacere sustinet, & cum ipsa nequit consistere. Hoc posito notionem quam de existentia Dei habemus, errorem non posse reputari universalem facile ostenditur, neque polytheismo favere prædictum cunctarum gentium consensum. Duplicis generis esse errorum nostrorum causas certum est, internas quasdam, externas alias, ad istas pertinent aliorum exempla, præceptorum aut parentum institutio, prava colloquia, falsæ ratiocinationes, atque sophismata: ad alias spectant sensus, imaginatio, animi affectiones, cordisve cupiditates. Si ad errorum nostrorum externas causas attendamus, illas a circumstantiis, locis, temporibus pendere, proindeque perpetuis mutationibus subjacere videbimus. Quotquot extant vel extitere errores inspiciamus, manifestum erit a causis illis externis errores prodiisse particulares, nusquam vero universales aut generales. Plures homines in errore induci, omnesque in quibusdam regionibus, & ad tempus, possibile est: omnes vero homines, ubique & perpetuo decipere, possibile non est. Cum ergo Dei existentia ab omnibus quorumcumque locorum, ac temporum hominibus constanter probata fuerit, hanc a causis externis errorum nostrorum suam non ducere originem evidens est. Nec magis ad sensus, ad imaginationem, ad animi affectiones & cordis cupiditates, quæ sunt internæ errorum nostrorum causæ, referri potest. Et si posset aliquando erroribus communibus ac perennibus locum dare per accidens, quod tamen non est ita absolute verum, ut non possit negari, id circa veritates primi ordinis, seu prima principia, quæ ex se nata sunt parere evidentiam, & inter ea eminet existentia Dei, non potest habere locum. Meritem nostram ab ipso rationis exordio ita afficit & occupat necessario supremi numinis existentia, ut sicut a quibuslibet errorum nostrorum causis non potest ab illa radicitus evelli, ita nec ab iis hæc divinitatis idea potest informari, cum nullam cum ipsis necessariam connexionem habeat. Et si quid circa Dei notionem possent cupiditates, vim suam ad illam tollendam potius exererent, quam ad illam adstruendam. Est ergo infallibile veritatis testimonium naturæ universale dictamen, ita ut quidquid ab omnibus ubique ac semper tenetur hominibus sit necessario verum.

Nec dici potest polytheismo favere cunctarum gentium consensus. Tum quia non fuit cunctis populis communis, nec nisi pluribus sæculis elapsis a creatione mundi in polytheismum homines lapsi sunt, ut neminem lateat. Tum quia Deorum pluralitatem non agnovit nisi vulgus indoctum; illam philosophis & sapientibus apud semetipsos irridentibus, aut simulate dumtaxat, & specie tenuis, ne populorum odium incurrerent, illam proferentibus. Tum quia est plane incertum an in sistemate religionis gentilium, prout a doctis intelligebatur, plures colerentur Dii, vel unus Deus sub diverso respectu, ita ut varix illius perfectiones variis sub nominibus celebrarentur, quæ lapsu temporum ex gentium imperitiis ut totidem distincta numina haberentur, quod probabilitate non caret, & a multis eruditis tenetur. Unde immerito in naturæ dictamen refunderetur polytheismus, & si de illo certius constaret, & hoc errore omnes homines cunctorum temporum infecti fuissent,

E

sent,

sens, quod nemo sensatus asserere tentabit. Et ipse etiam polytheismus huic de quo loquimur naturæ dictamini de Deo cunctis hominibus alte loquenti testimonium perhibet. Quomodo enim de pluralitate Deorum potuissent homines cogitare, nisi necessaria alicujus Dei existentia eorum menti a natura fuisset fortiter impressa? Ex vitiata primæva illa Divinitatis idea, quæ seclusa unitate, ut infra dicemus, subsistere nequit, ortam fuisse pluralitatem Deorum est absque dubio: idque ex pravis hominum cupiditatibus evenisse verisimile est, licet de polytheismi exordio, primoque illius progressu nihil certi quoad tempus aut quoad modum possit assignari.

His ita expositis facile intelligitur quantum ad Dei existentiam demonstrandam conferat constans omnium populorum consensus, quem circa primam illam veritatem minime tollit polytheismus, qui ex minus recte cognita Divinitatis natura, vel potius ex obtenebrata primitiva illius idea humane mentis imbecillitate ortus, supponit in omnium gentium animis impressum inextinguibile illud naturæ dictamen, quo cuncti homines, supremum numen æternum, & necessarium existens, a quo nata fuerint omnia quæ extant, ut pote quæ, ipsa dictante ratione, a se ipsis esse non possint, constanter & ubique agnoverunt, quocum extare posse multitudinem illam Deorum, quoquo modo fuerit intellecta, falso licet, existimarunt. Unde argumentum petiitum ex prælaudato illo omnium hominum consensu, robore suo gaudet: impugnari potest, subverti non potest.

Triplici hoc demonstrationis genere metaphysico nempe, physico, & morali, existentia Dei jam invictè demonstrata, quid possit contra triplex istud argumentum opponi est audiendum. Cætera momenta quæ a quampluribus Theologis asseruntur ad veritatis illius confirmationem omittimus, ut pote ad tria quæ proposuimus reducibilia, quovis modo proponantur: & aliunde in tanta rerum copia omnia qui vellet dicere, vix illi esset aliquando dicendi finis.

SOLUTIO OBJECTIONUM.

1. **O**bjectio. Ex ente necessario rectè minus demonstratur Dei existentia, cum possit esse aliquid necessarium, & revera sit, quod non sit Deus. Ipsa siquidem natura seu mundus iste universus existit necessario. Quid enim est aliud mundus universus seu natura in se spectata, quam illa entium universalitas ex qua orbis coalescit; quæ entium universalitas est quid absolute necessarium: talis est inter entia illa collectivè sumpta ordinatio, tantaque fuit hæc eorum ab æterno distributio, ut nullum eorum potuerit non esse, aut aliter esse quam sunt, aut aliis temporibus. Quæcumque sunt in rerum natura in ordine physico entium, ita sunt necessaria juxta suum modum essendi, ut quæcumque adveniente ex impossibili leviori mutatione, tota dissolveretur machina universi. Et exinde ipsius colligitur perfectio, quæ tanta est, ut nihil eo perfectius excogitari possit, cum cuncta entia hæc universalitatem constituentia perfecta sint in genere suo. Unde
vcl

vel ex ente necessario non demonstratur existentia Dei, vel demonstrabitur illum Deum esse ipsam naturam, mundumque universum, erique Deus unica illa substantia ex qua entium universalitas, cujus universæ substantiæ partes erunt quælibet entia singularia, quæ nihil aliud sunt quam varæ ac successivæ simul ac necessariæ illius modificationes, variis denominationibus donandæ secundum variam speciem quam sortientur ex modificationum diversitate. Erit ens illud necessarium a quolibet alio independens, cum quæcumque entia tum existentia, tum possibilia, hanc ingrediantur universalitatem, & ad illam pertineant; erit immensum, erit inhoitum, cum ubicumque sit, & possibilia complectatur, nullisque valeat limitibus circumscribi, cum extra hanc entium universalitatem nihil sit aut esse possit. Cum ergo ultra intentum prober illud argumentum ex ente necessario petitum, ut evidens est, colligendum illud nihil probare. Et aliunde semper remaneret demonstrandum illud ens necessarium quod existens supponitur, & revera existit, esse Deum, & non posse aliud quid esse quam Deum.

Resp. Multum difficultatis specie ferre, parum vero re, allatum argumentum, quod merum est sophisma, multa supponens quæ probanda forent, & sunt penitus improbabilia, breviter est ostendendum, ex quo appareat illud gratis opponi. Quod possit esse aliquid necessarium quod non sit Deus, ut dicitur de hac entium universalitate ex qua orbis universus, concedere nihil obstat, modo illud intelligatur de necessitate hipotetica & consequenti ac ex dependentia, non vero de necessitate absoluta, antecedenti ac essentiali existendi, quæ soli Deo est propria. Semel data mundi hujus formatione ab omnipotentissima Dei creatoris voluntate, omnia necessario evenire in physico naturæ, necessitate oriente ex legibus ab ipsius summa Sapienzia imperturbabiliter constitutis, juxta quas quælibet entia ordine suo ac temporibus suis successive ordinantur, ex quorum invariabili dispositione oritur in natura universa hæc perfectio, quæ tanta est, ut major in rebus creatis non possit excogitari, illud certissimum judicamus. Sed quantacumque sit hæc existendi necessitas, cum non sit absoluta & essentialis, & tota fundetur in operatione & voluntate, immutabili quidem, primæ causæ efficientis ac creatricis, a cujus nutu pendet inesse & conservari illa entium universalitas quæ natura dicitur, hæc prolixa & speciosa argumentatione minime impetitur demonstratio existentiz Dei ex ente necessario, quæ ut impetetur probandam incumberet naturam, mundum universum, seu hanc entium universalitatem ita necessario existere, ut nullam habeat suæ existentiz originem præter necessitatem existendi, quæ soli enti a se, Deo scilicet, inesse potest, ut Dei existentiam ex tali necessitate demonstrantes diximus, quodve est probare impossibile: ex quo jam ostendimus nec atomos, nec mundum, nec materiam existere necessario, cum a se, aut ab æterno non sint aut esse possint, quod tamen de idea est entis vere necessarij seu Dei. Perfectam dicant, si velint, illam entium universalitatem, illa quæ omnibus major est semper carebit, independentia videlicet, seu aſcitate, ut loquuntur, quæ solus gaudere potest qui est a se & ab æterno Deus, qui est ipsa plenitudo entis,

entis, de cujus plenitudine accipiunt quæcumque entia, quorum existentia, quæ posito Dei decreto de illis producendis est necessaria necessitate consequenti illud decretum, erat antecedenter vere contingens; quæ contingentia quæ illis inesse non potest, satis est ad tollendam hanc necessitatem existendi de qua loquimur, dum ex illa, quæ sine omnimoda independentia esse nequit, demonstramus Dei unius existentiam: quapropter falso dicitur hæc entium universalitas a quolibet independens ex eo quod ad illam pertineant entia omnia tam possibilea quam existentia, cum inde non defluatur independentia, sed a necessitate existendi a se, ut sæpius dictum est. Nec verius illi tribueretur tum immensitas, tum infinitas: utraque enim limitaretur ab immensitate & infinitate illius, qui solus ex eo quod sit a se, nullis limitibus terminari potest aut circumscribi. Inepte ergo pro æternitate mundi vel naturæ probare dicitur demonstratio, quæ ex ente necessario Dei existentiam ostendit, sicque nimis probare, cum id vere ostendat quod susceperamus demonstrandum, ut cuilibet legenti patebit, nempe existere ens necessarium, illudque esse Deum, & quid aliud esse non posse præter Deum, qui solus plenam habet absolutam ac essentialem necessitatem existendi.

2. *Obiectio.* Ex temporanea mundi creatione, mirandaque rerum aspectabilium compage, orbis hujus structura, & cunctorum quæ sunt conservatione ac directione minime colligitur necessaria Dei existentia, tum ex eo quod creatio eo sensu quod e nihilo materia fuerit educta, nequeat intelligi, & repugnare videatur quod ex nihilo fiat aliquid: tum quia structura illa fuit necessaria ex motu diverso in infinitum materiæ ab æterno connaturali, ex cujus motus varietate oritur partium materiæ diversa, sicut & necessaria dispositio ac configuratio quælibet corpora juxta suum ordinem producens: tum quia conservatio ac directio eorum quæ extant, est ipsamet materiæ configuratio a prædicto motu producta, & in eodem statu perseverans, variis licet mutationibus subjacens secundum necessarias mechanicas leges. Unde nullius est momenti illa demonstratio, quæ hoc nomine gratis donatur, & probanda supponit, materiam videlicet non esse æternam sed creatam, mundumque istum ab intelligentia quadam materiæ existentiam antecedente fuisse elaboratum, quod est intellectum difficillimum, & nullatenus a ratione probatur.

Resp. Mirabilem ac temporaneam illius universi structuram, sicut & creationem, nec non illius conservationem ac directionem, Dei necessariam existentiam non ostendere iis qui mundum esse æternum delirantes volunt, materiam incretam defendunt, ipsamque creationem repugnare existimant, mirum videri non debet: effectum qui negant, & ipsam causam effectricem negent consequens est. Ergo ne illorum vesania vim præsentis demonstrationis tollat? Nequaquam, donec ipsi validioribus argumentis materiæ æternitatem, hujusque mundi structuram illi cœternam demonstraverint, simulque impossibilem ostenderint creationis actum. Id autem cum omni mentis creatæ sagacitati omnino impossibile sit, demonstrata manet supremi numi-

nis existentia . Sed undenam habent creationem non esse possibilem , & repugnare quod ex nihilo aliquid fiat ? ipsius possibilitatem negare quia intellectus nostri caput superat , quis sic ratiocinaretur ? quot phænomena oculis nostris quotidie cernimus , quorum ratio nos latet quin ea in dubium revocentur ? virtutem finitam & limitatam non posse aliquid facere ex nihilo certum est : infinitam vero virtutem & illimitatam potentiam ut est virtus divina , posse creare aliquid educendo ex nihilo quis negabit nisi qui ipsum Deum negat omnipotentem ? est ne intellectu facilior æternitas materiæ , & mundi structura ex varia illius partium dispositione ratione motus illi contrariæ , quam illius creatio ex nihilo , ejusque formatio ab omnipotenti Deo ? Sed quomodo probant motum esse materiæ ab intrinseco , & ex tali motu fluere necessario illam partium materiæ ordinationem ex qua talia & talia corpora eadem necessitate coalescunt ? nonne illud gratis pronuntiatur ? & insuper quid est hæc necessitas vi cuius partes variz materiæ sic disponuntur ob motum ipsi impressum , ut illa & illa corpora ordine suo & temporibus suis inde exurgant ? nonne facilius est juxta rationis dictamen Deum rerum omnium factorem agnoscere , ad cuius nutum voluntatis omnia fieri producta ? verum hæc perseverantia motus & dispositionis partium materiæ in eodem statu , ex qua conservatio ac directio illius universi , quamnam habet causam ? si ita perseverat necessario , rursus petetur , unde est illa necessitas , & quid sunt illæ necessariæ leges mæchanices secundum quas omnia infallibiliter ordinantur ; a quo materiæ , cunctisque ex ea orientibus datæ sunt ? Nec clariore philosophi dum talia excogitarunt ullam habuere eorum quæ defendebant certitudinem , aut se ipsos intellexerunt ; quod notum est ex inter se pugnantibus quæ locuti sunt , dum mundum æternum & non creatum fuisse arbitrati sunt . Sed ut quid diutius in iis immoramur , qui jam ostendimus materiæ non magis quam epicureorum atomis nullo modo competere posse æternitatem , quæ soli enti a se & necessario existenti propria est , & adeo , ut quoquo sensu accipiat , nullum aliud ens quod Deus non sit , illa gaudere possit ?

3. *Obiectio.* Ut ex rerum visibilium compage , mundi hujus mirabili structura & conservatione arguatur infallibiliter & necessario Dei eorum quæ extant a principio Creatoris existentia , opus est ut inter res illas & Deum quædam sit relatio essentialis & absolute necessaria , quæ sublata relatione infima remaneret hujusmodi demonstratio . Verum quænam supponi potest connexio necessaria inter intelligentiam spirituales ab omni materia separatam & res sensibiles inter ens æternum ac immutabile & res temporaneas ac mutationi perpetuæ ex sua natura subjacentes ? Vana igitur & nulla est allata demonstratio .

Resp. Huic difficultati si quænam esset , quamve ex parte solvimus questione præcedenti , facile faciemus satis si attendatur ad respectum sub quo res sensibiles orbisque universus ordinem dicunt aut relationem ad Deum . Non ex eo est desumenda illa relatio quod Deus sit æternus , immutabilis ,

spi-

spiritualis, res vero sensibiles, ex quibus mundus coalescit temporaneam sint, materiales & mutationi obnoxie. Inde enim ostenditur diversam esse illorum naturam, Deumque & orbem istum esse inter se dissimiles, quod nemo intelligens diffinebitur, nec de illo queritur. Relationem necessariam dicant ad Deum quæcumque existunt in rerum natura, pro ut hæc sunt a Deo producta & creata. Hæc enim cum a se ipsis esse non possint, quia quod non est in se ipsum agere nequit, cum prius sit esse quam operari, postulant necessario ut extent, quod sui habeant factorem; siquidem quæ esse non habent nisi per participationem, ut absolute alio modo illud habere nequeant res omnes præter Deum, necessariam & essentialiam connexionem quantum ad suum esse cum illo a quo illud participant habent, & tali modo ut de illorum existentia vel de principio a quo, non possimus cogitare, quin eodem tempore in mentem veniat illo, a quo existentiam participant. Unde orbem istum & omnia quæ in illo sunt considerantes necessario sic discurremus: res omnes illæ quas conspiciamus sibi non fuerunt causa ut essent: nam quod non est agere non potest; nec ipsa res esse potuit antequam esset. Sequitur ergo quod aliunde habeant originem; sique ab iis rebus quas oculis nostris cernimus ad eas a quibus ortum habent progrediendo, donec tandem perveniamus ad aliquam causam quæ nunquam esse cœperit, nullamque suæ existentie habeat causam. Quænam vero sit illa prima causa carens omni causa, indicant res omnes quibus Deus esse dedit, illum suum factorem unicum & necessarium prædicantes, & in eo fundatur præcise necessaria illa connectio dependentiæ, quod absque illo esse non possint quæcumque sunt. Unde valet, & necessaria est hæc illatio: Existit mundus, qui nec æternus est, nec a se ipso esse potest: ergo illum fecerit oportet Deus, qui solus ab æterno est, & a se ipso est. Uno verbo, inter Deum & omnia alia entia, cujuscumque sint generis aut speciei, ea reperitur relatio quæ est inter artificem & artificem, inter productum & producentem, inter effectum & causam. Qui vero dixerit talem relationem non esse absolutam, necessariam ac essentialiam, nec primam ipse habet veram notionem.

4. *Obiectio*. Vel illa præallata demonstratio de Dei existentia petita ex rerum aspectabili compage, desumitur ex temporanea mundi structura, in quantum materia ex qua factus est, fuit a Deo creata; id est educta e nihilo, vel desumitur ex ipsa structura, mirabili scilicet ipsius partium dispositione, ejusque pulchritudine, simul ac ex illius conservatione ac directione. Sed quoque accipitur sensu, nullus est ponderis illa demonstratio, cum incerta plane sint principia quibus nititur. Incertum enim est, an mundus creatus fuerit & eductus e nihilo, vel formatus ex præexistente materia; ut plures enim catholici existimant. Dubitatur etiam an materia fuerit creata in tempore, vel sit Deo cœterna, ad ordinem structuræ, & ad ipsam etiam structuram quod spectat, hæc Deum opificem non demonstrat illam ab æterno existisse: defendentibus Epicureis, ipsamque in solam atom-

morum in motu positarum dispositionem refundentibus. Nullum ergo ad Dei existentiam demonstrandam est argumentum petitum ex structura mundi, illiusque conservatione ac directione.

Resp. Mundum fuisse creatum in tempore, ipsumque nec fuisse ab æterno, nec esse potuisse, quidquid dixerint Epicurei, aut dicant hodierni illorum discipuli, ita certum est ut nihil magis. Sive ergo ex illius formatione, in quantum materia ex qua factum hunc volumus, creata fuerit a Deo, qui eam e nihilo eduxit: sive ex illius mirabili structura ac pulchritudine, ejusque conservatione, demonstremus Dei existentiam, principis certissimis nititur hæc demonstratio, cum oppositum contradictionem involvat, ac ita repugnet, ut sententiæ adversæ patronos inter delirantes ex hac parte annumerari posse nemo non sentiat, ex quo probavimus materiam, nec atomos esse ab æterno: nihil enim esse potest ab æterno nisi quod existit necessario, nihilque existit necessario nisi quod est a se ipso, & vice versa, ut jam sæpius didum est: sequitur a Deo, qui solus vocare valet ea quæ non sunt educendo ex nihilo: creatas fuisse materiam & atomos ex quibus supponitur mundus constans in sententia Epicureorum, estque materiæ illius creatio, ex supposito quod mundus factus fuerit ex jam existentia materia, ut multis olim placuit, & concedi potest, ita absolute certa, ut in dubium revocari nequeat absque erroris periculo. Si nihil admitti possit Deo cœternum, quidquid enim esset Deo cœternum Deus esset, cum æternitas ita sit Deo essentialis & propria, ut diximus, eique ita singulariter competat, ut hæc sit omnimode incommunicabilis & imparticipabilis, consequens est ut quidquid existit in tempore, fuerit primitive educatum e nihilo, & a Deo, qui solus ante tempora existerat, creatum, quomodo vero a Theologia quibusdam concedatur materiam posse dici Deo cœternam non video. Nec eis assentiar dum putant hanc quorundam veterum patrum fuisse opinionem, inter quos Tertullianus, Justinus martyr, Theophilus Antiochenus: eorum enim verba si perpendantur, id solum indicant, Deum scilicet ex materia informi mundum condidisse, quod significat entia omnia non fuisse individualiter educta ex nihilo in tempore quo formatus est mundus, quem verisimilius est formatum fuisse ex illa materia, quæ jam ab ipso Deo fuerat e nihilo educta. Unde recte dicere potuit Tertullianus, non aperte *Scriptura pronuntiavit ex nihilo facta omnia*. Idque confirmare potuisset ex modo loquendi Moysis, qui de hominis creatione loquens dicit, formavit Deus hominem de limbo terræ. Dato igitur quod ex præexistenti materia mundum condiderit Deus in die, qua creavit Cælum & terram, hanc materiam Deo cœternam pronuntiare erroneum judico, si inde incertum remaneat an illam Deus creaverit vel non; aut si inferendum hinc aliquis velit, Deum materiam creasse necessario, & ab illius creatione non potuisse abstinere. Nec infirmatur demonstratio ex eo quod dicant philosophi naturaliter non demonstrari possibilem esse creationem: sufficienter enim demonstratur illius possibilitas, dum existentia aliorum entium præter Deum, sublata creatione, involvit contradictionem & repugnat. Jam supponitur ante tempora nihil esse.

esse præter Deum; qui a se & necessario existit: si ab omnipotentissima Dei voluntate aliquid non educatur e nihilo, quod vere est creare, remanebit nihil. Et repugnat quo aliquid existat quandiu ab illo non educetur ex nihilo. petatur ergo præcedens demonstratio de Dei existentia ex mundi formatione, in quantum materiam supponit a Deo creatam in tempore, hæc firmissimo & inconvertibili nititur fundamento.

Nec minus roboris habet si petatur ex ipsa mundi structura temporanea, quæ Deum factorem suum necessario ostendit. Repugnare mundi æternitatem superius ostensum est: Deum ergo illum in tempore condidisse evidens est. Certum est ad præsentem mundi structuram, loquendo in systemate Epicureorum necessarium absolute fuisse, nedum motum qualemcumque, sed & talem motum, cum ex motus diversitate structura diversa infallibiliter ac necessario prodiiisset. Unde igitur atomis motus, & talis motus? Neque enim illum habent a se ipsis, cum illum sibi quod ipse dederit repugnet, & materię motum ab extrinseca causa communicari aut advenire opus sit. Sed hæc motus communicatio in tali hypotesi omnino impossibilis est, si nulla sit causa extrinseca a qua proficiatur: alioquin in illam causam, quæ Deus esset, refundetur structura mundi, & subito ruet Epicureorum commentum. Nec motus ille necessarius est atomis, tunc enim absque illo nec esse nec concipi possent, sicque nullo modo diversa esse potuisset, etiam de potentia absoluta, structura hujus mundi, quod utrumque ratio iniciatur. Deum ergo motus & talis motus causam necessariam sibi vindicabit structura hujus mundi, ipsumque motus illius unicum principium sibi absolute ac necessario atomi vindicabunt, ex se, sicut & quæcumque corpora, ad motum & ad quietem indifferentes, motum hujusmodi refundere in nihilum quemdam, qui a natura materię insit. Id gratis fingi, & delirantis mentis esse cogitationem quis non fateatur? illum motus gradum, hancque ejus determinationem ad hujus mundi constitutionem eo modo quo existit, esse a Deo atomis ac materię impressum dicant Epicurei, nisi absurda & impossibilia narrare illos delectet. Tunc mutata sententia, demonstrationem de Dei existentia petitam ex mirabili hujus mundi structura, nec fortuita, nec accidentali, sed ex sola Supremi Numinis libera voluntariaque dispositione, firmissimis niti fundamentis ac principiis fatebuntur. Eadem voce Deum conservatorem ac Rectorem suum prædicat mirabilis hæc rerum omnium compago, quam ille solus qui eam ordinavit conservare valet ac moderari, cum omnibus consentientibus, illius sit conservatio a quo est creatio aut productio, & minor non requiritur virtus ad conservationem, quæ vulgo dicitur continuata rei productio. Unde non est quod diutius insistamus, eadem enim rationes respectu militantes pro una & pro altera, & quicumque hujus mundi productionem casui & fortunæ minime adjudicandam sapienter existimabit, nec illius directionem sortis ex consequenti committet.

Alia proponuntur adversus Dei existentiam logicalia argumenta, quæ cum minoris sint momenti missa facimus: neque enim ea quæ nullius sunt dissolutis, & ad veritatem indagandam nihil conferunt, proponere vacat & sol.

solvere : illa attigimus quæ triplicem, quam attulimus, demonstrationem de Dei existentia, directe videntur impugnare. Et satis mirari non possum, quod hominibus quamplurimis ratione utentibus, pro quibus innumera naturæ phænomena quotidiana sunt & invicta argumenta Deum visibilibus ostendentia, multiplices argumentorum genere adhuc sit demonstranda supremi humani existentia. Naturæ contemplatio, etiam minutissimi unius animaliculi accurata consideratio, cunctis hominum doctiorum voluminibus efficacius de Deo omnium creatore & conservatore loquuntur : & illi omnes, si qui sint, quod non facile crediderim, quibus est insufficiens naturæ testimonium, nec immenso verborum anfractu ad veritatem a sua impietate revocabuntur.

QUÆSTIO QUARTA.

Utrum ad fidem pertineat Dei existentia.

DEum ut rerum omnium principium ab hominibus ratione duce posse cognosci est absque dubio, dicente Sacra Scriptura apud Job cap. 12. *interroga jumenta, & docebunt te : & volatilia cæli, & indicabunt tibi : loquere terræ, & respondebit tibi, & narrabunt pisces maris. quis ignoras quod omnia hæc manus Domini fecerit ?* Et Psal. 18. *cæli enarrant gloriam Dei, & opera manuum ejus annuntiant firmamentum . . . non sunt loquela neque sermones, quorum non audiantur voces eorum.* Inde in gentiles philosophos argumentatur Paulus Rom. cap. I. eos ira Dei dignos pronuncians, quia naturæ dictamen Deum variis modis ostendens audientes, quod agendum lumine naturali sciebant minime operati sunt : *revelatur, inquit, ira Dei de Cælo super omnem impietatem & injustitiam hominum eorum, qui veritatem Dei in injustitia detinent : quia quod notum est Dei, manifestum est in illis, Deus enim illis manifestavit . . . ita ut sint inexcusabiles, quia cum cognovissent Deum, non sicut Deum glorificaverunt &c.* adeoque certa supponitur in multis hominibus illa Dei cognitio, ut circa Dei existentiam primariaque ipsius attributa fidem suam illos exercere non posse nonnullis visum sit, ex eo quod, inquirunt, idem objectum non possit esse scitum simul & creditum : quo posito volunt illos non teneri fide divina credere Dei existentiam, quæ pro illis magis habenda est ut præambulum ad articulos fidei, quam ut articulus fidei. Hæc videtur mens Doctoris Angelici 1. par. quæst. 2. art. 2. cum majori Thomistarum numero, a quibus non recedit noster Doctor subtilis in tert. dist. 24. quæst. unica. quidquid interea sit de magistrorum sententia, quam nec impugnare nec defendere in præsentī statuimus, id unum ostendemus, nimirum ita ad fidem pertinere Dei existentiam, ut quilibet hominum doctus vel indoctus illam, ut præcipuum fidei caput, credere fide divina teneatur.

ASSERTIO UNICA.

AB omnibus & singulis hominibus fide divina credenda est Dei existentia. Unam eandemque esse pro omnibus & singulis hominibus fidem quis negaret, dicente Apostolo Ephes. cap. 4. unus Dominus, una fides? A nullo ergo hominum Dei existentia est fide divina credenda, vel eadem fide a quibuslibet credenda: & revera: omne quod est a Deo revelatum ad objectum fidei divinæ necessario pertinet: sit ergo pro omnibus hominibus de ratione illius objecti Dei existentia, quam innumeris locis sacre Scripturæ testantur, consequens est. *Ego sum qui sum: sic dices filius Israel: qui est, misit me ad vos, ait ipse Deus, Moysen alloquens Exodi cap. 3.* Hinc est quod illud Christianæ fidei caput, quod omnes fidei articulos implicite aut virtualiter continet, cum qui vere Deum credit, ipsi Deo de se loquenti etiam credat, iisque omnibus de quibus ipsum fuisse locutum vere constat fidem adhibeat, in principio Symboli ponatur, dicentibus Nicænis ac Constantinopolitanis Patribus cum Apostolis, credo in unum Deum, factorem Cæli & terræ; unde cum dixisset Divus Paulus Hebr. cap. 11. *sine fide autem impossibile est placere Deo*, illico subiungit, *credere enim oportet accedentem ad Deum quia est*; quæ fides ad Dei existentiam ordinem dicit pro ut est author istius universi; sub quo respectu licet cognoscatur a quamplurimis lumine naturali, nihilominus pro ipsis est fidei divinæ & supernaturalis objectum, juxta verba præcedentia Apostoli: *fide intelligimus aptata esse secula verbo Dei, ut ex invisibilibus visibilia fierent*, & ab illa fidei professione non excipiuntur illi, quibus per demonstrationem jam innotescit Dei existentia; generalis est Apostoli propositio, doctos ab indoctis minime discernens. Quapropter sancta Christi Ecclesia quoscumque suscipit in adoptionem filiorum Dei per sacramentum fidei, aequanimi tingantur aqua baptismi publicam ab eis requirit professionem, qua se corde & ore in Deum credere testificentur, fidem illam in vitæ suæ decursu identidem professuri, & ex hac universalis ac invariabilis ecclesiæ praxi præsentis assertionis veritas non leviter confirmatur.

Sanctos ecclesiæ Patres, & Doctores de hac re consulere si opus esset, illos omnes, de iis quæ confiteri ac credere tenetur quilibet Christianus sive philosophus, sive rusticus, loquentes, existentiam Dei ut primum Christianæ fidei caput proponere videremus, quæ cum neminem lateant, Chrysostomum, & Augustinum pro aliis omnibus audiemus. Sic loquitur Episcopus Constantinopolitanus hom. 5. in Symbolum Apostolorum, *dicite quod a nobis audistis: Credo in Deum patrem omnipotentem: videte unde capistis, credo dixistis; hæc credulitas confert vobis præsentis vitæ securitatem, & futura vitæ æternitatem, ergo ponite in fundamento cordis hæc credulitatem.* De iis loquens Præsul Hipponensis circa quæ a nobis fides exigit officium cordis & lingue, quorumque confessio necessaria est ad salutem, quidquid in Symbolo continetur proponit: *Sic enim habet lib. de fide & Symbolo cap. 1. quoniam scriptum est & Apostolica discipline robustissima auctoritate firmatum, quia iustus*

EX

ex fide vivit . . . etiam ore profiteamur fidem , quam corde gestamus : quæ fides ne fraudulentis calliditatibus hæreticorum possit in nobis aliqua ex parte violari , pia cautæque vigilantia providendum est . Est autem Catholica fides in Symbolo notâ fidelibus , memoriaque mandata , quanta res passa est brevitate Sermonis . Magis sunt ad præsens propositum ea quæ scribit lib. 4. de Civit. cap. 20. unde autem sciunt illi quid sit fides , cujus primum & maximum officium est ut in verum Deum credatur ? Ad fidem ergo christianam cum pertineat Dei existentia tamquam omnium credendorum caput & principium , est de fide ab omnibus tenenda.

Quod ita verum est , ut si illi quibus per demonstrationem Deum existere innotescit , ab hac universalitate eximerentur , salutem æternam consequi possent quin ullum fidei actum circa Dei existentiam eliciuissent , proindeque licet fidem plenam & integram numquam habuissent ; quod non minus rationi quam veritati christianæ adversatur . Quis enim ferre posset quod aliquis diceretur æterna felicitate potiri qui omnia fidei catholicæ capita fundamentalia , ut dicunt , actu explicito non credidisset ? nec satis est quod illa credat quoquo velit motivo , sed insuper absolute necesse est ut ea credat propter autoritatem Dei revelantis , in qua præcise fundatur fides Theologica , quæ definitur , assensus rei revelatæ propter Dei revelantis autoritatem . & assensus ille ad quoslibet articulos revelatos debet se extendere : unum si quis excipiat , illius vana est & irrita fides : Hinc non temere dicam , quod licet evidens omnibus sit quemlibet triangulum constare tribus angulis , ita ut nullum de ea re possit alicui dubium inesse , si per impossibile id fuisset a Deo revelatum , circa hanc propositionem quantumvis evidentem , actum fidei eliciturus esset etiam primi ordinis mathematicus , huicque veritati sibi aliunde invidiissime cogniti assentiri motivo fidei , ob Dei nempe revelantis autoritatem , teneretur . & in hac animi præparatione , ea quæ huic veritati , licet de ea propter evidentiam certus non esset , firmiter nihilominus adherere paratus esset ob reverentiam quæ Deo revelanti debetur , præcise consistit meritum fidei , quæ nullo alio motivo ducitur , quam summa Dei veracitate , in qua sola fundatur assensus quem rebus creditur facilibus aut difficilibus præbet homo , ex eo præcise quo ipsi constat de iis Deum fuisse locutum . præsentî proposito de fide quæ ab uno quoque hominum , etsi doctissimo , Dei existentia debetur , indubitatum istud principium accommodeatur , quid nobis in contrarium possit opponi minime invenietur .

Exinde manifeste apparet falsum esse quod aliquibus placet , scientiam videlicet & fidem in eodem intellectu esse non posse circa idem objectum , ex eo quod scientiam pariat evidentia , obscuritatem vero fides necessario supponat . Nihil enim repugnat quod eidem veritati adhæreat homo ob revelationem , quæ ipsi est cognita per demonstrationem , cum diverso motivo ducantur scientia & fides ; diversoque , ut omnibus notum est , nitantur fundamento , & ultra metas progrediuntur , qui existimant objectum fidei necessario esse obscurum , idque gratis asserunt . potest igitur aliquid evidens aut scitum , fide divina credi , non quia evidens , non quia scitum , sed quia

revelatum, & in rem certo cognitam, ideoque scitam, cadere potest revelatio, ut revera accidit in factis historicis, quorum veritatem sacræ Scripturæ testificantur. quod si tum Apostolus, tum quidam ex Patribus videantur insinuare obscura esse quæ nobis credenda proponuntur, sic accipienda sunt illorum verba ut significant, fere semper esse obscura ea quæ creduntur, ut sunt mysteria omnia, eorumque consecraria, non autem quod obscuritas fidei objecta ita comiteatur, ut res etiam evidens ad illam non possit pertinere, quod falso ex eorum verbis male intellectis concluderetur; & aliunde res scita, ut dictum est, non creditur in quantum scita, sed in quantum revelata, & sub illo respectu obscura reputari potest. Non diffitendum tamen hominem, etsi mereatur dum veritati sibi cognitæ assensum præbet ex eo præcise quod est revelata, minus meriti habere illo, cui eadem veritas non est cognita, cuicque assentitur ob Dei revelantis auctoritatem: unde quodam loco dixit Sanctus Papa Gregorius, *fides non habet meritum, ubi humana ratio præbet experimentum*: quod indicasse videtur Christus Dominus dicens Joan. cap. 20. *Beati qui non viderunt & crediderunt*.

Nec magni aliquid dixisse sibi blandiantur contra sentientes, dum Dei existentiam ad fidem non pertinere arbitrantur, sed ad illam præsuppositivè se habere ut aliquid præambulum, quia prius est Deum scire quam illi credere. Nihil enim obstat quod aliquid sub uno respectu præsuppositivè se habeat ad fidem, & sub alio sit de fide Dei existentia, summa illius veracitas, nec non veritas revelationis admitti debeat ac indubitanter supponi priusquam fidem adstruamus, & nisi credamus, aut saltem necessario supponamus Deum esse, illumque hominibus fuisse locutum, & insuper illum ut summe veracem nec fallere nec falli posse, nullo modo in rebus fidei poterimus procedere, vel potius inanis erit fides quocumque carens fundamento: & juxta hunc sensum hæc tria capita prævia sunt ad fidem. Sed hæc semel admissa ut præambula ad fidem, vere sunt ejusdem fidei objecta, dum ex jam suppositis & concessis clare ostenditur ex ipsa revelatione constare, Deum existere, illum esse summe veracem, & hominibus vere fuisse locutum. Quæ cum ita sint, ut nullus potest inficiari, indubitatum remanet ad fidem pertinere Dei Existentiam, illamque ab omnibus & singulis hominibus, doctis ac indoctis, fide divina esse credendam. Cætera quæ opponi possent, si alius sint momenti, cum ad tractatum de fide specialius pertineant, missa faciemus.

QUÆSTIO QUINTA.

Utrum Deus unus sit.

QUA Mundi ætate, aut a quibus initium duxerit Polytheismus hic investigare non invidentes, Dei unitatem tum adversus gentiles, tum adversus hæreticos defendere aggredimur, illos potissimum qui duo rerum admittere principia sibi adversantia insectantur. Dei veri unitas etsi ex parte maneat demon-

demonstrata ex iis quæ diximus illius existentiam demonstrantes, ulterius est ostendenda, ne aliquid desiderandum relinquere videamur : id tamen breviori quo poterimus modo peragendum.

ASSERTIO UNICA.

Deus ita necessario est unus, ut plures esse Deos repugnet.

Neminem latent egregia hæc verba Tertulliani lib. 1. cont. Marcio. Cap. 3. *Deus si non unus est, non est, quia dignius credimus non esse, quodcumque non ita fuerit, ut esse debeat. Deum autem ut scias unum esse debere, quare quid sit Deus, & non aliter invenies: nimirum summum magnum, quod unum sit necesse est, par non habendo, ne non sit summum magnum. . . non quasi dubitemus esse Deum, dicendo, si non unus, non est; sed quia quem confidimus esse, id enim definimus esse; quod si non est, Deus non est, summum scilicet magnum. Quam sit convincens illud Tertulliani argumentum ratio probat. Summus certe non est qui unicui non est: & non minus repugnant plures summi quam plures infiniti: duo si semel admittantur prima rerum principia vel dii, quare innumeros non admitteremus Deos nemo resolvit, tollatur semel supremi numinis necessaria unitas, quousque protrahatur Deorum numerus parum interest. Nullum Deum agnoscit, qui illum unicum non confitetur.*

Non ergo mirum si in uno Deo ostendendo tota sit sacra Scriptura. *Andi Israel, Dominus Deus noster, Dominus unus est, inquit Moyses Deuter. cap. 6. videte quod ego sum solus, & non sit alius Deus præter me, ait ipse Dominus cap. 32. quis Deus præter Dominum, aut quis Deus præter Deum nostrum? Dicit David Ps. 17. Tu solus altissimus in omni terra, ut habetur Ps. 82. Hæc est vita æterna ut cognoscant te solum Deum verum, inquit Christus, Joan. cap. 17. Scimus quod nullus est Deus nisi unus, ait Apostolus 1. Cor. cap. 8. Dei unitati testimonium perpetuum perhibent libri sacri, & ita evidenter, ut nemo inficias eat. Verum quid sacras commemorem Scripturas? Deum Hebræorum non recipientes Romaniquia se solum coli voluerit, unitati Dei testimonium perhibebant quasi inviti, ut observat S. Augustinus lib. 1. de consensu Evangelistarum cap. 18. hæc scribens: Sed hoc ipsum magis ab eis requirendum est, quænam vel quaslem putent esse istum Deum, qui noluerit coli deos alios, quibus isti (Romani) templa & simulacra fecerunt; tantumque potuerit, ut plus valeret ejus voluntas ad eorum simulacra evertenda, quam illorum ad ejus sacra non recipienda? Certe sententia illius eorum philosophi proditur, quem sapientissimum omnium hominum etiam oraculo fuisse firmarunt. Socratis enim sententia est, unumquemque deum se coli oportere, quomodo se ipse colendum esse præceperit. proinde istis summa necessitas facta est non colendi Deum Hebræorum; quia si alio modo eum colere vellet, quam se colendum ipse dixisset, non utique illum colerent, sed quod ipsi finissent: si autem illo modo vellet, quo ipse diceret, alios sibi colendos non esse cernebam, quos ille coli prohibebat. Ac per hoc respuerunt unius veri Dei cultum,*

ne

ne multos falsos offenderent. Quid vero aliud agebant Romani hac ducti ratione, quam potius licet tacito sermone, omnibus prædicare populis illum esse solum verum Deum, quem ab aliorum deorum numero censebant excidendum, qui solus erat colendus, quique cultum aliis exhibitum sibi de se fieri nullo modo permittebat.

Dum ita esse unicum ut plures esse deos repugnet multiplici suadet ratione qua adversus gentiles, aut contra christianos quosdam prave de divinitate cogitantes usi sunt nonnulli Ecclesiæ Patres. Sic lib. cont. Hermogenem cap. 4. concludit Tertullianus unitatem Dei ex eo quod majus & melius sit unum esse quam plures. Si Deus est, unicum illud sit necesse est, aut quid erit unicum & singulare, nisi cui nihil adequabitur? Quid principale, nisi quod super omnia? Nisi quod arte omnia? Et ex quo omnia? Hæc Deus solus habendo est, & solus habendo, unus est. Si & alius habuerit, tot jam erunt Dii, quos habuerint quæ Dei sunt. Ita Hermogenes duos deos inserit, dum materiam parem Deo inserit. Deum autem unum esse oportet: quia quod summum sit, Deus est: summum autem non erit, nisi quod unicum fuerit: unicum autem esse non poteris, cui aliquid adequabitur: eodem modo Hermogenem hic confutat Tertullianus quo illum supra vidimus Marcionem impugnare.

Deum esse ens necessarium, & ab illo, omnia quæ extant, tum in esse, tum in conservari, pendere jam fusc ostendimus. Si ab uno omnia pendent, si unus cuncta creat, cuncta conservat, cuncta conservat, ut quid plures erunt? Unde unitatem Dei ex mundi ordinatione non immerito collegere majores nostri Polytheismum debellantes. Si rex unus est apibus, & dux unus in gregibus, & in armentis rector unus, multo magis mundi unus est rector, universa quæ sunt verbo jubet, ratione dispensat, virtute conservat; inquit S. Cyprianus lib. de vanit. Idolorum, quod disertius adhuc prosequitur Lactantius in lib. de ira Dei his verbis. Non possunt in hoc mundo multi esse vestros, nec in una domo multi domini, nec in navis una multi gubernatores, nec in armento aut grege duces multi, nec in uno examine multi reges: Sed nec in calo quidem multi Soles esse poterunt, sicut nec animæ plures in uno corpore, adeo in unitate naturæ universa consentit. Et ex illa generali consensione veluti ab exemplo unitatem Dei inserit ille, confusionem ordinisque perturbationem necessario oriendam ex pluralitate deorum significans. Nec dicatur, dii si essent plures, omnia facturos illos esse, omnia rekturos eodem consilio, animo uno, voluntate concordi; ex eo quod cum essent summe perfecti, sitque idem consilium & concordia firma, summa vel saltem magna perfectio, nullo modo posset laedi illorum consensio; illud enim gratis dicitur: & aliunde repugnat esse plures quibus essentialiter ac necessario competat, & inesse possit esse summe perfectum. Ex eo enim quod plures essent dii, vere inter se distinguerebuntur, cum ubi est pluralitas, distinctio intercedat necesse sit: illud autem per quod a se invicem distinguerentur, esset perfectio quædam, vel attributum aliquod, quo alii carerent, essetque proinde hæc illius perfectionis vel attributi carentia proprie imperfectio; quæ imperfectio, etsi levissima supponeretur, Divinitatem dedecet, funditusque prosternit.

Ad

Ad Dei naturam insuper si attendamus, illam quæcumque pluralitatem necessario excludere illico advertemus. Deus est ens a se, a quolibet alio independens: ipse est entis plenitudo, omnia complectitur, omnia continet: in ipso sunt, vivunt, & moventur cuncta quæ esse, vitam, & motum habent: illa autem Deum unicum ita necessario declarant, ut si ex impossibili non esset unicus, jam de Deo illa non possent prædicari: quo posito nec Deus esset. quod cum repugnet, plures esse deos pariter repugnat; frustra diceretur quemlibet Deum, si plures dentur, esse a se, entisque plenitudinem esse: id enim involvit contradictionem: illeque solus erit vere Deus, in quo alii omnes erunt, quique cætera cuncta in sua immensitate continebit. Hinc est quod Deus sese hominibus manifestans, per hanc essentialem unitatem, quæ ipsi soli inesse potest, se designat, Moysen dicens, *Ego sum, qui sum, sic dices filiis Israel, qui est misit me ad vos*. Ita ut esse essentiali, vel esse absolutum, quod unicum non esse repugnat, & Deus, necessario convertantur, ac de utroque prædicata contradictoria nullo modo verificari queant. Unde rigore loquendo, esse, vel ens secundum totam essendi plenitudinem, de Deo solo adæquate prædicabitur, cum cætera omnia præter Deum, nullo dempto, non sint nisi entia per participationem.

S O L U T I O O B J E C T I O N U M.

1. **O**bjectio. Duos saltem admittendos esse deos, vel duo summa rerum esse principia invincibiliter admonet necessaria commixtio boni & mali in hoc mundo: neque enim mali dicetur causa Deus summe bonus, cujus naturæ ac perfectionibus repugnat quod ab illo malum undequaque diffusum proficiscatur. Ut erio in ipsum non refundantur mala omnia quæ fiunt sub Sole, aliquod sit oportet malum principium a quo fluant, sicut bonum est principium unum, Deus scilicet bonus a quo bona cuncta procedunt. Duo autem admittere summa rerum principia, vel duos agnoscere deos, idem esse quis negaret?

Resp. Duo admittere summa rerum principia, unum bonum, a quo sit quidquid boni est in rerum natura, vel ut tale reputatur; malum alterum, in quod refundantur quæcumque mala sunt, aut speciem mali præferant, idem esse ac duos agnoscere Deos, ut quid certissimum supponit & ostendit S. Augustinus lib. 21. cont. Faustum cap. 4. huncque Manichæum exinde confutat: & nos pariter cum tanto Doctore existimamus. Fallum igitur est boni & mali commixtionem duo invicem indicare summa rerum principia: Tum quia proprie loquendo nihil est vere malum præter peccatum, quod cum non sit aliud, quam privatio rectitudinis quæ inesse debet, ut alias fuisse ostendimus, causam non habet efficientem, sed deficientem; & hæc alia non est, nec esse potest, quam inordinata creaturæ intellectualis voluntas, ut contra Manichæos multoties inculcat Hipponensis. Tum quia, ut secundum communem loquendi morem discurremus, duplicem cum eodem Sancto Doctore distinguere debemus mali speciem; malum videlicet culpæ, & malum

malum pœnæ: quod ultimum ad Dei iustitiam pertinet, primo a peccatoris malitia procedente, cum nihil possit a Deo esse, quod non sit bonum: cuncta enim Dei opera, quæcumque sint, sui auctoris, cuius natura est bonitas, characterem quemdam præ se ferre necessario debent, nec illo carent etiam mala quibus utitur, sive ad iustorum probationem, sive ad peccatorum correctionem, sive ad impiorum punitionem. *Omnia Deus & bona fecit, & bene ordinavit*, inquit Augustinus Disput. 1. cont. Fortunatum Manich. num. 15. *peccatum autem non fecit: & hoc est solum quod dicitur malum, voluntarium nostrum peccatum. Est & aliud genus mali, quod est pœna peccati. Cum ergo sint duo genera malorum, peccatum & pœna peccati, peccatum ad Deum non pertinet, pœna peccati ad vindicem pertinet. Etenim ut bonus est Deus qui omnia constituit, sic iustus est ut vindicet in peccatum. Ut autem Manichæos nescire quid loquantur, dum malum principium statuunt a quo sint mala omnia, Augustinus ostendat, malum non esse quandam subitantiæ probat contra Secundinum Manich. cap. 13. & seq. aliisque in locis; nullamque naturam inesse malo, sed potius illud esse naturæ vitium ejusque corruptionem; quæ corruptio non est natura, sed est contra naturam, ut loquitur contra epistolam Manichæi cap. 35. Jejunum ergo est, nulliusque ponderis contra Dei unitatem argumentum desumptum ex malo, quoquo sumatur modo, quod & si latius diffunderetur, nullum exigit Deum sui auctorem. unde ex se repugnat fœditium Manichæorum sistema de duobus summis principiis: repugnat enim summum malum si in se ipso consideretur: si quidem malum per se dicit imperfectionem, nulla autem imperfectio summa esse valet: esse summum, infinitatem quamdam necessario importat, quæ cum sit perfectio maxima, soli Deo summe bono inesse potest. Et aliunde, quamvis admitti posset malum principium in sensu Manichæorum, quod absurdum non minus est, quam impossibile, nusquam ut Deus haberetur, cum esse Deum, & esse malum sint duo contradictoria: bonitas enim est divinitatis essentialia attributum, sine quo nec esse nec concipi potest.*

2. *Objeçtio.* Duplex illud rerum omnium principium agnovisse videtur Christus, dum Judæorum quosdam alloquens Joan. cap. 8. ait, *ex Deo non estis; vos ex patre diaboli estis.* Nonne diaboli nomine, ex quo illos esse dicit, malum designatur principium a quo mala cuncta oriuntur? Unde duos admittere Deos, vel duas causas rerum primigenias sibi invicem adversas, ex ipsa Scriptura habemus.

Resp. Huic objecçioni, quæ nihil certe habet difficultatis, a Manichæis olim propositæ fecerat satis Augustinus lib. de duabus animabus cont. Manich. cap. 7. Idque belle, adeo, ut ad illius solutionem nihil superesset desiderandum. Judæos increpando, non ut homines erant, sed ut peccatores veritati insens, talia dicebat Salvator Dominus: neque enim peccati, aut malitiae auctor est Deus, ut in ipsum refundi possit quod nonnisi a prava hominum voluntate proficisci valet. Unde licet malus in quantum homo est a Deo sit, tamen in quantum iniquus est, ab illo non est. Manichæos errorem suum defendere volentes per laudata Christi verba, ex quibus sibi fa-

ventes dicebant Sacras Scripturas, refellit Hipponensis per illa verba Joannis cap. 1. *Omnia per ipsum facta sunt, & sine ipso factum est nihil; ac per illud Apostoli 1. Corinth. cap. 8. Unus Deus, ex quo omnia; & unus Dominus Jesus Christus, per quem omnia.* Et iterum ejusdem Rom. cap. 11. *ex quo omnia, per quem omnia, in quo omnia, ipsi gloria.* Quapropter cum in eadem, unaque auctoritate Scripturarum modo sonet, omnia ex Deo, & alibi, vos non estis ex Deo, nihil aliud de hac questione audimus, nisi quemadmodum fieri posset, ut & nullum animarum genus non esset ex Deo, & recte tamen peccatoribus & infidelibus diceretur, non estis ex Deo. Sicut aliud est vivere, aliud peccare, & vita in peccatis in comparatione justæ vitæ mors appellata sit, utrumque tamen in homine non potest inveniri, ut simul sit vivus atque peccator: sed quod vivus, ex Deo; quod peccator, non ex Deo. In qua divisione utimur ea parte de duabus, quæ nostræ sententiæ competit: ut cum Dei conditoris omnipotentiam insinuare volumus, etiam peccatoribus dicamus quod ex Deo sint. Cum autem malos arguere propositum est, recte dicimus, non estis ex Deo. Dicimus enim se a veritate avertentibus, infidelibus, facinorosis, flagitiosis, & quo nomine uno totum continet peccatoribus; quæ rursus omnia ex Deo non esse quis dubitet? Itaque Christus peccatoribus, id ipsum quod peccatores erant; & sibi non credebant coarguens, quid mirum si ait, non estis ex Deo: ex alia parte illa saltem manente sententiâ quod omnia per ipsum facta sunt, & omnia ex Deo? quam suam responsionem corroborat Sanctus Doctor exponens in sensu eodem ista verba Evangelistæ; in sua propria venit, & sui cum non receperunt. Unde sui, inquit, si non receperunt; aut unde ideo non sui, quia non receperunt; nisi quia homines peccatores, eo quod sunt homines ad Deum; eo vero quod peccatores, ad diabolum pertinent? Hic ergo partem naturæ tenuit qui ait, sui cum non receperunt; ille vero voluntatis qui ait, non estis ex Deo. Sicque conciliantur varii Sactorum Librorum textus, qui prima fronte secum pugnare videntur; quique si bene intelligantur, non sibi ulla tenus, contrariantur, ut idem observat Augustinus contra Adimantum Manichæi discipulum, qui multas de Testamento veteri ac novo corraferat sententias, velut invicem contrarias, exinde contendens utrumque Testamentum ab uno & eodem Deo esse non posse, & ex consequenti duos Deos cum magna suorum parte admittendos judicans. Hunc quarumdam expositione refellit S. Doctor, quibus conciliatis dicit ipsi cap. 16. *Utriusque Testamenti auctorem Deum venero, qui & veteri homini fugienti tamquam Dominus apposuit quod timeret, & novo redeunti tamquam pater aperuit quod amaret.* Falso igitur ex Scripturis male intellectis duas dari causas rerum primigenias sibi oppositas colligere quis tentaret: veritatis sermonem utrobique sibi experiretur adversum, quem Dei unitati testimonium incessanter perhibentem, etiam invitus confiteri cogereur.

3. *Objeccio.* Ut quid ergo, si unicus est Deus, dicere potuit Plaltes Regius, *Deus deorum Dominus locutus est: Deus stetit in Synagoga deorum; ego dixi dii estis?* horum verborum vacuus erit sensus, ex illisque in errorem devenient multi, juxta Sacræ Scripturæ litteram existimantes, plures esse colendos Deos; vel saltem non leviter judicantes, polytheismo multum favere li-

bros sacros, quorum auctoritas in uno solo Deo defendendo valde infirmabitur per opposita testimonia.

Resp. Nullus quivquam esse potest dubitandi locus ex laudatis Psalmistæ verbis, cum illi quos vocat Deos, hoc nomine improprio modo vel late sumpto donentur. Ille qui in singulari numero Deus vocatur, est unus Deus non factus, & vere Deus ipse solus. Ipse autem solus Deus, Pater & Filius & Spiritus-Sanctus; unus Deus: inquit Augustinus in Psal. 49. Dii ergo quorum Deus est verus Deus, qui sunt, aut ubi sunt? indicant illa verba, Deus stetit in Synagoga eorum, in medio autem Deos discernit: quæ duobus modis possunt intelligi ex eodem Sancto Doctore: vel de iustis qui Dei gratia tales effecti sunt, & divinitatis participes quodam modo facti: vel de hominibus super alios constitutis, ut sunt principes, quorum præcipuum officium est, populos judicare in iustitia & æquitate, populi magistratus ac seniores, primatum in nationibus exercentes, eisque præsent ut eas regant ac judicent. Ad illos qui primo modo dicuntur dii attendit Hipponensis eodem loco. *Manifestum est, inquit, quia homines dixit Deos, ex gratia sua deificatos, non de substantia sua natos. Ille enim iustificat, qui per semetipsum non ex alio iustus est; Et ille deificat, qui per se ipsum non alterius participatione Deus est. Quia autem iustificat, ipse deificat, quia iustificando filios Dei facit. Dedit enim eis potestatem filios Dei fieri. Si filii Dei facti sumus, & dii facti sumus: sed hoc gratia est adoptantis, non natura generantis. Hinc est quod dictum fuerit: ego dixi dii estis & filii excelsi omnes. Vos autem ut homines moriemini, & sicut unus ex principibus cadetis. Verba nihilominus illa psalmi in secundo sensu esse accipienda manifestant ea quæ sequuntur: Usquequo iudicatis iniquitatem, & faciem peccatorum sumitis? Iudicate egeno & pupilla, humilem & pauperem iustificate. Eripite pauperem, & egenum de manu peccatoris, id est potentis eos inique opprimentis, liberate. Iudices ergo, principes populorum, necnon prophete quandoque in Scripturis Sacris nominantur dii; sed id non literaliter accipi debet, sed metaphorice ac improprie, eo quod summi Dei sive auctoritatis, sive cognitionis aut scientiæ quadamtenus participent, sicut & illi qui Dei virtute prodigia operantur & miracula ad veritatis fideique defensionem, & ad proseriptionem erroris. Verum quoquo sensu psalmus intelligatur, nihil est quod unitati Dei adversetur, faveatque polytheismo. Unde iis qui timere videntur ne quis talibus abutatur verbis, dicere nihil vetat cum Psalmista, quod trepidaverunt timore ubi non erat timor. Adhuc dici posset cum Augustino, Psalmem Regum ideo posuisse; Deus eorum Dominus locutus est, ut distingueretur verax & unicus Deus, ab iis qui ex idololatria dii dicebantur & non sunt, de quibus scriptum est, dii gentium demonia: verum hæc, aliaque similia missa facimus, cum illa legere satis sit ut optime intelligantur.*

4. *Obiectio.* Ergo ne de Deo verificabuntur prædicata contradictoria? Si unicus Deus admittatur, de illo nedum opposita, sed & indigna Deo prædicabuntur: quomodo enim miseriedus erit, si vindex & ultor? Qui summe iustus, si parentum peccata puniat in tertiam & quartam filiorum usque genera-

nerationem? Quis illum dicit immutabilem, quem tactum dolore cordis intrinsecus pœnituit aliquando quod hominem fecisset? Quid minus Deo dignum, quam odio & ira moveri? Quorundam ex arbitrio misereri, alios vero indurare? Quæ omnia inter se pugnantia cum sint, aut Divinitatem dedecant, Deum non unicum, sed multiplicem esse evidentem ostendunt.

Resp. De Deo quantumvis unicus sit, prædicata contradictoria neuiquam verificantur, multoque minus indigna de illo, ad modum loquendi Scripturæ si attendamus, prædicata quædam reputabuntur, ut jam satis ostendimus. Quod si alio modo quis iudicaret, ad infirmitatem humanæ mentis verba sacra recte minus intelligentis, illud esset referendum unde dicit Augustinus contra Adimantum Manichæi discipulum cap. 3. num. 1. *intelligenda sunt, non temere accusanda, quæ imperitis videntur esse contraria.* Et jam præcedenti capite num. 2. dixerat. *Non ergo Dominus rescindit Scripturam veteris Testamenti, sed cogit intelligi; nec sabbatum solvit ut pereat quod figurabatur, sed apparit potius, ut appareat quod segebatur.* Diversa Sacræ Scripturæ loca hic conciliare cum præsentis non sit instituti, hoc unum monebimus cum eodem Sancto Doctore, lib. de utilitate credendi cap. 3. omnem Scripturam, quæ Testamentum vetus vocatur, diligenter eam nosse cupientibus quadrifariam tradit. *Secundum historiam, cum docetur quid scriptum, aut quid gestum sit; quid non gestum, sed tantummodo scriptum quasi gestum sit. Secundum ætiologiam, cum ostenditur quid qua de causa vel factum vel dictum sit. Secundum analogiam, cum demonstratur non sibi adversari duo Testamenta vetus & novum. Secundum allegoriam, cum docetur non ad litteram esse accipienda quædam quæ scripta sunt, sed figurate intelligenda.* Ad regulam illam si ut oportet, quis attendat, eaque legitime utatur, nec aliquid Deo indignum, quodve contrarietatem redeolet, in libris sacris reperiet. His velut incidenter observatis ad proposita redeamus.

Si Deus ea ratione qua misericors dicitur & est, vindex vocaretur & ultor, si utrumque sub eodem respectu, ut dicunt, de illo prædicaretur, tunc aliquid, saltem specie tenus inveniri posset contradictionis. Verum divinæ essentia attributa, juxta quæ hæc de Deo verificantur, cum invicem non opponantur, unumquodque quod suum est exequitur, qualibet sublata contrarietate. ex parte qua Deus est misericors, parit pœnitentibus & ignoscit, dissimulans peccata hominum propter pœnitentiam, dum eo quo iustus, seculos punit, de impiis sumens vindictam. Quod utrumque si non exequeretur juxta suarum perfectionum exigentiam, sibi deesset, & se ipsum quodam modo negaret, quod est impossibile. Deus est essentialiter bonus simul & iustus. In quantum bonus, miseretur; in quantum iustus, ulciscitur; de suo bonus, ut loquitur Tertullianus, de nostro iustus. Quod sciens catholicus quisquis, cum Psalte regio dicit, *Misericordiam & iudicium cantabo tibi Domine*: unicum Deum tam in beneficiis quam in pœnis agnoscens. *Vos autem non valentes discernere quid faciat Deus beneficio, quid iudicio, quia & a corde & ab ore vestro longe est psalterium nostrum, ubi dicitur, Misericordiam & iudicium cantabo tibi Domine; quidquid vos pro infirmitate humane mortalitatis*

offenderit, alienatis omnino ab arbitrio & iudicio veri Dei, . . . unde hic tantam bonitatem, & ibi tantam severitatem ad unum pertinere Deum non intelligitis, nisi quia misericordiam & iudicium cantare non nosset? Inquirebat Hipponensis Manichæos alloquens lib. 21. contra Faustum, cap. 3. Nec ipsius adversatur misericordie aut iustitiæ quod dicatur in Exodo, tribuens filiis tertie & quartæ generationis parentum peccata qui eum oderint. Illud Deum non dedecere, sed rectum esse intelligendum est cum eodem Augustino. *Ex eo enim quod addidit qui me oderunt, intelligitur eos puniri peccatis parentum, qui in eadem perveritate parentum perseverare voluerunt. Tales enim, non severitas, sed potius iustitia Dei, & sua iniquitate puniuntur. . . . His utique legitime, redditurum Deum, atque debite, qui parentum peccata perseverantes tenere, quam Dei iustitiam sequi maluerunt. Nam non pertinere patris peccata ad filium iuste viventem, Propheta Ezechiel ostendit: inquit contra Adimantum cap. 7. num. 1. & 2. unde cap. 4. ut Manichæi Scripturas veteres calumniari desisterent hortans dixerat, si possint miseri intelligant, & illa que detestantur in veteri Testamento de Deo dicta, usque adeo recta esse, ut etiam in novo inveniantur; & illa que in novo laudant, & prædicant, etiam in veteri reperiri: unde clarescat bene intelligentibus utriusque Testamenti manifesta concordia. Ad hæc itisque similia Sancti Doctoris verba si attenderent Manichæorum placitis adherentes, illa jam velut indigna Deo, aut sibi invicem adversantia nobis opponere ad deorum multipliciter defendendam illos puderet.*

Ipsis Dei summi immutabilitatem læsam existimantibus ex eo quod hunc hominem fecisse aliquando poenituerit, unde ira & odio ductus illum, aliaque simul delere decreverit, quod divinitatem dedecere arbitrantur, respondet Sanctus Ambrosius lib. de Noe & arca cap. 4. his verbis. *Neque enim Deus cogitat sicut homines, ut aliqua ei nova succedat sententia, neque irascitur quasi mutabilis; sed ideo hæc leguntur, ut exprimat peccatorum nostrorum acerbitas, que divinam meruerit offensam; tamquam eo usque increverit culpa, ut etiam Deus, qui naturaliter non movetur aut ira, aut odio, aut passione ulla, provocatus videatur ad iracundiam. Nec aliquid in eo, quod Divinitatem dedecet, reperiri potest, nisi ex imbecillitate humanæ mentis, quæ Dei sunt metientis ad normam rerum humanarum; juxta quas de iis quæ illum decent aut dedecet iudicare præsumit: unde temeritatis merito est arguenda; cum Deus solus queat scire quid ipsum deceat vel non: hæc enim sunt profunda Dei, quæ ad ipsius spiritum dumtaxat pertinet scrutari. Quod aliorum ille misereatur, alios induret, ad sapientiæ & scientiæ ejus altitudinem est referendum, investigabilia illius judicia adorando, non vero de iis quæ captum nostrum superant leviter iudicando. Quomodo autem hæc sint intelligenda, temporibus suis ostendemus. Pro nunc satis est si dicamus, ex his Sacris Scripturæ loquendi modis nihil quod unitati Dei adversetur, legitime inferri posse.*

COROLLARIUM.

EX jam dictis tam de unitate Dei quam de illius existentia, facile intelligitur ipsi naturali rationi vim intulisse omnes illos, qui a vero & unico Deo rerum cunctarum conditore insipienter recessere, tum hunc esse negando, tum multiplicem illum fingendo, horum omnium delirium ex-supra observatis est abunde manifestum, infinitam prope multitudinem deorum paganis fuisse cui notum non est? Quot millia ab Hesiodo memorentur neminem latet. Egyptios, Græcos, Romanos, qui inter omnes populos doctrina ac celebritate claruerunt, cæteros quoscumque hæc impietate, sub ementito religionis simulacro, superasse stupens orbis universus intuitus est. Everso post triumphante Christi Redemptoris resurrectionem ipsius Apostolorum, ac aliorum discipulorum prædicatione Idololatriæ, Dæmonisque imperio, & gentilibus ex maxima parte erutis e potestate tenebrarum, ac divina virtute in Dei regnum & lumen translatis, unicum ac verum Deum jam adorante fere. universa terra, divinitatem dividere non erubescunt non nulli Hæretici; primum inter eos tenuere Gnostici, quos a Nicolaitis exortos quidam putaverunt; ut refert Sanctus Augustinus lib. de hæresibus, num. 6. de quibus ait: dicuntur bonum Deum & malum Deum in suis habere dogmatibus, quod de iis scripserat S. Irenæus. Cerdon a quo Cerdoniani nominat, duo principia sibi adversantia dogmatizavit: Deumque legis ac prophetarum non esse patrem Christi, nec bonum Deum esse, sed iustum; patrem vero Christi bonum, ait Hipponensis num. 21. subiungens: quidam in duobus principiis suis duos deos ita eum dixisse perhibent, ut unus eorum esset bonus, alter autem malus istius dogmata de duobus principiis fecutum fuisse Marcionem a quo Marcionitæ appellati sunt, testatur num. 22. Idem Sanctus Doctor eundem errorem num. 23. tribuens Apellitis, quorum princeps est Apelles, qui duos deos introducit, unum bonum, alterum malum: non tamen in duobus diversis atque inter se adversis esse principia; sed unum esse principium, Deum scilicet bonum, & ab illo factum alterum.

Manes persa qui & Manichæus, duo principia inter se diversa & adversa, eademque æterna & coeterna, hoc est semper fuisse, composuit: duasque naturas atque substantias, boni scilicet & mali, sequens alios antiquos hæreticos, opinatus est. Hæc de eo scribit ibid. Augustinus num. 46. ex quo habemus illum voluisse, principium bonum esse rerum invisibilium auctorem: malum ex opposito rerum sensibilibus & materialium causam esse uni lucem, alteri tenebras tribuebat, a bono esse legem novam novumque Testamentum, legem autem antiquam vetusque Testamentum a malo proficisci fingebat. quot ridicula & absurda his addiderit videre est apud eundem, quem nihil eorum quæ ad illam hæresim pertinent latere poterat, quippe qui scdæ huius nomen ipse aliquando dedisset, ejusque omnia arcana didicisset, consulatur de cunctis iis erroribus illorumque principibus Sanctus Epiphanius copiose de hæc.

hæresibus differens. Nonne futilia hæc illorum aliorumque Hæreticorum de duobus principiis & diis excogitata, delirantis rationis, vel potius omnino cœcutientis humanæ mentis figmenta merito nuncupantur? Nonne erga divinitatem sceleratiores fuere qui, inter Christianos fidei lumine adjutos, placita hujusmodi adinvenierunt aut probaverunt, ipsis gentilibus, dum crasse nimis sentientes de Deo, illum multiplicem esse stulte putaverunt? Et semper erit cur miremur, quod Manicheismus, ad quem sanditus evellendum sufficit naturalis ratio, tot annis inter homines permultos audierit; adeo ut sæpe sæpius redivivus nondum totaliter extinctus dici possit, licet non nisi inter indoctos rudesque populos, & infidelitatis tenebris obvolutos a pluribus sæculis vigeat, modo inter Manichæos non annumerentur ex parte Abigenæ, alique Hæretici recentiores, qui non pauca ab ipsis hausisse non immerito reputantur.

Quæret fortasse aliquis, quomodo & quando sumperit exordium polytheismus. Cui respondebimus, non longe a diebus Noe eo amentitiæ homines devenisse, ut deos sibi ex arbitrio fingerent, ut ex antiquioribus monumentis colligere qui priorum temporum historiam conscripserunt. Certum enim aliunde est, Moysis tempore Idololatriam per omnes populos jam esse diffusam, quod non obscure libri sacri testantur. Patriarchæ illius per quem, diluvio universali terram cum ejus habitatoribus perdente, genus humanum salvare Deus voluit, pronepotes, nimio parumque religioso timore corrupti de divinæ iracundiæ flagellis cogitantes, illiusque severitatem ex superbia ferre impotentes, ipsius beneficiis ingrati, ut arbitratu suo viverent jugum excutere voluerunt; utque minus Dei quem ignorare nequibant, iustitia & virtus ipsis timori essent, deos qui nihil possent adinvenierunt, animos sibi addidisse existimantes, dum sibi ipsis perstreperent, ne de omnipotenti Deo ullo modo cogitarent. quid mirum deinde si homines a Deo quadamtenus derelicti, obscurato insipiente corde eorum, mutaverint gloriam incorruptibilis Dei, in similitudinem imaginis corruptibilis hominis, & volucrum, & quadrupedum, & serpentium? Ut loquitur Apostolus Rom. cap. i. eoque insipientiæ devenierint, ut homines scelestos atque facinorosos pro diis aliquando habuerint, qui scelus suum nedum ultores non essent, sed etiam ipsis patrocinarentur, unde illa facilius ac securius perpetrarent. Hinc ad idololatriam proclive adeo effectum est genus humanum, ut vix sapientes aliqui & religiosi homines ab illa temperaverint. In illam cæco, ut ita dicam, impetu ferebantur omnes populi, ipsique Israëliti, quibus magnalia incessanter faciebat Deus & mirabilia ut sibi soli servirent, idolis ac sculpsilibus sæpius thus adoleverunt; Deum benefactorem suum irritantes in adinventionibus suis, ut ait David Psal. 105. *Fecerunt vitulum in Horeb, & adoraverunt sculpsile, & mutaverunt gloriam suam in similitudinem vituli comedentis fenum Commixti sunt inter gentes & servierunt sculpsilibus eorum & immolaverunt filios suos & filias suas demoniis quas sacrificaverunt sculpsilibus Chanaan.* Quomodo tanta cum velocitate apud omnes gentes audierit polytheismus, ut omnium una eademque fuerit Religio, vel potius impietas,

vix

vix intelligi potest. Dumque videmus elementa, æstra, homines, animantia, ipsaque legumina successive pro diis haberi pro gentium diversitate, historiæ talia referenti vix credimus. Ea tamen fuit omnium fere hominum obcæcatio a prœpotum Noe diebus, naturæ humanæ depravationem ostendens. Nec mirum quod eadem causa eosdem produxerit effectus. Ex eadem humani cordis perversitate, eadem quibuslibet temporibus prodiit iniquitas: homines inter perpetuo duratura, nisi in Christo Domino fuisset reparata natura. Verum de iis hæc sint satis, cum polytheismi historiam texere mens nostra non sit, multoque minus de diversis idololatriæ speciebus discere intendamus.

QUÆSTIO SEXTA.

Quanam sit ratio constitutiva Divina essentia.

DEum quid vere in se sit advenisse frustra gloriaremur; idque etiam investigare, vesaniz non minus quam temeritati merito deputaretur. *Quod immensum est soli sibi notum est;* inquit Tertullianus Apol. cap. 17. quapropter tunc Deum, ut loquitur Cyprianus lib. de vanit. idol. *Digne affirmamus, cum inestimabilem dicimus.* Unde Dei essentia scire desiderantibus nobis, hæc Arnobii verba lib. 1. adv. Gent. perpetuo occurrunt dicenda: *Unus est hominis intellectus de Dei natura, si scias & sentias nihil de illo posse mortalia oratione deprimi.* Id unum expedit unicuique nostrum, *scire Deum scire, ut licet non ignobilem, tamen inenarrabilem sciamus,* ut lib. 2. de Trin. habet Sanctus Hilarius. Quod præ cæteris intelligens S. Augustinus, ad audaciam philosophorum retundendam, qui Dei naturam definire tentarent; dicebat enarrat. in Psal. 85. num. 12. *Deus ineffabilis est. Facilius dicimus quid non sit quam quid sit.* Cum ergo de constitutivo divinæ essentiz movetur quæstio, eo se vertit tota difficultas ut sciatur, quid primum in Deo concipiatur tamquam sone & origo divinarum proprietatum, ex quo repetatur differentia Dei specifica per quam a quibuscunque entibus distinguatur.

Circa hanc quæstionem mere scholasticam diversimode sentiunt Theologi. Dei essentiam formaliter constitui per cumulum aut congeriem quarumcumque perfectionum actualium Nominalibus visum est. Illius gradum constitutivam esse volunt fere Thomistæ omnes intellectionem, sive actualem, sive radicalem, id est, vim & facultatem intelligendi: pro utraque enim ex arbitrio pugnant. Differentiam Dei specificam ex infinitate illius esse repetendam consent quam plures Scotistæ, hanc esse Doctoris subtilis sententiam falso existimantes, sicut alii non pauci, qui nullo nisi fundamento illam ipsi, re parum librata, assingunt. Ab iis omnibus recedens major cujuscumque Scholæ Theologorum numerus, Deum vult formaliter in suo esse constitui per omnimodam aſſeitatē, seu independentiam, & hæc opinio quæ præ cæteris communiter tenetur, ex principis Scoti non obscure colligitur, ut ex dicendis fiet manifestum.

ASSER-

EXERCITATIONES

ASSERTIO PRIMA.

Neque per cumulum ac congeriem perfectionum, neque per intellectionem tum radicalem tum actualem, neque per infinitatem, formaliter constituitur divina essentia.

DEum esse ens summe perfectum quo melius nihil potest excogitari & majus, huncque omnibus & singulis perfectionibus quæ nullam ex se dicunt imperfectionem esse ditatum, qualemcumque insuper illarum perfectionum infinitatem in illo participare, jam satis indicavimus, nullusque est qui inficias eat. Ergo ne per hanc perfectionum collectionem, vel per infinitatem essentia divina constituitur? Nequaquam. Nulla ex iis perfectionibus sumptis singillatim est constitutum essentia Dei: illud ab omnibus conceditur: ergo nec cumulus illarum ipsius erit constitutum. Neque enim potior est ratio cur perfectiones illæ collectivæ sumptæ illam constituerent quam si distributive sumantur: si quidem hæc congeries perfectionum in quantum congeries, non dicit in Deo formalitatem quamdam iis perfectionibus aliquid addentem: ex illa congerie ut talis est, Deus denominatur ens perfectissimum, nihil ipsi ex tali denominatione formaliter adveniente: quomodo autem essentia divina constitueretur per meram denominationem, quæ nihil dicit in subiecto distinctum ab illis perfectionibus? Idem feratur judicium de infinitate, quæ cuilibet ex iis perfectionibus in Deo advenit, si ita loqui fas est, quæque in ipsis ut modus essendi debet considerari, scilicet in quantum omnem limitem, cunctamve imperfectionis speciem ab ipsis excludit. Quapropter cum infinitas, congeriesque perfectionum supponant essentiam jam constitutam, ex eo quod prius sit esse quam esse tale, ut vulgo dicitur, pro constitutivo Dei non possunt haberi. Infinitas, aliæque omnes perfectiones, tum collectivæ, tum distributive, de Deo prædicantur in quale, & non in quid, juxta usitatum scholæ loquendi morem: sola ratio constitutiva Dei prædicatur de illo in quid. Unde cum de Deo simpliciter quaeritur quid est Deus? Non respondetur est, justus, bonus infinitus, &c. sed dicitur designando illius essentiam vel naturam, Deus est ens per se existens; a seitas enim est veluti radix in Deo, & quasi subiectum divinarum perfectionum ut mox dicemus; illæ vero perfectiones, etsi in Deo in gradu perfecto, & infinitæ, sunt modi essendi entis per se, illo necessario postulantis.

Nec opponatur Deum nec esse nec posse concipi absque infinitate, cum amore perfectionum, ita ut qui dicit Deum, dicat simul & necessario infinitum & perfectionibus quibuslibet instructum: id enim etsi verum sit, non tamen satis est; sed insuper requireretur quod essent de primario illius conceptu, & non sunt nisi de secundario: sicut visibilitas in homine quæ ipsius non est essentia, sed ab illa fluit; & conceptus ejus non est nisi secundarius, fluens necessario a primo qui est essentia illius constitutivus, scilicet quod

quod homo est animal rationale. De ratione igitur gradus constitutivi est quod omnes alii gradus ad illum referantur, ille vero non reducatur ad alios nisi per accidens. Sic dicitur Deus est ens a se, vel necessario existens, ergo est infinitus, ergo omnes habet in gradu summo perfectiones: talis enim est quia est a se ipso: sed e converso non dicitur, est a se quia infinitus, quia quibuscumque dotatur perfectionibus, licet quod sit talis necessario postulat cum sit ens per se & necessario existens.

Cum autem dicimus infinitatem non esse quid primum in idea Dei, proindeque essentiam illius per eum non constitui, sed eam supponere jam constitutam, mentem attingimus Doctoris Subtilis, qui in 1. dist. 3. quæ. 2. postquam dixit de Deo loquens, quod perfectior est & simplicior conceptus entis simpliciter infiniti, quam conceptus entis veri, boni, vel aliquorum similium, sic rationem reddit, quia infinitum non est quasi attributum, vel passio entis, sive ejus de quo dicitur, sed dicit modum intrinsecum illius entitatis: ita quod cum dico ens infinitum, non habeo conceptum quasi per accidens ex subiecto, & passione, sed conceptum per se subiecti in certo gradu perfectionis, scilicet infinitatis. Per quæ verba significat, infinitatem non constituere Dei essentiam, sed illam modificare, non accidentaliter tamen, sed intrinsece, cum sit cuilibet perfectioni Dei propria. Et semper sibi constans Scotus sic loquitur dist. 8. quæ. 3. *Ens autem ut convenit Deo, scilicet ens per essentiam est ipsum esse infinitum, & non aliquid cui convenit tantum ipsum esse & ideo ex se est hoc, & ex se infinitum, ut quasi per prius intelligatur aliquo modo infinitas esse modus entitatis per essentiam, quam ipsum intelligatur esse hoc.* Et iuxta eundem sensum dicit alio in loco infinitatem formalem & fundamentalem esse in divina essentia; ut infinita est: ex quo evidens est Doctorem supponere essentiam constitutam. Hinc obiter observandum longe ab ipsius mente recedere, qui infinitatem pro gradu constitutivo Dei, ejusque differentia specifica assignantes, Scoti vestigia sectari sibi videntur: illos nec ipsum a longe salutasse libenter judicarem, nisi illum ab ipsis minime intellectum me dicentem libentius ferrent. Et miror quomodo hæc sententia a non paucis eximie notæ Theologis Doctori subtili leviter adeo tribueniur, qui de ea nec etiam somniavit. Alioquin dicendum esset, ipsum infinitatem statuisse, nedum pro gradu constitutivo divinæ essentiae, sed etiam pro gradu constitutivo cujuscumque attributi divini, de quo vere prædicatur quod sit infinitum; non eo sensu quod perfectionibus Dei adveniat infinitas per accidens, sed in quantum est modus intrinsecus talium entitatum seu formalitatum, ex quarum collectione & intensione denominatur Deus, & est ens summe perfectum. Nullum fore arbitror qui de nostro Doctore sine re adeo ferriat, ut ipsum secum pugnantiæ docuisse velit. Adductiori oratione, quandoque rudi stilo scribente Scoto pro temporum barbarie, ipsum legendo facile est allucinari, nisi summa circa illius verba adhibeatur diligentia, a qua cessantes quam plurimi, varias pro arbitrio, propriæque mentis captu, opiniones ipsi ascripserunt, a quibus fuerat semper alienus.

Neque intellectio aut actualis aut radicalis dici debet differentia Dei specifi-

cifica, aut gradus ejus essentiam constituens. Etenim quod potest homini & Angelo esse commune cum Deo, nullius eorum esse valet specifica differentia, vel gradus quemquam eorum constituens, cum constitutum alicujus rei tali esse adeo proprium debeat, ut illam a qualibet alia distinguat. Angelo igitur & homine pollentibus vi seu facultate intellectiva, atque actuali intellectione, per illam Deus non distinguitur, ideoque nec per illam in suo esse constituitur. frustra reponeretur multo perfectiorem in Deo esse hujusmodi intellectionem quam in creaturis, sed quid inde? Magis & minus, ut dicitur, non mutant speciem: præterea nemo dicit intellectionem tum radicalem tum actuaalem, esse fontem & originem omnium perfectionum quæ sunt in Deo: num Deus diceretur infinitus, immensus, æternus, quia intelligens? hujusmodi illationem quis non irriteret? Nec est in Deo quid primum intellectio, licet absque ea nequeat esse: dum de Deo quaeritur quid sit, hæc non venit in mentem nisi secundario, & cognita prius aut constituta illius essentia quam præsupponit, cum res concipiatur esse priusquam ad facultates ipsius attendatur, quia ut dicitur, quemadmodum actus potentiam supponit, ita potentia essentiam vel naturam a qua fluit, & aliunde minime coherere potest opinio quæ intellectionem habet pro gradu constitutivo essentia divinx, cum iis quæ de processionibus in divinis traduntur ubi de misterio Sanctissimæ Trinitatis, quatum processionum principium remotum & commune est ipsa natura, proximum vero & proprium respectu Verbi est intellectus, respectu Spiritus Sancti est voluntas: tuncque nullum esset discrimen principium proximum inter & remotum illarum processionum; vel potius nullum haberet Filius principium, & Spiritus Sanctus qui a natura procedit, consequenter procederet ab intellectione, si illa esset gradus constitutivus divinx essentia, quod tamen dici non potest. Ergo nec verum erit intellectionem esse differentiam Dei specificam. Et parum obstat quod a quibusdam opponatur, intellectionem in Deo esse gradum perfectissimum; id enim etsi verum esset in genere facultatis seu actus naturam jam constitutam supponentis, quod hic non investigamus, cum sit falsum in genere gradus naturam constituentis, nullo modo favet opinioni quam impugnamus ac reprobamus.

ASSERTIO SECUNDA.

In afeitate, seu independentia totali a quacumque Causa, videtur reponenda differentia Dei specifica, hacque gradus illum constituens dici debet.

Veritatem istius propositionis prima fronte animadvertet quisquis ad verba ipsius Dei Moysen alloquentis Exodi cap. 3. serio attenderit, *Ego sum qui sum: sic dices filiis Israel, qui est misit me ad vos.* Unde juxta Hilarium, non aliter de Deo loquendum nobis, quam ut ipse ad intelligentiam nostram de se locutus est: non enim aliud proprium magis Deo, quam esse intelligitur. In eadem Exodi verba enarr. in psal. 134. hæc scribit Augustinus: *Deus tamquam solus sit, dixit, ego sum qui sum: & dices filiis Israel, qui est,*

est, misti me ad vos: Non dixit, Dominus Deus ille omnipotens, misericors, iustus: quæ si diceret, utique vera diceret. Sublati de medio omnibus, quibus appellari posset & dici Deus, ipsum esse se vocari respondit: & tamquam hoc esset ei nomen, hoc dices eis, inquit, qui est misti me. ita enim ille est, ut in ejus comparatione ea quæ facta sunt non sint... quia verum esse, incommutabile esse est, quod ille solus est. Illa Exodi verba juxta eundem sensum habent Hieronymus epist. 57. vel 14. ad Damasum, Ambrosius in psal. 43. Damascenus lib. 4. orthodoxæ fidei; aliique plures ex sanctis Patribus: tandem Sanctus Bernardus lib. 5. de consider. cap. 6. Non sane inquit, occurrit melius, quam qui est... Merito quidem. Nihil competentius aternitati, quæ Deus est. si bonum, si magnum, si beatum, si sapientem, vel quidquid tale de Deo dixeris, in hoc verbo instauratur, quod est, est. Nempe hoc est ei esse, quod hæc omnia esse. si centum & talia addas, non recessisti ab esse. si ea dixeris, nihil addidisti; si non dixeris, nihil minuisi.

Aseitatem seu totalem a quacumque causa, omnique principio independentiam perfectissimum esse Dei conceptum ejusque differentiam specificam, ideoque per illam formaliter constitui essentiam divinam ratione Theologica ostenditur. Ut gradus aliquis dicatur divinæ essentiae constitutivus tria requiruntur: quod sit de primario illius conceptu, quod per illum ab omni alio Deus distinguatur, quodve sit radix, fons & origo omnium perfectionum quæ sunt in Deo: aseitati autem & omnimodæ independentiæ tria hæc conveniunt. Dei nomine intelligitur ens necessario existens: verum necessitas existendi est unum quid & idem cum aseitate, ut superius dictum est cum demonstraretur Dei existentia, & nulla reddi potest ratio independentiæ illius præter necessitatem existendi, & vicissim: illaque ita est de formali ac primario divinitatis conceptu, ut neque per mentem ab ea possit præseindi Deo insuper adeo est propria aseitas, ut nulli enti præter Deum inesse queat ejusque soli essentiae ita competit, ut neque de divinis attributis, quæ sunt ab illa per emanationem velut a radice, neque de relationibus divinis ac personis, quæ sunt ab alio velut ab origine & principio, absolute loquendo prædicari possit; est enim a Patre Filius, a Patre & Filio Spiritus Sanctus Est etiam aseitas radix, fons, origo cunctarum Dei perfectionum. ideo enim immensus Deus, æternus, infinitus, quia cum sit independens a quolibet alio, a nullo potest limitari, estque necessario suarum perfectionum ipse causa: nec ulla est in Deo proprietas quæ in aseitate non fundetur: eo ipso quod est a se, exigit necessario quod sit infinitus in omni genere perfectionis, alioquin limitaretur ab aliqua causa, nempe ab illa ob quam aliquod ipsi inesse attributum de quo non prædicaretur infinitas, quod repugnat. unde merito pronuntiavit Bernardus, omnia quæ de Deo dici possunt, instaurari in hoc verbo, quod est, est. Formaliter igitur per aseitatem constituitur Deus.

Nec a Doctoris Subtilis sententia ullo modo defectivus aseitatem pro gradu divinæ essentiae constitutivo defendentes, quod brevi fiet manifestum si cuncta ipsius verba quæ infinitatem impugnantes supra retulimus æquo animo perpendantur. Infinitum inquit, non est quasi attributum, vel passio en-

tis, sed dicit modum intrinsecum. horum verborum iste est sensus, etsi in Deo infinitum sit vere attributum, illudque sit quod ab essentia jam constituta per omnimodam independentiam seu aseitatem primario fluit, considerandum tamen est quasi non attributum, ex eo quod illud infinitum est prædicabile de cunctis aliis Dei attributis, quæ varia attributa sunt veluti totidem respectus sub quibus Deus potest considerari: sub quocumque tamen ex variis illis respectibus consideretur, semper considerabitur ut infinitus, quia infinitum in Deo dicit modum intrinsecum, id est ab eo inseparabilem, sub quocumque consideretur respectu; unde dicentes de Deo ens infinitum, non habemus conceptum quasi per accidens, tamquam ab illo possemus aliquando præscindere, sicuti attendentibus nobis ad alia attributa evenire potest. præscientiam Dei, ejus potentiam considerare possum nihil de ejus misericordia vel justitia cogitans: ad utraque autem illa attributa in Deo attendere nequeo, quin eodem tempore, eodemque quasi conceptu mihi occurrat infinitas, quæ per se est conceptus tum Dei absolute, tum cujuslibet attributi, immediate ab essentia fluens: alii vero conceptus possunt haberi per accidens, non ita tamen ut adhuc attributa indifferens esse possit divinitas, illi de dori vel carere, omnia enim quæ sunt in Deo sunt ipsemet Deus, & necessario: sed quia illa non includuntur in primo conceptu divinitatis in suo esse constitutæ, alioquin de Deo nec unico instanti cogitare possemus, nisi insimul omnia ipsius attributa menti nostræ occurrerent, quod falsum esse unusquisque nostrum continuo experitur. Hinc intelligitur quid significent illa Doctoris verba: *ens ut convenit Deo, scilicet ens per essentiam* (pensetur hoc verbum, ens per essentiam, quod idem dicit ac ens per se, ens totaliter independens, Deum in suo esse formali constituens) *est ipsum esse infinitum, ut quasi per prius intelligatur aliquomodo infinitus esse modus entitatis per essentiam*, ex eo quod infinitas sit prædicabilis de omnibus quæ ab essentia fluunt, aut ab illa nequeunt divelli, *quum ipsum intelligatur esse hoc: non potest enim intelligi Deus, seu ens a se ipso, vel per essentiam, quin intelligatur infinitus.* independentiam vero totalem & aseitatem haberi a Doctore gradu Dei constitutivo, non autem infinitatem, testantur ea quæ habet in 1. dist. 2. quæ. 2. ubi agens de propositione illa existit Deus, an sit per se nota, dicit quod hæc propositio, *Deus est, est de per se in primo modo, & immediate ad quam resolvuntur omnes propositiones enuntiantes aliquid de Deo, qualitercumque concepto.* ex his enim sequitur quod esse absolutum, & per essentiam, & a se, & aseitas est propriissimus divinitatus conceptus, ejusque differentia specifica, alioquin esse de illa non prædicaretur in primo modo per se & immediate, nec ad illud resolverentur alia omnia quæ de Deo prædicantur, cum illud non esset radix, fons, & origo omnium Divinarum perfectionum, quod tamen postulat necessario gradus Dei constitutivus, ut jam sæpius observavimus.

Licet ex his satis appareat Scotum noluisse Deum formaliter constitui per infinitatem, bene vero per aseitatem, ne dubium aliquod circa illius mentem remaneat, aut dicatur nos talia opinantes aliis illudere, verba ejus ex arbitrio interpretando, rem adhuc attentius discutiamus, quidve dicat dist. 13.

quæ.

quæ. unica, ubi de infinitate divinæ essentia comparate ad attributa loquitur, diligenter inspiciamus. *considerando aliqua*, inquit, *quæ non sunt formaliter eadem, potest aliquid accipi tamquam infinitum in se, & omnino a se, sicut essentia divina, quæ est radix & fundamentum, quæ infinitatem a nullo habet, unde Joannes Damascenus, esse Dei est velut pelagus substantia infinitum, & indeterminatum: aliquid autem est infinitum per se & in se, sed non omnino a se tamquam prima radix, & fundamentum omnis infinitatis, sicut attributa divina, quæ secundum eundem Damascenum, dicunt aliquid quasi circa essentiam, & bene possunt esse talia formaliter infinita, & in se; & per se. Sed radicaliter in essentia sicut in fundamento.* Ibi attendendum est ad subiectum, & ad illud quod de eo prædicatur. de divina essentia dicit Doctor, quod a nullo habeat infinitatem, sed in se & a se. infinitus est prædicabilis de essentia Dei: ut autem de ea aliquid prædicetur necesse est quod illa constituatur per aliquid aliud ab illo prædicabili, cum idem nequeat esse sub eodem respectu attributum & subiectum. infinitas subiectatur in Deo sicut & cætera attributa, licet cum aliquo discrimine, ut mox dictum est: hæc de cunctis divinis attributis prædicabilis est sicut de essentia ipsius; verum de essentia prædicatur infinitatem immediate, & per se, de attributis autem prædicatur mediante essentia a qua habent infinitatem: unde illa attributa non sunt radix & fundamentum suæ infinitatis cum illa ab essentia mutuent, essentia vero non illam ab alio participat, sed hanc habet a se & per se, tamquam illius radix & fundamentum; hujus radices & fundamenti conceptus necessario diversus est a conceptu radicati & fundati. qualis est infinitas in Deo, cujus essentia, ut est radix & fundamentum, conceptus alius esse non potest in mente Scoti quam aseitas, omnimodaque independentia. vel brevius dicendum, quod essentia divina habeat infinitatem absolutam, cum attributa non habeant infinitatem nisi relativam. quotiescumque igitur, ut tandem concludamus, infinitatem Doctor prædicat de essentia divina, istam jam supponit constitutam, quod non obscure indicant ipsius verba, si animo ab omni prævia opinione libero iudicio de iis feratur. Hæc erant observanda contra nonnullos, qui rem minime discutientes, ab ineruditorum vulgo decepti, varias circa quæstiones Scotorum asserunt sic vel sic sentire, qui tamen diverse penitus sentit: quod abunde satis in Theologico-moralibus meis exercitationibus de actibus humanis ostendi, potissimum ubi de actibus indifferentibus quæstio movetur, atque etiam in tractatu de peccatis.

Argumenta quæ fieri possent impugnando duplicem assertionem quæstionis præsentis, facile solvuntur ex iis quæ mentem nostram aperientes diximus, modo hæc duo in memoriam perpetuo revocentur; primum, quæstionem in eo sitam esse præcise, ut determinetur inter omnes & singulas Dei perfectiones quænam sit de primario Divinitatis conceptu, & aliarum radix & fundamentum. Secundum, assignandam esse differentiam Dei specificam per aliquod attributum quod illi sit ita proprium, ut per illud ab omni quod Deus non est distinguatur, & de quolibet alio non possit prædicari, nec etiam improprie, vel lato modo, aut metaphorice: id autem aseitati, seu

in.

independentiæ totali est ita singulare, ut alteri enti quodcumque sit, neque etiam per participationem possit competere, aut ei communicari, etiam de potentia Dei absoluta, ut loquuntur. ad duo hæc quisquis attenderit, a quacumque difficultate brevi se expediet.

CONCLUSIO SECTIONIS.

Quod Deus aliquando permiserit se a quampluribus gentibus ignorari, cujus existentiam cælum, terra, & cuncta quæ extant voce enarrant potentissima, quis hominum non demiraretur? Hunc rerum omnium conditorem non cognoscere summum videtur esse delictum; sed illorum longe majus est, qui hanc cognoscentes, non sicut Deum illum glorificant. quantus sit istorum numerus quis posset dicere? Neque enim illum tamquam Deum glorificare sunt reputandi qui creaturæ potius serviunt quam creatori. Hinc omnem oriri impietatem hominum ita certum est, ut nisi creatura frui contra Dei præceptum ipsos delectaret, Deum factorem suum usquam dereliquerent, nec a vero ipsius cultu ullo modo cessarent. interroget unusquisque conscientiam suam; brevique quot modis iis gentibus quæ ignorant Deum sit annumerandus agnoscat. illud coli quod præ omnibus diligitur nemo negabit: ex quo facile convincitur quam plures etiam Christianorum inter idololatrias esse computandos. in illos veri Dei hostes hic insurgere nostri non erat instituti; qui illius Supremi Numinis existentiam negantes susceperamus impugnandos. multa quæ in ipsos dici poterant prætermisimus, ne in immentum sectio præsens exeresceret. satis est si quod proposueramus examinandum circa Dei existentiam & essentiam attigerimus, cætera quæ considerarentur tractanda alijs reliaturi, id unum addere liceat, me satis non posse demirari, quomodo non erubescunt viri catholici & episcopalibus characteribus insigniti, dum docent pluralitatem Deorum stando principiis naturalibus defendi posse ac propugnari, ut in apologia casuistarum audacter nimis pronuntiavit Joannes Lobkovitz vulgo Caramuel, quem ex monacho militem, ex milite Episcopum vidit Italia. illius errorem a blasphemia non longe distantem, ex quo non potuere permulti non sumere scandalum, impugnant ea omnia quæ existentiam Dei, ejusque necessariam & absolutam unitatem demonstrantes allegavimus: in quibus implicite, sed non obscure, compertum habetur, circa primitivam hanc & minime latentem veritatem, eadem via, graduque pari fidem & rationem semper incesse: unde ab utraque recessisse certissime videtur, qui utrique non repugnare existimaret polytheismum, quocumque modo intelligatur.

SECTIO SECUNDA.

De distinctione qua admitti debet inter divina attributa & essentiam divinam.

Etsi quæcumque sunt in Deo sint ipsemet Deus, & adeo essentialiter ut ab ipso nequeant separari; cum ad illius essentiam alia pertineant, alia vero fluant ab essentia ut proprietates vel attributa, quæ sunt positiva ut iustitia, vel negativa ut infinitas, vocanturque absoluta, quæ ad aliud non dicunt respectum, per oppositionem ad attributa relativa respectum ad aliud dicentia, ut sunt paternitas & filiatio, hæc inter se distingui necesse est. unumquodque enim ex divinis attributis proprium habet sui ipsius conceptum, per quem a quolibet alio distinguitur: alioquin de uno ex iis non possemus cogitare nisi cætera omnia instanti eodem menti nostræ occurrerent; quod falsissimum esse unusquisque nostrum experitur; cum de immensitate Dei disserere fas sit, nulla ad illius iusticiam data attentione; vel de illius iustitiæ sermonem habere, nihil de simplicitate ipsius cogitando, quomodo ergo hæc attributa tum inter se, tum a divina essentia distinguantur, hic occurrit examinandum, Thomistis potissimum & Scotistis de hac re litem maximam æternum duraturam inter se moventibus, a quorum autem partibus stet veritas ex dicendis facile dignoscet diligens indagator, si præiudicii expeditus rem velit æqua lance ponderare.

QUÆSTIO PRIMA.

An & quomodo attributa divina tam inter se quam comparate ad essentiam distinguantur.

Identitatis negationem distinctionis nomine esse intelligendam in confesso est apud omnes. quotuplex ergo erit identitatis negatio, totuplex erit argumentum distinctionis, etiam non multiplicatis entibus in uno eodemque indivisibili ente completo, multiplicatis tamen illius entis proprietatibus vel attributis, quæ sunt veluti toridem formæ ipsius. est autem quælibet distinctio vel mentalis, quæ fit per intellectum res varias distinguentem, siue revera distinctæ sint siue non; vel realis, seu ut dicunt a parte rei, & nullo cogitante intellectu.

Etsi absolute loquendo vera distinctio quæ est negatio identitatis, non suscipiat magis & minus, tam Theologis quam Philosophis placuit, ad diversas rerum ideas firmandas, vitandamque in rebus metaphysicis confusionem, de reali distinctione dicentibus, aliam agnoscere realem maiorem, quæ est inter separata, vel separabilia, vel relative opposita; aliam realem minorem seu modalem, quæ reperitur inter modum & rem, quæ absque tali modo esse potest, licet ille modus esse nequeat absque re cuius est modus; aliam tandem

dem minimam seu formalem, quæ est inter diversas perfectiones cujusdam subiecti ab illo inseparabiles, quarum una non est de conceptu alterius formali. dicitur realis hæc distinctio, ut ostendatur illam non esse mentis figmentum, sed in ipsa rei natura esse fundatam, & a qualibet intellectus operatione independentem. Cur a nonnullis omniscis derideatur ut ridicula triplex illa distinctionis realis diversitas, non facile dixerim, cum non minori fundamento donetur quam illa, quæ ab ipsis non derideretur distinctio rationis ratiocinantis, & distinctio rationis ratiocinatæ. qui inter litigantes iudicis officio fungi volunt, etiam non rogati, rem de qua lis movetur perfecte nosse debent, nec uni potius parti favere quam alteri, ne forte a litigantibus jure ipsis dicatur, quis vos constituit iudices inter nos? quod licet obiter, ex industria tamen dictum intelligi volumus, adversus eos qui Scotistarum placita quæ minime capiunt cavillantur, subditiia pro veris proferentes.

Distinctio itaque rationis ratiocinantis ea est, quæ omni in re caret fundamento, & inter indistinguibilia supponitur, estque merum otiosæ mentis figmentum, ut si quis inter duo vere synonymina distinctionem quamdam statueret. Distinctio rationis ratiocinatæ illa est, quæ habet in re fundamentum. quid autem esse potest hujuscemodi fundamentum intellectui præbens causam distinguendi, præter negationem identitatis? cur autem distinctio illa, quæ fit cum fundamento, & in re ipsa realiter fundata potius esset prædicanda quam sævus intellectus judicari, non vocaretur distinctio realis, perspicue, si possunt, dicant illius distinctionis patroni.

Si vera & legitima utriusque distinctionis, formalis videlicet seu realis minimæ, & rationis ratiocinatæ præberetur notio, inter Thomistas pro illa certantes, & Scotistas pro illa cum Doctore subtili acriter pugnantes, litem componere eo facilius, quantum arbitror, foret, quod utrique cum sua respective distinctione idem exequi volunt, eundem scopum, verbis specie tenus oppositis, & fortasse in rei veritate parum dissonis, attingere cupientes. Utramque scholam in hac parte conciliare qui tentaret, est ut capio non impossibile, nonne temeritatis vel etiam delirii a majori legentium numero opinionibus prævis parum vacuo accusaretur? quidquid sit, ad questionis præsentis statum deveniamus.

Attributa relativa in divinis inter se comparata, personarumque divinas, realiter inter se distingui, ut indubitatum ab omnibus Theologis admittitur. Maximum enim distinctionis argumentum est oppositio illa relativa fundata in origine qua inter se opponuntur, ut omnibus placet. de iis ergo non procedit questio, sed solum de attributis absolutis inter se collatis, ac de iisdem simul & relativis in ordine ad essentiam divinam invisa quibuldam tum philosophis tum Theologis formali distinctione Scottica, alia ipsi suffecta est quam virtualem dixerunt. Hæc autem distinctio juxta illius defensores, reperitur inter ea quæ licet sint una eademque res simplex, pluribus tamen rebus æquivalent, ut intellectus & voluntas, quæ una sunt eademque anima, duabus æquivalent in quantum intelligit & vult: ac idem dicunt de gradibus iis qui metaphysici vocantur, qui, etiam si quid unum constituent,

ut

ut pluribus æquivalentes considerantur. hæc distinctio coincidit cum distinctione rationis ratioeinatæ, & utraque, distinguishibilitas est potius dicenda quam vera distinctio.

Tria in Deo esse quid unum realiter, essentiam nempe, attributa & relationes certum est. essentia est quid absolutum : attributa item absoluta sunt : relationes vero Paternitas, Filiatio, Spiratio sunt relativæ & ad aliud, non tamen re quid aliud ab essentia. hac stante identitate reali, essentia dicit naturam; attributa absoluta sunt quasi proprietates illius; relationes personarum constitutivæ sunt naturæ complementa. natura divina intra se consistens, in se habitat, per se subsistit, præcindens ab omni ordine, cunctaque denominatione ad aliud, sive prius sive posterius. attributa aliquo modo supponunt naturam cui attribuuntur, & de qua prædicantur inslar passionum ipsi inexistentium, illamque denominantium, & ordinem dicere videntur, tum ad ipsam cuius esse dicuntur, ut Sapientia, Intelligentia; tum ad creaturas ad quas quodammodo diriguntur, ut misericordia & iustitia. Relationes fundantur in natura; siquidem relatio quæcumque fundatur in absoluto; alio respiciunt, & referunt, & referuntur, inter se realiter distinctæ, & oppositæ sibi invicem relative per diversas origines ductæ, fiunt principia productiva trium personarum quas constituunt, & distinguunt realiter per Paternitatem, Filiationem, & Spirationem passivam, unde reluctant tres personæ, Pater, Filius, & Spiritus Sanctus; qui cum sint tres numero differentes relative, sunt unum & idem absolute, proindeque unus Deus per essentiam seu naturam. Tria hæc licet unum quid & idem constituenta realiter, inter se nihilominus distinguuntur ante omnem mentis operationem: hæc autem distinctio, cum realis maior, seu realis absolute esse non possit, debet dici formalis ob diversitatem formalitatum naturæ divinæ inexistentium inter quas reperitur, quæ natura divina, licet una & eadem sit res, diversas tamen illas formalitates admittit: quæ diversæ formalitates, etiam nullo cogitante intellectu, non sunt formaliter unum quid & idem, etsi inter se, & cum illo cuius sunt formalitates seu prædicata absoluta vel relativa, sint realiter quid unum & idem, nimirum ipse Deus. His omnibus diligenter observatis rem duplici assertionem resolvemus.

A S S E R T I O P R I M A.

Inter divinam essentiam & attributa, tam absoluta, quam relativa, & inter attributa absoluta secum collata, admitti nequit salva fide distinctio realis, sive major dicatur sive minor.

Sequitur præsens assertio ex confessione patrum Concilii quarti Lateranensis proreum Abbatis Joachim damnantium his verbis. *Credimus & confitemur quod una quedam summa res est incomprehensibilis quidem & inestimabilis divina essentia, quæ veraciter est Pater, & Filius, & Spiritus Sanctus, tres simul persona, ac singulatim qualibet earumdem. & ideo in Deo Trinitas est solummodo,*

do, non quaternitas: quia qualibet trium personarum est illa res, videlicet substantia, essentia, sive natura divina. Ex male intellecto textu Magistri sententiarum dicentis rem esse in divinis, quæ nec producit, nec producitur, & penentis rem generantem, rem genitam, rem spiratam, illum hæresi arguebat Joachim, ut recte observat Doctor Subtilis in 1. dist. 5. quæ. 1. quasi aliquid quartum admitteret magister realiter distinctum a Generante, Genito & Spirato, quod non admittebat, cum nihil sit in divinis a quo realiter distinguatur divina essentia. Unde contra Abbatem statuit Concilium, ex doctrina Magistri non sequi quod sit in Deo quaternitas; enim veto est realis identitas inter personas divinas & essentiam deceptus est Joachim circa mentem magistri, quem sciviter nimis & falso hæresi arguens, non tamen ipse habendus est ut hæreticus; nec illud dixere patres: errabat enim magis in modo loquendi, utens terminis male intellectis, quam in ipsa doctrina.

Ex verbis patrum Lateranensium restat tres personas divinas, quæ sunt inter se realiter distinctæ, non esse rem aliam ab essentia divina cui sunt realiter identificate. Unde necessario sequitur non posse admitti inter essentiam & attributa distinctionem realem majorem vel minorem; quæ si daretur, vel etiam inter attributa secum collata, absoluta videlicet, nedum quaternitas, sed & centeneitas in Deo esset, ut optime contra Gilbertum Porretanum dicebat Sanctus Bernardus ad Eugenium tertium scribens lib. 5. de consideratione cap. 7. *Multa dicuntur esse in Deo*, inquit, *& quidem sane catholiceque, sed multa unum; alioquin si diversa putemus, non quaternitatem habueris, sed centeneitatem. Verbi causa dicimus Magnum, Justum, & innumerabilia talia: Sed nisi omnia unum in Deo, & cum Deo consideres, habebis multiplicem Deum.* Igitur cum Dei simplicitati obstat quod multa ea quæ sunt in illo, esse diversa credantur, consequens est illa cum Deo realiter identificari, si ve sit relatio, si ve sit perfectio quælibet alia. Hinc definitum fuit in Concilio Florentino, *in divinis omnia esse unum, ubi non obviat relationis oppositio.* Ex illa oppositione relationis quæ intercedit Patrem inter Filium & Spiritum Sanctum; sequitur quod tres personæ divinæ realiter distinguantur. Verum cum hæc non obviat essentiam inter & attributa, tamen relativa quam absoluta, non posset salva fide, distinctio hæc realis in sensu exposto defendi, tum inter attributa absoluta, quæ nihil habent oppositionis relativæ, tum inter essentiam divinam & quæcumque attributa.

In Sanctorum Patrum doctrina fundatur nostræ assertionis veritas. quid enim aliud significant hæc verba divi Augustini lib. 5. de Trinitate cap. 8. *non aliud est Deo esse & aliud magnum esse, sed hoc idem illi est esse quod magnum esse propterea sicut non dicimus tres essentias sic non dicimus tres magnitudines, sed unam essentiam & unam magnitudinem.* & cap. 10. *non participatione Magnitudinis Deus magnus est, sed se ipso magno magnus est, quia ipse sua est Magnitudo.* Hoc & de bonitate, & de aternitate, & de omnipotentia Dei dictum sit; omnibusque omnino prædicamentis quæ de Deo possunt pronunciari. & lib. 7. cap. 6. *non aliud est Deo esse, aliud personam esse, sed omnino idem... quemadmodum hoc illi est esse quod Deum esse, quod magnum, quod bonum esse, ita hoc illi*

illi est esse quod personam esse. tandem lib. 15. cap. 6. Deus sua est ipse Sapiencia; quia non est aliud Sapiencia ejus, aliud essentia, cui hoc est esse quod sapienciam esse. ex quibus Augustini verbis eruitur realis identitas in Deo, excludens quamlibet distinctionem realem, quæ cum summa illius simplicitate subsistere non posset.

Augustino consentiunt alii Patres. Sic fidus ejus discipulus Fulgentius Adferendi quæstiones, interrog. 2. *Christus, inquit, Deus fortis sic est Deus, ut ipse sit divinitas sua: quemadmodum sic est fortis, ut ipse sit virtus sua: sic est magnus, ut ipse sit magnitudo sua: sic est sapiens, ut ipse sit sapientia sua. . . . claret nempe hoc esse catholice veritatis, ut cum in Deo divinitatem, magnitudinem, bonitatem, virtutem nominamus. . . . non istis nominibus diversis quadam diversa, sed unum illud, quod est essentia vel natura, certissime noverimus.* Sic pariter S. Anselmus, ut alios omittam, in monologio hæc habet. *Cum igitur illa natura nullo modo composita sit, & tamen omni modo tota illa bona sit, necesse est ut illa omnia non plura, sed unum sint. Idem igitur est quodlibet unum illorum, quod omnia, sive simul, sive singula: ut cum dicitur iustitia, vel essentia, idem significat quod alia, vel omnia simul, vel singula. Quemadmodum itaque unum est, quicquid essentialiter de summa substantia dicitur, ita ipsa uno modo una consideratione est quicquid est essentialiter.* Sanctum Bernardum audiemus quæstione sequenti, consultantem Gilbertum Porretanum.

Ratione multiplici ostendi potest in divinis admitti non debere distinctionem realem, tum majorem, tum minorem, dum quæstio movetur de attributis quibuslibet ad essentiam comparatis, ac de absolutis secum collatis. Ubi non reperitur summa identitas realis, non reperitur summa simplicitas veraque unitas: ubicumque enim multa reperiuntur, quantumvis in unum sint collecta, quæ non realiter identificantur, nec simplicitas est nec unitas; si quidem nihil tam simplicitati ac unitati opponitur quam separatio aut separabilitas: verum ubi non est identitas realis inter multa secum collecta & unita, ibi necessario est separatio vel separabilitas. Cum ergo nihil sit in Deo, quod separationem importet vel patiatur aut separabilitatem, ob maximam ipsius simplicitatem perfectamque ejus unitatem; consequens est ut ab ipso amandetur quæcumque non identitas realis, proindeque ejusdem speciei distinctio. Insuper in doctrina Sanctorum Patrum quicquid est in Deo, sive absolutum, sive relativum, Deus est: illud autem quod ab aliquo realiter distinguitur in sensu assertionis, & ab illo separari potest, illud ipsum nequit esse: nihil ergo in Deo esse potest quod ab ipso realiter distinguatur, cum realis distinctio major vel minor, fundetur in separatione vel separabilitate. & ex illa inseparabilitate vel melius identitate, est quod divina attributa de se invicem, & de ipsa essentia divina prædicentur in abstracto, ut ajunt; cæterum errori Socinianorum directe favet quod realis hæc distinctio in Deo locum habeat. Hinc enim Spiritum Sanctum quem Dei virtutem vocant libri Sacri, Deum non esse delirant, quia volunt virtutem Dei, operationes illius & attributa, vere ac realiter ab ipso Deo distingui. Non potest igitur salva fide, ut fert assertio, admitti realis major vel minor distin-

ctio inter divinam essentiam & attributa, sive absoluta, sive relativa. Illud ex mox dicendis magis adhuc patebit.

Nec infirmabitur quod assertum est, si opponatur de essentia divina & relationibus personalibus verificari prædicata contradictoria, cum illa sit communicabilis, personales vero relationes sint incommunicabiles. Sufficenter enim salvantur illæ oppositiones in divinis etiam non admissa distinctione reali majori vel minori, cum ad hoc satis sit distinctio realis minima seu formalis, quam sequenti assertionem admittendam ostendemus, & aliunde hæc opposita optime explicari per distinctionem virtuale & rationis contendunt, licet immerito, hujusmodi distinctionis patroni, ex eo quod, inquirunt, hæc prædicatorum pugnantia seu oppositio, nihil aliud est quam diversus respectus sub quo res una & eadem consideratur, quæ ob sui perfectionem cum pluribus æquivalet, potest attributa contradictoria suscipere juxta varios quos patitur respectus. Hinc volunt intellectum & voluntatem in Deo, et si distinctarum processionum principia sint, unum quid & idem esse realiter, distingui vero dumtaxat posse per mentem. Majus non est realis majoris vel minoris distinctionis fundamentum differentia definitionum, quæ reperitur inter essentiam divinam & attributa, vel inter ipsa attributa comparate ad se ipsa. Eadem recurrit difficultatem, si quædam esset, solvendi ratio per distinctionem formalem, ut illam solvere putant Thomistæ & Neutristæ per virtutalem aut rationis suam distinctionem, cujus ope explicari existimant varia dicta Sanctorum Patrum, qui videntur distinxisse in Deo inter naturam & personam, quæ sunt nihilominus ab invicem inseparabiles, & realiter identificantur, non obstante diversa utriusque definitione. Unde ab omnibus quæ in hac materia opponi possunt, sese expedire est facillimum cum illo formaliter Scotistico, & illo virtualiter Thomistico. Sicque in his diutius non vacat immorari.

ASSERTIO SECUNDA.

Inter attributa divina sive absoluta sive relativa & essentiam divinam, nec non inter attributa absoluta secum collata, admittenda est Scotica formalis distinctio, estque prorsus insufficiens virtualis distinctio, quam rationis ratiocinata vocant Thomistæ.

UT hujus assertionis, quæ nullos bene intellecta patitur adversarios, veritas innotescat, & ad evidentiam usque perducatur, observandum est, illud dici existere in subiecto realiter & a parte rei, quod in illo reperitur independentem a qualibet mentis operatione, ita ut circa rem illam occupetur vel non, intellectus noster, hæc ita se habeat, proindeque non ideo res vel formalitas ab alia distincta dicatur quia illam velut distinctam concipimus, sed potius illam distinctionem in ea concipiamus, quia revera ibi realiter hæc reperitur, nobis etiam de illa nihil cogitantibus. Atque etiam observandum distinctionem de qua lis movetur, denominari formalem ex eo quod

quod proprietates vel perfectiones inter quas admittitur, sint veluti formæ diversæ subiecti cui insunt quæ veluti formæ aliæ sunt attributales, aliæ essentiam constituunt, & sunt ita a subiecto inseparabiles, ut subiectum vel res non possit esse absque illis veluti formis aut formalitatibus, sive illæ sint absolutæ, sive illæ sint relativæ. Hac posita duplici observatione, quæ in præsentiarum est absolute necessaria, semperque ob oculos habenda, veniamus ad propositum, & sententiam multiplici argumento firmemus.

Primum argumentum. Inter omnes Theologos receptissimum est juxta principia fidei, quamdam esse admittendam distinctionem inter attributa & essentiam divinam & personalitates, & inter attributa absoluta secum collata. non potest autem, ut ostensum est assertionem præcedenti, admitti inter illa distinctio realis major vel minor, salva fide; & aliunde insufficiens omnino est, ut postea ostendemus, distinctio rationis ratiocinatæ seu virtualis, pro ut in Scholis vulgo intelligitur: admittenda igitur est distinctio realis minima seu formalis Scotica, quæ solum in Deo dari potest. Non me latet doctissimum Joannem Laurentium Berti ex Augustiniana familia, præsentis ævi Theologorum omnium sine controversia facile principem, lib. 2. de Theologicis disciplinis cap. 3. sentire cum suo Gregorio Ariminensi, nullam esse distinctionem divinum attributorum nisi penes diversa connotata, quæ dicunt aliquid Deo extrinsecum, quod est aliud ab eo quod principaliter attributa significant; & ideo velle quod a Deo sit procul eliminanda quælibet intrinseca distinctio. illius sententiam non satis recedere ab Eunomii errore asserere non audeo, ob reverentiam debitam tanto viro a cujuscumque erroris suspitione alieno. Dicam libentius, ipsum mentem suam aperiendo, in sententiam Thomistarum pro distinctione rationis pugnantium obire: unde ex ipsius placito majoris propositionis præcedentis argumenti vis minime eluitur.

Secundum argumentum. Ibi necessario admittenda est distinctio formalis a parte rei ubi sunt varæ formalitates, quæ, cum sint veluti rei cui insunt diversæ modificationes ab illa, & a se invicem inseparabiles, ita necessario exigunt diversos conceptus, ut unius conceptus nequeat ullomodo esse formaliter conceptus alterius: siquidem diversitas conceptuum formalium, quæ talis est ante quamlibet mentis operationem & independentem ab illa, arguit distinctionem a parte rei formalem: quæ enim sunt formaliter identificata conceptus formaliter diversos nec exigunt nec patiuntur. sicuti ex identitate reali conceptuum legitime concluditur identitas realis prædicatorum, ita ex non identitate formali conceptuum debet concludi non identitas formalis attributorum, quæ formalis non identitas attributorum, ejusdem generis distinctionem inter illa secum importat. sunt autem in Deo varæ formæ aut formalitates (his vocibus post Doctorem Subtilem liceat uti ad designandas varias naturæ divinæ proprietates ac perfectiones, sive essentielles sive attributales, sive absolutas sive relativæ) quæ ab ipso & a se invicem inseparabiles, ita necessario conceptus formaliter diversos exigunt, ut conceptus formalis unius nullo modo esse queat formalis conceptus alterius, quod facile ostenditur. Illa quorum conceptus formales sunt iidem, possunt de se invi-

cem

cem formaliter prædicari: variæ igitur illæ formæ quæ sunt in Deo & realiter ipsemet Deus, cum de se invicem non possint formaliter prædicari, necessum est illarum conceptus esse formaliter diversos.

Deus, ut alias dictum est, essentialiter constituitur per affectum: formalis ergo essentia divini conceptus est entis per se & necessario existentis. attributa illius relativa sunt Paternitas, Filiatio & Spiratio: illorum ergo attributorum formalis conceptus est esse Patrem & generare, esse Filium & generari, esse Spiritum sanctum & spirari. quis autem dicit conceptum formalem entis per se ac necessario existentis, esse formaliter conceptum paternitatis quæ resultat in Patre, ex eo quod genuerit Filium; filiationis quæ est in Filio, ex eo quod a Patre genitus sit; spirationis activæ, quæ resultat in Patre & Filio, in quantum per modum unius principii produciunt Spiritum Sanctum, & spirationis passivæ, quæ est in Spiritu Sancto, ex eo quod procedat a Patre & Filio? si esse posset formaliter unus & idem conceptus entis a se cum conceptu formali illarum quatuor relationum originis in tribus personis divinis, quomodo prædicata contradictoria de illis verificarentur? dicitur autem de essentia seu natura quod est communis tribus personis: illam Filio communicat Pater, & ab utroque illam habet Spiritus Sanctus; relationes vero personales sunt non communes. de paternitate asseritur quod Patrem constituit, de essentia quod Patrem non constituit: de paternitate dicitur & est, quod realiter distinguit Patrem a Filio; de essentia quod ipsos ab invicem non distinguit, imo quod hæc sit principium per quod Pater est cum Filio essentialiter, & uterque cum Spiritu Sancto inseparabiliter. si hæc conceptus formaliter diversos non ostendunt, unde sit repetenda conceptuum oppositorum qui sequuntur, vel ex quibus sunt prædicata contradictoria, diversitas formalis, absque ambiguitate declaretur.

Eadem pro attributis absolutis secum collatis, & comparate ad essentiam militat ratio. Justitia, misericordia, bonitas, sapientia, veritas, aliæque huiusmodi personæ sine quibus esse non potest vera divinitas, tam ab essentia quam inter se a parte rei formaliter distinguuntur. neque enim dici potest affectus est justitia, misericordia; vel bonitas est sapientia; veritas est potentia. optime dicitur qui est a se, est justus, misericors, verus, omnipotens; omnia enim illius attributa realiter cum Deo, & invicem identificantur; unde verum est dicere, ille qui est omnipotens, est justus, verus, sapiens, &c. Dicitur pariter Deus est justitia, veritas est Deus. sed omnes illi modi loquendi, qui exacte veri sunt ex identitate reali, locum non habent in sensu formali. inde enim sequeretur omnes perfectiones quæ sunt in Deo vel illum constituent, esse formaliter unicam perfectionem & non plures, cum formalis identitas excludat necessario pluralitatem formalem. si ergo sunt in Deo, nemine contradicente, plures formaliter perfectiones, illas ex natura rei formaliter, tum ab invicem, tum ab essentia divina distingui consequens est.

Tertium argumentum. Illa distinctio est admittenda in Deo, sine qua multa quæ de illo prædicantur nequeunt tamquam vera defendi: quidquid enim
est

est necessarium ad sustinendam veritatem plurium enuntiationum de Deo, quæ non possunt non esse veræ, non potest necessario non admitti. adeo evidens est hæc prima propositio, ut nullam patiatur oppositionem. non admissa autem formali Scotica distinctione salvari nequit harum enuntiationum veritas in Deo. consequenter est admittenda hujusmodi distinctio. istud argumentum, quod nobis subministrat noster Macedo, juxta Doctoris Subtilis mentem sic proponitur. diversitas prædicationis de Deo fundatur in distinctione prædicatorum quæ realiter & independenter a qualibet mentis operatione nequeunt formaliter identificari. prima diversitas est inter essentiam & attributa. Hæc prædicatione, *Deus est Deus per suam Deitatem, per suam naturam, per suam essentiam*, est certa, formalis, rectaque prædicatione. unde sequitur ex vi formæ, *Deus est sua Deitas, sua natura, sua essentia*. diversæ autem est hæc prædicatione: *Deus est Deus per suam scientiam, per suam misericordiam, per suam justitiam*, quæ sunt ipsius attributa. ex quo oritur quæso, diversitas illa prædicationis, si non oritur ex natura ipsa attributorum quæ sint a parte rei distincta? est sita hæc diversitas in eo quod Deitas, natura, essentia prædicantur in quid, & per modum subsistentis: misericordia, scientia, justitia prædicantur in quale, & per modum adjacentis. quapropter si quærat, quis est Deus? respondetur directe, sua deitas, sua natura, sua essentia. si vero quærat, qualis est Deus? respondetur misericors, sciens, justus. Hanc prædicationis diversitatem ex rerum prædicatarum diversitate orientem agnoscebat Augustinus dum lib. 15. de Trinitate cap. 5. sic loquebatur: *si dicamus, æternus, immortalis, incorruptibilis, immutabilis, sapiens, potens, justus, bonus, spiritus, horum omnium notissimum quod posui quasi tantummodo videtur significare substantiam. cætera vero hujus substantiæ qualitates*. Spiritus prædicatur in quid per modum subsistentis, cætera in quale per modum adjacentis. qui modum prædicandi mutans, interrogatus quis est Deus? responderet, æternus, misericors, justus; & rursus, qualis est Deus? responderet, Deitas, natura, essentia, spiritus, ad propositum minime responderet. & illud provenire non potest nisi ex vi naturæ prædicatæ, ex qua sumitur diversitas prædicandi. Alia enim est formalitas substantiæ, alia qualitates, vel per modum qualitatis; nam in Deo qualitates non sunt. quomodo defenderetur veritas harum enuntiationum de Deo, non admissis istis formalitatibus, simulque inter illas non admissa distinctione a parte rei? nonne post Augustinum illas formalitates in Deo admittebat Damascenus dum lib. 1. de fide cap. 4. sic loquebatur: *si justum, si bonum, si quid tale dixeris, non naturam dicis Dei, sed quæ circa naturam*. quomodo vero bonitatem, vel justitiam (idem est de cæteris attributis) prædicantes, non naturam ipsam Dei prædicamus, sed tantum ea quæ sunt circa naturam, si justitia, bonitas, aliaque attributa nedum realiter, sed etiam formaliter identificantur cum ipsa natura Dei seu essentia? aliquid præter verba respondeant adversarii; vel potius vi ducti veritatis, has formalitates ab essentia vere est realiter distingui a parte rei, atque etiam nullo de illis cogitante intellectu consistantur,

Sc-

Secunda diversitas prædicationis est intellectum inter & voluntatem in Deo & hinc deducitur *quartum argumentum*. Receptissimum est apud Theologos in divinis Filium procedere per intellectum, & Spiritum Sanctum procedere per voluntatem, ideoque ipsam essentiam divinam non esse principium proximum quo illarum processio, ut contendebat Durandus, volens utramque personam procedere ex ipsa essentia proxime, nulla habita ratione facultatum, sed quare intellectui appropriatur productio Filii, voluntati vero appropriatur productio Spiritus Sancti, si a parte rei non distinguuntur formaliter tum ab essentia, tum inter se intellectus & voluntas? ergo productio Verbi non erit distincta a processione Spiritus Sancti nisi penes nostrum concipiendi modum, & nihil intererit si negentur processiones per intellectum & voluntatem, quas tamen negare est erroneum, & e contra affirmare catholicum. si solum ratione distinguuntur, si sola cogitatione differunt, ubinam error esse potest? ergo ne aliquid detrimenti advenit rei quæ sola cogitatione concipitur, ut in ipsam rem per cogitationem peccetur? nequaquam. Nonne dicent in re esse fundamentum? Sed hoc falsum est, cum fundamentum sit natura, ex qua sunt intellectus & voluntas. Sed natura juxta ipso, non distinguitur re ipsa ab intellectu & voluntate, in fundamento igitur non erit distinctionis fundamentum, quin potius erit fundamentum identitatis. unde velint, nolint, si quid est distinctionis, ut revera est, id oritur ex parte intellectus & voluntatis, ex quibus sumi debent formales illarum productiones, quæ vere non distinguerentur nisi illæ facultates, quæ sunt instar formæ respectu illius fundamenti naturæ, distinguerentur ab illa independentem a qualibet mentis operatione.

Præterea, & inde resultat *quintum argumentum*. Si intellectus & voluntas distinguuntur solum ratione inter se & non ex natura rei, explicari non potest quomodo Verbum producatur per intellectum, & Spiritus Sanctus per voluntatem, & cum tanta opposiitione, ut illius productio sit generatio, istius autem sit processio, unaque importet negationem alterius, adeo ut hæreticum sit dicere, Filium spirari, & Spiritum Sanctum generari. quis Intellexeret, aut intelligibile assereret illam repugnantiam, vel potius contradictionem ex sola cogitatione oriri? non difficilior intelligeretur generationem Verbi per intellectionem, & processionem Spiritus Sancti per volitionem esse effectum cogitationis nostræ inter utramque sic distinguentis, quod absurdum non minus est quam erroneum. Diciturne utrumque facile intelligi verum, si supponatur fundamentum in re? Sed urgebo & dicam, fundamentum naturæ est unum, idemque convenientiæ principium: quare ergo ex hoc fundamento repetemus distinctionem rerum quæ sunt omnino idem in suo fundamento, & non eam repetemus ex ipsismet rebus formalibus, quæ præstant & inducunt distinctionem, ex qua resultat distinctio in productionibus? Etenim intellectus ex natura sua differt formaliter a voluntate: ille natura sua intelligendo producit, hæc amando. intellectio natura sua dicendo est generatio non spiratio, volitio natura sua volendo est spiratio non generatio. & inde est quod Verbum sit Filius, Spiritus Sanctus non sit Filius: Filius sit ima-

imago, Spiritus Sanctus non sit imago. Spiratio natura sua efficit ut Spiritus Sanctus sit amor & donum, quod Filius esse non potest. Hæc omnia quomodo vere prædicari possint non admissa distinctione formali Scotica non invenio.

Distinctionis formalis veritatem simul ac necessitatem ostendunt contradictoria quæ in divinis verificantur prædicata, hanc supponentia & absolute exigentia; & hinc procedit *Sextum argumentum*. Dicitur de essentia & attributis quod communicantur, & de facto essentia communis est tribus personis, quibus & attributa absoluta sunt vere communia. Dicitur de relationibus personalibus quod nequeant communicari, & revera quælibet relatio propria est supposito cui inest, & incommunicabiliter. Illud autem quomodo verum erit si inter absolutum & relativum non intercedit actualis distinctio formalis? Quidquid prædicabitur de uno, de altero necessario erit prædicabile, cum inter formaliter identificata prædicata sint necessario communia, ex eo quod identificata formaliter sint absolute unum quid & idem, unde sicut communicatur essentia, sic communicabitur paternitas; vel vice versa, sicut est incommunicabilis paternitas, sic & incommunicabilis censetur & erit essentia; quod vere est hæreticum. Ergo inter absoluta & relativa est necessario admittenda actualis distinctio; alioquin idem simul realiter communicaretur & non communicaretur, quod apertissimam involvit repugnantiam.

Nec huic occurritur contradictioni si dicatur, Deum in sua eminentia includere ens absolutum quod est communicabile, & ens relativum quod est incommunicabile, ideoque ratione harum diversarum rationum posse opposita de eadem entitate divina affirmari, quæ contradictoria non sunt, quia non verificantur de eodem secundum eandem rationem: id enim defendi non potest. Summa Dei perfectio vel eminentia facit, quod ille qui omnia habet, absolutum simul & relativum in se contineat, non vero quod absolutum & relativum, si essent formaliter quid unum & idem, communicetur unum sine alio; quia quantumque sit Dei eminentia, non potest efficere virtute sua quod idem simul sit & non sit. Contradictoria autem in præsentī supposito verificarentur de eodem secundum eandem rationem; verificarentur enim de eo secundum quod identificarentur: ex eo quod autem identificarentur formaliter, identificarentur secundum id omne quod sunt, nempe secundum omnem rationem quam dicere vel habere possunt, cum illud per se ac necessario importet identitas formalis duarum proprietatum, si possibilis foret inter eas illa identitas, qua semel data, non amplius essent, nec possent dici duæ proprietates, sed una dumtaxat proprietates, quod certe non dicent virtualis distinctionis patroni; sicque relativum & absolutum essent formaliter idem, & consequenter idem simul esset communicabile & incommunicabile, cum ex supposito nulla inter utrumque daretur actualis ante mentis actum distinctio; ex qua indistinctione actuali cum necessario resultaret unitas formalis, prædicata contradictoria verificarentur de eodem secundum idem, seu sub eodem respectu, eademque ratione, quod omnimode repugnat.

Nec Thomistas fugit ex summa illa identitate, formali nempe quam ineffe volunt, sequi illud incommodum; unde opinionem suam veluti mitigantes, postquam dixere hanc Dei eminentiam identificare absolutum cum relativo, addunt, salva tamen natura identificatorum; unde, inquirunt, cum natura essentiae sit posse communicari, & natura relationis sit non posse communicari suo correlativo cui opponitur, beneficio talis eminentiae sit quod essentia communicatur, non communicata relatione secum identificata. Sed resumet Scotista, cui non aridet scititium illud beneficium, dicens, non potest autem salvari natura identificatorum, relativi nimirum & absoluti, supposita hac identitate formali, cum relativum & absolutum ex natura sua repugnent formali huic identitati, quæ est prorsus impossibilis: falsum ergo est ob eminentiam Dei ea sic identificari: necessario igitur actualis distinctio est admittenda inter essentiam & attributa relativa. Nec satisfit difficultati dum dicitur quod vere salvet distinctio eminentialis naturam rationum quas identificat, in quantum una dicit communicabilitatem, altera vero dicit incommunicabilitatem; ideoque & si non possit communicari unum absolutum nisi alia absoluta similiter communicentur, illa vere communicantur relativis non communicatis, & semper incommunicabilibus, quia id postulat illorum natura. Et de hoc præcise queritur quomodo fieri possit & intelligi cum sola distinctione virtuali, quod ab istius distinctionis defensoribus intelligi pie credendum est, si ob eminentiam perfectionis divinæ, ex qua una ratio simplex propter suam illimitationem pluribus æquivalet, fieri quod idem simul sit & non sit, credi similiter possit.

Insuper unde habent ut ferunt, in hoc consistere quidditatem & eminentiam essentiae divinæ, quod includat absolutum communicabile, & relativum incommunicabile, & ideo isto non communicato, illud communicetur; & inde etiam sit, quod essentia absolute non possit cognosci absque relationibus, quod ultimum hic non attingimus: & esset ulterius probandum? Quomodo ex hoc intelligitur infinitas essentiae divinæ, & sufficere ad omnia hæc elucidanda & concilianda distinctionem virtutalem inde colligitur? Quid pariter sibi volunt; dum concedentes attributa absoluta ad invicem comparata magis inter se identificari, quam cum attributis relativis, illud repetunt ex quadam veluti latitudine, quam tribuant identitati plurium rationum formalium, & cujus beneficio potest una identificari cum alia pluribus modis, & veluti pluribus titulis, quorum unus se habet ad alium per modum accessorii; unde fit quod eo magis perfectio identificetur cum essentia, quo magis ad eam accedit, & minus identificetur, vel magis ab ea distinguatur, quo minus accedit ad illam: quid ad propositum ex hac majori vel minori identitate, si tamen identitas suscipit magis & minus, de quo non movemus questionem?

Nec distinctionis formalis veritatem infirmare, aut virtualis sufficientiam statuere sibi blandiantur dum dicunt, per formalem Scoticam distinctionem non omnino solvi contradictiones illas relativi & absoluti, vel communicabilis & incommunicabilis, & eandem remanere difficultatem circa prædicato-

rum

rum diversitatem, quæ bene nequit conciliari nisi admittatur distinctio realis major, quæ tamen salva fide non potest admitti. Unde ex hac parte virtuali distinctioni nihil præstat formalis actualis, & ad illius necessitatem ostendendam vel fundandam nullius est ponderis præcedens argumentum. Neque enim difficultatem illam omnimode solvi per formalem adualem distinctionem existimamus, quæ menti humanæ insolubilis ex se tota semper erit. Verum satis est ad manifestandum formalis distinctionis necessitatem, quod per eam melius ac facilius, quantum fieri potest, concilieitur hæc prædicatum oppositio; eo magis quod in Deo non potest dari alia distinctio major formali actuali, & insufficienti vere sit distinctio virtualis & rationalis: unde adhibendam esse Scotisticam formalem distinctionem inter attributa tam absoluta quam relativa & essentialia, ratione Theologica declaratur. Ex his omnibus argumentis veluti demonstratum manet, necessario admittendam esse distinctionem a parte rei formalem, tam inter attributa sive relativa sive absoluta & essentialia divinam, quam inter attributa absoluta secum collata.

Nec ullo modo a Sanctorum Patrum doctrina alienam assertionem nostram dicere quis præsumat, nisi falsitatis convinci illum delectet. Nonne distinctionem a parte rei formalem inter essentialia & attributa indicant hæc Sancti Hilarii lib. 8. de Trinit. verba? *Quæro nunc in Spiritu Dei utrumne naturam an rem nature significatam existimes? Non idem est enim natura quod natura res: sicuti non idem est homo, & quod hominis est, nec idem est ignis & quod ipsius ignis est: secundum quod non idem est Deus & quod Dei est. Quem alium sensum habebunt ea quæ loquitur Gregorius Nazianzenus orat. 35. Quid an etiam immortalitas, & innocentia, & immutabilitas essentia Dei sunt? At si ita est, multe Dei essentie erunt non una, aut certe compositus ex his Deus erit: neque enim hæc citra compositionem esse queunt, si modo essentie sunt. Quomodo intelligitur Sanctus Cyrillus Alexandrinus lib. 9. de Adorat. sic loquens? Quamvis Deus simplicem habeat essentiam, diversitate tamen essentie (id est proprietatum vel perfectionum ab essentia necessario fluentium) multiplex esse videtur. Neque vero aliquid in eo externum est & adventitium, tametsi divinis attributis quodammodo haud simplex intelligatur. Qui fieri potest ut Deus qui est simplicissimus, intelligi possit ut multiplex ratione attributorum, & in eo videatur esse diversitas, ita ut non simplex existimari queat, si attributa & essentialia formaliter identificantur? Hæc non identitas non est repetenda ex nostro intellectu. Quod Deus cujus essentia est simplex, cujusque simplicitati nocere nequeunt infinitæ ipsius perfectiones, videatur multiplex, intelligatur non simplex, illud est quidem a mente nostra, rem in se simplicem considerante veluti non simplicem: sed ratio talis judicii est a mente nostra penitus independens; etiam si ad illam non attendatur, hæc fundatur in formali distinctione quæ a parte rei intercedit, tam inter attributa & essentialia divinam, quam inter ipsa attributa, quæ licet nusquam ut distincta conciperentur a quocumque intellectu creato, nihilominus ita ex se distinguerentur vere, ut unum non posset esse aliud, nec possent de se invicem formaliter prædicari. Et ille est verus ac germanus sensus verborum, tum San-*

At Cyrilli, tum aliorum Patrum; & eo magis quo plures ex illis scribentes contra Eunomium, propius accedere videntur ad distinctionem realem majorem, quæ separabilitatem importat, quam tamen illos admisisse in Deo nullus assereret.

Innumeros aliorum Patrum textus sententiam nostram firmantes non obscure, asserre etsi esset facillimum, ut rem paucis, si fieri potest, absolvamus, unicum audiemus Augustinum, qui totus nother est, licet ipsius patrocinio gloriari velint nonnulli, inter distinctionis Scoticæ a parte rei formalis adversarios, non ultimi. Lib. 7. de Trinit. cap. 1. *Omnia*, inquit, *quæ relative dicuntur, ad invicem dicuntur. Restat itaque ut etiam essentia Filius relative dicatur ad Patrem: ex quo conficitur inopinatus sensus, ut ipsa essentia non sit essentia, vel certe cum dicitur essentia, non essentia sed relativum indicetur. Quomodo cum dicitur Dominus, non essentia indicatur, sed relativum quod refertur ad Servum. Cum autem homo dicitur, vel aliquid tale, quod ad se, non ad aliud dicitur, tunc indicatur essentia Hoc autem unde agimus, si essentia ipsa relative dicitur essentia ipsa non est essentia. Huc accedit, quia omnis essentia quæ relative dicitur, est etiam aliquid excepto relativo: sicut homo dominus & homo servus. Quæ Divi Augustini verba si conjungantur cum illis quæ leguntur cap. 2. & propterea non eo Verbum quo Sapientia, quia Verbum non ad se dicitur, sed tantum relative ad eum cujus verbum est, sicut filius ad patrem: sapientia vero eo quo essentia: & ideo quia una essentia, una sapientia: facile dignoscetur distinctio ex natura rei inter absolutum & relativum, quia absolutum est unum in se, & se respicit non alia. Hujusmodi est essentia Dei, in qua insunt relationes quas illa continet in se absque ullo respectu ad alia, cum tamen illæ dicant respectum ad alia: sicut filius est ad patrem, qui pro ut est aliquid secundum esse in ipsis essentia: pro ut est relativum secundum esse ad respicit aliud, & secundum hoc esse relativum distinguitur ex natura rei ab eo cui inest, inest autem essentia: distinguitur ergo ab essentia.*

Eandem ostendunt inter essentiam & relationes distinctionem ea quæ habet idem Augustinus, dum cap. 6. postquam exposuit cur in Trinitate non dicatur una persona & tres essentia, declarans quid de hac Trinitate credere debeant rudiores qui supra dicta non capiunt, hæc habet: *Credat in Patrem & Filium & Spiritum Sanctum unum Deum Neque cum audieris Patrem solum Deum, separet inde Filium, aut Spiritum Sanctum; cum eo quippe solus Deus, cum quo & unus Deus est . . . ita dicat unam essentiam, ut non existimet aliud alio vel majus, vel melius, vel aliqua ex parte diversum. Non tamen ut Pater ipse sit & Filius & Spiritus Sanctus, & quiddam aliud ad alterutrum singula dicuntur . . . propter quod etiam pluralem numerum admittunt, sicut in Evangelio scriptum est: ego & pater unum sumus. Et unum dixit, & sumus: unum secundum essentiam, quod idem Deus: sumus secundum relativum, quod ille Pater, hic Filius.* Hanc distinctionem ab operatione mentis qui repetunt, inintelligibilia prorsus narrant. Nosque a Sancti Doctoris mente non recedere sic opinantes testantur ea quæ dicit dum ad essentiam divinam ejus-

que

que perfectiones vel attributa attendens, ostendit Epist. 169. ad Evodium, multitudinem prædicatorum non nocere in Deo ipsius simplicitati, nec ullam importare compositionem. *Legitur quidem*, inquit num. 7. *& Spiritus Sapientia multiplex; sed recte dicitur etiam simplex: multiplex enim, quoniam multa sunt quæ habet; simplex autem, quia non aliud quam quod habet est.* Et in hoc sensu est intelligendus, dum lib. 6. de Trinit. cap. 6. supponit quæri posse, *quomodo simplex & multiplex sit illa substantia quæ Deus est, per oppositum, ad creaturam quæ est multiplex, nullo autem modo vere simplex.* Deus qui est ens simplicissimum, non potest considerari ut multiplex, nisi in quantum formalitates diversæ ex quibus pensari potest hæc illius multiplicitas, non identificantur formaliter cum esse Dei vel inter se, etsi inter eas realis reperitur identitas, quæ si non reperiretur, nec simplicitas in Deo esset. Unde post Augustinum dicebat S. Bernardus lib. 5. de consideratione cap. 7. *multa dicuntur esse in Deo, & quidem sane catholicæque, sed multa unum Nisi omnia unum in Deo & cum Deo consideres, habebis multiplicem Deum.* Quibus eodem tempore statuitur in Divinis identitas realis, & non auferitur distinctio formalis. Est ergo Sactorum Patrum doctrinæ assertio præsens consona, quæ multiplici ratione jam fuerat firmata.

SOLUTIO OBJECTIONUM.

1. **O**bjectio. Ne prolixiores simus quam res ipsa postulat, præcipuas objectiones quæ ex ratione peti possunt ad unam reducamus, qua soluta, etiam aliæ solvuntur, vel potius eæ proponi nequeunt cum nihil tunc urgeant. Eo igitur tendunt omnia adversariorum argumenta, ut dicant ex admissa formali distinctione a parte rei essentiam divinam inter & quælibet attributa, resultare compositionem in Deo, ejusque tolli summam simplicitatem, quæ cum diversis formalitatibus de quibus Scotus, videtur stare non posse. Unde in assertionem nostram sic insurgunt. Illud omne quod divinæ simplicitati adversatur, veramque in Deo admittit compositionem non potest defendi. Sed admissa distinctione formalitatum Scoti evanescit summa Dei simplicitas, & posito quod attributa formaliter distinguantur ab essentia divina admittitur in Deo compositio vera ex ipsis divinis attributis & essentia: etenim illæ formæ vel quasi formæ quæ se habent ad instar partium (& hujusmodi sunt attributa) adveniunt naturæ, formaliter ut est natura, eamque adjuvant, & perficiunt ea ratione formali quæ non est ipsa natura formalis: cum natura se habeat tunc per modum recipientis, & sustentantis illas advenientes veluti formas attributorum, ex quibus resultat in natura ratio potentia, & in attributis ratio actuum, quæ veram inducunt compositionem. non potest igitur, quocumque modo intelligatur, defendi formalis Scotica distinctio attributa inter & essentiam, nec inter ipsa attributa. Hæc est summa difficultatum quæ proponi possunt adversus patronos Scoticæ distinctionis, quæ nisi ruant funditus, ruat oportet Scotistarum sententia.

Resp. Si verum esset assumptum cum illo quo niti videtur, ruere totaliter asser.

assertionem exinde sequeretur: ideo accurate solvenda vis istius argumenti, quæ tota est in minori propositione: duobus modis id attingere conabimur; idque primo modo ex principiis Divi Thomæ, quibus nihil in oppositum respondere possint Thomistæ, quibus cum nominatim rem habemus, communem Scotistarum responsionem adversus quoscunque Thomistis adhaerentes deinceps allaturi. Quidquid igitur divinæ officit simplicitati, & compositionem quamdam proprie dictam in Deo supponere videtur, procul a divinis esse amandandum lubenter concedimus. id vero sequi ex Scotica formalis distinctione, ut contendunt adversarii, firmiter pernegantes. Idque merito, si admodum quo sit compositio juxta Doctorem Angelicum attendamus. *Omne compositum, inquit, est posterius suis componentibus. omne compositum causam habet adunantem ipsa quæ secundum se diversa sunt. Deus non habet causam, cum sit prima causa efficiens. in omni composito oportet esse potentiam & actum. omne compositum est aliquid quod non convenit alicui suarum partium.* Has statuens conditiones Divus Thomas ad rationem compositi, de illa loquitur compositione quæ repugnet simplicitati divinæ de qua agit, quamque removet a Deo, & quod in ipso non reperiantur ea quæ compositum constituunt: unde pro summa Dei simplicitate concludit. Quo posito cum nulla ex iis conditionibus occurrat in supposito formalitatum Doctoris Subtilis, distinctio quæ ex illo inter illas formalitates statuitur, summæ Dei simplicitati non officit, nullaque ex ea in Divinis exurgit compositio, & revera formæ illæ non sunt Deo priores: non habent causam efficientem aut res diversas adunantem: non sunt potentia & actus: ex formalitates sunt unum & idem realiter cum essentia, & essentia cum illis: quoniam igitur modo distinctio quæ supponitur, & est a parte rei inter illas veluti formas, induceret compositionem? Ex Angelico potest dari aliquid totum simplex habens multipliciter quasi partium, quæ non sint priores illo, nec ratione sui diversæ ab illo, nec se habeant ut potentia & actus in illo, & ita simplici conveniant ut singulæ sint idem cum illo, & totum cum illis. Est autem Deus totum illud simplex, quia non componitur ex partibus propriis compositi, & in eo non est multiplicitas partium; sed concursus perfectionum & attributorum ad instar partium. Quapropter stante Scotistica distinctione a parte rei inter attributa divina & essentiam, nihilominus stabit summa Dei simplicitas ex ipsius Divi Thomæ principis, quæ tanti Doctoris discipulos latere non possunt, aut ab ipsis impugnari. Dicetne illas formalitates ex nobis esse diversas, & intra se, & ab essentia, cum ex natura rei sint distinctæ? Sed quid inde? Si essent diversæ in sensu distinctionis realis majoris, ut res una differat ab alia re, prout est in dissimilibus & similibus, nam nulla pars hominis, est homo, neque pars pedis, pes: pars aquæ, non est tota aqua, ut pro exemplo proponit Angelicus, ex illarum diversitate possent in nos arguere. Sed cum earum diversitas illarum ab invicem inseparabilitati, & a re cujus sunt veluti formæ, non officiat, nihil inde potest inferri. Itaque formalitates illæ sunt quasi partes, sed non tales quales in composito, & non debent comparari secum, nec cum essentia cui inexistunt in

quam.

quantum formalitates, sed cum Deo, a quo non sunt diversæ re, sed unum & idem cum illo, & ille cum eis. sublata enim distinctione formalitatum, tolluntur formalitates, nihilque superest ad modum partium, nec est locus questioni, an component vel non, quia non sunt: debent ergo manere ut quæri possit an sint componentes essentiam, vel non, & utrum sint idem cum natura, & ipsa cum eis nec ne. cum autem, etsi diversæ formaliter, sint idem realiter, nullam faciunt compositionem: proindeque nihil virium remanet ex hac parte antiscotistarum argumentationi, ejus difficultas evanescit ex bene intellectis illis formalitatibus, quæ ut componentes haberi nequeunt.

Resp. 2. cum Doctore Subtili in 1. dist. 8. quæ. 4. nullam in Deo refutare compositionem ex distinctione quæ non potest non esse inter divinam essentiam & attributa, etenim *ista non identitas formalis stat cum simplicitate Dei*, cum non tollat summam identitatem in natura & cum natura, quia nec advenit naturæ, nec est pars respectu illius, nec actus ejusdem, non advenit naturæ quia ipsi inest, & cum illa est eadem res, unde nec est pars illius. quod autem non sit actus ex eo liquet quod natura simpliciter infinita nequit perfici, utpote quæ omnem contineat perfectionem: imo & ipsamet attributum habet infinitatem simpliciter, cum re sit eadem natura. unde argumentum nihil probat. Cum additur naturam fore per modum recipientis & sustentantis, id falsum est, quia natura divina est principium, & radix unde pullulat attributum, quæ ratio potius est instar effectricis virtutis, quam receptricis potentie, & quidquid est perfectionis in attributo provenit a natura, cui non advenit, sed ex qua provenit, & emanat attributum. Sicque soluta manet tota difficultas. Superest dumtaxat ea distinctio formalis illius veluti formæ, verbi gratia Sapientie, quæ distinctio non facit compositionem. Nec enim omne distinctum componit: imo ratio distinguendi non esse potest ratio componendi, & apparet in relationibus divinis, ut optime dicit Doctor: quæ cum sint distinctæ realiter non faciunt cum Deo nec in Deo compositionem. multo minus ergo ex attributis formaliter distinctis exurge compositio.

Nec proflus potest dici ad rem non esse, exemplum divinarum relationum, ut gratis asserit Berti, illud minime probans: qui si legisset collationes doctrinæ S. Thomæ & Scoti cum differentiis inter utrumque, a doctissimo nostro patre ac magistro Francisco Macedo edius, cujus elucubrationibus in præsentis questione me omnimode debitorem confiteri non erubescio, videret quomodo unitas Dei, ejusque simplicitas salventur, licet defendatur distinctio formalis, quam non potest non admittere quisquis illam juxta mentem Doctoris Subtilis exacte intelligit; unitati Dei ac simplicitati non officit Trinitas personarum, quæ unum sunt quid ratione essentie atque attributorum, ut optime observat laudatus mox Theologus: nec officiet pariter distinctio attributorum tum ab essentia, tum a se invicem, eo quod habeant pariter, non obstante formali a parte rei distinctione, unitatem essentie, quæ est summa, & infinitatis & realitatis, cum sint penitus indivisa. quod autem

autem addit ab essentia & attributis, absolutis videlicet, personas formaliter non distingui, falsum est, ut in argumentis ostendimus. quia juxta Doctorem "ratio relationis in re non est formaliter eadem rationi essentiae, & tamen in eodem concurrentes non constituunt compositum vel compositionem, quia ista ratio est eadem perfecte illi; propter enim infinitatem unius rationis quicquid potest esse cum ea, est idem perfecte sibi: perfectio enim identitatis excludit omnem compositionem, & quasi compositionem, quæ identitas est propter infinitatem: & tamen infinitas non tollit formaliter rationes quin hæc formaliter non sit illa. Non est igitur ex istis quasi compositum, & ideo nihil est eis quasi compositum ex actu & potentia, sed est unum simplicissimum ex istis, quia una ratio est perfecta, imo perfectissime eadem alteri, & tamen non est formaliter eadem: non enim sequitur, sunt perfecte eadem etiam identitate simplicitatis, ergo sunt formaliter eadem. & eadem perfecta identitas excludit omnem aggregationem, quia idem non aggregatur cum se ipso. "Hæc Scotus dist. 5. quæ. 2. Num. 15. ex quibus evidens est, Exemplum divinarum relationum & personarum esse ad propositum, & inane effugium videri non posse ea quæ dicit eo loci & alibi, ad removendam omnem compositionem a Deo, nisi iis qui Scotum vel non legerunt, vel legentes ipsi alienum sensum affixerunt ex præjudicata opinione, aut ne victi illius rationibus in eandem abirent sententiam. Nec sibi credamus vellet vir summæ eruditionis, dum quid sibi velint hæc formalitates Scotistarum, quæ identificantur realiter cum divina essentia, sed non formaliter, non capere dissimulat. eoque minus quod Scotus multis in quæstionibus obscurus & ambiguus, saltem prima fronte iis qui in ipsius lectione parum sunt versati, clare & distincte loquatur dum agit de distinctione formali, & adeo ut circa ipsius mentem nulla superesse possit difficultas, ut cuicumque rem sedate consideranti fiet manifestum. verum ad propositum redeamus.

Dicit fortasse aliquis cum distinctione formali non posse reperiri perfectam identitatem attributa inter & essentiam, & inter ipsa attributa, cum inter illa non sit omnimoda identitas, quæ si daretur non posset admitti non identitas formalis. sed illud non valet, cum ibi sit identitas perfecta ubi est identitas realis, sicuti est inter attributa & essentiam, & illa major esse nequit: est enim chimera identitas conjuncta ex reali & formali; quæ si dari posset, jam non esset de quo moveretur quæstio. Nec eo confugiendum ut dicatur intellectum considerare terminos ut distinctos: si enim hæc distinctio per intellectum est rationis ratiocinantis nihil facit sed fingit: si rationis ratiocinatæ, supponit formam de qua est eadem ratio ac de nostra distinctione formali. attributa divina respectu essentiae divinæ suam formalissimam actualitatem ita necessario retinent, ut illam non possint deponere & esse formaliter idem cum essentia, alioquin unum non posset de alio prædicari, & inaniter diceretur, Deus est sapiens, Deitas est sapientia: & in tali conceptu præcindit sapientia formaliter a Deitate, atque adeo repugnat in illo conceptu idem esse cum Deitate, quare illa extrema non sunt capacia ident-

identitatis formalis, sed tantum realis, quæ non potest esse major, nec perfectior. Ceterum quæ sunt in suo genere strictissima semper querere quis auderet? Nonne major esset unitas divina & simplicitas si distinctæ relationes in ea non essent? ergo ne tollentur? nequaquam. Sicut ergo cum hac reali distinctione quæ multo major est formali, fiat summa divinæ naturæ simplicitas, hæc a fortiori stabit cum distinctione formali Scotica attributorum, & inter se, & comparate ad essentiam.

Adderem libenter cum Macedo, formalem hæc attributorum distinctionem convenire naturæ divinæ, quæ ratione suæ secunditatis debuit in quasdam veluti formas, & quasi proprietates absolutas prorumpere, ac ex sinu suo parere, ut non tantum per intellectum & voluntatem relativæ personas produceret sed per se ipsam immediate parturiret attributa in eodem genere absoluto, ob illam infinitam secunditatem cuncta attributa identificantur realiter cum essentia, quæ ut pote infinita & necessaria singulis attributis se communicavit totam & solam, se infundendo in singula attributa juxta infinitam secunditatem suam; quapropter in omnibus & singulis tota divinitas inexistebat, se iis æque ac ex integro dans. est autem absoluta hæc naturæ secunditas, producendo illas quasi formas absolute, & iis communicando infinitatem pariter absolutam, & simpliciter simplicem quam habere nequeant relationes formaliter, quia sunt oppositæ formaliter, ideoque in suo tantum & certo genere infinitæ, ut docet Scotus. Evidens igitur est ex distinctione formali minime sequi compositionem; & probatum manet satis esse ad simplicitatem, identitatem realem cum infinitate necessario communicata ex naturali & necessaria secunditate naturæ divinæ, quæ erumpit pariendo quæ continet: continet autem infinitatem, ergo eam attributis communicat cum summa identitate; quæ quidem identitas tollit etiam aggregationem, quæ, ut superius observavimus ex Doctore Subtili, stare nequit cum summa illa identitate infinitatis, cum idem aggregari non possit cum se ipso. Nec quemquam offendet quod in proposita difficultate solvenda longius fuerimus progressi, quod ex industria evenit; tum quia non levis erat ponderis objectio, tum quia rarefcunt exemplaria collationum R. Patris ac Magistri Macedo, qui argumenta quibus utimur in præsentis questione nobis ex maxima parte subministrat. Neque enim aliorum excogitata tamquam nostra assumimus, aut iis nos exornamus; sed unicuique quod suum est tribuentes, ea quæ cujusdam momenti ex alieno penu in iis quæ scribimus esse possunt, declarare honori ducimus.

Objectio. Sententia distinctionem formalem in sensu assertionis descendens non videtur stare posse cum definitionibus variorum conciliorum. In Rhe-
menſi concilio Eugenius III. damnavit errorem Gilberti distinctionem inter ipsa attributa & essentiam statuentis: unde prohibitum est, *ne ulla ratio Theologica essentiam inter & personam divideret seu distingueret.* & in formula fidei quam Gallicani Episcopi in illa Synodo obtulerunt hæc leguntur: *Credimus simpliciter naturam divinitatis esse Deum, nec aliquo sensu catholico posse negari, quin Divinitas sit Deus, & Deus Divinitas.* In Concilio Lateranenſi quar-

to sub Innocentio III. proscriptus est error Abbatis Joachim distinguentis inter essentiam divinam & personas. In Concilio Florentino statuitur in divinis omnia esse unum, ubi non obviat relationis oppositio. & sess. 18. Joannes Theologus latinus cum Marco Ephesio Episcopo Græco Theologo disputans ait, divina substantia, & persona, re quidem sunt idem: secundum autem modum intellectus nostræ differre videntur. & ipsi Marcus pro Græcis Consensit. quibus similia sunt quæ habentur sess. 19. & sess. ult. ejusdem Concilii, dicente Andree Episcopo colossense quod plurimum refert simpliciter proferre Divinam substantiam, vel Patris, Filique substantiam, band quaquam tamen putare debemus, ut re differant, quandoquidem sola ratione, aut intelligentia differre creduntur. dicentibusque Latinis, ne identitatem conjunctionemque divina substantiæ distribuere, ac ipsam substantiam re, non autem sola ratione ab hypostasis, & personis differre credere videamur. Ex quibus omnibus facile evincitur Scotica formalis distinctio, quæ cum realis sit, & a parte rei ante quamlibet mentis operationem, illis conciliorum definitionibus parum consona videtur, proindeque non admittenda.

Resp. Ex iis quæ in præsentī objectionē afferuntur nihil esse quod adversus formalem distinctionem militet facile ostendetur. quantum distet a Gilberti errore de quo in Concilio Rhemenſi Scotistarum sententia, nemo nisi cæcus non videt. sublata in divinis attributis cum essentia per Gilberti ejusque assecularum doctrinam identitate reali, qua deficiente multiplicitas in Deo & compositio necessario admittuntur, quid mirum si a summo Pontifice Eugenio & patribus Rhemenſibus fuerit proscripta? juxta ipsos dici non poterat Deus est sua Deitas, sua Misericordia, sua Sapientia, sua Bonitas. insuper volebant tres personas divinas esse tres distinctas ab essentia & Deitate, quam negabant esse unam rem. ex quo sequebatur nedum Trinitatem esse in Deo, sed & quaternitatem, omnimoda inter relationes & essentiam negata identitate. verum in sententia Scotistarum cum Doctore, tres personæ sunt quid unum re cum essentia, sicut cum illa sunt re quid unum attributa: unde ex ipsis verum est Deum suam deitatem esse, suam justitiam, suam sapientiam: sequitur enim ex identitate reali harum enumerationum veritas: sed non minus est verum misericordiam non esse justitiam, sapientiam, bonitatem, & è contra, quia tunc illæ propositiones limitantur ad sensum particularem & formalem. pariter verum est, Pater est Deus, Filius est Deus, Spiritus Sanctus est Deus: non tamen dici potest Pater est Divinitas, Filius est Divinitas, Spiritus Sanctus est Divinitas, ob limitationem ad sensum particularem, quia essentia Divina non est formaliter aut Pater, aut Filius, aut Spiritus Sanctus, licet tres personæ sint. vere & realiter unus Deus, cum relationes personales non sint de primario & formali conceptu essentiae divinæ. quapropter cum Scotica formali distinctione inter essentiam & attributa, remanente identitate reali, ut ex iis quæ superius diximus est manifestum, nihil ex iis quæ locuti sunt patres Rhemenſes cum Sancto Bernardo contra Gilbertinam doctrinam concludi potest in Scotistas, qui sunt a Gilberti sententia omnimode alieni, præterquam quod nec

nec patres Rhemenſes, nec Bernardus de formali diſtinctione ad ſenſum Doctōis Subtilis, de qua nondum aliquid auditum fuerat, quidquam cogitarunt: unde ex confeſſione fidei in concilio Rhemenſi edita a S. Bernardo inconfuſiſ Cardinalibus, qui Eugenio III. aderant, & ob id fuit reprehenſus, ut ex hiſtoria illius Concilii conſtat, inter cujus geſta, confeſſionis illius nulla reperitur approbatio, gratis in nos argueretur. Verum de concertatione Abbatis Claravalleniſ cum Gilberto Epifcopo agetur quæſtione ſequenti.

Ad damnationem erroris Abbatis Joachim in Concilio Lateranenſi quod ſpectat, illum de diſtinctione reali majori fuiſſe oſtendimus in prima aſſertione, ita ut tres Deos videretur admittere: unde nihil ipſi, & Scotiſtis, identitatem realem, quæcum ſtat formalis diſtinctio, propugnantiſ, eſt commune. Nullius pariter eſt roboris contra noſtram formalem diſtinctionem quod adducitur ex Concilio Florentino. eſto quod Joannes Theologus cum Marco etiam Theologo Græco diſputans phraſi uſus ſit, quæ opinioni Thomiſtarum circa modum diſtinctionem in divinis explicandi ſaveat, & Scotiſtarum ſententiæ de formali diſtinctione videatur adverſa: ſed quid inde? in concertatione ad fidem pertinente, ut erat illa de qua inter Græcos & Latino (ſciendum enim erat an Spiritus Sanctus ex Patre procedens ex Filio etiam procederet) de diſtinctione quæ eſſe poteſt eſſentiam inter & perſonas agens Thomiſta, locutus fuerit juxta ſcholæ ſuæ mentem mirum non eſt; eodem modo ſe reſpectivè geſſiſſet Scotiſta, ſi Theologus Latinus fuiſſet e Franciſcanorum familia, ſicuti erat ex patrum Dominicanorum ordine Joannes, idque utriuſque ſcholæ opinioni nihil præſtat aut nocet, cum de Scholaſticorum opinionibus non certaretur; unde verba relata ſunt Joannis, non vero Concilii. de proceſſione Spiritus Sancti ad Græcos cum Latinis conſiliandos cogitantis: ſitque ruit ex hac parte obſectio quæ non eſt ad propoſitum: & id ſatis eſſet pro nobis ſi validius quid non poſſemus reſpondere. Sed ex ipſius Joannis verbis nihil contra nos concluditur, cum ille non dixerit abſolute, divinam eſſentiam & perſonam diſſerre ſecundum modum intellectionis noſtræ, ſed quod videntur diſſerre. Scholaſticas ſubtilitates Græcis ignotas, parvi faciens Joannes, diſtinctionem realem quæ ſeparabilitatem importat amandabat, ut identitatem realem, quam ſolum Græci ſcholaſtici agnoſcebant, ſtatuere, Scotiſtarum opinionem nullo modo improbens, vel forte ad illam tunc non attendens. Imo illum ad partes noſtras trahere non eſſet difficile: dum enim dixit eſſentiam eſſe communicabilem, perſonas vero incommunicabiles, ſubdit id ex relationis vi evenire, quæ verba, ut recte obſervat Macedo, indicant formalitatem Scoti, admiſſa illa vi ex parte relationis, hoc eſt a parte rei, non ab intelligentia noſtra. Joannem autem & Concilium ad quæſtionem principalem dumtaxat & ad fidem ſpectantem attendiſſe, non ad ſcholaſticas opiniones, indicium eſt, quod Marco dicenti divinam ſubſtantiam & perſonam diſſerre ſimpliciter, ut commune diſſert a proprio, & quemadmodum humana ſubſtantia a perſona ſua diſſerre videtur, non reſpondit Joannes, quem non latebat varias eſſe opiniones oppoſitas circa diſtinctionem perſonæ a natura humana, quique non poterat non ſentire

juxta principia Græcorum, essentiam divinam a persona distingui ex natura rei, & sciebat in homine juxta quamplures, personam differre a natura ut modum realem: ideoque cum in Deo modi non esse possint, & eorum loco sint ponendæ formæ, persona quæ erit veluti forma respectu naturæ, ab ea formaliter distinguetur: unde Marcus aliter sentiebat quam Joannes qui solam distinctionem rationis admittebat. est igitur ex hoc capite soluta omnimode objectio, cui nihil virium addunt quæ dicit Andreas Colossensis conciliare volens dicta Joannis & Marci, ut pote qui more vulgari extra Scholam, & omisiss subtilitatibus scholasticis loquebatur, idque non affirmative, sed opinative, cum non dixerit differunt, sed sola ratione, aut intelligentia differre creduntur: id est existimantur aut videntur.

Parum similiter urget confessio fidei Latinorum ad Græcos missa, quæ Sess. ult. Concilii ejusdem habetur. formali nostræ distinctioni non adversantur verba laudata, quæ excludunt realem distinctionem per quam in tres partes dividereur essentia, distinctionem autem realem inducit divisio; unde subdunt, ne in tres partes unicam illam divinam substantiam dividi mens concipias. Latini argumentabantur contra Græcos processionem Spiritus Sancti a Filio negantes, naturæ divinæ in tres partes divisionem ex ea negatione inferendo: unam quæ esset in Patre producente Spiritum Sanctum; alteram in Filio non producente; tertiam in Spiritu Sancto producto a Patre, non a Filio; unde consequens erat essentiam Filii minime productivam, esse diversam a Patris essentia producente, & ab essentia Spiritus Sancti, quæ non erat unita Filio, cujus non participabat naturam; quo posito tres erant in divinis admittendæ essentiæ realiter distinctæ ac divisæ; tuncque non unus erat Deus, sed tres Dii vere ac realiter distincti. Hinc necessum erat omnimodam in tribus personis essentiæ divinæ identitatem exprimere, quæ nulla posset ratione distingui, ut revera fert confessio fidei Latinorum. Sed ibi quid contra Scoticam distinctionem, quæ non versatur intra essentiam, quæ nullam intra admittit distinctionem, sed versatur extra essentiam comparando eam cum attributis, & relationibus? & aliunde Latini de scholæ subtilitatibus tunc parum solliciti, Græcos ad unitatem catholicæ fidei perducere satagentes, distinctionem rationis late & genericæ usurparunt, prout cuicumque distinctioni reali divisionem aut separabilitatem argumenti opponebatur. Idem in quibuslibet Conciliis observarunt majores de controversiis inter Scholasticos non judicantes, uni parti potius quam alteri favendo, nisi ex male intellecta quorundam opinione aliquid periculi circa fidem posset aliunde oriri. & hinc factum est quod patres in Conciliis recentioribus magis cauti fuerint, exactius loquentes ob versutias & cavillationes Hæreticorum, nonnullis loquendi modis inter Theologos receptis abutentium. at in Concilio Florentino toti fuere patres in statuenda naturæ divinæ unitate, ut semel posita in tribus personis essentiæ identitate, processionem Spiritus Sancti a Filio Græci consisterentur, ad alia quæ ad fidem non pertinebant non attendentes. quod colligitur ex iis quæ circa finem ultimæ illius sessionis habentur his verbis: *Convenerunt erga Græcorum in hanc sententiam iuris, Sanctum Spi-*

ritum

ritum ex Patre, Filioque, ut ab uno principio, ac unica substantia, unica spiratione, processioneque procedere per Filium, tamquam consubstantialem, ejusdemque naturæ. Quæ verba distincte indicant, Græcos acceptasse dumtaxat doctrinam relativam ad processionem Spiritus Sancti a Filio, quæ fuit summa dissertationum inter Theologos Concilii Florentini, in quo dogma jam a patribus Constantinopolitanis antiquitus definitum, Græcorum causa rursus perpendebatur. procedente Spiritu Sancto etiam ex Filio sciendum erat, an esset idem principium cum Patre Filius, vel an duplex esset principium. Id concedere reformidabant illi, putantes essentiam dividi si Filius spiraret cum Patre: quem metum ut ab ipsis amoverent Latini, unum solum idemque principium ratione unius in Trinitate essentia dicebant; identitati naturæ divini ac unitati sic consulentes; quibus Græci confirmati processionem Spiritus Sancti a Patre & Filio læti tandem susceperunt. Hæc ex historia texere hic opus erat, ne difficultatem, si quædam fuisset, eludere diceremur. legantur litteræ unionis Eugenii Papæ quarti, nulla in eis reperietur mentio de illa distinctione rationis. Nec mirum: erat enim mens Concilii definire processionem Spiritus Sancti a Patre & Filio simul unitis in ratione essentia; tamquam unico principio absque ulla naturæ divisione, non investigando an & quomodo essentia a personis, vel personæ ab essentia distinguerentur, quod Scholasticorum erat inquirere, modo distinctio realis divisionem significans non admitteretur. unum ex illa professione Latinorum in Concilio transit; apud privatos Doctores mansit alterum, a summo Pontifice nullatenus definitum. gratis ergo per allatas conciliorum definitiones tolli formalem Scoticam distinctionem, decantare desinant adversarii id indoctis solum aut incautis persuasuri.

3. *Objeſtio.* Non videtur tuto admittenda distinctio quæ per se multum difficilis intelligi censetur olim proscripta a sacra facultate Parisiensi; quod sic evenisse testatur Gerson illius academici quondam cancellarius in epistola ad quemdam ex fratrum minorum familiæ anno 1426. scripta, hæc habens. *Damnata est nuper per prædecessores meos in sacra facultate Theologia sub pluribus articulis doctrina, quam nonnulli solum impne subtilem garrunt, quam ignorantes veluti pica loquacissima stabilire nituntur, cum sit mera insania & vanitas falsa. Unus articulus inter ceteros est, quod aliquid sit Deus realiter quod non sit formaliter Deus. Quod ibi narrat Gerson evenerat anno 1362. tunc enim inter propositiones nonnullas quas revocari voluit sacra facultas ut fidei dissona reperitur ista: aliquid est Deus secundum suum esse reale, quod tamen non est Deus secundum suum esse formale.*

Resp. Esto quod res se habeat ut a Gersone narratur, quid exinde legitime contra Scoticam formalem distinctionem concludatur non video. nonnulli fuerint qui distinctione illa minus recte intellecta abutentes, doctrinam Gilberti Porretani olim proscriptam renovarent, quique ex ignorantia, ut fertur, sententiam Doctoris subtilis tenere se existimarent, eosque damnaverit sacra facultas tamquam volentes stabilire meram insaniam, falsamque vanitatem, mirum non est: Gilbertum quosdam sui erroris discipulos habuisse,

buisse, qui ipsius doctrinam renovare conati sint, suumque errorem tegere erediderint, Scotistas, licet immerito, volentes reputari, hinc dumtaxat colligi potest. Scotisticam autem distinctionem a facultate sacra Parisiensi fuisse proscriptam, idque in mente Gersonem habuisse gratis fingitur. 1. Quia nusquam voluere Scotistæ aliquid esse Deum realiter quod non sit Deus formaliter, ita ut aliquod sit in ipso attributum quod non fluat ab illius essentia, vel quod illi insit per modum accidentis, & sine quo possit Deus esse. proprietates tam absolutas quam relativas, quæ divinæ essentiae realiter identificantur, non esse de primario & quidditativo conceptu Deitatis, ita ut aseititas non dicat formalem respectum ad illas, illæque possint considerari veluti diversæ formalitates juxta quas Deus potest dici Justus, Sapiens, Misericors, Trinus, & inter illas formalitates secum collatas, & comparate ad essentiam, quamdam a parte rei dari distinctionem citra nostram intelligentiam, & independentem a quacumque mentis operatione, id cum Doctore suo tenent & defendunt Scotistæ; idque merito, ut abunde satis ex dictis constat. quod autem ab ipsis hic defenditur quam sit a Gersonis narratione alienum nemo non videt, nullumque in ea est vestigium in proscriptione relati articuli, facultatem Parisiensem de Scotistarum opinione cogitasse. Fabulationes narrare etiam illius venerandæ ac celeberrimæ academix Magistros recentiores, dum talia proferunt abque graviore fundamento, dicere liceat, præsertim cum illis advenit quam plures e suis non ultimi.

2. Qui fieri posset quod in articulis damnatis, & propositionibus, jubente facultate, revocatis, proscripta fuisset ex mente ipsius facultatis opinio Scotistarum de formali distinctione inter essentiam & attributa quæcumque, & inter attributa absoluta secum collata, & nihilominus suam sententiam illi non mutaverint, nec ab illa tuenda usquam cessaverint coram eadem sacra facultate, qui ex minorum familia magisterii gradum in academia Parisiensi a Scoti temporibus usque in præsentem diem consecuti sunt, imo eandem sententiam in eadem academia amplexi fuerint nonnulli magistri ad Franciscanam familiam non pertinentes? si ut fert obiecto, forte ex interpolata Gersonis narratione, Scotistica distinctio male adeo audisset inter magistros Parisienses qui Gersonem præcesserant, ut hæc proscripta reputaretur, quare nusquam decretum tulit sacra facultas prohibens Doctoris subtilis discipulis eandem distinctionem defendere, saltem donec mentem suam circa istam clarius aperirent, & periculi quod emergebat ex distinctione formali male sonanti in opinione eorum qui scandalum ex ea sumpserant tota tolleretur suspicio? Et quare ipse relatus academix Parisiensis cancellarius, quem volunt huic Scotistarum sententiæ adeo insensum, ut testantur verba ex ipso relata, si vere ipsius sunt, non repetiit a sacra facultate, ut suum decretum, si quoddam extabat, quodque certissime, ut dictum est, non fuerat executioni mandatum, renovaret, & pro viribus juxta statuta in perverces sæviret? id tamen factum non narratur a Gersonem, qui Nominalium sectæ plus æquo adhærens, ut neminem latet, a Scotistarum partibus pro formali distinctione stare non poterat. Novcrint ergo pugnantia se loqui ex commentis

titio hoc Gersonis textu, qui in nos valide exilimant argumentari, illosque nec veri speciem servasse qui fabulam illam primi narrare advertant. & miror quod a quibusdam ejusdem academix magistris doctrina claris tantum auctoritatis huic fabulæ tribuatur.

3. Esto adhuc quod Gerson & nonnulli magistri Parisienses opinati fuissent revocationem de qua loquitur, quarundam propositionum, aliquo modo impetere distinctionem formalem, quod gratis fingi jam ostendimus, & ut omni carens fundamento absolute negamus, non inde valeret illatio, nempe tuto non posse defendi Scottistarum sententiam! tum quia Gerson etsi aliunde magna clarus doctrina, ipsique adhaerentes alii magistri quos commemorat, distinctionem nostram, saltem eo sensu quo illam defendimus, non intelligebant: quod temere de viris illis clarissimis non dixerim; istiusmodi enim judicii ansas dedit ipse Gerson, existimans divinæ simplicitati adversari formalem a parte rei distinctionem, eamque in divinis importare divisionem: unde lectione 2. contra vanam curiositatem sic loquebatur. *Fides saluberrima, & omnis Metaphysica tradit nobis quod Deus est simplicissimus in supremo simplicitatis gradu supra quam imaginari possumus. Hoc dato quid opus est ipsam unitissimam essentiam per formas metaphysicas discernere, dividere &c.* Hinc peroptabat de hujusmodi quætionibus parce agi. *Utinam*, inquit, *juxta monitionem facultatis muper factam, parcius ista materia & similes pro hac vel illa discuterentur parte.* Falsum autem est ex jam dictis Scotticam distinctionem inducere in Deo compositionem; cum illa simplicissimus remanet Deus, acutusque, ut dicunt purissimus: proinde licet finistre de distinctione nostra non satis perspecta nonnulli cogitassent, quod illi vale dicamus non sequitur, præsertim cum hæc non nisi ex falso supposito improbata fuisset; tum quia decretum horum magistrorum, dato quod latum fuerit, de quo parum constat, fuit judicium hominum privatorum, qui in hoc errare potuerunt; & scaple errassent arbitantes, Scottistas talem distinctionem admittentes Gilberto consentire, a quo totaliter distant, vel compositionem admittere in Deo, quam ab ipso omnimode remouent. Nihil ergo contra sententiam nostram ex Gersono.

Sed illa distinctio, inquiunt, est per se multum difficilis intelligi; nec dici potest quid sint in Deo illæ formalitates, an sint realitates, pluresque habeant naturas & existentias, quodnamve sit illarum formalitatum subiectum, quæ nihil aliud esse possunt quam accidentia, quæ dari in Deo repugnat; satius ergo esset ab illa abstinere sententia plurimis triciis undequaque implicata.

Resp. In adversarios facile retorqueri posset istud argumentum: inintelligibilis est distinctio virtualis, & hoc nomine comprehenditur etiam distinctio rationis ratiocinata, quæ habeat fundamentum in re, ergo non est admittenda. Quid enim implicatius & inintelligibilius quam distinctio quæ, res licet una sit ac simplicissima Entitas per se ac formaliter; pluribus tamen realiter distinctis æquivalet, legitimumque præbet ad diversos efformandos conceptus fundamentum? Hinc divina attributa quæ unum reipsa sunt, plura tamen

men conceptibiliter sunt, ut dicunt; ideoque Deus qui est illa una res formaliter, est tamen multiplici ratione perceptibilis, non ex solo nostro intelligendi modo, sed ex propria sua natura, idve non confuse aut permixte, sed cognitione clara adeo & distincta, ut etiam ex parte objecti una Dei perfectio non involvatur in alia. quomodo consistere queat in una eademque re penitus indistincta multiplex illa dilucida & expressa cognoscibilitas, dicant Thomistæ si possunt. Nonne sicut ejusdem entitatis indivisibilis una est simplex veritas, ita non erit una ex parte objecti simplex cognoscibilitas? & quid sibi velit dum dicunt attributa divina per mentem nostram solum distingui, sed hujus distinctionis rationi nostræ dari intrinsecum fundamentum, infinitam videlicet Dei perfectionem, quæ pluribus æquivalet realiter distinctis, ipsi aperiant. verum cum retorquere argumentum non sit difficultatem solvere, quam facile a volentibus intelligere intelligi possit formalis Scotica distinctio ostendamus.

Esse in Deo quamplures perfectiones ab ipso inseparabiles, vel quibus nullo modo spoliari potest aut carere, idque independentem a quacumque mentis operatione; nemo negabit. unamquamque ex illis perfectionibus sigillatim posse considerare, nulla habita ratione ad alias, nisi in quantum unaquæque est a Deo inseparabilis, quis diffisteretur? quamlibet ex iis perfectionibus proprium & peculiarem habere conceptum ratione cujus mens nostra uniuscujusque illarum sibi possit divisim efformare ideam, ita ut idea unius non sit in sensu formali idea alterius, quis irret inficias? alioquin falsum esset quod supponitur verum, nempe unamquamque harum perfectionum posse sigillatim considerari absque ullo respectu ad alias; quæ si separatim nequirent considerari, possent omnes promiscue sumi, atque adeo ut quæ operatur Deus per unam ex suis perfectionibus, illa operaretur formaliter per aliam suam perfectionem, etsi effectus, vel si dici potest, terminus unius perfectionis esset formaliter contradictorius & oppositus termino alterius perfectionis; proindeque vindicta, quam sumit ex justitia Deus de peccatoribus, esset formaliter quid idem cum misericordia, qua pœnitentibus parcit, aut justos remunerat ex magnificentia, sicque punire ex misericordia, & parcere ex justitia diceretur Deus, quod rectæ rationi adversatur. Nec potest dici diversitatem idearum ac conceptuum esse solummodo ex nostro intelligendi modo. illi enim conceptus ut veri sint, illæque ideæ debent esse conformes objecto, illud ut est in se, vel ut vere apparet menti representantem, non vero illud constituere aut affingere. Nam si ideæ objectum constituerent ac fingerent, & non illud vere repræsentarent sicut menti exhibetur, veritas idearum ac conceptuum penderet a causa extrinseca & mere accidentali, sicque objectum nihil haberet realitatis præter illud quod haberet ex nostro intelligendi modo, quod quam fictitium sit nemo non videt. ideæ igitur nostræ, nostrique conceptus supponunt in objecto illud quod nobis ex eo repræsentant, alioquin esset merum ens rationis? idque fateri coguntur Thomistæ dum volunt esse in re vel objecto fundamentum distinctionis, quod fundamentum non fingitur in re a mente nostra, sed in ipsa est independentem ab intellectu

At rem concipiente ut in se distinctam. Sicque verum esse debet ideam unius perfectionis non esse in sensu formali ideam perfectionis alterius, primumque independentem a mente nostra quamcumque perfectionem habere conceptum, unde uniuscuiusque divisim perfectionis efformari possit idea: quapropter non dicitur iustitiam & misericordiam non esse formaliter unicum in se attributum, quia illud sic videtur menti nostræ, sed potius ideo a mente nostrâ haberi ut duo attributa inter se distincta, quia vere & a parte rei non sunt unicum attributum, sed duo ejusdem Dei formaliter, independentem a mentis nostræ ea dividendis operatione, distincta inter se attributa. His ita, ut arbitror, non obscure expositis, breviter dicamus, distinctionem formalem juxta Doctoris subtilis principia, eam esse quæ reperitur, etiam non de ea cogitante intellectu, inter perfectiones, vel proprietates, vel attributa, vel formalitates inseparabiles a subjecto cui insunt, cuius realiter identificantur, quarum tamen una non est altera, nec idea unius potest formaliter esse idea alterius, quodque de una ex illis perfectionibus prædicatur secundum ejus esse formale, non potest prædicari ullo modo de altera secundum esse formale illius: verbi gratia intellectus & voluntas in Deo sunt duæ facultates distinctæ formaliter & ex natura rei: independentem a qualibet mentis nostræ præcissione facultas quæ Deus intelligit, non est formaliter facultas per quam vult & amat, & si utraque illa facultas divinæ essentia realiter identificetur, ut sæpius dictum est. Sic bonitas & sapientia, misericordia & providentia, iustitia & veritas, non sunt una & eadem perfectio; etiam non cogitante quoquam de illis an sint multiplex perfectio vel non, hæc sunt realiter variae perfectiones ac proprietates, quæ realiter inter se identificantur, pro ut sunt divinæ ac infinitatem participant, sed non identificantur formaliter, quia duæ formæ vel proprietates quantumvis identificatæ realiter, & ab invicem inseparabiles, nequeunt identificari formaliter, tunc enim, ut satis jam exposuimus, non essent duæ proprietates, sed una simpliciter proprietas, nullaque attributa divina inter & essentiam darentur alia distinctio quam nomine tenus, ut contendebant Nominales, quod ut a veritate alienum ab omnibus rejicitur. in distinctione nostrâ formali juxta sensum mox expositum qui solus verus est, intelligenda quid difficultatis adeo occurrat non invenio, multo difficilior intellectu ex omni parte mihi videtur contraria opinio.

Nec difficilior intelligitur quid sint illæ formalitates inter quas nostram admittimus distinctionem. ut primum intelligitur quid sit perfectio, ejus nomine intelligitur id quo posito in aliqua re res illa censetur melior, & quo detracto res censetur pejor. eodem tempore intelligitur quid sint illæ formalitates, seu proprietates, aut attributa, quibus ditatus Deus ex se ipso, perfectior certe est quam si illis ex impossibili careret. has autem perfectiones ac proprietates vocamus formalitates, eodem sensu quo sæpius a Sanctis Patribus attributa divina dicuntur formæ quæ in substantia Dei sunt. Ea realitates pariter appellamus, in quantum Deo realiter & a parte rei insunt ante omnem operationem mentis, ut iustitia, sapientia, veritas, ipsæ vere ac

realiter inexistunt: non vero ut putentur illa attributa inter se realiter distincta, vel ab essentia, ut tres personæ, quæ sunt inter se realiter distinctæ licet inseparabiles. Habeant ne illa attributa, illæve perfectiones ac formalitates plures naturas, plures existentias; sumpta natura pro conceptu obiectivo ac notione quidditativa, affirmative cuilibet attributo sua tribuitur natura propria, ratione cuius est tale vel tale attributum. Sumpta natura pro substantia & entitate reali, alia ab ente cuius sunt attributa, negative respondetur. Neque enim, ut quibusdam deliramenta loquentibus placet asserere, Scotistæ juxta numerum idearum entia student ampliare, ita ut ubi unum dumtaxat ens numerice reperitur plura illi cudant, unde non intelligentes desipiunt, qui Deum ens in se simplicissimum, ex entibus propemodum infinitis in Scotistarum sententia coalescere fabulantur, quasi vellent divina attributa esse veluti tot entia existentiam propriam habentia, distinctam ab existentia Dei cuius sunt attributa; quam ineptiam ex formali distinctione, non versute minus quam ridicule inferunt nonnulli, qui excellentiori ingenio ditati, inter eruditos rem alte parum nonnumquam rimantes, haberi volunt. Quæcumque igitur divina attributa habent suam existentiam in suo genere attributi, non ut partes habent existentiam respectu totius quod constituent, sed ut perfectiones alicujus subiecti in quo sunt, illud tamen nullo modo compositum efficientes: nec magis absurdum est multas admittere existentias & naturas, attributi nimirum & proprietatis in eadem indivisa entitate, quam multa attributa, multasque perfectiones vel proprietates. quodnam vero sit illarum formalitatum subiectum satis intelligitur: Deum dici omnium suorum attributorum, cunctarumque perfectionum ab ipsius essentia necessario pullulantium subiectum, quid repugnat? non possunt tamen illa attributa, illæve formalitates reputari accidentia, cum in Deo nihil detur per modum accidentis: sunt hæc attributa tot perfectiones ipsi essentialiter, nulla illarum carere potest: de natura divinitatis est quod omnes perfectiones simpliciter simplices, nec non alias quæ nihil in se habent imperfecti, formaliter contineat: tollatur a Deo una ex ipsis, jam non erit Deus: ipsi cunctæ proprietates realiter identificantur? hæc collectivè sumptæ, sunt ipsemet Deus: si vero distributive accipiantur, earum quilibet singillatim sumpta recte dicitur in Deo esse velut in subiecto. unde Sancti Patres, Theologice omnes vulgo dicunt, quod in Deo est fortitudo, est justitia, est sapientia; quæ enunciationes si accuratè non essent, Deus non posset vocari fortis, justus, sapiens. imperfectionem in Deo redoleret si proprietates quibus necessario donatur, in eo essent per modum accidentis, id solis rebus creatis competere potest, quæ ex natura sua naturæ sunt substantiæ accidentibus. tollatur quidquid est imperfectionis, sed res ipsa retineatur. ille qui est omnis entis origo, fons & plenitudo, quidquid est aut habet, illud essentialiter ac necessario est & habet. Desinant ergo adversarii distinctionem Scoticam formalem hujuscemodi momenti impetere, eamque esse intellectu facilem agnoscant; nec formalitatibus illis de quibus loquimur, exinde turbentur aut torqueantur.

4. *Obiectio.* Innumeris fere Sanctorum Patrum testimoniis impugnatur formalis hæc distinctio. quidam enim ex ipsis, ut Patres Græci, dicunt attributa divina solum cogitatione seu mente distingui; quidam, præcipue inter Latinos, docent omnia in Deo esse unum quid & idem, unde Augustinus passim dicit quod non aliud est Deo esse, aliud magnum esse, sed hoc idem est illi esse, quod magnum esse; quod sentit dicendum patet de bonitate, de æternitate, de omnipotentia ejus, omnibusque prædicamentis quæ de illo possunt pronuciari. Secundum quod Sapientia est & essentia. Non aliud est Deo esse, & aliud personam esse, sed omnino idem. quidam dicunt quæcumque sunt in Deo, esse ipsum Deum; quare contra Gilbertum argumentans directe Bernardus Serm. 80. in cantica illi objiciebat, si divinitas, si magnitudo, si sapientia, si justitia, si bonitas non sunt ipsemet Deus, quid ergo erunt, si aliqua sunt? si enim illud quod est in Deo, & aliquid est, non est Deus, certe erit vel minus Deo, vel majus, aut par. Id autem neutrum dici potest; sint ergo ipse Deus justitia, bonitas, &c. necessum est. satis est ad amandandam a Deo formalem distinctionem quæ sit a parte rei, oppositio illa quam habere videtur cum doctrina Sanctorum Patrum.

Resp. Ab adversariis tanta cum fiducia nobis opponi circa controversiam præsentem Sanctos ecclesiæ Patres quis non miraretur? Numquid & ipsi non vident non minus sibi ipsis quam nobis esse contrarios Sanctos illos Doctores, si vere in cunctis quæ loquuntur contra nos militarent? neque enim magis distinctioni virtuali aut rationis faventes censerentur quam formali nostræ, cum absque limitatione quæcumque loquantur, cunctamque distinctionem in divinis, saltem ut plurimum, removere videantur. Nec mirum, Hæreticos qui de Divinitate minus recte sentiebant, quique sub specie distinctionis divisionem ac multipliciter, seu compositionem in Deo admittebant, insectabantur Sancti Patres; quapropter cum aliam non agnoscerent distinctionem præter illam quam dicimus realem majorem quæ separabilitatem arguit, & ex adverso solam identitatem realem defenderent, nondum adinvento hoc diverso distinctionis genere, quod lapsu temporis in Scholis usu invaluit, ut Hæreticis viam omnem occluderent, omnimodam identitatem in Deo cuilibet distinctioni oppositam admiserunt, ne dividendi naturam & personam præberetur occasio. non concederent tamen distinctionis virtualis patroni se Sanctis Patribus adversari, nec nos defendentes formalem a parte rei distinctionem concedemus Patres nobis esse contrarios. & ut dicam quod res est, nec nobis, nec adversariis favent aut opponuntur Sancti Doctores, qui de nostris theologicis dissectionibus nequidem cogitaverunt. insuper ad litteram non semper accipienda esse Patrum verba, quæ duriora multoties viderentur quis nescit? Sic verbi gratia Sanctus Joannes Damascenus dum lib. 1. de fide orthodoxa cap. 11. ne a præsentī materia recedamus, sequentia scribit. *Unum idemque omnino sunt Pater, & Filius, & Spiritus Sanctus, nisi quod Pater genitus non est, Filius genitus est, Spiritus Sanctus processit, quod autem in ea (essentia videlicet divina & natura) distinctum est sola cogitatione distinguitur.* Ergone tres Personæ Divinæ licet inseparabiles non erunt

distinctæ realiter, solaque cogitatione distinguuntur? Nequamquam: ad mentem itaque Patrum semper est attendendum, quodnamve esse potuerit illorum intentum relative ad hæreticos quos impugnabant nobis continuo observandum, ne falsa pro veris habeamus. quandoque Eunomianos, seu Anomizos omni distinctione rejecta, Filium Dei negantes Deum esse, quandoque Noetum, ac deinde Sabellianos in Deo unicam personam, triplici tamen appellatione, delirantes, insectati sunt Patres: tunc distinctionem veram in divinis admittendam fortiter ostenderunt; sicuti ex opposito cum impugnaverunt, ut dictum est, quosdam ex ea distinctione, quæ tam inter personas ad invicem, quam illa quæ inter attributa ad se vel ad essentiam comparata, quoquo vocetur nomine, abutentes contra Dei simplicitatem, omnem quasi distinctionem e medio sustulerunt, ut in præsentī controversia cum Gilberto, de quo mox inquiremus, se gessit Bernardus, cujus argumentatio alicujus ponderis contra errorem illius Episcopi, nihil urget contra Scotticam distinctionem, ab illa quam admittebat Gilbertus penitus discrepantem, quidquid in contrarium dicant Tournely, alique nonnulli ante ipsum, qui, qua ratione ducti nos later, Gilberti sententiam de distinctione reali multiplicitatem aut compositionem inducenti, mitigare student, ut facilius ad ipsum accessisse Doctorem subtilem, qui eandem propterea incurrerit cum Gilberto damnationem, valeant ostendere. Sed cassus & irritus eorum labor: eisque consentire nequit, opinionem utriusque plene diversam qui bene intellexerit. Nec major fides hac in parte adhibebitur Petavio, qui etsi doctissimus, valde allucinatus est pronuncians a Gilberti sententia vel nihil, vel parum discrepare Scholasticorum aliquot opinionem, ut Scoti, quod, inquit, creditur. addendum ipsi erat, a male affectis, vel a Doctoris subtilis doctrinam recte minus capientibus. Ut autem finem sermōni faciamus, Patrum testimoniis quæ nobis adversa viderentur, respondendum est cum distinctione: ubi astruunt verbi gratia essentiam & attributa identificari, verum est in sensu reali, falsum est in sensu formali. Si dicatur attributa vel relativa vel absoluta non esse ipsam Dei substantiam vel naturam, id verum est in sensu formali, falsum est in sensu reali. quod si dicant attributa sola cogitatione distingui, id intelligendum in quantum distinctio per mentem opponitur distinctioni reali compositionem aut multiplicitatem indicanti, non vero in quantum hæc distinctio nihil supponeret a parte rei distinctum in subiecto ante quamlibet mentis operationem. uno verbo a qualibet difficultate se expediunt Scotticæ per distinctionem formalem, a qua se expedire putant Thomistæ & alii per distinctionem virtuales & rationis ratiocinatæ seu cum fundamento. Hanc respective duplicem distinctionem tamquam gladium ex utraque parte acutum, ut ait Macedo, adhibeat sive Scottista sive Thomista, & objecta, quæcumque ea sint, truncabit.

5. *Objeſtio*. Data prædicta formali distinctione attributa divina & essentia non sese realiter includunt, nec de se in abstracto identice prædicantur. Dici autem non potest attributa & essentiam non se realiter includere, aut non prædicari de se in abstracto: verum enim est dicere, Deus est sapientia,

boni.

bonitas est Deus, sicut de se ipso dicit Christus apud Joannem, ego sum via, veritas, & vita. justitia est misericordia, Divinitas est pater, Deus est paternitas. unde Augustinus dicit de Deo, quod sua ipse est Sapientia, quia non aliud est Sapientia ejus, aliud essentia: & quod justitia in illo est ipsa bonitas; quæ omnia nequeunt esse vera in sensu formalis distinctionis, quare saltem ex hac parte non potest ullatenus defendi.

Resp. Objectionem illam quæ in se sumpta multum habet falsi, aliquid licet habeat veri, solverat jam Doctor subtilis in 1. dist. 8. quæ. 4. respondens sibi objectis his verbis, Augustini ex lib. 15. de Trin. cap. 5. *Bonitas atque justitia numquid inter se in natura Dei, sicut in ejus operibus distant, tamquam duæ diversa sint qualitates Dei, una bonitas, alia justitia? Non utique: sed quæ justitia ipsa bonitas.* " Respondeo, inquit Scotus, quod in creaturis non est aliqua vera prædicatio in abstracto per identitatem, quæ non sit formalis... in divinis autem est vera prædicatio per identitatem in abstracto, & tamen non est formalis. Ratio hujus differentiæ est ista, ut puto, quia concipiendo abstractum ultima abstractione, concipitur quidditas absque habitudine ad quodcumque, quod est extra rationem quidditatis propriam. sic igitur concipiendo extrema, (ut sunt in propositione justitia & bonitas, in qua unum abstractum prædicatur de alio) " nulla erit veritas uniendo ea, nisi præcise quidditas unius extremi sit eadem quidditas alterius extremi. Hoc autem non contingit in creaturis, quia ibi abstractendo illas realitates neutra est perfecte eadem alteri... Oppositum est in Deo, quia abstractendo sapientiam a quocumque, quod est extra rationem Sapientiæ, & bonitatem similiter abstractendo a quocumque, quod est extra ejus rationem formaliter, remanet utraque quidditas præcise sumpta formaliter infinita: & ex quo infinitas est ratio identitatis eorum, facta tali abstractione præcisissima, remanet ratio identitatis extremorum. Non enim hæc erant eadem præcise propter identitatem eorum ad tertium, a quo abstrahuntur, sed propter infinitatem formalem utriusque, ex quibus Scoti verbis intelligitur quare attributa de se non prædicentur in abstracto nisi identice non verò formaliter, nec attributa & essentia divina quæ realiter identificantur, sese includant formaliter, cum in Concreto de se prædicentur & se includant formaliter. unde recte dicitur Deus est sapientia, Deus est misericordia, & a converso: non eodem sensu, nec eodem modo diceretur justitia est misericordia, bonitas est sapientia, vel e converso; quæ attributa inter se, & cum essentia realiter identificantur, etsi formaliter distinguantur, ut plusquam satis jam dictum est. unde Augustinus in eodem loco attributa dicit qualitates, quas distinguit a substantia Dei seu essentia; illaque prædicat de Deo in concreto quidem, sed declarans ea esse quasi extra essentiam: licet assermet nihil esse in Deo per modum qualitatis, sicut in creaturis multas habentibus qualitates, quarum maxima pars est ipsis accidentalis; quicquid vero est in Deo, est ipsi essentiale, nec ab eo excludi potest vel separari, licet ipsius non omne constituat essentiam. salsum igitur est quod fert objectio, quæ proposita sunt, non esse vera in sensu

su formalis distinctionis; & facile intelliguntur, si ad identitatem realem, & ad identitatem formalem, quæ certe eadem non est, attendatur, & nobiscum sentire coguntur etiam qui nostram distinctionem formalem acrius impugnant pro virtuali certantes. etenim de modo quo essentia divina de attributis, & attributa tum de se invicem, tum de essentia possunt prædicari differens Tournely tenet, ea de se invicem prædicari, sive in concreto, sive in abstracto in sensu reali identico & formali implicito; unde veræ sunt istæ propositiones: Deus est bonus; Deus est bonitas; Divinitas est bonitas; bonitas est justitia: non tamen prædicari in sensu virtuali aut formali explicito; unde dici nequit, intellectus est voluntas; voluntas intelligit; intellectus vult; misericordia punit: quia in sensu virtuali & formali explicito distinguuntur attributa a se invicem & ab essentia, atque alia est notio essentia, alia attributorum ab essentia disfluentium; alia misericordiae, alia justitiæ explicita definitio. Nonne idem est ac si diceret cum Scotillis, essentiam & attributa esse quid unum identice realiter, & non esse quid unum formaliter realiter seu a parte rei? quid enim aliud intelligere potest per suum virtuale formale explicitum, quam id quod nos dicimus formaliter, & per identicum formale implicitum, quam nostrum realiter & identice? si aliud intelligat, aperiat ipse quid sibi velit formale implicitum, & formale explicitum, quod repetit ex diversis notionibus, diversisque definitionibus. & aliunde nemo umquam offendet quomodo duæ perfectiones vel duo attributa, quæ diversas habent notiones ac definitiones explicitas, identificentur formaliter, quod possibile non est, quia tunc essent duæ, & simul non essent duæ. neque etiam mens nostra, quæ duo realiter identificata potest cogitatione se jungere, potest duo formaliter & explicitè distincta, cogitatione formaliter identificare, quia tunc hæc formalis identitas non esset nisi ens rationis cuiuslibet fundamenti incapax. Laboret intellectus humanus, omnes suas profundat vires, nusquam eo deveniet ut sibi serio fingat, quacumque data præcisione, duo attributa quæ vere ac realiter sunt duo attributa, esse unum dumtaxat attributum formaliter.

6. *Objeſſio.* Non potest admitti distinctio ante mentis operationem inter essentiam divinam & attributa quin ipsa attributa habeant rationem formæ respectu essentia; tunc enim illa formaliter hæc denominabunt: si quidem ex iustitia Deus denominatur justus, ex sapientia sapiens, quemadmodum ex paternitate denominatur Pater: non possunt autem attributa habere rationem formæ respectu ad Deum, quælibet enim forma quæ est ad aliquid, imperfectionem dicit in illo. verum quis ferret imperfectionis vel umbram in Deo supponere? Nec pariter ferendum quamdam admitti formalem a parte rei distinctionem.

Resp. Cum Scoto ibidem præsentem disluemus objectionem "forma, inquit, in creaturis in quantum eas informat, estque pars compositi, habet in illis aliquid imperfectionis: habet etiam aliquid quod non est imperfectionis, sed consequitur eam secundum suam rationem essentialem sive formalem, scilicet quod ipsa sit quod aliquid sit tale. Exemplum: Sa-

„ pica-

„ pientia in nobis est accidens illud est imperfectionis, sed quod ipsa sit per
 „ quam aliquis est sapiens, id non est imperfectionis, sed essentialis ratio-
 „ nis Sapientiae. in divinis autem nihil est forma secundum duplicem il-
 „ lam imperfectionis rationem, quia nec informans, nec pars; est tamen
 „ ibi sapientia in quantum est sapiens illud in quo ipsa est, & hoc non
 „ per aliquam compositionem sapientiae ad aliquid quasi subiectum, nec
 „ quod sapientia illa sit pars alicujus compositi, sed per veram identitatem
 „ qua sapientia propter sui infinitatem perfectam, perfecte est idem cuili-
 „ bet cum quo nata est esse. “ Divina igitur attributa Deum denominan-
 „ tia vel justum, vel sapientem, vel bonum, cum non se habeant ad ipsum,
 „ ut informantia ipsum, sed ut constituenta, essentialiter adeo, ut dum il-
 „ lum talem denominant, non possint ipsi non inesse, quia hæc necessario ex
 „ ejus essentia prodeunt eadem cum infinitate quam habet ipsa essentia, etsi
 „ respectu Dei possint aliquo sensu habere rationem formæ, nullam dicunt in
 „ eo imperfectionem, quia sunt identice quid unum cum Deo cujus sunt per-
 „ fectiones, non ut quid accidentale, sed ut quid necessarium & ab ipso in-
 „ separabile. Hinc tota evanescit difficultas. quod si opponeretur, quomodo
 „ Deus sapientia formaliter sit sapiens, si hæc non est vere ejus forma, jam
 „ solum intelligitur. etenim ut per sapientiam Deo essentialem, ipsique ve-
 „ re identificatam Deus sapiens formaliter denominetur & sit, non requiritur
 „ quod Deus ab illa informetur; sicut corpus hominis informatur per animam,
 „ quæ est ejus forma ex qua dicitur animatum, & homini inest ut pars ipsum
 „ componens cum corpore quod ab ea informatur, anima tamen ex qua ho-
 „ mo denominatur animatus formaliter, non est proprie forma hominis, sed est
 „ pars illius cum materia seu corpore cujus est forma, quæ est de essentia phy-
 „ sica hominis, qui est unum quid compositum ex anima & corpore. & si
 „ anima hominem denominans animatum diceretur forma informans homi-
 „ nem, tunc anima esset forma sui ipsius, cum ea simul cum corpore consti-
 „ tuat hominem. repugnat autem aliquid a se ipso informari, cum forma in-
 „ formans dicat respectum ad aliud, scilicet ad illud quod informat. quod
 „ cum de Deo dici nequeat, Deus vere per sapientiam sapiens formaliter de-
 „ nominabitur, licet sapientia quæ ipsi essentialiter inest ipsum non informat,
 „ sed quasi per modum perficientis in ipso se habeat: & hæc omnia non mi-
 „ nus vera sunt admitta distinctione rationis ac virtuali, quam in sistemate di-
 „ stinctionis formalis.

Ad id vero quod additur in objectionem quemadmodum Deus ex paterni-
 „ tate denominatur Pater, advertendum multum esse discriminis, licet enim
 „ ex sapientia formaliter Sapiens dicatur Deus, ex bonitate Bonus, ex pater-
 „ nitate, Pater, non tamen eodem modo utrumque de illo prædicatur, ut ob-
 „ servat eodem loco Doctor subtilis in hæc Augustini verba quæ sibi opponit:
 „ Non eo Pater quo Deus, sicut nec eo Verbum quo Sapientia, sed eo ma-
 „ gnus, eo justus, eo bonus quo Deus, dupliciter, inquit, vel tripliciter eo
 „ magnus, sapiens, bonus quo Deus, & tamen non sic eodem modo est Deus
 „ & Pater. Uno modo ex eo quod sapientia & magnitudo sunt perfectiones
 „ ejul.

„ & hæc non est formaliter illa, ita quod intellectus paternus considerans
 „ A & considerans B, habet ex natura rei unde ista compositio sit vera,
 „ A non est formaliter B, non autem præcise ex aliquo actu intellectus cir-
 „ ca A & B. . . . ista autem distinctio, sive non formalis identitas, quæ
 „ probata est prius per duas vel tres rationes potest etiam probari per duas
 „ vel tres auctoritates Augustini . . . intelligit ergo Augustinus, quod sicut
 „ Pater non eo quo est Pater, est Sapientia & Essentia, ita non eodem est
 „ Pater & Deus . . . est igitur secundum ipsum talis non identitas relationis
 „ ad absolutum in divinis. “ His omnibus probat Scotus dari talem ex na-
 „ tura rei distinctionem, quam ipse ad tollendam quamlibet æquivocationem,
 „ vocat non identitatem formalem, & quæ jam communiter vocatur in Scho-
 „ lis distinctio formalis, ab omni intellectus operatione prorsus independens. &
 „ his non sunt dissimilia quæ habet in quæstionibus quod liberalibus, quæst. 5.
 „ sic loquens, contra affirmantes Spirationem & Paternitatem solum per ratio-
 „ nem differre, quasi id sufficeret ut una de altera non prædicetur? “ aliter
 „ dicit alius, & rationabilius ut videtur, & ad propositum, quod proprieta-
 „ tes in eadem persona differunt ex natura rei præter considerationem intel-
 „ lectus quia ad hoc sufficit disparatio, licet non sint oppositæ, & propter
 „ hoc prædicatio unius de alia in abstracto non est vera. “ ubique, ut vi-
 „ detur; distinctionem veram ante quæcumque mentis operationem defendit
 „ constanter Scotus, & adeo, ut mirum sit quod alicui ipsum legenti & ex-
 „ pendent dubius & incertus esse potuerit. Si quoddam nihilominus remane-
 „ ret dubium, legatur quæstio quarta dist. 8. lib. 1. in qua investigat utrum de-
 „ cur in Deo distinctio perfectionum essentialium aliquo modo præcedens om-
 „ nem actum intellectus; & quæstioni propositæ respondens dicit, quod inter
 „ perfectiones essentielles non est tantum differentia rationis, hoc est diversum
 „ modorum conceipiendi idem objectum formale, sed ibi est distinctio
 „ præcedens intellectum omnimodo. ostenditque hanc non identitatem forma-
 „ lem perfectionum stare cum simplicitate Dei, & ex illa nullam poni com-
 „ positionem in persona. similiter istam distinctionem formalem ponit inter
 „ duas proprietates in patre, innascibilitatem scilicet & paternitatem, quæ se-
 „ cundum Augustinum 5. de Trinit. cap. 6. non sunt eadem proprietates, quia
 „ non est eo Pater, quo ingenuus.

Desinat ergo Suarez, desinant & alii ipsius fortasse autoritate decepti,
 anxius circa distinctionem formalem dicere Scotum, qui ipsius auctor illam
 constanter tenuit, varia licet interdum denominatione. Nec putent verba il-
 lius ad meliorem trahi sensum, dum contrariam sententiam illi assignant,
 æ qua fuisse illum omnimode alienum, & si ejus scripta tacerent, innu-
 meri ipsius discipuli testantur. gratis igitur & inane defudat ab hac opi-
 nione Scotum liberare desiderans Vasquez, cui per ejusdem scholæ num-
 quam licebit. adversus formalem Scoticam distinctionem, & adversus eos
 qui illam optime capientes, in explicandis quampluribus fidei nostræ capi-
 tibus eam absolute necessariam prædicant, insulse vociferentur, quibus mo-
 ris est ea quæ non intelligunt cavillari, parvi refert. Donec argumenta quæ

cam

est præcisio objectiva, sed formalis, inquit, Contentsonius, ita ut unum attributum importetur in conceptu alterius, non explicite quidem, sed implicite. Hinc duplicem distinctionem virtualement illam admittit Tournely, perfectam unam, imperfectam alteram. illa vocatur perfecta, qua unum ab altero sibi identificato ita perfecte præscinditur, ut ne implicite quidem ac confuse in eo contineri & includi intelligatur. ea est imperfecta, qua unum ab altero sibi identificato præscindi omnino non potest, sed implicite saltem in eo contineri ac includi concipitur. Virtualement perfectam distinctionem admittere satis superfluum videbatur, cum hæc in quocunque casu in Thomistarum principiis locum habere nequeat, recteque satis illam esse, quam Scotistæ formalem a parte rei vocant censeri possit, cum hæc reperitur inter sibi identificata, quorum tamen sunt conceptus diversi, ita ut conceptus unius non possit nec implicite ac confuse esse conceptus alterius, idque vere significat præcisio illa perfecta. Quidquid de hac divisione judicetur, distinctionis virtualis insufficientiam ostendamus.

Veram esse inter attributa & essentiam admittendam distinctionem nullus est inter Theologos qui non consentiat. inter ea quamdam esse fingendam distinctionem, non dicunt, sed vere aliquam inter illa reperiri distinctionem, sive illa sit ante mentis operationem, ut placet Scotistis, sive illa sit post mentem ac rationem, ut Thomistis videtur: de modo seu specie distinctionis inter utroque controversitur, de veritate distinctionis nemine disceptante. Unde propositæ sic quæstioni, distinguuntur ne essentia ab attributis, & attributa ab invicem? Respondent Scotistæ, distinguuntur formaliter ex natura rei; respondent Thomistæ, virtualiter distinguuntur, seu distinctione rationis ratiocinatæ: quo posito sic resumo: sed distinctio virtualis ac rationis ratiocinatæ non est vera distinctio, ergo hæc distinctio est insufficientis. Resumptum, ex quo pendet tota vis argumenti, sic demonstro: quod est dumtaxat fundamentum distinctionis præbens menti nostræ occasionem considerandi ut inter se distincta ea, quæ nedum realiter, sed etiam formaliter identificantur, ita ut ante mentis operationem illa minime distinguantur, non est vera distinctio. talis autem est in principiis Thomistarum virtualis illa distinctio. opponatur enim ipsis virtualement hanc distinctionem, quam concedunt inter varia Divinitatis attributa, officere simplicitati Dei, cum in ipso multa admittat quæ actu distinguuntur, simplicitatemque multiplicitas quælibet tollat, statim, quasi illos peniteret admisisse eam distinctionem quam optime norunt se non posse non admittere, respondent ex ea non resultare compositionem in Deo, ut pote cum hæc distinctio virtualis non sit vera distinctio, sed solummodo fundamentum distinctionis. & revera: distinctio genericæ loquendo est negatio identitatis: at juxta ipsos inter attributa & essentiam divinam reperitur vera identitas nedum realis, sed etiam formalis, talisque identitas, ut concipi nequeat essentia divina, quin attributa implicite contineantur & includantur in illo conceptu, pariterque idea unius attributi implicite contineat ideam aliorum attributorum; idque absolute & necessario, quamvis aliunde repugnet ideam formalem unius perfectionis ordinem dicere ad

N

ali-

aliquid aliud, licet a subiecto illud aliud separari nequeat, sicuti & illa perfectio, ob realem identitatem quam habent cum subiecto & inter se. igitur cum virtualis distinctio non sit vera distinctio, insufficiens ex hac parte consentientibus Thomistis ostenditur.

Verum est Thomistas talia statuentes contradictoria loqui: tunc enim est distinctio & non est distinctio. est distinctio ex supposito, quia volunt attributa tum inter se, tum ab essentia distingui virtualiter: non est distinctio, quia est ex ipsis fundamentum distinctionis dumtaxat. Sed si quaeratur ab ipsis, fundamentum illud est ne ratio quædam intrinseca ipsis attributis, quæ sit independens ab intellectu operatione, vel ratio solum extrinseca attributis, quæ sit ipsa intellectus operatio; tunc in respondendo hærent anxii. Si enim primum admittant, ad Scotistas vario, etsi loquendi modo, realiter accedunt, cum hæc ratio intrinseca attributis quæ non est ab intellectu, sit illud ipsum in quo a parte rei formalis distinctio fundatur. si secundum, repugnat; tunc enim ipsa operatio mentis erit unicum fundamentum sui ipsius, ex eo quod, dato quod fundamentum distinctionis non sit quid intrinsecum ipsis attributis, ut supponitur, nihil superfit ad fundandam distinctionem illam virtualem seu rationis, quam ipsa operatio mentis, cum in hac ipotesi nihil essentia divina & attributis ad invicem comparatis adveniat extrinsecum præter hanc operationem intellectus distinguens, vel considerantis ut distincta ea, quæ nedum realiter juxta ipsos, sed etiam formaliter identificantur, quæque ex hac formali identitate, si possibilis foret, sunt necessario & absolute indistinguibilia. Tunc ve sibi ipsis contrarii Thomistæ si talia admittere cogantur ut verisimile apparet, Angelico Doctori in 1. dist. 22. quæst. unica, art. 3. dicenti ut notat Bertus, quod in Deo invenitur distinctio rationum, quæ realiter & vere in ipso sunt, contrarii pariter videntur.

Nec valet quod reponant, divinas quidem proprietates sola intelligentia ac ratione nostra distingui, sed huic distinctioni inesse intrinsecum fundamentum, infinitam scilicet Dei perfectionem, quæ pluribus realiter distinctis æquivalet. esto quod detur in Deo summa & infinita perfectio pluribus æquipollens, quod non facile intelligitur, si illa summa perfectio aliquod aliud significet, præter congeriem perfectionum diversarum quæ in Deo sunt, quæque omnes & singula illius participant infinitatem, unde Deus simpliciter & absolute dicitur ens summe & infinite perfectum: hæc summa perfectio quantumvis æquipollens pluribus, sumpta generice & absolute in se, hoc est nulla facta comparatione ad aliquod attributum singulare & formaliter spectatum, quomodo erit fundamentum distinctionis? id ostendendum incumbet. concipiatur Deus existens sine ullo ordine ad quasdam proprietatem in se formaliter sumptam, tunc nulla intervenient distinctione, unico actu intellectus concipitur ens cunctis ditatum perfectionibus, id enim Dei nomine intelligitur. Si autem Deus consideratus ut existens, concipiatur etiam ut iustus, ut misericors, ut sapiens, distinctio quæ erit inter hæc attributa quæ separatim concipiuntur facta præcisione unius ab altero, diceturne fundata in sum-

summa illa & infinita perfectione pluribus æquipollente, ob quam mens nostra statuet aliquam distinctionem inter ea, quæ, cum sint quid unum formaliter, nusquam poterunt distincta reputari? sed præterquam quod non intelligitur quomodo perfectio illa summa, quæ etsi multis æquipollens, est unum quid simplex nullam in se admittens distinctionem, fieri possit fundamentum distinctionis cuiusdam inter attributa divina & essentialia, eadem recurret difficultas quæ supra; illud enim fundamentum erit quid intrinsecum huic summæ perfectioni infinitæ, quæ tunc erit veluti radix vel pelagus quorumcumque attributorum, ipsaque potius Divinitas, & tunc hæc ratio fundans illam distinctionem, præcedet quamlibet mentis operationem, & erit ab illa independens, sicque vincent Scotistæ; vel erit quid extrinsecum, proindeque operatio intellectus fundabitur in seipsa: quod cum sit absurdum, aliud effugium tolerabilius adinvenire videant Thomistæ. quod meo quidem iudicio non multum esset difficile, sed eo non adducerentur ut huic assentirentur.

Insufficiens adhuc ostenditur hæc distinctio rationis, ex insufficientia argumenti, quo utitur ad illam explicandam & probandam Vincentius Contenson, in sua multum prædicanda Theologia mentis & cordis, lib. 1. dissert. 3. cap. 1. specul. 2. volens ostendere, hanc distinctionem rationis fundatam in distinctione virtuali, non esse præcisionem objectivam, sed formalem, cuius argumentum parum concludit, & videtur esse ex falso supposito. Postquam ostendisse existimat omnem distinctionem actualem, quæ præcedit operationem mentis, divinæ officere simplicitati, sic procedit ut intentum habeat. Tunc datur præcisio objectiva inter duas formalitates, inquit, quando una perfectio cognoscitur, nullatenus cognita alia: tunc datur præcisio formalis, quando dum cognoscitur una, alia quoque cognoscitur, non explicite sed implicite. concedamus ipsi illam propositionem, quam ponit tamquam principium evidens, quæ tamen non leves pateretur difficultates. non potest autem cognosci unum attributum divinum, quia implicite cognoscantur alia. minorem istam propositionem, per quam indirecte impugnatur Scoticam formalem distinctionem, & in qua ejus argumenti cardo vertitur, sic probare conatur. Quodlibet attributum, ait, si concipiat ut divinum, non potest non concipi ut actus purus, ut ens a se, & infinitum, & quocumque alio pacto cognoscatur, non cognoscitur ut divinum. atqui de ratione actus puri est quod non sit perfectibilis per ultimum aliud ad quod sit in potentia, sed debet concipi ut numeris omnibus perfectus, licet tota perfectio non explicetur; de ratione entis a se & infiniti est ita importare omnem perfectionem entis, ut nihil possit ei addi. ergo non potest cognosci unum attributum divinum, nisi aliis implicite cognitis. quid quæso probat illud argumentum? ipsi ostendendum erat Deum non concipi ut actum purum, ut ens a se, & infinitum si unum attributum ipsius cognosceretur, aliis implicite non cognitis; tunc e prima propositione, hac secunda procedente, quæ probari non poterat nisi ex falso supposito subsequenti argumenti, quamdam veritatis speciem induisset illius ratiocinium: Hoc, pace venerandi istius

Doctōris, advertere liceat. ex duplici capite deficere videtur illud argumentum, quod aliunde peccat defectu formæ cum in præmissis conclusio nullo modo includatur.

1. Recte minus dictum est attributum divinum non posse concipi ut actum purum, ut ens a se: Deus est actus purus, ens a se. attributa sunt perfectiones ipsius, & cum sint attributa entis infiniti, non possunt non participare infinitatem entis cuius sunt perfectiones, simulque cum considerantur ut perfectiones entis infiniti non possunt non considerari nisi in quantum infinitæ; sed illud quod est absque controversia ad propositum non erat. si quodlibet attributum conciperetur ut actus purus, ut ens a se, Deus posset concipi ut compositus ex multis actibus puris, ex pluribus entibus a se, cum pluribus gaudeat Deus attributis? neque enim usquam affirmasset vir doctissimus, cuncta divinitatis attributa esse unicum attributum, nullus tunc superesset ipsius argumentationis locus; multoque minus has omnes perfectiones non esse nisi diversa nomina idem formaliter significantia. & ex multiplicitate entium a se, multo magis quam ex Scotistarum formalitatibus, exurgebat in Deo compositio illa, quam dicunt Thomistæ formalem distinctionem secum importare: sicque in argumentem poterat retorqueri fortiter argumentum.

2. Minor propositio, quæ nihil probat, est de falso supposito. nihil probat, cum sit extra quæstionem propositam utrum sit de ratione actus puri quod non sit perfectibilis per aliquid aliud ad quod sit in potentia: id a nullo negatur. Probandum magis fuisset, etsi de hoc non quæreretur, quod ex præcisione objectiva sequeretur Deum, vel attributum, quod dicit actum purum, perfici per aliquid aliud ad quod sit in potentia. id autem probare minime poterat, quia falsum est attributa divina perfici, aut esse in potentia ad aliud, quia admissa licet præcisione objectiva, tum inter se, tum cum essentia realiter, ut millies diximus, identificantur, suntque in genere suo, & ex natura sua perfectissima, in quantum scilicet divina sunt. & aliunde, ut observavimus in solutione primæ objectionis, divinæ perfectiones non debent comparari secum, nec cum essentia, cui inexistunt, sed cum Deo, a quo non sunt re diversæ, sed unum quid & idem cum illo, & ille cum eis. Sique divina illa attributa, quæ in Deo remanente simplicissimo, sunt ad instar partium, non tamen partes, non indigent perfici, & quamvis multa, non se habent in illo ut potentia & actus, ut ibidem diximus cum Angelico Doctore. gratis pariter supponitur ex præcisione objectiva inferri posse ens a se quod Deus est, non ita importare omnem perfectionem ut non possit ei aliquid non addi, ut indicare videtur prædicta argumentatio, quæ ex se insufficienti ad ostendendum præcisionem objectivam, simulque distinctionem formalem in ea fundatam; divinæ opponi simplicitati, ut ostendere intendebat idem author, distinctionis virtualis, in qua ex ipso fundatur distinctio rationis; insufficientiam similiter uno eodemque tempore declarat.

Distinctionis virtualis & rationis in sensu exposito insufficientiam probare
etli

est facillimam ex analogia quam habet cum sententia, vel potius errore Anomæorum, & cum opinione Nominalium, de quibus infra, cum illam analogiam negent Thomistæ ab utroque se penitus dissentire proficientes, nec cuiquam invidiam facere in animo habeamus, de illa tacebimus, ut illam insufficientem ostendamus ad explicanda tum Trinitatis, tum Incarnationis Dominicæ Mytheria, & Hæreticorum argumenta evertenda. non admissa vera distinctione in Divinis ante quamlibet mentis operationem inter naturam & personam quomodo ostendi poterit esse unicam naturam, sinque nihilominus tres personæ? qui erunt plures personæ & non erunt plures naturæ? dicet Sabellianus Thomistis, personalitas & natura sunt juxta vos unum & idem formaliter, cum distinctio vestra, quæ est dumtaxat fundamentum distinguendi formaliter identificata, non impediat quominus sint eadem formaliter: in Deo autem est unica natura, ergo & unica persona: arguet ex opposito Arianus, vobis latentibus natura & persona a parte rei non distinguuntur: in Patre & Filio duæ sunt personæ: duæ igitur erunt naturæ. eodem modo insurget Nestorianus ex identitate formali. Persona & naturæ sunt formaliter unum & idem: sed in Christo sunt duæ naturæ; ergo duæ sint personæ oportet ex adverso dicet Eutychianus, sed in Christo est unica persona, ergo unicam admittere naturam necesse est.

Dicent ne Thomistæ personam & naturam etsi formaliter identificentur, nullaque sint inter eas a parte rei distinctio, a nobis tamen concipere ut si essent distinctæ, & revera non obstante formali earum identitate, illas distingui virtualiter, sed fundamentum istius distinctionis quæ sit per mentem, esse a parte rei, in quantum scilicet Deus, vel natura divina etsi una & simplex per se, est multipliciter perceptibilis, quia æquivalet multis, & menti nostræ præbet fundamentum distinguendi res vel formalitates, vel potius proprietates vere indistinctas? esto, reponent Hæretici, quod possit intellectus considerare ut distinctas naturam & personam: verum cum illæ realiter formaliterque identificentur, non obstante abstractione illa metaphysica, quæ nihil dicit reale præter actum formalem mentis distinguentis res vere indistinctas, illas diversimode percipientis, proindeque possint dumtaxat per mentem distingui, sed remaneant a parte rei penitus indistinctæ, non enim tollit illarum totalem veramque indistinctionem effective ille mentis actus, natura & persona nusquam vere & ut in se sunt distinguuntur. Unde ex pluralitate personalitatum necessario colligetur natura multiplex, sicuti ex unitate naturæ concluditur pro unitate vel singularitate personæ. quid ipsis respondeatur videant Thomistæ. satis est ad propositum nonnulla indicasse incommoda, quæ inevitabiliter sequi videntur ex distinctione virtuali, quæque ipsius insufficientiam valide ostendunt. quod dictum nihilominus velita Thomistis inoffensis, quibus ab his nodis se expediendi multas inesse vias non me latet.

Verum quid frustra clamitas insufficientem esse distinctionem rationis seu virtualem, opponent mihi non pauci non levis notæ; cum ipse Scotus nullam præter illam admiserit realem distinctionem, ut ex quampluribus ejus

textibus colligi potest, & revera collegerunt plures e veteribus Theologis; unde nonnullis visum est incertam esse ac dubiam hac in re mentem Doctoris Subtilis, qui in diversum sensum a quibusdam propterea trahitur, quibus ut ad rem, ut dicitur, respondeamus, quæ fuerit vere Doctoris mens in præsentī disputatione, breviter, nervose licet, ostendendum incumbit.

Doctoris Subtilis circa distinctionem formalem sententiæ appendix.

NOVUM non est nec recens inventum quibusdam placuisse Doctorem Subtilem non aliam distinctionis formalis nomine intellexisse in rei veritate distinctionem præter eam, quæ est per intellectum ac rationem, quam differentiam virtualem vocavit. multi enim jam anni sunt & longa ætas, ex quo referente Gregorio Ariminensi celebri ex Augustinianorum familia Theologo, id colligebant eruditi etiam Theologi ex verbis sequentibus Scoti in 1. dist. 2. quæst. 7. num. 43. circa finem. *Sed numquid hæc distinctio dicitur realis? Respondeo non est proprie realis actualis . . . potest autem vocari differentia rationis . . . alio modo potest vocari differentia virtualis, quia illud quod habet talem distinctionem, in se non habet rem, & rem; sed est una res habens virtualiter sive eminenter quasi duas realitates.* Hujus virtualis differentie vocabulo, quod, ut optime suspicatus est Berti, nonnullis quos memorat futurum fecit, delusi insignes Theologi, qui Scotum aut proptere legerant, aut lectum minus expendierant, ipsumque nihilominus reprehendunt, parum sibi magistrum constare existimarunt, cum ipso bene agere reputantes, si ab opinione formalis a parte rei distinctionis illum liberarent, verbaque illius ad sensum Scholæ Thomistarum interpretarentur. sic inter alios Suarez de essentia Dei agens lib. 1. cap. 10. pronunciat, sensum Scoti esse incertum. verum quomodo viri Doctrina celebres in re adeo evidenti decipi potuerint aut voluerint vix intelligitur, cum de mente ipsius nec minimus sit dubitandi locus, distinctionemque formalem ex natura rei ante quamlibet mentis operationem, quam subtiliter excogitarat, & in divinis absolute necessariam, expresse quoties sese dederit occasio ubique defendat; ipseque textus qui incautis præbuit occasionem erroris, nihil aliud sapiat quam formalem distinctionem. Hunc velut ex integro referre satis erit, cum ut totius Doctrinæ Magistri summa in præsentī proposito possit haberi. en ipsius verba num. 41.

„ Sed hic restat ulterior difficultas: non enim videtur intelligibile, quod
 „ essentia non plurificetur, & supposita sint plura, nisi aliqua distinctio ponatur inter rationem essentiae, & rationem suppositi: & ideo ad salvandum istam impossibilitatem prædictam, oportet videre de illa distinctione. & dico sine assertionem & præjudicio sententiæ melioris, quod ratio qua formaliter suppositum est incommunicabile, & ratio essentiae, ut essentia, habent aliquam distinctionem præcedentem omnem actum intellectus creati & increati. & probō sic. primum suppositum habet realiter unitatem communicabilem, alioquin non posset eam communicare: habet
 „ bet

„bet etiam realiter entitatem incommunicabilem, alioquin non esset positive & in entitate reali suppositum. & intelligo sic realiter, quod nullo modo per actum intellectus considerantis, imo quod talis entitas esset ibi, si nullus intellectus consideraret: & sic esse ibi, si nullus intellectus consideraret, dico esse ante omnem actum intellectus. “ Quid quæso manifestius desiderari posset ut ostendatur hujusmodi distinctionem, quam supponit esse essentiam divinam inter & Personas Divinas, omnimode esse ab intellectu independentem? quid dubii, quid incerti in illis Scoti verbis, quæcumque adhibita interpretatione, potest reperiri? quæ sequuntur Num. 43. & sequ. perscrutemur.

„Secundo oportet videre qualis sit ista differentia, quæ ponitur præcedere omnem actum intellectus ex his concluditur aliqua differentia ante actum intellectus sed numquid hæc distinctio dicetur realis? Respondeo, non est proprie realis actualis intelligendo, sicut communiter dicitur realis actualis illa, quæ est differentia rerum & in actu, quia in una Persona non est aliqua differentia rerum propter simplicitatem divinam; & sicut non est realis actualis, ita non est realis potentialis, quia nihil est ibi in potentia, quod non est in actu. potest autem vocari differentia rationis, sicut dicit Doctor quidam, non quod ratio accipitur pro differentia formata ab intellectu, sed ut ratio accipitur pro quidditate rei, secundum quod quidditas est objectum intellectus; vel alio modo potest vocari differentia virtualis, quia illud quod habet talem distinctionem in se non habet rem & rem, sed est una res habens virtualiter, sive emittenter quasi duas realitates, quia utrique realitati, ut est in illa re, competit illud proprium quod inest tali realitati, ac si ipsa esset res distincta: ita enim hæc realitas distinguit, & illa non distinguit, sicut si ista esset una res, & illa alia. “ Ubi advertendum de proprio hujusce distinctionis nomine non multum curare Scotum modo res ipsa concedatur: sicque se gerebat Doctor æconomis causa. Cum enim ipsius tempore, ut non frustra notavit Poncius in hunc locum, per distinctionem realem actualem intelligeretur differentia actualis rerum, quam habent res quæ distinguuntur realiter distinctione reali stricta seu majori, ab illa denominatione distinctionis realis actualis voluit abstinere, modo distinctionem quam admittendam volebat, concederent antecedere quæcumque operationem intellectus: ita ut realitas essentia quæ est communicabilis, non esset formaliter realitas suppositi quod est incommunicabile, & una non includeretur in alia, nec ista esset quid idem in ratione sua formali cum illa; ex quo ante actum intellectus erat inter utramque vera non identitas formalis, ut loquitur. Hanc vero præcisè mentem Doctoris Subtilis fuisse, quæ mox exposita est, denotant, vel magis demonstrant sequentia.

„Numquid igitur debet concedi aliqua distinctio? Breviter igitur dico, omittendo illa verba de distinctione rationis & de distinctione virtuali, non quia sint male dicta, sed quia non oportet eis uti, dico quod in essentia divina ante actum intellectus est entitas A, & est entitas B, „ & hæc

„ & hæc non est formaliter illa, ita quod intellectus paternus considerans
 „ A & considerans B, habet ex natura rei unde illa compositio sit vera,
 „ A non est formaliter B, non autem præcise ex aliquo actu intellectus cir-
 „ ca A & B. . . . illa autem distinctio, sive non formalis identitas, quæ
 „ probata est prius per duas vel tres rationes potest etiam probari per duas
 „ vel tres auctoritates Augustini. . . intelligit ergo Augustinus, quod sicut
 „ Pater non eo quo est Pater, est Sapientia & Essentia, ita non eodem est
 „ Pater & Deus. . . est igitur secundum ipsum talis non identitas relationis
 „ ad absolutum in divinis. “ His omnibus probat Scotus dari talem ex na-
 „ tura rei distinctionem, quam ipse ad tollendam quamlibet equivocationem,
 „ vocat non identitatem formalem, & quæ jam communiter vocatur in Scho-
 „ lis distinctio formalis, ab omni intellectu operatione prorsus independens. &
 „ his non sunt dissimilia quæ habet in quæstionibus quod libetalibus, quæst. 5.
 „ sic loquens, contra affirmantes Spirationem & Paternitatem solum per ratio-
 „ nem differre, quasi id sufficeret ut una de altera non prædicetur? “ aliter
 „ dicit alius, & rationabilius ut videtur, & ad propositum, quod proprietä-
 „ tes in eadem persona differunt ex natura rei præter considerationem intel-
 „ lectus quia ad hoc sufficit disparatio, licet non sint oppositæ, & propter
 „ hoc prædicatio unius de alia in abstracto non est vera. “ ubique, ut vi-
 „ detur; distinctionem veram ante quæcumque mentis operationem defendit
 „ constanter Scotus, & aded, ut mirum sit quod alicui ipsum legenti & ex-
 „ pendent dubius & incertus esse potuerit. Si quoddam nihilominus remane-
 „ ret dubium, legatur quæstio quarta dist. 8. lib. 1. in qua investigat utrum de-
 „ ur in Deo distinctio perfectionum essentialium aliquo modo præcedens om-
 „ nem actum intellectus; & quæstioni propositæ respondens dicit, quod inter
 „ perfectiones essentielles non est tantum differentia rationis, hoc est diverso-
 „ rum modorum concipiendi idem objectum formale, sed ibi est distinctio
 „ præcedens intellectum omnimodo. ostenditque hanc non identitatem forma-
 „ lem perfectionum stare cum simplicitate Dei, & ex illa nullam poni com-
 „ positionem in persona. similiter istam distinctionem formalem ponit inter
 „ duas proprietates in patre, innascibilitatem scilicet & paternitatem, quæ se-
 „ cundum Augustinum 5. de Trinit. cap. 6. non sunt eadem proprietates, quia
 „ non est eo Pater, quo inginitus.

Definar ergo Suarez, definant & alii ipsius fortasse auctoritate decepti,
 anxius circa distinctionem formalem dicere Scotum, qui ipsius autor illam
 constanter tenuit, varia licet interdum denominatione. Nec putent verba il-
 lius ad meliorem trahi sensum, dum contrariam sententiam illi assignant,
 a qua fuisse illum omnimode alienum, & si ejus scripta tacerent, innum-
 meri ipsius discipuli testantur. gratis igitur & in cassum defudat ab hac opi-
 nione Scotum liberare desiderans Vasquez, cui per ejusdem scholam num-
 quam licebit. adversus formalem Scotticam distinctionem, & adversus eos
 qui illam optime capientes, in explicandis quampluribus fidei nostræ capi-
 tibus eam absolute necessariam prædicant, infulse vociferentur, quibus mor-
 ris est ea quæ non intelligunt cavillari, parvi refert. Donec argumenta quæ

cam

eam impugnent invincibilia attulerint, nos in nostra fundatissima permanere sententia non improbeant.

Q U Æ S T I O S E C U N D A .

Quid erraverint Anomai, Gilbertus Porretanus aliique circa distinctionem, qua reperitur essentiam divinam inter & attributa.

N ULLAM omnino inter divina attributa agnovere distinctionem quarto Ecclesie sæculo Anomæi seu Eunomiani, sic dicti, ut refert Augustinus lib. de Hæres. ab Eunomio Aetii discipulo: exinde facilius existimantes Ariannam hæresim, qua infecti erant, obtegere vel tueri. Ex eo enim quod velent cuncta quæ de Deo dicuntur, secundum substantiam dici, & ingenitum seu ingenerationem esse ipsammet Dei substantiam affirmarent, inde facile concludebant Filium non esse Deum, sic arguendo. Quidquid est in Deo, Deus est, ob summam Divinitatis simplicitatem, sed essentia divina est ingenta: Deus enim & ingenitus idem præcise sonant: ergo Filius Dei cum ingenitus non sit, Deus esse nequit. quæcumque sunt in Deo, nomine tenus solummodo discrepare fabulabantur, seque plene Deum nosse delirabant, non perfecte minus quam se ipsum agnoscit Deus, cum ad perfectam illius cognitionem satis sit, ipsum optime nosse ingenitum, de cuius ingeniti plenitudine non superbe minus quam insane gloriabantur. Ipsorum doctrinam ridiculam simul & absurdam pronunciat S. Basilius lib. 2. contra Eunomium, ostendens varia Deitatis attributa non idem significare, sed diversas esse Dei perfectiones. *Quomodo igitur ridiculum non est dicere, vel quonam igitur pacto non deridendus eris, inquit Basilius, si creandi virtutem substantiam esse dicat, si providentiam rursus substantiam, eodem modo præscientiam, & omnem item operationem substantiam pulet? qua cuncta si ad unum tendunt significatum, necesse est ut inter se idem valeant, sicut sit in iis, qui multis nominibus appellantur, sicut cum Simonem & Petrum & Cepham eundem dicimus. quare si quis audit inalterabilem esse Deum, ad ingenitum cogitationem subducat; & qui audit invisibilem, ad creandi virtutem deferetur; qua confusione quid umquam absurdius fiet, quam si cum propriam cujuscumque nominis potestatem abstuleris, contra communem consuetudinem & doctrinam spiritus leges ponas? Nonne cum de Deo audiamus, quod in sapientia omnia fecit, conditricem tunc ejus artem docemur? cum autem, quod aperit manum ejus & implet omne animal benedictione, providentiam ejus que per omnia transit? cum vero quod posuit tenebras latibulum suum, invisibilis ejus natura admonemur? cum rursus e persona ipsius Dei dicitur, ego sum & alteratus non sum, identitatem æternam, incommutabilitatemque divine substantie discimus? quomodo igitur non fuerit manifesta insania, si dicas proprium unicuique nominis significatum non subesse? Eunomii cum suis hanc doctrinam colligitur etiam ex Sædo Gregorio Nysseno lib. 12. vel orat. 12. contra Eunomium, ostendente ex Scriptura Sacra multorum variorumque nominum, quibus natura divina vocatur, non esse omnium uniformem significationem.*

O

Gula.

Gualterum quemdam refert Augustinus Niphus lib. 12. *Metaphys. disp. 13.* attributa a se invicem & ab essentia divina distinctione reali majori distinguuntur, illæsa nihilominus Dei simplicitate, cum nihil in ipso sit ad modum partium respectu totius, nec una perfectio aut proprietas habeat rationem actus vel potentia, quod requireretur ex ipso, ut vera in Deo esset compositio. Hunc Gualterum Vasquez confutat abunde in primam partem Divi Thomæ, *disp. 226.* cujus mentem si altius fuisset perferutatus, non insinuasset Scoti opinionem de formali distinctione non omnem excludere compositionem in Deo, ac proinde ex hac parte Gualterum sapere. verum ex eo minus culpandus Vasquez, quod licet mira doctrina pollens, mentem Doctoris Subtilis, ejusque formalem distinctionem non bene intellexisse, ex multis quæ de ea habet evidenter convincitur.

Gualterii istius errori similem sententiam amplexi sunt Græci quidam recentiores, a Gregorio Palama Thessalonicensium Episcopo ipsorum Corypheo dicti Palamita, distinguentes realiter inter substantiam Dei ejusque operationem; ipsas quoque illius operationes, sive transeuntes, ut sunt actus ram voluntatis, quam intellectus, sive immanentes, ut sunt ex ipsis, iustitia, sapientia, bonitas, aliasque attributa, distinguunt realiter a potentia arbitantes sæculo decimo quarto quasi desinente. de his Petavius, de illorum ortu & progressu differens, Tom. 1. Theol. Dogm. lib. 1.

Ab Euomianorum errore non tatis recessisse videntur Nominales, omnem penitus distinctionem intrinsecam inter attributa divina & essentiam rejicientes, omnesque divinas perfectiones nihil aliud esse, quam nomina diversa, unam eandemque rem simplicissimam enunciantia existimantes; etsi, addunt nonnulli, ratione effectus, seu penes diversa connotata. possint considerari ut distincta. Huic sectæ nomen dedere insignes quidam Theologi, inter quos cum Petro de Alliaco non immerito annumeratur Gerson, Academiæ Parisiensis quondam Cancellarius. Nominalium princeps vulgo creditur Guillelmus Ocham e Franciscana familia, Doctor Parisiensis, Doctoris Subtilis suo tempore non ignobilis auditor. Hic nihilominus cum quibusdam aliis, formalem distinctionem ad præceptoris sui mentem admittebat inter proprietates relativas ad essentiam comparatas. in illam opinionem Nominalium, quæ omnibus hodie fere Theologis est invisa, acerbius agit Petavius, dum Nominales vult ad Actii & Eunomii placita videri implicatos. ipsius iudicio hac in re non stare, sicut & in aliis quibusdam, docet prudentia. & eo magis, quod ad Nominales circa distinctionem attributorum satis accedant aliqui præsentis ævi primatum tenentes inter Theologos, quorum auctoritati debemus ab omni censura abstinere; quos aliunde a quolibet errore prorsus alienos tenent, quotquot inter eruditos infenso animo in alios absque causa abripi non noverunt.

Gilbertum Porretanum Pictavorum Episcopum duodecimo Ecclesiæ sæculo erroris insinuatam fuisse ob realem quam in divinis admittebat distinctionem, & ob id a Santo Bernardo Abbate Claravallis, doctrina & sanctitate celebri in concilio Rhemenſi vehementer impugnatum nullus ignorat. quæ

vero fuerit præcise ipsius mens distinguendo inter Deum & Divinitatem statuere satis difficile. Hunc autem catholice minus locutum fuisse, ipsiusque errorem, quem publice ejuravit, a Patribus Rhemensibus præsentente Eugenio III. qui fuerat Claravallensis Monachus, & Bernardi discipulus fuisse proscriptum, est unicuique notum. in rebus philosophicis versatissimus, a quibus ad senectam usque non cessavit Gilbertus, ac multa proinde dicere assuetus præter usitatum sui temporis morem, in publico quodam Ecclesiæ suæ confesso cum protulisset, Divinitatem non esse Deum, sed formam qua Deus est: & in quibusdam ad Boetium de Trinitate commentariis scripserat, divinam essentiam esse substantiam, qua Deus est, non quæ Deus est, a duobus ecclesiæ Pictaviensis Archidiaconis Arnaldo & Calone delatus est ad summum Pontificem Eugenium III. Gallias petentem, & erroris apud ipsum accusatus. in Synodo Parisiensi anno 1147. præsentente eodem Summo Pontifice, acta Gilberti causa, sed indecisa, ad Rhemense Concilium brevi celebrandum rejecta est. sequenti anno 1148. coram episcopis decem provinciarum præside Eugenio, suam causam iterum aggreditur Gilbertus, foriter a Sancto Bernardo, aliisque pluribus hoc in concilio impetitus ac pressus; hæque ex utraque parte vario argumentorum genere, tam ex scripturis, quam ex patribus, mature discussa, cognitave plene satis Gilberti mente, ipsius error a patribus Rhemensibus proscriptus est. Apostolicum iudicium reverenter excipiens Pictavorum Episcopus, sui que erroris damnationi consentiens, publice refutans quæ prius scripserat & affirmaverat, Archidiaconibus in gratiam receptis, cum ordinis integritate, & honoris plenitudine, ad propriam Diocesim remeavit, inquit Otho Frisingensis episcopus, hujus temporis scriptor, genere, morum integritate ac doctrina clarus, lib. 1. de gestis Friderici I. imperatoris cap. 58.

Quidquid actum est in causa Gilberti tum Parisiis, tum Rhemis, scripsere contanei authores, quibus omnimoda debetur fides, nimirum S. Bernardus serm. LXXX. in cant. Gaufridus Abbat. claravallensis monachus, qui concilio Rhemensi præfens aderat, tam in vita S. Bernardi, tum in epist. ad Cardinalem Albanensem: & Otho mox laudatus, cujus historiæ quæ deerant adjecit Radevicus Frisingensis Canonicus: quos secutus est Baronius in suis ecclesiasticis annalibus ad an. Christi 1147. & 1148. Non levis nihilominus circa Gilbertinum dogma inter doctos remanet controversia: opinantibus nonnullis distinctionem realem suam hunc Episcopum statuisse inter proprietates relativas & essentiam divinam, non vero inter absolutas, tum ad se invicem, tum ad essentiam comparatas, volentibus aliis, illum similiter distinxisse tam inter essentiam & attributa quæcumque, quam inter attributa tum absoluta tum relativa secum collata. Non pauca extant pro utrisque momenta, ex quibus litem componere magis difficile. Rationes quæ pro qualibet parte militent indicabimus, quid probabilius nobis videatur declarantes, rem absolute desinire minime confidentes.

ASSERTIO UNICA.

Est perplexa satis esset doctrina Gilberti de distinctione quam in divinis admittit, realem tamen distinctionem quam certum est ipsum admisisse inter essentiam divinam & attributa relativa, eam pariter admisisse tam inter quolibet attributa & essentiam, quam inter attributa ipsa, sive absoluta sive relativa probabilis videtur.

Perplexam fuisse doctrinam Gilberti, ob quam erroris accusatus est apud Summum Pontificem, colligitur, tam ex eo quod causa ipsius, quæ acta est in Synodo Parisiensi, mente ejus in illa non bene cognita, etsi res ventilata esset, nec quidquam satis liquidi appareret, ad Rhemense concilium proxime celebrandum delata est. cujus delationis ad numerosiores cœum alia non potuit esse causa, quam obscuritas contortæ Gilberti doctrinæ, potissimum huic synodo cum interesset ipse Summus Pontifex, cujus judicio res penitus abolveri poterat, nisi aliunde obstitisset sententia per se nodosa & intricata. Tum ex eo quod ipsum tergiversantem in concilio Rhemenſi, suumque errorem multis sanctorum Patrum testimoniiis involvere conantem, ne diverticula quæreretur per quæ effugeret, constrinxit Summus Pontifex: *Multa dicis, frater, multa, & ea quæ fortassis a nobis non intelliguntur legi facis; sed simpliciter a te cognoscere velim, anne illam summam essentiam qua tres personas proſterius unum Deum, credas esse Deum.* Gilbertum absque causa sic fuisset allocutus Eugenius, si quid ipse sentiret fuisset patribus Rhemenſibus expedite compertum. ab illius doctrinæ perplexitate expeditum desiderans concilium S. Bernardus, eundem Gilbertum sic alloquebatur, ut refert Gaufridus in epistola ad Cardinalem Episcopum Albunensem. *Quid necesse est circa hujusmodi verba diutius immorari?.. Hoc si creditis, palam dicite, aut negate.* Nec mirum perplexum fuisse Gilbertum, quem modis loquendi pro suo tempore inusitatis, hominem recenti philosophia instructum, uti solitum observavimus. & inde magis perplexam se exhibebat Gilberti recens loquendi ratio, quod modo de concretis, modo de abstractis quæſtio moveretur, juxta quoddam dialecticæ genus in rebus fidei tunc temporis minime receptum: unde fortasse factum est, quod de sua doctrina sæpius interrogatus Gilbertus, titubanter ac varie responderet, ut insinuat Otho Frisingensis.

Ipsam autem realem quam dicimus majorem distinctionem admisisse inter essentiam & personalitates seu attributa relativa est omnimode certum. cum enim postulat ab Eugenio, ut mox retulimus, anne simpliciter crederet illam summam essentiam, qua unum Deum tres personas proſtebatur, esse Deum, minus præmeditate respondit. non: inquit Otho. unde colligitur ipsum realem identitatem non agnovisse essentiam divinam inter & personalitates. unum ex ejus dogmatibus erat, ut habetur ex actis concilii Remeusis, quod *Cum Pater, Filius, & Spiritus Sanctus unum esse dicuntur, nonnisi una divinitas unum esse intelliguntur: nec converti potest, ut unus Deus, vel una substantia vel*

utitur

unum aliquid Pater & Filius & Spiritus Sanctus esse dicantur. Hinc est quod ex opposito identitatem realem inter naturam divinam & tres personas statuere diserte volentes Concilii Patres, sic loquantur in confessione fidei. *Cum de tribus personis, Patre, Filio, Spiritu Sancto loquimur, ipsas unum Deum, unam divinam substantiam fateamur esse. & e converso cum de uno Deo, unaque divina substantia loquimur, ipsum unum Deum, unam divinam substantiam esse tres personas profitemur.* & revera Gilbertum voluisse naturam divinam de tribus personis non identice prædicari, proindeque distinctionem realem intercedere, non obscure ostendunt sequentia verba quibus confessio terminatur. *Credimus, solum Deum, Patrem, Filium, & Spiritum Sanctum æternum esse, nec aliquas omnino res (sive relationes, sive proprietates, sive singularitates, vel unitates dicantur, & ejusmodi alia) a Deo esse quæ sint ab æterno, & non sint Deus.* ad quid autem accurata hæc adeo confessio ut penitus tolleretur non identica in sensu reali prædicatio, si realem distinctionem quæ alietatem importat, ut loquuntur Scholastici, in divinis a Gilberto admissam non intellexissent Patres Concilii?

Nec obstat quod dixerit Gilbertus in Synodo Parisiensi, Patrem quidem alio esse Patrem, alio Deum, nec tamen esse hoc & hoc. quid enim per hæc verba ipse intellexerit, cum ea ut a difficultatibus sibi propositis se expediret protulit, non facile dignoscitur. Relationes non esse quid idem quod sunt ipsæ personæ, sed esse numero diversas, ipsum dixisse refert Matthæus Paris ad annum 1199. quod idem testatur Gaufridus ad tertium Gilberti capitulum. Relationes, inquit, personis tribus attribuit, quæ non sunt ipsæ personæ, sed res sempiternæ, ab invicem & ab ipsa substantia differentes. quod signum est non dubium distinctionis realis majoris, id est rei a re. & eo magis quod diceret relationes in divinis esse assistentes, sive extrinsecus affixas, ut de illo narrat Sanctus Thomas 1. p. quæ. 28. art. 2. addens ipsius errorem fundari in prava notione accidentis. & Alexander Alensis 1. p. quæ. 68. memb. 9. art. 1. dicens Gilbertum ut sic sentiret, motum fuisse ex natura relationum, quæ non dicuntur esse in, sed esse ad, nec consistunt in substantia sicut qualitates & alia accidentia, sed exterius assistunt. & quod sic esse vidit in relationibus creaturarum, sic etiam posuit in relationibus divinarum personarum.

Et frustra diceretur, ut post Petavium & Vasquesium censet Tournely, Doctorem Anglicum, cui ab ipsis jungendi erant Alensis, & plures alii idem cum Divo Thoma sentientes, errore facti deceptum videri cum talia de Gilberto scriberet. Hoc enim verisimile non est, ut æque responderet Suarez: tum quia error ille, & quæ circa illum gesta fuerant, non multo tempore præcessere Alensem & Aquinatem; tum quia hæc ex Gilberti doctrina veluti necessario sequebantur: & aliunde nullum, ut oppositum sentiant Tournely & prælaudati, quibus adhæret, sufficiens suæ opinionis afferunt argumentum. ipsæ ratio quæ docebatur Gilbertus, ut distingueret inter naturam & personam divinam, sufficiens suppeditat argumentum afferendi, ipsum possuisse distinctionem realem propriam rei a re. Ratio hæc ipsi erat juxta Othonem cap.

cap. 56. Ne cum Arlo sicut personarum, ita & pluralitatem admitteret essentialium: vel secundum Sabellium, ad essentialis singularitatem, Christianæ fidei Religio pluralitatem restringeret personarum. non admissa hujusmodi distinctione inter naturam & personam ipsi videbatur necessario concludendum, sicut ergo persona Filii dicitur indeterminate incarnata & passa; ita & natura divina dicitur indeterminate incarnata & passa; ex qua absurditate inquebat, facile sensus hæreticus juxta Sabellium emergeret, ut eadem res diceretur & generans & genita, & eadem se ipsam genuisse. Cui absurditati obviari alio modo non posse censebat Gilbertus, nisi mediante distinctione, quæ realem tolleret identitatem inter essentialiam divinam & personas.

Nec alio consilio remissius cum Gilberto agere videntur illi auctores cum suis affectis, nisi ut acerbius agant cum Doctore Subtili & cunctis Scotistis; inde inferentes, quo distinctionem realem propriam seu majorem, non admittebat Gilbertus, & aliunde distinctio illa quæ fuerat ipsi occasio errandi, & tali modo ut hæresis notatus damnaletur in concilio Rhemensi, erat realis distinctio, & ab intellectus operatione independens, alia esse non poterat præter realem formalem Scoticam, distinctio illa quam propugnabat. unde Scoti doctrinam confundentes cum Gilberti sententia, eam similiter definitionibus concilii Rhemensis, & rationibus S. Bernardi confutari contendunt, sicuti cum Gilberto in eodem errore Scotus versaretur. suum intentum nihilominus ii non obtinebunt: nec cuiquam rem attente consideranti erit persuasum, quod ipsi se credere fingunt. Nam, præterquam quod in ipsos, ut pote qui distinctionem virtuales admittant, retorqueri eodem jure posset illam fuisse proscriptam in concilio Rhemensi, cum per considerationem Theologicam qua naturam a persona distinguebat, distinctionem virtuales intelligeret Gilbertus, iisdem momentis suam sententiam firmans, quibus passim utuntur hodierni virtualis distinctionis defensores, ab ipsis non dissimilis eodem modo dicens, justitiam Dei esse Deum ipsum, qui per se totum, non per justitiam justus est: & signum distinctionis quæ inesse debet inter naturam & personam, ut contra Arianos & Sabellianos fides catholica salvetur, esse prædicata contradictoria quæ suscipiunt: certum aliunde est, Scoti doctrinam ab errore Gilberti esse omnimode diversam, ut cuicumque intelligenti sit manifestum ex iis omnibus quæ exposuimus, distinctionis formalis necessitatem & naturam superius ostendentes. Etenim Gilbertus, ut ex dictis constat, tres res in Deo æternas, ab essentiali divina & ab invicem in numero differentes dicebat, quæ numeralis distinctio, cum esset individui ab individuo & realis, tollebat identitatem realem; Scotus vero tres personas esse unum re semper catholice dixit, nullo modo per distinctionem ipsius formalem ex natura rei sublata identitate rei: cum re, sublata dumtaxat identitate formali, quæ est absolute impossibilis inter duas formalitates vel perfectiones, quarum una nequit esse formaliter altera; alioquin non essent duæ, sed una dumtaxat, ut sæpius dictum est. Hinc identitatem realem non agnoscens Gilbertus, negabat harum propositionum veritatem: *Deus est sua deitas, sua justitia, sua misericordia*, quas corde pleno cum suo Magistro amplectuntur &

præ-

prædicant Scotistæ, volentes propositiones illas esse æternæ veritatis, ex eo quod ex ipsis quæcumque sunt in Deo, cum illo realiter identificantur. quod, etsi sæpe observatum, nimio plus numquam posset iterari, donec iniqua loquentium obstruantur ora, & de discrimine evidenti, quod Gilbertum inter & Scotum liquido intersedit, non amplius contendatur.

Aliud tandem fundamentum asserendi Gilbertum distinctionem proprie realem admisisse essentiam divinam inter & attributa relativa, est decretum quod tulit in concilio Rhemenfi Eugenius III. composito dissidio quod oritur erat Cardinales inter & Gallicanos præfules occasione symboli editi ab istis, distante aut disponente Sancto Bernardo, volentibus Cardinalibus ad ipsos directe spectare, & non ad alios quoscumque, novi symboli editionem, ut videre est apud Baronium post Othonem, & Gausfredum ad an. 1147. & 1148. & apud Naralem Alexandrum, in dissertationibus in historiam duodecimi sæculi. decrevit autem Summus Pontifex, *Ne aliqua ratio in Theologia inter naturam & personam divideret: neve Deus divina essentia diceretur ex sensu ablativo, tantum, sed etiam nominativo, inter naturam & personam nihilominus tenent communiter Theologi utriusque. Scholæ respectivæ, distinguendum esse vel virtualiter, vel formaliter, & ita necessario, ut non admissa una aut altera distinctione, impossibile sit se expedire ab Hæreticorum argumentis circa mysteria Sanctissimæ Trinitatis & Verbi Divini incarnationis, sicut in præcedentibus observavimus. unde necessario sequitur, vel a Theologis solito defendi quod ne defenderetur. prohibuit Eugenius, quod certe nemo concedet, & non potest supponi; vel Gilberti doctrinam, tum a Concilio, tum a Summo Pontifice fuisse intellectam in sensu distinctionis proprie realis excludentis realem identitatem. vim Apostolici decreti hujus se frangere haud dubie non advertunt, qui catholicam Gilberti doctrinam indirecte defendunt, sicut minime a concilio proscriptam, dum hanc de formali distinctione Scotistarum, non verò de proprie reali, intelligendam esse acriter defendunt. Neque enim non catholicam producent de formali distinctione sententiam nostram, quam in ecclesia non male audire, sed publice quatuor ab hinc sæculis in scholis defendi omnibus notum vel id quod occultis consiliis, abjectivæ infectionibus tentant, a perito quodam & cordato aliquando probari non sibi plaudent. Nugas garrere, ineptiasve loqui, Scotum Gilberto coincidere qui serio proferret, hodie quis inficiatur? unde non temere dixerim, unum & idem esse, velle Gilberti doctrinam proscriptam fuisse ab Eugenio & Patribus Rhemenfibus in sensu distinctionis formalis, pro ut a Scoti diebus defenditur, & velle illius doctrinam ab iisdem minime fuisse intellectam, simulque proscriptisse & damnasse patres illos quod non intellexerunt: quod non minus inconsiderate quam erronee diceretur, verum quid ultra in his immoramur, quæ ad nauseam usque iterare necessitas pro schola nostra dicendi sola coegit?*

Eandem suam realem distinctionem, a concilio Rhemenfi ut novam errorem proscriptam, Gilbertum admisisse inter essentiam divinam & quælibet attributa, nec non inter ipsa attributa secum collata, videtur probabilius. idque
de

de eo existimandi anam præbent quæ scribit sanctus Bernardus serm. 80. in cantica, ex quibus colligitur Gilbertum propugnasse, Divinitatem, Deique proprietates, tum absolutas, tum relativas, Deum non esse, sed Divinitatem esse formam, qua Deus est; magnitudinem, qua magnus; Bonitatem, qua Bonus; Paternitatem, qua Pater. *Recedant a nobis charissimi, inquit, recedant novelli, non Dialectici, sed Hæretici, qui magnitudinem qua magnus est Deus, & bonitatem qua bonus, sed & Sapientiam qua sapiens, & iustitiam qua iustus, potestremo divinitatem qua Deus, Deum non esse impiissime disputant. Divinitate, inquit, Deus est, sed divinitas non est Deus. forsitan non dignatur Deus esse, qua tanta est ut faciat Deum. sed si Deus non est, quid est? ... jam de magnitudine, bonitate, sapientia, iustitiaque; idem per omnia quod de divinitate sentimus: unum in Deo sunt & cum Deo: nec enim aliunde bonus, quam unde magnus; nec aliunde iustus & sapiens, quam unde magnus & bonus; nec aliunde simul hæc omnia est, quam unde Deus: & hæc quoque non nisi se ipso.* quæ Bernardi verba de Dei essentia ejusque attributis præsertim absolutis mentionem faciunt, & ex iis directe concluditur Gilbertum distinxisse inter Deum & ejus essentiam, & omnia attributa etiam absoluta: unde si ut ostendimus, distinctionem realem proprie dictam admittebat inter divinam essentiam & attributa relativa, ipsum eandem admisisse etiam quantum ad attributa absoluta tam comparate ad essentiam, quam ad invicem collata non improbabiler iudicaretur.

Hocque judicium confirmatur ex eodem Bernardo addente, Eugenio III. & Rhemenfis concilii Patribus, perversam visam esse, & omnino suspectam expositionem illam verborum Boetii in libro de Trinitate: *Pater est veritas, id est verus. Filius est veritas, id est verus. Spiritus Sanctus est veritas, id est verus. & hi tres simul non tres veritates, sed una veritas, id est unus verus. O obscuram perversamque explanationem!* exclamat eo loci Abbas Claravallensis. *Quam verius sanisque per contrarium ita dixisset: Pater est verus, id est veritas; Filius est verus, id est veritas; Spiritus Sanctus est verus, id est veritas. Et hi tres unus verus, id est una veritas. quod quidem fecisset, si Sanctum designaretur Fulgentium imitari.*

Idem de Gilberto sentire nos monent quæ refert Gaufridus Claravallensis scribens ad Cardinalem Albanensem: in qua Epistola testatur, in Concilio Rhemenfi Capitulum istud ex libro Gilberti Porretani fuisse prolatum. Cum dicitur Deus, pertinet ad substantiam, non qua est, sed quæ est. quod dum alii atque alii clamantes Autorem arguerent, & adversus eum adhuc tergiversantem non immerito causarentur, Sanctus Bernardus ad Episcopum ait, quid necesse est circa hujusmodi verba diutius immorari? Non aliunde procedit scandali hujus origo, nisi quod plures credere vos credunt & docere, quod divina essentia vel natura, divinitas ejus, sapientia, bonitas, magnitudo, non est Deus, sed est forma, qua est Deus. Hoc si creditis, palam dicite, aut negate. Ausus est dicere: forma Dei & Divinitas, qua Deus est, ipse non est Deus. quibus auditis ex Gaufrido nullus videtur remanere ambigendi locus.

Præterea judicii istius triplex extat argumentum: Primum, ex eo quod verbis istiusmodi distinctionem experimentibus utebatur Gilbertus. Secundum, quod

quod omnes adversariorum ejus rationes & argumenta eo tendebant, ut distinctionem vere realem proprie dictam everterent. Tertium, quod propter illam damnatus fuerit ab Eugenio, ut supra retulimus. Nec ullum discrimen admisisse videtur, cum diversimode non loquantur, etsi de diversis attributis mentio fiat, tum Bernardus, tum Gaufridus, tum ipse Gilbertus; quod signum est minime dubium, ipsum de quibuslibet attributis tum absolutis tum relativis, sive ad essentiam comparentur, sive sint ad invicem collata, idem promiscue sentisse.

Verum ut dicam quod mihi res esse videtur, si de illa judicium ferre datur concessa: quid præcise intellexerit Gilbertus, quoque tenderet distinctio quam admittebat inter Deum & Divinitatem, inter Deum & magnitudinem, sapientiam, bonitatem, &c. statuere multum difficile, ex eo quod intricata esset, ut diximus, ipsius doctrina, sibi que constans parum ipse esset, ut colligitur ex actis Synodi Parisiensis & Concilii Rhemensis, & aliunde de rebus mere metaphysicis, sed ad fidem proxime pertinentibus certabatur. certum est Gilbertum varias vocum novitates, de Divinitate differentem introduxisse, ex quibus, velut oppositionibus falsi nominis scientiæ, ut ait Apostolus, (1. Tim. Cap. 6.) scandalum sumpserit, qui ipsum audiebant, circa fidem hunc excidisse non immerito existimantes: quapropter ut catholice minus loquens erroris jure damnatus est; ipseque *singulis capitulis* sibi objectis libere renuntiavit, hæc eadem verba locutus coram patribus, de iis quæ dixerat interrogatus: *si vos aliter creditis, & ego. Si aliter dicitis, & ego. Si aliter scribitis, & ego.* ut testatur Gaufridus. Contraria & secum pugnantia eodem tempore proferebat Gilbertus, ut constant ex istis Bernardi verbis ferm. 80. in cant. *Sed dicit hæreticus, Deum divinitate esse dicis? Non: sed eandem divinitatem qua est, Deum nihilominus assero, ne Deo excellentius aliquid esse asferantur.* compositionem in Deo ac multipliciter sonabant, quæ ipse scripserat: aut locutus fuerat. quod ita verum est ut de eo loquens Abbas Claravallensis lib. 5. de consider. cap. 7. asserat Gilbertum admisisse in Deo quaternitatem, eo quod præter tres distinctas personas, etiam Divinitatem a Deo ausus sit distinguere. quod quartum jure respuebat Bernardus, ostendens multa ea quæ dicuntur esse in Deo, esse multa unum, ne si diversa putentur, nedum quaternitas habeatur, sed centeneitas. & rursus quod nisi omnia unum in Deo, & cum Deo considerentur, multiplex Deus habebitur. quod cum referat Sanctus Doctor relative ad Gilberti doctrinam quam consultaverat, ejusdem doctrinæ sensus, Gilbertique intentum, ab illo plene deteguntur, etsi aliunde perplexa essent & intricata quæ loquebatur.

Hujusmodi compositionem in Deo importare Gilberti doctrinam ostendit argumentum quo illum premebat S. Bernardus, quoque refertur ab eodem in jam laudato sermone in cantica, his verbis. *Divinitate, inquit, Deus est, sed divinitas non est Deus. forsitan non dignatur Deus esse, quæ tanta est ut faciat Deum. sed si Deus non est, quid est? aut enim Deus est, aut aliquid quod non est Deus, aut nihil. Equidem non das Deum esse. sed ne nihilum quidem, ut opinor, dabis, quom usque adeo necessariam Deo esse fateris, ut non modo*

*absque ea Deus esse non possit, sed ea sit. quod si aliquid est quod non est Deus, aut minor erit Deo, aut major, aut par. At quomodo minor, quia Deus est? Restat ut aut majorem fatearis, aut parem. sed si major, ipsa est summum bonum, non Deus. si par, duo sunt summa bona, non unum: quod utrumque catholicus refugit sensus. jam de magnitudine, bonitate, sapientia, justitiaque, idem per omnia quod de divinitate sentimus, &c. Quid huic Bernardi argumentationi responderet Gilbertus, nos latet. quid vero responsurus esset si compositionem & multipliciter in Deo non importasset ipsius sententia, facile intelligit quisquis, omnia quæ in Deo sunt, cum ipso & inter se realiter, etsi non formaliter, identificari sentit cum Scotistis, adversus quos nihil habet virum Abbatis Claravallensis ratiocinium Gilbertum non strictim urgens. Huic Bernardi argumentationi similis est ea qua Gilbertum lib. 5. de consider. cap. 7. premit hæc habens: *Quid est Deus? quo nihil melius cogitari potest. si approbas, non oportet assentiaris esse aliquid quo Deus sit, & quod Deus non sit. Hoc enim sine dubio melius. Quomodo non melius Deo, si Deus non est, quod dat Deo ut sit? Verum in causa Gilberti Porretani hæc dicta sufficiant.**

QUÆSTIO TERTIA.

In quo præcise differens de distinctione qua in divinis reperitur, tum secundum Thomistas, tum juxta Scotistas, sit reponenda.

QUam non attingere initio Sectionis animo proposueram ob rei difficultatem, accuratius tamen perpendere quæstionem aggredior intricatam, magis utriusque partis hinc & inde concertantium controversiis, quam propria sui ipsius natura. Arduum sane quid, & fortasse plus quam præstare valeam, sulcipio, ab iis qui rem a radicibus non rimantur certissime ridendus, vel eo solum quod de insita quatuor ab hinc sæculis fere omnium menti opinione, quos delectat concedere veris, detrudere præsumam: Thomistas & Scotistas, ab invicem in hac parte disjunctissimos, si succederet, conciliaturos. ut ut sit, negata via tentabo iter.

Implacabile illud utriusque Scholæ de distinctione tum formali tum virtuali seu rationis dissidium, cujus causa tot tantaque edita sunt hinc inde volumina, verborum dumtaxat esse, inter eruditissimos non defunt qui suspicari fuerint. idne jure vel immerito ipsis videatur, in medio non relinquamus. in eo præcise fundatur discrimen utriusque sententiæ, Scotistarum videlicet & Thomistarum, quod velint Scotistæ, distinctionem, quam dicunt formalem, esse a parte rei, unde realis denominatur, & ante mentis operationem, ac independentem ab illa; velint ex opposito Thomistæ, distinctionem suam virtutalem & rationis, esse dependentem ab operatione intellectus, sed in quantum illa intellectus operatio, ipsaque distinctio habent fundamentum in re, ideoque vocatur distinctio rationis ratiocinantiæ, sic differens a distinctione rationis ratiocinantis, carente tali fundamento in re. verum quod illi dicunt reale a parte rei, nonne idem præcise est quod ab istis dicitur

citur fundamentum in re? Ideo a Scotistis dicitur realis a parte rei, quia præcedit operationem intellectus, estque ab illa independens. fundamentum autem in re quo nitiur distinctio rationis ratiocinatæ, quæque alio modo dicitur distinctio virtualis fundamentalis, est pariter independens ab operatione intellectus illamque præcedit. actus mentis distinguens, vel res ut distinctas considerantis, nitiur illo fundamento quod est in re, quodve illi suppeditat rationem distinguendi: debet igitur fundamentum illud præcedere mentis actum, & ab illo esse independens. quod ultimum si a Thomistis concederetur, jam manifestum esset utriusque Scholæ dissidium penes verba dumtaxat esse, & utramque distinctionem, formalem nempe & virtualem seu rationis ratiocinatæ, eodem jure realem vocari posse, cum utraque sit a parte rei.

Caput illud, ex quo totius difficultatis solutio pendet, diligentius enodemus oportet, idque ex ipsis Thomistarum principiis, quibus attente perspectis, se eadem loqui cum Scotistis, verbis licet specie tenus oppositis, velint, nolint, advertant. & revera, si juxta Doctorem Angelicum & majorem Thomistarum numerum, rationes illæ objectivæ, quæ sunt intellectui nostro causa distinguendi in Deo, diversasque conceptiones de illo formandi (quas rationes objectivas veterum Thomistarum ad faciliorem intelligentiam Scotus vocavit formalitates) sunt in ipso Deo ex cujus parte se tenent, & in ipso sunt priusquam a mente nostra formentur variæ illæ conceptiones, quid illis deest ut non possint dici reales, ipsaque distinctio in illis fundata non vocetur realis seu a parte rei, eodem modo, eodemque sensu quo formalis Scotica distinctio est realis seu ex natura rei? Hujusmodi autem esse rationes illas objectivas ostendunt ipsa verba Divi Thomæ sic loquentis in 1^o sent. dist. 2. quæst. 1. art. 3. expendens an diversitas rationum, quas intellectus noster format de Deo diversa attributa illi attribuens, diversasve perfectiones, sit tantum ex parte intellectus nostri, an etiam ex parte Dei, respondet pluralitatem illam contingere, non solum ex parte nostra, sed etiam ex parte Dei. *Et sic patet*, inquit, *quod pluralitas istorum nominum, non tantum ex parte est intellectus nostri formantis diversas conceptiones de Deo, quæ dicuntur diversæ rationes, sed etiam ex parte ipsius Dei, in quantum scilicet est aliquid in Deo correspondens omnibus istis conceptibus, scilicet plena & omnimoda ipsius perfectio, secundum quam contingit, quod quolibet nomen significantium istas conceptiones de Deo, vere & proprie dicitur; non autem ita quod aliqua diversitas, vel multiplicitas ponatur in re, quæ Deus est, ratione istorum attributorum.* Quid intelligit velim, Angelicus, dum dicit quod pluralitas nominum ex quibus diversæ conceptiones seu diversæ rationes, se tenet ex parte ipsius Dei, in quo lumina ejus perfectio est id quod correspondet iis rationibus, quæ vere & proprie de illo dicuntur? Nonne iis verbis directe significatur, quod independentem a mente nostra, & ante ipsius operationem, est vere & proprie aliquid in Deo in quo fundatur pluralitas conceptuum, qui conceptus exprimentur seu manifestantur per varia nomina divinas perfectiones designantia; quæ perfectiones & attributa sunt necessario ex plenitu-

nitudine omnimodæ ejus perfectionis, quæ in Deo non potest non esse, cum de ratione primaria entis a se quod est Deus, sit esse summe perfectum; quæ summa perfectio, non in quantum est merum nomen, aut pro ut a mente nostra concipitur, sed ut realiter ac proprie complectitur omnia attributa, non virtute aut potentia, sed actualiter & vere, est illud quod correspondet variis nostris conceptibus, ratione cujus illa nomina manifestantia nostros conceptus, & quodlibet attributum sigillatim significantia, dicuntur, non ex nostro intelligendi modo, sed vere & proprie dicuntur de Deo, ex eo quod illas omnes perfectiones, nedum eminenter ac in globo possidet Deus, sed actu & singillatim independentem a nostræ mentis operatione, hæc omnia & plura attributa in Deo concipientis, illaque de eo prædicantis, ipsa plura vere & realiter actu in Deo sunt. Nonne præcise sonant verba laudata ex Divo Thoma?

Ne autem ex realitate fundamenti ex quo diversitas conceptuum, quod esse intrinsecum Deo, & independentem a modo nostro intelligendi, ostendunt ipsius verba, inferret aliquis distinctionem realem in sensu Gilberti, quæ sola tunc temporis vocabatur distinctio realis, quasi in Deo admitteret Angelicus aliud & aliud, ex quo poneretur in ipso multiplicitas, vel diversitas compositionem indicans, expresse subjungit; *non autem ita quod ratione istorum attributorum ponatur in re quæ Deus est aliqua diversitas vel multiplicitas*: si vero non aliam inter attributa supponeret Divus Thomas distinctionem, quam illam quæ est penes intellectum, ut quid ipsi erat timeandum quod ex illa compositionem in Deo aliquis concluderet? Hanc objectionem quæ supponit aliquid independentem ab operatione mentis, & existens a parte rei, antevergens Doctor Angelicus, implicite significat divina attributa esse in Deo distincta inter se plus quam per nostrum concipiendi modum, imo actum mentis inter ea distinguuntur, fundari in ipsa distinctione attributorum ab invicem; quæ licet realiter identificentur, non tamen sunt in se formaliter unum & idem. eandem sibi proposuerat difficultatem Doctor Subtilis, ut alias vidimus, hancque solverat, ostendens ex variis formalitatibus quas admittebat in Deo, & ex distinctione a parte rei quam inter eas statuebat, minime in ipso sequi compositionem, unde non immerito colligi posset, eundem esse in rei veritate utriusque Doctoris sensum, cum eandem patiatur difficultatem utriusque respective sententia.

Nec movere debet quod nonnulli Thomistæ velint suum Angelicum præceptorem, dum verba ex ipso relata scribebat, non aliam intellexisse multipliciter diversitatem attributorum in Deo, præter eam quæ est a mente nostra inter illa ratione distinguente, ita ut nihil sit in Deo præter illam omnimodam perfectionem, per quam essentia Divina, quæ est una & simplex, pluribus tamen æquivalet, legitimumque præbet intellectui nostro, qui ex imbecillitate sua, vel deficientia non valet uno conceptu intelligere Deum ob ipsius Eminentiam, & perfectionis plenitudinem, fundamentum distinguendi. Id, inquam, movere non debet, tum quia non habet ullum verbum Divus Thomas de illa æquivalentia unius rei simplicis ad plu-

plures ; tum ex eo quod nullibi docet multitudinem , vel pluralitatem attributorum in Deo se tenere ex parte intellectus , ita ut unum sit in Deo attributum , quod multiplex dumtaxat fiat per operationem mentis illud considerantis eodem modo ac si vere multiplex esset . Dicit S. Doctor , esse aliquid in Deo correspondens omnibus istis conceptibus , summam scilicet ejus perfectionem , quæ verba idem sonant ac complexionem cunctarum perfectionum , quas cum limitata mens nostra unico actu capere nequeat , distributive inspicere oportet perfectiones illas , quæ vere & proprie de Deo dicuntur , quia vere & proprie in ipso sunt , quas collectivè non intelligit . Et hinc repetitur juxta Angelicam realitatem fundamenti , propter quod intellectus noster , non ex arbitrio & ad placitum , sed ex ratione vera , se tenente ex parte objecti , scilicet ex pluralitate perfectionum seu attributorum , vere & legitime illas distinguit , aut ut vere distinctas illas considerat : si Deum comprehenderet humana mens , omnia quæ in illo sunt unico actu intelligeret ac videret idve non ob indistinctionem eorum quæ intelligeret , sed quia omnia illo unico actu mente comprehendente , non esset secundo actui locus ; cum nihil ex supposito remaneret circa quod versaretur ; tuncque omnia unico nomine exprimeret juxta illius rationis unitatem , ut fiet in patria , secundum illud Zachariæ : *In illa die erit Dominus unus , & nomen ejus unum* . Verumtamen , inquit Angelicus Doctor , si intellectus videns Deum , per essentiam imponeret nomen rei quam videret , & nominaret mediante conceptione quam de ea habet , oporteret adhuc quod imponeret plura nomina , juxta diversas conceptiones quas de re visa formaret , cum illud nomen unum non significaret bonitatem tantum , nec sapientiam tantum , aut aliquid hujusmodi , sed significata omnium istorum includeret . & id provenit ex eo quod conceptio intellectus creati non potest repræsentare totam perfectionem divinæ essentiz : unde Angeli laudant Deum , ut dicit Chrysostomus , quidam ut Majestatem , quidam ut bonitatem , & sic de aliis , quia ipsum non vident visione comprehendente . pluralitas igitur nominum correspondentium diversis conceptionibus quas de Deo format mens creata , venit ex hoc quod ipse Deus illam excedat propter plenitudinem perfectionis suæ . & ob hanc perfectionis plenitudinem vel eminentiam diversis nominibus significanda essent ea quæ in se complexitur . ast quare hæc forent diversis nominibus significanda , nisi quia de significatis distinctæ formarentur conceptiones ? Et cur distinctæ formarentur significatorum conceptiones , nisi quia ante mentis ea concipientis actum distincta essent harum conceptionum objecta , quæ sunt totidem rationes fundantes distinctionem : quæ enim sunt formaliter indistincta seu formaliter unum , unico significantur nomine , quia unica eorum formatur conceptio . & illæ rationes fundantes illam distinctionem circa quam exercetur mentis actus , se tenent ex parte Dei , qui est illa res , non multiplex , sed una , in quo est aliquid , nempe plena ejus perfectio , respondens pluralitati istorum rationum , ob quas distinctæ omnes illæ conceptiones , huic rei scilicet Deo aptantur , ut loquitur Sanctus Thomas . Eminentia igitur perfectionis divinæ fit quod omnes omnino perfectiones in gradu eminentiori

ri contineat essentia divina; sed ex ea non fit quod una perfectio non sit alia, illæve inter se & ab essentia distinguantur, sed illud oritur ex natura ipsorum attributorum, quæ licet realiter invicem identificentur, non sunt tamen secundum propriissimam uniuscujusque formam unum quid & idem; ex quo de illis variæ & distinctæ cum legitimo fundamento formantur conceptiones, quarum objecta & rationes sunt in ipso Deo ex cujus parte se tenent, ut sæpe dixit Sanctus Doctor, & hæc vera ipsius doctrina.

Hanc autem ne quis dicat nos non fuisse assecutos, plus realitatis tribuendo hujusmodi fundamento aniam præbenti rationi has varias perfectiones distinguendi, quam Doctor Angelicus illi tribuat, ipse est adhuc audiendus, mensque ipsius plenius est aperienda. sic loquitur in 1. Sent. dist. 2. quæst. 1. art. 2. in corpore. *Dicendum est, quod in Deo est sapientia, bonitas, & iustitia, quorum quodlibet est ipsa divina essentia, & ita omnia sunt unum, & quia unumquodque eorum est in Deo secundum sui verissimam rationem, & ratio sapientie, non est bonitatis in quantum hujusmodi, relinquuntur, quod sunt diversæ ratione, non tantum ex parte ipsius ratiocinantis, sed ex proprietate ipsius rei.* Quibus verbis similia prorsus sunt ea quæ habet variis in locis, pro ut ab ipsis Thomistis referuntur, inter quos Petrus de Godoy Magister Salmanticensis ex ordine Prædicatorum, Oxomensis quondam Episcopus, tract. 1. disput. 5. parag. 6. *Dicendum, inquit Angelicus Doctor, quod differunt nomina attributorum secundum rationem, non tamen quæ sit solum in ratiocinante, sed quæ faciat in ipsa re secundum veritatem & proprietatem rei.* Duo habemus in laudatis Angelici verbis, & pluralitatem attributorum, quorum unum quodque distributive est in Deo secundum sui verissimam rationem: & eorundem diversitatem, cum ratio unius non sit ratio alterius; quæ rationum diversitas non est factus mentis nostræ tantum, pro tempore quo circa ea ut diversa sunt occupatur, sed est etiam juxta proprietatem ipsius rei, Dei scilicet cujus sunt attributa. sic fundamentum distinctionis ex ipso Doctore, se tenet ex parte objecti, & in illo est vere & proprie, & non proficiscitur illud fundamentum ex operatione nostri intellectus de illo cogitantis, quin potius, si accurate perpendatur modus loquendi S. Thomæ, actus mentis distinguentis nititur illo fundamento, non ut per mentem supponitur, sed eo modo quo invenitur ab ea, illique representatur tale objectum, in se vere & realiter continens quam plura attributa, quorum rationes cum sint diversæ, ut jam dictum est, sunt veræ signum distinctionis, & ut revera distinctæ menti representantur.

Ad mentem Doctoris Angelici ipsiusque intemum si attendamus, ipsum voluisse fundamentum distinctionis rationis ratiocinatæ esse reale quid ex parte objecti, ab actu mentis penitus independens, hancque distinctionem ab eo dictam esse rationis per exclusionem distinctionis realis quam admisit Gilbertus Porretanus, facile erit compertum. Cum Gilberti distinctione non remanente salva summa Dei simplicitate, ne cum illo videretur sentire S. Thomas distinctionem admittens, quæ pluralitatem seu separabilitatem, proindeque veram compositionem in Deo importaret, distinctionem quam non pote-

poterat non intueri inter essentiam & attributa, sicut & inter attributa secum collata, voluit esse secundum rationem, in quantum hæc stat cum unitate reali seu identitate, quam tollebat Gilbertina distinctio. ne autem aliquis existimaret illam distinctionem rationis esse præcise opus mentis, nihilque habere realitatis aliud præter modum intelligendi, actumve intellectus transitorium, docet hanc mentis operationem vere fundari in ipsa re; quod fundamentum, ut nemo non videt, est quid reale præcedens mentis actum, & ab eo independens; quod satis est ut distinctio illa rationis vere & indubitanter dicatur realis, & sit. illud utrumque declarant ista verba ex eodem loco ubi supra. *Ad primum ergo dicendum, quod pluralitas attributorum in nullo præjudicat summæ unitati, quia ea quæ in aliis sunt ut plura, in eo sunt unum, & remanet pluralitas tantum secundum rationem, quæ non opponitur summæ unitati in re. Quæ verba comparari debent cum iis quæ habet sequenti Articulo tertio, & rem totam perfecte explicant. Respondeo dicendum, quod sicut supra dictum est, scientia & bonitas, & omnia huiusmodi sunt omnino unum in Deo, sed differunt ratione. & hæc ratio non est tantum ex parte ipsius ratiocinantis, sed ex proprietate ipsius rei.*

Juxta eundem sensum sibi constans Doctor Angelicus est intelligendus, dum de essentia divina & relationibus agens sic loquitur 1. par. quæst. 23. art. 2. *Manifestum est quod relatio realiter existens in Deo, est idem essentia secundum rem, & non differt nisi secundum intelligentiæ rationem, pro ut in relatione importatur respectus ad suum oppositum, qui non importatur in nomine essentie: patet ergo quod in Deo non est aliud esse relationis, & esse essentie, sed unum & idem. Quibus verbis veram distinctionem quæ est inter relationes & essentiam minime tollens, solummodo illas non esse in Deo aliud & aliud significat. idcirco subiungit, non sequitur quod in Deo præter relationem, sit aliquid aliud secundum rem, sed solum considerata nominum ratione. Quod provenit ex ratione generali quam læpius adduximus, scilicet quia quæcumque sunt in Deo, realiter cum illo identificantur, etsi virtualiter aut formaliter distinguantur.*

Sanctum autem Doctorem dixisse distinctionem de qua agitur, distinctionem rationis præsertim ut firmata magis videretur illa realis identitas quæ in Deo est, longiusque a Gilberto recederet, intelligitur ex iis quæ habet quæst. 39. art. 1. „ Respondeo, quod considerantibus Divinam Simplicitatem, quæstio ista in manifesto habet veritatem. ostensum est enim supra, „ quod Divina Simplicitas hoc requirit, quod in Deo sit idem essentia & „ suppositum, quod in substantiis intellectualibus nihil est aliud quam persona. Sed difficultatem videtur ingerere, quia multiplicatis personis Divinæ essentia retinet unitatem. & quia, ut Boetius dicit, relatio multiplicat personarum Trinitatem, posuerunt aliqui hoc modo in Divinis differre essentiam & Personam, quo relationes dicebant esse assistentes, considerantes in relationibus solum, quod ad alterum sunt, & non quod res sunt, sed sicut relationes in rebus creatis accidentaliter insunt, ita in Deo sunt ipsa essentia Divina. Ex quo sequitur quod in Deo non sit aliud „ essentia quam persona secundum rem, & tamen quod personæ realiter ab „ invi-

„ iniecem distinguantur. Persona enim significat relationem pro ut est sub-
 „ sistens in natura divina. Relatio autem ad essentiam comparata non dif-
 „ fert re, sed ratione tantum. comparata autem ad oppositam relationem,
 „ habet virtute oppositionis realem distinctionem. & sic remanet una essen-
 „ tia & tres personæ. “ ex quo relato testimonio, sicut & quampluribus An-
 gelici textibus qui possent afferri. non immerito colligitur, ipsum nihil aliud
 voluisse per distinctionem rationis ratiocinariæ, seu cum fundamento in re,
 quam unam statuere aut defendere distinctionem quæ opponeretur distinc-
 tioni reali, ad sensum juxta quem fuerat præcedenti sæculo proscriptus error
 Gilberti, cum quo ne ullo modo coincideret; nec verbum quidem distinc-
 tionis realis voluit usurpare; apprimè intelligens, quidquid habet reale ipsius
 distinctionis rationis, quod in fundamento in re sufficienter exprimebatur, licet
 hoc verbo velut obiectum, ut male affectis fortasse subripereur, haud diffi-
 cile ab hominibus recto judicio pollentibus fore dignoscendum: quos ut non
 lateret, neve illos alio iraduceret simpliciter dicendo, attributa esse diversa
 vel distingui ratione, addit ea differre, non tantum ex parte ratiocinantis, sed
 ex proprietate ipsius rei, ut superius vidimus, quod multoties, non credide-
 rim, ipsum absque industria addidisse.

Verum ut suæ distinctioni quam dicebat rationis, multum nihilominus
 tribuere realitatis Divum Thomam in mente habuisse plenius innotescat,
 quædam ex illo hic addere juvat. quare autem circa illam tantopere insisti-
 mus mox planum fiet. Sic in 1. sent. dist. 33. quæ. 1. art. 1. distinctionem
 statuit inter essentiam divinam & relationes dicens, non esse utriusque ra-
 tionem eandem, sed aliam & aliam; quamvis verum sit & simpliciter con-
 sistendum proprietates esse divinam essentiam, quia in ipsa essentia fundatur
 relatio quantum ad suum esse, in quo differt a relationis respectu, quo ad
 alterum refertur. *est natura divina simplicitatis, inquit, ut in ipsa non nisi unum
 esse possit esse, nec in ea differat esse, & quod est, & quo est:* quæ loquiiur
 Angelicus Doctor eo loci, ut a Gilberto se recedere omnimode osten-
 dat, ut ex contextu fit manifestum, omnia quæ sunt in Deo unum
 quid realiter esse cum illo significans. illud ergo esse paternitatis non potest esse
 aliud esse quam esse essentie, & cum esse essentie sit ipsa essentie, & esse paterni-
 tatis sit ipsa paternitas, relinquitur de necessitate quod ipsa paternitas secundum
 rem, est ipsa essentie: unde non facit compositionem cum ea. Huc usque hanc
 identitatem realem omnium quæ sunt in Deo, ex qua sequitur in illo nul-
 lam esse compositionem, statuit. distinctionem deinde, quæ est inter essen-
 tiam & relationes non obstantè reali illa identitate, quæ non repetitur ex
 mentis adu, sed fundatur in ipsa re sic ostendit. *Sed quia manet ibi verus
 respectus pertinet ad naturam, relationes quæ non pertinent ad rationem essentie,
 ex illo respectu relatio potest distinguere quamvis essentie non distinguatur, de cujus
 intellectu non est iste respectus oppositionem habens, & per consequens distinctionem
 causans. & ita dicendum quod proprietates sunt idem re, sed differunt ratione.
 quæ verba intelligi non possunt nisi de relationibus comparate ad essentiam,
 cum comparatæ inter se distinguantur realiter. unde sic prosequitur quibus-*
 dam

dam interjeçtis, dico igitur quod cum dicitur ad aliquid sunt, intelligitur de esse quod est quidditas rei quæ definitione significatur, quia ipsa natura relationis per quam constituitur in tali genere est ad aliud referri, & non intelligitur de esse quod est actus essentia... & sic dico quod non oportet quod esse essentia divina sit ad aliud se habere, quia illud esse in quo paternitas & essentia univertur significatur ut esse, quod est actus essentia; non autem univertur in esse quod significat definitionem rei, quia alia est ratio paternitatis, quæ ad aliud refertur, & alia ratio essentia.

Quid enucleatius superest exoptandum, ut tot invitis verborum involveris quibus amicitur rei cardo, distinctionem, quæ ab Angelico Doctore admittitur inter essentiam & proprietates relativas, esse vere realem, nec ullatenus ab actu mentis pendere dignoscatur? Nonne diversitatem ex natura rei non importat hæc vox, *alia & alia ratio*, ratio nempe paternitatis, quæ ab illo dicitur alia a ratione essentia? quæ verba idem reapse sonant cum iis Augustini verbis variis in locis, *aliud est esse Deum, aliud esse Patrem*? Nonne ubicumque reperitur, aliud & aliud, quædam non est a parte rei inter utrumque distinctio; permanente nihilominus identitate reali essentiam inter & relationes personales, ob quam licet sint tres personæ divinæ, quarum quilibet Deus est, non sunt tamen tres Dii, sed unus Deus? unde concilianda sunt verba Divi Thomæ, ut integer ex iis habeatur sensus. relatio juxta ipsum, habet duplicem respectum; unum, qui pertinet ad naturam, & ille est, quid absolutum; alterum, qui habet oppositionem, & non pertinet ad rationem essentia, & est quid relativum, fundatum tamen in natura, cum omnis relatio, quamvis alio respiciat, & referatur, & referat, fundetur in absoluto: qui respectus oppositionem habens, causat distinctionem. ex quo fit quod proprietates, quæ sunt idem re cum essentia, differant ratione. verum qua ratione? Numquid ratione ex parte ratiocinantis tantum? Nequaquam: sed ex proprietate ipsius rei, in quantum scilicet, *alia est ratio paternitatis quæ ad aliud refertur, & alia ratio essentia*. una, quid absolutum dicens, altera, quid relativum.

Ne autem crederetur Divus Thomas incidenter fuisse locutum, ita ut verba juxta sensum mox expositum relata, veram ipsius doctrinam non continerent, vel aliquis superesset de mente ejus ambigendi locus, ut eam magis ac magis aperiat, hæc addit respondens secundo argumento. *sed paternitas habet aliquando in quo non univertur cum essentia, scilicet rationem paternitatis, quæ est alia a ratione essentia*. in eo igitur in quo essentia & relatio non univertur, revera inter se distinguuntur. Quomodo igitur distinguuntur, nisi in quantum rationes illarum sunt diversæ. est ne autem illa ratio actus mentis, vel aliquid quod significatur per rationem quæ rem ipsam definit, declarat ad tertium respondens his verbis. Sciendum quod ratio sumitur dupliciter. quandoque enim ratio dicitur id quod est in ratiocinante scilicet ipse actus rationis... quandoque enim ratio est nomen intentionis, sive secundum quod significat definitionem rei, pro ut ratio est distinctio. Dico igitur, quod cum dicitur quod est alia ratio paternitatis & essentia in divinis, non accipitur ratio secundum quod est

in ratiocinante tantum, sed secundum quod est nomen intentionis & significat diffinitionem rei. quibus semper ostenditur, distinctionem relationis & essentiae fundari in natura rei independentem ab intellectus operatione, excludendo nihilominus, ut dictum est, distinctionem in sensu Gilberti, de qua agit in illo articulo; ideoque addit, *ratio quam dicimus aliam & aliam in divinis non est in re; quasi in Deo essent duæ res: sed in re aliquid respondens ei in quo fundatur, scilicet veritas illius rei, cui talis intentio attribuitur.* ex quibus fit manifestum distinctionem proprietatum ab essentia habere fundamentum reale in ipsa rei natura ante quamlibet mentis operationem, illamque non esse in sola mente quæ cogitat, sed esse ab aliqua ratione ipsis attributis intrinseca.

Hæc igitur est doctrinæ Angelici Doctoris summa: circa præsentem quæstionem. quæcumque sunt in Deo, unum quid & idem sunt realiter inter se & cum essentia, nec ulla inter ea potest admitti realis distinctio, quæ separabilitatem importet aut divisionem, vel ex qua sequatur in Deo compositio, ut admisisse videtur Gilbertus. & cum Divo Toma in hac parte stant omnes Theologi. Verum etsi omnia sint unum *re*, cum in Deo sit unicum esse, sunt tamen diversa ratione; & ex rationum diversitate, quæ non se tenet solum ex parte ratiocinantis, seu humani intellectus, sed etiam, & principaliter se tenet ex proprietate ipsius rei, Dei scilicet ipsiusque perfectionum, quæ sunt totidem divinæ essentiae attributa, fit quod mens nostra inter hæc omnia distinguat, non ex arbitrio, sed ex fundamento quod reperit in natura ipsius rei; quodve fundamentum, etsi intellectus, ad quem solum pertinet exercere actum suum circa illud, non distingueret inter ea; remaneret nihilominus in ipsa re, quæ ex sua natura est verum ac legitimum fundamentum actus, quem exercet intellectus distinguendo inter ea quæ cum Deo, & inter se realiter identificantur. cum autem illud fundamentum nihil aliud sit quam diversæ rationes quæ sunt in Deo, & secundum quas unumquodque attributum est in Deo secundum sui verissimam rationem, ita ut ratio Sapientiæ non sit ratio Bonitatis, in quantum sunt Sapientia & Bonitas, nec ratio Essentiæ sit ratio Paternitatis, ut diximus post Divum Thomam, distinctio quæ nititur illis rationibus quæ sunt illius fundamentum, vocatur distinctio rationis, non ratiocinantis, quæ tunc nihil aliud diceret præter actum mentis transitorium; sed ratiocinatæ, quæ habet in re fundamentum permanens & stabile; atque independens a transitorio illo actu intellectus distinguentis, vel considerantis, ea quæ sunt realiter identificata, eodem modo ac si vere & realiter non identificarentur.

Ex sic exposita summam doctrinæ Angelici Doctoris quam non ipsius esse nullus veritatis amicus dicit, non facile minus quam necessario colligitur, distinctionem de qua movetur quæstio, etsi dicatur rationis ex iis rationibus quibus nititur, & quæ sunt verum illius fundamentum, quod si tolleretur, hæc distinctio nihil esset præter ens rationis non fundatum, proindeque iane otiosæ mentis commentum, esse realem non minus quam sui fundamentum est reale, cum istius naturam hæc debeat participare. rationes di-

diversæ illud constituentes, nullatenus pendent ab intellectus operatione, utpote quæ sint in natura vel proprietate rei ipsius, ut loquitur D. Thomas; illæque rationes pro ut intelliguntur, vel secundum quod nomen sunt intentionis, ut illius utamur verbis, significant distinctionem rei; quæ diffinitio, cum explicet rem diffinitam, vere ac realiter fundat illam distinctionem; estque basis actus illius transitorii intellectus distinguentis inter diversas proprietates, quarum distinctiones seu rationes sunt aliæ & aliæ.

Hinc colligitur insuper, eodem jure illam posse vocari distinctionem realem, quo formalis Scotistica distinctio dicitur realis, ex eo quod diversæ illæ formalitates in quibus fundatur, quæque nihil aliud sunt quam Dei perfectiones, divinaque attributa, quæ ab Henrico nominantur intentiones, a veteribus Thomistis rationes objectivæ dicuntur, habent independentem ab actu mentis diversas rationes suis notas definitionibus; ex quibus fit quod licet vere ac realiter inter se identificentur, & cum Deo, cujus sunt formalitates, sint unum quid & idem, nihilominus distinguuntur formaliter, quia ratio unius formalitatis non est ratio alterius, etiam circa illas actum non exercente intellectu. & juxta sensum Doctoris Angelici mox expositum concedebat Doctor Subtilis in 1. dist. 2. quæ. 7. suam formalem distinctionem quam realem seu a parte rei esse volebat, "posse vocari distinctionem seu differentiam rationis, non in quantum ratio accipitur pro differentia formata ab intellectu, sed in quantum ratio accipitur pro quidditate rei, secundum quod quidditas est objectum intellectus: posseque pariter vocari distinctionem virtuales, quia illud quod habet talem distinctionem in se, non habet rem & rem, sed est non res habens virtualiter, sive eminenter quasi duas realitates; quia utrique realitati, ut est in illa re, competit illud proprium quod inest tali realitati, ac si ipsa esset res distincta."

Investigata jam vera Doctoris Angelici mente, eadem diligentia qua mentem Doctoris subtilis fueramus percrutati, utriusque sententia omnibus ponderibus examinata, illorum verbis insensitissimo animo pensatis, ne plus conjecturæ, vel anteceptæ jam animo opinioni, quam veritati tribueremus, quæstionem demum perfolvamus.

ASSERTIO UNICA.

Distinctionem rationis ratiocinata Divi Thoma inter & distinctionem formalem Scoti nihil interest discriminis præter phrasim: utriusque Doctoris enim, Angelici & Subtilis opiniones, sermone licet diversa, in re tamen penitus congruunt; Et quicquid est inveterati inter utramque Scholam ex hac parte dissidii, in utriusque Doctoris interpretes, verba præceptorum ad voluntatem interpretantes, videtur prorsus refundendum.

Circa positam quæstionem quid sentiam vix aperui, & jam innumeros ex omni parte in me asperius debilerantes audire mihi videor, mentemque meam veluti portentosum quoddam protulerim suggillantes dicere,

Job. cap. 12. *ergo vos estis soli homines, & vobiscum morietur sapientia?* Verum levis doctrinæ hominibus permultis, qui Divi Thomæ aut Scoti volumina nec etiam a longe salutarunt, quid de hac re videatur non multum interest. Scientibus, ex æquo & bono, minime vero ex studio judicantibus, rem totam committo, assertionem ex jam dictis quasi evidentem breviter confirmaturus.

Distinctionem itaque rationis ratiocinatæ, quam & virtualem Thomistarum dicemus, distinctionemque formalem Scotistarum phrasi duntaxat differre, reapse tamen eandem esse juxta utriusque Scholæ principes, ostendunt rationes Angelici Doctoris, a formalitatibus Doctoris Subtilis sermone solummodo discrepantes: illæque nec plus nec minus præ aliis habent realitatis. Diversæ illæ rationes quibus tamquam vero fundamento ex principiis Divi Thomæ, nititur distinctio rationis ratiocinatæ, nihil aliud sunt præter illud quod reperitur tum in essentia divina, tum in divinis attributis, ex quo, prout menti nostræ obijciuntur, oritur necessario diversitas conceptuum essentiam divinam ipsaque attributa diversimode repræsentantium, ex qua diversæ essentia & attributorum repræsentatione, quæ necessario sequitur illam conceptuum diversitatem, necessario se tenet distinctio quæ inter ea reperitur. Hæ autem rationes, licet, in quantum sunt objecti repræsentative; & pro tempore quo illud repræsentant, vere sint in mente nostræ, non producantur a mente nostræ, sed fundantur & salvantur in ipsa re, essentia nempe divina, divinisque attributis secundum veritatem & proprietatem ipsorum: & obijctum fideliter adeo repræsentant menti nostræ rationes illæ, ut illud distinctiant exhibendo illud nobis: eo modo præcise quo ipsis obijciuntur, & non alio: ex quo fit quod objecta illa quorum sunt rationes, non repræsentantur menti nostræ ut diversa & inter se distincta, nisi quia vere inter se distinctantur, etiam si ratio in quantum est ex parte ipsius ratiocinantis, circa illa non exerceretur. sed formalitates illæ in quibus fundatur distinctio Scotistica, quæ vocatur formalis ex illis formalitatibus inter quas reperitur, nihil aliud pariter sunt præter id quod, in essentia divina & in divinis attributis, prout menti nostræ obijciuntur, fundat necessario diversitatem conceptuum illa nobis diversimode repræsentantium; & ex hac diversitate conceptuum, quam operatur necessario diversa hæc repræsentatio, reperitur distinctio eorum, quorum conceptus sunt ex natura sua vel a parte rei diversi ante omnem mentis actum; illique conceptus similes rei cuius sunt conceptus, illam fideliter menti nostræ repræsentant pro ut illa est in se, nobis ut distincta exhibendo quæ vere, etiam si menti nostræ sic non repræsentarentur, sunt inter se distincta, ex eo quod conceptus non faciant rem talem, illam sic repræsentando, sed ex oppposito illam, dum in mente nostra formantur, sic repræsentent quia in se talis est. certum igitur manet, totum discrimen inter sententiam Thomistarum & Scotistarum de distinctione tum formali, tum rationis ratiocinatæ, esse penes phrasim: & utrumque Doctorem sermone tantum differre, sed re sibi invicem convenire.

Concertent igitur & litigent sive Thomistæ sive Scotistæ: (hæc ad plenior-

rem

rem asserti intelligentiam & confirmationem addere liceat) penes verba tota lis est. illorum formalitates, illorum rationes objectivæ, sunt unum quid & idem. utraq; sunt variz formæ, seu respectus diversi, juxta quos diversæ rei proprietates, a re cujus sunt, & ab invicem inseparabiles, quia cum illa & inter se realiter identificantur, sigillarim seu individualiter, si ita loqui fas sit, & sub propriissimo respectu considerantur: quæ formæ, qui respectus, dum a mente nostra attinguntur, gignunt & veluti procreant diversos conceptus formales ipsis correspondentes. qui conceptus formales, etsi opus mentis, fundantur realiter in natura rei cujus sunt rationes objectivæ & formalitates, vereque illius quidditatem significant & definiunt, in quantum res ipsa potest definiri; sicque vere in se fundant utriusque Scholæ respectivam distinctionem; quæ, sive dicatur rationis, ut loquuntur Thomistæ, sive dicatur formalis, ut placet Scotistis, eundem ex utraque parte gradum habet realitatis, cum utriusque fundamentum sint, vel formalitates Scotisticæ, vel rationes objectivæ Thomisticæ, quæ se tenent ex parte rei, & opus mentis dici nequeunt, cum ab actu mentis, qui circa illas exercetur, in re, cujus sunt proprietates, realiter supponantur.

Verum dicit fortasse aliquis, ut quid vocantur formalitates? cui respondebitur, & ut quid vocantur rationes objectivæ? Nonne par & eadem utrobique est ratio? De rebus metaphysicis, & ad divinitatem spectantibus, quæque proinde intellectus humani capium quodammodo superant, loquentes homines, non possunt loqui nisi ut homines sunt, ac metaphysico sermone, vocibusque ad arbitrium significantibus utentes; quarum si semel determinetur sensus juxta quem usurpantur a rerum tractatoribus, nec in alienum, rixæ & contentions amore, detorqueantur, brevi lites cessabunt, ac componentur controversiæ. suæ fundamentum distinctionis dixerit Divus Thomas rationes quæ sunt aliæ & aliæ, secundum quod ratio nomen est intentionis significans distinctionem rei, quæ menti nostræ ut est in se, his rationibus repræsentatur: suæ vero distinctionis fundamentum Scotus dixerit, diversas formalitates, quæ nihil aliud sunt quam rationes distinctæ quæ sunt in objecto, quas intellectus attingens format conceptus apprehensivos omnino diversos, imo & oppositos, ut sunt in Deo rationes attributales & relativæ, quid interest? rationes objectivæ Doctoris Angelici, ut ostendimus ex ipso, sunt aliæ & aliæ, non per rationem ratiocinantis, sed ex proprietate ipsius rei: rationes formales Doctoris Subtilis, ex quibus formantur conceptus formaliter diversi, sunt aliæ & aliæ non per intellectum res formaliter easdem distinguentem, sed ex natura ipsius rei, cujus una formalitas, ut talis considerata non potest esse formaliter eadem cum alia formalitate pariter ut talis est considerata: alioquin non essent alia & alia formalitas, non essent alia & alia ratio, ut loquuntur Angelicus & Subtilis. Differunt igitur utriusque opiniones in verbis & sermone dumtaxat, nullo modo autem in re ac veritate.

Quantum supponat & habeat realitatis Thomistica distinctio rationis ratiocinatæ, ob quem realitatis gradum vere coincidit, & eadem est cum formali distinctione Scotistica, multos Thomistas non latuit, qui ut inter utramque

que discrimen verum statuerent, multo plus realitatis tribuerunt Scotisticæ distinctionis, quam illa patiatur, & ultra Doctoris Subtilis intentum. Nec desuere qui ipsis hac in parte faverent non pauci Scotistæ, suo præceptore longius multo progredientes. ex eo quod omnem actum intellectus præcedere distinctionem suam formalem, quæ est quantum ad sui realitatem ab illo, independens, diceret Scotus, volens divinas perfectiones, quæ cum Deo & inter se realiter sunt identificate, quantum ad suum esse formale, vere distinguui a parte rei, fixerunt adversæ sententiæ patroni, illas formalitates, quæ, ut sæpius observavimus, nihil aliud sunt in rei veritate, quam rationes divinarum perfectionum, fundantes necessario conceptus formaliter diversos, esse in mente illius res & res inter se realiter diversas, & aliquo modo a re cuius sunt & inter se separabiles, proindeque pluralitatem, in sensu veræ compositionis, secum importantes, non avertendo ex ipsis Scoti verbis iudicium illud falsitatis argui; ipsum exinde idem, vel fere idem sentire quod voluerat Gilbertus Porretanus audacter divulgavit; huic iudicio licet falso, vires ex quibus vigeret, addentibus Scotistis, multo plus suæ formali distinctioni tribuentibus realitatis quam ipsa vere ex mente Doctoris habeat. quod, ut cum Thomistis, quos distinctionem, mere intellectualem qualibet carentem realitate propugnare putaverunt, non coincideret, vel ad fundandam in Scholis opinionum diversitatem, ex qua Theologiæ non parum utilitatis accedere arbitrabantur, fortasse excogitarunt.

Quod adversus distinctionem formalem sinistre sparsere nonnulli e Thomistica Schola, id idem ex opposito prædicaverunt de distinctione virtuali & rationis inter Scotistas non pauci, contendentes, ex eo quod illa esset opus intellectus, potius vocanda distinguibilitas, quam vera distinctio, hanc nihil aliud esse præter ens rationis, ex qua in divinis vera exurgebat confusio, eo ipso quod cum illa, utpote quæ formalem identitatem non excluderet, omnia remanebant realiter indistincta; quod ex omni parte absurdum videbatur Scotistis, quia tunc simul & secundum eundem respectum inter divinas perfectiones reperiebatur distinctio & indistinctio: quo semel posito Thomistis impossibile erat juxta Scotistas, myteria Trinitatis & Incarnationis adversus hæreticos defendere. Illorum placita promovebant Thomistæ, summa cum diligentia quidquid speciem sponerat præferre realitatis ante mentis actum, a sua distinctione rationis procul amandantes, ne eo ipso quod in illa aliquid reale agnovissent a mente ratiocinantis independens, Gilberto adhæsisse reputarentur: non advertentes se verbis Angelici præceptoris addendo, ipsius sententiam omnino pervertere.

Hinc factum est, quod illi qui præceptoris utriusque placitis subnectere tentarunt primi, veram Angelici & Subtilis sententiam immutantes, ut alii cum aliis validius congraderentur, illorum verba in alienum sensum detorserunt, ea ex arbitrio interpretantes, ut quod bonum ipsis videbatur, etsi a vero alienum, id illos tenuisse deinceps crederetur. tunc ut quod ipsis in votis erat facilius attingerent, magistrorum scripta commentariis illustrare mentientes, ea falsa interpretatione inverterunt, propriæ mentis phantasmata

in locum Sententiæ illorum subjiciendo. Horum interpretum ingenuitati plus æquo tribuentes qui ipsos audiebant, primigenia Doctorum scripta non adire sensum assuefacti sunt; sicque temporum decursu quænam esset vera illorum doctrina incertum evasit: Thomistis interea cum Scotistis magno impetu concertantibus, supposititiâ sententiâ pro patria ac primigenia ad invicem defendentibus. in illos ergo refundendum esse inveteratum illud inter utramque Scholam dissidium quis diffineretur? verum illius detexisse originem quid juvaret, nisi de illo compescendo reapse cogitaremus?

Ad vos spectat o Thomistæ! vestrum est o Scotistæ! quotquot estis veritatis amantes; vanas simulque deridendas lites tandem componite. Vestros præceptores in eandem abire sententiâ, phrasi licet diversâ, si rem ex æquo judicetis, non advertatis est impossibile. ut quid ergo iis quæ scripserunt, absconis interpretationibus odiosas dissensiones in ævum æternaturis, addere vos delectat? audiant Thomistæ unum e suis inter fidissimos Doctoris Angelici interpretes non ultimum, dicentem hanc distinctionem rationis ratiocinatæ vocari distinctionem rationis ex parte rei, quam Scotistæ videntur appellare distinctionem ex natura rei. Divi Thomæ & Scoti scripta attente perlegantur, secum convenire brevi intelligentur. Nec alicui stomachum moveat quod loquor, me potius vera dicentem nullus ex nostris sequi detrectet. ab Angelico non recessit hac in parte Subtilis, qui de semitis antiquis semper investigans, nova nusquam dicere voluit, licet multa nove, perspicuitati consulens, fari potnerit.

Penes verba utriusque Scholæ discrimen dumtaxat esse aliud argumentum est distinctionis tum virtualis Thomisticæ, tum formalis Scotisticæ usus. cum sua respective distinctione utriusque sententiæ patroni idem intentum habere existimant: ab Hæreticorum argumentis cum de Sanctissimæ Trinitatis mysterio, Verbiq; Incarnatione agitur, illius ope pariter se expediunt! quem ex virtuali distinctione cum fundamento in natura rei attingere scopum contendit Thomistica Schola, eundem cum formali a parte rei, citius forte, attingit Scotistica Schola. una hac in re alteri non præstat. utraque adversus fidei hostes, clypeo sive formali, sive virtuali munita, æquo Marte pugnat: eundem utraque de illis reportat triumphum: Thomistarum & Scotistarum pro veritate, etsi vocibus diversis, certantium idem est propositum: nec plus nec minus aliquid moluntur qui formali a parte rei distinctione armati debellant, iis qui virtute distinctionis rationis ratiocinatæ accincti congregiuntur. Verum qui res sic se habere posset si inter utramque hanc distinctionem quedam vera esset ac realis oppositio, & discrimen quod videtur esse inter utramque Scholam non se teneret solummodo ex parte verborum? Rationem istam attente perpendant quibus circa præsentis assertionis veritatem aliquod in mente remaneret dubium: quidquid ad illam ostendendam in medium protulimus diligenter examinent; & nisi opinionum diuturnitate eorum sit animus infuscat; ipsis erit mirum sane, quod hinc inde a tot tantisque viris, de re facili concilianda negotio, tandiu fuerit decertatum.

Abs

Abs re fortasse non erit si obiter hic advertamus, nonnullos eorum quibus virtualis Thomistica ardet distinctio, Scotistica formali quam detrahant ab eis recte minus intellecta, eundem realitatis gradum ipsi tribuere quem ista patiatur, dum dicunt illam, veram distinctionem fundamento reali nixam: hunc tamen realitatis gradum, quo merito gaudet Scotistica distinctio, quomodo vere habeat virtualis Thomistica, si solummodo se tenet ex parte intellectus, difficile intelligitur. suam denominationem ex natura fundamenti quo nixitur potius quam ex facultate intellectiva actum transitorium circa eam exercente, debet desumere distinctio. Fundamentum illud est, ut vidimus ex Divo Thoma, quid permanens cum sit in natura rei, circa illam occupetur intellectus vel non: & ex illa perpetuitate fundamenti in natura rei, mentis actum antecedente (quod fundamentum est in ipsa quid reale) & non ex alia ratione, realis a Scoto dicta est formalis sua distinctio, ut pote quæ sit a parte rei, seu quod idem sonat, ut pote quæ fundetur in natura rei. idem cum de virtuali Thomistica affirmant isti, distinctio realis meliori jure ab ipsis denominaretur quam distinctio mentalis. illudque de tali distinctione pronunciantes, quod scilicet vera sit distinctio, reali sulta fundamento, novas asserto addunt vires, utramque distinctionem, Thomisticam & Scotisticam, phrasi magis quam re discrepare ostendentes. utriusque intrinsecum est fundamentum; extra mentem humanam sita est illius ratio, quæ si non daretur, nulla esset menti causa legitima distinguendi, proindeque fictitium quid & vanum esset hujusmodi mentis actus intrinsecum illud fundamentum dicatur a quibusdam supereminens varios effectus producendi virtus, quid interest, modo illud non esse opus intellectus, sed independentem ab illo esse in subiecto vel in rei natura concedatur. Gratis ergo in nos garriunt qui veros Scotistas fingunt, quidquid realitatis habet formalis distinctio, illud repetere ex multiplicitate entitatum in subiecto eodem realiter existentium. Neque enim entia realia reputamus omnes illos gradus qui metaphysici vocantur, quorum naturam apte explicare erit semper difficillimum. illos ut proprietates rei cui insunt & a qua separari nequeunt, considerantes, de iis loquimur veluti essent entitates quedam, ut jam superius exposuimus, idque ut quamdam de illis nobis efformemus ideam pro ut fieri potest. varias illas proprietates, quarum una certissime non est formaliter alia, vere ac realiter inesse subiecto ac inseparabiliter, idve independentem a mentis actu sic se habere, contendimus: distinctionem, quæ inter eas reperitur, cujus signum infallibile est diversitas nostrorum conceptuum rei naturam ut in se est experimentium, realem exinde non immerito vocantes, cum illius fundamentum sit vere quid reale, & a nostro intellectu independentem, nempe realitas illarum diversarum proprietatum in subiecto vere ac realiter existentium, etiam si de illis nihil cogitaret intellectus, vel sæpius diximus, vel inter illas non distingueret, quoquo modo illæ in subiecto existant inconfusæ, quod perficere intelligere frustra sibi blandiretur humana mens. Nihil aliud tenent veri Doctoris Subtilis discipuli, quodcumque superest, a Magistri doctrina alienum procul amandantes,

& in

& in pseudo Scotistarum deliria refundentes. ex quibus bene, ut illa exponere tentavimus, intellectus evidenter colligitur quod ostendendum suscepimus, veros nimirum Thomistas, fidosque Scotistas a præceptorum placitis non recedentes, si res ut in se est consideretur, nec verbis ac sententiæ utriusque Magistri aliquid ex interpretum arbitrio addatur, sermone dumtaxat hac in parte differre, & in re omnino inter se consentire; quidquid ex perversa menti insita opinione contrarium permultis, re minime ex æquo librata, vulgo videatur. quapropter inveteratum illud inter utramque Scholam dissidium, in utriusque Doctoris interpretes verba præceptorum ad nutum ac lubricum interpretantes, esse prorsus refundendum, non fuit temere aut inconsulto pronunciatum: quin potius id certum esse res ipsa clamat.

In resolvendis argumentis quæ adversus assertum a perpetuis disputatoribus opponi possent, non est quod immoremur, cum nihil sint præter sophismata & cavillationes, quæ nullius sunt momenti, nec quidquam absolvent, modo ut oportet percipiatur, quid per rationem ratiocinatam, per fundamentum in rei natura, per proprietatem rei, significare voluerit Doctor Angelicus: quidve per formalitates, per entitates, per realitates, quæ non nisi improprie dicuntur entia, cum per se stare non possint, aut a re cujus sunt separari, sed solummodo in quantum sunt in subiecto ante actum intellectus, & independentes ab illo, res vel entia diminutive vocantur, intellexerit, ac intelligi voluerit Doctor Subtilis. unde quidquid opponeretur, ex iis quæ mentem utriusque Doctoris aperientes huc usque exposuimus, prompte, nulloque negotio enodabitur.

CONCLUSIO SECTIONIS.

Opiniones temporum decursu multum ponderis consenscendo inter eruditos obtinere quis inficiatur? Hinc plus honoris ipsis deberi ex auctoritate qua valent, ita ut ab iis recedere, potissimum ex quo usu vulgari apud illos sunt acceptæ, nimis temeritati plerumque tribuant, consentiunt omnes. Errore nihilo secius veritatem numquam vincente, res altius repetendo, æquæ diligentique censuræ face armata manu antiquiora etiam tempora perscrutando, quod Majoribus fuerit acceptum rimari, contra communem quoque pugnare opinionem hominibus eruditis semper licitum est. & modo ultra leges discreti censoris non tendat opus, placita etiam acceptissima libere refellere nusquam fuit vetitum. quidlibet in hac parte audendi talibus æquam semper fuisse potestatem nos scientes, qui hanc veniam petimus & vicissim damus, etsi nobis parum confideremus, artem quævivimus qua de Thomistis ac Scotistis bene mereri possemus, utrorumque inimicitias interficere, amboque, medium parietem materiæ solvendo, reconciliaturi: quod ut efficacius assequeremur, percelebrem hanc tractantes distinctionem tum virtualem tum formalem, perpetuè inter utramque Scholam discordiæ fontem, post maturam & accuratam rei inquisitionem, litem

R ad

ad iudicem rursus deferre non habuimus ambiguum, ut veta ac germana cuiusque familiæ principis mente patefacta, de rei summa cautius simul ac tutius ab iis ad quos spectat pronuntiaretur. prospere an insulaute id nobis cesserit, scieitur temporibus suis.

Interca vitio nobis verti non existimamus, si de iis conqueramur, qui sententiam Scotistarum, dum a Doctōris Subtilis mente non recedunt, distinctionem formalem ex natura rei in divinis propugnando, recte minus accipientes contumeliose arguunt, nigroque calculo inscite notant. Illam in fide parum tutam & securam esse, eique non consentaneam, aut ab Scholæ veræ Theologiæ deportandam & expellendam, unde habent novi recentisque illi Theologi, pauca ex veritate, multa ex suorum opinione æstimantes? ut quid de rei sibi ignota temere ac præcipitanter iudicant? propius, inquirunt, ad Gilberti errorem illa accedit: sed illud quomodo probant? quam gratis id a nonnullis fuerit assertum, suo loco ostendimus. Hos uno verbo ut elingues reddamus, ipsis ex abundanti dicemus, nec Scoto nec Scotistis ignotum esse principium illud cui nullomodo contradicunt, quod in Divinis nulla datur distinctio realis, nisi ubi intercedit relativa & formalis oppositio. ipsorum igitur esset ostendere huiusmodi principii firmitatem stare non posse cum formali a parte rei distinctione, prout illam intelligit ac defendit Doctōr Subtilis cum fidei suis discipulis; id autem qui ostenderit, erit mihi magnus Apollo.

Veram & accuratam distinctionis formalis ideam velut a puero habentes, illam ut certam, ac in fide quolibet ex capite tutissimam proposuimus; nec a nobis recedere quis poterit illam a vero abesse subodorans, nisi in illa exponenda & accipienda penitus deficiat. quo sensu realis hæc denominetur & sit, non obscure aperuimus; quod sine negotio intellegendi sunt, quotquot præiudicatæ opinioni vale dicentes, quantum sibi Doctores Angelicus & Subtilis invicem in rei veritate cohareant, diligenter investigabunt, nobis imposterum, ex adversis, re comperta, futuri amici. id si, ut par erat, studiose perpendissent cuiusdam familiæ eruditi non pauci, Scoti Sententiam, quam recte minus capiebant, acerbius non taxassent, sed cautius ac prudentius facientes, ut inquit ex eis unus, propter Subtilissimi Doctōris auctoritatem, & totius Scotistarum Scholæ, de Theologia optime meriti, a censura temperassent, pro ut suadebat ratio, æquitate dicebat. Nec mirum cuiquam videri debet, quod diutius huic insistam rationi, impatiens contumeliæ Magistrum qui ulciscar, ut animus est elocuturus; vel potius, qui ex adverso sunt, a præiudicata opinione reduces facturus in veritatem.

In Deo omne quod dicitur, id ipsum esse credentes cum Sancto Augustino, summæque ipsius majestati quæ ineffabilis est, honorificum potius silentium, quam ullam humanam vocem competere consentientes (omnia enim licet de Deo dici possint, nihil tamen de illo digne dicitur) Divinas ipsius perfectiones pro modulo nostro consideramus, de illis tacere indignum arbitrantur, etsi ut in se sunt, quandiu a Deo peregrinabimur, eas cognoscere non valeamus. non mirum igitur si de rebus divinis differentes, vocabula

cabula humana ipsis tribuendo, remotis nihilominus quibuslibet imperfecti-
onibus, hæreamus ingenio, deficiamus eloquio. multa in Deo esse quis non
affirmaret? sed hæc multa, unum quid dicere quis teneret? ex multis quæ
Deo insunt perfectionibus quamdam exurgere compositionem, ita ut in ipso
esset aliquid perfectibile aut perficiens, asserere nefas. quæ inter illas repe-
ritur distinctio, vera licet & a parte rei, quemcumque antecessens mentis
actum, nullam divisionem dicit aut separabilitatem. Diverfos esse illorum
attributorum conceptus, oppositæque de illis prædicata quandoque verificari,
ex quibus necessario colligitur illa omnia, in Deo licet & cum Deo reali-
ter vereque identificata, in suo esse formali non esse strictè loquendo rem
eamdem in sensu sæpius exposito, ille solus negaret qui ab Anomæorum
partibus non recessisset. ex illa tamen conceptuum diversitate, aut prædica-
torum oppositione in Divinis aliud & aliud, rem & rem non defendet nisi
cui arrideret contra Catholicam Fidem Gilbertina distinctio. utrumque vi-
tiosum illud extremum sapienter devitantes Thomistæ ac Scotistæ, a quibus
nullus discedet veritatis amicus, mediæque incedentes via, illam in Deo ad-
mittunt distinctionem, quæ ipsius attributorum divinam multiplicitatem de-
ceat, illasæ semper summa ipsius simplicitate: quæ distinctio, sive formalis
vocetur, sive dicatur virtualis nihil interest, modo fundata sit in rei na-
tura, ac in ipsa radicata juxta veram Doctoris tum Angelici tum Subtilis
mentem, quorum sententiæ, prout ab ipsis tenetur, dum nihil addent
Scotistæ ac Thomistæ, aut ab illa detrahent, feliciter a bellis invicem
vacabunt.

131. sigl. A. 10. 10. 10.

S E C T I O T E R T I A.

De variis Dei attributis sigillatim spectatis.

DEum, quem unum & unicum, fide ac ratione ducibus, adversus Gen-
tiles & Hæreticos suo loco ostendimus, quibuscumque dotatum attributis
quæ perfectionem quocumque modo sapiant, præcedenti sectione sæpius
commemoravimus. De iis omnibus, ut pote quæ aut incognita nobis, aut
inaccessibilia ex omni parte, disserere frustra vel temere magis tentaremus. De
iis solummodo sigillatim investigabimus, quæ ad hominum captum utcumque
accommodata videntur, ne plusquam oportet sapere arroganter præsumamus.
illud Augustini Serm. 117. de Verb. Joan. 1. præ oculis mentis perpetuo ha-
bentes, in rebus divinis piam ignorantiam meliorem esse quam præsumtam
scientiam. Divina illa attributa nominibus positivis exprimantur, perfectiones
formales & positivæ dicantur, vel negationes præferant, in quantum omnem
defectum cunctumque imperfectionem ab illo perfectionum pelago penitus re-
movent, parum ad nostrum propositum interest. in hujusmodi quæstionibus
lis & veluti criticis immorari quid juvat? quæ scitu digna sunt, vel quæ igno-
rare indecorum, ea dumtaxat attingemus, qui de Deo nostro non nisi gran-
dia proloqui deberemus.

R 2

QUÆ.

QUÆSTIO PRIMA.

An, & quo sensu Deus sit infinite perfectus.

DEum esse illud quo nihil majus, melius, & perfectius excogitari potest jam dictum fuit: ex quo illum infinitum dicendum esse videtur sequi, cum omni finito aliquid melius, majusve, atque perfectius possit excogitari, illud nimirum quod sine quolibet ac termino careret, seu quod idem est, illud cujus summa perfectio nullo limite circumferberetur. Deum in præsentî quæstione secundum essentiam suam considerari, & in quantum natura sua omni perfectionis genere gaudet ac ditatur, non est quod admoveamus: de infinita ejus virtute ac potentia infra agemus. talem essentiam infinitatem Sociniani a Deo auferunt, quibus inter Calvinianos consentit Vorstius.

Duplicis ordinis dantur perfectiones, quarum alie ita Deo sunt propriæ, ut eas creatura nusquam sit participatura: hujusmodi sunt æternitas, immensitas, immutabilitas, alieque iis similes, quas Deus formaliter, nemine renitente continet: alie a creaturis participantur, ut sapientia, justitia, intellectio, etsi illas in gradu perfectiori, infinito videlicet cujus incapax est creatura, Deus possideat. ex istis nonnullæ vocantur simpliciter simplices, nullam includentes imperfectionem, nullamve aliam sive majorem sive æqualem perfectionem excludentes; & a Theologis post S. Anselmum in Monolog. dicitur vulgo talis perfectio, ea quæ melior est ipsa quam non ipsa, vel quam melius est habere quam non habere: nonnullæ vero vocantur perfectiones simplices secundum quid; habent enim ex se aliquid imperfectionis, vel cum æquali perfectione aut majori stare nequeunt. Hinc intelligitur relationes divinas, quæ sunt impossibiles in eodem subjecto, esse perfectiones simplices secundum quid, & non simpliciter quia non meliores sunt ipsæ quam non ipsæ; cum in Deo melius non sit habere Paternitatem quam Filiationem: quæ duæ perfectiones æqualis sunt dignitatis & sese invicem excludunt.

Perfectiones cujuscumque sint ordinis potest continere Deus vel formaliter, vel virtualiter, vel eminenter. formaliter, secundum rationem specificam propriamque perfectionis formam vel naturam, sic anima est formaliter in homine. virtualiter, secundum causalitatem; sic effectus quilibet est in sua causa. eminenter, secundum modum perfectiorem gradumque eminentiorem; sic anima vegetans & sensitiva dicitur eminenter in rationali anima contineri. formaliter in Deo contineri perfectiones simplices quæ aliquid imperfecti habent, ita ut Creaturæ omnes propriæ ac verè de Deo possent prædicari, siveque Christus in vero ac litterali sensu diceretur agnus, leo, osium, lapis, vitis, & alia hujusmodi, delirans Almaricus finxit, cujus errorem vel potius insaniam Concilium Lateranense quartum sub Innocentio III. præscripsit. quo sensu igitur in Deo sint rerum omnium perfectiones, & quomodo infinitus ille dicatur est aperendum.

ASSER.

A S S E R T I O P R I M A .

Deum esse in omni genere perfectionis infinitum ille solus inficiatur qui veram non habet Supremi illius, unscique Numinis ideam.

DEum infinitum in omni genere perfectionis, nedum eo sensu quod quælibet ejus perfectio infinita sit in genere suo, sed etiam quod quamcumque veram perfectionem in eminentissimo vel infinito gradu ipse contineat, testantur Sacræ Scripturæ. quid enim aliud indicant ea quæ habentur apud Job cap. 11. *forſitan veſtigia Dei comprehendes, & niſque ad perfectum Onipotentem reperies? Excelſior cælo eſt, & quid facies? profundior inferno, & unde cognosces? longior terra menſura ejus, & latior mari.* quid significant hæc Pſalmiſtæ verba, pſal. 144. *Magnus Dominus & laudabilis nimis, & magnitudinis ejus non eſt ſinis, ſi ipſius infinitatem in omni genere perfectionis illa non prædicant? Horum verborum magnificentia motus Auguſtinus ſic exclamans loquebatur enarrat. in pſal. 144. Quantum dicturus eras? quæ verba quaſiſtus? quantum conceptionem concluſi in uno valde? ſeu nimis, ut habet Vulgata. Cogita quantum vis. quando autem poteſt cogitari, qui capi non poteſt? laudabilis eſt valde, & magnitudinis ejus non eſt ſinis: ideo dixit valde, quia magnitudinis ejus non eſt ſinis: ne forte incipias velle laudare, & putes te laudando poſſe finire cujus magnitudo ſinem non poteſt habere. Noli ergo te putare cum, cujus magnitudinis ſinis non eſt, ſufficienter poſſe laudare. Nonne ergo melius eſt, ut quomodo ipſe non finitur, nec laus ipſius finiatur? illius magnitudo ſine fine eſt, & tua laudatio ſine fine ſit. De magnitudine ejus quid dictum eſt? magnitudinis ejus non eſt ſinis. De tua laude quid? Laudabo nomen tuum in ſæculum, & in ſæculum ſæculi. ergo ſicut ejus magnitudinis non eſt ſinis, ſic tue laudis non erit ſinis.*

Sacræ verborum Scripturæ ſublimitatem Dei infinitatem prædicantis frangere putantes Sociniani, quæ retulimus, iſque ſimilia volunt per exaggerationem & metaphoricæ de Deo eſſe dicta; vel de potentia virtutis ejus intelligenda eſſe, & non de naturæ illius infinitate: vel relative ad nos, qui cum brevi limite contineamur, ea quæ ſunt in Deo, infinita & immenſa reputamus. ſed quam futile ſit illud impietatis effugium quis non videt? Multa de Deo in Scripſuris Sanctis metaphoricæ prædicari quæ juxta litteram nec poſſunt, nec debent intelligi nemo aſcit; ut cum ipſi corpus & membra ad inſtar hominis, aliæque ejusmodi tribuuntur; aut paſſiones, ut ſunt odium, ira, æmulatio, cæteraque id genus, quibus homines moventur, Deo affinguntur, quæ in ipſum cadere nuſquam poſſunt, ut ipſa ratio ſuadet. Nonnulla panter eſſe per allegoriam dicta de eo, quæ ad litteram intellecta ſenſum vacuum offerant, cuicumque etiam non multa librorum Sacrorum lectione exercito notum eſt. Ergo ne quæcumque in iſdem libris poſſent abſolute loquendo metaphoricæ ſumi, non erunt juxta litteram intelligenda, ſed in ſenſu metaphorico dumtaxat accipienda? quis talia ſari poteſt, niſi omnia Chriſtianæ Religionis capita de induſtria convellere in animo habuerit? cur jux-

juxta litteralem sensum in canonicis Scripturis non intelligerentur quæcumque sic valent intelligi quin facilioribus eorundem testimoniis vis ulla inferatur? Nonne sic omnia fidei nostræ Myſteria evacuabuntur? metaphorice ſumantur quæ de ſanctiſſima Trinitate, de Verbi divini incarnatione; Chriſti quæ vitæ, paſſionis, mortis ac reſurrectionis Myſteriis omnibus Divinæ Scripturæ loquuntur; vel allegorice intelligantur, ut Antichriſtianis, aut Hæreticis nonnullis placet, nihil aliud præter nomen vacuum aut inane dicit Chriſtiana Religio; ipſave Scriptura divinitus inſpirata, quam per ſenſum privatum non licet interpretari, nihil erit præter congeriem allegoriarum caillbet intelligentiæ obnoxiarum, ſicque ex omni parte vincet impietas, ut deſcenda nimis docemur experientia. Deſinant igitur Sociniani talia nobis opponere; quæ audire Chriſtianæ aures exhorreſcunt, quæque omni carent fundamento. ipſos ſe proprio gladio jugulare noverint cum dicunt, Scripturæ verba de infinitate virtutis operativæ, non de infinita Dei natura eſſe intelligenda. Quonam modo erit Deus infinitæ potentiæ ac virtutis, ſi naturæ non eſt infinitæ? Nonne eſſentiæ modum & rationem ſequuntur proprietates? eſto tandem nonnulla nobis videri infinita, quæ tamen non ſunt infinita, ſed tantum infinitatem reſpectivam habent, ex eo nempe quod illorum terminum aut limites cognoscere non valeamus, ut cum ſtellas, aquas maris, tamve quæ eſt in ejus littore arenam, quæ præ multitudinem numerari non poſſunt, infinitas quadamtenus reputamus, & de illis etiam humano more juxta mentis noſtræ caput loquuntur Libri Sacri: exindene ſequetur non aliam ab illa eſſe infinitatem Dei cuſque divinarum perfectionum? Nequaquam. Nec in utriuſque diverſitate advertenda mens noſtra laborat, eſſi veram infiniti aut infinitatis ideam habere non poſſimus. & in eo præciſe quod de ea, ut in ſe eſt, ſentire impares ſumus, imbecillitatem noſtram quæ illam nequit attingere conſtantes, hanc magnificentiſſe exaltamus, & reverentius celebramus.

Alia tum Scripturæ, tum Sanctorum Patrum testimonia, quibus adhuc oſtendi poſſet Dei infinitas tam in ſuo eſſe quam in proprietatibus & perfectionibus, hic addere eſſet ſuperfluum, cum Deum infinitum predicare reſcuſet ſolus impius, qui ipſum Deum, ſi poſſibilitas aſſoret, negare vellet, quique aut Scripturæ aut Patribus nihil autoritatis concedit aut ipſis credamus. & quid mirum ſi Scripturam, Patres & Eccleſiam non audiat, qui nec ipſi rectæ rationi vult in hac parte conſentire? cujus naturale dictamen, ſi quantum in ipſo eſt non obrueret, Deum, ex communi omnium idea & noſione ens perfectiſſimum, quo nihil melius eſt aut cogitari poſſeſt, ſimpliciter & ex corde tandem agnoſceret. Sed quomodo ens perfectiſſimum quo melius nullum poſſet excogitari Deus haberetur & eſſet, ſi in quocumque perfectionis genere non eſſet infinitus? præterea ſi Deus quia a ſe ipſo eſt, nullamque ſui cauſam habere poſſeſt, infinitus non eſſet, unde limites haberet? neque enim ab alio, cum omnium ſit ipſe cauſa; neque a ſe ipſo: etenim repugnat ens a ſe exiſtens certas ac limitatas ſibi definire perfectiones: & in aſſeitate, ſeu totali a quocumque independentia fundatur, &

nc.

necessario, omnimoda Dei infinitas tam in suo esse, quam in modo essendi. id ipsa suadet ratio cuilibet habenti veram supremi, uniusque Numinis illius ideam; ad quod attendens Damascenus lib. 4. de fide cap. 12. dicebat quod, *videtur inter Dei nomina primas tenere, qui est: totum enim in se ipso comprehendens habet ipsum esse, velut pelagus quoddam substantiæ infinitum & interminatum.* & revera, ex eo quod Deus sit a se ipso, & essentia ejus constituatur per aseitatem quæ infinitatem secum importat, consequens est ut omnes perfectiones quæ ab aseitatem, in quantum dicit Dei essentiam, necessario fluunt, eandem participant cum essentia divina infinitatem; siquæ verum est quamlibet Dei perfectionem esse in genere suo infinitam, Deumque quancumque veram perfectionem continere in eminentissimo infinitoque gradu: ex quo Deus dicitur recte & est simpliciter infinitus.

Nec opponatur Deum non esse summum infinitum, quia ipsius perfectioni aliquid addi potest, nimirum perfectiones creaturarum, ex quibus cum Deo uniuntur necessario augeri debet supremi illius Numinis perfectio. id enim falsum est, ex eo quod nihil boni habeat creatura ab omni imperfectione liberum, quod non sit formaliter in Deo; & aliunde creaturæ in ipso eminenter continentur: unde ex earum aggregatione cum earum creatore ille non sit perfectior, quia non est quo crescat perfectio illius. *Corpora adjunctio- ne sua crescunt,* inquit Hipponensis lib. 6. de Trinitate cap. 8. *in rebus autem Spiritualibus, cum minor majoribus adhaerescit sicut creatura creatori, illa sit major quam erat, non ille.* Rationem reddit Angelicus Doctor dicens, *illud quod est optimum simpliciter, nullo addito potest fieri melius.* quod ultro libenter confitetur quisquis de Deo, ut ab homine intelligi potest, etiam solo lumine naturali duce, ut par est cogitat, & loquitur.

Ex asserta tamen supremi Numinis infinitate nemo concludat illius perfectiones esse numero infinitas, cum id non ferat assertio, nec verum esse queat. Siquidem Divinæ perfectiones, vel sunt positivæ, quas Deo tribuimus cum quadam analogia ad perfectiones creaturarum, quæ numerice sunt finitæ: vel sunt negativæ, & remouent a Deo creaturarum defectus, qui cum non sint numero infiniti, nec infinitus esse valet numerus perfectionum ipsis correspondentium. illæ autem ex Scriptura & Patribus a Theologis solito numerantur; Aseititas, infinitas, simplicitas, immensitas, omnipotentia, immutabilitas, æternitas, ineffabilitas, invisibilitas, & incomprehensibilitas. eo igitur sensu infinitus in suo esse Deus, intelligitur in suis perfectionibus infinitus, quod unaquæque earum, positivæ sint vel negativæ, sit formaliter infinita.

Perfectiones simpliciter simplices esse Divinum formaliter continet, perfectiones vero secundum quid simplices in illo eminenter vel virtute continentur.

Dato perfectiones simpliciter simplices eas esse, ut omnes fatentur, quæ meliores sunt ipsæ quam non ipsæ, vel quarum possessio realem dicit in subiecto perfectionem, quarumve carentia dicit necessario imperfectionem, eas in Deo formaliter contineri & necessario, ipsa ratio dicit; qui enim aliter Deus, qui entis est plenitudo, ens summe perfectum jure denominaretur & esset? insuper Deum formaliter continere quidquid recte de illo prædicari potest, nullus diffitetur: de illo ergo cum prædicari possint quælibet perfectiones simpliciter simplices, dicitur enim de eo quod sit justus, misericors, sapiens, restat Deum hæc omnia formaliter continere, & quidquid est pure ac simpliciter perfectum absque ulla imperfectionis umbra aut admixtione. Hinc est quod in Scripturis Sanctis dicatur fortis, potens, bonus, longanimis; ipsique inesse consilium, æquitatem, prudentiam, fortitudinem, cæteraque hujusmodi legatur. quod cum a nemine cordato in dubium revocetur, id ulterius probare foret omnino superfluum.

Ad perfectiones secundum quid simplices quod spectat, ex eo quo Deus est ens summe perfectum, & infinitam ejus perfectionem participare necessario debeat quidquid in ipso formaliter est, illas formaliter in Deo non contineri, ut pote quæ in suo conceptu formali quamdam involvant imperfectionem, consequens est. Illas tamen eminenter in Deo esse certissimum est, modo nempe nobiliori, quidquid in eis esse potest imperfectionis in quantum in se ipsis considerantur, vel pro ut sunt in Creaturis, excludente. ex illa plenitudine entis quæ in Deo est, vel melius quæ Deus est, oritur in illo etiam plenitudo quarumcumque perfectionum quibus alia quælibet entia possunt dari; ita ut, si ex impossibili ens unum, quodcumque sit, posset habere unam perfectionem veram, quæ, secluso illo quod imperfectionem redoleret pro ut est in ente creato & finito, eminenter in Deo non esset, ipse etiam deficeret: cum enim tunc ens perfectissimum non esset ex supposito licet impossibili, nullo modo esset, quia infinitas perfectionum, vel summa perfectio etiam possibilis, includitur necessario & absolute in idea & essentia Dei: unde Deus perfectissimus est, vel non est, quod repugnare alias ostendimus.

Hinc fortasse incredulis quibusdam suggestum est supremi illius Numinis negare existentiam. Decepti per philosophiam falsam, & inanem fallaciam secundum elementa mundi, ut loquitur Apostolus Paulus, colof. cap. 2. existimaverunt ad summam perfectionum possibilium perveniri numquam posse, nullumque proinde ens posse excogitari existens quibuslibet perfectionibus possibilibus dotatum, quia ipsis videbatur, ad quemcumque perfectionis gradum devenisset illud ens, alterum quemdam gradum superaddi posse; & cum aliunde

de ipsis videretur in idea Dei includi necessario ultimum gradum possibilem perfectionis (& in hoc certe non errabant) harum idearum specie oppositarum quas conciliare nequibant pugnantia delusi, circa Dei scientiam errantes, naturali rectæ rationis dictamini alte de Deo loquenti Rom. cap. 1. obturaverunt aures suas; sicque evanuerunt in cogitationibus suis, & dicentes se esse sapientes, stulti facti sunt veritatem Dei in injustitia detinentes. & reipsa stulti, in eo quod intelligere volebant id quod inintelligibile merito experiebantur; illudque minime capientes ob humanæ mentis imbecillitatem, illius existentiam negaverunt, cujus nihilominus non existentia impossibilitatem quidquid existit in rerum natura ipsis evidenter significabat.

Deum ergo quamlibet perfectionem, seclusa quacumque imperfectionis nota, formaliter vel eminenter continere certum est. quidquid per creaturas, quarum vis nihil aliud est quam divinæ potestatis quædam participatio, ipse præstat & operatur, per se præstare potest, & quidem nobiliori excellentiorique modo; quod verum non esset, si rerum omnium simplices perfectiones eminenter ac virtute non contineret Deus. ad eminentiam harum omnium perfectionum attendens Augustinus, sic serm. 384. loquebatur. *quid est omnipotens Deus? quid, nisi inestimabilis, ineffabilis, incomprehensibilis, ultra omnia, extra omnia, præter omnia? omnem enim creaturam suam excedit, omnem facturam præteris, universa præcellit. Si enim queras magnitudinem, major est; si pulchritudinem, pulchrior; si dulcedinem, dulcior; si splendorem, fulgidior; si justitiam, justior; si fortitudinem, fortior; si pietatem, clementior. Nulla enim ratio patitur, ut vel factura factori suo æquetur, vel opus artificis comparetur sicut legitur in Scripturis, qui fecit fortia fortior est; & qui fecit pulchra pulchrior est illis. Sap. cap. 13.*

Q U Æ S T I O S E C U N D A .

An Deus sit simplex & incompositus.

DEUM esse incompositum, & necessario ens simplicissimum ex eo quod quamdam imperfectionem secum importet quælibet compositio vera, licet ipsa doceret ratio, eo vesaniæ devenerunt permultæ gentes, ut Deum homini similem existimaverint, ipsique corpus sensibile ab humano, licet illo longe perfectius, parum dissimile tribuerint. Rudes & idiotas sensibilia dumtaxat sapientes, nihil nisi corporeum intelligere valentes, crassissima hac ductos fuisse opinione, est magis quod desileamus quam quod miremur. verum quis non stuperet permultos etiam inter philosophos, ut de Stoicis & Epicureis fertur, Deum mole corporea circumdatum putantes audiens; quodve fidem excedit omnem, nonnullos inter Christianos eadem labe aspersos vident, ut de Manichæis Deum infinita mole diffusum insanientibus taceamus, ipsos Monachos ineptissimæ huic opinioni in Aegypto deditos, qui quarto Ecclesiæ Sæculo exorti, Antropomorphitæ dicti sunt, eo quod membris humanis Deum constare sentirent?

S

Pri-

Præcis omnibus philosophis qui Deum substantiam universalem ex qua cuncta constarent, huncque universalem materiam, ac totius mundi animam prædicaverant, novissimis hisce temporibus audentior Benedictus Spinoza Amstelodamensis Judæus, in Athæum impie transformatus, ridiculum illud humanæ mentis commentum, vetustate velut obsoletum, cuiusve fere occiderat memoria, de novo excitavit & ordinavit in Ethica sua, illudque ad instar systematis efformavit, cujus specie delusi quamplures, redivivæ huic impietati novas vires addiderunt. Unicam itaque in rerum natura fingit ille substantiam, cujus duplex est. Modus essentialis ac necessaria proprietas, magnitudo videlicet & intelligentia. Neque enim juxta ipsum duæ aut plures substantiæ ejusdem naturæ vel attributi dari possunt: cum si plures essent, necessarii inter se distinguerentur, vel ratione attributorum, vel ratione affectionum. si essent diversæ solummodo per attributa, non erit nisi una ejusdem attributi: si penes affectiones, cum substantia sit prior natura suis affectionibus, in se considerata vel ut est revera, non poterit concipi distincta ab alia, sicque unica erit substantia, non plures.

Hæc posita propositione, quæ est quinta apud Spinosam, ejusque systematis veluti fundamentum, sequitur, quæcumque in hoc universo extant corpora diversos esse modos illius substantiæ, pro ut extensionem habet, omnesque intelligentias ejusdem esse substantiæ modos, in quantum est intelligens. Hæc unica substantia Deus est, a quo omnia ducunt originem, & ita immediate ut ab ipso non differant, sed ipsius sint modi, atque ex necessitate illius naturæ quæ infinita est infinitis modis proficiscuntur. Unde præter Deum nihil erit, cum in tali supposito Deus sit omnis natura, & quodlibet ens individuale, sive extensum, sive cogitans, nihilque sine illo poterit esse aut concipi. erit nihilominus secundum Spinosam Deus æternus, infinitus, immutabilis, immensus, perfectissimus, omne perfectionis genus complectens, idemque semper manens. illud licet portentosum Systema, quod ultimum delirantis impietatis complementum dicere possumus, methodo Geometrica ab auctore expositum, ut aliquid evidens a nonnullis quos nihil credere delectat, aliquot ab hinc annis defenditur. Verum illud ex qualibet parte deficere, vanis ac futilibus nixum sophismatibus, potius quam validis probatum argumentis, quis id secum parumper reputans non videt?

Spinosæ variis temporibus præverant, ut observavimus aliqui Philosophi, inter quos de Schola Peripateticorum Strato Lamplicenus annumeratur a Seneca apud Augustinum lib. 7. de civit. Dei, cap. 10. Marcus Cato ex Stoicis apud Lucanum lib. 9. Alexander Epicureus apud Pereirum lib. 5. de communibus principiis; Almaricus apud Prateolum in elencho hæreseos; tandemque David de Dinando apud Theophilum Raynaldum in Theologia naturali, & Divum Thomam ad cap. 17. libri primi contra Gentiles, existimans Deum esse materiam primam, quia inquit; si Deus & materia non essent unum quid & idem, esset inter utrumque differentia quædam, eoque proinde simplicia non essent, ex eo quod quælibet differ-
tia

tia aliquam faciat necessario compositionem in eo cui inest. Illorum omnium commenta impugnabuntur, si falsitatem ac impietatem Sistematæ Spinosæ ostendamus. quod cum attigerimus, Deum omnis physicæ compositionis expertem, ac proinde ens Spirituale simulque Simplicissimum propugnabimus.

A S S E R T I O P R I M A.

Unicam esse in rerum natura substantiam, Deumque unicam illam & universalem esse mundi substantiam, gratis & veniente ratione non minus quam fide impius fabulatur.

ET si eruditissimis ab hominibus penitus contritum fuerit impium Spinosæ Siste-
ma, cujus falsitas fuit invictissime quolibet ex capite manifestata, cum de illo omnimode his temporibus tacere Theologum dedeceret. propositionem illam qua nititur ipsius impietas convellemus, de aliis perversis ejus dogmatibus taceantes, nec falcem in alienam quodam modo messem mittendo, jam actum iterum agamus.

Quam fatiscens & caducum sit illud Spinosæ Siste-
ma unicam admittens in rerum natura Substantiam, ex qua coalescant omnia quæ in mundo suis temporibus existunt, quam universalem mundi substantiam Deum esse impie fabulatur, ex illa quam tradit substantiæ definitione ex qua in ipsum arguere est facillimum, prima fronte intelligitur. Substantiæ nomine illud significat quod in se est, & per se concipitur: scilicet id cujus conceptus non indiget conceptu alterius rei a quo formari debeat. mancā esse hujusmodi definitionem ex eo quod omni definito non conveniat, quod est contra primas logicæ regulas, quis non videt? & aliunde ut certum supponit quod ipsi probandum incumberet, nempe aliam non esse substantiam præter eam quæ est in se vel a se, cum illud solum per se concipiatur quod nullam sui causam habere potest, cujusque proinde conceptus nullo alio præcedente conceptu indiget ut quid sit intelligatur. Deum solum si haberet pro objecto illa definito, quæ ipsi adhuc aperienda erat ob propositionis ambiguitatem, absolute loquendo posset admitti: certum enim est Deum essentialiter esse in se & per se, ac independentem a quocunque alio concipi, cum ex opposito cætera omnia in Deo sint, & nisi dependentem ab illo possint concipi, ex eo quod ab ipso necessario sint, qui solus est rerum omnium prima & efficiens causa. Deinde data, sed non concessa, prædicta definitione substantiæ duplicis generis vel speciei substantiam esse necessario colligitur, substantiam videlicet extensam, & substantiam cogitantem, cum utraque in se sit, per se concipiatur, & conceptus unius non formari indiget per conceptum alterius. Neque enim quis latebitur cogitationis conceptum efformandum esse per conceptum rei extensæ, vel conceptum extensionis proficisci a conceptu substantiæ cogitantis; quin potius illi duo conceptus invicem opponantur, & in eadem numero substantia repugnent. substantiam extensam nihil aliud dicere quam partium diversitatem, motum, quietem, figuram,

omnemque sensibilem aut insensibilem partium modificationem, quæ etsi in infinitum variaretur, nullum ad cogitationem ordinem umquam dicet, nulla-que ex hac in infinitum variatione exurget in æternum vel minima cogitatio, ipsa ratio dicat; sicut etiam substantia cogitans nullum dicit ordinem ad extensionem; in infinitum usque variantur cogitationes, quæ sunt velut totidem spiritualis seu cogitantis substantiæ modificationes, motus, quietis, figuræ, aliarumque substantiæ extensæ passionum idea ex iis nusquam exurget. & per hanc conceptuum evidentem diversitatem, quam nemo sensatus negabit, evidenter ostenditur & invictissime probatur substantiæ utriusque, cogitantis & extensæ necessaria diversitas.

Nec reponatur substantiam in quantum præcise est substantia, nec extensionem esse nec cogitantem, sed utrumque advenire substantiæ velut illius modos & attributa. esto quod substantia metaphysice & in abstracto considerata, quæ definitur illud quod per se subsistit, nullo alio indigens cui inhaeret, nec extensionem dicat nec cogitationem, quid inde quod Spinosæ saveat? Nihil certe: cum in præsentis hypotesi, ut talis est in se physice, & in concreto sit spectanda substantia, utpote quod omnia ejuscumque ordinis entia ex ea coalescere dicantur, cum nihil præter ipsam esse supponatur. & revera ut extensa & cogitans ab illo consideratur. etenim juxta ipsius principia quælibet entia singularia necessario sequuntur ex aliqua divini attributi modificatione: hæc autem sunt necessario vel entia extensa, vel entia cogitantes, cum extensio vel magnitudo, & intelligentia seu cogitatio, sint attributa illius substantiæ, & quidquid aliud est, modus sit vel affectio diversa illorum attributorum. unde eidem substantiæ essentialiter competet esse simul extensam & cogitantem, quod repugnat.

Ex bene intellectis Spinosæ principiis, si tamen principia jure possunt vocari delirantis rationis inventa, sequitur unicam de qua loquitur, & quam Deum esse fingit substantiam, nihil aliud esse præter materiam quæ est æterna, nec ens aliquod admittit quod majus illa sit & a quo fuerit producta: proindeque nullum aliud Deum esse quam orbem universum. ex eo quod omnia sequantur ex necessitate naturæ divinæ, restat in rerum natura nullum dari contingens, sed omnia ex necessitate divinæ illius naturæ determinata esse ad existendum certo modo & operandum: nec propter ullum finem quidquam Deum fuisse operatum, resque omnes nullo alio modo, neque alio ordine a Deo produci potuisse quam productæ sunt: quæ omnia Spinosæ commenta quantum a ratione & a fide deficient, facile agnoscit quisvis est ab illa alienus impietate, quæ sub e mentito Divinitatis nomine, Deum e medio tollit, substantiam unicam vere inexplicabilem, attributis duobus vel modis impossibilibus ditatam ipsi substituens. quot absurditates ex illo Materialistæ Systemate, a quo recta ratio fidesque Christiana simul abhorrent, necessario sequantur videre est apud illos a quibus ex professo quolibet ex capite fuit ultimis temporibus impugnatum. ad nos quod spectat, satis est impii Systematis summam aperuisse, ut illud non minus rectæ rationi quam fidei adversari cuilibet innotescat. Legatur S. Thomas Davidem de Dinando

confutans lib. 1. contra Gentiles cap. 17. iisdem ex maxima parte convellitur argumentis Spinoſa. Hoc unum advertere liceat, intelligi non poſſe, quomodo, ex ſuppoſito quod omnia ſint unica ſubſtantia quæ ſit ipſemet Deus, in ipſum non refunderentur nefanda hominum ſcelera, ſicut illorum recte facta, ex neceſſitate divinæ ſubſtantię pariter manantia, cum ſint divini cuiuſdam attributi modificationes. Verum quid diutius in iis immoramur? Huiuſmodi impietati, qua ſapientia, conſilio, providentia, libertate, mente, intelligentia Deus non inconſulto ſpoliatur, totius naturę vocem refragantis quis non audit?

A S S E R T I O S E C U N D A.

Deum ens ſimpliciſſimum, cuiuſcumque compoſitionis phyſicę expertem eſſe, ſeu incorporeum fides ſimul & humana ratio teſtantur.

Fidei hanc vocem eſſe teſtantur quęcumque ſacrę Scripturę verba Deum dicentia Spiritum, vel Deo attribuentia quę ſoli enti Spirituali convenire poſſunt. Cui ergo ſimilem feciſtis Deum? aut quam imaginem ponetis ei, inquit Iſaias, cap. 40. Spiritus eſt Deus, & eos qui adorant eum, in Spiritu & veritate oportet adorare, ait Chriſtus Dominus apud Joannem cap. 4. Dominus autem Spiritus eſt, dicit Apoſtolus 2. corinth. cap. 3. ex quibus colligitur nec certis locis, nec quibuſdam cęremoniis neceſſario alligari cultum, qui vero Deo debetur, ut craſſo ducti errore putabant Samaritani: Nec modo carnali ad Simulachrorum inſtar Gentilium more illum eſſe adorandum quaſi corpore conſtaret. Numquid non celum & terram ego impleo dicit Dominus? Jerem. cap. 23. ergone putandum eſt quod vere Deus habitet ſuper terram? ſi enim celum, & cęli cęlorum ſe capere non poſſunt, quanto magis domus hæc quam ædificavi? inquit Salomon 3. Reg. cap. 8. quibus verbis Deum nullis limitibus circumſcribi cum ſignificetur, quod enti ſpirituali cunctę phyſicę compoſitionis experti ſolummodo poteſt convenire; omne quod corpus eſt non nullis limitibus neceſſario circumſcribitur, ac in loco determinato contineri per ſe exigit. illum eſſe incorporeum, & incompoſitum, proindeque ens ſimpliciſſimum offenditur. Hinc Anthropomorphitas Deum corporeum arbitran- tes, inter Hæreticos annumeravit Eccleſia: & adverſus alios de Divinitate catholicę minus ſentientes declaravit in Concilio Lateranenſi quarto ſub Innocentio III. cap. firmiter unam eſſe Dei eſſentiam, ſubſtantiam, ſeu naturam omnino ſimplicem.

Et hæc ſuit conſtans Sanctorum Patrum doctrina, qui prioribus potiſſimum Eccleſiæ ſæculis adverſus Gentiles ac Idololatrias ſcribere deorum pluralitatem impugnantes, uniuſque Dei exiſtentiam ac incompoſitionem validis argumentis ſtabilitantes. Sic Origines lib. 1. de principiis cap. 1. Non ergo, inquit, aut corpus aliquod, aut in corpore eſſe putandus eſt Deus, ſed intellectus, ſiſ natura, ſimplex, nihil in ſe omnino adjuñctionis admittens, uti nec majus aliquid & inferius eſſe credatur, ſed ut ſit ex omni parte Monas, & ut ita dicam,

totus est mens ac sensus, ex quo initium totius intellectualis naturæ vel mentis est. Illudque multis Scripturæ testimoniis probat Origenes, qui, Socrati ac Sozomeno si credamus, Aegyptiorum Monachorum in odium venit eo quod omnimodam Dei incorporeitatem propugnasset.

Dogma idem defendens S. Gregorius Nazianzenus orat. 34. sic loquebatur: *an Corpus eum esse dices? quonam vero modo Corpus erit hoc quod est infinitum, interminabile, figuræ expers, quod nec tangi, nec videri potest? quid causæ esse dicemus, quin ex elementis consiet, & in ea resolvatur iterum, & omnino dissolvatur? Nam compositio principium est pugna: pugna autem dissidii: dissidium solutionis: solutio vero prorsus aliena est a Deo primaque natura: quocirca nullum est dissidium, ne sit aliqua solutio: neque pugna, ne dissidium oriatur: nec compositio, ne pugna existat. Ac proinde nec corpus quidem est, ne sit compositio.*

Eandem confirmat Sanctus Augustinus veritatem Epist. 148. quæ est ad Fortunatianum Siccensem Episcopum, auctoritate Majorum ostendens, Deum oculis corporis nec visum fuisse, nec posse videri cum sit incorporeus: & illorum relatis testimoniis, hæc scribit cap. 4. *Denique in iis omnibus, quæ de opusculis Sanctorum atque Doctorum commemoravi, Ambrosii, Hieronymi, Athanasii, Gregorii, & si qua aliorum talia legere potui, quæ commemorare longum putavi, Deum non esse corpus, nec formæ humanæ habere membra, nec eum esse per locorum spatia divisibilem, & esse naturæ immutabiliter invisibilem, nec per eandem naturam atque substantiam, sed assumpta visibili specie sicut voluit, apparuisse iis quibus apparuit, quando per corporis oculos in Scripturis Sanctis visus esse narratur, in adiutorio Domini inconcussus credo, & quantum ipse donat intelligo.* & lib. 12. de Trinitate cap. 7. de imagine Dei ad quam in Scripturis dicitur factus homo, disserens, hæc habet: *non secundum formam corporis homo factus est ad imaginem Dei, sed secundum rationalem mentem. Cogitatio quippe vana turpiter est, quæ opinatur Deum membrorum corporalium linearum circumscribi atque finiri.*

Aliorum Patrum testimonia hic congerere quid necesse? ratio ipsa pro veritate clamat: huicque testimonium perhibere consensu fere unanimi, clariore Philosophi, ut de Platonici observat Hipponensis lib. 8. de civit. Dei. cap. 6. quorum opinioni omnium dicit dogmata Philosophorum esse postponenda, ex eo quod nulli nobis, quam isti, propius accesserunt, inquebat cap. 5. & revera ratione duce, Deum simplicem & incorporeum demonstrat S. Joannes Damascenus lib. 1. de fide orthodoxa cap. 4. ex ejus infinitate, interminabilitate, invisibilitate, impassibilitate, immutabilitate, incorruptibilitate, quibus gaudet essentialiter Divina natura, & quæ substantiæ corporeæ non competunt. Hanc eandem viam tenuerunt non pauci & Sanctis Patribus, qui ejus incorporeitatem & incompositionem rudioribus populis a Gentilitate ad fidem Christianam conversis ostenderunt, ex eo quod in Deum cadere non possunt affectiones vel qualitates a materia & corpore inseparabiles.

Enimvero, eritne Deus compositus ex materia & forma? sed illæ partes

tes imperfectionem arguunt & dependentiam in composito, quod satis est ut de Deo talis nequeat prædicari compositio. materia esse non potest nisi per modum perfectibilis, & est indifferens ad plures formas, ad quas passive se habet. forma erit per modum perficientis, etsi dependenter a materia per quam veluti sustentatur: & utraque in quolibet composito potest ab invicem separari; ergo indivisibilis non erit Deus. & aliunde a quo oritur talis in Deo compositio, nisi ab alio ente quod sit illo majus aut potentius? quot, data hac ficitia & impossibili compositione, absurditates!

Erit ne compositus ex anima & corpore ad instar hominis, vel ex partibus tum integranibus tum quantitativis? sed quantum exinde imperfectionis? animæ illius ac corporis unio compositum constituens, majorem aut saltem priorem supponit a quo illa procedat, cum causam supponat quilibet effectus: Neque enim improductum quid, & a se, dici poterit talis partium componentium unio, quæ partibus compositi est necessario posterior. & exinde quot entibus incompletis Deus constabit; hujusmodi enim erunt respectu illius, sicut respectu hominis, anima & corpus, cunctæque partes illæ, integrantes, sive quantitativæ, a quibus erit dependens Divinum illud compositum, si ficitiam tali modo Deum, unico etiam instanti posset ratio ferre.

Ex subiecto & accidente illum quis fortasse dicet compositum. Sed quid dicet ille esse accidens in Deo? audiat Augustinum lib. 5. de Trinit. sæpius dicentem, quod quicquid de Deo dicitur vel intelligitur, non secundum accidens, sed secundum substantiam dicitur. etenim, accidens non solet dici, nisi quod aliqua mutatione ejus rei cui accidit amitti potest. quamobrem nihil in eo secundum accidens dicitur, quia nihil ei accidit, quia nihil in eo mutabile est. Dicatur Deus suarum perfectionum ac proprietatum subiectum; nihil implicat; modo pro ut in rebus mutabilibus subiectum quid vocatur, id non in Deo, qui ens est absolutum & per essentiam, nihil in se admittens imperfectionis, intelligatur. quidquid qualitatem sapit vel accidens, est procul a Deo. quidquid secundum qualitates illis dici videtur, secundum substantiam vel essentiam est intelligendum, inquit idem Sanctus Doctor.

SOLUTIO OBJECTIONUM.

1. **O**bjectio. Compositionem Physicam simul & corporeitatem a Deo non esse alienam duplici ex capite probant divinæ Scripturæ; tum ex eo quod ad imaginem Dei ejusque similitudinem dicatur factus homo, qui physice compositus est, & anima ac corpore constat; tum quia innumera de Deo prædicantur quæ extensionem, verasque partes extra alias, ut sunt humani corporis membra, variasque corporum affectiones supponunt ac designant: oculi enim, manus, pedes, auditus, odoratus, situs, aliaque id genus ipsi sæpiissime tribuuntur: nec non diversæ animi affectiones, ut sunt ira, dolor, gaudium, zelus & similia Deo inesse commemorantur: ac de illo juxta vulgarem Scripturæ loquendi modum semper verba faciunt Sancti Pa.

Patres, dum de diversis ipsius operibus, variisque ejus proprietatibus differunt: quæ omnia de Deo prædicata si absolute incorporeus & incompositus esset Deus, rationabili carerent fundamento, indeque necessario circa Divinitatem homines, potissimum rudes & illiterati, perpetuos in errores inducerentur, quod nequidem decet cogitare. unde assertio vana sit.

Resp. Innumeris Scripturæ Sacræ locis quæ in confirmationem propositæ difficultatis laudari potuissent, etsi propria unicuique, ex Sanctis Patribus, abhiberi posset responsio, idque facile, verumtamen ne in infinitum progrediamur in iis quæ levioris sunt momenti, ex eo quod hominibus etiam indoctis, modo non mente captis, sint intellectu facilia, generalem quæ nihilominus difficultatem solvat, satis erit si adhibeamus responsionem. ad similitudinem igitur quod spectat hominis cum Deo, ad cujus imaginem factus est, hæc in sensu proprio literali & physico vera esse dici posset cum Tertulliano lib. de Resurrectione Carnis, si ad futuram Divini Verbi incarnationem attenderemus, de qua hominem cum anima & corpore formans Deus vere cogitabat; quodcumque enim limus exprimebatur, Christus cogitabatur homo futurus: vel sicut Prudentio in Apotheosi, & quibusdam ex veteribus, censendum existimaremus, in hominis formatione Deum sibi corpus quoddam adaptasse, cujus similitudinem in humana configuratione exprimeret. sed cum hæc Prudentii opinio sufficienti careat fundamento, & mysticum seu moralem sensum offerat relata Tertulliani expositio, difficultatem directe magis solvere arbitramur, si hanc hominis cum Deo similitudinem ex parte mentis, quæ in sensu verissimo dici potest spiraculum illud vitæ, Genes. cap. 2. quod insufflavit Dominus Deus in faciem hominis quem formaverat de limo terræ, & virtute cujus factus est in animam viventem, repetamus cum Sancto Augustino, loco jam supra laudato de Trinit. lib. 12. cap. 7. qui cogitationem turpiter vanam dicit eam quæ imaginem Dei ad quam homo factus est secundum formam corporis intelligeret, quasi membrorum corporaliū lineamentis circumscriberetur & finiretur Deus, ut assertionem probantes retulimus: unde quibusdam adductis ex Apostolo in suæ confirmationem sententiæ, sic, veluti concludens, pergit: *Si ergo Spiritus mentis nostræ renovamur, & ipse est novus homo qui renovatur in agnitionem Dei secundum imaginem ejus qui creavit eum, nulli dubium est, non secundum corpus, neque secundum quamlibet animi partem, sed secundum rationalem mentem, ubi potest esse agnitiō Dei, hominem factum ad Imaginem ejus qui creavit eum.* Et cum Augustino consentiant fere omnes Sancti Doctores, quorum vices veluti gerens Mediolanensis Ambrosius dicebat exposuit. in Psal. 118. num. 12. *invisibilis Dei imago non in eo est quod videtur, sed in eo utique quod non videtur.* Et hæc sufficiunt quantum ad primam objectionis partem.

Ad aliam quod pertinet, dum opponitur multa in Scripturis de Deo prædicari quæ corpus ipsi inesse videntur indicare, cum aliud non sint præter corporum affectiones, perfacile solvitur. nullus enim est qui absque labore non intelligat illa omnia in sensu improprio & metaphorico de supremo illo Numine narrari, minime vero in sensu proprio ac litterali. Nec mirum quod

quod per Prophetas suos, aliosque inspiratos homines nobis de se loquens Deus in Scripturis Sanctis, ad captum nostrum sese accommodaverit: ut quid aliquin de rebus spiritualibus ipsum verba facientem intellectu consequeremur? sique se gerens nobiscum Deus, nostræ servit infirmitati, consulitque utilitati, ut ea dignoscere possimus quæ ab illo speranda vel timenda habemus; nec nos lateat quod ipse possit ad bonos præmiandos aut malos puniendos: vel etiam de ipsius attributis ejusque operationibus quamdam veluti imaginem ut habeamus, & ut de illo, in quantum nobis conceditur, loqui non indigne valeamus & cogitare.

Quod autem sic intelligendæ sint divinæ Scripturæ, non vero ad litteram accipi debeant, dum Deum nobis ad instar hominis repræsentant, os, aures, manus, pedes habentem, docemur a Sancto Augustino, qui pro omnibus Sanctis Ecclesiæ Patribus, ingeniose rem explicat Epist. 148. superius laudata ad Fortunatianum Siccensem Præfulem, hæc scribens cap. 4. *de membris Dei, quæ assidue Scriptura commemorat, ne quisquam secundum carnis hujus formam & figuram nos esse crederet similes Deo, propterea eadem Scriptura, & alas habere Deum dixit, quas nos utique non habemus. Sicut ergo alas cum audimus, protectionem intelligimus: sic & cum audimus manus, operationem intelligere debemus; & cum audimus pedes, præstationem; & cum audimus oculos, visionem quæ cognoscit; & cum audimus faciem, notitiam quæ innoscit; & si quid aliud eadem Scriptura tale commemorat, puto spiritualiter intelligendum.* Ne autem recens aut singularis cuiquam videretur illa in sensu spirituali Scripturæ interpretatio ab Hipponensi adhibita, admonet Sanctus Doctor se nec solum, nec priorem esse in tali expositione, quæ est etiam omnium qui qualicumque intelligentia spiritali resiliunt eis, qui ob hoc Anthropomorphitæ nominantur: quod ut ostendat, testimonium habet ex Sancto Hieronymo, ut exinde nosset Episcopus ille, cujus nomen tacet, sed cujus occasione ad Fortunatianum commonitorium istud, seu Epistolam scripserat Augustinus, a prioribus illo sic fuisse intellectam Scripturam.

Hunc locum Hieronymi in psal. 93. pro ut ab Augustino laudatur, hic addere non abs re erit ad nostræ responsionis confirmationem. Cum ergo, inquit Augustinus ibid. *ille vir in scripturis doctissimus (Hieronymus) psalmum exponeret ubi dictum est, intelligite ergo qui insipientes estis in populo, & stulti aliquando sapite; qui plantavit aurem, non audit, aut qui finxit oculum, non considerat: inter cetera, " (iste locus, inquit, adversus eos maxime facit, qui Anthropomorphitæ sunt, qui dicunt Deum habere membra, quæ etiam nos habemus: verbi causa, dicitur Deus habere oculos: quia oculi Domini respiciunt omnia, manus Domini facit omnia. & audit, inquit, Adam sonum pedum Domini deambulantis in paradiso: hæc simpliciter audiunt, & humanas imbecillitates ad Dei magnificentiam referunt. Ego autem dico quod Deus totus oculus est, totus manus est, totus pes est. Totus oculus est, quia omnia videt. Totus manus est, quia omnia operatur. Totus pes est, quia ubique est, ergo videte quid dicat. qui plantavit autem rem non audit, aut qui finxit oculos non considerat? & non dixit qui*

T
 ,, plan-

„ plantavit aurem, ergo ipse aurem non habet; non dixit, ergo ipse oculos non habet: sed quid dixit? qui plantavit aurem non audit, qui finxit „ oculos non considerat? membra tulit, efficientias dedit: “) Hæc Hieronymus; ex quibus collatis cum Augustini verbis facile intelligere valet etiam. indoctus & rudis, quo sensu habere membra Dominus Deus in Scripturis sanctis commemoretur.

In sensu pariter improprio ac Metaphorico de Deo prædicari varias animi affectiones, humanis affectibus quasi similes, remota quacumque imperfectiōne, ostendunt ea quæ habet idem Augustinus lib. 1. confess. cap. 4. Deum sic alloquens. *immutabilis mutans omnia, numquam novus, numquam vetus, innovans omnia, & in vetustatem perducens superbos & nesciunt; semper agens, semper quietus, colligens & non egens, portans & implens & protegens, creans & nutriens & perficiens, querens cum nihil desit tibi. Amas, nec astuas; Zelas, & securus es; poenitet te, & non doles; irasceris, & tranquillus es; opera mutas, nec mutas consilium.* quod disertius adhuc ostendit dum lib. de patientia cap. 1. hujusmodi passiones quoad effectum, non vero quoad affectum aut internum animi motum Deo inesse significat his verbis: *Dei patientia qualis & quanta sit, quem nihil patientem, nec tamen impatientem, immo etiam patientissimum dicimus, verbis explicare quis possit? ineffabilis est ergo illa patientia, sicut Zelus ejus, sicut ira ejus. & si quid hujusmodi est. Nam si tamquam nostra ista cogitemus, in illo nulla sunt... sicut autem zelus sine aliquo livore, irascitur sine aliqua perturbatione, misereretur sine aliquo dolore, poenitet eum sine alicujus suæ pravitatis correptione: ita est patiens sine ulla passione.* quod pariter ostendit lib. de fide, spe & charitate cap. 33. exponens quid sit ira Dei de qua salvati sumus in sanguine Christi. Cum autem Deus, inquit, irasci dicitur, non ejus significatur perturbatio, qualis est in animo irascentis hominis; sed ex humanis motibus translato vocabulo, vindicta ejus, quæ non nisi iusta est, ira nomen accepit. quomodo in Deo sint omnes illæ affectiones, quæ in hominibus animi perturbatione quamdam nusquam carent, ratione cujus imperfectum quid necessario dicunt, suisus exponit Hipponeus lib. 2. de diversis quæst. ad Simplicianum, quæst. 2. ea quæ scribit cum longius esset referre legantur apud ipsum Tom. 6. pag. 112. & seq. & his lectis, cito evanescet quidquid difficultatis habere posset objectio, quam solvisse jure arbitramur Sanctorum Patrum dictis constanter inhærentes.

Nihil ergo, dum de hujusmodi passionibus, quæ in Deo esse nequeunt nisi penes effectum, secluso semper affectu, quæstio movetur, juxta litteram accipiatur; quod de illo in Scripturis prædicatur, improprie dumtaxat & per metaphoram dicitur; & digne minus de Deo sentiret, qui ea omnia de illo humano more intelligenda arbitraretur. Hunc a suo errore revocabunt quæ scribit Sanctus Ambrosius lib. de Noe & Arca, cap. 4. in illud genesios, *delebo hominem quem creavi, a facie terræ.... poenitet enim me fecisse eos: Neque enim, inquit, Deus cogitat sicut homines, ut aliqua ei nova succedat sententia; neque irascitur quasi mutabilis; sed ideo hæc legantur, ut exprimat peccatorum nostrorum acerbitas, quæ divinam meruerit offensam; tamquam eo usque incurrerit*
culpa,

culpa, ut etiam Deus, qui naturaliter non movetur aut ira, aut odio, aut passione illa, provocatus videatur ad iracundiam. & juxta hunc sensum accipienda sunt varia tum Scripturæ, tum Patrum verba, quemdam animi motum & affectionem in Deo significantia: ab ipso enim est procul amandandum quidquid vel umbram imperfectionis sapit, ut rusticorum etiam mentibus inculcare debent illi qui ex officio vel ex charitate populis præfunt in spiritualibus, ne vincibili crassaque ignorantia ductum indoctorum vulgus, de Deo recta minus indigne cogitet. tuncque vere in perpetuos errores inducerentur illitterati, non ex Scripturæ aut Sanctorum Patrum, hominibus juxta eorum captum verba facientium, vitio, sed ex culpabili & pudenda tum rectorum, tum institutorum incuria, de Deo imprudenter tacentium coram populis, qui illum ut par est nunquam sunt dilecturi, circa quem supina ignorantia turpiter laborabunt.

2. *Objectio.* Compositionem ex subjecto & accidente in Deo admittunt plures e Sanctorum Patribus, ut cum dicit Athenagoras, quod bonitas secundum accidens Deo inest, & simul existit, ad instar coloris in corpore sine quo non est. Augustinum alias audivimus affirmantem, non omnia quæ de Deo dicuntur, secundum substantiam dici. & aliunde actiones Dei ad extra, ut creatio, varæque volitiones, cum in ipso non sint ullomodo necessariæ vel essentielles. cum ad res mere contingentes, ut sunt creaturæ, ac transitorii quidam effectus terminentur, non possunt in Deo considerari nisi ut quid accidentale.

Resp. Nullius ponderis erit proposita difficultas, si nomen accidentis legitimo sensu accipiat, & secundum communem usum. tunc enim nullo modo Deo inesse potest, quia ipsi nihil advenire potest, sicuti nec aliquid ille valet deperdere, qui nullam, cujuscumque supponatur generis aut speciei, mutationem potest experiri. quidquid Deus est aut habet, illud ab æterno est habetque immutabiliter, ut in sequentibus dicemus, & jam etiam ex Augustino compositionem accidentalem in probationibus impugnantes observavimus. quod si dicat omnia de Deo non prædicari secundum substantiam, nihil inde sequitur quod compositioni de qua agitur saveat, cum substantiam tunc relationi opponat, non vero accidenti, quod in Deo locum minime habere ipse affirmat. insuper cum de substantia aliquando loquatur Dei, quasi ad aliis attributis Divinis præsciendens, tunc substantiæ nomine intelligit, ut cum ipso etiam nunc intelligunt Theologi, attributum illud primarium quod essentiam divinam præcise constituit, & ex quo esse essentialiter ac necessario fluunt quælibet entis divini perfectiones, quæ licet ab essentia inseparabiles, non includuntur in formali conceptu illius, ut satis superque dictum est Sectione præcedenti. sic Deus dicitur secundum substantiam, Pater autem vel Filius secundum relativum; quod tamen relativum non est accidens, inquit S. Doctor lib. 5. de Trin. cap. 5. quia non est mutabile. & nihil in eo secundum accidens dicitur, quia nihil ei accidit; nec tamen omne quod dicitur, secundum substantiam dicitur. quod Deus sit ens per se subsistens a quolibet alio independentis, eius necessarium, illud est quod primo concipitur in Deo, estque illa

ascitas, ut vidimus, gradus ipsius constitutivus: & hæc, ut Augustini utamur verbis, tantummodo videtur significare substantiam. quod vero ille sit æternus, sapiens, bonus, his videntur significari quæ sunt circa substantiam, vel hujus substantiæ qualitates: licet ut recte admonet Hipponensis lib. 15. cap. 5. nequeant qualitates reputari. *non ita est, inquit, in illa ineffabili simplicitate natura. quidquid enim secundum qualitates illic dici videtur, secundum substantiam vel essentiam est intelligendum. absit enim ut Spiritus secundum substantiam dicatur Deus, & bonus secundum qualitatem: sed utrumque secundum substantiam.* & revera; cum sit essentialiter seu substantialiter bonus, sapiens, &c. improprie ergo locutus erit & largo modo Athenagoras de bonitate Dei, in mitiorem partem exponendus, Deum aliunde asserens ingenitum, æternum, immutabilem, impassibilem, quæ attributa cum congerie accidentium non cohærent. ad Dei actiones ad extra quæ opponuntur quod attinet, dicemus ubi de ejus immutabilitate, ad quam ordinem magis habere videntur.

ASSERTIO TERTIA.

Neque etiam compositionem metaphysicam in Deo censemus admittendam, quem omnimoda simplicitate, quæ soli Deo competere potest, gaudere ipsa dicat ratio.

Ergo nonnullis eximæ notæ Theologis quos non improbamus, videatur tuto admitti posse in Deo aliquam compositionem metaphysicam, ut pote quæ nullam, ipsis dicentibus, importet per se aut necessario imperfectionem, diversimode sentiendum nobis judicamus auctoritate ducti Doctoris subtilis, omnem & quæcumque compositionem etiam metaphysicam a Deo eliminantis in 1. dist. 8. quæ. 3. ipsique omnimodam simplicitatem possibilem aut realem tribuentis. Neque enim aliquid esse potest in Deo per modum actus & potentiz. Deus est actus purissimus, nullam potentiz admixtionem patiens; nihil in eo est perfectibile aut perfectivum, cum sit ipse perfectissimus, nec quidquam ei possit accidere. Hinc est quod neque ex genere & differentia compositus dici queat, cum unum se habeat ad aliud per modum perfectientis, ut differentia, & aliud se habeat per modum perfectibilis, quæ de Deo nullo modo possunt prædicari. quod aliquid sit in Deo per modum generis & differentiz illud dicit imperfectionem in ipso juxta Scotum, quia genus ut genus importat ex se limitationem: unde ratio infinitatis in Deo illud excludit, sicut etiam ratio entis necessario existentis; quod variis argumentis Doctor subtilis ostendit concludens Deum non esse in genere, indignumque Deo reputans cum Augustino, vel potius cum Honorio Augustodunensi lib. de cognitione veræ viæ apud Augustinum cap. 3. illum contineri sub aliquo ex his decem prædicamentis, quibus cuncta humana conditio includitur & a quibus proprietates summæ essentiz evidenti ratione penitus excluditur.

Quomodo vero possit in Deo admitti hæc metaphysica compositio vix in tel-

telligitur, cum compositio quæcumque dicat unionem disjunctorum in composito, quæ nullo modo in Divinitate locum habet, ex eo quod omnia cum illa & inter se realiter identificentur quæ in illa sunt. Detur distinctio virtualis in divinis, detur distinctio formalis, quam necessario admittendam invicibiliter ostendimus, nihil obstat, quandiu cum illa remanebit, ut in rei veritate manet realis identitas, nulla esse poterit disjunctio, proindeque nulla excogitari compositio. & quare a Deo non exularet quæcumque compositio metaphysica, etiam compositio rationis seu per mentem quam fixere nonnulli? quare non omnimoda simplicitate ille gauderet? Numquid ipse non est, ut centies diximus, ens perfectissimum? cur ergo illi non adscriberetur maxima quæ potest excogitari simplicitas? si verum est quod dicit Divus Thomas lib. 1. contra gentiles cap. 18. in quolibet genere, tanto aliquid esse nobilius quanto simplicius, & illud quod est in fine nobilitatis omnium entium, in fine simplicitatis esse oportere, cur Deus, qui est illud quod dicitur in fine nobilitatis omnium entium, non esset inter illa ens simplicissimum, omni & quæcumque, etiam mentali ab illo remota compositione?

Et illam, qua gaudere Deum ratio dicit, omnimodam simplicitatem, ipsi soli competere cum Doctore subtili merito assertum est, & quantumvis simplex supponatur creatura quædam, Dei simplicitatem nusquam poterit participare vel adæquare. quia etsi daretur & vere datur creatura simplex, hoc est non composita ex rebus, tamen inquit ibid. quæ. 2. nulla creatura est perfecte simplex, quin aliquo modo sit composita, vel componibilis; & vera composita est ex positione, & privatione, actu, & potentia objectiva & est componibilis alii creaturæ: in Deo autem summa ejus simplicitas excludit omnem etiam componibilitatem, ita ut in aliterius compositionem ille venire non possit, cum æqualis, sit imperfectionis in compositionem venire alterius, ac aliquam in se admittere compositionem. unde mirum videri non debet, si nonnulli e Sanctis Patribus, ut Clemens Alexand. Cyrillus Alexand. Maximus Martyr, Anselmus, alique quibus addi potest Augustinus, compositionem generis & differentiarum ita sollicitè a Deo removeant, ut ipsum in prædicamentis ullo modo contineri negent, ne summa ejus perfectio lædi aut imminui videatur.

Nec aliquid nocet assertionis veritati quod quidam inter Sanctos Doctores varia prædicata generica & specifica tribuere Deo videantur: ex eo quod ea ipsi tribuant quantum ad prædicari solum, non quantum ad esse; vel improprie & largo modo, non autem in rigore logico & metaphysice. quapropter rectè de Deo sentiebat ille qui dicebat, illum non esse genus, neque differentiam, neque speciem, neque individuum; ea enim omnia ut in se sunt, imperfectionem per se important, quia ut sunt logice & metaphysice considerata, vel in se, limitationem dicant. & licet verum sit, Deum absolute loquendo, aliquid habere quod illi quadamtenus commune dici potest cum creaturis. nempe quod sit ens, & aliud habeat per quod differat ab illis, nempe quod sit (ibid. q. 3.) ens a se ac necessarium; illud tamen, inquit Scotus. non est commune ut genus, quia genus sumitur ab aliqua realitate, quæ

quæ secundum se est potentialis ad realitatem, a qua accipitur differentia. nullum autem infinitum est potentiale ad aliquid, quia eo quo est infinitum, non potest habere nec a quo, nec unde perficiantur, nec etiam ab alio infinito, quod repugnat, cum propter infinitatem ipsi propriam omnimoda polleat perfectione. nullus ergo conceptus, etiam eniis, potest esse communis ut genus Deo & creaturis, cum in istis conceptus ille dicat limitativum, in Deo e contra infinitatem necessario importet. Datur igitur Deus ens, substantia, spiritus: etsi multa sint entia, multæ substantiæ, multi spiritus præter Deum, nullum ex istis prædicatis habebit rationem generis. ob infinitatem Deo essentialem, & creaturæ cuiusque absolute incommunicabilem.

Frustra in nos argueretur dicendo, ex illa Metaphysica simplicitate in Deo redundare maximam imperfectionem, quia quo minus erit Metaphysice compositus, eo paucioribus gaudebit perfectionibus, cum illa Metaphysica compositio in Deo nihil dicat aliud quam perfectionum omnium complexiorem: unde data in Deo Metaphysica hac simplicitate, una tantum in eo admittenda erit perfectio, & simplicissima, illeque proinde non erit ens perfectissimum, quod nullo modo defendi potest. puerilia sapit hæc argumentatio quæ præter verborum ambiguitatem qua laborat nihil dicit. in complexione perfectionum minime sita est Metaphysica compositio, ut satis intelligitur ex cunctis quæ diximus talem compositionem a Deo removentes. in immensum succrescat divinarum perfectionum numerus, modo sint ab essentia divina sicuti ab invicem inseparabiles, ex qua inseparabilitate realis resultat necessaria identitas; infinitatem pariter participet quælibet ex his perfectionibus, illamque reapse participabit cum sit ens infiniti perfectio, quo posito non possit una nec indigeat perfici ab alia, nulla usquam ex huiusmodi complexione perfectionum exurget in Deo compositio. falsum pariter intelligitur ex simplicitate Metaphysica sequi quod unica & simplicissima perfectio sit admittenda in Deo. etenim multiplicitas attributorum non adversatur divinæ simplicitati, ut dictum est; illam tolleret, si eodem modo quo illa non sunt formaliter identificata, non identificarentur realiter. quod cum non possit dici, etenim ut alias observavimus, non identitas formalis non secum importat realem non identitatem, Deum Metaphysice simplicem propugnabimus, illumque nihilominus quibuscumque ditatum perfectionibus in suo genere infinitis, & eadem ratione ens perfectissimum prædicabimus, quo nullum majus aut perfectius excogitari potest, & ejus simplicitati non magis opponitur proprietatum seu attributorum pluralitas, quam trinitas personarum.

QUÆ.

QUESTIO TERTIA.

An circa Dei incorporeitatem Melito Sardenſis, Tertullianus, Audius, S. Epiphanius, Theophilus Alexandrinus in ſuſpicionem merito venerint.

DE craſſiſſimo illo errore corpus phyſicum materia & forma conſtans Deo tribuente permultis in ſuſpicionem veniſſe Melitionem Sardenſem Epiſcopum, Tertullianum, Audium, Epiphanium, Theophilumque Alexandrinum, hiſtoriæ teſtantur. verum jure vel immerito ſiniſter is rumor de illis fœit ſparſus, vereque in Antropomorphitarum ineptias ierint, diſſident Theologi, quorum judicium ſive affirmans ſive negans probabili non caret fundamento. cum illis mitius agere non levibus argumentis nos moventibus, ab illo errore prænominatos, ut fieri poteſt vindicabimus.

ASSERTIO UNICA.

Nec Melito, nec Tertullianus, nec Audius, nec Epiphanius, nec Theophilus, ab illorum qui Deo corpus phyſicum tribuunt, partibus ſteterē, eſſe durius vel incautiſſime quidam inter eos de Deo fuerint locuti, aut ſcripſerint.

QUamvis prænominatorum eadem ſit cauſa, eos ab omni ſuſpicionē liberare non eſt adeo facile, cum alii aliis durioris vel mitioris hac de re fuerint ſermonis, ut videbimus.

I. A craſſiſſimo illo errore dimittitur Melito Sardenſis.

LEviſſima duci videntur conjectura quibus in ſuſpicionē venit vir ille, qui ſecundo Eccleſiæ ſeculo pietate ac doctrina fuit inſignis, cujus honorifice Eufebius & Hieronymus memindere. Hic ſcribum edidit cui titulus, *de corporato Deo*: ex quo prædicti erroris illum inſimulandi anſam ſumpſit Origenes apud Theodoretum quæſtione vigefima in Exodum, veluti in corpore repoſuerit imaginem illam Dei ad quam factus eſt homo. & Origenis moti auctoritate nonnulli, pro certo habuere, re minime librata, id de quo diligentius fuiſſent inquirendi: Origenis autem, eſſe omnium ſui temporis ſummorum ſeracis ingeriorum eruditiffimi, judicio dum de Melitone agitur, non ſtare nos admonent quicumque inter antiquos probati Scriptores, ut ſunt Eufebius, Hieronymus, ipſeque Theodoretus textum Origenis referens, ob quem prædicto errori adhæſiſſe a non paucis creditur Sardenſis Epiſcopus, alique dum de Melitone loquuntur, qui illum magnifice commendant, nec ullibi de tali errore illum accuſant, quos in hac parte fuiſſe deceptos benignius cum ipſo agentes gratis fingeretur. inſuper S. Auguſtinus & S. Epiphanius qui hæreſes omnes commemorant quæ ante ipſos prodierant, hunc er-

errorem Melitoni non tribuunt, cum tamen de Tertulliano loquatur Hippo-
nensis. Quod indicium est non obsecrum Origenem deceptum fuisse in-
spiratione libri quem ediderat Melito, non de Deo corporeo ut multi legunt
cum Origene apud Theodoretum, sed ut supra retulimus de Deo corpora-
to, seu de Deo homine facto: eo magis quod librum, inter quam plures,
de incarnatione verbi, a Melitone fuisse conscriptum narrat Eusebius Hist.
lib. 4 cap. 26. vel, quod probabile est, Sixto Senensi si credamus, lati-
nam versionem Theodoreti accuratam non esse, & a græco textu dissentire.
Unde cum solus Origenes Melitonem erroris insinuat, de illo tacentibus
aliis, illum ab Antropomorphitarum ineptiis omnimode alienum pronuncia-
re æquum videtur. & nullus potest improbare qui noverit Melitonem inter
eos quorum scripta apostolicam doctrinam vere sapiunt fuisse ab Eusebio an-
numeratum.

Nec merito nigro calculo notandus censeretur Sardenfis Præsul ob cate-
nam græcam, Massiliensemve Gennadium, a quibus Antropomorphitis ac-
censetur. illa enim nullius est authoritatis, cum a quo, & quo tempore
fuerit edita plane sit incertum: ille vero e Semipelagianorum grege, vete-
res præcipiti iudicio damnare solet, ut nullus ignorat: iis opponere liceat
quæ de Melitone Sardenfis Episcopo loquebatur Palicrates scribens ad Vi-
ctorem Summum Pontificem. quid porro, inquit, Melitonem Eunuchum recen-
seam, qui Spiritus Sancti instinctu totus afflatus, vita sua tempus pie, sanctique
exegit, qui Sardis conditus est?

II. Ab eadem insania jure vindicatur Tertullianus.

URIUS quam fides recta exegisset videtur Tertullianus scripsisse, si verba
ipsius secundum id quod prima fronte sonant sumere velimus; unde
non absque fundamento quam pluribus in suspensionem venit circa Dei in-
corporeitatem, ita ut nonnulli putaverint ipsum, corpus physice compositum
ad mentem Antropomorphitarum, Deo revera tribuisse. Huncque prave cir-
ca Dei simplicitatem vel potius spiritualitatem sentisse libentius pronuntia-
runt, quem noverant in multis a fide catholica aliunde descivisse. verum si
res attentius consideretur, ab Antropomorphitarum partibus minime stetisse
Tertullianum facile dignoscitur: neque enim verba ejus prout sonant, sed
prout significant, accipienda sunt; eoque magis quod ipse mentem suam
aperuerit eisdem in locis in quibus dubius videtur; unde quare in illo a cras-
so errore vindicando adeo defudaverint, nonnulli vix intelligitur, cum in
eo nulla fere sit difficultas, viamque aperiat S. Augustinus illum a prava
hac suspitione expediendi, ostendens lib. de Hæres. num. 86. quo sensu di-
cere si potuerit Deum esse Corpus.

Tertullianum Deo Corpus tribuisse, membra, atque etiam passiones, non
est quod diffiteamur. Sed in eo etiam quod a communi Christianorum lo-
quendi ratione Verbo tenus recedit, ab Antropomorphitarum vesania se non
minus alienum demonstrat, sui ipsius factus interpres; idque manifeste adeo,

ut

ut nullus verba ipsius, etsi aliunde incompolita & nova, pensans attente, circa illius mentem anceps possit remanere. sic lib. adversus Praxeam cap. 7. dum dicit, *quis negabit Deum esse corpus, etsi Deus Spiritus est?* Verum quæ sequuntur inspiciamus, & ad ipsius scopum attendamus, brevi quodcumque evanesceat dubium. *Spiritus enim corpus sui generis in sua effigie, inquit, sed & invisibilia illa, quæcumque sunt, habent apud Deum & suum corpus & suam formam.* Quis ejusmodi verba concilians dum audit Tertullianum eodem tempore asserentem, Deum qui Spiritus est, Corpus esse, quod contradictionem importat, Spiritumque esse Corpus sui generis, cunctaque invisibilia Dei corpus habere ac formam, statim non advertit, corpus in latissima significatione sumi, nempe pro quacumque substantia, & pro eo omni quod non est inane & vacuum; quod ex industria & veluti coacte protulisse Tertullianum comprobat illius institutum. Praxeam impugnabat, qui Verbum Dei per quod facta sunt omnia, aliquid inane & vacuum, merumque vocis sonum, & aerem offensum dumtaxat esse volebat, non vero quid reale ac subsistens, e substantia Patris, ejusque sinu ab æterno egrediens; quo posito Filius in Deo non erat a Patre distinctus. illius errorem convellens Tertullianus, hunc eo adducere conatur, ut Verbum quod erat in principio apud Deum, & sine quo factum est nihil quod factum est, veram confiteatur Substantiam, & Trinitatis Personam a Patre distinctam; quo ut ducat, omnia quæ in Deo sunt, corpus esse seu substantiam dicit. *Non vis, inquit Praxeam alloquens, eum (filium) substantivum habere in re per substantia proprietatem, ut res & persona quadam videri possit . . . quid enim dices sermo (Verbum Dei) nisi vox & sonus oris, & sicut grammatici tradunt, aer offensus? . . . caterum nescio quid vacuum, & inane & incorporale. At ego nihil dico de Deo inane & vacuum prodire potuisse . . . nec carere substantia quod de tanta substantia processit, & tantas substantias fecit . . . quale est ut nihil sit ipse, sine quo nihil factum est? ut inanis solida, & vacuum plena, & incorporalis corporalia sit operatus.* Quisquis hæc Tertulliani verba attento perpendit animo, quam plenum habeant sensum, quamve Praxeam premat illud argumentum statim intuetur, corpusque ibi sumi pro substantia quacumque, pro ut per se subsistens nihilo ac inani opponitur, non vero specificè pro re quadam extensa & materiali, pro certo habet. quod confirmatur ex iis quæ sequuntur; postquam enim asseruit, ut supra retulimus, omnia etiam invisibilia quæ sunt apud Deum, corpus & formam habere, quasi a fortiori concludens de Verbo Divino, quanto magis ait, *quod ex ipsius (Dei) substantia missum est, non erit sine substantia?*

His auditis, quæ Tertulliani mentem non ambigue aperiant, etsi aliquod dubium de ea posset remanere, nonne illud plene relolvitur, attenta phrasi ipsius non insolita, ex iis quæ scribit variis in libris, quæque nihil relinquere videntur quod supersit desiderandum? sic lib. adversus Hermogenem cap. 35. *ipsa substantia corpus est rei cujusque.* lib. de carne Christi cap. 11. *omne quod est, corpus est sui generis.* Nihil est incorporale, nisi quod non est. lib. de anima generatim pronuntiat quod nihil sit, si non corpus, ergone dicitur Tertullianum sic lo-

quentem nihil medium agnoscere inter corpus proprie dictum seu substantiam extensam quæ materia vocatur, & illud quod non est? id enim concludent necessario qui ex verbis jam relatis colligunt ipsum Deo affixisse corpus proprie dictum, materia videlicet & forma constans. audiant quid respondeat Hermogeni existimanti materiam æternam esse; nec spiritalem, nec corpoream: *quæ est ista ratio recta*, inquit eodem cap. 35. *quæ nihil reſti renunciat, id est nihil certi? Nisi fallor enim, omnis res aut corporalis aut incorporealis sit necesse est: (ut concedam interim esse aliquid incorporeale de substantiis dumtaxat, cum ipsa substantia corpus sit rei cuiuscunque) certe post corporale & incorporeale nihil est tertium.* Duplicis generis res ibi distinguit Tertullianus, alias corporeas, alias incorporeas vel spirituales; substantiam tamen quancunque late ac improprie corpus dici posse affirmans. in rerum incorporearum genere Deum reposuisse manifestant relata in principio hæc illius verba, *etsi Deus spiritus est.* quæ satis essent ad fidem illius vindicandam.

Verum quid ultra laboramus ad ostendendum Tertullianum non credidisse Deum esse corporeum, saltem ad mentem Antropomorphitæum, cum ipse quadruplex ad sinistram hanc suspicionem repellendam nobis suppeditet argumentum, dum Deum partes non habere sed indivisibilem, nec in loco esse, neque passibilem sed impassibilem esse docet, & aliunde rectam de Sanctissima Trinitate fidem tenet. Primum habemus ex eo quod Hermogenem negantem Deum ex semetipso mundum facere potuisse, quia omnia quæ fuisset Deus operatus, partes ipsius fuissent, irridet Tertullianus cap. 2. quasi mundi creatio absque ulla præexistente ab æterno materia, Dei indivisibilitati ac immutabilitati aliquo modo officere potuisset, quod inepte formidare videbatur Hermogenes. Deum nullo circumscribi loco, sed infinitum & immensum esse affirmat contra Praxeam cap. 5. respondens vanæ, ac puerili huic quæstioni sæpe sæpius propositæ, ubinam erat Deus, & quid faciebat antequam orbem conderet: *ante omnia*, inquit, *Deus erat solus, ipse sibi & mundus, & locus, & omnia.* Deum pariter impassibilem, corporis consequenter expertem docet Tertullianus Praxeam cap. 29. stultiæ arguens quod vellet Patrem qui in se pati non poterat, in Filio carne induto compasum fuisse, ut delirantes Patripassiani, e quorum grege erat Praxeas, contendebant. *Stulti & in hoc*, inquit, *quid est enim compati, quam cum alio pati? porro si impassibilis Pater, utique & impassibilis: aut si compassibilis, atque passibilis Tam autem impassibilis Pater, quam impassibilis etiam Filius, ex ea conditione qua Deus est.* Ut vero dignoscatur quantum probet pro Dei incorporeitate istud Tertulliani argumentum, addenda sunt ea quæ habet lib. de anima cap. 7. ostendens omne corpus esse passibile. *in corporalitas nihil patitur, non habens per quod pati possit: aut si habet, hoc erit corpus. in quantum enim omne corporale passibile est, in tantum quod passibile est, corporale est.*

Hæc varia Tertulliani verba, quibus & alia addi possent, perpendant qui illum Antropomorphitarum errore tenent implicatum, & dicant qui ea cum Dei corporeitate quant coherere. Hunc aliunde rectam circa Sanctissimæ Trinitatis mysterium tenuisse fidem quis ignorat? & qua ratione, quo sensu

ve-

verum ac physicum corpus Deo tribuisset, quem unum esse Spiritum, uanum Deum in tribus personis ejusdem naturæ ac substantiæ, ejusdem gradus, ejusdem flatus atque potestatis prædicabat: *Hunc (Dei filium) ex Deo prolatum didicimus, & prolatione generatum, & ideo Filium Dei, & Deum dictum ex unitate substantiæ . Nam & Deus Spiritus ; inquit Apolog. cap. 21. Tres sunt, non flatus, sed gradu ; nec substantia, sed forma ; nec potestate, sed specie ; unus autem substantiæ, & unius status, & unius potestatis quia unus Deus ; ait adversus Praxeam cap. 2. Spiritus est Trinitas unius Divinitatis, Pater & Filius & Spiritus Sanctus : lib. de pudicitia cap. 21. Ambigua ne sunt hæc Tertulliani testimonia, ut diutius de ipsius fide ab Antropomorphitarum infania omnimode aliena fas esse possit dubitare ?*

Verum opponunt non pauci ; membra & passionēs quæ corpus physicum, materia & forma constans, necessario supponunt, Deo tribuit Tertullianus variis in locis, præsertim lib. 2. contra Marcionem cap. 16. id jam de illo nos in principio testati sumus ; hunc nihilominus diverse omnino ab Antropomorphitis sentire, ut indubitatum quid propugnamus, & merito. quampures jam superius vidimus e Sanctis Patribus, membra pariter, passionēque Deo tribuentes : sed fuitne hæc ratio fundamentum sufficiens quo sinistre de illorum fide judicaverimus ? Nequaquam. illos omnes ea improprie seu per metaphoram de Deo prædicasse quis non fatetur ? quid illis licuit quin ipsi errori verteretur, cur & Tertulliano non licuisset, ac inculpare ? Nonne mentem suam ipse aperuit, unde se improprie de Deo & metaphoricè loqui ostendat, humanis divina comparando, in quantum illud fert veritas, hominibus de Deo loquentibus, nonnisi humano more, ut capi possint, verba facere valentibus ? Deum dixit Tertullianus sceleris, ingratis, superbis irasci, itemque errantium misereri. ne autem iis quæ quoad effectum Deo tribuebat abuteretur Marcion de affectu ea intelligendo, indeque legitime concludendum existimaret, Deum esse ad instar hominis mutabilem, qui ulcisci, exacerbari, extolli, æmulari possit, proindeque corrumpi & mori, ut jam ipsi objiciebat Marcion, hæc addit Tertullianus : *que omnia patitur suo more, quo eum pati concedet, propter quem homo eadem patitur, æque suo more.* Longiusque progrediens eundem stultitiæ arguit, quod de Deo idem sapiat ac de homine, in quo passionēs cum sint & quod affectum, signum infallibile sunt mutabilitatis ac defectionis. *Stultissimi, inquit, qui de humanis divinis præjudicant, & quoniam in homine corruptoris conditionis habentur hujusmodi passionēs, ideo & in Deo ejusdem status existimentur. Discerne substantia, & suos eis distribue sensus, tam diversos, quam substantiæ exigunt, licet vocabulis communicare videantur. Nam & dexteram, & oculos, & pedes Dei legimus ; nec ideo tamen humanis comparabuntur, quia de appellatione sociantur. quanta erit diversitas divini corporis & humani sub iisdem nominibus membrorum, tanta erit & animi divini & humani differentia sub eisdem licet vocabulis sensuum ; quos tam corruptorios efficit in homine corruptibilitas substantiæ humanæ, quam incorruptorios in Deo efficit incorruptibilitas substantiæ diviniæ.* Cui, ex his verbis, non innotescit mens Tertulliani, ea quæ juxta litteram

de homine loquitur, per metaphoram de Deo pronunciantis? quisve circa ea allucinari potest non volens? & quomodo textus ille, Tertulliani fidem in hac parte vindicantibus, in argumentum verti possit, quo ipsum Deo verum tribuisse corpus ostendatur, nescio.

Si ex illo modo loquendi erroris Antropomorphitarum merito insimularetur Tertullianus, libenter pronuntiabo vix unum esse inter Sanctos Patres & Ecclesię Doctores, qui variis erroribus non possit jure notari. & ne a præsentii proposito digrediamur, S. Phocadius Agennensis, qui fuit unus ex Patribus a quibus in Concilio Nicæno Arius cum suo errore damnatus est, agens contra Sabellium, qui Filium Dei dicebat quid indistinctum a Patre, non subsistens per se, sed merum & inane nomen, eodem fere argumento illum convellit quo Praxeam Tertullianus, ut videri potest Tom. 4. Bblioth. PP. iisdem fere verbis, ostendens verbum in Deo non esse sonum vocis, sed rem substantivam, & per substantiam, corpulentivum, corpus enim Spiritus, inquit, sed corpus sui generis. Deus Spiritus est, non tamen inane, & vacua res Deus. Nemo tamen Sanctum hunc Episcopum Antropomorphitarum errore inquinatum excogitavit, ut optime observat Carolus VVitasle. quare ergo cum utriusque eadem sit causa, utriusque idem sit sermo, sive contra Praxeam, sive contra Sabellium, nihil interest: quare, inquam, dispar esset de utroque judicium? insuper etsi verum esset Tertullianum, a quo mox laudatus præfuit Agennensis non est dissociandus, ob incompositam & novam loquendi rationem; sinistre aliquantulum de se sentiendi causam dedisse quantum ad Dei incorporeitatem, implexumque & intricatum esse ipsius sermonem adeo ut nonnisi difficile exponi posset; nonne omne dubium tollunt, cunctamque solvunt difficultatem ea pauca verba quæ ex ipso retulimus lib. de carne Christi cap. 11. *Omne quod est, corpus est sui generis; nihil est incorporale, nisi quod non est?* concisus his, sed significantibus verbis mentem suam ipse aperit; ipsaque nobis ad intelligentiam eorum omnium quæ de Dei aut a nimæ hominis corporeitate vel incorporeitate scripsit, certus tutusque sunt aditus: quidquid in iis potest occurrere difficultatis per ea est resolvendum; & a veris rectæ prudentiæve eritiæ regulis desisteret qui diversa incederet via. His obiter notatis, non est quod amplius immoremur in conciliandis variis quæ opponuntur ex eodem Tertulliano momentis: ex iis enim quæ dicta sunt facili negotio solvantur.

Sed adhuc reponunt: Sanctus Augustinus, S. Fulgentius, S. Thomas, Tertullianum Antropomorphitarum errore, vel potius infania notatum affirmant. Nec id visum fuisse his perecelebris Sanctæ Christi Ecclesię Doctoribus, nos contradicimus. Sed durioribus ac novis Tertulliani verbis offensos illos & deceptos hujusmodi judicium, re non rædicitis excusis, tulisse existimamus, ipsius mentem si alius fuissent rimati; adversarios quos impugnat secum cogitantes, alioversum opinaturi, aliunde non immerito diceretur Augustinum, etsi hujus erroris Tertullianum insimulaverit, tum lib. 10. de Genesi ad litteram, tum lib. de Hæresibus, tum Epist. 190. ad opatum,

tum, tum lib. de anima & ejus origine; ancipitem nihilominus fuisse, ex absurdis quæ sequebantur admissa semel a Tertulliano corporeitate Dei. Si quidem dato quod Deus corpus esset, illum passibilem erat dicturus, cum jam asseruisset omne corporale passibile esse. Nec arbitrari poterat Augustinus ita desipuisse Tertullianum, ut etiam Dei naturam passibilem credidisset, Christumque non in carne tantum & anima, sed in ipso verbo Dei, quæ natura passibilem & commutabilem fuisse. Hæc de illo habet de Genesi ad litteram lib. 10. cap. 25. de eodem loquens lib. de Hæresibus num. 86. memoransque illum animam dixisse immortalem, etsi eam diceret corpus, idem de Deo existimans, dicit tamen non hinc factum hæreticum, quia, inquit, potuit putari corpus Deum dicere, quia non est nihil, non est inanitas, non est corporis vel animæ qualitas; sed ubique totus, in sua natura atque substantia immutabiliter permanet. quibus ut videretur illum aliquo modo excusat Augustinus, quod illum indicat de mente Tertulliani dubitantem. unde benignius & nos de illo judicare nihil vetat; quin potius illud nos æquitas postulat, quibus videtur indubitatum, Tertulliani verbis attente perpenſis, ipsum Deo tribuentem corpus, nihil aliud intellexisse quam veram substantiam, pro ut hæc inani, & vacuo opponitur; & quæcumque in Deo corpus verum videntur significare, metaphorice accepisse. Nec ab hac opinione nos revocant ea quæ scripsit de anima, quæ licet duriora sint, & plus habeant difficultatis, nihilominus cum animæ spiritualitate quam tenebat immortalem, optime conciliari possunt: quod ostendere haud difficile possemus si præsentis nostri esset instituti, cuius fuit duntaxat Tertullianum ab Antropomorphitarum errore vindicare, salva quæ debetur præcætitis Sanctis Doctõribus, & aliis contra sententibus reverentia.

III. *Antropomorphitarum insania particeps Audius non videtur.*

ET si quamplures fuerint in Ægypto Monachi tantæ ingenii rusticitatis, ob quam, ut observat S. Augustinus lib. de Hæres. num. 50. eos ab hæresi excusandos censuit S. Epiphanius, ut Deum carnali cogitatione sibi finxerint in similitudinem imaginis corruptibilis hominis, decepti fortasse opinione quorundam inter veteres, qui, ut jam notavimus, arbitrati sunt Deum quando hominem formavit, assumpsisse sibi corpus ad cuius similitudinem humana membra componeret, unde juxta litteram intelligenda essent hæc Geneſeos verba, faciamus hominem ad imaginem & similitudinem nostram, exinde minime sequitur Audium, a quo orti sunt Audiani, a Patribus latinis ex litterarum transpositione dicti Vadiani, inter quos sæculo sequenti quamplures crassissimo Antropomorphitarum errore sunt infecti, turpi hac insania laborasse, licet aliunde existimaret præfatam similitudinem hominis cum Deo esse in corpore constitutam. quomodo apud multos in suspensionem venire potuerit difficile intelligitur, cum illam ab eo prorsus removeat S. Epiphanius Audii cõtemporaneus, qui illum ejusque sectam proprius inspicxit, & de illo

illo ejusque placitis agit hæresi 70. cujus proinde testimonium omnibus præstare debet, etiam si Epiphanium Antropomorphitarum errori fassile nonnulli imperite ex calumnia asseruerint.

Affermat igitur S. Epiphanius Audium extitisse virum egregiæ pietatis, multorum cœnobiorum, in quibus austerior vigeat disciplina, parentem, qui de Sanctissimæ Trinitatis mysterio Catholicam prorsus sententiam tenuit, & ab Ecclesia orthodoxaque doctrina numquam recessit; id unum a communi fidelium sensu habens alienum, quod dure nimis ac præfracte defenderet in hominis corpore potissimum relucere Dei imaginem ad quam homo dicitur factus. quod revincens Epiphanius, dicebat inde absurdum aliquid sequi, nempe Deum habere corpus humano corpori simile, quod non adinvisse Audium ostendit Epiphani argumentatio, quæ alioquin omni sensu fuisset vacua, illumque nullomodo urgeret. alterum in quo reprehendendum Audium dicebat Epiphanius erat, quod pascha cum Judæis luna decima quarta celebraret; circa cujus celebrationem valde per aliquot annos disceptatum est, ac plura concilia habita sunt, donec tandem, Ecclesia sic disponente, usus præsens invaluit.

Nec in nos retorqueri possunt, cum Audium ab Antropomorphitarum errore vindicamus, ea quæ de Audianis sentiunt & referunt Theodoretus, Facundus Hermiannensis, S. Thomas, alique, illos crassi hujus erroris, vitæque depravatæ accusantes. id enim verum esse posse de permultis Audianis non diffitemur: at de ipso Audio, primisque illius discipulis quos S. Epiphanius viros omni virutis & pietatis laude commendabiles fuisse narrat, illud minime concedimus, & revera Audianos qui Sæculo quinto exstiter, longe in omnibus diversos fuisse, sive de fide, sive de moribus agatur, ab iis qui quarto sæculo degebant, scriptores illius ævi non obscure indicant: unde facili negotio conciliantur istorum præconia, & probra illorum. Non inficiabor tamen Audium probatæ fidei virum, & Sanctitatis laude spectabilem, multorum sibi parasse invidiam: & mirum si res aliter cessisset: homo austerus, Ecclesiasticæ disciplinæ amans, in Clericorum vitia liberius declamabat, inquit Epiphanius; sicque in multorum odium cum incurrisset, & errori Antropomorphitarum esset affinis ejus opinio, qua imaginem Dei in ipsa hominis corpore constituebat, hunc ei tamquam ex illa confectarium affingere potuerunt, postquam fuit hac vita functus, nonnullis ex ejus discipulis in illam insaniam jam delabentibus. His omnibus rite perpensis, & Sancti Epiphani locupletissimi testis auctoritate ducti, Audium ab omni suspitione liberum in hac parte prædicamus.

Hic obiter liceat observare, illum a quibusdam fuisse gratis schismate accusatum: id enim falsi arguitur, ut vidimus, ex Epiphanio, qui Audium, cujus dogmata ex professo inquisierat, & quæcumque de eo sunt non potuit ignorare, cum eadem vixit ætate, testatur ab Ecclesia & fide catholica non recessisse, & sibi contrarius in hac parte est Carolus VVitaſſe, haud dubie ex non advertentia aut amanuensium incuria: qui, relato S. Epiphani testimonio, quo nixus Audium ab Antropomorphitarum errore vindicat, illum deinde

de schismaticum fuisse dicit, veluti alio modo schismaticus quis fieret, quam sacrilega discessionem, & hæreticus sacrilego dogmate, ut loquitur S. Augustinus lib. 2. contra Gaudentium Donatistarum Episcopum cap. 9. De Antropomorphitis aliud esto iudicium. eos se separasse a communione catholica ex Epiphano refert Hippoensis lib. de Hæresibus, "quamvis sint, inquit, qui eos in Ægypto Ecclesiæ catholicæ communicare asseverent." unde circa Vadianos, de his enim loquitur, quoddam dubium esse potest, re nihilominus de Audio a schismate & errore illo vindicato certa remanente.

IV. Epiphanius & Theophilus Alexand. absque causa in illius erroris suspicionem venisse ostenditur.

Sancti Epiphani & Theophili Alexandrini causa adeo connectitur ut non sint ab invicem disjungendi. Sanctum Epiphanium & Theophilum Alex. ita Antropomorphitis favisse existimant nonnulli ex Socrate lib. 6. hist. cap. 10. & Sozomeno lib. 8. cap. 14. ut velint hunc errorem in concilio Alexandriæ celebrato, agente Theophilo hujus Ecclesiæ Patriarcha, & in concilio in insula Cyprî habito, præsidente S. Epiphano, fuisse confirmatum, & in utroque fuisse damnata scripta Origenis, eo quod in iis sæpe docuisset Deum esse incorporeum, quod in causa fuerat Origenem a Monachis illis summo odio fuisse habitum. longiusque aliqui progredientes volunt Theophilum Patriarcham, qui Antropomorphitis quam maxime adversabatur, in eorum tandem partes Epiphani auctoritate ac studio fuisse pertractum, quem tamen Theophilus antea insinulaverat tamquam abjecte sentientem de Deo, quem humana specie præditum esse arbitraretur Epiphanius. His pro ut a Socrate & Sozomeno relatâ reputantur auditis, Epiphanium nihilo secius, simulque & Theophilum hujusmodi erroris suspicionem jure merito posse absolvi quis crederet? id tamen validis probatur argumentis, præsertim si in his quæ scripta narrantur, vera a falsis discernantur.

Ac 1. quidem ad ea quæ scripsisse memorantur Socrates & Sozomenus quod spectat, non eo videtur recurendum ut dicatur cum multis magni nominis Theologis post doctissimum Valsium, errore facti laborasse illos historicos dum narrant, in memoratis Alexandriæ & Cyprî duobus conciliis damnata fuisse Origenis scripta, quia Deum omnimode incorporeum purumque Spiritum esse passim affirmat; illosque commentum istud ab Origenita quodam hausisse, a quo decepti dicuntur ob odia in quæ vicissim exarserant Antropomorphitæ & Origenistæ, sese hæreseos nota, prout affecti erant, invicem inscientes, unde imprimis erat, quod Catholici omnes, qui Antropomorphitarum insanie adversabantur, ab his veluti contumeliosa nuncupatione Origenistæ dicebantur: eo inquam minime recurendum: tum quia illud effugium inane esset. quæstionem minime solvens, nec Epiphanium aut Theophilum ab illata purgans suspicionem: tum quia fides Socrati & Sozomeno est hac in parte habenda, qui diebus illis quibus hæc duo concilia habita sunt vixere, Constantinopoli ubi quid in eis actum fuerat nemo ignorabat, de-

degentes; unde non erat quod ab Origenitis potius quam ab eorum adversariis, utriusque concilii acta reciperent. quapropter utrumque Historicum deceptum circa illud factum testes refellere, ut commentitium quid ac equitati repugnans respuatur.

Et ut quid eo diverticuli recurreretur cum res in promptum habeatur? falsum igitur est Socratem & Sozomenum narrasse Origenis scripta in his conciliis obincorporitatem Dei, quam perpetuo tenuit, fuisse proscripta & damnata. condemnationem scriptorum Origenis narrant, de causa ob quam, vel de consilio illa damnantium tacentes. rem hanc altius rimemur: id Epiphani ac Theophili causæ debetur. Sanctum Epiphanium Constantiæ Cypri Episcopum a Theophilo fuisse insimulatum, eo quod Deum humana specie prædium esse arbitraretur, jam memoravimus. illos deinde amicitiam secum redintegrasse dicit Socrates, quem ea quæ gesta sunt narrantem audire iuvat. "cum ergo Theophilus de Deo ita sentiret, inquit, eosque reprehenderet qui Deum humana figura prædium esse censebant, præ odio tamen quo in alios ferebatur" (Dioscorum scilicet, Ammonium, Eusebium, & Euthymium quos fratres longos vocabant designare intendit Socrates, quos ex Ægypto fugare volebat Theophilus, & hac de causa Monachis Ægyptiis, qui maxima ex parte Antropomorphitæ erant, quosque adiutores in hac parte volebat, se adiunxit) "ea quæ sentiebat palam abnegavit: iniitque tunc amicitiam cum Epiphanio, quocum antea dissentiebat, perinde ac si penitentia ductus cum illo sentiret de Deo. Episcoporum quoque synodum in Cypro ab eodem fieri curavit, qua Origenis libri condemnarentur. Epiphanius vero ob singularem pietatem, summa morum simplicitate præditus, Theophili litteris facile inductus est: collectoque Episcoporum totius insulæ Concilio, lectionem librorum Origenis prohibuit. Misit etiam litteras ad Joannem Episcopum (Jerosolymitanum), quibus eum hortabatur, ut & ipse a legendis Origenis libris abstineret, & convocata Synodo Episcoporum, idem cum ipso decerneret. Theophilus itaque cum Epiphanium pietatis nomine celeberrimum in suam sententiam pertraxisset, rem sibi ex voto succedere animadvertens, sumpta maiore fiducia, plures Episcopos convocavit, & libros Origenis, qui ante ducentos ferme annos mortem oppetierat, eadem qua Epiphanius condemnationis sententia percussit; non quod revera id agendum sibi proposuisset, sed ut Dioscorum fratresque ejus ulcisceretur." Hæc Socrates, a quo non recedit nec uno verbo fere Sozomenus, quem adibit curiosus lector.

Ex hac Socratis narratione duo habemus. unum, verum non esse his in Conciliis confirmatum fuisse errorem Antropomorphitarum ut ferunt qui istius erroris Epiphanium, Theophilumque insimulant, cum de eo nec ullum habeant verbum præfati historici. Alterum, falsum pariter esse damnata in iis scripta Origenis fuisse quia Deum affirmat incorporum; horum enim damnationis causa siletur. esto quod ea fuerit mens Theophili, idque promiserit Monachis Antropomorphitis, animo eorum amicitiam sibi conciliandi ut illos citius ac vehementius commoveret in fratres longos quos summo prosequenda.

batur odio; illud tamen vel suis Episcopis scripsisse vel Epiphania, omni caret probabilitate; nec ex Socratis aut Sozomeni narratione id legitime colligi potest. id, inquam, omni caret probabilitate, quia de ratione illa concilii congregandi nihil habet ipsius ad Epiphanium epistola quæ habetur apud Hieronymum: & aliunde certo sciebat se nunquam convocatos Episcopos adducturum ut hac de causa Origenis scripta damnarent; tunc enim temporis, testantibus Socrate & Sozomeno, soli imperiti & simplices, inter quos plures ex Monachis regionis illius, qui præ imperitiis verba Sacræ Scripturæ simpliciter & incaute accipiebant, Deum esse corporeum arbitrabantur.

Antropomorphitarum insaniam in his duobus memoratis Conciliis approbatam non fuisse vel confirmatam aliud suppeditat S. Hieronymus argumentum, quod ad vindicandum ab illa Epiphanium & Theophilum non parvi videtur momenti. Si enim uterque Deum corporeum juxta Monachorum Ægypti mentem existimasset, & clandestinis illorum consiliis in Origenis scripta damnatorium judicium in conventibus Episcoporum Alexandriæ ac Cyprî fuisse datum ex eo quod incorporeitatem Dei ubique hæc scripta sonabant, quod veram errori opposito adhesionem illiusque confirmationem indicaret, quomodo S. Hieronymus, quem nemo Antropomorphitis fuisse narrabit, probasset ea quæ in duobus his conventibus Episcoporum a Theophilo & Epiphania gesta fuerant in damnando Origene ejusque scriptis proferendis? est autem absque dubio Sanctum hunc Doctorem epist. 67. & septem sequentibus, horum Conciliorum, præsertim Alexandrini mentionem habentem, illorum acta laudare, simulque Epiphanium & Theophilum prædicare, ut cuilibet legenti sit manifestum. & aliunde Antropomorphitas idem Hieronymus simplicitate rustica errasse scribit, hæreseosque stultissima reos dicit epist. 67. ad Pammachium. Hieronymo addi posset Sulpitius Severus dialogo primo de virtutibus Monachorum Orientalium qui loquitur de controversia quæ Alexandriæ, ubi debebat, efferebatur de libris Origenis inter Theophilum Alex. & Monachos. cum præsentis insinuat nostri non sit Origenis causa, quæ celebris multo tempore exitit in Ecclesia, & de eo valde disceptatum hinc inde fuerit, huic diutius immorari non juvat. prælaudatum auctorem, sincerumque historiæ scriptorem consulit studiosus lector, qui, quod Epiphanium ac Theophilum ab errore jure vindicaverimus, nobis gratulabitur.

Nec 2. gravi nituntur fundamento qui volunt rationem saltem occultam ob quam de damnando Origene solliciti fuere Epiphanius ac Theophilus, fuisse quod uterque errore Antropomorphitarum laboraret, cujus sufficiens indicium est, inquit, quod Theophilus, qui vere Deum incorporeum alias docuerat, & Epiphanium, ut vidimus, contra sentientem reprehenderat, suam mutaverat sententiam, ut Monachorum benevolentiam consequeretur, ipseque incorporeitatis Dei defensores postea calumniabatur: Epiphanius vero rectam & catholicam dicebat fidem Audii & Audianorum, quos Deum tenere corporeum habebat compertum. quam leve sit hujusmodi argumentum caduca hac fretum conjectura facili negotio ostendetur. Theophilum vere ac sincere, qui de Dei incorporeitate catholice sentiebat, suam ex adverso mutasse sen-

sententiam verisimile non est. Palam abnegaverit, id est cretenuus, quæ antea sentiebat, ita ut a priori discessisse opinione, oppositam tenere simulans his Monachis videri voluerit ut eos deciperet, & in suis adversus fratres longos partes traheret adeo ut simulata ejus mutatione illam crediderint Antropomorphitarum suum, sicque ulro ei insidari destiterint, quod futurum speraverat Theophilus dum ipsorum amplecti sententiam illis promiserat, simulque de damnandis Origenis libris spem fortasse illis dederat, id indicant Socrates & Sozomenus, & absque probabilitate non videbitur his quibus est compertum quid in homines possint livor & odium. attamen ipsum animo sincero in illorum partes aliquando venisse, nulla extat causa sufficiens id affirmandi. Nec satis est ut de eo sinistre in hac parte liceat judicare, quod vir fuerit in quibusdam dubiæ fæmæ, temporis rationes suas accommodans, atque etiam contra fas omne, ut dicitur, Sanctum Joannem Chrysostomum fuerit infectatus. imo Cassianus collat. 10. dicit Theophilum apud pleiosque Monachos Ægyptios invisum semper fuisse, quod aliter ac ipsi de Deo sentiret, & Deum esse corporis expertem doceret, ita ut cum quasi hæresi gravissima depravatum, pars maxima seniorum decreverit detestandum.

Sanctus vero Epiphanius nusquam credidit Audium docuisse Deum esse porcorum, ut liquet ex iis quæ diximus de mente Audii superius inquirentes; unde immerito concludendum videretur Epiphanium non fuisse ab illo errore penitus alienum. hujus enim consequentiæ falsitas brevi demonstraretur, ex eo quod sciens S. Epiphanius Audium reponere in Adami corpore imaginem illam Dei ad quam homo primus factus narratur, quod sentiebant cariter Catholici non pauci, qui tamen Deum tenebant incorporeum, ipsum reprehenderit, ut observavimus, ostendens illi ex tali sententia vel modo Scripturæ Sacræ verba intelligendi, sequi quasi necessario de Deo affirmari posse quod haberet corpus humano corpori simile, quod absurdum esse dicebat Epiphanius, quodque indicat in absurditatem illam non incidisse Audium, vel etiam de illa fortasse non cogitasse, multoque magis a tali sententia, quam solos imperitos & simplices tunc temporis tenuisse testantur Socrates & Sozomenus, Epiphanium fuisse vere alienum. Nec aliquid in contrarium deducitur, ex eo quod scripserit Epiphanius Audium a recta fide & Catholica doctrina non recessisse: idem enim fertur judicium de pluribus, etiam inter scriptores ecclesiasticos, qui etsi existimaverint hanc hominis cum Deo similitudinem quamdamtenus se tenere ex parte corporis, non arbitrantur tamen Deum corpus habere, non fuisse hæresi notati, nec a catholice fidei doctrina dicuntur recessisse: quapropter sejuncte ex illo capite adversus Epiphanium argueretur.

Verum in causa Sancti istius Episcopi adhuc insistamus, argumento, ut dicunt, positivo ostendentes illum Deum incorporeum firmiter tenuisse. Epiphanium in suspicionem quamdam venisse, veluti errori adhæsisset Antropomorphitarum, mirum videri non debet, cum Origenistas fuerit vehementer infectatus, & in damnandis peritissimi illius, ut loquitur Severus Sulpitius, Sacrarum Scripturarum tractatoris libris multum insudaverit: satis enim erat

die-

dicbus illis Origenistis adversari, ut sinistra quis audiret, ac favens Antropomorphitis reputaretur. se tamen ab omni erroris illius suspicionem manifestavit Epiphanius, cum auditis eis quæ locutus fuerat Joannes Jerosolymitanus illum suspectum facere volens stultissimæ illius hærefeos, ut loquitur Hieronymus, *surrexit, salutatusque & voce, & manu ecclesia*; (verba sunt Hieronymi factum narrantis epist. 61. ad Pammachium adversus errores Joannis Jerosolymitani) *cuncta inquit, quæ locutus es collegio frater, atate filius meus, contra Antropomorphitarum hæresim, bene & fideliter locutus es, quæ mea quoque damnatur voce: sed æquum est ut qui modo hanc hæresim condemnamus, etiam Origenis perversa dogmata condemnemus.* quibus Epiphani verbis ab Hieronymo relatis, si addamus ea quæ ipse scripserat revincens Audium hæresi 70. quæ est Audiunorum, penitus evanescet quidquid dubii vel suspensionis circa ipsius fidem posset adhuc superesse. *Nec minus, inquit, & aliorum rejicienda sententia, quæ corpus ad imaginem Dei esse factum prædicant. Nam qui fieri potest, ut quod aspersibile est ei simile sit quod videri non potest? aut corporum corporis experti? aut quod contrahi potest ei quod apprehendi nequit?* attente igitur perpendantur ea quæ adduximus momenta, de quorum veritate nemo est qui certus fieri non possit, statimque gratum unicuique erit quod Epiphaniam ac Theophilum ostenderit ab illorum partibus non stetisse, qui Deo corpus physicum vefania potius quam impietate tribuebant.

Q U Æ S T I O Q U A R T A .

An Deus immutabilis sit & æternus.

CUM ille solus immutabilis vere sit qui est æternus, æternitatemque secum importet immutabilitas, ita ut una pro alia videatur concludere necessario, de utraque divina illa perfectione simul differere juvat. veram de Deo nusquam habuisse ideam qui illum immutabilem ac æternum non existimarunt, aut aliquid aliud præter ipsum arbitrati sunt immutabilitate vel æternitate gaudere, recta docet ratio, a qua recessisse, Stoicos apud Origenem, Deum mutationi & alterationi obnoxium reputantes; Hermogenem materiam increatam ac Deo cœternam affirmantem, ne creans illam Deus in tempore mutabilis esset dicendus; Socinianos & alios quosdam Deum, non secundum substantiam quidem mutabilem, sed in voluntate sua ac decretis, unde nova in eo succedat volitio, putantes, non immerito affirmatur. Valentinum delirantem cum sua triginta Aeonum in pleromate seu Divinitatis plenitudine existentium fabula, non est quod hic commemoremus. Hunc, ejusdemque furfuris variorum temporum homines, qui nihil quod rationem sapiat commenti sunt, si essemus impugnaturi, in immensum succrescerent præsertes nostræ exercitationes, in quibus, ab iis omnibus quæ nullius sunt utilitatis, & vanam curiositatem dumtaxat alere possunt, judicamus abstinendum.

Omne principium, omnem finem, omnem successionem excludi ab æterni-

tate probat quicunque potest intelligere æternum. quod enim aliquando non fuit aut non erit, vel habet prius & posterius, quomodo reputari posset æternum? quidquid ergo a se ipso non est, aut non exiit necessario, vera non donatur æternitate: siquidem fuit tempus in quo non erat, & eo tempore quo est posset non esse, cum non sit in eo necesse esse. ergo nihil creatur dicitur æternum. solius igitur Dei erit esse æternum & immutabilem. utrumque de illo affirmabimus, etsi nec æternitatem capere, nec capi posse, cum de illa loquimur, præsumamus.

ASSERTIO UNICA.

Immutabilitas & æternitas ita sunt Deo propriæ, ut ipse solus sit immutabilis & æternus.

UNANIMIS adeo est circa assertam veritatem hominum consensus, ut a ratione deficere iudicetur quisquis de ea videtur dubitare. Divinitati enim ita essentialiter competit utraque illa perfectio, ut facilius concederetur, si rationi non minus quam fidei id repugnaret, Deum non existere, quam illum existentem fateri, & æternum ac immutabilem illum non prædicare. Maximam imperfectionem arguit mutabilitas: principium sui esse necessario postulat quod æternum non est, ideoque & majus se aliquid supponit. cum ergo Deus sit necessario, ut sæpe dictum est, illud quo majus, aut melius, aut perfectius nihil potest excogitari, immutabilis simul & æternus necessario agnoscat consequens est. Nec in confirmanda ex fidei principiis aut motivis propositione tantam præferentem evidentiam est quod immoremur immutabilitati Dei ejusque æternitati testimonium undequaque perhibent sacræ Scripturæ. Deum æternum, immutabilem, pleno ore celebrant Sancti Doctores. in Dei æternitate ac immutabilitate quam inseparabiliter comitatur summa ipsius veracitas, fundari nostræ Religionis firmitatem nullus ignorat. ne autem istud fidei caput insolito præteritis videamur, pauca ex innumeris quæ allegari possent momenta audiamus.

Non est Deus quasi homo, ut mentiat: nec ut Filius hominis, ut mutetur. Num. cap. 23. *ipsi peribunt, tu autem permanes: mutabuntur, tu autem idem ipse es, & anni tui non deficient.* psal. 101. *ego Dominus & non mutor.* Malach. cap. 3. *apud quem (Deum) non est transmutatio, nec vicissitudinis obumbratio.* Jacobi cap. 1. *vivo ego in æternum.* Deuter. cap. 33. *potestas ejus (Dei) potestas æterna.* Dan. cap. 7. *a sæculo & usque in sæculum tu es Deus.* psal. 89. *Dominus in æternum permanet* psal. 9.

Immutabilitatem Dei commendans pluribus in locis Augustinus, hæc scribit confess. lib. 1. cap. 6. Deum alloquens: *Tu autem Domine qui & semper vivis, & nihil moritur in te, quoniam ante primordia sæculorum, & ante omne quod vel ante dici potest, tu es, & Deus es Dominusque omnium quæ creasti: & apud te rerum omnium instabilem stant causa; & rerum omnium mutabilium immutabiles manent origines; & omnium irrationabilium & temporalium sempiterna vi.*

vivunt rationes. egregia sane sunt quæ loquitur lib. 13. cap. 16. *sicut omnino tu es, tu scis solus, qui es incommutabiliter, & scis incommutabiliter, & vis incommutabiliter. & essentia tua scit & vult incommutabiliter, & scientia tua est & vult incommutabiliter, & voluntas tua est & scit incommutabiliter.* de Dei æternitate simul & immutabilitate sic loquitur in epist. Joan. cap. 3. Tract. 4. Num. 5. *Nostri quid vocatur: est quod vocatur, & non solum vocatur, sed vere est, incommutabile est: semper manet, mutari nescit, nulla ex parte corrumpitur: nec proficit quia perfectum est; nec deficit quia æternum est.*

Vroa & germana Divinitas nec de novitate, nec de vetustate, sed de sua veritate censetur. Deus si est vetus, non erit; si est novus, non fuit: novitas initium testificatur, vetustas finem comminatur. Deus autem tam alienus est ab initio & fine, quam a tempore arbitro & metatore initii & finis. Hæc Tertullianus lib. 1. contra Marcionem. *Deus & erat semper, & est, & erit: vel ut rectius loquar, semper est. Nam erat & erit, nostri temporis, fluxaque naturæ segmenta sunt. ille autem semper est, atque hoc modo seipsum nominat cum in monte Moysi oraculum edit. universum enim id quod est in se complectitur, nec principium habens, nec finem habiturum: inquit S. Gregorius Nazian. orat. 38. unde Deum immutabilem & æternum corde sincero consuetum quilibet Christianus, juxta definitionem Concilii Lateranensis extra. de sum. Trin. & fide catho. Patribus sic loquentibus: firmiter credimus & simpliciter consuevimus, quod unus solus est verus Deus, æternus, incommutabilis.*

Ex his & similibus tum Scripturæ tum Patrum testimoniis, in assertæ veritatis confirmationem multiplex ratio Theologica posset educi si opus esset. etenim vel Deus, si mutabilis esset, transiret a meliori in deterius, vel a deteriori in melius. quo modo autem hujusmodi mutationem posset experiri ille qui essentialiter ac necessario est summum bonum, omnem & quancumque perfectionem in gradu perfectissimo complectens? & eadem ratione qua illud summum bonum quod Deus est, immutabile est, æternum debet esse. siquidem supponatur habere principium, mutabitur de non esse ad esse: supponatur finem habiturum, mutabitur de esse ad non esse. omnimoda immutabilitate gaudere Deum ratio clamat, tam in suis decretis, quam in sua substantia: illam necessario importat æternitas: æternitatem ostendit immutabilitas: utramque sibi indefectibiliter inesse postulat Divinitas.

Has autem perfectiones ita Deo proprias diximus, ut iis nequeant gaudere creaturæ, sitque Deus solus incommunicabiliter immutabilis & æternus. plures sunt divinæ perfectiones quarum per gratiam participes fieri possunt, saltem ex parte, creaturæ secundum mensuram donationis Dei. quot enim modis omnipotentis ejus atque præscientis participes non sunt effecti Sancti Prophetæ, Apostoli, alique, futurorum prævisione, potestate miraculorum, signis & prodigiis Divinitatem sapientibus, inter homines merito commendati? ad Dei perfectionem inchoative saltem attingere possunt & debent Christiani, dicente Christo, *estote perfecti sicut & Pater vester. Cælestis perfectus est.* ipsius etiam sanctitatem possunt atque tenenter emulari juxta id quod scriptum est, *Sancti eritis quoniam ego Sanctus sum.* at immutabilitas, æterni-

nitas, sicut & infinitas, sunt absolute incommunicabiles, non suscipiunt magis & minus, neque gradibus valent computari: hæc omnimodam ex parte subiecti cui infunt (si fas sit de Deo ita loqui) supponunt ac postulant independentiam; ideoque soli enti a se, ac necessario existenti possunt competere; sicque Deus solus immutabilis, æternus, nec non infinitus prædicationi potest: omnem & quamcumque limitationem excludunt illæ perfectiones, quæ soli enti undequaque illimitato propriissimæ sunt.

Juxta hunc sensum de Deo loquens Apostolus Paulus 1. Timot. cap. 6. dicit, *qui solus habet immortalitatem*, æternitatem simul ac immutabilitatem intelligens, ut observat Augustinus Tract. 23. in Joan. his verbis: *quid ergo est quod ait Apostolus de Deo qui solus habet immortalitatem: nisi quia hoc aperte dixit, solus habet incommutabilitatem, quia solus habet veram æternitatem?* quibus omnimode consonant quæ loquitur lib. de natura boni contra Manichæos cap. 39. *illa est autem vera æternitas, quæ vera immortalitas, hoc est, illa summa incommutabilitas, quam solus Deus habet, qui mutari omnino non potest.* sic autem de Deo fuerat locutus cap. 1. *summum bonum, quod superius non est, Deus est: ac per hoc incommutabile bonum est; ideo vere æternum, & vere immortale.* Hipponensem talia sententia fati sit audivisse; cum eo enim omnes Patres, cunctosque audivimus Doctores, quorum omnium una est mens, idem est loquendi modus.

SOLUTIO OBJECTIONUM.

1. **O**bjectio. Mutabilem Deum ostendunt opera ejus ad extra quibus multa in tempore operatus est, ex quibus novæ ipsi accessere denominationes, ut ratio Creatoris ex quo mundum condidit, creaturas sive visibiles sive invisibiles, tum materiales tum intellectuales pro arbitrio producens, quæ ab æterno esse non possunt. cum ergo tempus fuerit in quo nec Creator nec Dominus erat, cum nihil adhuc produxisset in quod suum exerceret dominium, quodve illum ostenderet Creatorem, ex quo necessario sequitur in ipso esse prius & posterius, cum ex non operante factus sit operans, mutationem quamdam ipsi accidisse fatendum est, sine qua ab uno statu ad alterum transire minime potuisset.

Resp. Magnum quid contra Dei immutabilitatem sibi videntur moliri qui ipsi Deo quamdam mutationem accidisse temporanea mundi creatione volunt, non intelligentes quidquid mutabilitatis reperitur se tenere ex parte rei creatæ, quæ a non esse transit ad esse, nullatenus vero ex parte Dei creatis, qui novitatis istius causam in æterno habuit consilio, ut loquitur Augustinus; ex cujus immutabilitate consilii manente mundum ex tempore factum esse, dubium non est, Deumque in eo faciendo æternum consilium & voluntatem nullo modo mutasse. quid enim tali operatione qua factus est mundus qui antea non erat, acquirit de novo Deus aut deperdit? nihil certe *quantofacilius*, inquit lib. 5. de Trin. cap. 16. *de illa incommutabili Dei substantia debemus accipere, ut ita dicatur relative aliquid ad creaturam, ut quomodo tempora.*

poraliter incipiat dici, non tamen ipsi substantia Dei aliquid accidisse intelligatur, sed illi creaturæ ad quam dicitur. in humanæ mentis imbecillitatem, res quæ supra ipsam sunt metiri volentis, refundendum esse novum illud quod in temporanea mundi creatione mutationem significare videtur, indicat idem S. Doctor, respondens quibusdam Philosophis mundum æternum opinantibus, & sæculorum revolutionem secundum quam universa in eundem ordinem eandemque speciem sunt reditura credentibus, quique primam rerum generationem non intelligentes, nec totalem mundi futuram dissolutionem, circumitus temporum inducebant, quibus eadem semper fuisse renovata atque repetita in rerum natura, atque ita deinceps fore sine cessatione asseverabant. "quid autem mirum est, inquit, lib. 12. de civit. cap. 14. si in his circuminibus errantes, nec aditum, nec exitum inveniunt? quia genus humanum atque ista nostra mortalitas, nec quo initio cepta sit sciunt, nec quo fine claudatur; quandoquidem altitudinem Dei penetrare non possunt: quia cum ipse sit æternus & sine initio, ab aliquo tamen initio exorsus est tempora, & hominem quem numquam ante fecerat, fecit in tempore, non tamen novo & repentino, sed immutabili æternoque consilio. quis hanc valeat altitudinem investigabilem vestigare?... Numquidnam existimandum est subito Deo placuisse hominem facere, quem numquam antea infinita retro æternitate fecisset, cui nihil novi accidere potest, in quo mutabile aliquid non est?.... sentiant homines quod putant, & quod eis placet opinentur & disputent... valde quippe alium est, & semper Deum fuisse, & hominem quem numquam fecerat, ex aliquo tempore primum facere voluisse; nec consilium voluntatemque mutasse." quibus verbis retundens Augustinus hominum superbiam altiora se sapere cupientium, Deo nihil accidisse mutationis per temporalem hominis creationem, qua & rerum omnium creatio etiam significatur, ostendit.

Ut autem facilius intelligatur ex productione creaturarum nullam in Deo resultasse mutationem, nec dici posse illum transisse ab uno statu ad alium cum ex non creante factus est Creator, ita ut in ipso admittatur prius & posterius, observandum in Deo duplicem distinguendam esse operationem: unam immanentem seu intra Deum & æternam, quæ ab ipso Deo non distinguitur, estque ipsa ejus voluntas immutabilis, illiusque consilium stabile quo ab æterno decrevit illud aut illud in tempore producere, quin exinde aliquid ei de novo adveniat; alteram transitoriam & æternam, quæ tendit & terminatur ad creaturam, ex cujus temporanea productione contingentia & libera, quæ est effectus vel terminus æterni illius consilii, quo in semetipso voluntate immutabilis statuerat illam tempore determinato & tali modo producere, licet Deus novam habuerit denominationem extrinsecam, Creatoris videlicet ac Domini, intrinsece tamen non est mutatus, utpote qui nullam inde intrinsecam accepit perfectionem, vel novam non exercuerit actionem. unde prius & posterius quod ibi videtur esse, non in Deo esse potest, qui nusquam intrinsece transiit ab uno statu ad alium, sed solummodo in rebus ab ipso productis, quæ antea non erant, & postea fuerunt. stulta autem est

set cogitatio, si, ut veteres illi Philosophi de quibus post Augustinum mox loquebamur, Deum diversimode fuisse affectum cum mundum creavit ac erat ante creaturarum productionem, diceremus. " Nobis autem fas non e Dcre-
 ,, dere, aliter Deum affici cum vacat, aliter cum operatur; inquit S. theodor
 ,, ibid. cap. 17. quia nec affici dicendus est, tamquam in ejus natura fiat
 ,, aliquid quod non ante fuerit. patitur quippe qui afficitur, & mutabile est
 ,, omne quod aliquid patitur. Non itaque in ejus vacatione cogitur igna-
 ,, via, desidia, inertia; sicut nec in ejus opere labor, conatus, industria.
 ,, Novit quiescens agere, & agens quiescere. potest ad opus novum, non no-
 ,, vum, sed sempiternum adhibere consilium; nec pœnitendo quia prius cef-
 ,, sasset, cepit facere quod non fecerat. sed & si prius cessavit, & posse-
 ,, rius operatus est, hoc procul dubio quod dicitur prius & posterius, in re-
 ,, bus prius non existentibus, & posterius existentibus suit. in illo autem non
 ,, alteram præcedentem altera subsequens mutavit aut abtulit voluntatem,
 ,, sed una eademque sempiterna & immutabili voluntate res quas condidit,
 ,, & ut prius non essent egit, quamdiu non fuerunt, & ut posterius essent,
 ,, quando esse cœperunt. " quibus bene intellectis, omni mutatione se tenen-
 te ex parte termini operationis Dei transitorie, quæ est veluti continuatio
 ad extra operationis ipsius ad intra & immanentis, nihil accedente præter
 extrinsecam denominationem, quæ nihil aliud dicit quam connotationem
 repetendam in créante a rebus creatis in tempore juxta æterni sui decreti
 omnimodam immutabilitatem, tota ruit propolita difficultas, & nullatenus ur-
 get argumentum.

2. *Objeſtio.* Nisi admittatur quoddam mutabilitatis genus in voluntate Dei
 ejusque decretis, intelligi nequit quomodo ipsi nova aliquando adveniat de-
 terminatione ut velle desinat quod se velle ostenderat, ut colligitur ex Scriptu-
 ra Sacra, tam circa mortem Regis Ezechie, de quo apud Iſaiam cap. 38.
 quam circa Achab qui mala plurima, jubente Deo, Elias Propheta commina-
 tus fuerat, quæ tamen ipsi non evenere, ut habetur lib. 3. Reg. cap. 21. &
 Ninivitarum destructionem quam effugere ob pœnitentiam, sicuti narratur apud
 Jonam: hæc, aliæque his similia, cum omnimoda consilii divini immutabili-
 tate conciliare quis possit?

Resp. De his quæ Dei sunt ex imbecillitate nostræ mentis non esse judi-
 candum me aliquando dixisse memini. ergone res in Deo sic vel aliter se
 habebunt, quod modum juxta quem ea se habent capiamus vel non? Deo
 novam quandoque advenire determinationem, ex qua ultima ejus voluntas
 præcedenti volitioni illius sit contraria, vel Deum nobis videri velle aliquid
 nunc cujus contrarium se ostenderat volentem, est quid valde diversum. pri-
 mum mobilitatem importat, & esse in Deo nequit. ultimum, quod totum
 se tenet ex parte intellectus nostri, nullam dicit in Deo mutabilitatem; nec
 quidquam habet imperfectionis. Nec eo recurrendum ut dicatur cum multis
 Theologis, ea quæ Ezechie ac Ninivitis, Deo imperante, denuntiata sunt,
 voluntatem ipsius conditionatam non vero absolutam designare: hujusmodi
 enim voluntates conditionatæ, si vere in ipso esse possent, illiminationem ac
 infi.

infinitatem cognitionum ejus redarguere videntur, nec cum absoluto ipsius in creaturas omnes imperio stare intelliguntur: *consilium meum stabit, & omnis voluntas mea fiet*; ait Dominus apud Isaiam cap. 46. adveniat in homine quæcumque mutatio, consilium nec voluntatem mutabit Deus: quæcumque illa ab æterno decrevit, hæc erunt. & ut per homines in tempore sunt quæ ab initio eum eis facienda ipse decrevit, ipsis ex æterno consilio suo tantamquam essent ventura nuntiare facit ea quæ illis nusquam est ipse facturus. cujus rei alia non potest reddi ratio quam immutabilis ejus voluntatis firmitatem ac stabile decretum, cujus profunditatem ac misericordiam qui veller investigare, mox investigando deficeret.

Unde dicendum est allatis in exemplis & similibus, unicam & stabilem fuisse in Deo determinationem; quæ ut suum sortiretur effectum, per Prophetas suos loqui fecit, ut inter homines ex Prophetarum comminatione per omnipotentissimam suam gratiam mutatos in melius quod ab æterno statuerat adimpleret. id vero quomodo fiat exponit de Ezechia sic loquens Augustinus de genesi ad litteram lib. 6. cap. 17. "Hoc necessario futurum est," quod Deus vult, & ea vere futura sunt quæ ille præsevit. nam multa secundum inferiores causas futura sunt; sed si ita sunt & in præsentia Dei, vere futura sunt: si autem ibi aliter sunt, ita potius futura sunt, sicut ibi sunt, ubi qui præcivit falli non potest... secundum quosdam futurorum causas moriturus erat Ezechias, cui Deus addidit quindecim annos ad vitam, id utique faciens, quod ante constitutionem mundi se facturum esse præcibat, & in sua voluntate servabat. Non ergo id fecit quod futurum non erat; hoc enim magis erat futurum, quod se facturum esse præcibat... secundum igitur aliquas causas inferiores jam vitam finiebat: secundum autem illas quæ sunt in voluntate & præsentia Dei, qui ex æternitate noverat quid illo tempore facturum erat, (& hoc vere futurum erat) tunc erat finiturus vitam, quando finivit vitam. quia etsi oranti concessum est, etiam sic eum oraturum ut tali orationi concedi cerneret ille utique præcibat, cujus præsentia falli non poterat.

Ad Ninivitas quod spectat id evenisse quod per Prophetam promiserat Dominus, non secundum hominum intelligentiam sed juxta æternum ipsius Dei consilium, perbelle narrat idem S. Doctor serm. 361. de resurrectione mortuorum cap. 21. his verbis. "Eversionem solam minatus & præcuntiavit" (Jonas)... & pepercit Deus. sed quid dicemus? quia Propheta mentitus est? si carnaliter intelligas, falsum videtur dixisse: si spiritaliter intelligas, factum est quod dixit Propheta. Eversa est enim Ninive. Attende quid erat Ninive, & vide quia eversa est. quid erat Ninive? Manducabant & bibebant, emebant, vendebant, plantabant, ædificabant, perjuriis vacabant, mendaciis, ebrietatibus, facinoribus, corruptionibus: hæc erat Ninive. Attende modo Ninive: plangunt, dolent, contristantur, in cilicio & cinere, in jejunio & orationibus. ubi est illa Ninive? Nempe eversa est, quia non in illis superioribus actibus constituta est. & ab illa expositione non recedit dum de poenitentia & conversione Ninivitarum peccata sua poenitendo

destruentium loquens lib. 21. de civit. cap. 24. hæc habet. " factum est quod
 " prædixerat Deus: Eversa est Ninive quæ mala erat, & bona ædificata est,
 " quæ non erat. stantibus enim mœnibus atque domibus, eversa est civitas
 " in perditis moribus. Ac sic quamvis Propheta fuerit contristatus, quia non
 " est factum quod illi homines timuerunt illo prophetante venturum: factum
 " est tamen quod fuerat Deo præsciente prædictum; quoniam noverat qui
 " prædixit, quomodo in melius esset implendum. " Eodem modo de Achab
 loqui possumus, ab expositione Augustini memorata non recedentes: qua
 posita, optime cum immutabilitate divinæ voluntatis conciliantur ea quæ
 narrant Libri Sacri, quacumque mutabilitate quæ occurrit, repetenda ex parte
 creaturarum, firmo ac stabili, ut jam dictum est, remanente æterno Dei
 Consilio, juxta quod insallibiliter eveniunt quæcumque ventura ipse præsci-
 vit vel ordinavit. unde validius non argueretur adversus Dei omnimodam
 immutabilitatem, ex eo quod aliud in veteri Testamento, aliud in novo si-
 bi iussit offerri, ut variis in locis optime ostendit Augustinus; juxta cujus
 mentem multa ad illustrandam præsentem responsonem loqui possemus cir-
 ca utriusque legis, veteris ac novæ diversitatem, ex qua nihil mutabilitatis
 in Deum redundat, qui pro diversa temporum ratione potuit non mutato
 consilio, alia & alia hominibus præcipere secundum æterna Sapientiæ suæ
 judicia: verum in iis diutius non vacat immorari.

3. *Objeccio.* Cum immutabilitate divini decreti minime conciliatur summa
 Dei libertas juxta quam sicuti mundum creavit, potuit illum non creare,
 neque ac illum modo libere conservans posset ab illius conservatione cessare.
 Neque enim dicit quis Deum necessario mundum jam creasse vel modo
 conservare. non potest autem censerī liber circa mundi creationem & con-
 servationem quin carere possit actu illo quem libere exercet illum creando
 vel conservando: nec potest illo actu libero carere quin mutaverit voluntatem
 quam habebat dum illum creavit ac hunc conservat. posita igitur Dei liber-
 tatem circa opera illius ad extra, non remanebit immutabile ipsius decretum:
 vera enim libertas ex se postulat ut volitio illa possit esse in Deo vel non
 esse, alioquin volitio illa esset necessaria, quod est absurdum.

Resp. Dei immutabilitatem omnimodam cum perfecta ipsius libertate con-
 ciliare hominis non esse non diffitemur. ut enim id attingeret humana infir-
 mitas, necessum esset ut veram nobis possemus efformare ideam summæ Dei
 libertatis, de qua recte minus judicabimus quando de ea comparate ad ho-
 minis libertatem differemus. Deum liberum esse simul ac immutabilem do-
 cet fides, ratio dicitur. quomodo simul stare possint illa duo attributa, quæ
 in creaturis essent impossibilia, designat sensus æstimare mortalis. multa
 locuti sunt circa ea Theologi, alii aliis contrarii, & ex eorum sermonibus
 intricatior evasit difficultas. multiplices ineuntes vias ut essentiam actus libe-
 ri in Deo explicarent, ab illa se expedire minime potuerunt: & imbecillita-
 tem suam nonnulli prudenter confitentes, concordiam divinæ libertatis cum
 ejus immutabilitate, ænigma sacratissimum mortalibus cunctis adhuc inco-
 gnitum non insipienter prædicaverunt. Nec in illo resolvendo aliquid præstat

quod

quod decreta libera in Deo sint perfectiones vel non status quæstionis est, utrum illa decreta libera admittenda sint in Deo salva ejus immutabilitate. vel quod idem est, utrum Deus qui immutabilis supponitur & est, potuerit aut possit non velle quæ vult, & non facere quæ fecit, adeo ut volitio libera firmitatem æterni ipsius consilii non evertat, & qua ratione illud fieri possit. Deum nihil velle ab æterno nisi quod est in tempore actu, libero ad exira operaturus, certissimum est: Neque enim est sicut homo ut nova ei succedat cogitatio seu volitio: quidquid est in ipso, æternum est. actus Dei liber, cujus temporaneus non vero æternus est. terminus, est ipsemet actus Dei æternus & necessarius, in quantum connotat & habitudinem non necessariam dicit ad creaturas. & ex ea parte qua ille non distinguitur ab alio, nisi penes terminum vel effectum, aliquo modo intelligitur, in quantum scilicet limitatæ intellectus nostri spheræ conceditur, quomodo immutabilitas divini decreti stet cum ipsius libertate circa actum liberum. qui longius progreditur, altiora se quærit, & nihil inveniet præter sacratissimas tenebras, quas dispellere ausu non minus vano quam temerario frustra tentaret. & libenter assererem illos, qui parum difficultatis inveniunt in concilianda immutabilitate in Deo cum libertate, ex eo quod decreta libera nullam in ipso dicant perfectionem, quod verissimum nobis videtur, potius ab illa recessisse quam illam solvisse. igitur Deum libere mundum ereasse & conservare confitemur: ab utroque illo actu libero apud ipsum esse abstinere non inficiamur: ipsum vero circa mundi creationem ac temporalem conservationem decreto suo absoluto ac immutabili moveri, quo posito irrevocabili decreto æterno, cujus est executio creatio mundi temporalis, sicut & illius conservatio, ab utroque illo actu, libero nihilominus remanente, Deum non debuisse abstinere ex æternæ suæ sapientiæ legibus existimamus. qui autem fieri possit quod Deus novam acquirere determinationem non valeat suam mutando voluntatem, licet circa suæ voluntatis æternæ temporalem executionem sit vere liber, ignoramus. quod res sic se habeat, nullomodo ambigimus: quare & quomodo sic se habeat, ille nobis aperiat qui vias suas scire solus potest. an vero ratio libertatis in Deo pollulet quod potuerit carere ea volitione libera qua voluit creare mundum, an non, investigabimus ubi de voluntate Dei disseremus. pro nunc ea sufficiant quæ dicta sunt.

Quæritur, An æternitas in Deo dicat durationem ac successionem, sintque res omnes actualiter Deo præsentēs atque æternitati coexistentes.

Resp. Æternitatem stricte loquendo, nec durationem nec successionem admittere certissimum est: unde improprie loquuntur Scholastici dum æternitatem dicunt esse mensuram durationis divinæ: neque enim mensurari potest quod initium nec finem habet, eum de ratione rei mensurabilis sit quod limitata sit, nec de eo quod nequit mensurari duratio proprie queat prædicari. quod est intellectu facile, si attendatur ad ideam quam de æternitate sibi cum Boetio lib. 5. de consolatione philosophiæ prola 6. finere cum Philosophis Theologi, eam dicentes interminabilis vitæ totam simul & perfectam possessionem: ex qua idea, non nisi imperfecte repræsentante rem quæ vere

ac proprie non potest representari menti nostræ, quæ ob sui limitationem nihil æternum vel infinitum capere valet, sequitur proprie dictam durationem ac successionem ab æternitate excludi. ubi enim nec prius est, nec posterius, nec præteritum, nec futurum, sed nunc perpetuum & interminabile, in quo, velut in uno puncto indivisibili, omnia tempora perfecte simul continentur: si tamen dum de æternitate habetur sermo, tempora commemorari possint. in æternitate nulla spatia temporis cerno, quia spatia temporis præteritis & futuris rerum motibus constant. Nihil autem præterit in æterno, & nihil futurum est... æternitas autem tantummodo est, nec fuit quasi jam non sit, nec erit quasi adhuc non sit, ait Augustinus lib. de vera Religione cap. 50. ibi, inquam, nec duratio vera esse potest, nec successio, quæ prius & posterius, præteritum, & futurum necessario supponunt. ex quibus sequitur, quod cum circa æternitatem exercentes mentem nostram, durationis cujusdam vel successionis illimitatæ, vel melius indefinitæ, ideam nobis efformamus. nosmetipsos decipimus, umbram veritatem reputantes. siquidem hæc falsitia idea quam nobis æternitatem ex parte representare existimamus, aliquid dumtaxat nobis representat indefinitum temporis spatium, quod dum mens nostra successive percurrit, illud enim totum unico instanti vel unico actu, ob sui angustias nequit attingere, prius habet ac posterius, præteritum & futurum quod ab æternitate prorsus exulat.

Ex eo quod successionem, id est prius & posterius, præteritum & futurum, æternitas non admittat, necesse est res omnes ei qui est æternus, Deo scilicet, esse actualiter præsentis atque in æternitate coexistentes. omnia in quæcumque parte temporis habentia existere, sive sint in hoc nunc temporis, sive ipsa sint præterita, sive præsentia, vel futura, omnia præsentia sunt respectu nunc æternitatis, inquit Doctor Subtilis in 1. dist. 39. quæ. unica. & omnia quæ sunt in æternitate videt Deus præsentialiter propter talem coexistentiam. & juxta hunc sensum habetur Eccli. cap. 39. opera omnis carnis coram illo, & a sæculo & usque in sæculum respicit. Roman. cap. 4. vocat ea quæ non sunt, tamquam ea quæ sunt. unde Ambrosius lib. 1. de fide cap. 7. Deo inquit, quæ sunt futura præsentia sunt: & ei cui præcognita sunt, omnia ventura pro factis habenda sunt. & Augustinus lib. 5. de Trinit. cap. 16. apud Deum nec præterita transferunt, & futura jam facta sunt. quod & ratio suadet. æternitas, quam dicere licet propriam Dei durationem, in sua ratione tota simul & indivisibilis ac infinita, comprehendit in se omnes prorsus differentias temporum quæ successive fluunt, hæque in suo sinu & ambitu continet, ita ut nulla extra æternitatem fiat. Non quod res futuræ in eo statim quo fluunt toti æternitati correspondeant, aut ei coexistant: sed quia æternitas cum sit præsens comprehendendo res illas intra se, pro sua infinitate coexistit illis in ea temporis differentia. eodem modo quo immensitas Dei correspondet omnibus creaturis in quocumque sint loco, non tamen omnis creatura, quæ in certo suo ac determinato loco est, toti immensitati coexistit.

Verum exinde inferretur absque ratione creaturas quantum ad suum esse phy-

physicum ac reale actuale Deo ab æterno coexistere: id enim de esse illarum objectivo, & prout sunt in idea Dei & ut ab illo cognoscuntur, est dumtaxat intelligendum. creaturæ quæcumque sint temporibus suis existentes fluunt in æternitate, non autem sunt æternæ, nec cœternæ Deo, cum minime æquent æternitatem intra illam fluentes, quæ se extendit tota simul, & infinitas illas durationes continent intra suum permanentis æternitatis, si possemus intelligere quid sit duratio infinita & æternitas quæ est tota simul, absque labore intelligeremus hanc inclusionem rerum successivarum in æternitate, & correspondentiam, & coexistentiam partium in ea æternitate infinita, ex qua fit nihil futurum aut præteritum esse respectu Dei cui tempus non currit, fluxus ille temporis, qui est quid successivum respectu nostri qui sumus in tempore, semper est præsens æternitati, & Deus qui est æternus illi coexistit. cum ergo de Deo loquentes ac de æternitate, aliquid ad instar durationis vel successionis menti nostræ occurrat, id omne tribuamus temporis ac rebus creatis quæ momentis transvolantibus rapiuntur, non vero Deo semper immutabili & æterno, de quo licet sit & nunc & in perpetuum, non potest dici nisi improprie, quod fuerit vel erit, quia esse ejus est nunc indivisibile, cui adaptari non potest duratio, ut jam ostensum est, quamvis ex limitatæ mentis humanæ concipiendi modo absolute pronuntietur ipsum durare in perpetuum. similiter etiam in æternitate momenta sibi perpetuo succedentia, temporaque præteritum præsens, ac futurum habentia intelligamus, in ipsa nihil esse successivum, sed præsens interminabile teneamus. non exultimantes tamen varia illa instantia juxta quæ æternitatem quodam modo mensuramus, quæve pro ut intellectui nostro finito representantur successive, ex eo quod unico intuitu æternitatem cernere non valemus, quod soli Deo proprium est, dies, annosque perpetuos describere videntur, esse simul in eodem instanti, quod manifeste implicat: alioquin dicendum esset æternitatem esse unicum instans, quod pariter repugnat, etiam ob sui indivisibilitatem ad unius instar momenti perpetuo manentis sit consideranda. cæterum si quis dicat nos inintelligibilia hic loqui, id haud difficile concedemus, qui dum de infinitis Dei attributis divisim & in se spectatis agitur, nihil aliud quam balbutire valemus. sed aliquid est humanæ superbix, de rebus quæ ipsius captum superant semper investiganti, condonandum. & in hoc certe laudandus homo, si modum non excedat, jurisque fines non transcendat, quod ipsum de Deo, ut ut potest, cogitare ac loqui delectet.

QUESTIO QUINTA.

Utrum Deus sit immensus.

Immensum illud dicimus quod a nullo contentum omnia in se ita continet, ut cuilibet loco, cuilibet enti sit secundum suam substantiam præsens; quodque ex omni sui parte illimitatum omnia concludit, & nullomodo

do ipsum potest concludi. Deum illa non gaudere immensitate multi opinati sunt inter veteres, qui imperite & crasse de Deo sentientes, illum certis in locis esse affixum, exinde omnia cernentem, cuncta regentem, existimarunt, cæteris locis per suam scientiam, per suam potentiam esse præsentem, minime vero per suam substantiam arbitantes. ipsis consentire Socinianos habemus ex Erello lib. de Deo, juxta hunc sensum interpretante cuncta Scripturæ Sacræ momenta Dei immensitatem, seu essentiae divinæ quibuslibet in rebus ac locis præsentiam celebrantia. unde volunt Sacrorum librorum, quos ex privato spiritu interpretantur, auctoritate freti, Deum in caelo tantummodo habitare, ab iis omnibus Catholici recedentes, Deum ubique præsentem per substantiam pronuntiant. verum aliquid est inter Theologos dissidii circa modum per quem Deus intelligitur actu præsens & existens in locis & rebus, non advertentes, dum volunt assignare rationem formalem existentiae seu praesentiae Dei in loco, se illum quodam modo, saltem per mentem circumscribere, quasi omnia loca non implet. alii Deum per operationem constituentes in loco, ex omnipotentia inferunt immensitatem; alii e contra illum per suam immediate substantiam ubique simul & in quolibet loco, ut revera est, existentem prædicantes, ex immensitate inferunt omnipotentem operationem ejus. exinde his magna procedit Thomistas vulgo, qui in hac parte a Magistro suo non parum videntur recedere, inter & Scotistas alioque passim Theologos, qui absurdam putant rationem loquendi aliorum, utrumne a priori vel a posteriori probetur Dei immensitas; veluti satis non esset adversus Hæreticos, Infideles, & Socinianos ostendere Deum esse immensum, sique esse ubique totum & semper in se ipso, absque ulla sui læsione vel divisione, & ex ejus operatione in rebus & locis præsentiam ipsius demonstrari; abstinendo ab iis quæstionibus, quæ, quoquomodo res se habeat, nullius sunt utilitatis, quæque ut tractentur vanis ac futilibus concertationibus illarum quandoque implicant tractatores, ut accidit in præsentibus horum Theologorum controversia, qui, ut inferant ex omnipotentia præsentiam, vel ex præsentia operationem, eo pergunt, ut de modo operandi Dei in spatiis imaginariis differant, serio investigantes, utrum Deus sit in illis; an positive, an negative; an vere existant fictitia illa spatia, sint ne infinita vel non: quas omnes quæstiunculas, otiosas & fere delirantis mentis figmenta libenter pronuntiarem, nisi a tali judicio me deterreret summorum virorum, qui de illis etiam, qua sorte nescio, quæstionem moverunt, veneranda auctoritas. ad nos quod spectat qui veritati studemus, non contentioni, quæstionem præcipuam attingemus, Deum immensum & ubique per substantiam suam præsentem juxta fidei principia, quæ ipsa fatetur ratio, ostendentes, præsentiamque Dei in loco ex illius operatione non immerito colligentes.

ASSERTIO UNICA.

Deus qui vere est immensus, ubique per essentiam suam ac substantiam est præsens; & ex illius operatione in loco necessario colligitur ejus præsentia, quam omnibus rebus inesse ac locis ex se postulat immensitas.

Immensitatem esse veram ac necessariam Divinitatis dotem Philosophos gentiles sola naturalis ratio docuerat, qua duce Deum rebus omnibus ac locis esse præsentem, illoque omnia plena, nihil ab illo vacare, huncve implere opus suum prædicabant: ut videre est apud S. Cyrillum Alex. contra Julianum lib. 1. Minucium Felicem, Salvianum, & alios, horum Philosophorum ac Poetarum placita & carmina referentes. & reapse: ens necessarium, ens a se & a quolibet alio independens, ens increatum, summe perfectum quo melius aut majus nihil potest excogitari, ens eorum omnium, quæ extant, causam & principium, ipsumque omni carens principio, quomodo illud humanæ rationi notum, ab illa ut immensum, omni ex parte illimitatum ac interminatum, ideoque per essentiam suam ac substantiam ubique præsens non agnosceretur?

Quod naturali lumine habuere pro indubitato Gentiles id nos docet fides quid enim aliud præter Dei immensitatem, ejusque per essentiam locis omnibus ac rebus præsentia sonant hæc sequentiam Scripturæ verba? *foris vestigia Dei comprehendes, & usque ad perfectum omnipotentem reperies? excelsior est celo, & quid facies? profundior inferno, & unde cognosces? longior terra mensura ejus, & latior mari.* sic apud Job cap. 11. Dei incircumscriptio & illimitatio qua sua immentitate omnia complectitur optime commendatur: *quo ibo a Spiritu tuo, & quo a facie tua fugiam? si ascendero in calum, tu illic es; si descendero in infernum, ades?* inquit psal. 138. Regius Propheta, nullum locum Dei præsentia vacantem significans. *si cali calorum te capere non possunt, quanto magis domus hæc quam edificavi?* dicebat Salomon lib. 3. Reg. cap. 8. ad Dei immensitatem attendens. *cælum sedes mea, terra autem scabellum pedum meorum dicit Dominus* apud Isaiam cap. 66. *putasne Deus e vicino ego sum, dicit Dominus, & non Deus de longe? si occultabitur vir in absconditis, & ego non video eum dicit Dominus? Numquid non cælum & terram ego impleo?* quid significantius his verbis apud Jeremiam cap. 23. *Magnus est, & non habet finem: excelsus & immensus,* inquit Baruch cap. 3. Nonne præsentiam realem secundum substantiam, ita ut nedum per cognitionem & virtutem ubique Deus adsit, sed etiam per essentiam ratione suæ immensitatis, expresse indicant illa verba Scripturæ? & quis negaret ipsis vim inferri a Socinianis, dum volunt illa ad præsentiam cognitionis & virtutis limitari? quomodo videre & operari Deus intelligeretur ubi non est? facilius absque cognitione & operatione posset, absolute loquendo, reperiri præsentia secundum substantiam, si de rebus divinis comparative ad res humanas loqui liceret, quam præsentiam cognitionis & operationis seclusa præsentia substan-

tiali

tiali reperiret intellectus humanus. & quomodo ex Dei operatione in loco non colligatur necessario ipsius præsentia secundum substantiam, distincte ostendat contra sentientes. Deum ubique existentem, nihilominus otiosum nec quidquam operantem, vel ad ea quæ fiunt parum attendentem, de hominibus, licet factura ejus sint, & operibus illorum parum sollicitum, cum majori Deistarum numero admittere, rationi multo minus repugnaret, si in Deistarum deliriis aliquid reperire esset quod illam non offenderet, quam Deum supponere alicubi ea quæ fiunt cognoscentem, ibique suam virtutem exercentem, & eodem tempore ab iisdem locis absentem, veluti prius non esset ut vulgo dicitur, esse quam operari. verum Deistas & Socinianos ab ipsis indistantes relinquamus.

Deum ubique præsentem secundum substantiam & ratione immensitatis constanter docent Sancti Patres. sic Origenes hom. 12. in genesim exponens hunc locum ubi Rebecca narratur abiisse ut Dominum interrogaret, ostendit Deum ubique adeste, non autem certis vel definitis esse conclusum locis, ideoque immensum: *quo abiit?* inquit, *ex eo loco in quo non erat Dominus, abiit ad eum locum in quo erat? Nonne ubique est Deus? Nonne ipse dixit, cælum & terram ego impleo dicit Dominus? absurdum namque est si ita putemus imperitam fuisse Rebecca & indoctam, quæ in domo Sapientis Abrahæ sub viro eruditissimo Isaac fuerat instituta, ut intra aliquem locum Dominum putaret esse conclusum. eandem veritatem habemus ex S. Chrysostomo in psal. 112. adhuc Psalmistæ verba, quis sicut Dominus Deus noster, qui in altis habitat, & humilia respicit in cælo & in terra? ostensens, inquit, ubique illum esse, & illic & hic. Non enim tamquam aliquis in cælo conclusus, eminens videt quæ sunt in terra; sed ubique præsens, & omnibus assistens.*

Omnes Sanctos Doctores cum hac de re eodem fere modo loquentes possemus asserere, unum dumtaxat laudabimus Augustinum, innumeris in locis pro immensitate Dei, ejusque præsentia ratione essentia & naturæ pugnantem lib. 5. confess. cap. 2. de iniquis præsentiam Dei fugere arbitrantibus Deum alloquens ait, *eant & fugiant a te iniqui & iniqui... quo enim fugerunt cum quærent a facie tua? aut ubi tu non invenis eos? ... Nesciunt quod ubique sis, quem nullus circumscribit locus, & solus es præsens, etiam iis qui longe sunt a te.* epist. 118. ad Dioscorum de placitis Stoicorum loquendo hæc scribit: *qui enim dixerit Deum non discedi aut discedi per locos, neque finitos, neque infinitos, quasi in aliqua parte major sit, in aliqua minor, sed totum ubique esse præsentem, sicut veritatem cujus nemo sobrie dicit partem esse in isto loco, & partem in illo, quoniam veritas utique Deus est; nequaquam cum movebit quod de infinito, &c. quibus in verbis duo hic habemus, & Divinæ essentia indivisibilitatem, & ejusdem ubique præsentiam.* epist. 120. ad Consentium, ad quaestiones de Trinitate sibi propositas respondens ait: *dicimus Pater noster quis es in cælis, non quia ibi es, & hic non es, qui præsentia incorporea ubique es. totus, sed quia in eis habitare dicitur, quorum pietati adest, & hi maxime in cælis sunt.* epist. 137. ad Volusianum hæc habet. *Non sic Deus dicitur implere mundum, velut aqua, velut aer, velut ipsa lux, ut minore sui parte minorem* mur.

mundi impleat partem, & majore majorem. Novit ubique totus esse, & nullo contineri loco: novit venire non recedendo ubi erat, novit abire non deserendo quo venerat. lib. de præsentia Dei ad Dardanum, seu epist. 187. *est ergo Deus, inquit, per cuncta diffusus. ipse quippe ait per prophetam, calum & terram ego impleo. & quod paulo ante posui de sapientia ejus, attingit a fine usque ad finem fortiter. & disponit omnia suaviter: stemque scriptum est Spiritus Domini replevit orbem terrarum: eique dicitur in quodam psalmo, quo abibo a spiritu tuo... sed sic est Deus per cuncta diffusus, ut non sit qualitas mundi, sed substantia creatrix mundi, sine labore regens, & sine onere continens mundum. Non tamen per spatia locorum, quasi mole diffusa, ita ut in dimidio mundi corpore sit dimidius, & in alio dimidio dimidius, atque ita per totum totus; sed in solo cælo totus, & in sola terra totus, & in cælo & in terra totus, & nullo contentus loco, sed in se ipso ubique totus. & nonnullis interpositis quæ non spectant ad præsens nostrum propositum, quasi concludendo prosequitur, unde satendum est ubique esse Deum per divinitatis præsentiam, sed non ubique per habitationis gratiam. ex quibus verbis cum aliquod dubium exurgere posse formidaret S. Doctor, quod immensitati Dei ipsiusque omnibus in locis præsentia, de qua jam multa disseruerat, contrarium videretur, paucis interpositis hæc addit. cum igitur qui ubique est non in omnibus habites, etiam in quibus habitat, non aequaliter habitat... quomodo ergo verum supra diximus, quod Deus ubique sit totus, quando in aliis est amplius, in aliis minus? sed non est negligenter intueundum quod diximus in se ipso esse ubique totum. Non ergo in eis; quia. alii plus eum capiunt, alii minus. ideo enim ubique esse dicitur, quia nulli parti rerum absens est; ideo totus, quia non parti rerum partem suam præsentem præbet, & alteri parti alteram partem, æquales aequalibus: minori vero minorem, majorique majorem, sed non solum universitati creaturæ, verum etiam cuilibet parti ejus totus pariter adest. & iterum idem velut resumens argumentum ad dubium quodcumque omnimode tollendum, & majoris dictorum elucidationis gratiam sic pergit. Porro autem quod parum distincte putavimus posse intelligi eum diceremus Deum esse ubique totum, nisi adderemus in se ipso, video diligentius exponendum. quomodo enim ubique, si in se ipso? ubique scilicet, quia nusquam est absens. in se ipso autem quia non continetur ab eis, quibus est præsens, tamquam sine eis esse non possit... Deus totus in se ipso est, nec in quibus est, ita est ut indigeat eis tamquam non possit esse nisi in eis. sicut autem nec ab illo adest in quo non habitat, & totus adest, quamvis eum ille non habeat: ita & illi in quo habitat totus est præsens, quamvis eum non ex toto capiat.*

His Augustini verbis, quibus per multa non dissimilia ex eodem addi possent, nihil luculentius ad assertionis confirmationem valet desiderari. & si in illo Sancti Doctoris loquendi modo præsentiam secundum naturam, & ut loquuntur Scholastici immediationem* suppositi non agnoscunt adversarii, hæc patrum momenta intelligentes dumtaxat de præsentia cognitionis & virtutis, ipsos similes dicam iis qui oculos claudentes in meridie ante conspectum solis, se densissimis offundi tenebris conquererentur.

Immensitati Dei ejusque præsentia omnibus in locis ac rebus rationem

Z

suf.

suffragari jam dictum est, & multiplici argumento ostendi posset: id unum observabimus, Deo ut pote qui sit ens perfectissimum, omnem veram perfectionem esse tribuendam, præsertim si quadam ex perfectionibus possibilibus carere, summam in ipso arguat imperfectionem. immensitatem, quæ ex se præsentiam dicit secundum substantiam cuilibet loco, veram esse ac realem perfectionem quæ melior est ipsa quam non ipsa, ut dicunt, nemo dissimulatur. tali autem carere perfectione in Deo summam argueret imperfectionem. si enim Deus ubique non est secundum substantiam, est limitatus & quibusdam locis est circumscriptus, alioquin a nullo loco potest abesse, cum substantia ex natura sua immensa ex se necessario postulet ubique esse. si immensus non sit Deus, nec erit infinitus: neque enim a se invicem possunt dissociari infinitas & immensitas. non erit pariter Deus independens, & aliud ens superius & perfectius cogetur agnoscere; illud nempe a quo habebit non esse immensum, sed limitatum ac terminatum seu non esse ubique. ex quo similiter sequetur Deum non existere a se ipso, sed suum esse participare ab illo a quo limitabitur; nam de ratione entis per se existentis est, interminatum esse ac illimitatum, & quod idem sonat esse secundum suam substantiam immensum, quæ substantiæ immensitas ejusdem ubique præsentiam absolute ac necessario importat. immensus igitur dicatur Deus, & quia immensus agnoscat ubique præsens substantialiter, vel nullo modo Deus erit.

Ex ipsius operatione in loco præsentiam ejus necessario colligi addidimus, quod de præsentia quoad substantiam volumus dictum; de præsentia (siquidem virtutis invincibile testimonium est ipsa operatio. hæc autem necessarium dicit ordinem ad omnipotentiam cujus est effectus, etiam si esset operatio illa transiens: ab ipsa Dei substantia separari nullo modo potest illius omnipotentia, quæ, ut diximus de cunctis attributis, realiter cum Deo identificatur: unde ubicumque erit Deus per virtutem suam cognoscitivam vel operativam, ibi erit præsens quoad substantiam. si ergo est ubique per operationem, ubique pariter est suppositivè seu quoad substantiam. de ratione cujuslibet cause est, etiam si infinitæ virtutis, quod sit ubi operatur: imo ex ipsius infinitate est quod immediario virtutis esse nequeat absque immediate supposito, ex eo quod infinitas sit. utrique communis, illamque necessario participando inter se realiter identificentur. quapropter ex præsentia virtutis quam infallibiliter demonstrat Dei operatio, invide inferitur ejusdem præsentia quoad substantiam in eodem loco in quo operatur.

Esto quod operatio Dei in loco sit ratio ob quam illius præsentia in eodem nobis innotescat; immensitas nihilominus erit formalis ratio hujus præsentia; ipsaque operatio ut quid prius supponit divinam substantiam ubique, modo licet inenarrabili, diffusam, ut passim loquuntur Sancti Patres. præterquam quod dici posset, supposita rerum existentia, substantialem in rebus præsentiam Dei esse necessariam ac internam, cum ab iis, ex eo quod est immensus, absens esse non possit: operationem vero ejus transeuntem esse liberam & externam; unde substantialis Dei præsentia præsuppositivè se habebit ad præsentiam virtutis in loco, idque adeo verum est, ut si ex impossibili

li aliquid esset in quo Deus nihil operaretur, ipsi tamen præsens foret per suam naturam, quæ ut dictum est, ob suam infinitatem & suam immensitatem a nulla re nullove loco distare valet, nisi circumscripta sit & limitata, quod repugnat. ideoque non immerito assertum est, immensitatem in Deo ex se postulare quod ipse rebus omnibus ac locis præsens sit secundum substantiam.

SOLUTIO OBJECTIONUM.

1. **O**bjectio. Si Sacræ Scripturæ loquendi modum attendamus multa in ea reperiemus loca quæ præsentiam Dei substantiali omnibus in locis ac rebus parum favent, imo ipsi directe adversantur, cum Deum dicant tali modo habitare in cælo, ut videantur præsentiam illius ab alio quocumque loco excludere. quandoque etiam ipsum asserunt ascendere, descendere, accedere, recedere: motus autem localis consistere in Deo non potest cum ipsius immensitate in sensu assertionis. a Sacrorum librorum loquendi modo non recedentes Sancti Patres, eundem motum localem Deo tribuunt, habitationemque ipsius esse in cælis dicunt, ut apud ipsos facile videre quis potest. unde minus certa videtur assertio.

Resp. tempus & operam perderet qui tum ex Scriptura, tum ex Sanctis Patribus assertam veritatem efficaciter impugnare intenderet, cum neque unum ex eis possit asserti testimonium quod tantisper urgeat. cum dicant Deum habitare in cælo ibique esse, talia sancto præsentiam Dei ab aliis quibuscumque locis ac rebus minime excludunt, ut satis significant Scripturæ & Patrum verba quæ in probationem assertionis attulimus. & qui Deum cæli incolam exclusivè ab aliis vellet locis, minus digne de illo sentiret; cælum enim ad instar habitationis cujusdam materialis tunc sibi fingeret, in qua Deum habitare existimaret eodem modo quo homo habitat in domo sua; & puerilis valde esset illa cogitatio, quæ in sensati alicujus mentem cadere nequit, nisi maxime sit rusticitatis: cum ex illa sequatur Deum ibi esse circumscriptive ad modum corporum, quæ non implent nisi quoddam spatium determinatum, habitata ratione suæ commensurationis: qui modus existendi in loco, summam Dei Majestatem dedecet, cujus natura infinita postulat nullo posse circumscribi loco, sed quibuscumque in locis esse præsentem. insuper ex eo quod Deus in cælo dicatur Sanctis suis ostendere magnificentiam gloriæ regni sui, illudque reputetur solum excelsum Majestatis ipsius, cui assistunt anime justæ quas beat manifestans se ipsum eis, ibi dicitur insigniori quadam ratione habitare, ob quam locus ille passim vocatur domus Dei, juxta illud psalmistæ: *Beati qui habitant in domo tua domine, in secula seculorum laudabunt te.* sed inde non sequitur Deum non esse aliis in locis vere præsentem quoad substantiam. Nostram hanc responsionem innumeris patrum testimonijis possemus illustrare, quibus audiis, quamdam fortasse nobis efformemus ideam loci illius summe desiderabilis, in quo electi portantur de mente voluptatis Dei, & ab ubertate domus ipsius inebriantur: ex qua idea

accenderentur corda nostra, ita ut ad illum qui habitat in cœlis, oculos nostros levaremus, donec ipsius regnum adveniat. His in sensu mystico obiter dictis ad propositum redeamus.

Quæcumque in Scripturis Sanctis & Patrum Scriptis, motum quemdam localem Deo tribuere videntur, esse metaphorice accipienda non est quod adhuc ostendamus. de iis omnibus quæ humano more loquuntur libri Sacri cum de Deo agitur, quæque affectiones vel passionis nostris similes videntur in illo significare, satis diximus ubi de simplicitate Dei solventes primam objectionem. accedit ad nos Deus beneficia impertiendo, recedit, mœnum suam retrahens uberioris gratias aliquando ex iustitia subducendo. & stulte de Deo cogitat qui, ipsum revera moveri ac transire de loco in locum humano more, arbitrat. "Descendere dicitur Deus. inquit Augustinus serm. 70. de temp. vide ne ascensionem & descensionem localem sentias. indignum est hoc de incorporea, & ubique tota sentire substantia. sed descendere dicitur Deus, quando curam humanæ fragilitatis habere dignatur." & lib. contra Adimantum cap. 13. dicit. *non enim potest descendere, nisi quod etiam de loco in locum moveri potest. nam qui descendit, locum superiorem deserere, & inferiorem petere videtur. Dei autem Sapientia, cum tota ubique præsto sit, nullo pacto migrare de loco in locum potest.*

2. *Obiectio.* Non potest intelligi Deus ubique præsens secundum substantiam quin eodem tempore intelligatur extensus. cum enim est omnibus rebus præsens, iis secundum illarum partes correspondere oportet, quod seclusa extensione esse nequit. quis autem Deum diceret extensum? aliunde dato quod substantia divina locis ac rebus omnibus coexistat, quot absurda inde non sequuntur? ergo in sordibus, in hominibus nequissimis, etiam in Dæmonibus erit Deus; quod divinam dedecet Majestatem, & audire refugit ratio. unde per cognitionem dumtaxat & operationem ubique Deum esse dicere melius est: & in hoc sensu immensitas de illo prædicabitur, estque Scripturæ loquendi modo magis conformis ille sensus.

Resp. ex immensitate Dei extensionem ejus substantiæ ad instar rerum corporearum qui inferret inania ac puerilia saperet. in eo ipso quod dicitur Deus ubique diffusus, carnali resistendum est cogitationi, & mens a corporis sensibus advocanda, ne quasi spatiosa magnitudine opinemur Deum per cuncta diffundi. inquit Augustinus laudata epist. 187. unde corporum more non esse videndum Deum affirmat sic loquens serm. 277. in loco non videtur Deus. per partes non videtur Deus, spatio diffusus intervallisque separatus non videtur Deus; quamvis impleat cœlum & terram, non ideo tamen dimidius est in cœlo, dimidius in terra... non est tale aliquid Deus: non est corpus Deus. per spatia diffundi, locis capi, habere partes dimidias, tertias, quartas, totas; corporum proprium est. Nihil tale Deus, quia ubique totus Deus. ipsum ex immensitate sua omnibus rebus presentem certissimum est; sed illum iis correspondere secundum earum partes qui corporeus non est, sed est ubique totus, ille solus potest cogitare qui carnaliter sapit, qui materialiter sapit, quique Deum ad instar molis cujusdam immensæ magnitudinis, infinitæque extensionis sibi fingit.

Deum

Deum ergo omnibus locis ac rebus esse præsentem eodem modo quo substantiæ spirituales & indivisibiles in loco esse possunt, consentitur quicumque scripturis ac patribus credunt. neque difficilius intelligitur Deum utpote immensum esse ubique totum, & in qualibet istius immensitatis cuncta continentis parte esse similiter totum, quam animam hominis esse totam in corpore, & totam in qualibet parte corporis quod informat, quæ tamen non est extensa ex eo quod Corpus non sit. & quid mirum si dicatur quamlibet substantiam habere modum existendi sibi proprium, qui naturam illius sequitur? sicque sicuti duplex est substantiæ genus, spirituale unum, corporale aliud, duplex est pariter modus existendi; unus extensionem postulat, cum quidquid partes habet, sit necessario extensum; alius extensionem excludit, cum ex opposito ubi partes non sunt, extensioni locus non sit. & si ex impossibili daretur genus aliud substantiæ, quæ nec spiritus esset nec corpus, tertius esset existendi modus secundum istiusmodi substantiæ exigentiam. substantia spiritualis ut est Angelus, & ut est anima rationalis, eo quod sit limitata, necessario est in quibusdam locis determinatis, sed indivisibiliter, tota videlicet in toto, & tota in qualibet parte loci; hic enim modus hic existendi est huic substantiæ connaturalis, & hunc solum illa admittit. substantia vero divina eo quod illimitata & necessario immensa nullo loco continetur, sed ubique est; & cum sit spiritus, ideoque indivisibilis, ubique est secundum se totam. qui illud fiat non intelligimus, id tamen ut quid indubitatum tenemus. Nos anima & corpore quæ unum quid efficiunt, donatos esse firmiter credimus: quomodo vero uniantur ad illud quid unum constituendum hæc duæ substantiæ, quarum quælibet habet suum modum existendi peculiarem, penitus ignoramus.

Nihil igitur concludere propositam objectionem advertant qui ex ea argumentantur. quodnam enim istud est argumentandi genus? non intelligitur Deum esse præsentem ubique quoad substantiam quin intelligatur extensus. Deus autem non est extensus. ergo non est ubique præsens. ut bona esset hæc illatio, prius ostendendum illis esset humanam mentem capere posse quæcumque de Deo prædicantur, quod nemo nisi mentis impos excogitabit. nihil aliud inferri potest ex prima propositione, nisi incnarrabilem esse modum juxta quem Deus qui est inextensus, locis ac rebus extensus præsens est secundum se totum: quod libenter concedemus, Dei præsentiam ubique ob immensitatem illius firmissime credentes, modum vero quo res sic se habeat penitus ignorantes. Nec eo confugiemus ut cum nonnullis Theologis Deum dicamus extensum virtualiter, quatenus rebus & locis æquivalet, ac licet non sit actu extensus, præstare id quod præstaret si revera esset actu extensus: hæc enim nihil sunt quam verba & voces quæ nihil significant, nec explicant quid sint illa virtualis extensio, illave fictitia æquivalentia. & hæc vacua loquendi ratione non solvitur quæstio, sed tota manet difficultas, quam nullam esse falsitas illationis ostendit.

Minime quemquam movere debent absurda quæ sequi dicuntur ex substantiali Dei præsentia in quibuscumque locis: hæc enim futilia sunt, & ex fal-

falso supposito proficiscuntur: Deum rebus cunctis inesse præsentem ad modum corporum, quæ ex vario suarum partium contactu ad invicem coinquari possunt ac fordescere, videntur significare; quæ cum respectu Dei, cuius natura est incorruptibilis & inalterabilis locum habere nequeant ipsum locis immundis, hominibus scelestis atque Dæmonibus secundum suam substantiam præsentem esse non dedecet, nihilque indignum est divina maiestate, cuius essentiam ipsis rebus velut immensam tanquam eorum materiam vel formam videntur excogitare, qui ex substantiali ejus præsentia in locis fordidis scandalum sumunt. cur magis Deum dedeceret iis omnibus in rebus esse per substantiam quam per cognitionem, potentiam & præsentiam, qua illas producit, conservat, & regit? hominibus malis reprobis ac Dæmonibus inest Deus ut vindex, sicut ubique totus implens cælum & terram, præsentem potentia, non absente natura, ut loquitur Hippoensis lib. 7. de civit. cap. 30. satis itaque non est Deum dicere immensum ob præsentiam cognitionis & virtutis, si dematur præsentia per essentiam; & falsum esse hunc sensum loquendi modo scriptura um accommodari magis, ut constet ex iis quæ supra retulimus.

Quæritur, Utrum dici possit Deum esse in loco, & quo sensu id sit intelligendum.

Resp. Deum rigoroſe loquendo non poſſe dici eſſe in loco optime novit, qui ipſum ſcit nuſquam contentum, ſed omnia in ſe ipſo continentem. quamdã circumſcriptionis ideam neceſſario importat ille loquendi modus, eſſe in loco, qui ſubſtantia interminata aut immenſa quæ Deus eſt, congruere nequit. idque magis improprie de Deo prædicari adverter, quicumque cum philoſophis tenebit locum non diſtingui a corpore locato, & uoum & idem eſſe ſpatium & locum, ac utrumque corpora exigere, ita ut nequeant abſque illis corpora exiſtere, juxta tritum illud Auguſtini epiſt. 187. cap. 6. *Spacia locorum tolle corporibus, nuſquam erunt, & quia nuſquam erunt, nec erunt.* unde pluribus in locis docet S. Doct̃or, ut quid firmiſſime tenendum, Deum in loco non eſſe. *Spiritus eſt Deus*, ait ſerm. 53. in cap. 5. evang. Math. *quid præparas oculos corporis? ſi ſic videbitur, in loco erit quod videbitur.* Non eſt in loco qui ubique totus eſt. ſerm. 277. cap. 14. *non conemur Deum perducere ad locum, non conemur Deum includere in loco, non conemur Deum per ſpatia locorum quaſi aliqua mole diſfundere: non audeamus hoc, non cogitemus...* ille non eſt in loco. & cap. 19. *Deus non videtur in loco, quia non eſt corpus, quia ubique totus eſt...* Hoc firmiſſime teneamus. lib. 2. de ſerm. Dom. in monte cap. 5. in hæc verba, *Pater noſter qui es in cælis.* Non ſpatio locorum continetur Deus. ſunt enim cali excellenſia quidem mundi corpora, ſed tamen corpora, quæ non poſſunt eſſe niſi in loco... ubique præſens eſt non locorum ſpatiis, ſed maiſtatis potentia. & tandem, ut fiat dicendi ſinis, enarr. in pſal. 74. *ſi Deus eſt, ubique præſens eſt...* de nullo loco judicat, qui ubique ſecretus eſt, ubique publicus... Noli cogitare Deum in locis... quocumque ſuſeris, ibi eſt. adeo intelligibilia ſunt & diſtincta hæc Auguſtini verba, ut nihil addendum ſuperſit. Deum eſſe ubique præſentem, & tamen non eſſe in loco diſerte affirmat, ex eo quod eſſe

esse in loco, ex se aliquid sonet corporeum, quod a Deo qui Spiritus est, procul omnino est amandandum. Hanc vero esse proprie Sancti Doctoris sententiam, circa quam nullum dubium esse potest, confirmatur ex iis quæ lib. 83. quæst. scribit quæ. 20. his verbis. *Deus non alicubi est, quod enim alicubi est, continetur in loco: quod continetur loco, corpus est. Deus autem non est Corpus. Non igitur alicubi est; & tamen quia est, & in loco non est, in illo sunt potius omnia, quam ipse alicubi; nec tamen ita in illo, ut ipse sit locus locus enim in spatio est, quod longitudine & latitudine & altitudine corporis occupatur: nec Deus tale aliquid est. & omnia igitur in ipso sunt, & locus non est.*

Concludendum ergo cum eodem Augustino, non nisi abusive Deum dici esse in loco, ac improprie loquendo; rectius enim diceretur locum in Deo esse quam deum esse in loco. Non inferendum tamen, ut inepte nonnulli opinati sunt, Deum nullibi esse per essentiam; quin potius, ex eo quod est ubique præsens, quibuslibet locis cunctisve rebus adest, nedum per operationem & cognitionem, verum & quoad substantiam, ex eo præcisè proprie dici nequit esse in loco: quæ enim in sensu proprio sunt in loco, illo definiuntur & circumscribuntur. Hinc merito de Deo scripsit idem S. Doctor lib. de quantitate animæ cap. 34. quod illo *nihil sit secretius, nihil præsentius; qui difficile invenitur ubi sit, difficilius ubi non sit.* cum autem ille usus, vel magis abusum invaluerit, ut vulgo dicant Theologi Deum esse in loco, hac loquendi ratione significatur, Deum, qui ipse sui ipsius locus est, omnia implens, ac super omnia existens, omniaque ipse complectens; ut loquitur S. Joannes Damascenus lib. 1. de fide orthodoxa, rebus omnibus ac locis realiter inexistere, ipsique veluti per substantialem sui ipsius illapsum, & in singulas mundi partes diffusissimum, continuo & immediate præsentem se sistere absque ulla sui ipsius divisione, adeo ut sit semper totus in se ipso, & totus in omnibus ac singulis rebus quæ extant ac locis. & in hoc ex immensitate sua ab aliis substantiis spiritualibus differt Deus, quod Spiritus Creatus qui est in loco definitive, quia limitatus & terminatus, sit totus in toto, & totus in qualibet parte loci, sed uno eodemque tempore pluribus in locis nequeat esse: Deus vero eodem instanti, & semper, secundum se totum ubique sit, in rebus & locis in infinitum usque producibilibus, si reapse producerentur, eodem modo secundum se totum vere futurus.

Quæritur, Quid sentiendum sit de spatiis vulgo imaginariis, & utrum Deus dici possit in illis existere, eisque esse præsens?

Resp. Nihil realitatis habere præter existendi possibilitatem si Deo, ejus nihil potest resistere voluntati, illa e nihilo educere placeret, imaginaria hæc spatia ultramundana certum est. de illis quæ non sunt, & fortasse nusquam erunt, differere quid juvat? utrum in illis spatiis, quæ non existunt nisi ut possibilia, existat Deus, eisque sit præsens, non inepte minus quæritur, quam dum petunt nonnulli, iis similes de quibus loquitur S. Augustinus, quid faciebat Deus antequam crearet cælum & terram, & ubi habitabat. ut quid de iis serio tractare possunt Theologi, qui de Deo non nisi grandia & sublimia essent locuturi? de illis aliquando egerit Hipponensis necef.

cessitare ductus, ex vaniloquio quorundam, substantiam Dei loco in quo mundus est circumscribi volentium, adeo ut ab aliis locis, si producerentur, absens esset, mirum videri non debet. Manichæorum deliria, aliorumque philosophorum vel hæreticorum phantasmata erant convellenda; de iis tacere non poterat S. Doctor, cui pro veritate undequaque pugnare, & adversarios quoslibet pugnando vincere datum erat; unde illorum mentem afficiens, juxta ipsorum principia, ut eos ab errore revocaret, loqui debebat, & omnibus omnia factus, ut omnes Christo ejusque Ecclesiæ lucri faceret, vana ac puerilia quandoque tractare. Nos vero quos non movet eadem ratio, & quos manet magna dicendorum copia, id unum breviter dicemus, Dei immensitatem esse locum universalem eorum omnium quæ extant, quæque in illa continentur, nec usquam exhauriendum esse, etiamsi innumeri adhuc orbes e nihilo educerentur, qui extra eandem Dei immensitatem esse nequirent, & juxta illam iis omnibus quoad substantiam præsens esset Deus, qui major rebus omnibus, etiam possibilibus semper erit. supponatur ergo esse actu aliquid extra mundum, ibi se totum habebit Deus, eodem modo quo se habet in isto quem cognoscimus mundo, totus erit in toto, totusque pariter in qualibet parte. hunc siquidem modum existendi in omnibus locis & rebus, ut jam diximus, necessario postulat ipsius immensitas, quæ est specialis Dei perfectio, diversa ab ipsius infinitate & ejus immutabilitate, quæque divinitati est adeo propria, ut illam participare aliqua creatura nullo modo queat.

Hic obiter observare liceat, eos qui dicunt S. Augustinum lib. 11. de civit. cap. 5. admittere Deum vere præsentem esse in spatiis imaginariis extra mundum, verba illius non attente satis fuisse rimatos, eaque recte minus intellexisse, cum illud non dicat S. Doctor, ex cujus contextu dumtaxat concludi possit, quod ex supposito quod essent alia spatia præter ea quibus mundus iste continetur, ut opinari videbantur illi quibuscum agit, Deus, qui est immensus, & a nullo loco distare potest, iis vere præsens esset. & illud a quocumque Deum consiente immensum debet ut quid indubitatum teneri. sed advertant, tunc illa spatia non dicenda fore imaginaria, cum a statu possibili ad statum realis existentiae pertransissent: ex quo præsentis questionis locus amplius non esset. legant, & relegant Augustinum loco laudato ab ipsis, volvant illius verba, nusquam invenire poterunt illum dicentem, veram esse Dei præsentiam in spatiis imaginariis. & qua forte circa illius mentem decipi potuerint inter doctos non pauci minime intelligo; idque eo minus quod ambiguitatis nihil sit in toto illo Augustini contextu, quem non transcribimus ex eo quod de illo disputare contra aliter sentiente mens nostra non sit.

QUÆSTIO SEXTA.

De incomprehensibilitate & ineffabilitate Dei.

Incomprehensibile illud dicitur quod cognosci nequit secundum totam sui cognoscibilitatem, ut loquitur Doctor Subtilis, vel id cuius plena, adæquata & totalis cognitio haberi non potest: unde ex opposito cognitio comprehensiva ea est qua plene, adæquate ac totaliter cognoscitur objectum aliquod secundum omnes illius perfectiones, cunctosque ipsius modos essendi. Duplicem hunc modum cognoscendi seu videndi distinguit Augustinus lib. de videndo Deo ad Paulinam cap. 9. his verbis: *aliud enim est videre, aliud est totum videndo comprehendere. quandoquidem id videtur, quod præsens utcumque sentitur: totum autem comprehenditur videndo, quod ita videtur, ut nihil ejus lateat videntem, aut cujus fines circumspici possunt.*

Ineffabile illud vocamus cui nomen nequit imponi ita proprium ut totam ipsius naturam significet, & ratione cuius objectum per tale nomen menti nostra repræsentatum, perfecte, & ut est in se non cognoscitur, licet variis donetur objectum illud nominibus naturam ejus, variasque illius perfectiones aliquo modo, & juxta quemdam gradum designantibus. utrum & quo sensu de Deo prædicetur duplex illud attributum hic investigamus, quod breviori, quo fieri potest, modo absolvemus.

ASSERTIO PRIMA.

Deus vere est incomprehensibilis; adeoque ab intellectu creato, etiam cum auxilio supernaturali, plene & adæquate non potest cognosci.

DEi incomprehensibilitatem ut fidei dogma professi sunt Patres Concilii Lateranensis sub Innocentio III. his verbis. *firmiter credimus quod unus solus sit Deus, æternus, immensus, incomprehensibilis.* & hæc est Sacræ Scripturæ & Sanctorum Patrum doctrina. De Deo dicitur apud Job cap. 9. *facit magna, & incomprehensibilia, & mirabilia, quorum non est numerus.* cap. 11. *forisquam vestigia Dei comprehendes, & usque ad perfectum omnipotentem reperies.* apud Jeremiam cap. 32. dicitur Deus, *Magnus consilio, & incomprehensibilis cogitatu.* illius consilia vel judicia incomprehensibilia esse dicit Apostolus Rom. cap. 11. quæ varia Scripturæ verba, tam de incomprehensibilitate naturæ divinæ in se consideratæ, quam de illius operandi modo, ejusque consiliis, sunt intelligenda, quidquid in contrarium dicat Vasquez, nullo legitimo nixu fundamento.

Deum in se incomprehensibilem prædicat Sanctus Cyprianus lib. de vanitate idol. dum dicit, *sic eum digne æstimamus, cum inæstimabilem dicimus.* Tertullianus Apolog. cap. 17. de Deo loquens ait: *quod immensum est, soli sibi notum est...* Hoc quod est, Deum æstimari facit, dum æstimari non capit... ita

A a

enim

cum vis magnitudinis & notum hominibus objecit & ignotum. S. Ambrosius in Lucam lib. 1. Num. 25. ideo Deum nemo vidit unquam, inquit, quia eam quæ in Deo habitat plenitudinem divinitatis nemo conspexit, nemo mente aut oculis comprehendit. omnium Sanctorum Patrum cum una sit mens, unus fere idemque loquendi modus, unum satis erit addere Augustinum.

Hic autem de Deo loquens serm. 52. de verbis Evangelii Matth. hæc habet cap. 6. quid ergo dicamus, fratres, de Deo? si enim quod vis dicere, si cepisti, non est Deus: si comprehendere potuisti, aliud pro Deo comprehendisti. si quasi comprehendere potuisti, cogitatione tua te decepisti. Hoc ergo non est, si comprehendisti: si autem hoc est, non comprehendisti. quid ergo vis loqui, quod comprehendere non potuisti? serm. 117. de verbis evang. Joan. cap. 3. de Deo loquimur, inquit, quid mirum si non comprehendis? si enim comprehendis, non est Deus... attingere aliquantulum mente Deum, magna beatitudo est: comprehendere autem, omnino impossibile. lib. 12. de civit. cap. 18. impugnans nonnullos dicentes, ea quæ infinita sunt nec Dei scientia posse comprehendi, hæc habet: infinitas itaque numeri, quævis infinitorum numerorum nullus sit numerus, non est tamen incomprehensibilis ei, cujus intelligentia non est numerus. quapropter si quidquid scientia comprehenditur, scientis comprehensione finitur; profecto & omnis infinitas quodam ineffabili modo Deo finita est, quia scientie ipsius incomprehensibilis non est. Deus igitur, juxta Sanctos Patres, se ipsum, & quæ in ipso sunt comprehendit; quibuslibet vero creaturis est incomprehensibilis.

Et revera, ut ratione, quam ex his mox laudatis Augustini verbis insert Scotus in 3. dist. 14. quæ. 2. præsens assertio roboretur; comprehensio proprie dicta importat ex parte intellectus talem objecti cognitionem, quæ omnem illius adæquet cognoscibilitatem, illamque, ut ita dicam, exhauriat: (id enim proprie sonant hæc Sancti Doctoris verba, scientis comprehensione, vel ut legit Scotus, cognitione finitur.) quis vero putaret Deum qui est infinite cognoscibilis, finire posse & comprehendere ab aliquo intellectu creato, quæve dotatus supponatur excellentia, & quocumque auxilio supernaturali donetur? inter cognitum & potentiam cognoscentem quædam sit proportio necesse est. potentia autem finita, ut est intellectus creatus, nullam habet proportionem cum objecto infinito secundum rationem illam infinitatis, verum ut objectum infinitum, ut est Deus, comprehendatur a potentia finita, debet ab illa cognosci secundum rationem suæ infinitatis: quod cum sit impossibile ex defectu istiusmodi proportionis, restat Deum plene & adæquate non posse cognosci ab intellectu creato, proindeque illum esse incomprehensibilem. unde sic concludit Doctor Subtilis: "quia ergo nullus intellectus creatus potest habere tantam intellectualitatem, neque in actu primo, neque in actu secundo, quanta est intelligibilitas Dei, ut objecti, imo in infinitum excedit; ideo talis nullus intellectus creatus, etsi videat quodcumque visibile ex parte Dei, potest ipsum comprehendere, quia non est commensuratio hinc inde."

Et hic modus intelligendi incomprehensibilitatem Dei quem habemus ex Scoto post Divum Augustinum, nihil, aut parum differt a sententia Docto-

ris Angelici & Thomistarum; & gratis dicitur a Nicolao l'Herminier ignotus antiquis Patribus, quorum verba, quidquid ipsi videatur, eo tendunt ut ideo velint Deum ab intellectu creato comprehendendi non posse ob naturæ divinæ, cunctarumque ipsius perfectionum illimitationem, quæ rationis suæ illimitationis seu infinitatis, excedunt capacitatem intellectus creati, qui ex eo quod est creatus, finitus est ac limitatus, attingere proinde nequit objectum etiam insuatum nisi modo finito & limitato. siquidem ut objectum si-ve infinitum, si-ve finitum cognoscatur ab intellectu, debet illius objecti imago seu idea in illo representari ac recipi: quæcumque autem imago in intellectu creato representari non potest nisi finita ac limitata, juxta illud vulgarissimum, quidquid recipitur, ad modum recipientis recipitur. & comprehensionis veram ideam videtur ille Theologus non habuisse, dum Thomistarum impugnans sententiam, vel potius refellens, dixit, extra notionem & ideam comprehensionis, quod objectum cognoscatur modo perfectissimo, & eo omni modo quo cognosci potest, cum illud merito dicatur comprehensive cognosci aut videri, quod cernitur aut intelligitur secundum totam sui cognoscibilitatem. & parum recedit opinio cui adhæret præfatus Scriptor, reprensens incomprehensibilitatem Dei ex eo quod, licet divina essentia, ejusque perfectiones & attributa videantur a Beatis, non tamen videntur secundum omnem amplitudinem seu intensionis gradum: parum, inquam, recedit ab opinione quam conatur refellere, cum idem fere sit, aliquid cognoscere secundum omnem amplitudinem ipsius seu intensionis gradum, & illud cognoscere secundum totam ipsius cognoscibilitatem; & in quo differat duplex illa sententia vix invenitur.

Nec judicium quod fert Vasquez de hac opinione, quæ Francisco Victoria tribuitur probare possumus, dum re, ut apparet non, satis librata, dicit illam sententiam omnium judicio nihil habere probabilitatis. & jejuna valde videtur ratio qua judicium ipsius fulcitur; tum quia duo hæc absurda quæ ex illa sententia sequi existimat, vere absurda dici non possunt; tum quia hæc absurda non sequuntur ex illa sententia. Neque enim absurdum adeo illi videri debuit quod a majoris notæ quibusdam Theologis tencri non potuit ignorare, divinam essentiam videlicet posse, absolute, videri non visis personis, unumquod attributum sine alio, quod non improbabilius nititur argumentis; unde ex hac parte levitatis saltem arguitur ipsius judicium. Nec magis absurdum videtur aliquid de Deo latere illos qui ipsum vident, cum ideo præcise Deus sit incomprehensibilis, quia quantumvis ab intellectu creato intelligatur, est semper in eo aliquid quod latet cognoscentem, quem si nihil lateret, Deus cognosceretur & intelligeretur juxta omnem sui cognoscibilitatem, quod sentire esset vere absurdum. præterea quo pacto hæc duo quæ vocat absurda, ex illa sententia sequuntur? hæc opinio significat tantum ea quæ a Beatis videntur in Deo, quæcumque illa sint, non videri ab ipsis juxta omnem sui amplitudinem, & juxta omnes gradus suæ intensionis; ex quo certe sequitur aliquid in eis quæ videntur a Beatis esse quod illos lateat. si enim nihil esset quod Deum vident & lateret, nihil conferret ad

visionem beatificam lumen gloriæ majus aut minus, vel acies naturalis intellectus creati, ideoque magis & minus non susceperet Beatitudo accidentalis cujus tamen oppositum sat communiter tenetur, juxta illud Christi apud Joannem cap. 14. *in domo patris mei mansiones multe sunt*: ut infra videbimus. ex quo sat ostenditur judicio illius Theologi nimum præcipiti non standum esse circa præsentem quæstionem, quæ ex hac parte aliquid habet, affinitatis cum distinctione formali Scotica, quam improbars, durius cum pluribus e suis taxavit; quod ipsis condonandum, ex eo quod in eam acius non insurrexerunt, nisi quia illam non intellexerunt.

Insuper unde habet Vasquez, alique ipsi ad hærentes, Dei incomprehensibilitatem repetere ex incognitione eorum quæ sunt in Deo virtualiter vel eminenter? quid interest eorum cognitio, si omnia quæ sunt in Deo formaliter, videntur totaliter ab intellectu creato? nonne quæcumque sunt in Deo formaliter sunt formaliter ipsemet Deus? juxta ipsorum principia non datur formalis distinctio inter Deum perfectionesque ipsius: distinctio virtualis non est vera distinctio, cum sit dumtaxat distinctionis fundamentum. visus ergo omnibus quæ sunt formaliter in Deo secundum omnem gradum intensiōis quem habent, ut contendunt. non visus licet eis quæ sunt in eo virtualiter aut eminenter, videbitur & cognoscetur Deus secundum se totum, cum ipsis displiceat si dicatur aliquid latere cognoscentem sique incomprehensibilis non erit Deus. quomodo enim defenderent incomprehensibilem, quem asserunt videri posse ab intellectu creato secundum id totum quod formaliter in ipso est? contradictoria se loqui nonne advertunt? facilius est, inquirunt, modus ille explicandi Dei incomprehensibilitatem: id etsi concederemus quid inde? sed modus ille nullum habet fundamentum in Scriptura & Patribus: neque enim ullum verbum in ipsis reperitur ex quo intelligatur Deum aliquando fore videndum secundum se totum, nisi aliunde sic loquendo significare velint illi Theologi, Deum fore in patria videndum & cognoscendum juxta capacitatem intellectus creati, quod libenter concedimus. sed ipsis probandum incumberet Deum non esse magis cognoscibilem quam fert capacitatis intellectus creati: & certe nullus id tentare præsumet. sed absit ut demus faciliorem esse hunc modum, ut ipsis placet, incomprehensibilitatem Dei explicandi, quem volumus penitus tollere illam, proindeque in fide minus tutum. Dato enim quod Deus cognoscatur a creatura secundum id totum quod est formaliter in ipso, ut sentire videntur, nihilque quod in Deo formaliter sit lateat cognoscentem, sequitur necessario Deum ab intellectu creato videri & cognosci secundum totam sui cognoscibilitatem formalem, ad quam certe non pertinebit cognitio eorum quæ in ipso sunt virtualiter vel eminenter, nec illam impedit eorundem non cognitio. cognito autem Deo secundum totalem sui cognoscibilitatem formalem, exhaustiur ab intellectu sic cognoscente, id omne per quod constituebatur formaliter incomprehensibilis Deus, proindeque de illo amplius prædicari non poterit incomprehensibilitas, quod certe non concedent illius sententiæ defensores.

Nec est quod opponant ut suæ opinioni aliquam-saltem probabilitatis speciem tribuant, hæc Apostoli verba 1. corinth. cap. 13. tunc cognoscam sicut & cognitus sum. vel ista Joannis Epist. 1. cap. 3. videbimus eum sicuti est. cum ex iis solummodo inferri possit certitudo visionis beatificæ, nulla habita ratione modi illius. longe meliorem esse futuram conditionem Beatorum in patria, quam fuerit in præsentii vita his verbis declaratur, ut patet ex serie contextus nullum ordinem habentis ad Dei Beatificantis incomprehensibilitatem. *videmus nunc per speculum in enigmate: tunc autem facie ad faciem. Nunc cognosco ex parte: tunc autem cognoscam sicut & cognitus sum*, inquit Divus Paulus. *scimus quoniam cum apparueris, similes ei erimus quoniam videbimus eum sicuti est*, ait Beatus Joannes. per fidem in præsentii sæculo ambulantes, quæ in futuro revelabuntur in nobis sperantes expectamus, ea quæ nobis promittuntur in cælis vix cognoscentes. ex parte certitudinis visionis divinæ se tenet comparatio Apostoli, non vero ex parte ipsius intensiōis. videbitur Deus ut est in se: videbuntur enim essentia, personæ, ac singula Dei attributa, & in quantum capax est intellectus creatus juxta uniuscujusque meritum: id nemo negat. Deum autem, & quæ in ipso sunt videnda esse secundum totam suam amplitudinem, ita ut cognoscentem nihil lateat, id concedi nequit. tunc enim cognosceretur Deus secundum totam suam intelligibilitatem, quod est impossibile, ex eo quod objectum infinitum nequit attingi totaliter, & adæquate intelligi nisi per facultatem infinitam. unde si quædam essent loca tum Scripturæ tum Patrum ad visionem Dei intuitivam relativa, quæ perfectam de Deo cognitionem in Beatis indicare viderentur, ea de perfectione visionis, relative ad capacitatem creaturæ cognoscentis debent intelligi; minime vero de perfectione se tenente ex parte Dei, quam perfectam seu totalem & adæquatam Dei cognitionem nullus habere potest nisi ipsemet Deus.

Ex his omnibus sequitur, non recurrendum esse ad futura & possibilia omnia quæ ex consilio Dei pendent, quæ cum sint infinita cognosci nequeunt ab intellectu creato, ut incomprehensibilem esse Deum intelligamus; tum quia ea omnia non sunt ipsemet Deus, nec in illo sunt æqualiter, sed dumtaxat potentialiter seu virtualiter ac eminenter, eaque ab intellectu creato cognoscantur vel non cognoscantur, nihil beatificæ visioni, qua Deus a Beatis videtur & cognoscitur secundum mensuram donationis Dei, & quantum sufficit ad perfectam illorum felicitatem, conferunt aut detrahunt. tum quia ex eo quod Deum sciamus ratione suæ essentiae infinitum esse, eaque omnia quæ in ipso sunt & divinitatem formaliter constituunt, vel sine quibus hæc esse nequit, eandem participare infinitatem, exinde sufficienter intelligimus eum esse incomprehensibilem; eo ipso enim intelligimus necessario ipsum non posse videri adæquate secundum se totum, seu cognitionem intellectus creati, quantumque perfectionis seu amplitudinis supponatur, non posse adæquate cognoscibilitatem Dei qui est in infinitum cognoscibilis, & cujuscumque infinitatis tam in concipiendo quam in essendo incapax est creatura, quam aliquid in Deo semper latebit.

bit. quo posito sufficienter explicatur Dei incomprehensibilitas, & distincte non minus quam facile intelligitur Deum non posse comprehendi nisi a se ipso.

Dum vero addunt Beatos videre actum quo Deus semetipsum comprehendit, ideoque ipsos Deum comprehendere, & revera a nonnullis vocari comprehensores: hæc nihil aliud sunt quam verba. neque etiam talia loquentes crederem intelligere quid ipsi sibi velint. Beati non ignorant Deum se totaliter & adæquate cognoscere secundum totam sui cognoscibilitatem, & ipsi soli propriam esse adæquatam hanc & totalem sui cognitionem, unde perpetuo illum adorant incomprehensibilem: illos autem cognoscere hunc actum intellectus divini se comprehendentis gratis asseritur, nec Scriptura, nec Patres id insinuant. quod etsi verum esset, sanctos non efficeret comprehensores, ob jam allatas rationes. qui si quandoque comprehensores dicantur, id in sensu minus proprio dicitur, & in quantum comprehensionis nomine clara & intuitiva Dei illos beatificantis visio significatur.

ASSERTIO SECUNDA.

Deus est absolute ineffabilis: & licet multis vocari possit nominibus summam ipsius perfectionem declarantibus, nullum tamen ex iis quibus vocatur nominibus, totalem & adæquatam Dei ideam nobis præbere potest.

DEum variis nominibus vocari in Scripturis Sanctis quis nescit? illum nihilominus absolute ineffabilem prædicare quis renueret? omnes tum Patres, tum Theologos nobis consentire facile ostendetur, si quid per hanc vocem ineffabile intelligamus agnoscat. id absolute ineffabile dicimus, cui nullum potest tribui nomen, quod totalem & adæquatam illius cui nomen imponitur, nobis præstet ideam illud ut vere est in se perfecte representantem. nullum autem esse nomen quod nobis suppeditet ideam representantem plene & perfecte Deum secundum totam plenitudinem esse illius evidens est. ad hoc enim necesse esset ut daretur aliquod nomen infinitum in significando, quo dato, opus insuper esset quod daretur facultas aliqua, vel mens diversa ab intellectu divino, infinita in intelligendo. siquidem ad quid supponeretur nomen infinitum in significando, cum nullus esset qui posset intelligere id quod per tale nomen significaretur? Neutrum autem est possibile ob Dei incomprehensibilitatem, & cuiusvis intellectus creati limitationem necessariam. nullo ergo nomine designari potest Deus, quo ut vere est in se, nobis plene & adæquate representetur. quod cum ita certum sit ut nihil magis, Deus absolute ineffabilis merito asseritur.

Præterea, nomina quæ rebus imponimus nihil aliud sunt quam conceptuum nostrorum enuntiationes: non possunt igitur latius patere nostris conceptibus qui cum naturam Dei nequeant adæquate, ut dictum est, representare, nec nomina quibus enuntiantur id præstare valent. sibi metipsi nomen imponat Deus qui se ipsum comprehendit, nomen illud equidem plenam & perfectam

quæ Dei ideam repræsentabit: sed cui? Deo soli, qui, nominis illius quid ex omni parte infinitum significantis, vim totam sentire potest, minime vero intellectui creato, qui quantæcumque sit sagacitatis, ideas suas in infinitum protendere nequit, nec consequenter nomina infinitum quid significantia perfecte capere, licet ex iis magnam & sublimem de re quæ his nominibus designatur sibi efformet ideam. Hinc est quod Moysÿ siccitanti a Deo exod. cap. 3. quodam esset nomen illius, ut Israelitis posset illud nuntiare, responsum fuit, *ego sum qui sum: sic dices Filiis Israel: qui est, misit me ad vos.* quod satis indicat nullum nomen quod ab hominibus possit intelligi Deum secundum ipsius excellentiam posse designare. idque significare voluisse videtur Psalmista dum Dei magnitudinem celebrans, ejusque nomen exprimere volens deficiendo exclamat, *Sanctum & terribile nomen ejus.* psal. 10. quasi diceret, nomine proprio Deum ut est in se repræsentante vocare frustra tentarem, est enim terribile & ineffabile nomen Dei, cujus supremam majestatem admiratione potius debemus suscipere, quam verbis efferre, unde dicit Augustinus idem sentiens lib. de Trin. cap. 4. *excedit supereminentia Divinitatis uisitati eloquiis facultatem: verius enim cogitatur Deus, quam dicitur; & verius est, quam cogitatur.*

Deum vere seu absolute ineffabilem consentitur Sancti Doctores. Nemo ineffabili Deo nomen potest imponere; quod si quis ullum inesse audebit dicere, is intemperanter insanus est: inquit S. Iustinus Martyr Apolog. 2. Deus definitur a Sancto Gregorio Nazianzeno orat. 49. id, quod cum dicitur, non potest dici; cum æstimatur, non potest æstimari; & cum definitur, ipsa definitione decrevit. unde in alio loco concludit quod difficile est Deum intelligere, loqui autem impossibile. S. Augustinus Enarrat. in psal. 85. hæc loquitur super hæc Psalmistæ verba, non est similis tibi in diis Domine. intendat charitas vestra, Deus ineffabilis est. facilius dicimus quid non sit, quam quid sit. Terram cogitas, non est hoc Deus: mare cogitas non est hoc Deus... & quid est? Hoc solum potui dicere quid non sit. quæris quid sit? quod oculus non vidit, nec auris audivit, nec in cor hominis ascendit. quid quæris ut ascendat in linguam, quod in cor non ascendit? Nec tibi contrarius dicendus est Sanctus Episcopus dum lib. 1. de Doctrina Christi. cap. 6. sic loquitur. Deus ineffabilis est. quod autem a me dictum est, si ineffabile esset, dictum non esset. ac per hoc ne ineffabilis quidem dicendus est Deus, quia & hoc cum dicitur, aliquid dicitur. & sit nescio quæ puzna verborum, quoniam si illud est ineffabile, quod dici non potest, non est ineffabile quod vel ineffabile dici potest... & tamen Deus, cum de illo nihil digne dici possit, admittit humane vocis obsequium, & verbis nostris in laude sua gaudere nos voluit: nam inde est & quod dicitur Deus. Absolutam Dei ineffabilitatem in sensu nostræ assertionis statuens Augustinus, in quantum nihil de illo potest affirmari quod adæquaram & totalem nobis exhibeat de Deo ideam, attamen significat variis nominibus quæ ipsi tribuuntur nos aliquam de illo habere notionem, nobisque per illa aliquantulum innotescere ejus excellentiam. summamque ipsius perfectionem, in quantum scilicet ab hominibus hæc potest intelligi. unde juxta sanctum hunc Doctorem Deum nihil vetat dicere

ex

ex parte ineffabilem, & ex parte non ineffabilem: sicque erit ineffabilis absolute, & non ineffabilis secundum quid, & id præcise est quod asserere intendimus.

Nec aliquid quod nobis adverteretur dixisse sibi blandiantur qui oppositum sentiunt, dum affirmantes rem distincte cognosci per nomen, dum concipitur & significatur ab aliis distincta, ob attributum quoddam ipsi peculiare, addunt plura nomina nos inducere in distinctam Dei notitiam, illumque a quolibet alio ente distinguere: non enim exinde inferre poterunt ullum ex iis nominibus totalem & adæquatam Dei nobis exhibere ideam, illum ut vere est in se menti nostræ repræsentantem. cognita re secundum peculiare quoddam attributum illam sufficienter designans, dum auditur nomen huic rei ex hominum consensione conveniens, exurgit in mente audientis idea rem illam repræsentans, hoc certum est. verum id non est repetendum ex eo quod nomen illud totalem & adæquatam rei illius exhibeat ideam, sed ex eo quod totalis & adæquata cognitio illius rei quam habemus, menti nostræ repræsentatur occasione nominis illius determinatio inter homines ad rem illam significandam. quod ita verum est ut si nomen aliquod rem quandam ex usu, omniumque gentium consensu significans, quod illius rei ideam in mente cognoscentium eam excitat, millies proferretur coram audientibus quibus ignota res esset, nusquam rei illius idea excitaretur in eorum mente. si quis verbi gratia ignoraret quid hominem constituat, & quo nomine designetur illud quod hominem vocamus, millies & millies illo præsentate vocaretur homo, quin ille de homine cogitaret. res autem aliter se haberet si nomen per se ipsum significaret, ac totalem & adæquatam rei exhiberet ideam. tunc inter utrumque esset connexio adeo necessaria, ut nomen esset rei definitio, cognitionem rei ingerens illi cui antequam ab eo nomen illud audiretur res erat ignota. unde ex eo quod audito Dei nomine ab illo cui notum est quid per tale nomen est intelligendum, exurgat in audientis mente idea Deum repræsentans in quantum homini potest repræsentari, non sequitur quod aliquod ex nominibus per quæ designatur Deus, præbeat totalem & adæquatam illius ideam, quod possibile non est; sed hoc nomine, quo jam novimus intelligi ac designari supremum illud Ens, quod dicimus Deum. excitatur in mente nostra idea illius cujus natura nobis ex parte nota est, cuiusque varia attributa, imperfecte licet, nobis innotescunt, in quantum videlicet illud ferre potest humana imbecillitas, cujus captum infinite excedit Dei natura, quæ, quovis appelletur nomine, semper erit absolute ineffabilis. & varia hæc nomina, quibus tum ex Scripturis, tum ex omnium populorum consensu, utimur ad Deum designandum, aliqualem nobis exhibebunt illius ideam inadæquatam, perfectiones divinas Deique essentiam, pro ut jam nobis notæ sunt, in mente nostra revocando: quæ nomina nos inducent in distinctam Dei notitiam, & illum a quolibet alio ente distinguunt, non ex propria sua virtute, sed per occasionem ob præviam, quam habemus, de illo cognitionem.

Verum instant dicendo, quod homo viator potest designare vel proferre
ali-

aliquid nomen, quo exprimatur essentia Dei, ita ut per illud significetur conceptus quidditativus quem Deus de se ipso habet, aut Beati de illo habent. sed ab illis petere liceat unde hoc habeant, nam rationes vel exempla quibus utuntur ad id ostendendum nihil probant, & refellere esset supervacaneum. esto nihilominus quod illud sit verum, quid inde contra assertionem concludere poterunt? Nihil certe. id enim ut mox dictum est, ex virtute nomini propria non orietur, sed id erit quasi per accidens, ob notionem scilicet præviam ab illo nomine independentem. erit pariter quid accidentale & contingens, quod vere possit homo designare tale nomen hunc produciens per se effectum. siquidem ad hoc oporteret, quod homo viator haberet ideam Dei totalem & adæquatam, quodque esset aliquid nomen eandem ideam ex se necessario significans: quod utrumque possibile esse absolute negamus. Nec ullus contrarium ostendere aliquando poterit. unde certa & inconcussa remanet sententia nostra, qua statuimus Deum simpliciter & absolute ineffabilem esse, licet secundum quid sit nominabilis, & diversis nominibus quibus solet appellari. significentur varix illius proprietates, diversaque ejus attributa, etiam essentialia, attamen inadæquate & imperfecte, atque dumtaxat juxta creati intellectus capacitatem.

Nec aliquid a nobis diversum loquuntur Doctores Angelicus, & Subtilis, quorum verba si diligenter pensentur, nobis nullo modo erunt contraria, quin potius in rei a nobis assertæ confirmationem asserri poterunt. illa missa facimus ne in quæstionibus mere metaphysicis diutius immoremur, quasve attingere non decet præsentis ævi Theologum, nisi ex earum translatione aliquid utilitatis exurgere certo certius agnoscat.

Queritur. Quænam sint nomina quæ Deo vere conveniant, quidve sentientium de variis illis nominibus quibus ad illum designandum homines vulgo utuntur?

Resp. Ne vanæ carparamur eruditionis ostentatione, in cujus suspicionem non immerito putantur venisse nonnulli Theologi multa de divinis nominibus differentes ac definientes, breviter dicemus quorundam inter Sanctos Ecclesiæ Patres, vestigiis inhærentes, nullum proprie nomen hæcenus fuisse excogitatum, quod nos per se ipsum in naturæ divinæ cognitionem veram deducat, illaque quibus ad illum designandum vulgo utuntur homines, excogitata fuisse juxta variam Dei ad creaturas habitudinem, dicente Sancto Gregorio Nysseno contra Eunomium, "Deus per se ipsum est quidquid creditur esse. Nominatur autem ab iis qui invocant, non hoc ipsum quod est: est enim natura ejus qui est, inexplicabilis, sed ex iis quæ circa viam nostram operari creditur, varia cognomina sortitur." ex creaturis quæ ipsius factura sunt, creator nominatur. ex eo quod omnia ipsius subjiciantur imperio, Dominus vocatur, juxta illud Tertulliani contra Hermogenem cap. 3. *Deus substantia ipse nomen, id est divinitatis; Dominus vero, non substantiæ, sed potestatis.* quod etiam diseretè ostendit Augustinus lib. 5. de civit. cap. 16. omnia ergo nomina quæ ad aliqualem divinarum perfectionum cognitionem conferre valent, Deo convenire possumus affirmare: non existi-

menies tamen per quodquam eorum totalem & adequatam Dei ideam nos fuisse affecturos.

Inter ea nomina quæ ad supremum illud ens a quo omnia creata sunt, reguntur & conservantur, designandum homines excogitant, illud quod latius patet, & omnium gentium consensione videtur consecratum, est vox illa *Deus* quæ fere apud omnes nationes quatuor constat litteris. Hebræos, Egyptios, Persas, Indos, Magos, Græcos, Arabes, Armenos, Gallos, Germanos, Anglos, Hispanos, Turcas, interrogos, illorum omnium una & eadem vox erit. Hoc Dei nomen quatuor, ut dictum est, constans litteris, indicare videtur vox illa Tetragrammaton, quæ legitur, ut inquirunt linguarum primitivorum periti, in Exodo, cujus loco posuerunt interpretes Adonai. ex quo colligi posset. si diversas eruditorum observationes consulamus, vocem illam proprie non esse nomen Dei, sed declarativam nominis Dei; quod nomen Sanctum & terribile, ut loquitur psalter Regius, cum ob reverentiam proferre non auderent Hebræi, ubi inter legendum occurrebat Dei nomen, non illud pronuntiabant, sed circumlocutione quadam utentes legebant Tetragrammaton, quasi volentes dicere, ille cujus nomen quatuor constat litteris: qua circumlocutione in mente audientis vel legentis excitabatur idea Dei. si vero vox illa Adonai idem apud Hebræos significasset, quod apud latinos vox illa Deus, si vox illa Tetragrammaton fuisset vere nomen Dei, quare istam præ reverentia non pronuntiassent & vocem illam adonai, quæ idem sonabat, quæque in hoc supposito erat illius synonyma, minori ducti reverentia pronuntiassent? Hæc forte in insipientia a me dicta reputabunt eruditi; non inficiabor, qui linguæ Hebræicæ & aliarum omnium primigeniarum penitus ignarum me confiteor, quique ea quæ obiter hic observavi, uniuscujusque judicio libenter subicio, ea mox revocaturus, si mihi errori vertantur. cæterum varia nomina quæ Deum significant scire qui voluerit, adeat Dionysium lib. de Divinis Nominibus, Hieronymum epist. ad Marcellam, aliosque veteres ac recentiores, qui curiosius de iis investigarunt, id unum semper ante oculos mentis habens, nullum nomen cujuscumque sit excellentiæ, Dei naturam totaliter & adequate nobis repræsentare posse, vel plenam ipsius ideam exhibere.

QUÆSTIO SEPTIMA.

De veracitate, bonitate, justitia, misericordia, ac omnipotentia Dei: an vere in illo sint, & quomodo.

Satis esset fortasse Deum dixisse ens perfectissimum, ipsumque quascumque in se continere perfectiones. id enim nequit diserte affirmari, nisi implicite significetur summam veracitatem, bonitatem, justitiam, misericordiam, atque omnipotentiam ipsi inesse, & in gradu perfectissimo. verum ne defecisse quibusdam videremur, de inclytis illis attributis per quæ divinitas a quolibet alio ente distinguitur tacentes, nonnulla iis quæ in Globo tractata sunt,

sunt, hic sigillatim addere non abs re erit, ut supremum illud eas, cui omnia famulantur, magis ac magis, ipso adjuvante, cognoscentes, lætemur in eo qui fecit nos, omnipotentiam ejus, misericordiam ejus, justitiam ejus, bonitatem ejus, veracitatem ejus in quantum possumus exaltando qui verbis explicare non valemus quod de illis Dei nostri perfectionibus corde concipimus.

A S S E R T I O P R I M A.

Deus est summe verax, & ipse solus, adeoque nec fallere nec falli potest.

SUMMÆ Dei veracitati quam nec species mendacii vel erroris ullo modo potest infuscare testimonium undequaque perhibent divinæ Scripturæ. sic exod. cap. 34. dicitur Deus, *patiens & multa miserationis, ac verax.* Num. cap. 23. *non est Deus quasi homo, ut mentiatur.* psal. 118. *omnes viae tuæ veritas.* psal. 144. *fidelis Dominus in omnibus verbis suis.* Roman. cap. 3. *est autem Deus verax: omnis autem homo mendax.* Hebræ. cap. 6. *impossibile est mentiri Deum.* unde de Deo loquens Augustinus serm. 213. dicit, *non potest mentiri, non potest falli.* & eadem ratione qua falli non potest Deus nec fallere potest, utrumque non minus opponitur summæ ipsius veracitati quam mendacium. summæ illius sapientiæ repugnat quod possit falli, alioquin non esset infinite sapiens. sicut & infinitæ ipsius bonitati repugnat ipsum fallere posse, non enim esset infinite bonus. ex eo igitur quo Deus cum bonus sit & sapiens, ex eo pariter est summe verax. & hinc est quod iis quæ loquitur Deus firmiter adhæremus: summa ipsius veracitate nititur certitudo fidei nostræ. quibus addi potest ratio generalis si Deus non esset summe verax, ita ut fallere aut falli posset, non esset id quod melius & perfectius excogitari potest: cum in tali supposito posset excogitari ens aliud summa donatum veracitate qua Deus careret, proindeque ipse non esset Deus. de ratione igitur illius essentialiter est quod de eo veritas in infinito gradu prædicetur, ita ut error, in quocumque sensu intelligatur, in illum cadere nullo modo possit. & de Deo hanc notionem habuere etiam Gentiles, quorum testimonio superfedemus, cum nemo cordatus usquam extiterit, qui ab illa opinione fuerit alienus.

A S S E R T I O S E C U N D A.

Deus ita essentialiter bonus est, ut sit summum bonum, & quicquid boni habens entia creata, sit bonitatis divinæ participatio.

DEO essentialiter competere bonitatem, sive hæc intelligatur de integritate. & perfectione justitiæ ex qua omnis sanctitas, sive sermo sit de hac animi propensione ex qua beneficentia omnis, bonorumque cunctorum largitio, ratione cujus bonitatem naturæ, gratiæ, ac gloriæ quibuscumque creaturis

pro uniuscujusque capacitate communicat, millies celebrat Scriptura. Sic Exod. 13. dicitur Deus *Magnificus in Sanctitate*. & Psal. 144. *Magnificentiam gloriæ Sanctitatis tue loquentur* Psal. 72. *quam bonus Israel Deus, his qui recti sunt corde*. Psal. 105. 106. 117. 135. *confitemini Domino quoniam bonus*. Thren. cap. 3. *bonus est Dominus sperantibus in eum, anime querenti illum*; Marc. cap. 10. *nemo bonus, nisi unus Deus*. Luc. cap. 10. *nemo bonus nisi solus Deus*, inquit Christus ipse enim solus est summum bonum quia est bonus per essentiam, & quæcumque alia bona sunt in universa rerum natura, quidquid habent bonitatis creaturæ omnes, cuiuscumque sit ordinis, nihil aliud hæc sunt quam summæ illius bonitatis participatio. quæ bonitas, cum sit infinita, sese undequaque diffundit, & per omnia totius bonitatis suæ radios emittit, ut loquitur S. Dionysius lib. de divi. nomin.

Deum summum bonum, incommutabile bonum a quo omnia habent quod bona sint, & omnis bonitatis causam & principium, plenis faucibus millies pariter prædicat cum cæteris Sanctis Doctoribus Augustinus, cuius verba referre non vacat, cum nemo sit qui nobis in hac parte non consentiat. Bonum Deum utique prædicant omnes ubivis terrarum populi, tam sapientes quam imperiti: idque universi mutuo consensu, atque una voce profitentur, licet quoad alia, variis de Deo sententiis discrepent, inquit Synesius, ex hac bonitate essentiali, quæ Deo soli propria est, oriri quidquid est boni in rebus creatis, ut fidei dogma certissimum proponit S. Fulgentius lib. de fide ad Petrum cap. 3. inter opera S. Augustini in appendice tom. 6. ubi de Trinitate, quæ unus verus & bonus Deus est loquens ait: *quis summus bonus est, dedit omnibus naturis quas fecit ut bona sint: non tamen tantum bonæ quantum Creator omnium bonorum, qui non solum summus bonus, sed etiam summum atque incommutabile bonum est, quia æternum bonum est*. bonum omne quod creaturis quibuscumque inest bonitatis divinæ participationem esse, uno verbo, declarat Propheta Regius psal. 103. *Deum sic alloquens, aperiente te manum tuam omnia implebuntur bonitate*. Quam bonitatem effluxum essentialis divinæ bonitatis illius quæ a nullo alio pendet, dicit Augustinus lib. 8. de Trinit. cap. 3. ubi postquam de permultis rebus quæ bona sunt disseruit, Deum quid melius his omnibus esse concludens ait, *quid plura, & plura? bonum hoc & bonum illud: tolle hoc & illud, & vide ipsum bonum, si potes: ita Deum videbis, non alio bono bonum, sed bonum omnis boni*.

Nec mirum cuiquam videbitur quod Deum essentialiter bonum dixerimus, imo & summum bonum ipsius consequitur essentiam & inseparabiliter comitatur quælibet vera perfectio atque in summo gradu. non ultimum locum inter veras rerum perfectiones bonitas tenet: insit ergo Deo qui est plenitudo entis, bonitas in intensissimo gradu, vel potius absque mensura, necesse est: atque de plenitudine illius accipiant quæcumque creaturæ, quæ nihil boni haberent, nisi illud ab eo qui necessario est omne bonum participarent. insuper creaturæ intellectualis finis ultimus non potest esse nisi summum bonum. de natura enim ultimi finis est, quod plene satiet omnem appetitum naturæ in illum ultimatè tendentis, cunctumve ipsius expleat de-

fide.

siderium. ea igitur ratione ob quam rationalis creaturæ finis ultimus necessarius est Deus, qui omnia propter ipsum operatus est, ut ipse testatur, eadem, inquam, ratione oportet illum esse summum bonum, summe amabilem, summe desiderabilem. ad quod attendens Doctor Subtilis Deum vocat bonum sine termino, bonitatis suæ radios liberalissime communicans, ad quem amabilissimum singula suo modo concurrunt, ut ad ultimum finem. Hæc per se sunt adeo nota ut plura loqui nihil proficeret.

ASSERTIO TERTIA.

DEUS ita essentialiter justus est, ut in ipso formaliter sit plena perfecta-que iustitia. De iustitia quæ est genericè loquendo, omnium virtutum complexio, hic non agitur, quam, si de ea quæstio procederet, in Deo esse in summo gradu omnis lingua confiteretur. eam hic dicimus iustitiam qua jus suum unicuique tribuitur: illamque plene & perfecte inesse volumus Deo, qui quod suum est unicuique tribuit, non inquirentes an creaturæ comparate ad Deum jus habeant, necne. unde pro benefactis mercedem rependit Deus ac præmium, pro sceleribus vero pœnas decernit ac supplicia. Hinc David Psal. 84. *Iustitia ante eum ambulabit, & ponet in via gressus suos.* Psal. 118. *justus es Domine, & rectum iudicium tuum.* & iterum *iustitia tua iustitia in æternum.* 2. Timoth. cap. 4. de se loquens Apostolus dicit, *reposita est mihi corona iustitiæ, quam reddet mihi Dominus in illa die justus iudex.* Epist. ad Hebr. cap. 6. *Non enim injustus Deus, ut obliviscatur operis vestri, & dilationis quam ostendistis in nomine ipsius.* Duplex illud iustitiæ officium expresse indicat Christus apud Mathæum dicens cap. 16. *Tunc reddet unicuique secundum opera ejus.* & cap. 25. *ibunt hi in supplicium æternum; justi autem in vitam æternam.* quibus similia sunt quæ scribit Paulus Epist. ad Rom. cap. 2. *Tesaurizas tibi iram in die iræ, & revelationis iusti iudicii Dei, qui reddet unicuique secundum opera ejus.* iis quidem, qui secundum patientiam boni operis, gloriam, & bonorem, & incorruptionem quarunt, vitam æternam. iis autem, qui sunt ex contentione, & qui non acquiescunt veritati, credunt autem impietatis, ita & indignatio Non enim est acceptio personarum apud Deum. Quæ omnia Scripturæ verba, aliaque ab illis non dissimilia in alienum sensum detorquet impius, dum ea de iustitia prout est perfectionum aggregatio vult intelligi, non vero de iustitia pro ut dicit viandam de peccato, quasi in Deo non sit attributum aliquod satisfactionem pro peccato necessario postulans: ut Sociniani erronee excogitarunt.

Hanc iustitiam, qua bonis merces retribuitur, injustis vero pœna infligitur, vere esse in Deo, ipsique essentialem ac necessariam quoad substantiam, ut docet fides, nec non quoad exercitium, adeo ut peccatum impunitum dimittere nequeat Deus, unanimi consensu docent Sancti Patres, & cum ipsis constanter tenuit Sancta Christi Ecclesia. sic Tertullianus lib. de Resurrectione Carnis cap. 14. Deus, inquit, *de suo optimus, de nostro justus.* Nisi enim homo deliquisset, optimum solummodo Deum nosset ex natura proprietate:

te: at nunc etiam *justum* *ipsum* patitur ex causæ necessitate. & revera, ultiricem Dei justitiam non fuissent experti nec Angeli nec homines nisi abundasset peccatum, cum non fuissent in quos sæviret Deus, nulla extante causa vindictæ. Deus in se formaliter & essentialiter justus, ab exercitio justitiæ ulciscendis abstinuit, qui totus erga illos ex remunerante justitia in præmiando fuisset. Idem, Marcianum justitiam ultiricem a Deo removoentem tamquam cum ipsius bonitate ac misericordia impossibilem, refellens ait lib. 2. cap. 13. *omne justitiæ opus procuratio bonitatis est, quod judicando damnat. quod damnando punit; quod ut dicitis sævit; utique bono non malo proficit. Denique timor judicii ad bonum, non ad malum confert. . . . Horremus terribiles minas creatoris, & vix a malo avellimur: quid si nihil minaretur? Et quibusdam interpositis sic pergit. Usque adeo justitiæ etiam plenitudo est divinitatis ipsius, exhibens Deum perfectum, & Patrem, & Dominum: Patrem, clementis; Dominum, disciplina; Patrem, potestate blanda; Dominum, severa. Patrem, diligendum pie: Dominum, timendum necessario.*

De hac justitia Dei, quæ, si peccatores puniat, si peccitentibus indulgeat, si bonos remuneret, in illo semper elucet, innumeris in locis loquitur S. Augustinus, offendens in Deo nec justitiæ misericordiam, nec misericordiæ justitiam aliquid detrahere. sic enarrat in Psal. 44. *Nemo sibi multum de misericordia Dei blandiatur, virga directionis est. . . . Sic eum diligite misericordem, ut velis esse veracem? non enim misericordia potest illi auferre justitiam, neque justitia misericordiam.* in Psal. 50. super hæc verba: *Amplius lava me ab iniquitate mea hæc habet. Vide quem invocas: justum invocas: odit peccata si justus est; vindicat in peccata si justus est; non poteris auferre a Domino Deo justitiam ejus: implora misericordiam, sed attende justitiam: misericordia est ut ignoscat peccanti, justitia est ut puniat peccatum quid ergo? quæris misericordiam, peccatum impunitum remanebit? . . . Non Domine, non erit impunitum peccatum meum: novi justitiam ejus, cujus quæro misericordiam: non impunitum eris, sed ideo nolo. ut tu me punias, quia ego peccatum meum punio: ideo peto ut ignoscas, quia ego agnosco. & rursum sic loquitur in illa verba, ecce enim veritatem dilexisti: id est impunita peccata eorum etiam quibus ignoscis non reliquisti. veritatem dilexisti, sic misericordiam prærogasti, ut servares & veritatem. ignoscis consenti, ignoscis, sed seipsum punienti: ita servatur misericordia & veritas; misericordia, quia homo liberatur; veritas, quia peccatum puniatur. in Psal. 118. Serm. 28. in hæc Davidis verba justus es Domine, & rectum judicium tuum. mandasti justitiam testimonia tua, & veritatem tuam, valde: Hæc utique, inquit, justitia Dei, rectumque judicium, & veritas, omnis est metuenda peccanti. Hæc enim damnantur divinitus, quicumque damnantur: nec est omnino qui de sua damnatione contra Deum justum recte conqueri possit. & enarrat. in Psal. 147. *expellabis securus, inquit, judicium, non tam securus de justitia tua, quam securus de misericordia Dei, quia & tu misericordiam prærogasti. judicium enim sine misericordia illi qui non fecit misericordiam. . . . Ne putetis, fratres, quia tunc non est justus, quando nostri non miseretur, aut recedit a regula justitiæ sue & cum dominat justus est; & cum miseretur justus est. quid enim**

enim tam justum, quam reddere misericordiam praroganti? quid tam justum, quam ut in qua mensura mensi fueritis, in ea remetiatur vobis?

De hac iustitia, quæ Deo essentialis est, tam quoad exercitium, quam quoad substantiam, loquitur Hipponensis lib. 2. de ordine cap. 7. dum cum amicis suis de ordine rerum, & Dei iustitia cum in malos vindicat, disserens, ait, *memini te dixisse hanc esse iustitiam Dei, quæ separat inter bonos & malos, & sua cuique tribuit. Nam nulla est, quantum sentio, manifestior iustitiæ definitio quid ergo dicemus, inquam? si Deus ideo iustus est, quia iudicat inter bonos & malos, quando non erat malum non erat iustus? prorsus erat Deus iustus. poterat enim bonum malumque secernere, si existisset, & eo ipso quo poterat iustus erat . . . Nam ut intelligamus, quia Deus semper iustus fuit, quando existit malum quod a bono sejungeret, nihil distulit sua cuique tribuere: non enim tunc ei erat discenda iustitia, sed tunc ea utendum quam semper habuit.* lib. 2. de libero arbit. cap. 1. hæc de Deo pronuntiat: *non solum in nos benignissimus in præstando, sed etiam iustissimus in vindicando est.* & tandem, ut cum ipso uno verbo concludamus: *de omnipotentia Dei & iustitia dubitare dementis est,* inquit, lib. 3. cap. 18. Numquid dementiæ non esset, a Deo auferre perfectionem quæ una est ex præcipuis entis supremi perfectionibus, quæque, inter eas quibus per participationem gaudere potest homo, ac in perfectioni gradu, veluti primatum tenet? cum ergo sint formaliter in Deo omnes perfectiones simpliciter simplices, iustitia quæ talis est, sive quoad substantiam, sive quoad exercitium, eam sic inesse ipsi consequens est.

In Deo non esse iustitiam commutativam stricte loquendo, nullus est qui non sentiat non enim potest esse vera æqualitas aut compensatio, inter ea quæ a Deo habet creatura, & ea quæ hæc valet Deo retribuere: unde benignitati largitoris nostri, quidquid conferre ipsi possemus, ejusque liberalitati semper erimus debitores, atque in reddendo impares: idque eo magis, quod nihil habemus a nobis tamquam ex nobis, sed omnia nostra ex Deo sunt. Si ergo latiori sensu possit in Deo esse commutativa iustitia, id oriatur ex ipsa beneficentia Dei, qui se retributurum promisit mercedem bonis creaturæ suæ operibus: unde jus quod ad gloriam æternam habent iusti, qui operantes iustitiam adipiscuntur repromissiones, multo magis fundatur in pacto Dei gratuito ejusque misericordia, quam in ipsorum meritis, licet eorum merita, quæ talia sunt ex acceptatione divina, necessario prærequirantur. sintque conditio sine qua non. Hinc est, quod etsi per multos labores, per multas ærumnas in celum introierint Sancti, Stolas habentes vel de virginitate candidas, vel de passione purpureas, ut cantat Ecclesia, semper rigoroze loquendo verum erit dicere cum Psalmista, quod *pro nihilo habuerunt terram desiderabilem;* ad quod attendens S. Bernardus sermone quodam de Annuntiatione dicebat Psal. 105. *Neque talia sunt hominum merita, ut propter illa vita æterna debeatur de jure, aut Deus aliquam injuriam faceret, nisi eam donaret.* Quod ipse acceperat a Sancto Basilio dicente, quod *manet sempiterna requies illos qui in hac vita legitime certaverint; non secundum debitum operum, sed secundum debitum Dei manifestissimum.* Et juxta hunc sensum loquuntur Sancti Doctores

dores dum mercedem quam repromisit Deus diligentibus se, vocant cum Apostolo coronam iustitiæ, ut revera est ex præsupposita illa Dei promissione, ratione cuius factus est nobis debitor. Sic S. Augustinus lib. de Nat. & grat. cap. 2. ait, *Non est injustus Deus, qui justos fraudet mercede iustitiæ*. Ex quibus sequitur iustitiam quam formaliter in Deo esse diximus respectivè ad creaturas, esse iustitiam distributivam, juxta quam supplicia decernit aut præmia, jus suum unicuique tribuens. nec illa etiam dici potest rigorosa exacte loquendo, ut observat Doctor Subtilis, quæ nusquam inter Deum & creaturam esse potest, nisi in quantum erga illam sese aliquo modo obligavit Deus. idque ex infinita distantia vel inæqualitate quæ necessario reperitur increatum inter & creatum.

ASSERTIO QUARTA.

Misericordiam, pro ut dicit voluntatem subveniendi aliena miseria, esse formaliter in Deo certissimum est.

Misericordiam ex qua creaturarum suarum miseriæ subvenit Deus, ita celebrant libri Sacri, ut nihil sit in Scriptura frequentius; hæcque de illo præcisè adeo prædicatur, ut Deum esse formaliter atque essentialiter misericordem nullus nesciat. Exodi cap. 34. vocatur *Deus misericors & clemens, patiens & multa miserationis*. Psal. 110. dicitur *misericors & miserator Dominus*. Psal. 102. *miserator & misericors Dominus: longanimis & multum misericors*: Secundum altitudinem cæli a terra corroboravit misericordiam suam super timentes se quomodo miseretur Pater Filiorum, misertus est Dominus timentibus se. Psal. 144. *Miserator & misericors Dominus: patiens, & multum misericors. suavis Dominus universis, & miserationes ejus super omnia opera ejus*.

Audiamus quid loquatur S. Augustinus in hunc locum psalmi 102. mox laudatum, & quanta sit erga nos Dei misericordia advertamus. „ Quid tam „ longanimum, inquit, quid tam multum in misericordia? peccatur & vitur; accedunt peccata, augetur vita: blasphematur quotidie, & facit forem suum oriri super bonos & malos. vocat undique ad correctionem, „ vocat undique ad poenitentiam, vocat beneficiis creaturæ vocat impertiendo „ tempus vivendi, vocat per Lectorem, vocat per Tractatorem, vocat per intimam cogitationem, vocat per flagellum correctionis, vocat per misericordiam consolationis: longanimis & multum misericors. „ Eandem Dei nostri summam cum Psalmista misericordiam exultat S. Doctor in hæc verba mox relata *Suavis Dominus, &c.* „ Nisi ille talis esset, inquit, de nobis repetitio nulla esset attende ad te ipsum quid merebaris peccator? con- „ temptor Dei, quid merebaris? vide si occurrit tibi nisi poena, si occurrit „ tibi nisi supplicium. Vides ergo quid tibi debeatur, & quid dederit qui „ gratis dedit. data est venia peccatori, datus est Spiritus justificationis, data est charitas & dilectio, in qua omnia bona facias; & super hæc data „ bit

” est terra. unde plena est terra? misericordia Domini. quare? quia ubique
 ” dimittit peccata Deus. “

His autem Augustini testimoniis Dei nostri misericordiam celebrantibus adderemus, si opus esset, omnes Sanctos Doctores, summam ipsius clementiam ac pietatem, qua miseriis nostris liberaliter adeo succurrit, ad invicem exaltantes, ipsique pro immensis gratiæ suæ auxiliis quæ nobis incessanter largitur, perpetuas gratias agentes, quibus, si parum alicui illud videretur, accederent Ecclesiæ preces & orationes Deum misericordiæ continuo exorantis, ipsumque per viscera misericordiæ suæ æternæ pro nobis omnibus obsecrantis. ex quibus necessario colligeretur Deum formaliter ac essentialiter esse misericordem. Nemo tamen inde concludat, voluntatem illam alienæ miseriæ subveniendi, quam esse formaliter in Deo ut certissimum asserimus, procedete ex affectu compassionis ac tristitiæ, veluti de alterius miseria tristari posset Deus: hujusmodi compassionis effectum in illo admittimus, affectum vero illius, sicut & aliarum quarumcumque passionum affectum ut Deum dedecentem ab illo removemus. in Deo nulla perturbatio mentis est, inquit S. Augustinus lib. contra Adimantum cap. 11. refellens eos qui velent ex eo appellatam misericordiam, quod miserum cor faciat dolentis aliena miseria. habeo evangelium, inquit, & omnes novi testamenti libros, in quibus misericordia Dei frequentissime commendatur. si audent ergo isti miseri (de Manichæis loquitur Zelum ut Deo indignum calumniantibus) inde faciant quæstionem, & negent esse misericordem Deum, ne miserum cor habere intelligatur sicut ergo potest esse in Deo misericordia sine cordis miseria; sic etiam sine tabe atque cruciatu animi, Zelum Dei non dedignemur accipere, & humani conditionem sermonis sermamus.

ASSERTIO QUINTA.

Deum vere & absolute omnipotentem esse sicut docet fides, ita distat ratio. estque illa Dei omnipotentia, quæ a nullo retardari potest, suprema ipsius voluntas exequens juxta sapientiæ suæ leges, & efficiens quidquid vult.

DEum credere omnipotentem cum sit, ut loquitur S. Augustinus, Christianæ confessionis initium, ut quid omnimodæ ipsius potentie pro viribus derogare audent inter ecclesiæ catholicæ filios non pauci, existimantes potentissimam Dei voluntatem suam aliquando non sortiri effectum, vel illum ab hominis voluntate quandoque retardari, præsertim in iis quæ æternam salutem respiciunt, veluti non possit integrum servari liberum hominis arbitrium, illæso supremo in creaturam dominio creatoris, aut a sua nativa libertate deficiat homo, omnipotentissima remanente divinæ gratiæ efficacia. primum istud fidei nostræ caput plenè saucibus prædicemus, veram & absolutam Dei omnipotentiam celebrantes dicendo cum Sancta Christi Ecclesia, credo in unum Deum omnipotentem. & reapse omnipotens est qui, ut ait David psal. 134. in celo & in terra omnia quæcumque voluit fecit, in mari & in

om-

omnibus abyssis. & ut habetur Esther cap. 13. in cuius dirione cuncta sunt posita, & non est qui possit illius resistere voluntati. Apud illum enim omnia possibilia sunt, inquit Salvator Dominus apud Matthæum cap. 19. ipsique adeo essentialiter competit omnipotentia, ut per illud attributum voluerit quandoque designari, dicente Moysè exodi cap. 15. *Dominus quasi vir pugnator, omnipotens nomen ejus.* verum omnipotentiam, Dei nostri ex Scripturis ostendere quid necesse? huic fere in qualibet pagina testimonium illas perhibere absque ulla restrictione, cui non est compertum?

Id autem quod ut certissimum fide docemur, ipsa ratio dicat. quid enim est Deus, nisi ens a se, a quolibet alio independens: infinitæ igitur est virtutis ac illimitatæ potentia. Nam ut ait Scotus, quod habet a se esse, habet potentiam activam: & quod habet a se aliquam perfectionem, habet eam in omni plenitudine possibili, unde enim limitaretur qui a nullo pendet, & a quo pendent omnia sive extantia sive possibilia; & si infinitæ virtutis non esset Deus, quomodo ens perfectissimum prædicaretur. & ita Deo essentialem ratio dicat omnipotentiam, ut illam etiam de illo prædicerent qui fidem non habent, ut optime observat S. Augustinus de futura mortuorum resurrectione, loquens contra Gentiles serm. 240. in festis paschalibus. quærenti unde fieri potest ut mortuus resurgat sic respondet, *Dico ego, Deus est qui facit, & tu dicis, fieri non potest? Non dico, da mihi Christianum, da mihi Judæum: sed, da mihi Paganum, idolorum cultorem, Dæmonum servum qui non dicat Deum esse omnipotentem. Negare Christum potest, negare omnipotentem Deum non potest: quem tu ergo credis, (quasi Pagano loquor:) quem tu credis Deum omnipotentem, ipsum ego dico mortuorum suscitatore. si dixeris non potest fieri, derogas omnipotenti. si autem credis illum omnipotentem, me quare respicis ista dicentem?*

Ad omnia vero se extendere infinitam hanc Dei virtutem dicit Sanctus Doctor serm. 213. sic loquens: *omnipotens est ad facienda majora & minora: omnipotens est ad facienda cælestia & terrestria: omnipotens est ad facienda immortalia & mortalia: omnipotens est ad facienda spiritalia & corporalia: omnipotens est ad facienda visibilia & invisibilia: magnus in magnis, nec parvus in minimis. postremo omnipotens est ad facienda omnia quæ facere voluerit.* quæ omnia de Deo cum recta ratio, seclusa etiam fide, fateatur, merito concludebat lib. 3. de libero arbit. cap. 18. ut supra retulimus, de iustitia Dei sermonem habentes, dementis esse dubitari de Dei omnipotentia. Non mirum ergo si Augustinus innumeris in locis, multisque modis illam pro viribus exaltet: non mirum si omnes Ecclesiæ Patres ac Doctores, de ea ubicumque sese dederit occasio, magnifice locuti fuerint, laudibusque extulerint exclusivum illud Divinitatis attributum, cuilibet alteri absolute ac simpliciter incommunicabile.

Sunt ergo habendi ab omnibus ut dementes, illi Divinitatis irrisores, qui magna adversus supremi Numinis potentiam omnimodo infinitam sibi videntur dixisse, dum multa Deo impossibilia esse pronuntiant, utpote qui non possit facere ut non fuerint ea quæ fuere, vel ut veritati opponatur id quod

verum est, nec peccare, mentiri, fallere, mori queat: arguit ne in Deo impotentiam quod non possit ea quæ repugnant, & ex se possibilia nullo modo sunt; vel ea quæ summam dicunt imperfectionem, ipsamque divinitatem necessario, si talia posset, dedecere? Hæc inania opponentibus jam responderat Augustinus, tum lib. 26. contra Faustum cap. 4. & 5. ubi hæc scribit: *Tam non possunt futura non fieri, quam non fuisse facta præterita: quoniam non est in Dei voluntate ut eo sit aliquid falsum, quo verum est. quapropter omnia quæ vere futura sunt, sine dubio fient; si autem facta non fuerint, futura non erant: ita omnia quæ præterita vere sunt, sine dubio præterierunt. quisquis itaque dicit, si omnipotens est Deus, faciat ut quæ facta sunt, facta non fuerint; non videt hoc se dicere, si omnipotens est, faciat ut ea quæ vera sunt, eo ipso quo vera sunt falsa sint. quæ si non possit facere Deus nec velle, non oritur ex limitatione infinitæ virtutis ejus, sed ex eorum repugnantia. Huic veritati Deus non potest adversari, in quo est ipsa summa & incommutabilis veritas... omnipotentem autem Deum non ita dicimus, ac si cum etiam mori posse credamus; & quia hoc non potest, ideo non sit decedens omnipotens. Tum sermo de symbolo ad Catechumenos cap. 1. Deus omnipotens est, inquit, & cum sit omnipotens, mori non potest, mentiri non potest, falli non potest; & quod ait Apostolus, negare se ipsum non potest. quam multa non potest, & omnipotens est: & ideo omnipotens est, quia ista non potest. Nam si mori posset, non esset omnipotens: si mentiri, si falli, si fallere, si inique agere, non esset omnipotens: quia si hoc in eo esset, non fuisset dignus qui esset omnipotens. Tum lib. 5. de civit. cap. 10. ubi ostendit Deum non posse quæ in eo indecentiam arguunt & imperfectionem, unde magis ipsius omnipotentia commendatur. Nec potestas ejus minuitur, ait, cum dicitur mori fallique non posse. sic enim hoc non potest, ut potius, si posset, minoris esset utique potestatis. recte quippe omnipotens dicitur, qui tamen mori & falli non potest. Dicitur enim omnipotens faciendo quod vult, non patiendi quod non vult: quod ei si accideret, nequaquam esset omnipotens. unde propterea quedam non potest, quia omnipotens est.*

Absolutam adeo prædicamus Dei omnipotentiam, ut hanc a nullo posse retardari seu impediri asseramus. quod etsi explicite non pronuntiarent Libri Sacri, ipsa ratio ostenderet, cum in idea omnipotentis includatur necessario quod illam nullos possit impedire, ex eo quod omnimodam excludat a quocumque dependantiam. unde Deum coarctans Hipponensis, in Enchiridion de fide, spe, & charitate, omnipotentem, dicebat cap. 96. *Neque enim ob aliud veraciter vocatur omnipotens, nisi quoniam quidquid vult potest, nec voluntate cuiuspiam creature voluntatis omnipotentis impeditur effectus. indeque efficacissimam Dei voluntatem dixerat cap. 95. quod possit omnia quæ vult, ideoque merito cecinerit Psalmista: Deus autem noster in celo sursum, in celo & in terra omnia quæcumque voluit fecit. quod utique non est verum, inquit, si aliquis voluit, & non fecit, & quod est indignius, ideo non fecit, quoniam ne fieret quod volebat omnipotens, voluntas hominis impeditur. imperfectionem igitur cum juxta Augustinum dicat in Deo quod possit infinitæ ipsius virtutis effectus retardari, ejusque voluntas non impleri ex causæ alicujus secundæ oppositio-*

cc:

ne: & a Deo procul sit amandanda vel etiam imperfectionis umbra, a nemine retardari posse summam Dei potentiam, ita ut ea quæ vere vult semper possit exequi, certissimum est.

Hanc vero omnipotentiam Dei, quam a nullo posse retardari asserimus, esse supremam ipsius voluntatem exequentem juxta sapientiæ suæ immutabiles leges, & efficientem quæcumque illi sunt placita, quis non videt? *operatur omnia secundum consilium voluntatis suæ*, inquit Apostolus epist. ad ephes. cap. 1. quibus indicare videtur posse & velle in Deo esse quid unum & idem; non quidem eo sensu quod omnia velit Deus quæ potest: hoc enim verum non esse ipsa dicat ratio, ex eo quod in infinitum usque se extendat posse divinum, & nemo sensatus dicet infinitatem divinæ virtutis ejusque voluntatis adæquari multitudine operum Dei: sed eo sensu quod eadem facultate qua aliquid vult Deus & faciendum determinat, hæc pariter id exequatur. & potentiam tertiam in Deo ponere executricem; ut loquuntur, distinctam ab intellectu & voluntate, est plane superfluum. omnipotens intelligitur Deus eo ipso quo dicitur per intellectum cognoscere omnia quæ sunt factibilia, ac per sapientiam suam seu scientiam circa ea dirigi, & per actum voluntatis quo ea vult, eadem exequi vel facere. unde recte dicit Doctor Subtilis, Dei operantis nullam esse praxim nisi volitionem, non ponendo in eo potentiam tertiam aliam ab intellectu & voluntate. idque doctrinæ Patrum consonat, dicente Augustino de Deo, *cujus voluntas opus, cujus velle posse est. vel, cujus natura bonitas, & cujus voluntas potentia* ut ait S. Leo Magnus

Diximus juxta sapientiæ suæ leges: quod significatur per laudata verba Apostoli, secundam consilium voluntatis suæ. Neque enim digne de Deo sentiret, qui ipsum aliquid velle absque regula, vel ex inordinato voluntatis nutu, seu ex arbitrio, opinaretur. omnia enim in mensura, & numero, & pondere disposuit Deus, ut habetur Sap. cap. 11. & cum immutabiles sint leges illæ sapientiæ divinæ, quæ ipsa Deus est, ab illis nusquam recedit, imo nec potest recedere; quod si posset, ut superius cum Augustino dicebamus, non foret dignus qui esset omnipotens. & hinc est quod neque ea quæ contradictionem involvunt aut repugnantiam Deus operetur, neque etiam velle possit: ex eo enim sapientiæ ipsius legibus adversantur; & sibi, iis derogando, contrarius esse nullo modo potest, quia negare se ipsum non potest, ut post Apostolum diximus cum eodem Augustino.

In discontendiis difficultatibus & solvendis objectionibus, quæ circa Dei veracitatem, bonitatem, justitiam, misericordiam ac omnipotentiam in ipso mirabiliter undequaque resurgentes, occurrere possent, ut inter se conciliantur varii diversarum illarum perfectionum effectus relative ad creaturas, qui aliquid oppositi sub quodam respectu habere videntur, non immoramur; tum ex eo quod earum maxima pars ordinem dicat ad nonnullas quæstiones, quas, cum ad alios tractatus pertineant; hic attingere nostri non est instituti, de iis in decursu, pro ut sese dederit occasio, si opus sit, aliquando acturi; tum quia illæ quæ ad præsens propositum esse possunt, vel leviores sunt momenti, vel si quid ponderis habeant, resolvi valent ex variis vel

Scri.

Scripturæ vel Patrum testimoniis quæ retulimus, & aliunde apud quamplures Theologos reperiuntur.

CONCLUSIO SECTIONIS.

DEo honorificum potius silentium, quam ullam vocem humanam compe-
tere nos docet Augustinus. ineffabilis enim est summa ipsius majestas,
quæ a Spiritualibus cogitari, potest, a nullo vero explicari, & quæcumque
dixerimus de Deo de quo omnia dici possunt, inquit Sanctus Doctor, nihil
tamen digne de illo loquemur, ad ejus magnitudinem celebrandam nulla
digna comparatio valet inveniri. Ergone de omnipotenti Deo rerum omnium
creatore ac sapienti moderatore omnimode tacebimus? vix tacentibus de te,
inquebat idem Deum alloquens, quoniam loquaces muti sunt. Nec ab ejus
laude cessare debemus ex eo quod in explicandis ipsius divinis attributis im-
pares nos semper inveniamus, & dum de infinitis illius perfectionibus al-
ta quæ sapimus meditantes narranda suscipimus, succumbat adeo nostra in-
firmas gloriæ Dei, ut laboremus sensu, hæreamus ingenio, deficiamus elo-
quio: etenim bonum est, inquit Sanctus Leo Papa primus, ut nobis parum
sit, quod etiam recte de Domini majestate sentimus. nec est quod istius in-
firmittatis nostræ perturbemur angustia: excedit enim, anulumque superem-
inet humani eloquii facultatem naturæ divinæ excellentia, & inde oritur
difficultas fandi, unde adest ratio non tacendi, & revera, nisi incomprehensibi-
lis & ineffabilis in suis perfectionibus esset qui in se ipso non potest com-
prehendi, & de quo facilius dicitur juxta Augustinum, quid non sit,
quam quid vere sit, quomodo hunc Deum nostrum cõsiteremur? No-
bis ergo non displiceat quod illius altitudinem promere non valeamus: quin
potius, hunc quæcumque perfectionum cumulum prout possumus consi-
derantes, sentiamus nobis curiosius fortasse eas perscrutantibus bonum esse
quod vincimur. Nemo enim, ut cum eodem Sancto Summo Pontifice loqua-
mur, ad cognitionem veritatis magis propinquat, quam qui intelligit in re-
bus divinis, etiam si multum proficiat, semper sibi superesse quod quærat.
nam de divinis attributis quæ mentis creatæ captum necessario superant,
permulta differentes, si ad id in quod tendimus pervenisse præsumeremus,
non quæsitâ reperisse, sed in inquisitione defecisse merito argueremur.

Quæ possumus, & sicut possumus de Deo rerum omnium quæ sunt aucto-
re nobiscum conferimus: ipsum ex quo omnia, per quem omnia, in quo
omnia pro viribus celebrantes, incommutabilem ejus æternitatem, incommu-
tabilem veritatem, incommutabilem sapientiam, incommutabilem virtutem,
incommutabilem charitatem, unum Deum verum atque perfectum, qui
numquam non fuit, numquam aliter fuit, numquam aliter erit, bonum,
justum, misericordem, libenter contemplamur, etsi per speculum & in ænig-
mate, ex parte cognoscentes, & ex parte prophetantes, proindeque de illo
qui magnus est, & excelsus, nonnisi parva pro modulo nostro dicturi.
ipsum

ipsum vere & necessario, ac per semetipsum existere non credere non possumus: hunc undequaque opera ejus menti nostræ annuntiant: illumque intimiorem intimo nostro nobis conscientia nostra testatur. Hunc summe intelligentem, a quacumque liberum materia, incorporeum, simplicem, immensum, omni reali ac possibili perfectione donatum firmissime tenemus. id omne de Deo prædicavimus, illudque ita esse pro viribus ostendimus; sed quid hæc omnia sint vix intelligimus, per fidem cui ratio famulatur ambulantes in inquisitione deficimus, donec veniat quod perfectum est, & evacuetur quod ex parte est.

SECTIO QUARTA.

De visibilitate Dei.

Deum, quem substantiam pure intelligentem ac omnimode incorpoream diximus, modo invisibilem, modo visibilem prædicantibus Sacris Scripturis, ut ex dicendis fiet manifestum, quamplura circa illius invisibilitatem ac visibilitatem inquirendi occasionem sumpsere Theologi; idque eo libentius, quod ad varia fidei nostræ capita necessarium ordinem dicant. illaque tractare adeo invaluit usus, ut ab iis abstinere, cuicumque de divinis attributis agenti, dedecori ac insufficientiæ verteretur. & merito quidem, cum inter præcipuas Theologiæ quæstiones hæc locum obtinuerit, tum ob dicendorum abundantiam, tum ob dignitatem eorum quæ tractanda occurrunt. ne autem ex multitudinis confusio oriatur, utque cum methodo procedamus, distinctis quæstionibus ea omnia expendemus.

QUÆSTIO PRIMA.

Utrum Deus videri possit per corporis oculos, ac per eos sit aliquando visus vel videndus?

Quærentes an Deum videre corporis oculo sit possibile, non omnem visionem ad corpus pertinere sufficienter insinuamus. & revera: non minus enim per mentem objecta cernimus, quam per carnis oculos; imo multo perfectius aliquando animo, quam corpore non pauca nos intueri experientia multiplici docemur. de visione quæ ad mentem spectat mox acturi sumus, si prius proposita jam quæstioni fecerimus satis.

Deum oculo corporeo videri posse quod somniaverit Antropomorphitæ non mirum; erroris enim illorum Deum corporeum sibi fingentium istud est confectarium: inter objectum & potentiam, hoc semel dato, vera esset proportio. Nec etiam est quod miremur si Gentiles idem teneri a Christianis existimarunt, teste Origene contra Celsum. totam Christi discipulorum in futura vita spem esse de possidendo Deo illoque facie ad faciem videndo non ignorantes, & aliunde ens pure spirituale omni corporali forma expers non in-

intelligentes, ipsum sub specie sensibili ac materia quadam circumscriptum fore videndum opinati sunt, idem a Christianis expectari arbitantes, istorum fide ac spe illis minime notis. sed vix intelligitur quomodo a catholicis nonnullis & Theologis id possibile esse ut oculo corporeo essentia divina cerneretur dictum sit; id autem inter alios opinatus est Gregorius de Valentia probabile iudicans, aliquam potentiam sensitivam sic a Deo condi, ut vel natura sua, vel dono quodam superaddito valeat & ipsum Deum percipere. utque suæ sententiæ, a qua recedunt omnes fere Theologi, aliquod pondus addat, Sanctum Augustinum lib. 22. de civit. cap. 29. in suas partes trahere conatur. sed quam immerito dicenda manifestabunt. interea adversus talia sentientes oppositum statuemus.

ASSERTIO PRIMA.

Deum per corporis oculos aliquando videri possibile non est.

IN Sacræ Scripturæ & Sanctorum Patrum textibus distincte adeo fundatur hæc propositio, ut quomodo oppositum sentire in alicujus mentem venire poterit non invenitur. sic apud exodum cap. 33. Moysi cupienti Deum videre, idque enixe sciscitanti, respondit Deus, *non poteris videre faciem meam neque enim videbit me homo & vivet.* qua responsione reprimatur servi Dei devotio sancta mensuram supergrediens. & si errabat Moyses Deum corporis oculis posse videri existimans, minime culpandus qui ex summa in Deum pietate id desiderabat. unde serm. 8. in psal. 118. de illo sic loquitur Sanctus Ambrosius: *putavit Deo etiam hoc esse possibile, ut corporeis oculis faceret id quod est incorporeum comprehendendi. non est reprehensibilis hic error, sed etiam grata cupiditas.* Hunc Sancti Episcopi Mediolanensis locum si legisset de Valentia, sine dubio a sua cessasset opinione, cui e diametro opponitur. epist. 1. ad Timoth. cap. 1. ait Apostolus, *Regi seculorum immortalis & invisibili, soli Deo honor & gloria.* de illo patiter loquens cap. 6. ait, *quem nullus hominum vidit, sed nec videre potest.*

Suorum antecessorum auctoritate nostram assertionem firmat Sanctus Augustinus epist. 148. in suo commonitorio ad Fortunatianum: ipsos ut ab Hipponensi laudantur audiemus, eundem simul & nos audientes. „ Magni quidam viri, inquit cap. 2. & in Scripturis Sanctis doctissimi, qui plurimum „ Ecclesiam & bona studia fidelium suis litteris adjuverunt, ubi eis occasio „ data est, dixerunt invisibilem Deum invisibiliter videri, hoc est per eam „ naturam, quæ in nobis quoque invisibilis est, munda scilicet mente vel „ corde. Beatus Ambrosius de Christo eum ageret secundum id quod Verbum est, (non enim corporalibus, inquit, sed spiritualibus oculis Jesus „ videtur.) & paulo post; (Non eum viderunt, inquit, Judæi, obsecratum „ enim erat insipiens cor eorum.) Hinc ostendens unde videatur & „ paulo post, (audiamus ergo, inquit, Patrem; invisibilis enim Pater; „ sed & Filius invisibilis secundum divinitatem; Deum enim nemo vidit

um.

umquam : cum ergo Filius sit Deus, in eo utique quod Deus est Filius, non videtur.)

„ Sandus autem Hieronymus, ait, (videre Deum scuti est in natura sua, oculus hominis non potest :) alio loco evidentius dicit (non solum Patris divinitatem, sed nec Filii quidem, & Spiritus Sancti, quæ una in Trinitate natura est, posse oculus carnis aspicere, sed oculus mentis, de quibus ipse Salvator ait, *Beati mundo corde, quoniam ipsi Deum videbunt.*) quid hac manifestatione lucidius? si enim tantummodo dixisset, nec Patris, nec Filii, nec Spiritus Sancti divinitatem posse oculus carnis aspicere, nec deinceps addidisset (sed oculus mentis) forte diceretur carnem jam non esse appellandam, cum corpus fuerit spirituale. addendo ergo & dicendo, (sed oculus mentis) ab omni genere corporis alienavit hujusmodi visionem. “ (Hunc Augustini locum etiam observare debuisset Gregorius de Valentia.)

„ Beatissimus quoque Athanasius Alexandrinus Episcopus, cum ageret adversus Arianos, qui tantummodo Deum Patrem invisibilem dicunt, Filium vero & Spiritum Sanctum visibiles putant, æqualem Trinitatis invisibilitatem Scripturarum Sanctarum testimoniis, & diligentia suæ disputationis asseruit, instantissime suadens Deum non esse visum nisi assumptione creaturæ: secundum autem Deitatis suæ proprietatem omnino Deum esse invisibilem, id est Patrem & Filium & Spiritum Sanctum, nisi quantum mente ac spiritu nosci potest. Gregorius etiam Sanctus Episcopus orientalis apertissime dicit, Deum natura invisibilem quando Patribus visus est, sicut Moyse, cum quo facie ad faciem loquebatur, alicujus conspicibilis materiæ dispositione assumpta, salva sua invisibilitate videri potuisse. Hoc est quod etiam nosler dicit Ambrosius, & Patrem & Filium & Spiritum Sanctum ea specie videri, quam voluntas elegerit, non natura formaverit: ut & illud verum sit quod *Deum nemo vidit umquam*: quæ vox ipsius Domini Christi est: *& quem nemo hominum vidit, nec videre potest*; quæ vox Apostoli, immo ejus per Apostolum Christi est: & illa non repudiunt testimonia Scripturarum, quibus Deus visus esse narratur: quia & invisibilis est per propriam deitatis naturam, & cum vult videri potest per assumptam, sicut ei placuerit, creaturam. “

Augustino, Patribusque ab ipso laudatis addamus Origenem calumniæ arguentem Celsum, quod errorem oppositum Christianis affingeret. *falso igitur nobis Celsus imponit dicens nos sperare corporis oculis Deum esse visuros*: inquit lib. 7. contra Celsum. Addamus & Sanctum Cyrillum Jerosolimitanum catechesi 9. dicentem, *carnis quidem oculis contemplari Deum impossibile est, quod enim corporis est expers, in carnio culos cadere nequit.* illis omnibus facile adderentur quicunque Antropomorphitarum deliria de Deo corporeo debellarunt, quorum testimonia Deum oculo corporeo videri nullo modo posse ostendunt.

Nedum ex Sacra Scriptura, ut propositam veritatem confirmet, Sancti Patres argumentantur, sed etiam ex ratione naturali, cujus ea vox est, quod

potentia vitalis, quæcumque illa sit, non potest ferri in objectum quod est extra ipsius sphaeram, aut in illud suam exercere virtutem, seu ab illo moveri, nisi objectum & potentia sint in ratione reciproca; quæ cum neque de potentia Dei absoluta possit reperiri inter objectum immateriale aut substantiam spiritualem, ut est Deus, & potentiam corpoream, ut est oculus humanus, sequitur Deum oculo corporeo non posse videri. Hinc optime argumentatur Doctor Subtilis dicens, quod sensus ex eo quod non possit non esse potentia organica, non potest elevari ad apprehendendum immateriale, nec etiam, inquit, visus Beati, quia sensus ut talis, non est capax nisi sensibilis; unde tenet idem Scotus, neque de potentia Dei absoluta humanum oculum elevari posse ad corpus Christi in Sacramento cognoscendum, quia elevari nequit ad cognoscendum existentiam substantiæ a quolibet sensibili separatæ, proindeque nec Dei essentiam. Deus enim non potest mutare rerum essentias, quæ cum nihil aliud sint, quam ipsius Dei ideas æternæ, illius immutabilitatem necessario participant. præterea, in quocumque sensu intelligatur Deum per corporis oculum posse videri, cum id sit impossibile absolute nisi Deus corporeus supponatur, ut stulte narrabant Antropomorphitæ, illud consequenter nullatenus potest defendi. omitto alia argumenta ex ratione, desumpta ab Augustino & Fulgentio, quibus ostendit uterque Deum non minus ex supposito dici posse objectum aliorum sensuum quam objectum visus, qui aliunde necessario exigit ut quædam sit distantia inter facultatem visivam & illud quod ab ea videtur, quo dato Deus non esset immensus. unde cum ex sententiâ quæ supponit Deum posse videri oculo corporeo absurda quamplura necessario fluant, etiamsi hæc Sacræ Scripturæ non adversaretur, ut ex textibus relatis eam adversari evidens est, ut omnimode improbabilis est rejicienda.

ASSERTIO SECUNDA.

Per corporis oculos Deus a nemine unquam visus est, aut videbitur.

HÆc propositio quæ est præcedentis assertionis corollarium ex dictis probata manet. ex eo enim quod impossibilis ostenditur Dei visio oculo corporeo, necessario evidens est Deum a nemine unquam visum fuisse, aut fore videndum per corporis oculos. verum ut nulli dubium ex hac parte relinquantur, quæ oppositæ sententiæ faventia viderentur sunt audienda; ex illorum solutione magis innotescet veritas quam tuemur.

SOLUTIO OBJECTIONUM.

1. **O**bjectio. Multa sunt Sacræ Scripturæ testimonia quæ Deum oculo corporis visum fuisse aut fore videndum aperte significant, ut cum legitur apud Job cap. 19. *in carne mea videbo Deum meum, quem visurum sum ego ipse, & oculi mei conspiciuntur mihi.* & cap. 42. *auditu auris audivi te,*

te, nunc autem oculus meus videt te apud Lucam cap. 3. videbit omnis caro salutare Dei.

Resp. Naturam Divinam per corporis oculos aliquando fore videndam ex præfatis textibus qui concludit, Sacræ Scripturæ verba in sensum a vero alienum detorquet. Duplici modo intelligi possunt ea quæ loquitur Job, vel in quantum Verbi Divini incarnationem prænuntiant, ratione cujus in extremo judicio ab omnibus hominibus, & a Beatis in æterna felicitate videbitur in ea carne quam pro redemptione humani generis assumpsit; vel in quantum futuram omnium hominum in carne propria resurrectionem prophetant, ob quam in sua quisque iustorum carne existens Deum videbit, etsi per carnem non fiat hæc visio. juxta utrumque illud fidei nostræ caput in proprio sensu & ad litteram vera sunt quæ loquitur Job, qui dicit se visurum in carne, & non per carnem, quæ prima verba observanda sunt. secundum duplicem hunc sensum accipiendum esse primum testimonium ex Job desumptum ostendit S. Augustinus lib. 22. de civit. cap. 29. his verbis. *illud etiam quod ait supra memoratus Job, sicut in exemplaribus quæ ex Hebræo sunt, invenitur & in carne mea videbo Deum, resurrectionem quidem carnis sine dubio prophetavit; non tamen dixit per carnem meam; quod quidem si dixisset, posset Deus Christus intelligi, qui per carnem in carne videbitur. nunc vero potest & sic accipi, in carne mea videbo Deum: ac si dixisset in carne mea ero cum videbo Deum. Eundem esse sensum verborum quæ leguntur Luc. cap. 3. declarat idem S. Doctor eodem loco sic pergens. illud enim quod scriptum est, & videbit omnis caro salutare Dei, sine ullius nodo difficultatis sic intelligi potest, ac si dictum fuerit, & videbit omnis homo Christum Dei, qui utique in corpore visus est, & in corpore videbitur, quando vivos & mortuos judicabis. ad alia verba ex Job quod attinet, & si aliquantulum anceps videatur Hipponensis; ea tamen in sensu spirituali esse accipienda existimat dicens: *quamvis hic nihil prohibeat oculum cordis intelligi, de quibus oculis, ait Apostolus, illuminatos habere oculos cordis vestri. ipsi autem videri Deum cum videbitur, Christianus ambigit nemo, qui fideliter accipit quod ait Deus ille magister, Beati mundo corde, quoniam ipsi Deum videbunt.**

2. *Obiectio.* Quamplures e Patriarchis initio temporum vidisse Deum facie ad faciem commemorant libri Sacri, ut in libro Genesis de Abraham, Isaac, Jacob narratur, & de Moyle in libro Exodi: Deum vero ab ipsis fuisse visum facie ad faciem non diceretur, nisi per corporis oculos visus esset. insuper Paulus Apostolus promittit nos in futuro sæculo, Deum, quem in præsentem videmus per speculum & in ænigmate, visuros esse facie ad faciem; ut habetur 1. corinth. cap. 13. quomodo autem id verum esset si oculis corporeis non esset videndus Deus, & possibilis non foret ejusmodi visio?

Resp. Deum Patriarchis nonnullis sub quadam forma sensibili, vel per se, vel Angelorum ministerio apparuisse nemo sensatus negat, id expresse testantibus divinis Scripturis. ergone exinde concludendum Deum in natura sua fuisse visum per corporis oculos? minime. quin potius oppositum recta suadet ratio. etenim Deus qui ens est pure intelligens omni forma corporea

destitutum, quomodo in substantia propria corporeis oculis sub specie sensibili præfens exhiberi potuit? id audire refugit humana ratio ob rei utriusque incompossibilitatem. quod enim auditur, corpus est, quod videtur, corpus est dicit quodam in loco Augustinus. concedamus ergo cum Sanctis Patribus Deum sæpius visum fuisse antiquitus a viris sanctis quando voluit, & quomodo voluit, sed sub forma ab ipso assumpta, quandoque cum illis confabulatum fuisse. cum autem hujusmodi visio facta fuerit sub specie aliena, quæcumque illa sit (id enim hic non investigamus) etsi species illa humanis aspectibus visibilem se exhibuerit, ex iis exemplis nihil inferri potest quo suadeatur possibile esse quod Divina essentia fiat objectum facultatis visivæ, quæ cum sit corporea & materialis, nullam habet aut potest habere proportionem cum objecto omnimode immateriali ut est Deus.

Nec pariter voluit Paulus loco laudato Deum corporalibus oculis fore inspicendum, quod habemus ex Augustino hunc textum interpretante de visione per mentem, tum lib. 22. de civit. cap. 9. his verbis: *Et illud quod ait Apostolus, facie ad faciem, non cogit ut Deum per hanc faciem corporalem, ubi sunt oculi corporales, nos visuros esse credamus, quem spiritu sine intermissione videbimus.* tum epist. 92. ad Italicam ubi hæc habet: *cum legis videmus nunc per speculum & in enigmate, tunc autem facie ad faciem, intellige inde tunc nos visuros facie ad faciem, unde videmus nunc per speculum & in enigmate: hoc autem utrumque interioris hominis munus est. interiorem autem hominem faciem etiam habere dicit loco mox laudato de civit. Nisi enim, inquit, esset etiam interioris hominis facies, non diceret idem Apostolus, nos autem revelata facie gloriam Domini speculantes, in eandem imaginem transformamur de gloria in gloriam, tamquam a Domini Spiritu, omnem vero per corporis oculum visionem ab Apostolo eo loci repelli superius ostenderat S. Doctor super hæc verba Christi Matth. cap. 18. *Angeli eorum semper vident faciem Patris mei qui in cælis est*, sic loquens: *sicut ergo illi vident, ita & nos visuri sumus: sed nondum ita videmus; propter quod ait Apostolus, quod paulo ante dixi, videmus nunc per speculum in enigmate, tunc autem facie ad faciem. præmium itaque fidei nobis visio ista servatur, de qua & Joannes Apostolus loquens cum apparuerit, inquit, similes ei erimus, quoniam videbimus eum sicuti est. facies autem Dei manifestatio ejus intelligenda est, non aliquod tale membrum quale nos habemus in corpore, atque isto nomine nuncupamus. nullus dicet Angelos videre Deum per corporis oculos, qui corpus non habent. sicut illi vident, ita & nos sumus visuri, ait Hippoensis: per oculos igitur mentis, non vero carnis a nobis videbitur Deus. Scripturam Sacram legant & relegant quibus placet Deum videri posse oculo corporeo, nec unum locum qui opinioni huic Anthropomorphitarum errori nimium affini vere faveat reperient. & si quis ex impossibili inveniretur, is in sensu metaphorico esset necessario accipiendus, juxta quem exposuimus, Sanctorum Patrum doctrinæ immutabiliter adherentes, ea loca quæ sensus corporeos, motusque humanis passionibus similes Deo tribuere, vel in ipso supponere videntur.**

3. *Objectio.* Deum corporis oculo posse videri non repugnat, cum neque in-

infinitæ Dei virtuti, nec creaturæ capacitati id opponatur. Non enim Dei potentiam excedit quod, etsi substantia incorporea, se se facultati materiali conspiciendum exhibeat. non pariter est extra capacitatem creaturæ quod immaterialia cernat per corporeum organum quo ad hunc effectum producendum uti potest Deus apud quem nihil est impossibile; etsi de multis quomodo ab ipso fiant rationem reddere non valeat homo. & aliunde in creatura, ut dicitur in philosophia, datur potentia obediæntialis ad quodlibet. gratis ergo fingitur Deum oculis corporis non fore videndum aut non posse videri.

Resp. Nullius ponderis est præfatum argumentum quod est mera petitio principii, aut circulus vitiosus. si neque ex parte divinæ virtutis, neque ex incapacitate creaturæ se teneret impossibilitas videndi Deum corporis oculo, quis illud impossibile predicaret? Deum omnia posse quæ vult, quis ignorat? verum quæ repugnantiam involvunt ex eo quod essentiis rerum obstant, vel cuidam ex infinitis Dei perfectionibus adversentur, nec vult Deus, nec velle potest: id recta ratio dicat, & ab omnibus ut certissimum habetur. jam supra ostendimus repugnantiam involvere quod ens immateriale fiat objectum facultatis corporeæ aut potentiæ vitalis, ex eo quod inter utrumque nulla sit proportio, & rerum essentias non mutet Deus; unde sequitur ipsum non posse oculo corporeo se conspiciendum exhibere, nisi in quantum substantiæ corporeæ vices ipse suppleret ut videretur. sed tunc ipse Deus in propria forma non se ostenderet, sed in aliena, ut ipsum per se, vel Angelorum ministerio apparuisse diximus quibusdam Patriarchis. & tunc nihil ad præsens propositum, ubi de visione Dei in propria substantia per oculos corporis movetur quæstio: idque ex natura rei asserimus repugnare, quin infinitæ Dei potentiæ ac virtuti ullo modo derogetur. Nec minus excedit capacitatem creaturæ, in qua falsum est dari potentiam obediæntialem ad ea quæ fieri nequeunt juxta Divinæ Sapientiæ leges, quibus, in omnibus quæ vult & operatur, necessario consulit Deus, qui, ut ait Apostolus, negare se ipsum non potest. Nec aliquid in nos concluderetur, & si verum esset quod corporeum organum, oculus nempe, elevaretur a Deo ad intuitivam ipsius visionem. hoc enim supposito oculus non ageret vitaliter, sed eo ut instrumento inanimato & totaliter passivo uteretur Deus, qui proinde a corporali illo organo non cerneretur; facultas enim vitalis actionem vitalem non producit, si mere passive se habeat respectu cujusdam effectus, qui tunc in illam minime potest refundi: & parum interest quod rationem reddere possit homo vel non, de modo quo fieret illud quod nunquam futurum, nec etiam esse ullo modo possibile defendimus.

Nec est quod opponatur, Deum posse evehere quamlibet creaturam ad quemlibet effectum, ad illum etiam ad quem aptitudinem non habet, ut cum utitur Deus igne ad Dæmones torquendos, & aqua baptismali ad gratiæ sanctificantis collationem, peccatique originalis deletionem: diversimode enim de causis, effectibusque moralibus ac de physicis est loquendum. licet ignis & aqua sint quid physicum, non se habeant tamen ut causa physica in exem-

plis

plis allatis, sed ut causa moralis, ad cujus præsentiam vel occasionem effectum pro ut vult Deus operatur. at causa physica, præsertim si ad unum effectum dumtaxat determinetur, ut facultas vitalis agens ex principiis sibi intrinsicis, non potest ultra objecti proprii amplitudinem excurrere, ex eo quod unum determinatum habeat operandi modum. sic oculus, auris, aliæque facultates vitales, quæ non agunt aut valent agere nisi vitaliter, eveni non possunt ad effectum producendum, qui non sit juxta modum suum operandi, qui ipsis ita est proprius ut alio modo non possint operari, & cuiuscumque alterius effectus producendi sint omnimode incapaces. & exinde repetitur, saltem ex parte, impossibilitas quod oculo corporeo videri possit Divina substantia. sicque paritas nulla est.

QUÆSTIO SECUNDA.

Quanam fuerit in præsentia materia vera mens Sancti Augustini.

ET si nulla sit ratio dubitandi de mente tanti Doctoris, dum de visione Dei per corporis oculos agitur, ut mox sumus ostensuri, nonnulli tamen finxere illum fuisse aliquando dubium utrum oculo corporeo videndus sit Deus, an non; indeque occasionem sumpserunt, licet ab illius recedentes doctrina, ipsius gloriandi patrocínio, quo nihilominus illos carere non difficile agnosceretur.

ASSERTIO UNICA.

Deum nec unquam fuisse visum aut videndum in propria natura per corporis oculos, nec posse aliquando videri, constanter tenuit Sanctus Augustinus: ipsum vero in hac materia dubium quandoque habuisse, non nisi indolente fingi potest.

UT contra opinantium ratiunculis obviemus mentem Sancti Doctoris apertius, quid circa istam quæstionem vere senserit pensare debemus ex ipsius operibus, in quibus rem non obiter, sed ex professo, ut dicitur, tractavit. Neque enim satis esse existimamus si illum innumeris in locis Deum incorporeum & invisibilem audiremus asserentem, quandoque ex incorporeitate invisibilitatem, aut ex invisibilitate illius incorporeitatem merito colligentem. Hæc omnia licet abunde satis veritatem assertionis ostenderent, insufficientia esse concedemus, validiora argumenta pro sententiæ nostræ confirmatione adducturi. quæstionem de videndo Deo per oculos corporis accuratius attigisse Augustinum epist. 92. quæ est ad Italicam viduam: epist. 147. ad Paulinam: epist. 148. ad Fortunatianum Episcopum; & lib. 22. de civit. cap. 29. nullus ignorat nisi sit ab operum illius lectione prorsus alienus. in iis ergo examinandum quid loquatur S. Doctor, cum sint ipsius doctrinæ veluti summa, & brevi patebit illum nusquam habuisse dubium inter affirmativam & negativam, sed constanter tenuisse Deum in propria natura

tura videri non posse oculo corporeo, sicque nec visum fuisse, nec fore videndum.

Quid vero dicat epist. 92. consolans Italicam super obitu mariti, & quomodo refellat eorum opinionem, qui dicebant Deum videri oculis corporeis, audiamus. De luce, quæ in sæculo futuro illuminabit, ut loquitur Apostolus, abscondita tenebrarum & manifestabit consilia cordium, mentionem faciens, sic prosequitur: "*perfecto lux illa Deus ipse est, quoniam Deus lux est, & tenebræ in eo non sunt ullæ, sed lux mentium purgatarum, non istorum corporis oculorum. erit ergo tunc mens idonea, quæ illam lucem videat, quod nunc nondum est. Hoc autem oculus videre corporis neque nunc potest, neque tunc poterit. omne quippe quod oculis corporis conspici potest, in loco aliquo sit necesse est, nec ubique sit totum, sed minore sui parte minorem locum occupet, & maiore maiorem. Non ita est Deus invisibilis & incorruptibilis, qui solus habet immortalitatem, & lucem habitat inaccessibilem, quem nemo hominum vidit nec videre potest. per hoc enim videri ab homine non potest per quod videt homo corpore corpora ... scimus quia cum apparuerit similes ei erimus, quoniam videbimus eum sicuti est. in tantum ergo videbimus, in quantum similes ei erimus, quia & nunc in tantum non videmus, in quantum dissimiles sumus. inde igitur videbimus unde similes erimus. quis autem dementissimus dixerit, corpore nos vel esse, vel futuros esse similes Deo? in interiore igitur homine ista similitudo est qui renovatur in agnitionem Dei, secundum imaginem ejus qui creavit illum... quæ (similitudo) idonea erit ad videndum Deum, sicut dicit Apostolus, facie ad faciem. in quibus verbis certe si corporalem faciem voluerimus accipere, consequens erit, ut etiam Deus talem habeat faciem; & sit aliquod intervallum inter nostram & ipsius, cum eum videbimus facie ad faciem. & si intervallum, utique finis & membrorum habitus terminatus, & cætera absurda dictaque & cogitatu impia, quibus animalis homo, non percipiens quæ sunt Spiritus Dei, fallacissimis vanitatibus luditur.*"

Dicant ergo qui non sibi constantem fuisse Augustinum garriunt, dum aliquando dixit non fore videndum Deum oculo carnis, ac nec posse videri, an dubitantis ingenui, fluctuantisque viri sint laudata verba. an non potius delirant illi qui Sanctum Doctorem incertum hac de re fabulantur? & ut Italicæ, ad quam scribit, nullum relinquat dubitandi locum, comparationem statuit inter modum quo videbitur Deus, & spiritalem cultum quem sibi vult exhiberi. "*audiat caro, inquit ibid. carnalibus ebria cogitationibus: Spiritus est Deus, & ideo qui adorant eum, in Spiritu & veritate oportet adorare. si adorare, quanto magis videre? quis enim audeat affirmare Dei substantiam corporaliter videri, cum eam noluerit corporaliter adorari?*" & non paucis interpositis quæ ad Christi Domini personam spectant, ad propositum rediens sic concludendo loquitur: "*multa proferri possunt ad istam dementiam refutandam. sed si aliquando irruerint auribus tuis, hæc interrim eis lege, & quid respondeant non pigeat te rescribere ut potes. ad*

hoc

„ hoc enim fide corda nostra mundantur, quia nobis fidei merces visio Dei
 „ promittitur, quæ si per corporis oculos erit, frustra ad eam percipiendam
 „ Sanctorum animus exercetur: immo vero tam perverse sentiens animus
 „ non in se exercetur, sed totus in carne est. ubi enim tenacius habitabit
 „ & fixius, nisi unde se Deum visurum esse præsumit? „

Quod sentiebat Sanctus Doctor dum Italicam consolabatur, idem tenebat
 dum Paulinæ sciscitanti ab ipso de invisibili Deo, utrum per corporis oculos
 possit videri, librum scribebat de videndo Deo, ut responderet. in illo au-
 tem libro qui est ipsius inter Epistolas centesima quadragesima septima, post-
 quam multa dixit præsertim ex Mediolanensi Ambrosio, ut ostendat visio-
 nem Dei mundis corde esse promissam, quæstioni a Paulina propositæ faciens
 satis cap. 15. hæc habet: “ si enim quæris utrum possit Deus videri, res-
 „ pondeo, potest. si quæris unde sciam, respondeo, quia in veracissima Scri-
 „ ptura legitur, beati mundo corde, quoniam ipsi Deum videbunt. & cæte-
 „ ra talia. si quæris quomodo invisibilis dictus sit si videri potest, respondeo
 „ invisibilem esse natura, videri autem cum vult, sicut vult. pluribus enim
 „ visus est, non sicuti est, sed quali specie illi placuit apparere... sicut
 „ nunc incorruptibilis nec postea corruptibilis, ita non solum nunc, sed etiam
 „ semper invisibilis. Nec in loco enim videtur, sed mundo corde, nec cor-
 „ poralibus oculis quæritur, nec circumscribitur visu, nec tactu tenetur, nec
 „ auditur assatus, nec sentitur incessu. Unigenitus autem Filius qui est
 „ in sinu Patris, divinitatis naturam atque substantiam insonabiliter nar-
 „ rat, & ideo dignis idoneisque tanto conspectu oculis etiam invisibili-
 „ ter „ monstrat. ipsi enim sunt oculi de quibus Apostolus dicit *illuminatos*
 „ *oculos cordis vestri*, &c. cap. 20. utens verbis Christi apud Joannem cap. 14.
 „ *qui diligit me, diligetur a Patre meo, & ego diligam eum, & ostendam me ipsum*
 „ *illi*, hæc addit: “ Hæc quippe natura ejus æqualiter cum Patre invisibilis,
 „ sicut æqualiter incorruptibilis est, quæ sicut supradictum est continuam
 „ Apostolus posuit, divinam substantiam qua potuit hominibus prædicatione
 „ commendans: quam si oculi corporales in resurrectione mutata corporum
 „ qualitate conspiciunt, viderini qui hoc possunt astruere: me plus movet il-
 „ lius sententia qui nec in ipsa resurrectione hoc corporalibus oculis, sed
 „ mundis cordibus tribuit. „ & in sua sententia constanter adeo perseverat
 „ Augustinus, ut sæpius in eadem epistola verba commemoret Ambrosii, quæ
 „ laudaverat, quod nec in loco videtur Deus, sed mundo corde, nec corpora-
 „ libus oculis quæritur, nec circumscribitur visu. unde quomodo dubius qui-
 „ busdam videri potuerit, minime invenitur.

Sanctum vero Doctorem sibi semper constantem fuisse, nec ullo modo ab
 illa sua opinione recessisse tum epistola ad Fortunatianum, tum lib. 22. de
 civit. cap. 29. testantur ea quæ ex ipso retulimus in præcedenti quæstione,
 quæ cum nullam patiantur difficultatem quoquomodo verti possint, non est
 quod iis aliquid addamus. vigilaverit an somno correpius fuerit Gregorius
 de Valentia, dum contrariam tenens sententiam illi quam præcedentibus as-
 sertionibus proposuimus, Augustinum lib. 22. de civit. suum esse dixit, ju-
 dicet

dicet prudens lector, nobis a qualibet censura temperantibus, sed Sanctum Doctorem a quacumque dubietatis vel inconstantie injuria non immerito vindicantibus.

Opponunt 1. Augustinum sibi aliquando contrarium fuisse ostendere cupientes, & dicunt Sanctum Doctorem dum scripsit commonitorium ad Fortunatianum Siccensem Episcopum, mitigasse id quod epist. 92. hac de re ad Italicam scripserat, ex eo quod Episcopum quemdam didicerat fuisse offensum durioribus verbis quibus utebatur affirmans Deum nusquam fore videndum per corporis oculos. hunc autem ut sibi reconciliet, priorem sententiam emollire conatur, quod certe non tentasset, si circa illam dubio quodam non laborasset.

Resp. Etsi zelo Charitatis ductus Augustinus, Episcopum de quo agitur, quem Antropomorphitarum deliriis adhæsisse verisimile est, quemve sibi ex iis quæ ad Italicam scripserat insensum agnoverat, ut sibi redderet amicum, verbis aliquantulum mollioribus, stylum suum in aliquibus coercendo circa eandem quæstionem versans, usus fuerit; minime inde sequitur opinionem quam validis argumentis firmaverat in hac priori epistola mitigasse Sanctum Doctorem de eadem re ad Fortunatianum scribendo. aliud enim est sententiam mitigare, aliud vero acriorem stylum coercere. id ultimum observaverit Hipponensis, esto: de eo non investigamus. illum autem nullo modo a prima sua sententia recessisse, nec etiam in minimo puncto mitigasse, sed semper sibi constantem, in iis quæ semel ad Italicam scripserat firmiter perseverasse manifestant prima commonitorii illius verba. "sicut præsens roga-
 ,, vi, inquit epist. 148. & nunc commoneo, ut fratrem nostrum de quo col-
 ,, locuti sumus, videre & rogare digneris, ut ignoscat mihi si quid durius
 ,, & asperius in se dictum accepit in epistola quam me illo modo scripsisse
 ,, non pœnitet, quia dixi istius corporis oculos nec videre Deum, nec esse
 ,, visuros. causam quippe adduxi cur hoc dixerim, ne scilicet Deus ipse cor-
 ,, poreus esse credatur, & in loci spatio intervalloque visibilis. Nihil enim
 ,, videre aliter istius corporis oculus potest. „ Deinde quæ jam docuerat
 ,, confirmans post pauca prosequitur. " istius namque corporis oculos dixi non
 ,, visuros Deum, hoc intuens quod istius corporis oculi omnino non possunt
 ,, cernere nisi corpora... porro autem si in tantam sui dissimilitudinem no-
 ,, stra corpora mutabuntur ut oculos habeant per quos videatur illa substantia...
 ,, longe aliud erunt hæc corpora, & non erunt ipsa: nec sola detra-
 ,, cta mortalitate atque corruptione & ponderis gravitate aliud erunt, sed in
 ,, virtutem ipsius mentis quodammodo convertenter, si videre poterunt,
 ,, quomodo tunc menti, nunc autem nec ipsi menti videre concessum est...
 ,, quapropter si videbunt Deum, non istius corporis oculi videbunt, quis &
 ,, in hoc non erit ipsum corpus usque in illam vim potentiamque mutatum:
 ,, & non est contraria ista opinio illis verbis epistolæ meæ. si autem hæde-
 ,, nus non erit ipsum, quia nunc mortale, tunc immortale, nunc aggravans
 ,, animam, tunc nullo pondere ad omnem motum erit facillimum: ad vi-
 ,, dendam vero ea quæ locorum spatiis intervallisque cernuntur, si non aliud
 Ec
 ,, quam

„ quam ipsum erit, substantiam incorporealem & ubique totam nullo modo
 „ videbit. sive ergo hoc, sive illud verum sit, secundum utrumque verum
 „ est, quod istius corporis oculi Deum non videbunt. aut enim istius erunt
 „ & non videbunt, aut non erunt istius, si videbunt: quoniam tanta
 „ commutatione longe alterius corporis erunt. “ sunt ne verba ista ho-
 „ minis sententiam suam mitigantis? an non potius quæ jam scripserat confir-
 „ mantis? ut autem nulli dubium possit remanere, videamus quomodo
 „ ipsi occurrat Augullinus per verba immediate sequentia. “ sed paratus
 „ sum, inquit, si quid de hac re melius novit hic frater, vel ab ipso,
 „ vel ab illo a quo didicit, discere. quod si irridenter dicerem, etiam il-
 „ lud de Deo corporali membrisque per loca divisibili, dicerem paratum
 „ me esse discere. quod non dico, quia non irridenter loquor & talem Deum
 „ non esse omnino non ambigo, & ne talis esse crederetur, illam episto-
 „ lam scripsi. „

Nec aliquid in contrarium recte inferri posse judicamus ex particula con-
 ditionali quam adjungit, ita ut de corpore spiritali & glorioso post resurre-
 ctionem dubius remanserit Sanctus Doctor, ut gratis existimant nonnulli,
 quibus videtur intactam reliquisse questionem de corpore spiritali, multaque
 dixisse disputando juxta alienam hypotesim. conditionalis enim hæc particu-
 la non ad visionem ipsam Dei est referenda, sed ad mutationem quæ cor-
 poribus in resurrectione evenire poterit, & quævis illa sit, Deum per corpo-
 ris oculos ut nunc sunt nusquam fore videndum absolute pronuntiat, ut ex
 tota contextus serie fit manifestum. & rem vere definit, tam in libro de
 videndo Deo ad Paulinum, quam in præsentī isto commonitorio ad Fortu-
 nianum, in eadem opinione perseverans juxta quam ad Italicam scripse-
 rat; etsi æconomiz causa, vel potius charitatis zelo, ut diximus, scripserit
 se cum pace dilectionis auditurum eos qui oppositum tenebant, si quæ
 astruunt, valeant ex Scripturis disserendo monstrare. Nec aliquid ex aliena
 hypotesi locutus est, nisi ut impugnans, suam sententiam confirmaret. quænam
 futura sit corporum nostrorum post resurrectionem qualitas, quantumve ca-
 piant in melius commutationem facta spiritalia, quidve spiritui sint colla-
 turæ, non definit, sed diligentius esse inquirendum, si quid certum possit
 inveniri, dicit; sic enim loquitur in eodem commonitorio circa finem. “
 „ utrum si corporis, quamvis jam immortalis aique incorruptibilis, natura
 „ servabitur, adjuvet tunc aliquid spiritum ad videndum ipsa visibilia,
 „ idest corporalia, sicut nunc tale aliquid nisi per corpus videre non possu-
 „ mus; an vero etiam tunc sine organo corporis valeat spiritus noster nosse
 „ corporalia (neque enim & Deus talia per sensus corporis novit:) & mul-
 „ ta alia quæ in hac questione movere possunt, fateor me nondum alicu-
 „ bi legisse, quod mihi sufficere existimarem sive ad discendum sive ad do-
 „ cendum... De corpore autem spiritali pacatius & diligentius inquiremus,
 „ ne forte aliquid certum ac liquidum, si nobis hoc utile esse novit, secun-
 „ dum Scripturas suas Deus dignetur demonstrare... si autem iste frater
 „ quod de spiritali corpore adhuc requiro, jam sibi firmat esse certissimum,
 „ nisi

„ nisi placidus audiero docentem, ita ut ille quoque placidus me audiat in-
quirentem, habebit unde jure succenseat.“

Opponunt 2. Ut quid negatur Augustinum parum sibi constantem fuisse, quandoque fluctuantem hæsisse, cum ipse dicat serm. 277. qui est quartus de Sancto Vincentio Martyre, negandum non esse per carnem posse videri quod non videtur in loco, sed illud esse querendum, & certe de eo esse dubitandum? cur querendum adhuc vellet & investigandum illud quod firmissime tenuisset, atque de illo donec certius aliquid inveniat, nihil esse statuendum?

R/s/p. Circa principalem questionem, quæ ad visionem Dei per carnis corporis oculos, corporum post resurrectionem remanente natura, licet incorruptibilitate & immortalitate donentur, spectat, nullo modo incertum hæsisse Hipponensem testantur omnia ipsius scripta, in quibus de illa agendi sese offert occasio, ut accidit præsenii sermone. ubique enim constanter affirmat ut quid omnimode indubitatum, Deum non fore videndum per corporis illius oculos, qui videre non possunt nisi ea quæ sunt in loco; & quidquid est in loco, finitum & corporeum non potest non esse. unde Deus qui nec corporeus est aut limitatus, oculo corporeo nequit videri. Nec ullum verbum apud Augustinum reperire est, ex quo oppositum quid sequatur. circa questionem alias quæ ad primum tamen ordinem dicere possunt, quæve evidens in Scripturis fundamentum non habent, nihil de iis firmiter esse negandum aut asserendum, sed dubitanter esse procedendum, Donec in Scripturis sanctis aliquid inveniat, per quod dubium omne tollatur, prudenter pro more suo tenet, nihil ut certum proponens nisi certo id nitatur testimonio, verisimilia dumtaxat & probabilia nusquam sinens pro indubitatis haberi: & in hoc certe laudandus, imo & ad imitandum omnibus proponendus. Deum ergo per carnis istius oculos etiam post resurrectionem non esse videndum certissime tenens Augustinus, dubitat utrum corpus illud in resurgendo ita spiritus naturam aut virtutem sit participaturum, ut jam tunc tactum spiritale, oculis suis & incorporalia, Deique substantiam possit videre. Dubium omne in quo versatur Sanctus Doctor, se tenet ex parte mutationis quam experietur in novissimo die caro nostra, quæ si ad vim spiritus eleveatur, nihil obflare videtur quominus quæ valet spiritus, ipsa etiam saltem ex parte valeat. de modo & effectibus hujuscemodi mutationis quæ insalubriter fiet in nobis, sacra silente Scriptura, nihil circa eam asserendum aut negandum judicat Hipponensis, sed inquirendum utrum de ea aliquid habeant libri canonici quod liceat affirmare. verum dato quod corporibus nostris in melius adeo mutatis ac spirituum naturam adeptis, vel quasi adeptis, per illorum oculos Deus possit videri, nihil tunc ad propositum. quæstio enim est utrum per corporis oculos, corporibus nostris etsi immutatis, remanentibus tamen in propria natura, licet materia crassiori & corruptibili spoliatis, Deus sit aliquando videndus, idque sine ulla cunctatione, nec aliquid dubitans negat absolute, semper sibi constans Augustinus, quod ostendendum susceperamus, atque invictè ostendimus.

E c 2

U t

Ut autem plene innotescat nos Sancti Doctoris mentem vere fuisse ascuros, & quæstiones minus principales a principali quæstione merito separantes, quid certum quidve incertum in illis voluerit invenisse, ea quæ scripsit sermone laudato audiantur oportet: propositæ difficultati nos responsione præsentī fecisse satis ex iis fiet manifestum. " De isto ergo tali (spiritali) corpore, inquit, eap. 13. nihil temere ac præsumenter definire audeat humana fragilitas. quales erimus, sciemus cum fuerimus. antequam simus, temerarii non sumus, ne illud non simus. quærīt aliquando humana curiositas, & dicit sibi, putasse per illud spiritale corpus videbimus Deum? cito quidem responderi potest, in loco non videtur Deus... si ergo substantiam (prosequitur eap. 14.) quæ non videtur in loco, poterunt vel tunc corporales oculi videre, cum fuerit corpus spiritale, si poterunt alia, qua vi occulta, aliqua vi in experta & profus incognita, nec ulla æstimatione percepta, si poterunt, possint. oculis enim videmus, non nostris oculis invidemus. tantum non conemur Deum perducere ad locum, non conemur Deum includere in loco, non conemur Deum per spatia locorum quasi aliqua mole diffundere: non audeamus hoc, non cogitemus. Maneat substantia diviniatis in sua & propria dignitate. Nos certe quam possumus, in melius mutemus, non Deum in deterius commutemus. maxime quia definitum aliquid inde in Scriptura non invenimus, aut nondum invenimus. Nam neque hoc audeo præsumere, non in ea esse quod valeat inveniri. aut non est, aut latet, aut me latet. si quid in alterutram partem potuerit ab aliquo inveniri, libenter accipio, & me instructum nisi gratias egero, non homini dicenti, sed ei qui per hominem docet, ingratus ero. absit autem ut dator gratiæ, me esse permittat ingratum... Hoc ergo dico, quoniam tales oculi qui non nisi per intervalla & spatia locorum vident quidquid vident, nec nunc possunt videre Deum, nec tunc poterunt, quia ille non est in loco. aut ergo aliud erit quod videre possint, & quod in loco videri non potest: aut si manebit in eis non posse videre nisi in loco, non videbunt eum qui non est in loco. Hoc autem (eap. 15.) donec de spiritali corpore diligentius requiratur, quod aut intelligatur, aut recte credatur, teneamus corpus resurrectorum, teneamus formam corporis nostri hanc futuram, quam vel Christus exhibuit, vel in occulto promisit. teneamus corpus spiritale futurum, non animale, sicut nunc est. evidenter enim expressum est, & contradicere non potest: *seminatur corpus animale, resurget corpus spiritale...* Non hoc ideo dixi, inquit eap. 19. quia carnem visuram negavi, sed quia quærenda sunt testimonia clariora, si forte poterunt inventi. Nam hoc quod prolatum est, videtis quale sit. pro nobis enim magis facit, vel pro ipsa veritate, vel pro his qui quasi certo contendunt, carnem non visuram omnino ullo modo Deum, nec in resurrectione mortuorum... si autem caro illa tantam mutationem acceperit, ut possit per eam videri quod non videtur in loco, omnino ita sit. sed quærendum est, unde doceatur. & si nondum docetur, nondum negetur, sed certe vel dubitetur.

,, ita

„ ita tamen ut carnem resurrectionem non dubitetur, spiritale corpus futurum ex animali non dubitetur, corruptibile hoc & mortale hoc induere immortalitatem & incorruptionem non dubitetur. „

„ Quam methodum sequitur Augustinus in præfato sermone ut advertimus, controversiam principem prudenter sejungens a secundaria, cujuslibet ambiguitatis aut confusionis vitandæ causâ, eandem tenuit libro de videndo Deo ad Paulinam, cui postquam dixit. ut supra ostendimus, Deum videri non posse per corporis oculos, quod non dubitanter sed firmissime asserit, ut manifestant hæc ipsius verba cap. 19. „ arbitror te jam concedere, his omnibus consideratis, recte dictum esse quod Deus nec in loco videtur, sed „ mundo corde, nec corporalibus oculis quæritur: „ de qualitate corporis gloriosi post resurrectionem seorsim loquitur de eo nihil affirmans cap. 21. & 22. ubi cum dixisset mundis cordibus promissam esse Dei visionem, hæc habet. „ & de spiritualis quidem corporis qualitate, quod resurrectionis promittitur, vel discere aliquid adhuc, vel quærere non recuso: si tamen de hac „ re disputantes illis vitii carere possimus, quæ plerumque studii humani „ & concertationibus excitantur; dum supra quam scriptum est, unus pro altero inpletur adversus alterum: ne dum altercando quærimus investigare, „ quomodo possit videri Deus, ipsam pacem sanctificationemque perdamus, „ sine qua nemo poterit videre Deum: quod ipse avertat a cordibus nostris „ ut ea suæ contemplationi munda reddat atque custodiat. illud tamen quia „ non dubito, non requiro, quod Dei natura numquam videatur in loco. „ jam utrum possit hujus corporis oculis videri aliquid, quod in loco non „ videtur, ab eis qui hoc valent disserendo monstrare, cum pace dilectionis „ audire paratus sum... sunt autem alii Deum quidem ipsum corpus non „ esse minime dubitantes; sed ideo eos qui ad vitam æternam resurgent, „ etiam per corpus Deum visuros putant, quoniam talem sperant spiritualis „ corporis qualitatem, ut etiam ipsa quæ caro fuerat spiritus fiat. quod si „ ita est, quantum distet a superiori opinione „ (illorum nempe qui existimant Deum ipsum esse corpus, putantes quidquid corpus non est, nullam prorsus esse substantiam, quos omnimodo averfandos censet Augustinus) „ & „ quam hoc sit tolerabilius, etiamsi verum non sit, puto facillime judicari. „ „ iudicii sui duplici data ratione sic persequitur. „ postremo quia id „ quod ego in illa epistola (92.) mea dixi de istis nostræ carnis oculis, „ quia neque nunc possunt, neque tunc poterunt Deum videre, etiam sic „ verum est: non enim dictum est nisi de oculis corporalibus, quod tunc „ non erunt, si corpus ipsum spiritus erit; ac per hoc corporei oculi numquam Deum videbunt, quia cum videbitur, spiritus cum non corpus videbit. Tota igitur quaestio jam remansit de corpore spirituali, quatenus induat „ incorruptionem & immortalitatem hoc corruptibile atque mortale, & quatenus ex animali in spiritale mutetur: quæ diligentius sollicitiusque tractanda est. . . . sed cogitandum est ne quid insolenter audeamus, si dixerimus corpus non solum mortalitatem & corruptibilitatem, verum etiam „ hoc ipsum quod corpus est per gloriam resurrectionis amittere, & spiritum „ sic-

„ fieri . . . quapropter donec diligenti inquisitione, si Dominus adjuverit,
 „ reperiatur quid secundum Scripturas de spiritali corpore, quod in resurre-
 „ ctione promittitur, probabilius sentiendum sit, interim nobis sufficiat quod
 „ unigenitus Filius, idemque mediator Dei & hominum homo Christus Je-
 „ sus ita videt Patrem, sicut videtur a Patre. Nos autem ad illam visionem
 „ Dei, quæ nobis in resurrectione promittitur, non ex hoc mundo istam
 „ concupiscentiam oculorum transferre conemur, sed mundandis cordibus pio
 „ studeamus affectu; nec corporalem faciem cogitemus cum dicit Apostolus,
 „ videmus nunc per speculum in enigmate, tunc autem facie ad faciem: præser-
 „ tim quia Apostolus expressius dixit, *nunc scio ex parte: tunc autem cognos-*
 „ *cam sicut & cognitus sum.* si ergo tunc corporali Deum facie cognoscemus,
 „ corporali ejus nunc facie cogniti sumus: *Tunc enim cognoscam, inquit, sicut*
 „ *& cognitus sum.* unde quis eum non intelligat eo loco etiam nostram: fa-
 „ ciem istam significare voluisse, de qua dicit alio loco, *Nos autem revela-*
 „ *ta facie gloriam Domini speculantes, in eandem imaginem transformamur de*
 „ *gloria in gloriam, tamquam a Domini spiritu;* de gloria scilicet fidei in glo-
 „ riam contemplationis æternæ? Hoc quippe agit hæc transformatio, qua
 „ interior homo renovatur de die in diem. „

Cuncta hæc ex Augustino desumpta attento perpendens animo quis ferro
 posset ipsum in præfenti hæc controversia a quibusdam dubium & quasi titu-
 bantem reputari? vel potius quis cernens quanta cum arte varias quæstio-
 nes, licet inter se non parum affines, ab invicem secernat, certa ab incerti-
 tis solerter sejungens, illum non admirabitur quæ ipsi nota sunt, veritatis
 tenacem, sidenter ac constanter defendere; quæ vero non nisi probabilia sunt
 vel ambigua, intacta relinquere, vel aliorum de illis quandoque stare judicio,
 vel illa novæ ac diligentiori inquisitioni rectius subjicere, donec aliquid
 certi possit inveniri? Nihil ergo secundum aliorum hypotesim cum de Deo
 videndo corporeo oculo actum est, definivit aut disputavit Sanctus Doctor,
 sed propriam sententiam constanter tenens, (quid futurum sit de corpore
 glorioso in melius immutando non determinans,) Deum nusquam fore vi-
 dendum per istius corpora oculos indubitanter affirmat, quæstiones alias mi-
 noria momenti esse parvi faciendas admonens unde librum de videndo Deo
 seu epistolam ad Paulinam concludens hæc scribit. „ Nec te moveat quod
 „ a quibusdam minus considerate dicitur, quid tunc videbunt oculi corpora-
 „ les, si Deum non videbunt? an forte cœci erunt, vel sine causa erunt?
 „ Neque enim attendunt qui hæc loquuntur, quia si non erunt corpora,
 „ nec illi profecto corporales oculi erunt: si autem erunt corpora, erit quod
 „ videre possint oculi corporales. sed hæc jam satis dicta sunt, quæ ab initio
 „ hujus opusculi mei diligenter lecta & relecta considerans, sine ulla fortasse
 „ dubitatione perspicies ad videndum Deum per ejus auxilium, cor mun-
 „ dum te debere preparare. „

Opponunt 3. Sanctum Augustinum de sua sententia non adeo certum existi-
 tisse evidens testimonium est, quod cum dixisset ad Paulinam scribens se
 alio in opere quæstionem de spiritali corpore tractaturum, ac vere de illa

agat

agat libro vigesimo secundo, capite vigesimo nono, de civitate Dei, rem tamen non definit, quam probabiliter, ut promissis suis stare, definivisset si dubius circa eam non mansisset. etsi ergo, ut dubium non est, fortius propenderet in opinionem negantem Deum fore videndum per corporis oculos, oppositam nihilominus non omnimode falsam judicavit, quod illum de utraque æqualiter dubitasse non leviter ostendit.

Resp. Promissis suis omni ex parte stetit Sanctum Doctorem in eo quod Paulinam alloquens pollicitus fuerat quis negare potest? de corpore vero spirituali, inquebat, si Dominus joverit, opere alio experiemur quid disputare valeamus. & reapse de illo disputat laudato libro de civitate Dei. " sed utrum videbunt (Sancti Deum) & per oculos corporis, cum eos apertos habebunt, inde quæstio est. " en certe in illis verbis propositam quæstionem, cui per hæc sequentia respondet. " si enim tantum poterunt in corpore spiritali eo modo utique etiam ipsi oculi spirituales, quantum possunt isti quales nunc habemus, procul dubio per eos Deus videri non poterit. longe itaque alterius erunt potentie, si per eos videbitur incorporea illa natura, quæ non continetur loco, sed ubique tota est... vis itaque præpolentior oculorum erit illorum, non ut acrius videant... sed ut videant & incorporalia. " & rursus commemoratis iis Christi verbis, *Beati mundo corde, quoniam ipsi Deum videbunt*, subiungit, " sed utrum etiam corporali, bus oculis ibi videatur, hoc in ista quæstione versamus. " & vere de ea non pauca loquitur, ut in iis quæ promiserat non deficiat.

Sed inquirunt, rem propositam non definit; at quandonam illam definire pollicitus erat? quid de illa esset sentiendum, inquirendum esse secundum Scripturas dixerat. de illa autem tacentibus Scripturis, aliquid affirmandum aut negandum non existimat, sed litem sub iudice sapienter derelinquit. unde hæc subdit. " sed quia spiritale corpus nescimus quantos habeat accessus, (de re quippe inexperta loquimur,) ubi aliqua, quæ aliter intelligi nequeat, divinarum Scripturarum non occurrit vel succurrit auctoritas, necesse est ut contingat in nobis quod legitur in libro sapientiæ: *cogitationes mortalium timida; & incerta providentia nostra.* " & iterum rem incertam ostendens ex silentio Scripturarum ait, " aut ergo per illos oculos sic videbitur Deus, ut aliquid habeant menti simile, quo & in corporea natura cernatur, quod ullis exemplis sive Scripturarum testimoniis divinarum vel difficile vel impossibile est ostendere. " Hanc autem de spiritali corpore controversiam sola Scripturarum auctoritate posse terminari, non vero ratione ulla humana, ita cessavit Augustinus, ut philosophorum ratiocinationes nullius ponderis esse dixerit ad rem illam definiendam; quod est notandum, cum ex iis pro sua sententia valide potuisset argumentari. unde hæc subiungit ibidem. " Ratiocinatio quippe illa philosophorum, qua disputant ita mentis aspectu intelligibilia videri, & sensu corporis sensibilia, id est, corporalia, ut nec intelligibilia per corpus, nec corporalia per se ipsam mens valeat intueri, si posset nobis esse certissima, profecto certum esset per oculos corporis etiam spiritualis nullis modo posse videri Deum. " sed

„ sed istam ratiocinationem & vera ratio & prophetica irridet autoritas.
 „ quis enim ita sit averſus a vero, ut dicere audeat Deum corporalia iſta
 „ neſcire? Numquid ergo corpus habet, per cujus oculos ea poſſit addiſce-
 „ re? „ ubi obſervandum eſt Auguſtinum non improbare philoſophos eo
 quod dicerent ſpiritualia per corpus non poſſe videri, ſed improbare ut in-
 ſufficientem rationem quam aſſerebant in ſuæ opinionis confirmationem,
 quæque falſitatis convincebatur ex comparatione cum ſpiritu quem corporea
 poſſe intueri inſulſe negabant: unde illos irridendos non immerito declarat
 Sanctus Doct̃or. cum igitur nullum in Scripturis canonicis ſufficiens reperia-
 tur teſtimonium, ut affirmari poſſit vel negari, utrum tanta futura ſit in
 corpore ſpirituali & glorioſo poſt reſurrectionem mutatio, ut per illius ocu-
 los Dei ſubſtantia videri queat, de eo quod futurum eſt dubitans Auguſti-
 nus, firmiter ac conſtanter perſeverat in ſua ſententia, juxta quam per cor-
 poris iſtius oculos numquam Deus eſt videndus, neque etiam a Beatis in cæ-
 lo poſt reſurrectionem, qui per oculum mentis interiorem divinitatem illos
 beatificantes ſunt viſuri, dicente Chriſto, *Beati mundo corde, quoniam ipſi
 Deum videbunt.*

Ad id quod addunt dicentes ſanctum Doct̃orem fortius propendentem in
 ſententiam negantem per corporis oculos fore videndum. oppoſitam nihilo-
 minus non omnimode falſam judicaſſe, unde illum de utraque æqualiter du-
 bitaſſe colligunt, non eſt quod respondeamus. res enim pro Auguſtino cla-
 mat. poſſibile ex illo non eſt Deum videri iſtius corporis oculis, idque
 multiplici oſtendit argumento: falſa ergo ex illo prorſus eſt opinio tenens
 Deum ſic poſſe videri; & illos mente claudicare libenter dicerem, qui Au-
 guſtinum legentes illum minima etiam ex parte dubitantem agnoſcunt.

QUÆSTIO TERTIA.

Utrum poſſit Deus ab homine intuitive videri.

DE intuitiva Dei viſione per quam Deus non in alio & per aliud, nempe
 per effectus ut in abſtractiva, ſed immediate ac in ſeipſo cogno-
 ſcitur, quæve in cæleſti patria nobis repromiſſa eſt, de qua loquens Apoſto-
 lus & Evangeliſta Joannes Epist. 1. cap. 3. ait, *Scimus enim quoniam cum ap-
 paruerit, ſimiles ei erimus, quoniam videbimus eum ſicuti eſt*, tractaturi, duo
 habemus inquirenda, utrum ſcilicet viribus naturæ ab intellectu creato poſſit
 Deus intuitive videri; & utrum ſaltem per gratiam poſſibilis ſit homini in-
 intuitiva Dei viſio. utrum autem demonſtrari ratione valeat hujuscemodi vi-
 ſionis poſſibilitas nec ne, inquirent, qui voluerint. Deum a Beatis in cælo
 intuitive videri, per fidem, ut videbimus; edoſti, quid opus habemus per-
 pendere an illud rationi ſibi ipſi reliquæ poſſibile videatur?

Quod excogitaverant prioribus Eccleſiæ ſæculis inſanientes Anomæ de na-
 turæ ſum viribus ita præſumendo, ut notiſſimam quam ſe habere de Deo ja-
 ctabant, illi quam Deus de ſe ipſo habet æqualem dicerent, ut ex Epipha-
 nio,

nio, Basilio, utroque Gregorio, & aliis habemus, id sæculo quarto decimo audacter non minus quam stolidè sibi arrogavere Beguardi & Beguinæ, existimantes animam non indigere lumine gloriæ quo elevetur ad Deum videndum eoque beate fruendum. illorum vesaniam inter infimæ plebis homines indoctos atque mulierculas grassantem repressit Concilium Viennense sub Clemente quinto, ac eorum damnavit errores. in oppositum errorem impingere illi de quibus refert Sanctus Papa Gregorius lib. 18. moral. quod velent in claritate sua Deum conspici, sed in sua natura non videri. illis adhæsisse Armenos, Græcos saltem veteres, Palamitas, historia, quibus nituntur Theologi, permultæ testantur; ipsisque aliquando consensisse Petrum Abailardum colligitur ex Sancto Bernardo. contra hos omnes quid sit tenendum declarabit sequens.

ASSERTIO UNICA.

Quæ creato intellectui naturæ viribus possibilis non est intuitiva Dei visio, supernaturalis gratiæ adjutorio fit homini iusto possibilis; Et revera Beatos omnes in celo per æterna sæcula hoc esse fruitorios juxta catholica fidei principia ab omnibus est credendum.

Naturæ vires superare intuitivam Dei visionem, ac creaturæ intellectualis sibi ipsi reliquæ captum excedere quod frui queat supernaturali illa beatitudinè colligitur ex sacris Scripturis. Sic Isai. cap. 64. dicitur: *oculus non vidit Deus, absque te, quæ præparasti expectantibus te.* quibus verbis addens Apostolus Epist. 1. ad corint. cap. 2. ait, *quod oculus non vidit, nec auris audiuit, nec in cor hominis ascendit, quæ præparavit Deus iis, qui diligunt illum.* Nonne idem significant ea quæ habet Epist. 1. ad Tim. cap. 6. dum de Deo loquens dicit, *quod lucem habitat inaccessibilem, quem nullus hominum vidit, sed nec videre potest.* Cum igitur, ut mox ostendemus, intuitiva Dei visio homini fiat possibilis per supernaturale gratiæ adjutorium, evidens est de possibilitate naturæ verba Apostoli esse intelligenda. unde dicit idem Apostolus Epist. ad Rom. cap. 6. *gratia autem Dei, vita æterna, quæ in possessione Dei per intuitivam ipsius visionem consistit, juxta hæc Christi verba Joan. cap. 17. Hæc est autem vita æterna, ut cognoscant te solum Deum verum, & quem misisti Jesum Christum.* Nobisque consentiunt unanimiter Sancti Patres. *Meus nostra ipsum per se Deum, sicut est, non potest intueri,* ait Origenes lib. 1. de principiis cap. 1. *in potestate nostra non est eum videre, sed in potestate illius est apparere,* inquit Ambrosius in Lucam cap. 1. *sicut non est a carne sed super carnem quod carnem facit vivere, sic non est ab homine sed super hominem quod hominem facit beate vivere.* Scribit Augustinus lib. 19. de Civit. cap. 25. quibus addi potest Concilium Viennense sub Clemente V. damnans, ut jam diximus Beguardos & Beguinas, quorum error in hæreticis priorum sæculorum jam fuerat proscriptus.

Nec desunt ad assertionis confirmationem theologicæ rationes. etenim fa-

F f

cultas

cultas naturalis in suo naturali ordine constituta sibi que reliqua non potest opera supernaturalia elicere, cum ergo Deum intuitive videre sit aliquid supernaturale, ut nullus negare potest, quomodo mens humana absque auxilio supernaturali hunc actum posset exercere? præterea, si fidei, spei charitatis, aliarumve virtutum actus qui sunt dumtaxat media ad visionem intuitivam Dei conducentia, elicere non valet homo absque supernaturalis gratiæ auxilio, ut contra Pelagianos fuit definitum, finem a fortiori non poterit consequi illius gratiæ adiutorio destitutus.

Insuper non posset homo naturæ viribus Deum videre nisi in quantum ipse sibi esset illius visionis. non valet autem intellectus humanus sibi esse causam beatificæ visionis nisi in se habeat objectum cognitum, vel aliud in quo eminentius contineatur: oportet enim quod intellectui cognoscenti aut videnti intime uniatur objectum cognitum vel visum. sublata siquidem intra hac unionem, quæ præsentiam objecti necessario requirit, nec cognitio aut visio intuitiva esse potest cum ergo non sit in potestate intellectus creati quod sit illi præsentialiter unitum objectum istud Beatificum, idque habere nequeat nisi ex pura liberalitate Dei, cujus possessio per intuitivam sui visionem erit iustitiæ Beatorum merces & præmium, quæ merces, quodve præmium, etsi in ipsa Dei æquitate aliquo modo fundetur, erit nihilominus summa gratia beneficiumque vere gratuitum, ac ordinis totaliter supernaturalis, sibi ipsi non sufficit homo ad habendam cognitionem visivam naturæ divinæ, quæ ipsi per naturæ vires possibilis non est, ut optime docet Scotus in 4. dist. 49. quæst. 11. Unde alio in loco dicit, quod anima humana, (& idem dicendum censet de Angelo) ex perfectione sua naturali, etiam pro quocumque naturæ statu, non potest attingere notitiam Dei propriam & immediatam, ex eo quod Deus sub propria ratione divinitatis, creatio cuicumque intellectui præsens non est nisi ex gratuita liberalitate & propriæ voluntatis beneplacito.

Rationem hanc Doctoris subtilis recte satis rem exponentis, insufficientem ostendere volens Tournely insufficienti utitur argumento, dum existimat Scotum velle quod totum illud quod intellectui creato deest ut possit naturæ viribus Deum intuitive videre, se tenet ex parte objecti sese illi præsentialiter non exhibentis, non vero ex parte potentiæ, quæ ad visionem illam est expedita si ipsi intime præsentem se sisteret Deus. Neque enim ea est mens Doctoris subtilis, cum dicat naturam humanam non esse sufficienter activam ex puris naturalibus ad videndum Deum visione beata, id est intuitiva. elto quod non sit defectus virium in facultatem in quantum est facultas naturalis; sed deest aliquid ut vires suas exerceat, quod pariter non se tenet ex parte objecti, illud enim huic facultati præsens esse posset, & tamen ab illa non videretur, nisi interveniat illud tertium quod necessarium est absolute ut vires suas circa præsens objectum exercent intellectus creatus: quod tertium, est supernaturale gratiæ auxilium, seu lumen gloriæ elevans animam ad Deum videndum; eodem fere modo quo homo oculos sanos habens, ad præsentiam objecti cujusdam materialis, sed in cubiculo tenebroso constitutus objectum illud minime videre potest, non ex defectu virium in faculta-

te, non ex defectu objecti quod præsens supponitur. sed ex defectu auxilii absolute necessarii, luminis nempe, quo mediante vires suas exerceat circa objectum; quovæ deficiente facultas eîsi aliunde expedita, non est sufficienter activa ad illud videndum, quantumvis ipsi præsens esse possit. eo præcise tendit ratio Doctoris subtilis, quam si altius fuisset rimatus erudius ille Sorbonista, illam vere ad propositum, plenamque ac sufficientem agnovisset indiget ergo intellectus creatus ad Deum intuitivè videndum auxilio supernaturali, per quod illi possibile reddatur id ad quod naturæ vires sunt ex se ipsis insufficientes.

Verum quod per se ipsam non potest naturalis facultas, illud nihilominus exequitur supernaturalis gratiæ auxilio roborata, sitque per gratiam homini iusto possibilis visio Dei intuitiva: unde dicitur apud Isaïam cap. 33. *qui ambulat in iustitiis, & loquitur veritatem, qui projicit avaritiam ex calumnia iste in excessu habitabit Regem in decore suo videbunt oculi ejus, Deum scilicet* inquit Glossa, *in fulgore divinitatis, seu in ipsa deitate.* Psal. 35. dicit David, *apud te est fons vitæ, & in lumine tuo videbimus lumen.* Quibus accedunt ea omnia Sacræ Scripturæ loca quæ in præcedentibus retulimus, ut sunt ea verba Christi Math. cap. 5. *Beati mundo corde quoniam ipsi Deum videbunt.* & cap. 18. *Angeli eorum semper vident faciem Patris mei qui in Cælis est.* Joan. 14. *qui diligit me, diligitur a Patre meo, & ego diligam eum, & manifestabo ei me ipsum.* 1. Corinth. cap. 13. *videmus nunc per speculum & in enigmate, tunc autem facie ad faciem.* 1. Epist. Joan. cap. 3. *cum apparuerit similes ei erimus, quoniam videbimus eum sicuti est.* quæ omnia Scripturæ verba & alia multa ipsi similia semper intellexere Patres & concilia de intuitiva Dei visione, quæ in æterna beatitudine animabus iustis in mercedem & virtutis præmium promittitur. quæ cum ita sint ut omnibus notum est, pauca ex illis afferemus.

Perpicuum est nullum unquam vitæ suæ tempore posse clare Deum comprehendere; qui autem sunt mundi corde Deum videbunt postquam extremam perfectionem attigerint, inquit S. Clemens Alex. lib. 5. Stromatum, in hæc verba, *nemo videt faciem meam & viros.* de Beatis loquens S. Gregorius Nazian. orat. 20. in Sanctum Basilium, ait, *Sanctam ac Beatam Trinitatem vident purius & perfectius.* S. Augustinus in hæc verba Psalmi 83. *ibunt de virtute in virtutem, videbitur Deus deorum in Sion* Sic loquitur, ergo ab his virtutibus hujus actionis ibimus in virtutem illius contemplationis, qua contemplerur Deum sicut scriptum est, *mane assilabo tibi & contemplabor finita omni necessitate mortalitatis sicuti est Deus apud Deum, verbum apud Patrem per quod facta sunt omnia, apparebit mundis corde, &c.* iis Augustini verbis addantur ea omnia quæ ex ipso questione præcedenti retulimus testimonia, quæve pro visionis intuitivæ possibilitate eo validius probant quo pro illius existentia fortius loquuntur.

S. Bernardus Serin. 4. in festo omnium Sanctorum, circa medium sic loquitur. *Tripliciter enim fratres, in æterna illa & perfecta Beatitudine fruamur Deo, videntes eum in omnibus creaturis, habentes eum in nobis ipsis, & quod his*

omnibus ineffabiliter jucundius sit atque beatius, ipsam quoque cognoscentes in semetipsa Trinitatem, & gloriam illam sine ullo anigmate mundo cordis oculo contemplantes. in hoc enim erit vita aeterna & perfecta, ut cognoscamus Patrem & Filium cum Sancto Spiritu, & videamus Deum sicuti est; id est non modo sicut inest, nobis videlicet aut ceteris creaturis, sed sicuti est in semetipso.

Sanctorum Patrum testimoniis accedit conciliorum auctoritas possibilitatem intuitivæ Dei visionis ejusque existentiam definientium. Sic Patres Concilii Francfordiensis in Epistola ad præfules Hispanos loquuntur; *prædicamus Christum verum Deum, ut ad ejus beatificam visionem pervenire mereamur, in qua est aeterna beatitudo.* Sic Concilium Viennense, Concilium Florentinum in decreto unionis declarat animas justorum corporibus exutas clare intueri ipsam Deum Trinum & unum sicuti est. quod iisdem fere verbis in extravaganti Benedictus Deus dixerat Benedictus XII. & revera possibilis esse debet cum auxilio supernaturali illa visio quam hominem in æternum beatum in cælis est redditura; alioquin frustra in illa reponeretur suprema Beatitudo, hæcque in vanum nobis sæpe sapias a Deo promitteretur. aliunde cur possibilis non esset intuitiva Dei visio quæ ex nulla parte repugnat? Deus vere est in se cognoscibilis: intellectus creatus sufficienti lumine gloriæ adjutus attingere potest quicquid est cognoscibile in ordine supernaturali, sicuti quodcumque cognoscibile ordinis naturalis valet attingere naturæ viribus; eadem enim est, proportionem servata, pro utroque ratio. unde jure asseritur visionem Dei intuitivam, quæ vires naturæ superat, homini justo fieri possibilem cum gratiæ adjutorio. cum autem additur Beatos omnes per æterna sæcula Deum intuitive esse visuros, idque ab omnibus ut indubitatum esse tenendum juxta catholicæ fidei principia, quam verum sit inferius ostendemus.

SOLUTIO OBJECTIONUM.

1. **O**bjectio. Deus in Scripturis Sanctis invisibili prædicatur, lucemque habitans inaccessibleem: a nemine umquam visus, imo nec possibilis videri. quomodo ergo hæc Sacrorum librorum momenta conciliari valent cum possibilitate futuræ illius intuitivæ visionis, ad quam non magis accedit intellectus creatus cum supernaturali auxilio quam solis naturæ viribus: absolute enim loquitur Scriptura. unde vel impossibilis est dicenda visio Dei intuitiva cum adjutorio quocumque, vel ut possibilis ex puris naturæ viribus est habenda.

Resp. Etsi cuncta Scripturæ loca quæ specie tenus intuitivæ visionis possibilitati, aut etiam existentie, de qua infra, adversantur, facillime possint cum ea ex iis quæ jam diximus conciliari, quomodo illa sint intelligenda, hic in globo & breviter ostendemus, ut quibuslibet objectionibus quæ fieri possent occurramus. vel Deus dicitur invisibilis simpliciter, lucem habitans inaccessibleem, & tunc id juxta litteram verum est, si de oculo corporeo quæstio moveatur. si de visione per intellectum, id pariter verum erit si de cognitione habenda ex viribus naturæ agatur. si autem supponatur mens crea-

creata gratia vel lumine gloriæ adjuta, id adhuc verum est si de visione comprehensiva intelligatur: si de intuitiva id non minus certum est, si de homine in vita præfenti & in via sermo habeatur. Neque enim oculo corporeo videndus est Deus, ut abunde satis ostendimus; nec ab intellectu creato cum solis naturæ viribus, aut etiam in præfenti sæculo cum auxilio supernaturali: nec etiam in patria modo comprehensivo, cum Deus solus semetipsum valeat comprehendere. vel dicitur quod Deum nemo vidit umquam, quod omnimode certum est de quibuslibet hominibus in hac vita degentibus: de illis vero jam in patria constitutis, non minus quam de Angelis, cunctisque spiritibus Beatis qui dicuntur ante thronum Dei assistere, id merito affirmatur relative ad comprehensivam hanc Dei cognitionem, juxta quam ad litteram sumi possunt hæc Christi verba Math. cap. *Nemo novit filium nisi Pater, neque Patrem quis novit nisi filius.* relative autem ad visionem intuitivam id verum non est: hac enim frui Angelos, omnesque justorum animas quæ corporibus exutæ beatissimis illis spiritibus sociantur in cælis, docet catholica fides ut mox disputabimus. quoquo modo sumantur diversa Scripturæ verba, juxta datam expositionem sunt respective intelligenda, & a Sanctis Patribus sic accipiuntur. Nec Angelos hæc visione carere sequitur ex his verbis Petri Apostolorum principis, dum de Deo loquens Epist. 1. cap. 1. dicit, *in quem desiderant Angeli prospicere.* quæ verba licet litteraliter sumantur, & juxta vulgatam a multis exemplaribus latinis, a græcis, & syriaca versione discrepantem, intuitivam visionem non excludunt, sed illam supponendo significant Sanctos qui Deum beate possident novo semper amoris pondere in ipsum ferri, ita ut semper Deo pleni, a cujus possessione se nusquam esse defecturos certissime sciunt, ut diximus in tractatu de actibus humanis ubi de Beatitudine, semper sint avidi, novoque quolibet instanti, desiderio ardeant. unde eleganter de illis dicit S. Gregorius Magnus lib. 18. moral. cap. 18. *Ne in desiderio sit anxietas, desiderantes satiantur: ne autem sit in satietate fastidium, satiati desiderant. & desiderant igitur sine labore; nam desiderium satietas comitatur; & satiantur sine fastidio, quia ipsa satietas ex desiderio semper accenditur.*

Frustra itaque fingitur Sacræ Scripturæ contraria hæc quam defendimus visiois Dei intuitivæ possibilitas intellectui creato ex ipsius Dei illum ad supernaturalem hunc actum elevantis auxilio, quin potius, cum testimoniis ex ea relatis & referendis, quantumvis absoluta supponantur, omnimode concordat. & nulla est illatio; impossibilis est visio intuitiva Dei creaturæ intellectuali solis naturæ viribus, ergo pariter ipsi est impossibilis ex Dei beneplacito illam ad hunc effectum sufficienter elevantis. quam vana & inconsequens sit hujusmodi argumentatio quis non videt? bimembrem assertionem ex Sacris Scripturis probavimus, ex quibus certo constat Deum per corporis oculum nunquam fore videndum: nec intuitive fore cognoscendum per creaturam intellectualem ex puris naturæ viribus, neque a quocumque homine cum quocumque supernaturali adjutorio donec ex hac mortali vita decesserit; bene vero a quolibet justo hac vita functo sicut & a Beatis spiritibus mediant.

diant lumine gloriæ, non tamen ab ullo cuiuscumque sit meriti aut excellentiæ, Deum fore umquam comprehensive cognoscendum. Hæc quinque capita, quæ sunt veluti summa eorum omnium quæ circa Dei visionem aut jam diximus aut dicenda habemus, in Sacris Scripturis juxta Sanctorum Patrum expositionem fundata fatebitur quisquis eas diligenti studio perlustraverit.

2. *Obiectio.* Multos inter Sanctos Ecclesiæ Doctores reperire est, præsertim apud græcos qui, si scripta illorum accurate discutiantur, docuisse videntur intuitivam Dei visionem nemini fuisse concessam, nec fore concedendam: imo nonnulli eam non esse possibilem sentiunt. si autem visionis istius possibilitas ex Scripturis Sacris, quarum lectioni sedulo vacabant, legitime colligeretur, viros illos nominatos quos Ecclesiæ suæ dedit Deus ad populorum instructionem hæc non latuisset. unde cum hæc mundi Christiani lumina huic intuitivæ Dei visioni minime faveant, eam impossibilem reputare nihil vetat.

Resp. Etsi plures e Sanctis Patribus, præcipue inter eos qui ante quartum Ecclesiæ sæculum floruerunt, de visione Dei intuitiva tacuissent, aut exacte minus, de ea fuissent locuti, nihil adversus assertionem inde concluderetur. quid mirum enim si nemo inter Christianos de illa sinistre loquente, vel etiam adhuc fortasse cogitante, omnibusque per illam Dei fruitionem Beatos vera ac perpetua felicitate in cælesti patria gaudere credentibus, illi Sancti Dei homines nullum de ea sermonem fecissent, vel paulo negligentius dixissent? Hæreticis illam impugnaturis aut in malam partem detorturis nondum exortis, secutius loquebantur, & quomodo in Ecclesia credebatur, ita se intelligi arbitrabantur, ut in non dissimili casu dixit Augustinus. verum res non sic se habuit Anomæis circa Dei visionem longius quam par erat progredientibus, atque in præsentī vltā de comprehensiva Dei visione gloriantibus, ut illorum vesaniam retunderent Sancti Doctores, illam visionem impossibilem intellectui creato asseruerunt. verbis Sacræ Scripturæ quæ intuitivam visionem qua iusti beantur significant, abutentibus his Hæreticis ea de comprehensiva interpretantibus, in partes oppositas, ut non raro in huiusmodi concertationibus evenit, specie tenus accedentes Patres, omnem quasi visionem Dei cognoscitivam e medio tollere visi sunt. Sed ita nihilominus prædenter se gessere, ut illos hæreticos acriter impugnando, verba quædam protulerint quibus mentem suam aperientes, quibuscumque legentibus & intelligentibus quæ narrabant, ostendunt se visionem dumtaxat comprehensivam intellectui creato denegare, nedum in vita præsentī, pro qua superbe certabant delirantes Anomæi, & quotquot illorum partes deinde amplexati sunt, sed etiam in sæculo futuro cum videbimus Deum facie ad faciem, ipsius intuitiva cognitione fruentes. idque adeo verum est, ut excludant cognitionem illam quæ propria est Deo, vel aliam quæ ipsi sit æqualis, eumque comprehendant, sic Athanasius, vel potius auctor questionum ad Anthonium, Basilius, Gregorius Nazianzenus, Gregorius Nyssenus, Cyrillus Hierosolymitanus alique, negantes concedi ulli creaturæ plepam notitiam quæ-

ioh-

infinitam naturam Dei capiat & complectatur . unde omnes Sancti Patres tam græci quam latini , si quid in eorum scriptis occurreret difficultatis , eodem modo sunt intelligendi quo jam diximus verba Sacræ Scripturæ esse intelligenda , cujus loquendi morem ac sensum ipsi sunt assecuti . illos autem visionem Dei intuitivam juxta scripturarum sensum animabus justis unanimiter concedere ostendemus suo loco , ex quibus gratis contra præsentem assertionem nobis opponi fiet manifestum .

3. *Objeçtio.* Sententia juxta quam intellectui creato possibilis est cum supernaturali adjutorio intuitiva Dei visio multa supponere videtur quæ vera non sunt . supponit enim quod esse possit intellectum creatum inter & Deum quædam proportio : quis vero dicet ullam esse proportionem inter objectum infinitum ut est Deus , & facultatem finitam ut est mens creata ? supponit pariter mentem creatam actum supernaturalem elicere posse , cum objectum supernaturale ut Deus nequeat videri nisi modo vel actu supernaturali qui est contra naturam facultatis finitiæ , quæ operari non potest nisi secundum modum vel ordinem ipsi connaturalem . præterea dato quod Deus attingi possit per facultatem finitam non magis repugnat illum attingi a creatura per cognitionem comprehensivam quam per intuitivam . impossibilis autem est cuicumque creaturæ , quantelibet sit excellentiæ vel sagacitatis , cognitio hæc comprehensiva frustra ergo intellectui creato cum auxilio supernaturali asseritur possibilis visio Dei intuitiva , quæ ipsi ex solis naturæ viribus impossibilis supponitur , eadem enim esse debet pro utroque ratio .

Resp. Huic argumento quod habent fere omnes Theologi vix est quod respondeamus , cum nihil sit in eo difficultatis , sitque potius cavillatio contemptibilis quam vera argumentatio . si enim semel statuatur quid per illam proportionem quam desiderat inter Deum & intellectum creatum ut ab isto ille possit intuitive videri , sit intelligendum , nihil habet præter verba . ut ab intellectu creato Deus cognosci queat ut est in se , juxta mensuram donationis Dei & capacitatem facultatis creatæ , satis est quod Deus ut cognoscibilis , attingi possit a creatura ut cognoscitiva est ; siquidem est vera relatio , certiusque ordo inter objectum cognitum & facultatem cognoscentem , modo objectum cognoscibile non sit extra spheram potentie quæ in illud fertur , hæcque habeat omnia prærequisita ad objectum illud attingendum . si proportionis nomine in præsentis hypothese intelligatur relatio illa quæ reperitur inter Deum intuitive visum & mentem creatam illum intuitive attingentem , quis dubitaret esse veram inter utrumque proportionem ? Deus est vere in se cognoscibilis , licet talis non sit secundum id omne quod in se est nisi respectu sui ipsius : intellectus creatus est cognoscitivus , & vis ipsius se extendit ad id omne quod est cognoscibile . verum est quod Deus utpote infinitus & incomprehensibilis , superat captum cujuscumque facultatis creatæ ; & inde est quod assertum sit , creaturæ cum solis naturæ viribus possibilem non esse intuitivam Dei visionem . sed Deo creaturæ infirmitatem adjuvante , illamque mediante lumine gloriæ ad statum supernaturalis lem

tur assertio ostendendum esset intellectum creatum etiam cum supernaturali adjutorio non posse ita elevari ut operari supernaturaliter possit, idque ipsius naturæ repugnare: id autem nemo cogitabit: neque enim per tale auxilium mutatur essentia facultatis naturalis; perfectionem quæ ipsi non est connaturalis, ex Dei gratia dumtaxat acquirit: & in hoc nulla est repugnantia. parum urget quod tandem addunt dicentes quod si Deus attingi possit per facultatem finitam, non magis repugnat cognitio comprehensiva quam intuitiva, & ex impossibilitate cognitionis seu visionis comprehensivæ inferendam censent impossibilitatem visionis intuitivæ. nullam esse paritatem primæ fronte unusquisque advertit: objectum infinitum attingi potest modo finito. non potest vero comprehendere nisi per facultatem infinitam, ex eo quod facultas quæcumque objectum aliquod comprehendens debeat illud æquare aut superare. at ita non est de cognitione intuitiva quæ objectum totaliter & juxta omnem ipsius modum non attingit, nec ei adæquatur. unde salum est eandem esse rationem utriusque, & ex impossibilitate visionis comprehensivæ cuilibet creaturæ sequi quod impossibilis sit intuitiva visio creaturæ per auxilium supernaturale, quæ ipsi possibilis non est ex naturali ejus virtute.

Quod si opponatur Deum ideo ab intellectu creato posse cum auxilio supernaturali intuitive videri quia Deus videndus continetur intra fines objecti intellectus illius, cum intelligibile quodcumque sit mentis objectum: sique cum auxilium supernaturale mentis essentiam non muet sed ipsius capacitatem vel activitatem solummodo perficiat, Deum videndum non minus esse intra fines objecti mentis creatæ etiam si auxilio supernaturali careat, unde possibilis pariter esse debet intuitiva illa visio intellectui creato cum sola naturali ipsius virtute: dicemus veram non esse hanc illusionem. disparitatis autem ratio hæc est, quod etsi Deus ut cognoscibilis contineatur intra amplitudinem objecti intellectus qui naturaliter fertur in quodlibet intelligibile, deficiente auxilio supernaturali intellectus non habet omnia prærequisita ad objectum solum attingendum, ut jam supra dictum est. Deus cum sit objectum supernaturale duplici modo potest cognosci, abstractivè scilicet & intuitive; juxta hunc duplicem modum in Deum mens ferri potest, naturaliter & supernaturaliter. naturalis modus respondet cognitioni abstractivæ, quæ est ex aliena specie, intellectus ex opetum Dei contemplatione ad ipsum Deum assurgente: supernaturalis vero respondet cognitioni intuitivæ qua Deus ut in se est, plene cognoscitur. quo posito discrimen quod intercedit inter utrumque intellectum repetitur ex prærequisitis ad illud cognoscibile attingendum, quibus unus caret, aliter vero ditelcti, & ratione quorum objectum superat capum unius & non alterius, licet intra fines objecti utriusque mentis illud nihilominus remaneat. sicuti in rebus physicis & naturalibus, pro ut stare potest in præsentis casu comparatio, ex duobus hominibus in eadem distantia respectu alicujus objecti constitutis, sed diversæ existentibus staturæ, unus objectum illud perspicit, quod, etsi oculo sano, minime attinget alter qui inferioris est altitudinis, cui deest aliquid ex prære-

quisitis ut illud cerare valeat, cum omnia habeat prærequisita ille a quo statuta vincitur.

QUESTIO QUARTA.

Quanam fuerit mens Sancti Joannis Chrysostomi & Theodoretii circa possibilitatem visionis Dei intuitivæ, quare de illa utriusque doctrina.

NONnullos a Sanctis patribus tum græcis tum latinis, quorum verba vel auriore vel difficiliore in quibusdam locis, in binam partem interpretantur omnes Theologi, de possibilitate intuitivæ visionis non catholice satis fuisse locutos censuit Vasquez sinitre de illis judicans, Anomæos ex opposito, de quorum errore hac in parte apud omnes constat, exulare tentans. Joannem Chrysostomum, cui adjungit Theodoretum, Basilium, Alexandrinum Hierosolymitanumque Cyrillum, Gregorium Nyssenum; Hieronymum, Primalium & Isidorum: vult docuisse, ne cum Anomæis sentiret qui se propria virtute Deum comprehendere jactitabant, ab Angelis vel hominibus non posse Deum intuitive videri, quo præcipiti falsoque judicio, ut mitius agam, illud voluerit Vasquez haud facile intelligitur, quis ipsum non irideat dicentem in 1. part. S. Thomæ disp. 36. cap. 4. dum de prælaudatis Sanctis Doctoribus loquitur, *Hos Patres, si sincere loqui velimus, vix possumus in bonum sensum interpretari: cum jam dixisset cap. 3. agens de Anomæis, quos non satis constas docuisse Deum a Beatis ita perfecte videri, ut ab eis comprehendatur. O virum inauditæ Charitatis plenum! qui delirantes hæreticos ab errore, cujus pluribus ab hinc sæculis a doctis quibuslibet arguuntur, liberare desiderans, clariore Ecclesiæ Doctores, a quibus impugnati devictique fuere, erroris oppositi, contra tot sæculorum fidem, nullo sufficienti fretus argumento, insimulare non veretur. absit a nobis ut patienter id feramus, & hominibus doctrina, virtute, religionis Zelo clarissimis hæc nota injuste adeo inuratur. verum cum omnium illorum sigillatim causam agere per tempus non liceat, & aliunde ipsos pro existentia visionis intuitivæ pugnantes simus audiri, de Sancto Chrysostomo ejusque discipulo Theodoretio Cyrano Episcopo, quos præ aliis accusat, questionem movebimus: ut sufficienter explicata utriusque sententia omnibus innotescat quam parvi faciendum sit in hac parte judicium illius Theologi, qui licet inter celebriores annumerandus, a veri tramite aliquando deflectit.*

ASSERTIO PRIMA.

Intellectui creato cum supernaturali auxilio possibilem esse visionem Dei intuitivam constanter tenuisse Joannem Chrysostomum nemini negare licitum est.

Multiplici argumento ad fundandam præsentis assertionis veritatem opus non est. Sanctum Doctorem nobis quisque audivit nobis non consentire non poterit. quid enim aliud quam intuitivam Dei visionem significavit hæc ipsius verba in oratione de Beato Philogonio? etenim ubi dixisset (Paulus) ad innumerabilem Angelorum frequentiam, subiecit, & ad iudicem universorum Deum: quis unquam vidit in panegirum procedentem Regem? Hic quidem nemo vidit, illic autem qui adsunt perpetuo vident, quatenus illum videre licet, non solum præsentem, verum etiam suæ gloriæ splendore condecorantem universum cætum. equis bona fide ductus in diversum sensum poterit detorquere ea quæ scribit præsul Constantinopolitanus in parænesi priori ad Theodorum lapsulum, seu Epistola quinta, ubi de Transfiguratione Domini super montem Thabor agens in hæc verba principis Apostolorum Bonum est nos hic esse, ita loquitur. audi quid Petrus dicit, bonum est nos hic esse. si Petrus qui vidit æscuram quandam imaginem futurorum, omnia continuo rejecit ab animo propter voluntatem inditam animæ a tali aspectu, quid dicemus quando rerum veritas aderit, quando regis cubiculis adaperitis intueri licebit ipsum regem, non per angustia nec per speculum, sed facie ad faciem, non amplius, inquam, per fidem, sed per speciem? quid adhuc desiderandum superest ut astruatur visio Dei intuitiva? audiatur iterum Sanctus Doctor, tum hom. 3. in epist. ad Philipp. dicens, iusti vero sive hic, sive in futuro sæculo fuerint, cum rege sunt: illic tamen magis & propius, non per accessum ac fidem, sed facie ad faciem. Tum homil. 34. in epist. 1. ad corint. sic exponens hæc Apostoli verba, tunc cognoscam sicut & cognitus sum: tunc ipsum apprehendemus & sciemus multa ex iis quæ nunc sunt arcana, & beatissima illa fruemur consuetudine & sapientia. si enim qui tam multa novit Paulus, est infans & parvulus, cogita quanta sint illa. si hæc sunt speculum & anigma, hinc mihi rursus considera quanta sit facies. Tum in fol. 41. ad hæc Davidis verba, quando veniam & apparebo ante faciem Dei, sic exclamans: vide ardentem & inflammatum hominem. sciens enim, quia cum hinc recesseris, Deum esse visurus, ne dilationem quidem expectat. ubi erat Vasquez quando hæc cuncta legebat? quæ si non legerit, ut quid de ignotis iudicium ferre præsumit? sed fortasse quæ ex Chrysostomo posunt opponi alius loquuntur adversus visionem intuitivam iis quæ laudata sunt: audiamus ergo.

Opponunt etiam Sanctum Doctorem homil. 1. de incomprehensibili Dei natura docentem, nullam esse creaturam quæ Deum noverit. quibus similia sunt ea quæ habet hom. 3. affirmans quod nulla sit creatura quæ Deumcernere valeat. unde demonstrat hom. 4. nec principatus nec potestates ne-

visse Dei substantiam. quod pariter dicit hom. 14. in cap. 1. Evang. Joan. scribens nec Angelos, nec Archangelos nec Cherubim; nec Seraphim, nec Virtutes, nec Prophetas vidisse quod est Deus. sicine, inquit, locutus fuisset si possibilem intellectui creato existimasset intuitivam hanc Dei visionem?

Resp. quam parum Chrysostomi mentem fuerint affectui qui talia opponunt vel ipsi etiam facile intelligerent quos in hac parte habemus adversarios, si ipsius scripta sapius aut accuratius perulstrantes, videre & comprehendere apud ipsum duo fere semper esse tyron ma idem proinde significancia advertissent: quod si attento animo, ut æquitatis erat, considerassent, erroris notam Sancto Doctore pro veritate adversus hæreticos valide decertanti, non leviter adeo objecissent, quin potius, ipsum Anomæorum de comprehensiva Dei cognitione superbientium deliria nervose resellentem. in-
tuentes, victoriam ipsi fuissent gratulati. Hos autem eo magis esse culpandos Sanctum Doctorem causæ catholicæ imprudenter eripientes, quo se hallucinari circa illius sententiam poterant facilius deprehendere, levi negotio ostendemus, hunc homiliis illis quæ opponuntur iis omnibus quorum fir-
mentio, visionem comprehensivam duntaxat, minime vero intuitivam de-
negare, invictæ manifestantes.

Ac primo quidem homilia 1. Deum incomprehensibilem prædicans omni creaturæ a qua exinde removet plenam & perfectam Dei cognitionem seu visionem, Anomæis adversus quos scribit, exprobrat contemptum esse in hominibus in hac vita degentibus quod velint plenè cognoscere quod sic agnos-
cere nec Angelis datum est. unde hæc loquitur. "Angeli glorificant, ho-
norant, colunt, observant, adorant homines, parvi faciunt, petulantur
scrutantur, temere plusquam capere possunt, conantur capere. illi com-
mendant & laudant, hi disceptant, & plus sibi arrogant, quam valeant
intelligere. illi oculos integunt & venerantur; hi contendunt impudentè
inspicere, atque intueri ineffabilem gloriam. quem non hominum eorum
miseretur? quis non lugeat cum adeo errantes, insanientesque videat?..
Nunc vero quoniam Dei immortalis gratia ipsi me adhortentur & cogant
adire hunc pulverem, subeo jam pro incomprehensibili Deo certamen &
arma suscipio. pugnabat ergo eo loci Constantinopolitanus Joannes pro
incomprehensibili Dei natura adversus insanientes hæreticos qui illam co-
gnitione comprehensiva inspicere petulanter contendebant. nulla expositione
opus est auditis Sancti Doctoris verbis. eandem esse ipsius mentem, illum-
que nihil aliud velle quam audaciam retundere eorum qui dicebant se vere
nosse Dei substantiam 20. declarant ea quæ habet homilia 3. "invocemus
itaque, inquit, ipsum ineffabilem, invisibilem, incomprehensibilem, inin-
telligibilem Deum, qui omnem linguæ humanæ superat facultatem, qui
omnes mortalis intelligentiæ vires excedit: quem neque Angeli investiga-
re, non Archangeli indagare, non virtutes, non denique aliqua creatura
cernere valet; sed Filius duntaxat cognoscit & Spiritus... sed licet An-
gelis sit accessibilis, quid hoc ad te hominem qui examinas & contendis,

" & com.

„ & comprehensibilem esse naturæ humanæ divinam illam substantiam judicas? verum ut non hominibus solum, sed etiam virtutibus Superis incomprehensibilem esse intelligas, audi quid Isaias dicat... *vidi Dominum sedentem... Seraphim stabant circa eum... sex ala uni, & sex ala alteri: duabus velabant facies suas...* dic quæso, quamobrem alas prætendunt?... quid aliud dixeris easulæ, ... quam quod splendorem procurantem e solio illo & fulgur proficiens ferre nequeant? „ multis deinde interpositis quæ aperte ostendunt Chrysostomum ad confutandos Anomæos perpetuo loqui quibus probare intendit nulli creaturæ etiam Angelicæ possibilem esse quoquo modo intelligatur, comprehensivam cognitionem Dei qui sibi ipsi soli comprehensibilis est, ne in sensum oppositum valeant detorqueri quæ dixerat, sic concludit; „ quod si virtutes tam explicitæ scientiæ compotes ne condescensum quidem Dei valeant tolerare: quantæ sit amentitiæ facinus, quæso, homines in quibus particularis quædam inest scientia, Paulo auctore, qui ex parie cognoscimus. inquit, & per speculum & ænigma; ea sibi perspicua explorataque haberi putare, quæ ne illis quidem virtutibus patere liceat „ statueram quidem non modo Cherubim ac Seraphim, verum etiam principatibus, potestatibus, & omni virtuti creatæ Deum esse incomprehensibilem explicare: sed animum fessum jam sentio vestrum, &c. “

At suo proposito minime recedens Sanctus Doctor, non ambigue mentem suam 3. aperit homilia 4. sic loquens. „ ad debium illud solvendum veniamus, hoc est ad demonstrandum nec principatus, nec potestates novisses Dei substantiam... quid ais Joannes? *Deum nullum unquam vidi?* ergo minime Prophetis credemus qui sese vidisse inquit. Isaias enim, *vidi Dominum*, inquit, ... Michæas, *vidi Dominum Deum Israel*. „ alius rursus Propheta, (Amos) *vidi Dominum stantem super altare...* Denique multa hujusmodi testimonia possunt colligi. quæ cum ita sint, „ quamobrem Joannes negat quemquam ita esse qui Deum viderit? Nul- lum vidisse Deum Joannes inquit, ut exquisitam illam: comprehensionem & exactam cognitionem in nullo contigisse intelligas, quapropter quoties Deum nullum unquam vidisse audis, illud intellige, nullum esse qui Deum noverit, qui Deum cognoverit, qui Dei substantiam exquisita ratione perceperit... sed jam Deum incomprehensibilem esse omnium creaturarum generi, late ex his quæ proposuimus patet. Restat ut a Filio & Spiritu Sancto dumtaxat exquisitissimum cognosci differamus. „ eodem tandem sensu loquuntur exponens illa eadem verba Joannis homilia 14. in cap. 1. Evangelii ipsius. laudatis his Christi verbis? *Angeli eorum semper vident faciem Patris mei qui in cælis est:* sic prosequitur; „ quid ergo faciem Deus habet & cælo circumferibitur? sed nemo ea agitur infania ut hæc dixeris. quænam ergo ea sententia, quæ & in illo loco Beati munda corde, quoniam ipsi Deum videbunt, cogitationem namque atque imaginationem quam pro virtutibus nostris de Deo capimus, eam visionem appellat... nemo, inquit, cognoscet Patrem nisi Filius. quid inquam, num omnes in ignorantia vivimus? absit, sed nemo ita cognoscit Patrem ut

„ Fi-

” si us. ut igitur multi, quisque pro capite suo ipsum viderent. substantiam
 ” autem nemo vidit: sic multi Deum cognoscimus, non tamen ipsam sub-
 ” stantiam qualis est, nisi solus unigenitus ejus, qui certam notionem,
 ” visumque & comprehensionem habet, qualem Filium de Patre habere
 ” par est.”

Audivit ne Vasquez loquentem Chrysostomum, cognitionemque Dei com-
 prehensivam quæ soli Deo competit. disertis verbis sapientius commemorantem,
 & illam ab alia visione, intuitiva nimirum, quæ Angelis & hominibus qui
 mundo sunt corde communis est, accurate distinguentem? ergone ipse
 audiendus dum, qua forte nescio, dicit falso a Theologis supponi hunc San-
 ctum Episcopum visionem dumtaxat comprehensivam creaturæ intellectuali
 denegandam voluisse, hancque locis laudatis contra Archæus totis viribus
 impugnasse? ut absurdum illud excogitaret qua motus fuerit ratione, vel quo
 nitatur fundamento commentitia ejus sententia, etiam ipsi dicenti vix fides
 adhibetur: quia probabile non est, inquit, ita desipuisse Anomæos ut crede-
 rent Deum ab intellectu creato posse comprehendere. probabilius ergo est de-
 sipuisse Chrysostomum adversus illas Dei incomprehensibilitatem ex professo
 defendentem quinque in illis hominibus dedita opera ad illud catholicæ fidei ca-
 put tuendum scriptis, & in quibus comprehensionis & incomprehensibilitatis
 voces continuo leguntur? probabilius ergo Epiphanium hæresi 76. Basilium
 epist. 168. Cyrillum Alexand. lib. 11. Theodori, Socratem lib. 4. Theodo-
 retum hæreticarum fabularum lib. 4. Hieronymum in cap. 11. Mathæi, plu-
 resque alios delirasse præfatum extremæ Anomæis tribuentes, hancque ad-
 versus illas fortiter impugnantes? probabilius ergo venerandam antiquitatem,
 cui duodecim ab hinc sæculis omnes veteres ac moderni rerum ecclesiastica-
 rum & Theologicarum tractatores accessere, similiter desipuisse, huicque dum-
 taxat recenti Theologo Anomæorum placita, sæculo proxime elapso inno-
 tuisse? Non illud probabilius, sed prorsus improbabile; imo & narrare in-
 considerantissimæ temeritatis fuit. probabilius fortasse ipsum Sanctorum Pa-
 trum lectioni parcius vacasse. verum quidquid de illo sit ad Sancti Chrysosto-
 mi doctrinam redeamus.

Opponunt iterum, Chrysostomum ita diserte statuentem nedum propheta-
 tas, sed neque Angelos, nec Archangelos Deum videre, ut dicat quod si
 eos percontemur nihil ab iis de substantia Dei audiemus, sed tantum refe-
 rentes gloria in altissimis Deo, ut habet in cap. 1. Joan. hom. 14. si autem
 Deum Angeli viderent, aliquid de illo proferre posset. Hinc est quod hom. 3.
 de incomprehensibili Dei natura, dicat Seraphim sinceram Dei ipsam sub-
 stantiam non intueri, sed illud quod videbant, esse quamdam Dei se demis-
 sentis accommodationem, seu condescensum & indulgentiam. unde sequitur,
 inquit, ipsos Deum intuitive non videre: quod ita verum est ut propheta
 eandem demissionem Dei & accommodationem apiceret, quapropter eam-
 dem intuitiva Dei visio ipsi esset concedenda quæ Angelis concessa suppone-
 retur, cum de illis & propheta eadem scribat Sanctus Doctor. Cum ergo
 Deum in terris degens intuitive videre non potuerit propheta, etiam dicat vidi
 Domi-

Dominum, nec illum intuitive ab Angelis videri juxta Chrysostomi doctrinam est concedendum.

R/sp. Licet ex iis quæ jam retulimus facile intelligatur quo sensu loquatur Sanctus Episcopus semper sibi constans, ad pleniorē nihilominus difficultatis, si quædam superflui, solutionem, dicendum nihil contra visionem Dei intuitivam, qua in cælis gaudent animæ justorum, non secus quam Angeli, uniusque beatorum spirituum ordines, posse concludi ex eo quod de Deo interrogati nihil de illius substantia narrarent; ineffabilia enim sunt & inenarrabilia prorsus quæ vident electi in æterna beatitudine, Deo per intuitivam cognitionem fruētes; unde ad illa eloquenda impares sunt, sicut & nos mortales ad hæc audienda; non minus quam Moyses, quando, ipsum alloquente Domino, scire cupiebat quid esset, quodve nomen ejus ut Filius Israel nuntiaret, quique aliud scire non potuit præter id unum. Ego sum qui sum: quapropter gloria in altissimis Deo referre tantum valent, quem laudantes voce ineffabili alter ad alterum perpetuo clamant Sanctus, Sanctus, Sanctus, Dominus Deus Sabaoth. Nihil ergo quod plenam Dei cognitionem, quæ creatæ mentis superat capium, nobis conferat possumus audire ab Angelis, qui nec ipsi Deum perfecte cognoscunt, ut sæpius diximus cum Chrysostomo, qui incomprehensibilem Deum, ut par erat, affirmans, quamcumque comprehensivam notionem seu visionem illius ab omni intellectu creato removet; ut illa spiritibus cælestibus non concessa, argumentetur a fortiori contra Anomæos, qui stulte simul & impie gloriabantur in terris illa plena & perfecta Dei visione, qua nec in cælis donantur Angeli. ad scopum Sancti Doctoris semper est attendendum, nec minimum a proposito recedentis; & relative ad illud intelligenda sunt quæcumque scribit ordinem dicentia ad visibilitatem Dei vel ejus invisibilitatem respectu spirituum cælestium cunctarumque electorum in patria, qui Deum nusquam comprehensuri hunc intuitive vident. unde hom. 6. ex variis in Mathæum locis, exponens hæc Christi verba jam sæpius relata, *Beati mundo corde, quoniam ipsi Deum videbunt*; subiungit: *nihil enim ad videndum Deum tam necessarium est quam hæc virtus: quapropter & Paulus dicebat, pacem sectamini cum omnibus & Sanctificationem sine qua nemo videbit Deum.* quæ si conferantur cum aliis quæ ex illo allegavimus, nulli dubium esse potest Chrysostomum nusquam Beatis denegasse cognitionem Dei intuitivam, bene vero comprehensivam quibuscumque.

Nec aliquantulum urget quod inferre volunt adversarii ex illa homilia tertia quam opponunt. ex iis enim quæ in ea scribuntur id unum sequitur, nempe Angelos non videre Deum plene ut est in se, cum perfectam aut comprehensivam cognitionem vires eorum excedentem ferre non possint eas propter eorum capacitati se accommodat Deus, sicut sese accommodabat capacitati prophetarum, quibus quando volebat, & eo modo quo volebat, se manifestabat, pro ut ipsi super terram degentes ferre poterant. Hanc autem esse mentem Chrysostomi ostendunt hæc ipsius verba: „ quid nomen hoc con-

„is potest qui aspectum huiusmodi meruit, eatenus firmitate videntis suum
 „repræsentationem metitur ac temperat, condescendere illum tantisper di-
 „cimus, & ejusmodi rem condescensum nominamus & indulgentiam. con-
 „stat & illa condescensum fuisse verbis ipsius prophetæ, vidi Dominum, in-
 „quit, . . . Sed quanto illæ excretiores, puriores; sapientiores & perspi-
 „caces sunt natura humana, tanto perfectius norunt & melius.“ quibus
 „auditis siquet quam immerito velint eandem ex Chrysostomo demissionem
 Dei & accommodationem aspexisse prophetam in terris, quam Angeli intuen-
 tur in cælis, proindeque utrique eandem esse concedendam Dei visionem,
 quæ certe non est intuitiva, cum e contra dicat eam obscurius illis virutibus
 cœlestibus prophetam aspexisse, quod diversum videndi modum sufficienter
 significat: nisi supponeretur unicam esse in Deo pro omnibus demissionem
 vel accommodationem & in cunctis æqualem, ex qua oriretur æqualitas co-
 gnitionis, quod temere nimis diceretur, & a sententiâ Sancti Doctoris pro-
 fus est alienum.

Nec quemquam moveat quod de visione intuitiva loquens Chrysostomus
 nusquam dicat substantiam Dei videri, sed potius affirmet illam nec a cœle-
 stibus spiritibus nec a prophetis visam fuisse. sic enim ex industria se gessit, si-
 cut & alii Patres illius ævi, ut longius recederent ab Anomæis, quorum er-
 rorem convellebant, quique, hoc loquendi modo, hæreticis quos infestaban-
 tur, ne abutendi occasionem præberent, ab illo diligenter abstinere, veluti
 per visionem substantiæ Dei intellexissent dumtaxat cognitionem comprehen-
 sivam, ut Anomæis moriserat, illamque juxta hunc sensum usurpassè videtur
 Sanctus Chrysostomus, dum, ut adversarios urgeat, nec Angelos sinceram
 Dei substantiam, ex cujus visione plenam ac perfectam de Deo notionem,
 quæ ad illos non pertinet; habuissent, vidisse affirmat, præterquam quod si
 durius aliquid scripsisse, aut in dicendo modum excessisse videretur, (quod non
 concederem, existimans in rigore esse accipienda cuncta quæ locutus est ad-
 versus Anomæos Sanctus Doctor, modo ipsius principis stemus oratorio ejus
 stylo minime delusi,) id per loca faciliora, quæ innumera sunt, oportet
 interpretari. quo posito videre totum Deum, vel id quod Deus est, aut sin-
 ceram ejus substantiam, esse juxta Chrysostomum plenam ac perfectam de
 Deo habere cognitionem, illamque comprehendere haud difficulter intelligen-
 tur. & in hoc hallucinantes permulti, falso arbitantes a Beatissimæ visionis in-
 intuitiva fruuentibus videri totum Deum, id omne quod Deus est, totamque
 naturam divinam, cum juxta uniuscujusque capacitatem dumtaxat & pro me-
 rito suo, ac juxta mensuram donationis ipsius Dei, illum cognoscant & vi-
 deant, in exponendis Chrysostomi, & aliorum Patrum testimoniiis valde &
 frustra laborant, multum difficultatis & obscuritatis invenientes ubi maxima
 aliunde refulget simplicitas, ut in præsentî casu evenit. His sic observatis,
 absque ullo labore solventur quæcumque adhuc ex Chrysostomo possent op-
 poni. in quibuscumque patrum cum hæreticis concertationibus semper est at-
 tendendum ad respectiva utrorumque principia, juxta quæ utriusque par-
 tis argumenta semper sunt intelligenda: alioquin in rebus etiam levioris

momenti, (si quid hujusmodi reperire sit ubi de fide catholica agitur,) ob hæreticorum sophismata & cavillationes, interminabiles fierent controversiæ.

Hæc data verborum Chrysostomi præcedenti expositione, quam vere esse juxta illius mentem concedet quisquis ea quæ diximus attentò animo perpendit, non est quod opponantur hæc alia ex eadem homilia 14. in 1. cap. Joan. „ cum dixisset Paulus manifestatum esse in carne, (de Filio seu verbo loquitur,) subdidit, visum ab Angelis. ergo ex quo carnem induit, „ tunc visus est ab Angelis: antea vero non ita videbatur, cum ipsis quoque „ que invisibilis esset (Dei) substantia. “ ex quibus concludendum censent nonnulli illum de visione intuitiva esse intelligendum, cum neque ab incarnatione Verbi Deum videre comprehensive Angeli potuerint, cum contra, si a mente Sancti Doctoris totaliter non recederent, ipsis esset cum illo concludendum hinc manifestum fieri Angelos comprehensiva Dei cognitione non gaudere, quia priusquam Verbum caro factum est decretam fuisse in Sanctissimæ Trinitatis æterno Consilio Verbi incarnationem, cujus Mysterii Decretum sicut & alia divinitatis consilia ipsis innotuisset si sinceram Dei substantiam, ipsumve totum quod Deus est viderent, hoc est, si Deum comprehensive cognoscerent, cum ex cognitione comprehensiva sequatur necessarium, & cognitio eorum omnium quæ in se continet quocumque modo objectum illud quod comprehensive cognoscitur. unde ex decreto Incarnationis, quod Angelos latuit donec executioni mandatum, invide in Anomæos contra visionem comprehensivam in Angelis argumentatur Chrysostomus, cujus relata verba, quæ multos torquent theologos ea interpretantes de Deo ab Angelis, hoc peracto mysterio, comprehensive cognito non in propria natura sed in aliena, humana scilicet, quod prorsus ineptum est, essent omni sensu vacua, quæ relative ad mentem & intentum Sancti Doctoris, sensu pleno ac Chrysostomi digno sunt referta. Sed jam satis sit de constantinopolitano Joanne, circa cujus doctrinam de possibilitate visionis Dei intuitivæ quam constanter tenuit nulli dubium rationabiliter remanere potest.

ASSERTIO SECUNDA.

A communi Sanctorum Patrum doctrina minime recedens Theodoretus possibilitatem visionis comprehensivæ solummodo impugnavit, intuitivæ Dei visionis nedum possibilitatem, sed & existentiam, constanter tenens.

Cum una Chrysostomi ac Theodreti fideissimi illius discipuli eademque sit causa, ab omni suspitione liberato Constantinopolitano Joanne, ab illa facili negotio liberabitur Cyranus Episcopus; eadem enim momenta pro utroque pugnant, cum adversus eosdem hæreticos, Anomæos nempe uterque habuerit disceptandum. Theodoretum autem comprehensivam dumtaxat impugnasse visionem legitime inferitur ex ipsius verbis in illa disputatione per celebri adversus Eutychianos, in qua Orthodoxi partes agens cum Eutychia-

H h

no

no. Erantque, quærenti Eutychiano, dialogo in quomodo intelligatur quod Angeli eorum semper vident faciem Patris vestri, respondet, „ ipsos non „ divinam naturam videre, sed visiones quasdam ipsorum capui accommoda- „ tus; “ ut jam de prophetis ad Patriarchis veteris Testamenti qui Deum referuntur vidisse dixerunt. „ Sic ergo inquit, de Angelis intelligamus „ non enim vident divinam substantiam, quæ nec circumscribi, nec com- „ prehendi, nec mente percipi potest, & quæ universa comprehendit: sed „ speciem quamdam ipsorum naturæ accommodatam. “ quid autem sit videre substantiam Dei in mente Theodoretii intelligitur ex iis quæ mox diximus agentes de Sancto Chrysostomo eadem loquente: Theodoretum vero esse, intelligendum de comprehensiva tantum visione quam inaccessibilem merito judicat, certum indicium est ratio quam reddit suæ sententiæ superbiam: Anomæorum retundentis. & juxta eundem sensum loquitur in: 1. ad Ti- moth. cap. 6. ad hæc Apostoli verba, *lucem enim inhabitat inaccessibilem*. „ Hoc, „ inquit, Deo non convenit: habet enim naturam quæ nequit circumscri- „ bi. Si autem habitat lucem, ab ea circumscribitur. verum enim vero lau- „ dat ut potest, & quoad potest pervenire respicit. si autem ad lucem, quæ „ est circa ipsum, accedi non potest, quomodo potest ipse conspici? “ ab iis omnibus vult abstinendum Theodoretus quæ immensitati Dei ejusque in- comprehensibilitati sunt contraria, ne hæreticis favere videatur, aut eorum quæ loquitur abutendi occasionem subtrahat.

At impossibilitatem nec non existentiam intuitivæ Dei visionis Theodoretum constanter tenuisse testantur vel potius evidenter ostendunt ea quæ scribit. Tum in cap. 2. epist. ad Ephes. super illa Apostoli verba, *ut ostenderet in sa- culis supervenientibus abundantes divitias gratiæ suæ*. „ Nunc enim, inquit, bo- „ norum quæ sperantur magnitudo est quidem ignota omnino fidelibus, si- „ deles autem vident tamquam in speculo & ænigmate: per fidem in am- „ bulant & non per speciem, tunc autem videbunt faciem ad faciem; tunc fideles & infideles videbunt naturam ex nobis sumptam ab omni creatu- „ ra adoratam, & Sanctos una regnantes. “ Tum in vita Sancti Eusebii, de illo scribens: ad cursus metam pervenit, & Agonothetam cernens, qui remunerationum magnificentia labores superat. Ego vero visione illa frui cupio. “ Tum in vita Jacobi Anachoretæ, singulare ejus in Martyrum reliquias venerationem commendans hoc modo. „ Reliquias Martyrum un- „ dique comparare sibi studuit, cum Sanctorum populo habitare cupiens, & „ cum eis resurgere, Deique contuitu potiri. “ fortasse deerant varia hæc Theodoretii momenta iis in exemplaribus quibus ad mentem ipsius cognoscen- dam utebatur Vasquez: illa enim visionem Dei intuitivam, quæ in celesti patria gaudent beati, elare adeo demonstrat, ut etiam celerius legentes su- gere nequeant: ænigmatica siquidem Dei cognitio, quam in præsentis sæculo per fidem ambulantes de illo habemus, accurate distinguitur ab illâ qua in futuro donabimur Deum facie ad faciem continentes. hæc autem visio quæ est facie ad faciem fidelibus iustis cunctisque caliculis reservata; non ea est quæ naturam humanam divinæ naturæ in Christo hypostatice unitam visuri sunt.

sunt etiam infideles, sed illa qua soli electi divinitatem intuitivè conspiciunt, quibus dabitur ipsum Deum distinctè cognoscere eo modo quo videndus est Deus, sicut infideles in die iudicii distinctè ac facie ad faciem videbunt naturam humanam quam pro reparatione generis humani verbum caro factum assumpsit. Naturam autem humanam, in primo laudato textu commemorat Theodoretus propter Eutychianos unicam in Christo naturam, divinam videlicet admittentes, & in eo humanam superflitem fuisse negantes: hos ut refellat Cyrillus Episcopus, asserit etiam infideles visuros naturam illam humanam in Christi persona adoratam quæ certe in ipso non posset ab omni creatura adorari si in ipso non esset.

Quod ut rectius intelligatur, & de Theodoreti mente ac doctrina in præsentī controversiæ æquius feratur iudicium, in memoriam semper est revocandum duos diversos errores in Syria ubi ille erat Episcopus, tunc temporis viguisse; unum Anomæorum de comprehensiva Dei cognitione superbientium, alterum Eutychianorum naturas in Christo confundentium, solamve divinam, a qua veluti fuisset absorpta humana post incarnationem Verbi, in ipso contentissimam. utriusque illius erroris defensores, quoties datur occasio, impugnat Theodoretus, aut separatim, aut conjunctim juxta rei exigentiam, contra utroque visionem divinæ naturæ videtur abjudicare. adversus Anomæos, ne si visibilem assereret Dei substantiam, ex illo pro comprehensivâ visione & cognitione quam defendebant isti concluderent, adversus Eutychianos, ne si naturam divinam videri ab Angelis & hominibus in cælo prædicaret, illam esse quæ in Christo ab incarnationis tempore, minime vero humanam qua illum spoliabant, tum in terris, tum in cælis videbatur, ita fidentius affirmarent, hac ductus ratione Theodoretus veluti inter duos Scopulos incedens, media prudenter progreditur via, tutumque peragat iter, substantiam Dei invisibilem simpliciter annuntians, tali modo ut contra utrumque errorem fortiter argumentetur, eumque nec Anomæi, nec Eutychiani in sua possint trahere partes, unde facilis est responsio quibuscumque testimoniis ex ipso desumptis quæ Dei substantiam invisibilem declarant. est enim cunctis invisibilis, si filius homo factus excipiat, cuilibet intellectui in sensu Anomæorum comprehensivo: cuilibet per corporis oculos in sensu Eutychianorum existimantium illam esse Dei naturam quæ oculis intuentium in Christo offerebatur, quæ utraque responsio menti Theodoreti omnimode consona, nullatenus pugnat cum intuitiva ejusdem Dei visione in sensu catholico, quam ubique supponit, multisque in locis aperte significat, ut manifestant hæc ipsius verba quæ supra retulimus. unde non est quod singillatim respondeamus iis quæ ab adversariis opponi possent, quæque mox notatis, aut jam expositis in causa Sancti Chrysostomi nihil habeat virum, ideoque ex illis invalide argueretur.

Id unum nobis superest observandum circa celebrem, de qua diximus, inter Catholicum & Eutychianum dissertationem, ne quid necessarium ac scitu dignum omisisse videamur, distinguendum scilicet esse dialogi initium ab iis quæ postea adjiciuntur. licet enim contra Eutychianos directe institua-

tur,

Hh 2

tur, & cum iis dumtaxat initio Theodoretus agat, ipsis ostendens hominem Christum in terris fuisse visum & cum hominibus conversatum, ut per Baruch fuerat prænuntiatum, divinitatem vero minime fuisse visam quamvis fuisset visus homo Deus: & ex eo quod fuisset visus eodem modo quo homines sese mutuo vident, colligat in Christo fuisse corpus, humanamque existit de naturam, sub cuius forma ab incarnationis tempore ab Angelis visus est in carne, ut loquitur Apostolus: attamen ubi de visione divina substantie res est, ut optime observant plures Theologi, Theodoretus adjuncto sibi Eutychiano sub nomine Eranistes, & communicatis cum eo viribus Anomæz obiter quidem, sed valide ac directe impugnât, iis locis scripturarum quæ Deum fuisse visum narrant, & quibus abutentes Anomæi pro comprehensiva Dei visione ex illis argumentabantur, opponens illa eandem scripturarum loca in quibus invisibilis prædicatur Deus, & ex quibus eodem tempore refellebat Eutychianos, in Christo non divinitatem fuisse visam ab hominibus aut fore videndam oculo corporeo, sed naturam humanam quam vere pro nobis assumpsit, & nusquam dimisit, quæque humanis offerebatur aspectibus, invincibiliter exinde concludens.

Queritur. Quodnam ferendum sit iudicium de doctrina aliorum Patrum qui apud nonnullos in suspitionem venerunt tamquam de intuitiva illa Dei visione recte minus locuti?

Resp. Hoc omnes, etsi quorundam inter eos duriora verba aliquando videantur, recte ac catholice de possibilitate ac existentia intuitivæ visionis in sensu a nobis mox exposito, differentibus de mente ac doctrina Chrysostomi & Theodoreti, constanter fuisse locutos; firmissime teneas ac nullatenus dubites, æquissime lector: ipsos visionem Dei aut comprehensivam, aut per corporis oculos impossibilem iudicasse, & Sanctos in celesti patria Deum facie ad faciem esse visuros & jam videre, hæcque beatam speciem Deum aliquando intuitive videndi in sinu suo repositam habentes semper vixisse tibi manifestabunt, si illos adeas, quæcumque vel dixere vel scripserint. De his autem qui sinistra illos interpretantur atque in iudicium vocant, mitius, cum hæreticis quos impugnabant, agendum existimantes, pro ut ubi oratio dictaverit iudicabis.

QUESTIO QUINTA.

Utrum ulli hominibus in terris degenti concessa aliquando fuerit visio Dei intuitiva.

Sit ne possibilis in præsentī sæculo vel non intuitiva Dei visio, tum de potentia Dei ordinaria, tum de potentia extraordinaria ut loquuntur, non inquirimus, factum dumtaxat perpendimus, cum illam quibidam speciali privilegio, Moysi potissimum & Divo Paulo, fuisse aliquando in terris degentibus concessam ex Sacris Scripturis colligi posse videatur. De Christo Deo & homine pro quo res ipsa clamat questio non movetur.

ASSERTIO UNICA.

Nulli mortalium dum viveret, neque Moyſi, neque divo Paulo datum eſt, nec ad horum Deum clare ac intuitivè videre.

PRO veritate hujus aſſertionis quæ ad dogmatis Catholici ſubſtantiam non pertinet ſed mera de factò eſt controverſia in qua non multos habemus adverſarios, pugnant Sacræ Scripturæ, Sancti Eccleſiæ Doctores, ipſaque ratio, Moyſi ardentiffimo Deum videndi ſtudio flagranti, idque ab ipſo Deo ſollicite poſſulanti quid reſponderit Deus Exodi cap. 33. nullus ignorat. Dicebat enim, ille, *Si ergo inveniri gratiam in conſpectu tuo, offende mihi faciem tuam ut ſciam te; cui Dominus; non poteris, videre faciem meam: non enim videbit me homo & vivet. & ruruſ: videbis poſteriora mea: faciem autem meam videre non poteris.* ex quo Scripturæ textu duo evincuntur: & Moyſem Deum non vidiſſe, & legem ab ipſo Deo latam abſque ulla reſtrictione pro omnibus, de non concedenda beatifica illa viſione ulli mortalium. unde apud Joannem cap. 1. dicitur, *Deum nemo vidit unquam: quæ verba univerſaliſſima ſunt, non ſecus ac illa Pauli ad Timothe. epiſt. 1. cap. 6. dicentis de Deo: qui ſolus habet immortalitatem, & lucem inhabitat inacceſſibilem: quem nullus hominum vidit, ſed nec videre poſeſt.* quibus congruunt ea quæ loquitur epiſt. 1. ad Corinth. cap. 13. ſtatim vitæ præſentis cum futuro veluti comparans: *videmus nunc per ſpeculum in enigmate, tunc autem facie ad faciem.* videtur ergo Sacris Scripturis omnimode contrarium, quod alicui in terris degenti, ſive Moyſi, ſive Paulo, intuitiva Dei viſio, nec ad tempus conceſſa perhibeatur.

Innumeris propemodum patrum testimoniis poſſet eadem veritas confirmari. S. Irenæus lib. 4. adverſus hæreſes cap. 37. hæc habet. *Moyſes cupivit manifeſte videre eum qui ſecum loquebatur, & diſtum eſt ei, ſta in loco alto petra, & manū meam contegam ſuper te. . . tunc videbis poſteriora mea, facies autem mea non videbitur tibi: non enim videbit homo faciem meam & vivet. . . non igitur manifeſte faciem ipſam Dei videbunt propheeta, ſed diſpoſitiones, & myſteria per quæ inciperet homo videre Deum. . . igitur ſi neque Moyſes vidit Deum, nec Elias, nec Ezechiel, qui multi de cæleſtibus viderant, quæ autem ab his videbantur, erant ſimilitudines claritatis Domini.*

Tertullianus lib. contra praxeam cap. 14. ait, *invenimus & a multis Deum viſum, & neminem tamen eorum qui eum viderant mortuum. Viſum quidem Deum ſecundum hominis capacitatem, non ſecundum plenitudinem divinitatis.*

S. Auguſtini traſ. 3. in Joan. de Moyſe hæc ſcribit. *Et ne forte aliquis dicat, & gratia & veritas non eſt fiſſa per Moyſen, qui vidit Deum? ſtatim ſubjecit, Deum nemo vidit unquam, & unde innotuit Moyſi Deus? quia revelavit ſervo ſuo Dominus. quis Dominus? . . . quid vidit Moyſes? Moyſes vidit nubem, vidit angelum, vidit ignem: omnis illa creatura eſt: typum domini ſui gerens non ipſius Domini præſentiam exhibebat. Namque aperte habes in lege, & loqueba-*

tur Moyses cum Domino, contra in contra sicut amicus cum amico suo. sequeris ipsam Scripturam, & invenis Moysen dicentem, si inveni gratiam in conspectu tuo, ostende mihi teipsum manifeste, ut videam te. Et parum est quia dixit: responsum accepit, non potes videre faciem meam: loquebatur ergo fratres, mei, cum Moysse Angelus, portans typum Domini... illud autem scitis, quia omnia quae corporaliter visa sunt, non erant illa substantia Dei... facta enim sunt illa visibilia corporaliter per creaturam, in quibus typus ostenderetur: non utique substantia ipsa demonstrabatur & manifestabatur.

Non dissimulandum tamen praelaudata Augustini verba, sicut & alia plura quae ex ipso possent asserri, etsi pro nobis litem dirimere videantur, non difficile de visione per corporis oculos intelligi posse, ut non indocte observant l'herminier, licet huic non concedendum exilimem hanc alium sensum pro se non ferre. visionem hanc Dei intuitivam ad tempus Moysi & Apostolo Paulo concessam fuisse, aliquando opinatum fuisse Sanctum Doctorem libenter pronunciarem. illa quae de iis scribit lib. 12. de genesi ad litteram referenda existimo, ut quid ille censorie facilius unusquisque deprehendat. in illo libro differit Augustinus de paradiso & tertio caelo quo raptus est Paulus, ac de multiplici visionum genere. multis curiose doctaeque hinc inde disputatis quaestionem principalem quasi soluturus sic loquitur cap. 26. 27. 28. „ ibi videtur claritas Domini non per visionem significantem, sive corporalem, sicut visa est in monte Sina, sive spiritualement, sicut vidit „ Isaias vel Joannes in Apocalypsi, sed per speciem, non per aenigmata, „ quantum eam capere mens humana potest, secundum assumentis Dei „ gratiam, ut os ad os loquatur ei, quem dignum tali Deo colloquio fecerit: non os corporis, sed mentis, sicut intelligendum arbitror quod de „ Moysse scriptum est. Concupiverat enim, sicut in Exodo legimus, videre „ Deum; non utique sicut viderat in monte, nec sicut videbat in tabernaculo, sed in ea substantia quae Deus est, nulla assumpta corporali creatura quae mortalis carnis sensibus praesentetur; neque in spiritu figuratis similitudinibus corporum; sed per speciem suam, quantum eum capere creatura rationalis & intellectualis potest, revocata ab omni Corporis sensu, & ab omni significativo aenigmati Spiritus. Sic enim scriptum est si „ ergo inveni gratiam in conspectu tuo, ostende mihi teipsum manifeste, ut videam te: cum Paulo superius legatur locutus Dominus ad Moyssem facie ad faciem, sicut quis loquitur ad amicum suum. Sentiebat ergo quid videbat, & quod non videbat desiderabat... illo ergo modo, in illa specie qua Deus est, longe ineffabiliter secretius & praesentius loquitur locutione ineffabili, ubi cum nemo videns viveret vita ista, qua mortaliter vivitur in illis sensibus corporis; sed nisi ab hac vita quique quodammodo moriatur, sive omnium exiens de corpore, sive ita averfus & alienatus a carnalibus sensibus, ut merito nesciat sicut Apostolus ait, utrum in corpore an extra corpus sit, cum in illam raptus & subvenitur visionem, quapropter si hoc tertium visionis genus... tertium Coelum appellavit Apostolus, in hoc videtur claritas Dei, cui videnda corda mundan-

,, tur

„tur, unde dictum est, Beati mundo corde, quoniam ipsi Deum videbunt,
 „non per aliquam corporaliter vel spiritualiter figuratam significationem tam-
 „quam per speculum in ænigmate, sed facie ad faciem, quod de Moyse
 „dictum est os ad os, per speciem, scilicet qua est Deus quidquid est...
 „Cur autem non credamus, quod tanto Apostolo Doctori gentium, rapto
 „usque ad istam excellentissimam visionem, voluerit Deus demonstrare vi-
 „tam in qua post hanc vitam vivendum est in æternum? „ hæc Au-
 „gustinus.

Non leviter prima fronte urgere quod ibi loquitur Hipponensis ingenue
 fateor. Nihilominus si accurate pensentur cuncta ipsius verba tribus illis in
 capitulis, quæ omnia, referre longius fuisset; illum potius opinative quam
 assertive fuisse locutum facili deprehenditur negotio. Idque libentius dicam,
 cum ipse de Patriarchis, inter quos Moyses, quærens an vel quomodo Deum
 viderint, sapius asserat ipsum non fuisse visum in natura propriam quam
 Moyses videre cupiebat. unde lib. de videndo Deo verum esse dicit quod
 responsum est Moyse non videbit me homo & vivet. videre Deum ut ipse
 est promittitur Sanctis in alia vita, & aliunde lib. 2. questionum in Exo-
 dum diversimode loqui videtur quam in illo libro de genesi ad litteram: ait
 enim relata petitione Moysis cum ipsi data responsione; „Non videbit ho-
 „mo faciem meam & vivet; ostendens huic vitæ, quæ agitur in sensi-
 „bus mortalibus corruptibilis carnis, Deum sicuti est apparere non posse:
 „id est, sicuti est, videri in illa vita potest, ubi ut vivatur, huic vitæ mo-
 „riendum est. „ præterquam quod de libris suis de genesi ad litteram ipse
 dicat lib. 2. Retract. „plura in iis quæ sita fuisse quam inventa fuerint:
 „& eorum quæ inventa sunt, pauciora firmata: cætera vero ita posita, vel
 „ut adhuc requirenda sint. „ unde pro nostra assertionem adhuc stare San-
 „ctum Doctorem non temere dicemus.

Nihil ambiguitatis habent quæ scribit Sanctus Doctor lib. 10. de civitate. cap. 13.
 de invisibili Deo, qui se visibilem sæpe præstitit, non secundum quod est, sed
 secundum quod poterant ferre cernentes, sic loquens: *Nec movere debet, quod
 cum sit invisibilis, sæpe visibiliter patribus apparuisse memoratur. Sicut enim sonus quo
 auditur sententia in silentio intelligentie constituta, non est hoc quod ipsa: ita &
 species quæ visus est Deus in natura invisibilis constitutus, non erat quod ipse. Ve-
 rumtamen ipse in eadem specie corporali videbatur, sicut illa sententia ipsa in
 sono vocis auditur: Nec illi ignorabant invisibilem Deum in specie corporali, quod
 ipse non erat, se videre. Nam & loquebatur cum loquente Moyses, & ei tamen
 dicebant, se inveniri gratiam ante te, ostende mihi temetipsum scienter ut vi-
 deam te. Deum spiritalem sciens Moyses hunc spiritualiter, non vero cor-
 poris oculo, videre cupiebat, nec in forma assumpta, sed secundum id quod
 est in se Deus, quod autem Israelitici populi dux flagranter adeo exposcula-
 bat, nullibi legitur ipsi fuisse concessum, nec illud affirmat Augustinus, de
 eo Sacra silente Scriptura.*

Inter Sanctos patres, quos omnes referre non vacat cum de rebus fidei
 non præcise agatur in præsentem, adeo receptissimum est visionem Dei beati-
 ficam

ficam seu intuitivam nemini mortalium in terris fuisse concessam vel ad tempus, ut plures ex eis id impossibile existimaverint. sic Clemens Alexand. l. b. 5. Stromatum, allatis verbis Exodi cap. 33. & Pauli 1. ad corint. cap. 13. quæ jam sæpius laudavimus ait, *clarum est neminem unquam vita tempore posse Deum clare percipere: qui autem sunt mundi corde, Deum videbunt postquam ad extremum finem venerint.* & Sanctus Papa Gregorius lib. 18. moral. de Moysè sermonem faciens dicit, *videri potuit Deus per circumscriptas imagines, & videri non potuit per incircumscriptum lumen eternitatis.* quod idem de Moysè cunctisque hominibus loquitur S. Bernardus, ut alios omittamus, hæc habens serm. 2. in ramis palmarum; quantum ad plenam sane visionem, nec ipse Moyses dum viveret in hoc mundo impetrare potuit facies ipsius visionem; quia sicut ipse ait, *non videbit me homo & vivet.* & serm. 31. in Cantica, *Nunc quidem apparet quibus vult, sed sicuti vult, non sicuti est.* Non sapiens, non Sanctus, non propheta videre illum sicuti est potest aut potuit in corpore hoc mortali: poterit autem in immortalis qui dignus habetur. itaque videtur & hic, sed sicut videtur ipse, & non sicuti est.

Ipsam rationem diximus pugnare pro veritate assertionis: & revera visio ne enim intuitiva Dei quæ simul cum amore fruitivo, seu charitate intentione sive perfecta & consummata, qui ab hac visione separari nequit, est summa creaturæ intellectualis Beatitudo, quemquam in præsentī sæculo, etiam ad tempus, potiri absurdum non minus quam impossibile videtur. siquidem possibile non est quemquam eodem tempore consistere in statu viæ simul & in statu patriæ: impossibile est pro eodem instanti uterque ille status in quo de eodem individualiter homine verificarentur prædicata essentialiter contradictoria. Dato autem quod aliquis in terris degens intuitive Deum videret impossibile de illo legitime prædicarentur. tunc enim vere dici posset homo iustitiæ consummatæ simul & iustitiæ non consummatæ; simulque impeccabilis & non impeccabilis. iustitiæ consummatæ, ex eo quod non potest esse amor fruitivus nisi supponatur intensissima charitas quæ est iustitia consummata: unde Sancti Deum possidentes in patria illum diligunt, & necessario, in quantum potest diligi, & exinde illorum iustitiæ consummatæ oritur indefectibilitas ratione cuius sunt impeccabiles. a visione autem intuitiva nequit separari amor fruitivus, illam hic necessario comitatur; & ex utriusque connexionione interminabili generatur summa creaturæ intellectualis beatitudo. at is idem homo esset eodem tempore iustitiæ non consummatæ; siquidem posset ab illa iustitia defletere & per peccatum ab illa recedere: is enim non esset in termino sed in via, & non in termino consummationem obtinet iustitia, quæ nihil aliud est quam confirmatio in gratia, seu omnimoda charitatis indefectibilitas, quæ necessario conjuncta est cum perseverantia finali, cuius donum essentialiter ac inseparabiliter unitur cum illo ultimo viæ instanti in quo viator in termino constituitur ut Dei intuitiva visione fruatur, suæ perfectæ iustitiæ fructum ac præmium per æternam sæculam consecuturus. illa igitur homo (quem sit absurdum nemo non sentit) simul esset in termino & in via, in termino, utpote qui visione intuitiva Dei gaudere

dere supponatur, quæ nonnisi Beatis in patria conceditur, cum illa sit vera & unica summaque felicitas eorum, qui in termino sunt, præsertim in eorum principiis qui visionem intuitivam qua possidentur Deus, esse totalem vel substantialem alterius vitæ Beatitudinem defendunt, cui ut complementum, necessarium quidem, advenit amor, quem non potest non producere talis beatificans visio. in via esset; in hoc corpore mortis enim in quo peregrinamur a Domino per fidem ambulantes, pariter supponitur & est, cum adhuc in terris degat. quæ duo secum pugnantia cum admitti nequeant, nec pariter admittendum quemquam inter mortales, etiam ad brevissimum tempus, ad visionem Dei intuitivam fuisse aliquando elevatum, aut etiam fore elevandum.

Nec dicatur ea quæ ad fundandam sententiam nostram ratione theologica locuti sumus, gratis excogitari. Tam enim certum est quam quod maxime, Deum intuitive videntem eodem instanti quo, in illum toto amoris pondere ferri, & irresistibiliter, huncque necessario diligere secundum totam latitudinem eharitatis, cujus, auxilio supernaturali superveniente, capax est creatura rationalis; cum tanta sit naturæ divinæ amabilitas, ut in quantum illam cognoscit intellectus, in tantum necessario illam prosecutur voluntas: estque adeo vehemens desiderium quis illam cernens accenditur, ut hunc ab illo cessare sit omnino impossibile ex quo fit, quod si ex pariter impossibili, quis in terris degens ad Deum per brevissimum etiam temporis spatium raptus, visione intuitiva Dei qua in Cælis gaudent animæ justæ, vere dignaretur, cessante illa Beatifica visione, ob desiderium vehemens quo per illam inflammaretur, statim hac vita excederet, exemplo suo ostensus, vera esse juxta litteram quæ Moyli cupienti Dei substantiam videre responderat Dominus: *non poteris videre faciem meam; non enim videbit me homo & vivet.*

Ergone, dicet aliquis, si privilegio quodam speciali ad hunc transitorie felicitatis gradum Deo placeret mortalium quemdam elevare illi se ipsum manifestando, ut Beatis in patria manifestatur, illud pro arbitrio exequi non valeret? Numquid omnia quæ vult non facit Deus; & undenam in tali supposito repugnantia? Huic breviter respondebo Deum posse omnia quæ vere vult: potestas enim & voluntas in Deo realiter identificantur, summaque est inter utramque concordia, nihilque impossibile est Deo nisi quod invariabilibus ipsius Sapientiæ legibus opponitur, quas metiri nostrum non est. unde quidquid non est juxta regulas divinæ sapientiæ, quæ aliæ non sunt præter divinam ejus voluntatem, illud velle Deum non potest supponi; & minime nihilominus limitata exinde reputabitur ipsius omnipotentia, cujus objectum sunt ea omnia circaque se exercet incommutabilis & æterna ejus voluntas. undenam autem præsentis suppositi oriatur repugnantia, satis indicant quæ jam exposuimus. & convincens penitus mihi videtur hæc supra allata ratio e meo penu; quæ in natura visionis Beatificæ vere fundatur; quæ Beatifica visio a qua nihil differt visio illa Dei intuitiva de qua in præsentī agimus, cum capacitati hominis viatoris non sit accom-

modata, nemini in terris degenti concessa est, etiam ad tempus, aut conceditur.

SOLUTIO OBJECTIONUM.

1. **O** Bjectio. Moysen inter homines degentem intuitive vidisse aliquando Deum non obscure indicare videntur Scripturæ. quid enim aliud significant verba hæc Domini Moyſi petenti ut ipſi faciem ſuam offenderet respondentis, *ego ostendam omne bonum tibi*. ut legitur Exodi cap. 33. nec non ea quæ leguntur Numerorum cap. 12. Deo Aaron & Mariam ſic alloquente. *ſi quis fuerit inter vos propheta Domini, in viſione apparebo ei, vel per ſomnium loquar ad illum. at non talis ſervus meus Moſes qui in omni domo mea fideliffimus eſt: ore enim ad os loquar ei & palam; & non per ænigmata & figuras Dominum videt*. hinc eſt quod in Exodi laudato capite 33. narratur Dominum cum Moſe locutum fuiſſe *facie ad faciem, ſicut ſolet loqui homo ad amicum ſuum*. quæ cum ita ſint, non poteſt univerſaliter propugnari quod fert aſſertio.

Reſp. Quadam intuitiva Dei viſione donatum fuiſſe Moysen, ex primis laudatis verbis evidenter ſatis colligi poſſe quampluribus viſum eſt, ex eo quod, inquirunt, nihil aliud omnis boni nominis valet designari quam clara Dei cognitio, in cujus comparatione cuncta bona creata ſimul nihil ſunt, atque ut ſtereora parvi ſunt facienda, juxta Apoſtoli mentem, ut beate Deo fruamur. verum, ſi quid ſentiam liceat dicere, etſi in ſenſu myſtico & morali hæc Exodi verba ſic poſſint intelligi, relative ad præſens poſitorum nihilominus hunc ſenſum præ ſe ferre non videntur, nec viſionem Dei intuitivam indicare: quandoquidem aliud inſinuant verba tam Moſis rem unam a Deo poſtulantis, quam ipſius Dei ſervo ſuo respondentis, ut ex toto Exodi contextu appareat. præceperat Moſi Dominus ut cum populo Iſrael recederet de loco in quo erat, dicens, *vade ascende hinc, tu & populus tuus quem eduxiſti de terra Ægypti, in terram quam juraui Abraham*. iratus in populum Deus, qui cum illo ſub forma quadam ænigmatica ſolebat ambulare, dicit Moſi ſe miſſurum Angelum illorum præcurſorem, ſequæ ob indignationem cum ipſis non ambulaturum: *& miſtam præcurſorem tui Angelum & intres in terram fluentem lacte & melle: non enim aſcendam tecum; quia populus duræ cervicis eſ, ne forte diſperdam te in via*. quibus auditis populus luxit & clamavit ad Dominum, qui Moſis orationibus placatus eſt. poſt aliquod tempus Moſes, qui gratiam pro populo invenerat coram Domino, iter ſuum cum gente huc juxta Dei mandatum conſecturus, ſive dubius de via, ſive ut ex aliquo ſigno ſenſibili innotefceret populo a Moſe Deum fuiſſe placatum, deprecatur Deum, ut in teſtimonium quod ab ira erga Iſraelem ceſſaverat, pro more cum eis gradiatur, dicens *præcipis ut educam populum iſtum, & non indicas mihi quem miſſurus eſ mecum, præſertim cum dixeris, novi te ex nomine, & invenisti gratiam coram me. ſi ergo inveni gratiam in conſpectu tuo, ostende mihi faciem tuam ut ſciam te, & inveniam gratiam ante oculos tuos*:
reſpi-

respice populum tuum gentem hanc. de Domini protectione pro itinere certior factus Moyses, instat obsecrans ut ipse Deus modo quodam evidentiori suam manifestet præsentiam seu assistentiam, unde dicit, si non tu ipse præcedas, ne educas nos de loco isto. in quo enim scire poterimus ego & populus tuus, invenisse nos gratiam in conspectu tuo, nisi ambulaveris nobiscum. hanc visibilem Dei præsentiam, quam exire poscit servus Dei, significasse videtur per illa verba mox relata, ostende mihi faciem tuam ut sciam te: quasi diceret, quomodo scire potero nos gratiam invenisse in conspectu tuo, teque futurum nobiscum per viam, nisi ostendas mihi faciem tuam, hoc est nisi nobis signo aliquo præsentiam tuam declaranti te ipsum manifestaveris. Hunc autem verum esse ac litteralem sensum totius sermonis, nihilque aliud eo loci Moysen petere ostendunt verba sequentia; quæ ad invicem cum præcedentibus debent comparari, ut plena totius textus ac colloquii habeatur intelligentia. Dixit autem Dominus ad Moysen, & verbum istud quod locutus es faciam... qui (Moyses) ait ostende mihi gloriam tuam; respondit (Dominus) ego ostendam omne bonum tibi. quæ ultima verba v. 18. & 19. conferenda sunt cum illis v. 14. facies mea præcedet te, & requiem dabo tibi. facies, quæ, Deo promittente, Moysen præcedere debebat, illa erat de qua dixerat iste, ostende mihi faciem tuam ut sciam te, ut evidens sit ex contextu. quam autem dixerat superius faciem, nunc dixit gloriam: quæ utraque vox significat, ut dictum est, manifestum divinæ præsentis & assistentis testimonium, juxta quod Moysi pollicetur Deus se requiem ipsi daturum, concedendo illi quod postulaverat dicens, ostendam omne bonum tibi; quasi diceret quodcumque tibi & populo tuo bonum erit in itinere vestro præstabo, unde observandum est non dicere Scripturam, ostendam tibi omne bonum, quod significare posset summum bonum, sed ostendam omne bonum tibi. Nec vanæ aut pueriles reputari debent grammaticales observationes illæ, quæ ad faciliorem & veriorum librorum sacrorum intelligentiam, præsertim in textibus primigeniis, non parum aliquando juvant, unde ad propositæ difficultatis solutionem dicimus, verba illa relata nullum ordinem dicere ad intuitivam Dei visionem: ideoque illa gratis opponuntur. & forte ad eorum quæ dicta sunt confirmationem addi posset, id quod eo loci a Domino petebat Moyses, non pro se solum, sed & pro omni populo cujus erat dux, & in conspectu cujus magnificari cupiebat, eo quod duræ cervicis esset gens illa, hunc a Domino postulare, ut ex tota capitis trigesimali tertii serie non leviter colligitur, in quo, etsi in singulari numero & prima persona sæpe loquitur Moyses, pro se tamen & pro populo conjunctim loquitur, eodem modo quo Deus ibidem, ipsum populum, totamque Israeliticam gentem alloquitur, licet ad Moysen solum verba facere videatur. quo posito nulla esset ratio prædicta verba, ostende mihi faciem tuam; ostende mihi gloriam tuam, exponendi de visione Dei intuitiva, quam certe pro tota gente non postulasset Moyses. idve satis congruere videtur cum veteribus latinis codicibus quibus utebatur Sanctus Augustinus dum scribebas quæstiones in Exodum, ubi sic legebat. Si ergo inveniri gratiam in conspectu tuo, ostende mihi semper manifeste,

ſe, ut videam te, ut ſim inveniens gratiam ante te, & ut ſciam quia populus tuus eſt gens hæc. Cæterum, etiamſi de viſione Dei intuitiva hæc intelligantur, nihil adverſus aſſerum inde concluderetur, cum nullibi legatur a Deo fuiſſe conceſſum Moyſi id quod poſtulat ut notat Hipponenſis. quin potius illud ipſum non fore obtenturum reſponderit ei Dominus dicens, non poteris videre faciem meam: non enim videbis me homo & vivet.

Nec pariter urgent quæ opponuntur ex libro Numerorum, ex quibus ſolummodo inferitur Deum Moyſi familiarius ſuam manifeſtaſſe voluntatem, quam aliis Prophetis, quibus vel per ſomnia, vel ſub imaginibus obſcuris & ænigmaticis loquebatur, cum e contra Moyſi per diem, & ſub forma quadam ſenſibili, Angelorum miniſterio, ut vulgo creditur, appareret altiffimas & obſcuriſſimas res illi revelans, majoresque illi quam cunctis aliis de ſua Divinitate cognitiones præbens, nec non majorem illi oſtendens benevolentiam, Angelo, qui vices Dei gerebat, coram in forma aſſumpta, & ore ad os clare & diſtincte cum illo colloquente, ſicut ſolet amicus cum amico. Hinc dictus eſt Moyſes viſiſſe Dominum palam, & non per ænigmata & figuras. Dei autem naturam viſione intuitiva conſpexiſſe miſine ex loco laudato ſequitur. Si enim hac viſione donatum fuiſſe Moyſen quis concluderet ex eo quod referatur cum Deo locutum os ad os, facie ad faciem, quare ardentius adeo poſtea poſtulare a Domino ut faciem ſuam ipſi oſtenderet, quod illi fuiſſe conceſſum nullibi legitur. & illegitima eſt illatio quorundam volentium ex his verbis facie ad faciem concludi neceſſario pro viſione intuitiva quam Moyſi conceſſam arbitrantur, ex eo quod apud Apoſtolum ad Corinthios facie ad faciem Deum videre intelligatur ab omnibus de viſione intuitiva Dei qua in Cælis gaudent omnes Sancti, & quam ſimiliter opponit Apoſtolo viſioni per ſpeculum & in ænigmate. Apoſtolum loqui de viſione Dei ſicuti eſt ac in propria natura demonſtrant ipſius verba ejuſque ſæpius; ad Moyſen vero quod attinet, non niſi de viſione ſecundum formam aſſumptam ſermo habetur. utrobique eſt idem loquendi modus, idemque viſionis genus, intuitivæ ſcilicet; ſed non eſt idem utrobique objectum. utraque viſioni ænigmaticæ opponitur, quia ſpeciem aſſumptam ſub qua Moyſi loqui dignabatur Deus, vere ille oculo corporeo cernebat, ſicuti Divinam naturam in propria forma intuitivæ ſunt viſuri in cæleſti patria omnes qui cum Chriſto æternum regnabunt.

2. *Objeſtio* Sanctus Paulus, ut ipſe ſcribit epiſt. 2. ad Corinth. cap. 12. rapus uſque ad tertium cælum & in Paradifum, audivit arcana verba quæ non licet homini loqui, nihil autem aliud ſignificare voluit ac potuit ſic loquens, niſi ſe fuiſſe uſque ad viſionem Dei contemplativam ad inſtar Beatorum ex privilegio ſpeciali elevatum, quod non obſcure confirmatur ex iis quæ de illo reſeruntur in actis Apoſtolorum cap. 26. ubi converſionis ejus ordo recenſetur, & hæc verba a Chriſto Jeſu audiviſſe: in hoc apparui tibi, ut continuam te miniſtrum & teſtem eorum quæ viſiſti.

Reſp. Quid circa Apoſtolum Paulum actum fuerit in hac illius cum Deo inſpirationi communicatione, ille novit qui fecit: neque enim nos ea narrabimus

mus

mus quæ is qui in paradysum raptus fuerat annuntiare noluisset vel non potuit, id unum indubitanter asseremus, nimirum in hac Apostoli brevi narratione nihil esse quo necessario ducamur ad illam de intuitiva Dei visione interpretandam. idque eo magis quod ipse qui raptus erat non dicat se vidisse, sed audivisse quæ homo sermone promere non valeat; & statum suum raptus istius tempore se ignorare confitetur. ait enim, *Scio hominem in Christo ante annos quatuordecim (sive in corpore nescio, sive extra corpus nescio, Deus scit)* quod iterato dicit: *raptum huiusmodi usque ad tertium cælum*, &c. qui autem de suo statu incertus remanere potuisset homo qui visione Dei intuitiva fuisset potius? quomodo pariter in tali supposito ad Timotheum scribere potuisset aliquot ab hinc annis, nullum hominem Deum vidisse, imo nec videre posse? aliunde ex toto capite illius Epistolæ ad Corinthios manifestum est Apostolum intelligi voluisse de variis fidei nostræ Mysteriis, quæ illi raptus sui tempore revelata sunt; & quorum meminisse videtur, dum de Evangelio quod prædicabat loquens epist. ad Galatas cap. 1. dicebat, *illud non esse secundum hominem: neque enim, inquit, ego ab homine accepi illud, neque didici, sed per revelationem Jesu Christi.* unde sic incipit, *si gloriari oportet (non expedit quidem) veniam autem ad visiones & revelationes Domini Scio hominem*, &c. Has autem quas tunc temporis habuerat revelationes, & visiones eo loci commemorat Apostolatuum suum commendans, pro ut urgens quædam tunc necessitas postulabat, ut textus series ostendit. illas easdem revelationes habuerat, ut a Christo jam passo & ad Patris dexteram sedente vocatus Apostolus, quæ erat Gentibus prædicaturus, quæque ab aliis Apostolis non audierat, ab ipso Christo cujus minister & testis constituebatur, edoceret ut manifestant verba relata ex actibus Apostolorum, quæ nihil probant pro intuitiva Dei visione, de qua nec ullum verbum fecit Paulus; quod probabiliter non omisisset, præsertim quando se ipsum commendare, vel potius ministerium sibi a Christo creditum cogeatur, ob illos qui ejus Apostolatuum deprimebant, veluti aliquid minus esset cæteris Apostolis, qui a Christo in terris degente electi fuerant, & cum illo conversati, quæ de illo viderant & audierant certius narrare exinde possent Paulo, qui Christum in carne minime viderat. liquet ergo ex mox expositis, verba laudata nihil facere contra nos.

Nec quidquam roboris objectioni accedit quoniam aliqui inter Sanctos Patres existimasse putantur Paulum in illo rapto Deum sicuti est vidisse: Nihil enim interest cum, ut dictum est, ad fidem id non pertineat, quod Patres, & cum ipsis Theologi, diversæ fuissent inter se opinionis. verum si illorum verba, ut par est, pensentur, ad nostram sententiam illos omnes accedere facile dignoscitur, Patresque omnes qui ab illa recedere magis videntur, de quadam extasi & singulari Spiritus Sancti irradiatione, qua præ aliis Sanctis & Prophetis Moyses & Paulus a Deo ex speciali privilegio donati fuerint, esse intelligendos, nullatenus vero de intuitiva visione, quæ in cælis est veræ justitiæ premium.

3. *Objection.* Esto quod nulli in terris degenti concessa fuerit intuitiva Dei

visio: sed quod nemini sit concedenda, ut sequi videtur ex iis quæ dicta sunt ad fundandam assertionem, id gratis supponitur cum nullo modo repugnet, nec ex parte hominis viatoris, cujus intellectus, sive in via, sive in patria sit homo, ejusdem est conditionis, & quod quandiu vivit homo super terram mens ipsius in suis operationibus a sensibus dependet, est quid accidentale illius naturam non mutans: nec pariter repugnet ex parte Dei, qui tam potest adjuvare infirmitatem intellectus creati concurrando median- te lumine gloriæ ad sui visionem sive tempore vitæ hujus sive post mortem. quod posset facile confirmari exemplo Christi, qui a primo sui exordio ad mortem usque, fruebatur ut homo per humanum intellectum intuitiva es- sentia divina visione. saltem istud assertionis veluti corollarium quolibet spo- liabitur sufficienti fundamento.

Resp. Etsi de possibilitate istius visionis investigare, ut initio monuimus, mens nostra non fuerit, tamen cum nonnulla dixerimus ordinem ad illam habentia, ex quibus implicite sequitur visionem Dei intuitivam, quæ nemi- ni in terris degenti concessa est, nulli etiam esse concedendam, ad propo- sitæ difficultatis solutionem dicemus, quod concedatur ulli mortali istius- modi visio repugnare (salva absoluta Dei omnipotentia de qua sermonem non facimus) ex parte hominis simul & ex parte Dei, ex parte, inquam, hominis cujus intellectus in suo naturali ordine constitutus, ut est intelle- ctus hominis quandiu est in via, nullam ex se habet aut habere potest pro- portionem cum Deo, quem videre homo non valet, nisi ipsius intellectui præsentialiter uniatur Deus, ut alias dictum est. Non est autem in homi- nis potestate præsentialis hæc unio, quæ est puræ ipsius Dei liberalitatis ef- fectus, ratione cujus intellectus creatus, lumine gloriæ adjutus, & ad statum supernaturalem evectus, notitiam Dei propriam & immediatam attingit. Nec pariter lumen gloriæ mentem humanam ad statum supernaturalem evehens in illius est potestate, aut illi debetur, cum nulla possibilis sit creatura cui connaturale sit, ac debitum possit esse lumen illud, quod est conditio sine qua non, absolute necessaria ut Deus possit ab intellectu creato intuitive vi- deri. unde ex parte hominis viatoris repugnat quod intuitiva Dei visione aliquando donetur. & falsum exinde intelligitur quod addunt, intellectum scilicet hominis sive in via sive in patria, ejusdem esse conditionis, cum ho- minis ex viatore in termino per mortem corporis constituto, mens ejus a statu naturali transeat ad statum supernaturalem, diversæque fiat tunc conditionis. Repugnat etiam ex parte Dei quod homini viatori aliquando concedatur illa Beatifica visio, in quantum nempe Deus, qui negare se ipsum non potest, hoc est sibi metipso fieri contrarius, juxta sapientiæ suæ regulas, quas nihil aliud esse jam diximus quam immutabilia omnipotentissimæ suæ voluntatis decreta, sibi ipsi legem posuisse videtur de non concedenda homini viato- ri intuitiva sui visione, ut ostendunt verba illa Dei ad Moysen sæpius re- lata: *Non poteris videre faciem meam: non enim videbit me homo & vivet.*

Et juxta hunc sensum illa vere intellexit S. Augustinus, dum questionem in exodum lib. 2. cap. 54. iis relatis sic prosequitur: *ostendens huic vitæ, quæ*

agitur in sensibus mortalibus corruptibilis carnis, Deum sicuti est apparere non posse: id est, sicuti est videri in illa vita potest, ubi ut vivatur, huic vite moriendum est. quæ Sancti Doctoris illorum Dei verborum expositio, ea quæ hic statuimus, litteraliter enuntiat. Nec aliquid in contrarium eruitur ex Christi exemplo, quem viatorem simul & comprehensorem fuisse nullus Christianus ignorat. non enim intellectus humanus in Christo, vi sua nativa, hoc est in quantum intellectus humanus, intuitiva divinæ essentiae visione imperturbabiliter gaudebat; sed quia natura humana stante divino supposito, ut dicitur ubi de incarnati verbi mysterio, hypostatice unita, non poterat illius anima hac divinæ essentiae visione ullo modo fraudari. quapropter non ut homo præcise, necessario hoc privilegio ipsi debito fruebatur Christus, sed ut Deus homo. unde quantum ad præsens propositum nulla est comparatio: & velut ex omni parte manet indubitatum vix possibilem dici posse homini viatori intuitivam Dei visionem, quamvis non adimatur a Deo potestas concurrendi ædive vel objective super terram homine vivente, sicut in cælo anima a corpore soluta, mediante lumine gloriæ ad huiusmodi visionem cum intellectu creato concurrat, sed illi voluntatem concurrendi inesse negatur ob allatas rationes.

Quæritur. Quodnam ferendum sit iudicium de tot Sanctis utriusque sexus, qui Deum vidisse sicuti est, & cum eo familiariter fuisse confabulatos ab historicis narratur.

Res. Iis esse parce credendum, & de illis esse sobrie loquendum, hoc unum pro certo habendo nullum inter eos ad videndum Deum: in propria natura fuisse elevatum, aut cum ipso Deo vere fuisse locutum. Nunnulos singulari privilegio visionibus cælestibus, sive sub specie quadam sensibili corporis oculum afficiente, sive in mentis excessu modo mere intellectualem, nulla sensibili forma interveniente, fuisse a Deo donatos, & quodam tunc temporis fuisse extraordinario lumine perfusos, quo juvante plura veluti divinitus didicere, sive ad propriam, sive ad aliorum utilitatem, pia credulitas est, cui, modo nihil adveniat quod rectæ fidei, bonisque moribus adversetur, magisque spirituali piorum ædificationi e contra valeat inservire, Ecclesia non contradicit. verum iis in rebus caute incedendum, nec facili omni spiritui credendum, sed potius an iuxta veritatem sint, sapienter probandum. si enim inter ea quæ de istiusmodi visionibus aut revelationibus referuntur, quædam sunt vera, quædam sancta, quædam laudabilia, multæ tamen narrantur fabulationes nullo authentico nixæ instrumento, sed a scriptoribus insufficientis iudicii pro arbitrio adinventæ, quæ proinde nec Deo, qui non nisi veritate delectatur, gloriam aut honorem, nec fidelibus Populis, quorum saluti quod vere est religionis dumtaxat conducit, fructum & utilitatem, asserre possunt. & quo pacto de illarum visionum realitate aut veritate testificari possent pro majori parte qui de iis scribere. enim vero Sancti præ humilitate hæc insolita cæli dona pro viribus plerumque occultabant. & aliunde quomodo quæ in illis extabulis in quibus mere passivæ se habet humanus intellectus, audierant vel intellexerant extra sensus rapti, referre dilu-

dilucide potuissent, qui de suo statu præsentis raptus sui tempore minime certi erant? si enim Doctor Gentium, vas electionis, Paulus Apostolus ea quæ circa ipsum gesta sunt in hac percelebri visione, quando usque ad tertium cælum raptus est, eloqui fuit impotens, quanto minus sancti inferioris notæ, inferioris meriti, (sunt enim pro majori numero homines simplices & idiotæ, aut mulierculæ, de quibus mirabilia illa narrantur) quæ de ipsis erant nuntiare potuerunt? De iis ergo timide modiceque dicendum. hæc omnia pensanda videntur ex dignitate vel auctoritate illorum a quibus aut de quibus talia referuntur, attentis loci ac temporis circumstantiis, ac perpen-
sa utilitate quæ Christianæ Reipublicæ ex illis mirabilibus advenire potuit, cum Deus, qui nihil agit frustra, talia pro solito non operetur, nisi pro communi Ecclesiæ suæ bono. Nec satis est ut tuto ac fidenter fidelibus populis nuntientur, aut in actis Sanctorum transcribantur, librisque consignentur posteritati transmittenda, quod veritatis speciem præferant, sed etiam quod de illorum veritate certo constet. Nec enim Sancti, ut de gloriosa Virgine Deipara dicebat Bernardus Episcopus. 174. falso egent honore, veris cumulat honorum titulis. & qui falsa pro veris, dubia pro certis, etsi sub specie pietatis de Sanctis sciens narrat, hunc ego Spiritui Sancto mentientem, Sanctis veritatem diligentibus, necnon & ipsi Deo qui veritas est, impie detrachere incunctanter pronuntiabo. verum de illis hæc sint satis: quæque obiter medius fidius protuli, sub censura omnia dixerim, qui rem tanti momenti, innumerisque undequaque scatentem ambagibus dirimere non suscepi.

QUÆSTIO SEXTA.

Quibus & quando sit concedenda visio Dei intuitiva, utrumque mille annorum Regnum post Resurrectionem sit admittendum.

Visione intuitiva Dei, qui nec per corporis oculum, nec intuitive per mentem ab homine viatore potest videri, donandas esse animas iustum, quæ egredientes ex hoc ergastulo carnis nihil habent purgandum, æternoque divinitatis conspectu, nulla interveniente mora esse fruituras, catholica fides est, ab Apostolorum temporibus ad nos usque non interrupte perducta. ab illa recessere plures e veteribus recentioribusque hæreticis, atque etiam, licet diversa ratione, inter catholicos nonnulli, prioribus ecclesiæ sæculis, ex Sanctis Patribus, existimantes ante iudicii diem, generalemque mortuorum resurrectionem Beatifica hac visione animas illas non fore potituras: atque etiam in illam requiem non ingressuras corporibus suis denuo unitas nisi post mille annorum spatium, per quod, ante rerum omnium consummationem, Christum arbitrabantur in terris cum suis electis regnaturum, ac non nisi peracto terreno illo mille annorum regno, in cæleste regnum ipsis a constitutione mundi a Deo paratum Sanctos cum Christo esse iuratu-
ros.

Du-

Duplicis ordinis extitere Millenarii, qui & græce Chiliaſtæ, a ſiſtitio illo mille annorum regno ſic vocati. alii quorum fuit dux Cerinthus, primus aniliſtus iſtius fabulæ excogitator, quæ de coeleſti Hieroſolyma, æternaque Beatorum cum Chriſto manſione ſunt intelligenda in Sacris Scripturis, interpretatus de terreſtri illa Hieruſalem a Tito funditus everſa, quamve in fine temporum reſtaurandam ſupponebat, iſtud mille annorum ſpatium inter carnales ventris & libidinis voluptates traducendum, ut lib. de hæreſibus reſert S. Auguſtinus, conſinxit, legis Moſaicæ ritibus & ſacrificiis ſplendidius quam antea de novo inſtauratis. unde non mirum videri debet quod plures ex Ju- daiſmo Chriſtianos quibus cordi ſemper erat Moſayca religio, habuerit ſui erroris ſectatores, qui Davidis regnum per Meſſiam in priſtinam gloriam reſtituendum ſperantes, quod in primo ejus adventu non ſuccedebat, in ſecundo fore complendum arbitrabantur. de Cerintho, a quo Cerentiani, hæc reſerunt Cajus & Dionyſius Alexandrinus apud Euſebium lib. 3. hiſtoriæ: & poſt ipſum Theodoretus lib. 2. hæret. fabul. Cerintho ſequenti ſæculo ſecundo adheſiſſe ſaltem ex parte Marcionitas habemus ex Tertulliano lib. 3. cont. Marc. nec non quarto ſæculo Apollinaris, Baſilio, Gregorio Nazianzeno, & Hieronymo teſtantibus.

Papam Hierapolitanum Episcopum in Aſia, perexigui ingenii hominem, Sancti Polycarpi Episcopum & Martyris ſodalem, Joannis cujuſdam, non Apoſtoli ac Evangelizæ, ſed Apoſtolorum diſcipuli ac preſbyteri, ut notat Euſebius, auditorem, principem habuit alter Millenariorum ordo. Hic ſum pietatis fama plures, etiam majoris notæ, homines in ſuas partes traxit: inter quos Juſtinus Martyr, Ireneus Episcopus & Martyr, Tertullianus, Laſtanti- us aliique doctrinæ clariſſimi numerantur, ipſeque Auguſtinus qui lib. 20. de civit. ipſius ſententiam aliquando ſecutum ſe fuiſſe ſcribit. verum a primi ordinis Chiliaſtis diſſimilis Papias cum ſuis, in illo ſiſtitio mille anno- rum regno nonniſi puras & innoxias delicias futuras volebant. atque etiam inter ſe iſti in aliquibus diſcrepabant. etenim alii, inter quos Juſtinus, Ire- næus, Laſtantius cum Papiæ dicebant Sanctos conſuetis & licitis voluptatibus corporeis tunc fruituros, cum e contra Tertullianus & Auguſtinus ſpirituales delicias dumtaxat ibi admittendas eſſe exiſtimabant. nonnulli inſuper ut Tertullianus, volebant ab illa beatificæ viſionis dilataſione communi excipien- dos eſſe Martyres, quos, ut primum pro Chriſto mortem ſubierant, intuitiva Dei viſione æternaque ſelicitate gaudere credebant. Non deſuere inter eos qui Milleſarii non immerito annumerantur, licet ſiſtitium illud regnum non admittentes, qui crediderint animas juſtorum viſione beatifica non eſſe fruituras ante generalem mortuorum reſurrectionem. Sic ſenſiſſe Summum Pontificem Joannem XXII. non pauci affirmant: idne jure an immerito in- fra inquiremus.

Ad reſurrectionem uſque diſſerendam eſſe Sanctorum Beatitudinem, eor- umque interim animas viſione Dei intuitiva non donandas niſi quando venerit Chriſtus in fine temporum juſtis vel injuſtis pro uniſcujuſque me- rito aut demerito ſupplicia retributurus ac præmia, in quodam eſſe refrige-

si loco tenuisse Vigilantiam habemus ex S. Hieronymo in ipsam scribente. idem tempore Concilii Florentini opinabantur nonnulli graecorum, atque etiam nunc post Lutherum & Calvinum recentioris aevi ecclesiae catholicae hostes insensibilissimos quamplures ex eorum sectatoribus opinantur, a quibus minime hac in parte recedunt Sociniani. varia quorumcumque illorum commenta, etsi in quibusdam dissimilia, duplici assertionione simul convellemus. otiose mentis de mille annorum regno Christi super terram cum Sanctis suis post generalem mortuorum resurrectionem, chimerae quolibet carentem fundamento dispellamus, animas iustorum quae nihil purgandum habent e corporibus exeuntes, ad supremam beatitudinem, visionem scilicet Dei intuitivam, absque ulla mora esse admittendas, deinceps ex fidei principiis ostensuri.

ASSERTIO PRIMA.

Falsitum Christi cum Sanctis suis mille annorum regnum super terram, quocumque sensu intelligatur, inter vanas anilesque fabulas omni carentis fundamento, juxta constantem Ecclesiae catholicam fidem, est computandum.

ET revera illud juxta constantem catholicæ Ecclesiae doctrinam & fidem pronuntiatum asserimus, adversus nondullos, qui Millenariorum delirium in Ecclesia prioribus sæculis non mediocriter audisse, temere contendunt, Patrum qui Papæ commentis ex parte adhæresere numerum granditer augentes, veluti opinio, quam præcipiti iudicio & non satis intellectum amplexi sunt pro tempore, doctrina & plerique clari homines, qui melius consulti ab ea deinde pro majori numero recesserunt, quamque Episcoporum ac Doctorum multitudo omni ævo strenue debellavit atque proferipit, Ecclesiae catholicae doctrina posset reputari, ita ut huic errori opposita veritas constanti & perpetua Traditione non fulciretur. id cum Antonio de Dominis & Dallao, impetire garriant Sociniani; illos, ex iis omnibus, quæ ad ducunt assertionem firmitatem ostendendam sumus adducturi, invide ac liquido arguemus.

1. Audiatur Sacra Scriptura contra Millenarium commentum pro veritate opposita pugnans. *Regnum meum non est de hoc mundo; inquit Christus Joannem cap. 18. & de illo eodem regno dicitur Maria per Angelum ipsi nuntiantiem Verbi Incarnationem Luc. cap. 1. Regnabit in domo Jacob in æternum, & regni ejus non erit finis;* quæ ultima verba Symbolo Nicæno addi voluit Concilium Constantinopolitanum primum contra Apollinaristas regnum Christi Chiliastrum mille circumscriptum annis admittentes. perpetuam ejus regni durationem nuntiaverat Daniel in hac percelebri prophetia quæ de Christo semper fuit intellecta, utpote quæ de alio præter ipsum nequeat intelligi, & ita quæ Dan. cap. 7. sic loquitur Propheta. *Aspicebam in visione nocturna, & ecce cum nubibus caeli quasi filius hominis veniebat, & usque ad antiquum diem perveniebat.... & dedit ei potestatem, & honorem, & regnum: & omnes populi, tribus & linguae ipsi servant: potestas ejus,*

potest.

potestas aeterna, quæ non auferetur: & regnum ejus, quod non corrumpitur. Hæc & alia Scripturæ testimonia iis similia quæ afferri possent, exponat quis si potest, vel potius conciliet cum Millenariorum errore.

Fiduciam regni Chiliarum hypotesim funditus evertunt, omnemque post judicium statim a resurrectione dilationem æternæ beatitudinis adimunt hæc verba Christi unicuique in die illa secundum merita vel demerita retribuendis, facta iudicii descriptione, Matth. cap. 25. *venite, inquit rex his quia a dextris ejus erunt, benedicti patris mei, possidete paratum vobis regnum a constitutione mundi.... dicit & his qui a sinistris erunt, discedite a me maledicti in ignem æternum.... & ibunt hi in supplicium æternum: iusti autem in vitam æternam.* Nullum temporis spatium agnoscit Scriptura iudicium inter & præmium aut supplicium. totum ingredientur eodem instanti electi omnes & in infernum detrudentur reprobi. quibus jam relatis librorum sacrorum momentis si addamus hæc Christi verba Matth. cap. 22. *in resurrectione neque nubent, neque nubentur, sed erunt sicut Angeli Dei in cælo:* illaque Apostoli Roman. cap. 14. *Non est regnum Dei esca & potus:* cuncta Millenariis in commentitio eorum regno de voluptatibus corporeis spes auferitur.

2. Audiamus quosdam e sanctis Ecclesiæ Patribus qui Millenarios impugnaverunt, illos qui intuitivam Dei visionem æternæ beatitudinem iustis hæc vita fundis absque mora retribuendam scribere, sequenti assertione audituri. priorum agmen ducit Cajus Ecclesiæ Romanæ presbiter, apud Eusebium lib. 3. Hist. cap. 28. adversus Cerinthum sic loquens. *Cerintus per revelationes quasdam a se, tamquam a magno quodam Apostolo, conscriptas: portenta quædam quasi ab Angelis sibi ostensa commentus nobis introducit, affirmans post resurrectionem regnum Christi in terris futurum, ac rursus homines Ierosolymis degentes, cupiditatibus & voluptati corporis obnoxios fore: additque ille divinarum Scripturarum hostis, mille annorum spatium in nuptialibus festis transactum iri, quo facilius imperitos homines decipiat.* Hunc apud eundem lib. 7. cap. 24. sequitur Dionysius Alexandrinus, qui & adversus Irenæum scripsit, teste Hieronymo præfat. ad lib. 18. in Isaiam. de illo Nepotem quemdam Ægypti Episcopum duobus libris refellente scribit his verbis Eusebius. *ad hæc duos libros de promissionibus composuit. Causam scribendi præbuit Nepos quidam Episcopus Ægypti, qui promissiones Sanctis Hominiibus factas in divinis voluminibus iudaico sensu exhibendas docebat, & nescio quod mille annorum spatium corporalibus refectum deliciis in hac terra fore affirmabat.... Hunc ergo Dionysius in libris de promissionibus acriter impugnat. ab his non est disjungendus ipse Eusebius, qui Millenariis contrarius, de Papiæ ejusque opinionibus loquens errorem esse dicit, ejusque mille annorum regnum veram fabulam; & illos qui commentum illud debellarunt celebrat. adentur ipsius historia.*

Hos sequatur Origenes qui lib. 2. de principiis cap. 12. cui titulus est de re-promissionibus, hæc habens. *sicut ergo in hac vita alius quidem summum bonum corporis indicat voluptatem: alius vero in commune consulere, alius studius & intelligentiæ operam dare: ita requiramus in illa vita; quæ vera est, quæ ab*

scandita esse dicitur cum Christo in Deo, in illa aeterna vita; si aliquis nobis talis erit vivendi ordo vel status. quidam ergo laborem quodammodo intelligentia recusantes, & superficiem quamdam legis litterae confectantes, & magis delectationis suae quodammodo ac libidini indulgentes solius litterae discipuli, arbitrantur futuras voluptates & luxurias corporis expectandas.... Apostoli Pauli de resurrectione spirituali corporis sententias non sequentes. quibus consequenter addunt & nuptiarum conventiones, & filiorum procreationes etiam post resurrectionem futuras fingentes sibi metipsis Jerusalem terrenam urbem aedificandam.... & ut breviter, dicam, secundum hujus vitae conversationem per omnia familia esse volunt omnia quae de re promissionibus expectant; id est, ut interim sit quod est. hoc ita sentiunt qui Christo quidem credentes, judaico autem quidam sensu Scripturas intelligentes, nihil ex his dignum divinis pollicitationibus praesumpserunt. Haec Origenes, quo agente ad veritatem revocati sunt quidam Arabes, qui eo devenierant insaniae, ut vellet hominum animas una cum corpore interire ac corrumpi, sed iterum resurrectionis, tempore simul cum iisdem corporibus ad vitam fore redituras. Euseb. lib. 6. hist.

Post Sanctum Ephrem qui commenta Millenariorum ut Scripturis contraria debellavit opuscul. 3. Sanctum Basilium qui Epist. 74. ad occidentales Apollinarii millenarii adhaerentis scripta de resurrectione, fabulosa vocat & ridicula: S. Gregorium Nazian. orat. 51. & 52. Apollinarianarum commenta persequentem & irridentem: S. Epiphanium haeresi 77. Millenariorum erroneas opiniones commemorantem: Philastrium Brixientem qui de haeresibus Tom. 4. biblioth. patrum cap. 12. Chiliasmum haeresim declarat eorum opinionem de mille annorum regno; habemus Sanctum Hieronymum Millenariorum dogmata frequenter proscribentem & sugillantem, etsi ad caput 19. Jeremias de hac opinionem nondum fuisse sua aetate ab Ecclesia damnatam illam licet errorem haeresimve non vocet, multorum veterum, inter quos & latinis Tertullianum, Victorinum, Lactantium commemorat, & graecis vero, ceteros praetermittens, Irenaei tantum Lugdunensis Episcopi facit mentionem, authoritati ne contradicat, ut ipse habet lib. 18. in Isaiam: hanc tamen aperte improbat. unde in cap. 19. Matth. haec Christi verba ad suos discipulos: *omnis qui reliquerit domum, vel fratres, aut sorores, aut Patrem, aut Matrem, aut uxorem, aut filios, aut, agros, propter nomen meum, centuplum accipiet, & vitam aeternam possidebit*, exponens juxta spiritualem sensum, ut reapse sunt intelligenda, sic loquitur. *ex occasione hujus sententiae quidam introducunt mille annos post resurrectionem, dicentes, tunc nobis centuplum omnium rerum quas dimisimus, & vitam aeternam esse reddendum: non intelligentes quod si ea ceteris digna sit repositio, in uxoribus appareat turpiter. ... sensus ergo iste est: qui carnalia pro Salvatore dimiserit, spiritualia recipiet. quae comparatione & merito sui ita erunt, quasi si parvo numero centenarius numerus compararetur. Eamque Millenariorum opinionem Evangelicę veritati maxime inimicam dicit. & per illud Hieronymi sedimonium occurrit oppositio Millenariorum ex his verbis Christi relatis pro suo errore argumentantium apud Irenaeum lib. 5. qua*

qua data spiritali expositione, quæ sola est juxta Salvatoris mentem, & ab omnibus Doctoribus universaliter recipitur, ruit penitus tam Papiæ quam Cerinthi commentum; & nulla remanet oppositio.

Nec est omitendus Augustinus, quem indoctus quidam non multis ab hinc annis e mentito Launoii nomine, novarum esse hæresum auctorem impudenter, sed non impune scripsit. sic autem loquitur lib. 20. de civit. cap. 7. S. Doctor. *De his duabus resurrectionibus idem Joannes Evangelista in eo libro qui dicitur Apocalypsis, eo modo locutus est, ut eorum prima a quibusdam non intellecta, insuper etiam in quibusdam ridiculas fabulas verteretur quæ opinio esset utcumque tolerabilis, si aliqua delicia spirituales in illo sabbato affuturæ Sanctis per Domini præsentiam crederentur, nam etiam nos hoc opinati fuimus aliquando. Sed cum eos qui tunc resurrexerint dicant immoderatissimi carnalibus epulis vacaturos, in quibus cibis sit tantus ac potus, ut non solum nullam modestiam teneant; sed modum quoque ipsius incredulitatis excedant; nullo modo ista possunt nisi a carnalibus credi: hi autem qui spirituales sunt, istos ista credentes Chiliaſtas appellant præco vocabulo, quos verbum e verbo exprimentes nos, possumus Millenarios nuncupare. Cerinthi Millenariorum principis commissa inter hæreses annumerat Sanctus Augustinus lib. de hæres. num. 8.*

Theodoretum a quo Nepos lib. 3. hæret. fabul. ea de causa hæreticis accensetur: Episcopos orientales Cyrillo contrarios Tom. 3. Concil. Cyrillum Alexand. Dionysium de cælesti hierarchia, Sanctum Fulgentium, cum aliis quibusdam, referre liceret de Millenariorum placitis idem sentientes, si brevitati ab iis supersedere nos monenti, non esset consulendum, præsertim cum ea omnia a quampluribus Theologis apud quos videri poterunt collecta habeantur.

S O L U T I O O B J E C T I O N U M .

1. **O**bjectio. Varia Christi verba conglomerant Millenarii in confirmationem sui erroris, quæ si litteraliter vel potius carnaliter possent intelligi non parum ipsis faverent. sic Math. cap. 5. *Beati qui esuriunt & sitiunt iustitiam, quoniam ipsi saturabuntur.* cap. 26. in ultima cœna discipulis suis dicebat Christus: *non bibam amodo de hoc genimine vitis, usque in diem illum, cum illud bibam vobiscum novum in regno Patri mei.* & Luc. cap. 22. *ego dispono vobis sicut disposui tibi Pater meus regnum, ut edatis & bibatis super mensam meam in regno meo.* ex quibus directe inferantur deliciae corporales, quibus in regno peculiari Christi fruuntur sunt electi; ipsumque illud regnum & cælesti beatitudine longe diversum, hancque per mille annos super terram præcedens post generalem mortuorum resurrectionem, per ea non obscure significatur. Hæc millenarii.

Resp. Si Sacras Scripturas pro arbitrio, uniuscujusque interpretari satis esset, ut aliquando observavimus, ad fundandam oppositionem directam adversus aliquod fidei caput, nullum foret catholicum dogma quod ex ipsis directe non impugnaretur, cum nullus fere possit error excogitari, qui testi-

monis

mentis sacrorum librorum in alienum falsumque sensum detortis non sulciatur. verum cum ex locis illorum male intellectis nihil directe contra quamcumque veritatem valeat inferri, nulla remanet oppositio, ut in casu praesenti. quid enim habent, aut habere possunt assuitatis cum laudatis Christi verbis fidei voluptates carnalesque deliciae quas in commentitio mille annorum regno post resurrectionem electis promittunt super terram Chiliae? quid cum esicis & potibus satietati illi quam per aeterna saecula pollicetur Christus Dominus iulis, qui imperfectam ac in multis deficientem esse in hoc seculo iustitiam suam experientia edocti quotidiana, in Deum, apud quem solum perfecta est consummataque iustitia, quae nusquam deficit, nec potest deficere, pleno cordis impetu feruntur? ejusdem generis absque dubio erunt satietas cum fame & siti. cibum potumque spiritalem desiderant quos Beatos dicit Christus ex eo quod iustitiam esuriant & sitiant: spiritualis ergo erit illorum satietas dum Deum intuitive videbunt, qui est fons & origo nec non plenitudo totius iustitiae. & ideo ex illa vere saturati, cum nusquam a Deo defecturi nihil amplius habeant quod esuriant & sitiant: indeque plene Beati non in momentaneo illo mille annorum regno gratis excogitato, sed in illo nusquam cessaturo regno Christi & Dei, in quo illi amatores veri & inconcussi boni, ut loquitur Augustinus lib. 1. de Serm. Domini in monte, illo cibo saturabuntur, de quo ipse Dominus dicit, meus cibus est, ut faciam voluntatem Patris mei, quod est iustitia, & illa aqua de qua quisquis biberit, fiet in eo fons aquae salientis in vitam aeternam. Illis iustitiam esurientibus & sitientibus, qui cum apparuerit gloria Dei satiabuntur, inebriati ab ubertate domus ejus, & voluptatis ejusdem torrente potati, juxta psalmistae verba, sicut & Apostolis suis, disponebat Christus sicut disposuerat ipsi Pater regnum, ut edant & bibant super mensam ipsius in regno suo, hunc spiritalem cibum potumque caelestem, quibus semel refecti, qui ad aeternam agni cenam vocati sunt, nec esurient nec sitient amplius; vel potius semper esurientes, continuoque sitientes, perpetuo reficiuntur de hoc genimine vitis quod novum semper est, bibentes in regno Dei. genimen vitis vere pretiosum quod Christus suae instantis passionis praesens, recumbens in ultima cena cum discipulis duodecim, dicebat se cum illis bibiturum in regno Patris sui, per quae ultima verba, si ut par est notentur, funditus evertitur Millenariorum commentum. neque enim dixit Christus, *in regno meo*, quod postularet fictitia ipsorum hypotesis, sed *in regno Patris mei*; quod cum nullum aliud sit quam caelorum regnum, aeternaque iustorum felicitas, cum Millenariorum de terreno Christi regno fabula nullo modo valet conciliari.

Spiritualiter igitur & non carnaliter accipienda esse utrobique Salvatoris verba nullus est qui non sentiat. Sub specie cibi & potus, ac vini designari aeternae civitatis, quae factum est, gaudia nusquam cessatura, intelligunt qui sepe in Scripturis sub imaginibus nuptiarum, & epularum aeternam beatitudinem exhiberi non ignorant. Hinc universalitatem bonorum & gaudiorum quibus abundat beatitudo celestis commemorat Christus his verbis apud Matheum

ihcūm

ibent cap. 8. *multi ab oriente & occidente venient, & recumbent cum Abraham, & Isaac, & Jacob in regno celorum*: & juxta eundem sensum dicitur Luc. cap. 24. *Beatus, qui manducabit panem in regno Dei*. metaphorice locutum fuisse Apostolis Christum duobus in textibus, in quibus se dicit cum illis de *gemimine novo vitis in regno Patris sui bibiturum*, illosque super ipsius mensam esuros & bibituros, volunt omnes patres, licet de tempore quod i s verbis designatur, omnes non consentiant: nonnullis, inter quos Chrysostomus, ea intelligentibus de tempore quod Christi resurrectionem secutum est, quod dicunt fuisse Christi regnum super terram, cum potestatem sibi a patre datam exercere cepit, eamque Apostolis suis ad Ecclesiæ, quæ est vere ipsius regnum super terram, regimen ex parte communicavit. Præterquam quod dici potest illa esse etiam litteraliter adimpleta. cum post suam resurrectionem pluries, per illos quadraginta dies qui ipsius ascensionem in Cælum præcessere, manducavit & bibit cum discipulis suis, ut legitur in Evangelio, & ut refert Apostolorum Princeps, act. cap. 10. *manducavimus & bibimus cum illo postquam resurrexit a mortuis*. Nihil ergo est in laudatis Scripturæ locis quod Millenariorum errori faveat, nisi quis iis impune abuti, a legitimo ac vero eorum sensu recedendo, temere præsumat. cæterum dicant qui Millenariorum adhuc partes agunt, quomodo in illorum hypotesi accipi debeant hæc Christi verba apud Lucam cap. 22. quæ immediate leguntur post illa quæ nobis obijciuntur; *& sedetis super thronos judicantes duodecim tribus Israel*. ut quis illi throni in regno hoc Christi, ut sedeat qui judicaturi sunt, cum non futuri sint in illo qui judicentur. in illo enim regno soli cum rege suo Christo erunt electi: quinam ergo erunt de quibus ferendum sit judicium? optime autem intelliguntur illa verba cum præcedentibus recte coherentia, dum hæc omnia in sensu metaphorico, pro ut a Christo prolata sunt, accipiuntur. His verbis si quidem figurate exprimitur gloria seu potestas, qua in fine temporum, nedum in die judicii, sed etiam per æterna sæcula a Christo donabuntur cum Apostolis electi omnes, a quibus judicabuntur, id est condemnabuntur. reprobi, quos mundi nomine designat Paulus epist. 2. ad Corinth. cap. 6 dicens, *an nescitis quoniam Sancti de hoc mundo judicabunt?* sicut ad duodecim tribus Israel pertinent quot quot judicandi sunt, ad duodecim thronos pertinent quotquot sunt judicaturi cum duodecim Apostolis, propter significationem universitatis, ut habet S. Augustinus in psal. 86. Si verba illa Christi juxta litteram accipi non posset advertissent, quos Papæ sicut & Cerinthus fabula suos fecit, quoddam sui erroris fundamentum, falsa interpretatione delusi, in ipsis non sibi imperite finxissent.

2. *Objeccio*. Ad litteram descriptum videtur mille annorum Christi regnum ab Apostolo & Evangelista. Joanne in suæ Apocalypcos libro cap. 20. sequentibus verbis: *& vidi Angelum descendentem de celo, habentem clavem abyssi; & catenam magnam in manu sua. & apprehendit draconem, serpentem antiquum, qui est diabolus & satanas, & ligavit eum per annos mille: & misit eum in abyssum, & clausit, & signavit super illum,*

„ ut

ut non seducat amplius gentes donec consummentur mille anni . & post hæc oportet illum solvi modico tempore . Et vidi sedes , & sederunt super eas , & iudicium datum est illis : & animas decollatorum propter testimonium Jesu , & propter verbum Dei . & qui non adoraverunt bestiam neque imaginem ejus , nec acceperunt characterem ejus in frontibus aut in manibus suis , & vixerunt , & regnaverunt cum Christo mille annis . ceteri mortuorum non vixerunt donec consummentur mille anni . Hæc est resurrectio prima . Beatus & Sanctus , qui habet partem in resurrectione prima ; in his secunda mors non habet potestatem : sed erunt Sacerdotes Dei & Christi , & regnabunt cum illo mille annis . & cum consummati fuerint mille anni , solvetur Satanas de carcere suo , & exibit & seducet gentes quæ sunt super quatuor angulos terræ , Gog , & Magog , & congregabit eos in prælium , quorum numerus est sicut arena maris . & ascenderunt super latitudinem terræ , & circuierunt castra Sanctorum & civitatem dilectam . & descendit ignis a Deo de cælo & devoravit eos ; & diabolus qui seducebat eos , missus est in stagnum ignis & sulphuris ubi & bestia . Hæc autem Joannis narratio ita coheret cum hypotesi Millenariorum , ut illam non prædixisse Joannem atque spiritu prophetico vidisse possibile non sit . unde , inquirunt , nec fundamento caret in Scripturis mille annorum Christi regnum cum suis Sanctis super terram , nec inter vana otiosæ mentis commenta est recensendum , sed potius ut sententia librorum sacrorum testimoniis fulta , & a quampluribus variorum temporum Patribus ac Doctoribus propugnata , est retinendum . ita millenarii .

Resp. Millenariorum de Christi regno cum justis super terram post generalem mortuorum resurrectionem opinioni favere minime percelebrem hanc Joannis prophetiam , sed potius illi adversari , nemo legit qui non advertat : tantumque abest ut illa fulciatur hujusmodi commentum , quin potius per eam funditus evertatur . Juxta Chiliastrarum hypotesim fictitium illud mille annorum regnum exordium a generali resurrectione est sumpturum . illi vero mille anni de quibus Apocalypsis , resurrectionem præcedunt , ut demonstrant hæc verba : *ceteri mortuorum non vixerunt donec consummentur mille anni* . quibus si addantur ea quæ loquitur Joannes in decursu capituli ejusdem : *& vidi thronum magnum candidum , & sedentem super eum . . . & vidi mortuos , magnos & pusillos stantes in conspectu throni . . . & judicati sunt mortui . . . & judicatum est de singulis secundum opera ipsorum* : per quæ , ut evidens est , describitur iudicium universale quod resurrectionem subsecuturum est , nullus remaneat ambigendi locus , opinionem Millenariorum Joannisque prophetiam inter se nullatenus coherere , imo secum ex adverso pugnare . Idque clarius innotescit ex istis ejusdem verbis . Cum consummati fuerint mille anni , solvetur satanas de carcere suo ; & exibit , & seducet gentes , &c . quare & quomodo de carcere seu de abyssu exiet , quævis gentes est seducturus Satanas , cum jam venerit , peracto generali iudicio , finis universæ rei ; solumque , si futurum esset , remaneret Christi regnum cum electis suis ? Numquid electos post resurrectionem in æternum cum Christo permansuros tunc tem-

temporis seducet diabolus; sed possibile non erit. neque enim tentationi aut seductioni locus erit ubi in resurrectione corruptibile hoc quod ferebat in presenti sæculo hæc caro peccati induerit incorruptionem; & aliunde transactis his mille annis regni Christi super terram, electi omnes, concedentibus Millenariis, cum capite suo sint in regno Cælorum intuitiva Dei visione illos beante donati perpetuo futuri. Nihil ergo inter hanc Apostoli & Evangelistæ simulque Prophetæ Joannis prædictionem & Millenariorum commentum: maxima inter utrumque extat oppositio, quæ primo intuitu legentes fugere non potest, unde a diligentiori inquisitione abstinendum nobis ratio dicat.

Quisnam igitur, dicit fortasse aliquis, erit sensus prophetiæ hujus, quod namve objectum ipsius: Rem haud parum difficilem a nobis hic exposulari non difficeor: hancque resolvere nostri non esset instituti, cum satis sit quod ostenderimus illam prophetiam nullum ordinem dicere ad Millenariorum systema. Verum ne videamur hac in re omni ex parte deficere verbis Joannis nullatenus intellectis, aliquid, quantum conjicere licet, ab Apostoli testimonio forte non alienum, pro nostra tenuitate in medium proferre tentabimus.

Christum, corpusque ejus mysticum quod est ipsius Ecclesiæ, ad quam ab Abel justo, ut loquitur Sanctus Gregorius Magnus in cap. 20. Matth. usque ad ultimum electum, qui in fine mundi nasciturus est, pertinent omnes Sancti, esse quarumcumque prophetiarum objectum & terminum vel proximum vel remotum nullus est qui dissentiat. quotquot ante Verbi incarnationem extitere Prophetæ, omnes de illius adventu, vel de illius ministerio, vel de formatione ejus Ecclesiæ constanter prænuntiaverunt. a mortis ipsius & resurrectionis tempore quiddam prophetice locuti sunt sancti Dei homines vere inspirante Spiritu Sancto, hoc ad illius spectare Ecclesiæ; & in ipsa fore adimplendum, certissimum est. inter varias quæ in Scripturis Sanctis sparsim reperiuntur Apostolorum prædictiones, ea celeberrima est quæ legitur in libro Apocalypsis, in qua permulta circa Ecclesiæ ad finem usque temporum prænuntiantur. quo tempore & quomodo consummanda sint hæc omnia ille solus novit qui ea voluit scribi. Apocalypsim Joannis pro libro canonico habet Catholica Ecclesiæ, de sensu illorum quæ in eo continentur non judicans nihilve definiens. prælia militantis Ecclesiæ super terram, persecutiones quas passura est, nec non vindictam quam de persecutoribus ipsius Christus est sumpturus, ab Evangelista Joanne describi non difficile intelligitur. meretricis magnæ quæ sedet super aquas multas, mulieris sedentis super bestiam, Babylonis magnæ matris fornicationum & abominationum terræ, nominibus, de quibus cap. 17. & 18. Romam infidelem sub Imperatoribus Paganis, qui Ecclesiæ Christi trecentis circiter annis acerbissime persecuti sunt, designari, quis non videt? & merito dicta est meretrix magna; quæ, ut loquitur Sanctus Leo, serm. 1. in natali Apost. Petri & Pauli, cum pene omnibus dominaretur gentibus, omnium gentium serviebat erroribus,

bus, magnam sibi videns assumpsisse religionem, quia nullam respuebat falsitatem: in qua proinde diligentissima superstitione habebatur collectum, quidquid usque fuerat vanis erroribus institutum. Hanc pro idololatria ejus, quæ parente diabolo bestię nomine designatis, totis viribus per tria sæcula pugnantem, ideoque vere ebriam de Sanguine Sanctorum, & de Sanguine Marijrum Jesu, jussu Dei judicio facinorum suorum pœnas dantem, stupentibus populis univērsæ terræ præ multitudine vulnerum ejus, videt Apostolus; terminumque ipsius impietatis, Ecclesiæ tranquillitatem ejusque pacem, nec non triumphum & victorias illorum qui pro Christo ac fide certantes hac vita functi sunt prænuntiat cap. 20. simulque describit gloriosum Christi regnum super terram, hoc est, Ecclesiæ illius gloriam, ligato Dracone & misso in abyssum; quæ Ecclesiæ Christi gloria cum pace perseveratura est per mille annos: per quos indefinitum & longum aliquod temporis spatium ad permulta indeterminate sæcula se extendens exprimitur, juxta usitatum Scripturarum loquendi modum. etenim in illis mille annorum numero temporis universitas sæpissime indicatur, ut post Cyprianum notat Augustinus lib. 20. de civit. cap. 7. transacto illo tempore, consummatisque mille annis de quibus Joannes, modico tempore solvetur satanas, & adveniet Antichristus gentes seducturus, magnaque fiet persecutio in Ecclesia, & erit tunc tribulatio, qualis non fuit ab initio mundi, neque fiet, ut Matth. Cap. 24. nos admonet Christus, sed propter electos breviabuntur dies illi. descendet ignis de Cælo impios devorans, & mittetur diabolus in stagnum ignis & sulphuris, ubi & bestia: & post hæc fiet universale judicium omnium hominum, nullo excepto, corporibus e pulvere excitatis. Hæc totius, loco laudato, prophetiæ summa, cum Joannis prophetica narratione, omni ex parte cœhareret, quod breviter ostenditur: indeque melius apparebit quam immerito Joannem eo loci in suas partes trahere tentarint Millenarii.

Dria circiter post sæcula a Christi Domini ad Cælos ascensione, per quæ fere continua facta est per omnes gentes, per quas disseminabatur verbum Dei, persecutio magna, præsertim cuncta in ditione Romani imperii, jubentibus ethnicis imperatoribus, vel illorum ministris provinciarum præsedis, crescente nihilominus, Deo promovente, christianorum numero, Roma inebriata Martyrum Sanguine, quem effuderunt velut aquam, descendit Angelus de Cælo, ut viderat Joannes, apprehendit draconem & ligavit eum per annos mille; quibus feliciter incipientibus, gentes & populi cum principibus & regibus, qui convenerant adversus Dominum & adversus Christum ejus inania meditati, ex Persecutoribus Christianorum facti sunt discipuli Christi, ejus Evangelio obediētes etiam Imperatores Romani, illis exemplum præbente Constantino Magno, Sacra Christi Cruce signati, Sanctæ ipsius religioni, facti idololatriæ ejusque fautoribus insens, palam patrocinari cœperunt. Tunc imperii sui fines ubique terrarum gloriare dilatans Christus, cui Deus dederat gentes hæreditatem suam, ut verus Deus æternique Patris Filius pro communi hominum salute factus homo, ab omnibus successive nationibus

cœpit adorari. memoriz Martyrum, quæ clam & vix, vigente persecutione, a Christianis frequentabantur, publice celebrari cœperunt, sacrisque ipsorum reliquis honor palam redditus est; simulque cum ipsis Sancti Confessores, qui etsi Martyrio usque ad sanguinis effusionem non fuerant coronati, Christum tamen coram Tyrannis non erubescens, ipsum libere confessi fuerant religioso cultu sunt honorati, juxta prænuntiatum a Joanne dicente, & vidi sedes . . . & animas decollatorum propter testimonium Jesu, & propter verbum Dei. quid enim aliud significatur per illas sedes, & per judicium quod datum est super illas sedentibus, animabus videlicet decollatorum, eorumque omnium qui bestiam non adoraverunt, nec characterem ejus acceperunt in frontibus suis, nisi honor ille triumphi quem ipsis decernit ab eo tempore ritu solemni Sancta Christi Ecclesia illorum merita exultans, forisque eorum gesta pangens: quibus Christi Martyribus ac confessoribus sociandos deinceps judicavit Sanctos illos & justos quorum mortem præciosam in conspectu Domini fuisse non ambiguis indicis agnovit? Hi omnes quorum triumphis congaudet populus Christianus, vere vivunt apud Christum & cum ipso regnant per mille annos; horumque regnum, cujus gloriam & magnificentiam narrat Ecclesia, vere pro ipsis est prima quædam resurrectio, cujus consortes non sunt cæteri mortuorum, qui, licet mortui in Domino, in memoria hominum non vivunt, ignotis ipsorum meritis, perfectaque illorum justitia ecclesiæ, quæ vere est Christi regnum super terram, non manifestata, nec manifestanda donec consummentur mille anni. Beatus & Sanctus, ait Joannes, qui habet partem in resurrectione illa prima. & reipsa beati hi omnes qui jam vivunt & regnant cum Christo, cum exinde in his non habeat potestatem mors secunda; sed sunt sacerdotes Dei & Christi, se ipsos & laudum sacrificia Deo & Christo per æterna sæcula offerentes.

Consummati cum fuerint mille anni illi quorum durationem solus agnovit qui omnia tempora in sua posuit potestate, solvetur Satanas de carcere suo & exibit & seducet gentes, vices illius agente super terram Antichristo, quem pseudopropheta nomine designat Joannes. acerbissima erit illis diebus persecutio adversus Sanctam civitatem & Sanctos, id est ecclesiam pioque in ea degentes. verum post modicum tempus, quod nonnulli trium circiter annorum futurum esse arbitrantur, descendet ignis a Deo de Cælo, ministros impietatis, filiosque perditionis devoraturus; mitteturque diabolus qui illos seducebat, in stagnum ignis & sulphuris, ubi & bestia, & pseudopropheta cruciabuntur die ac nocte in sæcula sæculorum. statim autem post tribulationem dierum illorum, sedente super sedem majestatis suæ Filio hominis, a cujus conspectu fugit terra & Cælum, & locus non invenietur eis, mortui magni & pusilli, (mari, morte, ac inferno dantibus mortuios suos qui in ipsis erant) stabunt in conspectu throni, & libri aperientur, & ex his quæ in libris erunt scripta, judicabuntur mortui secundum opera ipsorum: cumque de singulis fuerit judicatum, mors & infernus mittentur in stagnum ignis, cum his qui in libro vitæ inventi non fuerint scripti. Hæc est mors secunda. justii vero hæc in secunda resurrectione corporibus resum-

ptis transferentur in Cœlum, cujus gloriam ac splendorem sequenti capit. 21. describit Joannes allegorice sub nomine civitatis Sædæ, novæ Jerusalem.

Ex sic intellecto juxta litteram Apocalypsis vigesimo capite, cujus genuinum sensum attigisse nobis videtur, colligere cuilibet facillimum est, nihil in eo ex quacumque parte reperiri quo vel tantillum fulciatur Millennariorum hypotesis, ab intento verbisque Joannis radicitus dissidens. unde ut illud opponantibus directe respondeatur, non videtur eo recurrendum esse ut dicatur, totam illam prophetæ narrationem esse allegorice explicandam: hæc enim responsio indirecte supponit quod si litteraliter sumatur, Millennariis favere quodammodo potest, quod penitus falsum ostendit ipse textus in se simpliciter & prout sonat sumptus. Id unum obiter contra nonnullos Theologos istius testimonii Joannis expositores liceat observare, per verba illa v. 5. *ceteri mortuorum non vixerunt, donec consummentur mille anni*, non posse intelligi animas impiorum vispote morte peccati qualibet vita destitutus: neque enim consummatis etiam mille annis viventi, sicuti vere sunt victuæ illæ de quibus eo loci Joannes, ut non obscure indicat illud temporis adverbium *Donec*, quod est inclusivum, non vero exclusivum. unde in sensu supra expositio hæc sunt accipienda. nec pariter per *Angelum* habentem clavem abyssi, & catenam magnam, designatur primus Christi adventus, sævitiarum dæmonis ejusque potestatem cohibentis, cum inferni malitia etiam adversus ipsum Christum quadamtenus prævaluerit dum fuit cruci affixus, & per tria sæcula in ipsius discipulos crudelissime sævierit; ideoque hæc diaboli in vinculis conclusi servitus ad Constantinensiumque tempora videtur differenda; unde juxta allatam superius expositionem id est intelligendum.

ASSERTIO SECUNDA.

Iustorum Animæ quæ e corporibus exeuntes nihil habent purgandum, ad supremam Cœli beatitudinem, claræque Dei visionem absque mora esse admittendas tenet omnis catholice sentiens.

I Stud fidei nostræ caput & Christianæ spei veluti fundamentum, non minus Sacræ Scripturæ testimoniis nititur, quam Ecclesiæ definitionibus, traditionisque auctoritate: unde e catholicorum numero expungendus jure censetur qui contradicit. cognitionem quam de Deo habemus in præsentis sæculo comparans cum illa quam habiuri sumus post mortem Apostolus, non ambigue significat epist. 1. ad Corinth. cap. 13. statim a morte visionis intuitiva iustorum animas fore donandas: ait enim, *videmus nunc per speculum in enigmate, tunc autem facie ad faciem*. Ne autem procrastinandum quis existimaret summam illam vitæ futuræ felicitatem, illud tunc de indefinito quodam tempore intelligens subjungit, nunc *cognosco ex parte, tunc autem cognoscam sicut & cognitus sum*; cum scilicet veneris quod perfectum est, atque *erascabitur quod ex parte est*, vitæ præsentis tempore; qua transacta adve-

adveniente morte corporis, *sive prophetia evacuabuntur, sive lingua cessabunt, sive scientia destruetur*: sola in æternum remanebit Charitas quæ numquam excidit. eodem igitur modo quo vita futura præsentem immediate subsequitur, ita imperfectæ Dei cognitioni hujus incolatus, illico succedet clara Dei visio in æternitate mansionis. Hac spe munitus, illaque fide fretus idem Apostolus, cui vivere Christus erat, lucrum reputabat mortem qua in cælo cum illo statim se futurum sperabat, æterna beatitudine & intuitiva Dei visione potiturus. Hinc desiderium illud vehemens quo pressus scribebat epist. ad philip. cap. 1. *mibi... mori lucrum... exarsitor autem... desiderium habens dissolvi, & esse cum Christo*. eo tendere piorum vota ut corpore soluti Deo illico fruantur eleganter describit epist. 2. ad corint. cap. 1. his verbis. *Scimus quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cælis. Nam & in hoc ingemiscimus, habitationem nostram, quæ de cælo est, superindui cupientes... nam & qui sumus in hoc tabernaculo, ingemiscimus gravati, eo quod nolumus exoliari, sed supervestiri, ut absorbeatur quod mortale est a vita qui autem efficit nos in hoc ipsum, Deus, qui dedit nobis pignus spiritus. audentes igitur semper, scientes quoniam dum sumus in corpore, peregrinamur a Domino: (per fidem enim ambulamus, & non per speciem) audemus autem & bonam voluntatem habemus magis peregrinari a corpore, & præsentem esse ad Dominum: ut quid ingemiscerent gravati fideles, & Paulus cum ipsis, si ut primum corpore solventur, se videre Deum per speciem, hoc est intuitiva visione, & cum illo esse in cælo non firmissime sperarent?*

¶ Eandem veritatem confirmant hæc Pauli verba de Christo ascendente in cælum sic loquentis epist. ad Ephes. cap. 4. *ascendens in altum captivam duxit captivitatem*. credit enim Ecclesia Patriarcharum, prophetarum, cunctorumque justorum animas e lymbis ubi detinebantur exeuntes, tamquam victoriæ Christi trophæum cum ipso cælum fuisse ingressas. de Ecclesia triumphante in cælis hæc scribit epist. ad Hebr. cap. 12. *accessistis ad Sion montem, & civitatem Dei viventis, Jerusalem Cælestem, & multorum millium Angelorum frequentiam, & Ecclesiam primitivorum qui conscripti sunt in cælis, & judicem omnium Deum & Spiritus iustorum perfectorum, & testamenti novi mediatorem Jesum*. quibus omnibus si addantur hæc Joannis verba Apocal. cap. 7. *vidi turbam magnam, quam numerare nemo poterat ex omnibus gentibus... stantes ante thronum & in conspectu agni amicti stolis albis, &c.* evincitur aperte ex Scripturis, non expectata judicii die, sed absque mora animas justorum sine macula decedentium æterna beatitudine frui, Deumque in cælo intuitive videre.

Nec tacenda judicamus ea quæ latroni in cruce locutus est Jesus, Luc. cap. 23. *ille dicebat ad Jesum: Domine memento mei: cum veneris in regnum tuum. & dixit illi Jesus: amen dico tibi; hodie mecum eris in Paradiso*. Hæc enim pro assertionem nostram aperte pugnant: nec ullo modo ambigua esse, sed magno referta lumine asserimus, quidquid Petavio, quem sequitur Jucnin; videatur. quid paradisi nomine eo loci sit intelligendum, an cælum, an sinus Abrahæ, an aliquod aliud voluptatis receptaculum, parvi refert. de loco,

loco, ut ita dicam materiali, frustra quaeritur. quis enim negaret cælum vel Paradisum, vere esse ubicumque animabus justis Deus se, ut est in se, exhibet præsentem, ac remuneratorem, magnificum se ostendit; eo modo quo loquitur Christus, nullum relinquit ambigendi locum. si dixisset simpliciter, hodie eris in paradiso, quædam circa locum vel Paradisum difficultas probabiliter efformaretur. sed addendo *meum*, cuiusque difficultati ac dubio occurrit. ibi juxta veracissimum Christi promissum fuit fortunati illius latronis anima, ubi fuit ipsa Salvatoris Jesu anima: præcisa sunt, non obscura, verba Christi promittentis. visione Dei intuitiva donatam fuisse Christi animam, qua semper, ob unionem hypostaticam naturarum utriusque divinæ & humanæ, potita est, nullus dissebitur, ideoque ex perpetuo divinitatis consortio beatus extitit Christus licet viator, etiamque dum cruci affixus mortem pro hominum salute subibat; ad ejsdem divinitatis consortium eo ipso die pervenisse latronem, quamvis non eodem modo quo Christus, privilegio equidem particulari, fatendum est; alioquin frustranea, saltem ex parte videretur spes ipsi data a Christo, quem suis non exacte stetisse promissis arbitrari quis posset, quod vel cogitare blasphemum esse nemo ibi inficias.

Idem fidei caput quod Sacris nititur Scripturis confirmat Ecclesiæ auctoritas. in formula seu professione fidei græcorum & latinorum in Concilio Lugdunensi secundo hæc habentur. *credimus illorum animas qui post Sacrum Baptisma susceptum nullam omnino peccati maculam incurrerunt, illas etiam quæ post contractam peccati maculam, vel in suis manentes corporibus, vel iisdem exutæ... sunt, purgatæ, mox in cælum recipi.* Huic definitioni in decreto unionis concilium Florentinum addit, & intueri clare ipsum Deum trinum & unum sicuti est, pro meritorum tamen diversitate, alium alio perfectius. unde concilium Tridentinum sess. 25. docet Sanctos una cum Christo regnantes, orationes suas pro hominibus Deo offerre... illos vero qui negant Sanctos æterna felicitate in cælo fruantes invocandos esse, impie sentire. id etiam decretis summorum pontificum roboratur. sic Benedictus XII. in extravaganti quæ incipit, *Benedictus Deus*, de qua Raynaldus ad an. 1336. definit animas Sanctorum ante corporum resurrectionem ac generale iudicium visuras esse Deum visione, ut ait, faciali & intuitiva: damnatque eos ut hæreticos, qui verbo aut scriptis scienter & pertinaciter contrarium tenuerit. Huic veritati ante ipsum decreto solemni, subscriperant Innocentius III. cap. Apostolicam extrav. de Presbytero non baptizato, & cap. majores, de Baptismo. Clemens IV. Nicolaus III. Nicolaus IV. apud Raynaldum, atque etiam Joannes XXII. illud non semel professus est, ut idem observat ad an. 1331.

Hoc Catholicum dogma constanti traditione niti offendit unanimis Patrum consensus, cui officere nullo modo potest quorundam Papæ adhærentium oppositio. præter eos quos supra laudavimus, nonnullos priorum sæculorum iterum audire juvat. quid primis Ecclesiæ diebus hæc de re credebatur, testantur revelationes illæ quas ubi factas refert in libro Pastoris Hermas vir inter fideles magni nominis Apostolorum Coætaneus, qui lib. 3. simil. 8.

de mystica illa turri sub cuius specie cœlestis felicitas illi repræsentabatur loquens, alics turrim ingressos ut coronentur commemorat, aliis in terra dimissis ut pœnitentiam agant. in turrim euntes, inquit Pastor, coronari sunt, quicunque luctati cum diabolo, vicerunt eum: satisfecerunt legi & servaverunt eam.

Clemens Romanus in priori ad corinthios Epistola: *Accipiamus*, inquit, *præ oculis nostris bonos Apostolos Petrus... multos sustinuit labores; atque ita Martyr effectus, discessit ad debitum gloria locum... Paulus patientia præmium obtinuit, & sub principibus Martyrium passus... in locum Sanctum abiit... His viris qui divinam vitam duxerunt aggregata est ingens electorum multitudo. quis sit ille gloriæ locus in quo præmiatur virtus, quis non intelligit?*

S. Ignatius instantie Martyrio ad quod ardenti studio properabat, hæc ad Romanos scribebat. *Sinite me ferarum escam fieri, per quas licet Deum adipisci... sinite me parum lumen haurire.*

S. Polycarpus Apostoli Joannis auditor in Epistola ad Philippeneses sic de Sanctis Apostolis loquebatur: *persuasi quod hi omnes in vacuum non cucurrerunt, sed in fide ac iustitia, & quod in debito sibi loco sint apud Dominum cum quo & passi sunt.* ab ipsius doctrina non recedens Smyrnenſis Ecclesia cuius ille erat Episcopus, de martyrio Sancti Polycarpi scribens sic de Martyribus loquebatur. *respiciebant ad ea bona qua tolerantibus reservantur, qua nec auris audivit, nec oculus vidit, nec in cor hominis ascenderunt; ipsi autem a Domino monstrabuntur.* postea Polycarpum ad Dominum sic orantem inducit: *Benedico te qui me in hunc diem, horamque hanc perducere dignatus es, ut partem caperem in consortio Martyrum tuorum, inter quos utinam suscipiar hodie coram te in Sacrificio pingui & accepto.* Deinde ad eundem Polycarpum rediens prosequitur; *per tolerantiam devicto injusto præside, secque immortalitatis corona accepta, cum Apostolis, omnibusque iustis exultans Deum glorificat.*

Adeo universaliter credebant Christiani secundo ecclesiæ sæculo Martyres statim a morte sempiterna beatitudine in conspectu Dei donari cum aliis iustis ut de Sancto Polycarpo affirmabant Smyrnenſes in sua Epistola circulari, ut in actis Sanctæ Synphorosæ & septem filiorum ejus hæc leguntur. *Elegerunt magis decollari, quam vinci: passi mortem, inter Angelos cum rege æterno vita fruuntur in cœlis.* dicatque circa idem tempus in sua pro Christianis apologia Athenagoras: *persuasi sumus, nos in hac mortali vita deservisse, alterum hac terrestri longe meliorem, nempe cœlestem, victuros apud Deum & cum ipso.*

Elegantius stylo eadem veritati testimonium perhibet Sanctus Martyr Cyprianus lib. de Mortalitate, in fine sic loquens. *amplectamur diem qui assignat singulos domicilio suo, qui nos istinc ereptos & laqueis secularibus exsoluit, Paradiso restituit & regno Cœlesti... patriam nostram Paradisum computamus... Magnus illic nos charorum numerus expectat, parentum, fratrum; Filiorum frequens nos & copiosa turba desiderat, jam de sua immortalitate secera, & adhuc de nostra salute sollicita. qualis illic Cœlestium regnorum voluptas sine timore moriendi, & cum æternitate vivendi? quam summa & perpetua felicitas? il-*

lic

lic Apostolorum gloriosus Chorus: illic Prophetarum exultantium numerus: illic Martyrum innumerabilis populus.... triumphantes illic virgines... remunerati misericordes... ad hos, fratres dilectissimi avida cupiditate properemus, & cum his cito esse, ut cito ad Christum venire contingat optemus. & tractatu de exhortatione ad Martyrium circa finem hæc habet. *quanta est dignitas & quanta securitas exire hinc latum, exire inter pressuras & angustias gloriosum, claudere in momento oculos, quibus homines videbantur & mundus, & aperire eosdem statim, ut Deus videatur & Christus? Tum feliciter migrandi, quanta velocitas? terris repente subtraheris, ut in regnis celestibus reponaris.*

S. Basiliius homil. in 40. Martyres, illos sic alloquitur. *vos non terra contexit, sed cælum excepit: aperta sunt vobis Paradisi porte: dignum profecto exercitibus Angelorum, Patriarchis, Prophetis, & iustis omnibus spectaculum.* His similia habet pluribus in locis. ipsumque sequitur S. Gregorius Nazianzenus, Appollinaristas Millenariis adherentes cum eo impugnans. præclara sunt ea quæ habet orationibus in Cæsarium fratrem, in Gorgonium sororem, in mox laudatum Basilium Magnum, aliisque in locis: quibus, sicut & iis quæ in Pulcheriæ laudem, ac in encomio Sancti Ephrem scribit S. Gregorius Nyssenus, ostenditur nedum Martyribus, sed & aliis iustis ex hac vita migrantibus nihil purgandum habentibus, statim concedi beatificam Dei visionem, æternamque in cælo felicitatem; hancque fuisse eorum temporibus iotius Ecclesiæ fidem, cui testimonium similiter perhibent Cyrillus Hierosolymitanus & Pictaviensis Hilarius. ipsis adjungeremus Ambrosium & Augustinum, atque etiam novissimis pro temporibus Claravallensem Bernardum nisi de iis fusius essemus infra dicturi.

Omnibus nota sunt quæ Orat. Panegyrica de S. Philogonio habet S. Joannes Chrysostomus. *Maximopere gratulor hujus Sancti felicitati, inquit, quod quamquam translatus est, atque hanc quæ apud nos est, civitatem reliquit, tamen in alteram adscriptus est civitatem, nempe Dei: & digressus ab hac Ecclesia, ad illam pervenit, quæ est primogenitorum descriptorum in cælis, ac relictis hisce seculis transit ad celebritatem Angelorum.* Huic Cyrillum Alexandrinum, Sanctum Leonem I. Sanctum Fulgentium Ruspensem Episcopum; Sanctum Gregorium Magnum, pluresque alios adjungere possemus. si enim a quarto sæculo, excipiatur Lactantius eloquentia & grammatica celebrior quam Theologice & Ecclesiasticis doctrinis, cui possunt accenseri perpauci inferioris etiam doctrinæ; omnes alios, quotquot fuerint Episcopi, hominesque cujusdam celebritatis in Ecclesia, inveniemus Millenariorum deliriis contrarios, & adversus illos nobis consentientes pro fide catholica totis viribus certantes: quidquid in oppositum garrere queant recentiores hæretici.

His omnibus, ex quibus invicte colligitur a primis Ecclesiæ diebus ad nostra usque tempora, omnes Ecclesiæ Patres, renitentibus licet paucissimis, iisque ex maxima parte pertenuis ingenii, mediocrisque doctrinæ, constanter tradidisse, animas iustorum quæ nihil purgandum habebant, fuisse statim a morte cælibus Angelicis in cælo sociatas cum Sanctis Martyribus, Deique conspectu in æterna felicitate positas; his omnibus, inquam, accedunt, Ec.

Ecclesiæ orationes de eadem fide testantes, hymni, publicæque preces. sive apud græcos, sive apud latinos, ut unicuique facillimum est investigare: nec non perpetua ejusdem Christi Ecclesiæ consuetudo Sanctos invocandi, ipsique triumphi honorem decernendi, eo quod mundi principe superato, victores ascenderunt in cælum cum immensa suppellectili meritorum, ut loquitur Bernardus, de manu Domini, in cujus potentias introierunt, coronam victoriæ accipientes. ii autem Ecclesiæ usus a primis diebus, non invaluit, nisi quia semper credidit ut indubitatum quid, iustorum animas, ut dictum est, statim a morte intuitiva Dei visione gaudere.

S O L U T I O O B J E C T I O N U M.

1. **O**bjectio. *Æterna felicitate, intuitivaque Dei visione non fore posituras iustorum animas, licet nihil purgandum habentes, nisi post generalem mortuorum resurrectionem in fine temporum directe inferatur ex illa Christi parabola Math. cap. 20. in qua Paterfamilias qui diversis diei horis operarios conduxerat in vineam suam, sero per procuratorem vocatis operariis mercedem eisdem singulis reddit, denarium videlicet unicuique retribuens. Denarium æternam felicitatem significare; per vesperam intelligi mundi finem: Patremfamilias esse Deum, certissimum est. vita igitur æterna, Deique visione non præmiabuntur electi nisi post finem diei, omnesque simul & eodem tempore; quod minime dici posset posita veritate assertionis.*

Resp. Quoquo modo intelligatur illa parabola quæ plures patitur interpretationes, intentum ex ea minime habent a quibus hæc nobis opponitur. Patremfamilias esse Deum, denarium significare vitam æternam intuitivamque Dei visionem, id libenter concedimus ut pote instituto Christi parabolam proponentis vere consonum. at per vesperam designari mundi finem, id non damus, existimantes per eam significari uniuscujusque obitum, & eodem tempore unicuique hominum a Deo retribui secundum opera sua. parabolam illam proponens Christus duplex videtur habuisse intentum. unum, nemini desperandum esse de sua salute quandiu in terris degit, & unumquemque post hujus vitæ decursum mercedem plenam accepturum quicumque hora vocatus a Deo fuerit, sive mane, hoc est in juventute; sive circa undecimam, hoc est in ultima vitæ periodo vel senectute, modo corde sincero, rectoque animo fuerit ad Dominum conversus, & usque in finem perseveraverit. aliud, Judæis, non esse superbiendum de sua primæva vocatione ob legem ipsis per Moysen datam, quam observantes, pondus diei & æstus portaverunt: Gentiles tamen circa mediam mundi ætatem a Deo vocatos ipsis pares esse futuros, ac etiam anteponendos, si fideles magis in mandatorum observatione reperti fuerint, & plus abundaverit illorum iustitia quam Judæorum, qui se credobant a Deo plus Gentilibus accepturos fore. illud autem fuisse præcipuum Christi institutum ostendit clausula ab ipso adhibita: sic erunt novissimi primi, & primi novissimi: multi enim

M m

sunt

sunt vocati pauci verò electi. His ita expositis cum maximo Sanctorum Doctorum numero, gratis nobis hanc parabolam opponi facile intelligitur. ceterum cum Tertulliano, Chrysostomo, Augustino, aliisque juvat observare parabolas non esse curiosius excutiendas sed ad mentem eas proponentes esse attendendum. & aliunde ad litteram illa usurpata, & de vita beata quæ justis retribuetur, sed differenda ad universale judicium usque, intellecta, ex illa multa incongrua, falsa atque absurda sequerentur, ut cuilibet illam legenti sit illico manifestum.

2. *Objection.* Dilationem æternæ beatitudinis usque ad diem universalis retributionis, cum ea omnes simul donabuntur justis, non obscure indicat Apostolus Paulus Epist. ad Hebr. cap. 11. & Joannes in Apocalypsi. de Patriarchis, Prophetis, aliisque justis veteris testamenti hæc scribit Doctor gentium: *juxta fidem defuncti sunt omnes isti, non acceptis repromissionibus, sed a longe eas salutes.... Hi omnes testimonio fidei probati non acceperunt repromissionem: Deo pro nobis melius aliquid providente, ut non sine nobis consummarentur.* His similia aliquo modo sunt quæ scribit Joannes cap. 6. his verbis. *vidi subitis altare animas interfectorum propter verbum Dei & propter testimonium quod habebant, & clamabant voce magna dicentes; usquequo Domine.... non judicas, & non vindicas Sanguinem nostrum de iis qui habitant in terra? & data sunt singulis stola alba: & dictum est illis, ut requiescerent adhuc tempus modicum, donec compleantur conservi eorum, & fratres eorum, qui interficiendæ sunt sicut & illi. ut quid autem clamarent Sancti, quidve expectandum haberent, si æterna beatitudine jam donati Dei consorcio fruerentur?*

- *Resp.* Talia ex Sacris Scripturis nullum directe vel indirecte dicentia ordinem ad præsens propositum pro arbitrio nobis opponere, Heterodoxo quid juvat? necessitatem ac meritum fidei, qua Dei promissis firmiter credimus, commendat eo loci Apostolus, fideles ad patientiam, quæ necessaria est ad reportandas repromissiones, exhortans, & confortans exemplo Patriarcharum & Prophetarum quos commemorat; qui verbis Dei credentes operati sunt iustitiam, tempus expectando quando secundum verbum suum cum ipsis facturus erat Deus: scientes se mercedem ab ipso aliquando consecuturos; non quidem in præsentis sæculo, sed in cælesti patria, quam quodam modo poterat adumbrare terra Chanaan, pro qua juraverat Deus ad Abraham & semen ejus, quam nihilominus quam multi ex filiis ejus non obtinuerunt: illi vero qui in ea demorati sunt, ibi fuerunt tamquam in aliena terra, consistentes quia peregrini erant & hospites in præsentis sæculo, veram patriam inquirebant, illam nempe civitatem fundamenta habentem, cujus artifex & conditor Deus, ut ibidem ait Apostolus. Hac fide armati, redemptionem quam populo suo, omnique humano generi missurus erat Deus, præstolabantur, tribulationes, variæque calamitates, quibus sæpè in terra abundat, Deo permittente, iustorum vita, patienter sustinentes, donec plenam & perfectam repromissionem acciperent. Hanc autem cum non possent adipisci nisi post adventum Messæ (juxta cujus fidem omnes isti defuncti sunt) qui per suam resurrectionem mortis vincula rumpens, captivam ducitur erat captivitatem in cor-
lum

Jam cum ascenderet, merito dicit Paulus hos omnes testimonio fidei probatos non accepisse repromissionem, Deo aliquid melius providente pro Christianis, qui statim a morte ingrediuntur in cælum, quod ante Christi ascensionem cunctis claudebatur; unde omnes veteris testamenti iusti sine nobis non sunt consummati. ex hac autem Apostoli narratione qui concluderet differri condemnationem illorum, & etiam Christianorum usque ad generalem mortuorum resurrectionem, eo sensu quod visione beatifica, gloriaque cælesti antea iustorum animæ non donentur, nec minimum apud Apostolum verbum reperire est quo fundetur erronea hæc sententia.

Nec magis urget testimonium ex Apocalypsi desumptum, in quo nihil est quod cum assertionem pugnet, quin potius: animæ enim quas vidit Joannes subtus altare sunt in cælo, cum, Christus quem significat agnus tanquam occisus, sit super altare. infra Christum sunt Sancti, visione beatifica cum ipso donati, nec quidquam pro suæ felicitatis complemento postulantes, quam in generali mortuorum resurrectione, resumptis corporibus suis, omnimode complendam esse indubitanter sciunt. unde illos de glorificatione corporis sui, quæ ut beatitudo accidentalis, qua fraudari non possunt, debet considerari, anxios esse minime crediderim, cum Deum intuitive vident, sicque essentiali beatitudine fruente, nulla inesse possit anxietas. quod si juxta illud desiderium de conglorificatione suorum corporum, quam ad diem ultimum judicii differendam esse non ignorant, quamque minime accelerandam esse, etsi ad Deum pro illa clamarent, certo noverunt, hunc Apocalypsis locum ferm. 3. in festo omnium Sanctorum interpretatur Sanctus Bernardus, id stylo oratorio loquitur, & juxta sensum accommodatum, qui ad dogma catholicum firmandum vel impugnandum, nullus est usus, cum nihil direde, vel in sensu proprio, possit ex illo concludi. concedam tamen stolam albam quam singulæ animæ acceperunt designare felicitatem & requiem illarum, ut ait Bernardus; quamquam hæc metaphorice potius accipienda videatur, & de corona victoriæ quam pro fide Christi morientes martyres reportaverunt intelligenda. quidquid ergo clamabant animæ illæ pro vindicta sanguinis, ille intelligit cui non est ignotus modus loquendi Prophetarum futura nuntianum veluti præterita jam fuisset aut saltem præsentia, multisque sæpe figuris in narrando urentium aut similitudinibus, sub quarum umbra delitescit verus ac præcipuus prophetiæ sensus, non raro diversus ab illo quem verba pro ut sonant præferre videntur, quique aliquando ipsam latius prophetam. in cælesti gloria ante thronum Dei assistentes iustorum animæ nullo possunt inordinato affectu moveri, qui impossibilis est cum consummata illa qua flagrant charitate in Deum atque etiam in proximum: ideoque non nisi metaphorice vindictæ cupidi supponi possunt: imo gloriam Dei zelantes, conversionem & saltem illorum a quibus persecutionem passi sunt enixe deprecantur, quos felicitatis suæ consortes vellent habere. mysticus aut allegoricus ille clamor martyrum quem audiuit Joannes, est principium prophetiæ de vindicta quam Deus sumpturus erat de tyrannis populisque infidelibus qui ecclesiam Christi ejusque di-

scipulos atrociter ut alias diximus, persequuntur. verum cum hæc fuerit tempus haberet juxta divinæ sapientiæ decreta, & maximum gloriosumque testimonium durante persecutione fides habitura esset ex morte martyrum, quorum sanguis futurus erat semen Christianorum, pacemque ecclesiæ suæ non daturus esset nisi post tria circiter sæcula, auditiv Joannes quod animabus illis dictum est, ut requiescerent adhuc modicum tempus, donec martyrum qui adhuc, interficiendi erant, numerus impleteretur. interea animas illas videt Joannes singulas habentes stolas albas in signum felicitatis ac lætitiæ ante thronum in conspectu agni, & palmæ in manibus eorum, ut narratur capite sequenti. Nec temere dixerim palmas quas habere videntur in manibus idem significare ac stolæ quibus vestiri dicuntur, & vicissim stolas idem esse ac palmas, quæ improprie ac metaphoricè accipi debent, cum neque vestiri neque manus habere animas in sensu proprio & litterali dici possit. His sic expositis juxta verum Scripturæ sensum, in quantum conjeture licet ex prophetica narratione, circa quam nec Ecclesiæ, nec Sancti Doctores relative ad illius interpretationem determinarunt quidquam, facile intelligitur hunc locum Apocalypsis frustra nobis opponi, & ex illo adversarios nullo modo directè vel indirectè posse in nos argumentari. unde in forma iis omnibus responderetur negando illationem, ob totalem defectum coherentiæ inter illatum & testimonia ex quibus illud quod intendunt, inferunt. siquæ permultis vanisque subtilitatibus, quæ sunt extra propositum, nihilque ad quæstionis elucidationem interviunt, obviaretur. Neque enim video quid veritati, aut concertantium utilitati conferat, testimonia Sacræ Scripturæ aut Sandorum patrum explicare ut conciliantur cum propositione quæ impugnatur, quando ex illis adversus eam legitima illatio esse non potest. qua forte ingrata, nimium inter Scholasticos invaluerit rescindendus ille abusus, ex quo multa oriuntur incommoda persæpe studentibus nociva, quis novit?

3. *Objeccio.* Perplura sunt Sacræ Scripturæ loca quæ vix intelligi possunt si de dilatione æternæ beatitudinis ad diem usque judicii non intelligantur, ut sunt ea in quibus Christus loquitur de separatione bonorum a malis quæ fiet in die illa, quando congregabuntur ante eum omnes gentes: quod confirmari videtur per ea Apostoli verba dicentis, *reposita est mihi corona justitiæ, quam reddet mihi Dominus in illa die justus judex*, ut habetur 2. Epist. ad Timotheum, cap. 4. ad quæ accedunt ista 1. Epist. ad corinthios, cap. 15. *si mortui non resurgunt... ergo & qui dormierunt in Christo, perierunt. si in hac vita tantum in Christo sperantes sumus, miserabiliores sumus omnibus hominibus.* quibus similia fere sunt illa quæ leguntur lib. 2. Machab. cap. 13. *Nisi eos qui ceciderant, resurrecturos speraret, superfluum videretur & vanum orare pro mortuis.* quibus addi possunt hæc Joannis verba Epist. 1. cap. 3. *scimus quoniam cum apparuerit, similes ei erimus, quoniam videbimus eum sicut est.* Hæc autem non nisi in secundo Christi adventu vere sunt complenda. ad illam ergo differenda est cælestis beatitudo, ad quam statim a morte non admittuntur justorum animæ, etsi nihil purgandum habeant quando vita funguntur.

Resp. Ex iis omnibus Scripturæ momentis, quæ post Calvinum lib. 3. insit.

fit. cap. 25. ab Heterodoxis opponuntur, vix unum est quod respectum habeat quemdam ad intuitivam Dei visionem, æternæque Beatitudinis fructum. nem. capropter juxta id quod modo observabamus, de iis non indecore tacere possemus; verumtamen ne imperito cuidam nos vinci difficultate dicendi locum dare videamur, dicemus, quod si iustorum Beatitudinem ad ultimum usque Christi adventum suspenderet Scriptura quodam in loco, quod non concedendum existimamus, id est intelligendum de Beatitudine totali & generali, quando scilicet iusti omnes, illorum animabus suis corporibus de novo unitis in generali resurrectione, post latam a supremo iudice sententiam, simul ibunt in vitam æternam totali donati beatitudine corporis & animæ. sed exinde non evincitur iustos ex hac vita migrantes statim a morte in cælestem patriam non evolare felices quoad animam semper futuros, quos intuitiva Dei visione absque mora gaudere ex ipsa Scriptura ostensum est. si de ultimo loquatur iudicio Christus Dominus, de futura beatitudine quantum ad tempus in quo unusquisque illa est donandus nihil cogitat. hominum, quibus in die illa tremenda nullus amplius erit poenitentiae locus, vigilantiam excitare vult; ideoque manifestationem boni & mali, iustorumque ab iniquis legregationem cunctis spectantibus creaturis, unoquoque nostrum pro se rationem reddituro, ob oculos ponit, diversas illius universalis iudicii circumstantias commemorans, quarum memoria timor utilis animis incutiatur. nosque omnes in suo illo adventu paratos invenire desiderans, hortatur ut continuo vigilemus quia nescimus diem neque horam.

Timotheum hortans Apostolus ut adversus falsos doctores Evangelium Christi adulterantes fortiter & cum fiducia prædicet, patienter tolerando quæcumque insilientur adversa, illumque per Christum iudicem obtestans, illi prædicat futuram suam passionem, ostenditque se a Prædicatione Evangelii non cessasse etsi permultas habuerint perferendas persecutiones, pro quibus sperat nihil hæsitans in fide, se a Deo iusto iudice mercedem plenam accepturum esse, quam vocat coronam iustitiæ, non sibi solum reddendam, sed & iis qui Christi iudicis adventum diligunt: quæ omnia loqui videtur eo loci Apostolus, ut suo exemplo animos addat Timotheo, ut eadem fide armatus, eademque spe munitus pro nihilo habeat quiddid illi posset mali advenire ministerium suum adimplendo. alius eum non sit eo loci Pauli scopus, ut ex sola lectione evidens est, gratis opponi hæc verba pariter evidens est: nec ex illis in præsentī dissertatione aliquid pro vel contra inferri potest.

Multo minus sunt ad propositum alia ejusdem Apostoli verba, si mortui non resurgunt, &c. in Christi Domini Resurrectione totaliter fundari Christianæ fidei certitudinem, illaque sola niti spei nostræ firmitatem ostendere volens Paulus, optime argumentatur ex veritate Resurrectionis Christi. Si enim Christus non resurrexit, nec nos, quorum futuræ aliquando resurrectionis certitudo non aliud habet fundamentum præter illam quam prædicamus jam peractam Christi resurrectionem, resurgemus. Si Christus non resurrexit, inanis est ergo prædicatio nostra, vana est fides nostra. Si mortui non resurgunt,

gunt, ergo & qui dormierunt in Christo perierunt: nos quoque qui in hac vita solum in Christo sperantes sumus, si non est resurrectio mortuorum, miserabiliores sumus omnibus hominibus. & reapse miserabiliores, qui dura & terribilia pro Christi Evangelio ac fide patimur, sperantes nos plenam mercedem pro passionibus in resurrectione reportaturos fore, ab illa spe decidimus, in vanum laboramus. si a nobis hac vita fundis solum superest sepulchrum, quid ergo habebimus de labore nostro? quid juvat animam dare, sanguinem fundere pro Christo? invidiosissimum est illud Pauli argumentum contra illos qui animæ humanæ immortalitate negantes, futuram quam speramus corporum resurrectione fabulam reputant. unde ex veritate resurrectionis Christi certitudinem omnium futuræ resurrectionis a simili & ab exemplo legitime colligit & infert, exinde pariter ostendens non periisse qui dormierunt in Christo, nec miserabiles esse christianos, qui multo majorem spem in Christo habent pro vita futura quam pro præsentī. Hinc sequitur responsio ad textum desumptum ex libro Machabæorum. si qui ceciderant in prælio non essent resurrecturi, anima cum corpore intereunte, pro mortuis orare quid juvaret? sed anima corporis mortui supersit, sancta & salubris est cogitatio pro defunctis exorare ut a peccatis solvantur, ut alibi ostendemus cum omnibus catholice sentientibus. interea nemo non videt utrumque præallatum testimonium esse extra propositum.

Ad verba Joannis quod spectat, licet dubitari possit illud cum apparuerit; an ad Christum referatur, vel ad quiderimus: nihil tamen contra assertionem inde colligitur. Nondum apparuit. quid erimus, ait Joannes, scimus quoniam cum apparuerit, similes ei erimus quoniam videbimus eum sicut est. in resurrectione quid futuri simus omnes nos, nondum apparuit. Cum apparuerit quod nunc ignoramus, & ipse Christus, nobis resurgentibus, ut est Deus homo etiam apparuerit, tunc similes ei erimus, cum videntes eadem qua nos carne indutum, ut vere est. tuncque magis cognoscemus qualem charitatem dedit nobis pater, ut filii Dei nominemur & simus, ex quo verus & Unigenitus filius ejus factus est homo similis nobis, ut nos homines sibi similes, efficeret filios Dei. hæc omnia si uniantur, ut mihi videntur unienda plenum habent sensum; unde veluti per inductionem ex præcedentibus prosequitur Apostolus, & omnis qui habet hanc spem in eo, sanctificat se, sicut ille Sanctus est. quoquo tandem modo exponantur verba Joannis, id solum ex illis legitime inferitur, nos Christo in resurrectione similes futuros esse, illum corporis nostri oculis in carne nostrā etiam fore visuros: quod utrumque ut omnimode indubitatum speramus.

4. Objectis. Inter priorum sæculorum Sanctos Patres qui Millenariorum commentis quadam ex parte adhæserunt, major eorum numerus distulit futurorum beatitudinem in cælis usque ad judicii diem. Sic Papias, Justinus martyr, Irenæus, Tertullianus, Lactantius, alique. non est ergo cujusque catholice sentientis fides illa quam de iustorum animabus statuit assertio.

Resp. Quidquid de prænominatis patribus fuerit, quod curiosius adhuc inquirere esset superfluum, exinde minime sequitur fidem quam proposuimus,

non

non esse omnibus catholice sentientibus communem; inferendum ex præmissis solummodo esset hos Patres, re nondum satis eorum temporibus explorata, a communi fidelium sententia in quibusdam recessisse, quod ultro concedemus. Nec mirum quod Millenariorum fabulis leviter, ac ex præoccupatione mentis fascinati, intuitivam Dei visionem æternamque futuri sæculi felicitatem ad iudicem usque procrastinandam existimaverint. verum præter quod sibi parum constantes fuere, ut ex eorum scriptis constat, & alii ab aliis diversa sentirent, fere omnes Patres, cunctæque ecclesiæ per orbem dispersæ, eam quam nos profitemur fidem, eodem tempore cum Ecclesiæ Romana profitebantur, errorque illi oppositus privatorum hominum de re nondum comperta aut recte minus intellecta litigantium, quidve de ea esset certo tenendum dubitanter inquirentium fuit opinio, nec fidelibus populis ut amplectenda umquam, etiam ab ejus propugnatoribus, nuntiata, ut illorum temporum historiæ testantur; imo hæc semper fuit a doctioribus improbata, atque etiam valide impugnata, tandemque a Romano Pontifice damnata, & ab universa Ecclesiâ rejecta. Non tamen hæreticos fuisse dicatur, qui bona ducti fide, aut propria decepti simplicitate, vel etiam quorundam, pietate ac doctrina moti, opinionem illam tunc ab Ecclesiâ minime proscripam tenuerunt aut propugnaverunt: ex illorum ergo Patrum testimoniis contra constantem Ecclesiæ fidem, invalide argumentari cum Socinianis Novatores, facillime etiam indocti valent intelligere.

5. *Objectio.* Sanctus Hilarius qui Millenariorum insaniam minime adhaerebat procrastinari tamen existimavit regni cælestis beatitudinem ad iudicium usque: voluit enim iustorum animas de corporibus exeuntes ad introitum cæli reservari, in sinu Abraham interim collocari, quem adire impii non possunt, donec adveniat tempus rursus introeundi in regnum cælorum. opinatus est insuper sepultis corporibus animas ad inferos descensuras fore, hunc locum, quem Christus moriens visitavit, inevitabiliter perlosturas. quæ autem sic locutus est Hilarius in psal. 120. & 138. minime scripsisset, si animas iustorum statim a morte æterna Dei eas Beatificantis visionis frui-turas esse credidisset: unde regnum Christi distinguit a regno Dei Patris.

Resp. Modo intricatissimo pluribus in locis fuisse locutum Hilarium, multaque de animabus a corporum discessu pro singulari genio, intellectu difficilia scripsisse certum est. animas omnes defunctorum ad inferos ex communi lege & necessario descendere ad Christi morientis similitudinem, ut putaverat Tertullianus a quo lib. de anima hanc eibit opinionem dixit Hilarius: non tamen eas, iustorum scilicet animas, illic commemorari debita sibi beatitudine fraudatas voluit, nec velle poterat, cum de animarum descensione ad inferos loquatur ad imitationem Christi, qui statim ab inferis ascendit, & perpetua felicitate semper frui-tus est, idemque de animabus iustis sentire debuit, & revera sensisse ostendunt quæ habet in psal. 57. affirmans iustos statim ab obitu judicari, & de morte transire illico ad vitam. & in psal. 141. transire in cælestem Hierusalem, in terram viventium, in Paradisi incolatum, in regnum hereditatis. Hinc licet non facile

capiatur quare & quomodo Christi regnum distinguat a regno Dei, cum tamen nec gloriam, nec Dei possessionem excludat a regno Christi, nec sinum Abraham separet a cœlesti Jerusalem, & aliunde in psal. 65. dicat Martyres in cœlestis domicilii habitationem consummatis hostiarum sua um sacrificiis introisse, manifestum est a nostra sententia non recedere Præsulem Pictaviensem, sed potius illam confirmare.

6. *Objectio.* S. Chrysostomus videtur dubitasse an justorum animæ statim a morte fruuntur visione Dei intuitiva: licet enim partem affirmativam aliquando sequatur, in negativam nihilominus sæpe defleat; alicui non assereret animas bonis æternis non fruituras sine carne ut id dicit hom. 39. in epist. 1. ad corinth. in hæc Pauli verba: *si in hac vita tantum in Christo sperantes sumus*, &c. nec diceret tam justos veteris testamenti quam Christianos nos uno eodemque tempore omnes esse præmiandos, ait enim Deum tempus unum omnium coronarum definisse, homilia 28. in epist. ad Hebræos. & insuper paradisum alium esse a regno cælorum non existimasset, negando sinum Abraham in quem ex ipso feruntur justī morientes, esse cœlestis regni nobis a Deo promissum, ut aperte scripsit de bono latrone loquens, hom. 7. in genef. ut dogma ergo fidei non habuit Joannes sententiam illorum qui tenent animas justorum statim a morte ad supremam cœli beatitudinem evolare intuitiva Dei visione fruituras.

Resp. Sanctum Chrysostomum sententiam quam cum Ecclesia catholica propugnamus aliquando in dubium revocasse immerito fingitur: adeo enim aperta sunt quæ de illo supra retulimus, quibus alia non pauca, si opus esset, addi potuissent, ut in iis multum defudandum non habeamus ad infirmendam illationem quæ ex mox allatis parum sequitur. incertus fuerit Sanctus Doctor de loco in quo quiescunt animæ justæ, ubi situs certo dici queat, atque etiam utrum cælum & sinus Abraham sit unum & idem, illud ipsi commune est cum omnibus fere veteribus, qui nihil de eo certi habent, etsi animas illas, in loco ubi sunt, intuitiva Dei visione donari, cœlestique felicitate gaudere incunctanter tenuerit. de bono latrone loquens, ipsum consummatam tunc non habuisse beatitudinem, sicuti illam non sunt adepti veteres, nec adipiscuntur Christiani nisi post generalem resurrectionem, ultimumque judicium, quando advenierit a Deo definitum unum tempus, ut loquitur, omnium coronarum, voluit Chrysostomus, ejusque mentem aperiens censuit Theophilactus. & revera non totaliter perfecta erit Sanctorum felicitas, nisi resumptis corporibus e pulvere excitatis, iterumque per uniuscujusque animam informatis. tunc cunctis suis partibus constante Christi corpore, cujus vera membra sunt omnes quorumcumque temporum electi, quodve donec illorum impleatur numerus, est quodammodo imperfectum, ipsis in unum cum suo capite Christo in æternum radunatis, consummationem obtrinebit Sanctorum beatitudo; cui aliquid perfectionis deest quandiu super terram adhuc militant nonnulli eorum quos elegit Deus æterni mundi constitutionem. non sequitur tamen exinde beatas jam non esse ex intuitiva Dei visione animas justorum quæ nihil habebant purgandum mor-
tuo

no corpore, ex quo ascendente in cælum Christo apertæ nobis sunt januæ cæli. Nec alia fuit mens Chrysostomi, aliorumque Sanctorum Patrum, si ad illorum scopum attendatur, recteque pensetur eorum verba.

Nec movere debent ea quæ stylo oratorio scripsit Chrysostomus hom. 39. in mox laudata Pauli verba: nihil enim protulit quod non sit veritati omnimode consonum, mentemque Apostoli est optime assecutus. nam, ut diximus eundem locum interpretantes, si corpora non resurgunt, nec anima corona donabitur. non quod anima absque corpore beatitudinis aut coronæ sit incapax: hancque non attingit quæstionem S. Doctor; sed quia mortuorum resurrectio fundata in Christi resurrectione, est fundamentum spei nostræ: hac quodammodo nituntur omnes promissiones a Christo factæ, quæ, nobis non resurgentibus si non est resurrectio mortuorum, nihil aliud sunt quam verba, quibus credentes Christiani in hac vita tantum sperantes in Christo, miserabiles essent omnibus hominibus. in hac hypotesi animarum gloriam Chrysostomus negat: & nos illam cum ipso pariter negaremus: non vero posita fidei nostræ & spei firmitate, juxta cujus principia indubitata idem ac nos profiteamur dogma vere professus est Constantinopolitanus Joannes.

Obijci, adhuc solent adversus quam defendimus fidem, orationes Ecclesiæ ac liturgiæ veterum Patrum, in quibus preces ad Deum funduntur pro omnibus defunctis absque ullo discrimine, sive quid purgandum habeant sive non, ut locus quietis ac refrigerii ipsis concedatur: atque etiam in nonnullis sit mentio virginis Deiparæ, Apostolorum, Martyrum, & aliorum; quod frustra Deus postularetur, si exstimeret Ecclesia jam illis æternam felicitatem a morte fuisse concessam. verum parum esse in eis difficultatis mox adverteret, quisquis liturgias & orationes legens intellexerit non eandem esse precum rationem, nec unum esse illarum omnium finem. Beatam Virginem Mariam, aliosque Sanctos in missæ Sacrificio commemorans Ecclesia de illorum triumphis ac glorificatione Deo gratias agit, & ut illorum adjuvum intercessionibus deprecatur, illisque defunctis, qui nondum purgati, ad Sanctorum non transire consortium, prosint merita eorum, qui, nihil purgandum habentes, stant ante tronium Dei, intuitiva illius visionis donati. unde Ecclesiæ preces quæ generatim, & inidistincte pro quibuscumque defunctis fiunt, ad diversum scopum & finem juxta intentionem Ecclesiæ sunt referendæ per accommodatam distributionem, ita ut purgandis cælestem claritatem peroptantem, hancque pro ipsis absque mora suppliciter exposculantes per intercessionem Sanctorum quorum memoriam celebramus, istos quibus, victoriam & felicitatem gratulamur, Deo pro beneficiis illis collatis debitas reddentes laudes, patronos & advocatos apud ipsum habere possimus, eorumque adjuti suffragiis & protectione muniti, ad eandem mercamur pervenire gloriam continuo deprecemur. sique cum defunctis nondum purgatis pro quorum liberatione preces fundimus, in æternam simul translati requiem per Christi merita, nos omnes cum Domino semper esse possimus. eo dumtaxat tenent Ecclesiæ orationes: juxta hunc sensum vere sunt intelligendæ, quoquo

modo exprimantur: nec aliud fidelibus intendere licet, quam quod ipsa intendit catholica Ecclesia, cujus mentem tot quorumcumque seculorum monumenta testantur.

QUÆSTIO SEPTIMA.

Quid de justorum decedentium animabus quæ nihil purgandum habent opinati sint Sancti Patres Ambrosius, Augustinus, & Bernardus.

DE loco in quem migrant e præsentī sæculo transeuntes animæ justorum æterna beatitudine fructuræ, parum certis pluribus inter Sanctos patres priorum temporum, ut mox incidenter observavimus, eos in malam partem trahere conantur recentiores heretici, traditionis auctoritatē exinde detrahi existimantes; non attendentes hæc duo esse valde dissimilia, dubitare de illarum gloria, & dubitare de loco gloriæ. re nondum satis illorum temporibus explorata, excogitarunt receptacula quædam in quibus ex Dei possessione felices ad resurrectionem usque commorarentur, ambigentes an hæc receptacula essent vel paradysus, vel sinus Abrahæ, vel aliquid aliud; circa quod nullum jam, etiam a pluribus sæculis, remanet dubium, animas illas in Cælum migrare ante Dei conspectum mansuras docente Ecclesia. cum Ambrosius, Augustinus, & Bernardus apud quosdam in suspensionem venerint tamquam a Millenariis non satis recedentes, animarum de quibus agitur felicitatem ex Dei visione ad iudicium usque procrastinari putaverint, illorum mente accuratius juvat aperire, ne Sanctis his Doctoribus a malevolis hæc nota impune inuratur, quos defensores catholici dogmatis extitisse certissimum est.

ASSERTIO UNICA.

Nec Sanctus Ambrosius, nec Sanctus Augustinus, nec Sanctus Bernardus, a catholico dogmate vel minimum deflexisse dici possunt, utpote qui de animarum beatitudine statim atque corpore soluta sunt nunquam dubitaverint.

I. Ab illo dubio vindicatur Sanctus Ambrosius.

APerta sunt adeo quæ de statu animarum post mortem variis in locis scripsit Mediolanensis antistes, ut circa istud catholicum dogma vindicari nullo modo indigeat, nec dubia ullatenus ipsius fides cuiquam videri merito possit. Hunc vel ut Doctorem & episcopum, vel ut oratorem audiamus loquentem, justorum animas beatitudine cælesti, cujus basis & fundamentum est intuitiva Dei visio, potiri asserentem ubique illum inveniemus. De Aetholio episcopo Corinthiorum, vel Thessalonicensium recens hac vita sancto sic loquitur epist. 15. *est igitur jam superiorum incolæ, possessor civitatis æter-*

æterna illius Hierusalem, quæ in Cælo est. videt illic urbis ejus mensuram immensam, purum aurum, lapidem pretiosum, lumen sine sole perpetuum, & hæc omnia jam dudum quidem sibi comperta; sed nunc facie ad faciem manifestata videns dicit: hæc audivimus ita & vidimus in civitate Dei nostri. de Sanctis Gervasio & Protasio loquens alia in epistola dicit illorum corpus esse in terra & animam esse in Cælo. loquens vero de lapsu Petri lib. 10. in Lucam sic ipsum compellat. unde te evocem, Petre, ut doceas me quid flens cogitaveris? unde te, inquam evocem? De cælo, ubi jam choro insertus es Angelorum. orationem quam habuit de funere Theodosii imperatoris, illum Paradisi & supernæ civitatis incolam dicit: & oratione in obitu Valentiniani, istum jam frui vita æternæ prædicat. tandemque in libro de bono mortis, ob quem apud nonnullos in suspicionem venit, præcise ita loquitur ut omne dubium a se prorsus avertat. ait enim de justis cap. 11. quod hanc remunerationem habent, ut videant faciem Dei, & lumen illud quod illuminat omnem hominem. quibus omnibus si addantur ea quæ in fine illius libri scribit fideles adhortans ut constanti animo mortem venientem intueantur, mirum cuique videbitur quod sinistre circa præsentem statum animarum, potuerit usquam apud litterarum aliquem audire Ambrosius. intrepide, inquit, pergamus ad Redemptorem nostrum Jesum, intrepide ad Patriarcharum concilium, intrepide ad Abraham patrem nostrum, cum dies advenierit profisciscamur... ibimus eo ubi servulis suis Dominus Jesus mansiones paravit. Sequimur te Domine Jesus, sed ut sequamur accersere, quia sine te nullus ascendit. Tu enim via es, veritas, vita, possibilitas, fides, præmium. suscipe nos quasi via, confirma quasi veritas, vivifica quasi vita. pande illud tuum bonum quod videre desiderabat David. Demonstra nobis illud bonum, quod est simile tui, semper indissolubile atque immutabile. in quo finis æterni... ex Ambrosio animæ iustorum corpore solutæ sunt incolæ & possessores civitatis æternæ quæ in Cælo est, & in hac civitate Dei vident faciem ad faciem lumen æternum quod Deus est: Angelorum choro insertæ præmiantur videntes Dei faciem: sunt eo in loco ubi Christus Jesus servis suis paravit mansiones; bonum indissolubile atque immutabile quod Deus est, contemplantur. Nec aliquid dixit aliquando aut scripsit Sanctus Doctor ex quo sibi contrarius jure merito dici queat, imo sibi constans in eadem sententia perseveravit. a Catholico igitur dogmate circa statum animarum quæ corpore solutæ nihil purgandum habent nec minimum desistere dicendus est Mediolanensis præsul, qui eandem fidem quam nos profitemur perpetuo tenuit.

Opponunt tamen quibus placet asserere Ambrosium a communi patrum opinione hac in parte recessisse, aut saltem de præsentis Sanctorum gloria ancipitem fuisse, & dicunt illum lib. 2. de Cain & Abel cap. 2. scripsisse animam corpore solutam post finem vitæ hujus adhuc futuri judicii incertam remanere, quod conciliari nequit cum æterna beatitudine. adduntque Sanctum episcopum libro citato de bono mortis cap. 10. recludere animas iustorum in receptaculis quibus dum quæ promptustia vocat, ubi diem judicii expectant ut coronentur: & commendare opinionem eorum qui volebant ani-

mas illas ad inferos descendere: unde concludunt ipsum animabus illis non concedere caelestem eternamque felicitatem. præterquam quod, inquirunt, ex septem latinis ordinibus quos statuit pro animabus Sanctis, nullus visionem Dei complectitur, imo dicit animas prævidere gloriam suam, at illas expectare plenitudinem temporis ut remunerationem debitam consequantur: quæ omnia juxta ipsos hominem in sua sententia vacillantem ostendunt.

Resp. Sancti Ambrosii mentem liquido ostendunt ea quæ ex ipso mox retulimus, quibus nullatenus adversamur illa quæ opponuntur, quin potius Sandum Doctorem, non vacillantem, sed sibi constantem nobis exhibent: *solentur*, inquit, *corpore anima*, & *post finem vitæ hujus adhuc tamen futuri judicii ambigua suspenditur*. & merito quidem incerta, imo & anxiosa manet corpore soluta anima; siue quæstio moveatur de judicio particulari, ut indicare videntur hæc sequentia Ambrosii verba: *ita finis nullus, ubi finis putatur*. suspenditur ambigua post finem vitæ hujus ignorans quam de illa sit latorus sententiam iustus iudex: omnis quippe iustus moriens, cum Apostolo dicturus est, *nil mihi conscius sum, sed non in hoc justificatus sum*; & de sorte sua sollicitus trepidat donec de se judicatum sit ab eo qui & *in Angelis suis reperit pravitatem*. siue loquatur S. Doctor de judicio universalis, cujus tempus ignorant sancti in Cælo, & in expectatione illius incertæ hærent animæ iustæ, non de salute sollicitæ, cum beatitudine inchoata fruuntur, sed de illius perfectione, quæ post corporum resurrectionem dumtaxat consummabitur; & licet cum Christo jam regnantes in Cælis, supervetiri, & superindui cupiunt secunda illa stola, quæ in corporum resurrectione illas manet. Nihil aliud significare voluit Ambrosius per ea verba, quæ quoquo sensu donentur, cum catholico dogmate optime concordant.

Sed recludit, inquirunt, animas illas in promptuariis & receptaculis diem judicii expectantes ut coronentur. quæro ab ipsis, ab illis receptaculis excluditne Mediolanensis præsul intuitivam Dei visionem regnique cælestis latitiam? Nequaquam. Hæc promptuaria ex ipso sunt diversæ illæ mansiones, quæ dicente Christo in domo patris sunt, quarum diversitas, meritorum diversitati respondet. His in receptaculis judicii diem, ut jam dictum est, expectant ut coronentur omnes simul in conspectu omnium gentium ob felicem victoriam quam de inimicis suæ salutis ex gratiæ auxilio, Deo aspectante dum in agone contenderent, & adjuvante ut vincerent, in præsentis sæculo reportaverunt, sicque gloriam ex Dei promissionibus ipsis debitam, quæque quandiu a corporibus separatæ fuerint in ipsis inchoata solummodo erat, plenam & perfectam resumpto corpore tandem obtineant. verum gloria illa, cujus ad judicii diem usque consummatio retardatur non privantur animæ illæ, cum interim hanc remunerationem habeant ut videant faciem Dei, inquit Ambrosius, ut supra retulimus: Ideoque non dixit iustos illa interea laudari gloria, sed quod videantur debita sibi remuneratione fraudari, mercede scilicet plena & consummata, quam accipient de manu Domini, ut alias diximus de Paulo Apostolo loquentes, in die illa, triumphali laurea publice donandi: unde ait, mirabiliter dici coronæ esse similem ill.

illum iudicii idem; quæ ultima verba Ambrosii mentem plene aperiunt, ipsamque loqui de solemnî iustorum triumpho post resurrectionem ostendunt, quos jam supernæ civitatis incolas cum Angelis esse constititur. Quod si videatur commendare eorum sententiam qui existimabant animas illas ad inferos descendere, nihil refert. cum id verum fuerit pro tempore quo id fuit scriptum, ante Christi mortem, & aliunde id intellexit de pertransitione non de commoratione ut multis veteribus placuit excogitare. inde tamen falso concluderetur illam Cælestem beatitudinem animabus illis, circa quarum domicilia nihil definire voluit, non concessisse, cum ex dictis oppositum constet.

Quare ergo, inquit, ex septem lætitiæ ordinibus animarum Sanctarum quos statuit, visionem Dei nullus complectitur? quam fraudulentè id opponatur textum Ambrosii legentibus notum est. quid aliud sonant hæc illius verba? Quintus ordo exultationis uberrima habet suavitatem, quod ex hoc corruptibilis corporis carcere in lucem libertatemque pervenerint, & repromissam sibi possideant hereditatem. quænam est hæreditas iustis repromissa, nisi cælorum regnum in quo ex intima divinitatis præsentia lux æterna lucet animabus Sanctis quæ perpetua, ad quam pervenerunt, libertate gaudent: ibique præ gaudio exultantes prævident gloriæ suæ consummationem in temporis plenitudine, quum expectantes cum magna tranquillitate requiescunt. vacillantem ergo circa animarum sanctarum præsentem statum dicant Mediolanensem Ambrosium qui voluerint, nemo nisi imprudens, aut indoctus ipsi consentiet. obscura quædam & intricata in libro illo de bono mortis scripserit Sanctus Doctor, esto. Sed ea lucem mutant ab iis quæ in aliis ejus scriptis sunt aperta; quæque si inter se comparentur, catholico dogmati de statu animarum quæ corpore solutæ nihil habent purgandum, ex animo firmiter adhæsisse Sanctum Ambrosium nemo negabit.

II. Ab eodem dubio vindicatur Sanctus Augustinus.

Sanctum Augustinum initio sacerdotii in Millenariorum opinione aliquo tempore versatum fuisse habemus ex ipso, lib. 20. de civit. ut supra observavimus; hancque opinionem brevi deinde ipsum exuisse pariter significat his verbis, *quæ opinio esset utrumque tolerabilis, si aliqua delicia spirituales in illo sabbato affutura Sanctis per Domini præsentiam crederentur: nam etiam & nos hoc opinati fuimus aliquando.* Ex quo autem huic sententiæ, quam omni contentem suadentem facile intellexerat, valedixit, animas ut primum corpore solvuntur, si nihil ipsis purgandum superfit, æterna felicitate gaudere, in Cælum recipi, Dei consorcio frui constanter ienuit Hipponensis, quod innumeris ejus testimoniis comprobari potest. nulla asseremus, ceteris omis-
sis, ne in dicendo prolixiores inveniamur. quæ de Nebridio amico suo loquitur confels. lib. 9. cap. 3. audiamus. *Nunc ille vivit in Sinu Abraham. quidquid est quod illo significatur sinu, ibi Nebridus meus vivit, dulcis amicus meus, tuus autem Domine adoptivus ex liberto Filius, ibi vivit . . . jam non ponis*

an.

autem ad os meum, sed spiritale os ad fontem tuum, & bibis quantum potest sapientiam pro aviditate sua sine fine felix. lib. 12. de genesi ad litt. cap. 34. de bono latrone loquens Sanctus Doctor hæc habent: *quapropter anime illius latronis cui dixit. hodie mecum eris in Paradiso: non utique inferos præstitis ubi pæne sunt peccatorum: sed aut illam requiem Sinus Abrahæ . . . aut illum Paradysum, sive in tertio Cælo, sive ubicunque alibi, quo post tertium Calum est raptus Apostolus: si tamen non aliquid unum est diversis nominibus appellatum ubi sunt anime beatorum.* Beatus ergo jam supponit animas illas Augustinus. quemam autem potest excogitari beatitudo pro iustis hac vita fundis præter vitam æternam & Cælorum regnum in quo facie ad faciem videtur Deus?

Animas illas esse cum Christo, jamque ante resurrectionem cum eo regnare scribit lib. 20. de civit. cap. 9. exponens verba Joannis in Apocalypsi. *Anima inquit occisorum . . . regnaverunt cum Jesu mille annis, anime scilicet martyrum nondum sibi corporibus suis redditis. Neque enim piorum anime mortuorum separantur ab Ecclesia, quæ etiam nunc est regnum Christi . . . quamvis ergo cum suis corporibus nondum sunt, jam tamen eorum anime regnant cum illo, dum ipsi mille anni decurrunt . . . Sed ideo tantummodo Martyrum animas commemoravit, quia ipsi præcipue regnant mortui, qui usque ad mortem pro veritate certaverunt.* Sed a parte totam, etiam ceteros mortuos intelligimus pertinentes ad Ecclesiam quod est regnum Christi. & cap. 13. ait, certe anime victrices gloriosissimo Martyrum, omnibus doloribus ac laboribus superatis atque finitis, postquam mortalitatis membra posuerunt, cum Christo utique regnaverunt & regnant, donec finiatur mille anni, ut postea receptis etiam corporibus jam immortalibus regnent. unum idemque est regnum sive ante resurrectionem sive post. Nihil interesse videtur discriminis juxta Augustinum quam corporum resurrectio; unde eadem est pro utroque tempore felicitas, veraque pro æternitate beatitudo, quæ alia esse non potest pro iis qui cum Christo sunt, quam Deum ut est in se videre: quæ enim gaudet felicitate Christus ut homo, eadem gaudent & Sancti; qui cum ipso unum corpus efficiunt, cujus caput est Christus, cui in regno Cælorum consociantur animæ iustorum statim atque corpore solvantur: quod ut certum & indubitatum ubique prædicat Augustinus. quid aliud significant ea quæ loquitur enarrat. in psal. 119. in hæc verba, *Ihu mihi quia incolatus meus prolongatus est! de cælesti Jerusalem omnium beatorum patria cogitans ait, Ibi omnes iusti & Sancti, qui fruuntur Dei sine læsione, sine litteris: quod enim nobis per paginas scriptum est, per faciem Dei illic cernunt. qualis patria? tract. 26. in Evang. Joan. ad illa Christi verba, & ego resuscitabo eum in novissimo die hæc scribit. ut habeat interim secundum spiritum vitam æternam in requie, quæ Sanctiorum Spiritus suscipit: quod autem ad corpus attinet, nec caro ejus vita æterna frandeitur, sed in resurrectione mortuorum novissimo die. & tract. 10. in epist. Joan. de quolibet homine obeunte hæc habet: namque ille qui vixit & mortuus est, rapitur ad alia loca anima ipsius, corpus ipsius ponitur in terra: . . . jam aliud agit, aut aliud patitur: aut in Sinu Abrahæ gaudet, aut in igne æterno aque modicum desiderat. suntne vacillantis homi-*

pis

nis & de iis quæ opinatur dubitantis hæc omnia Augustini verba? Numquid ex illis concludi potest æterna beatitudine carere ad diem usque iudicii animas iustorum? ut quid ergo suum facere conantur Hipponensem quibus a catholico dogmate recedere placet? totus noster est Sanctus Doctor; & non nisi ex male intellectis aliquot ejus verbis diversimode sentire licet.

Opponent interea & dicunt, esto quod pluribi velit Augustinus animas iustorum statim ac corpore solvuntur æterna beatitudine gaudere, Deumque facie ad faciem videre: in pluribus tamen suis operibus oppositum sentit. etenim serm. 259. in die octavarum paschæ, dicit post iudicium seu ventilationem quietem futuram Sanctorum in hac terra, & cum venerit illa requies Sanctos & iustos Dei sabbatizatos, antequam eamus in illam vitam, & in illam requiem de qua dictum est, oculus non vidit, &c. insuper variis in locis dicit animas illas ante diem iudicii in quibusdam esse receptaculis ubi in pace requiescant, & non in Cælo ubi Deus videtur. Sic lib. 1. de civit. cap. 13. & lib. 12. cap. 9. in enchiridio ad Laurentium cap. 109. imo visione Dei non esse fruituras tenet ante resurrectionem, donec Angelis æquales effecti fuerimus, ut aperte satis colligitur ex iis quæ habet epist. 148. ad Fortunatianum lib. 1. reſtrat. cap. 14. tract. 49. in Joan. enarr. in psal. 43. ubi exponens hæc Davidis verba, *qui mandas salutes Jacob*, ait *illa visio facie ad faciem, liberatis in resurrectione servatur*. non immerito igitur circa præsentem animarum statum dubius pronuntiatur Augustinus.

Resp. aliquando Millenariorum opinioni de futuro Christi regno in terra ex parte saltem adhæſisse Augustinum jam diximus laudatis verbis illius de hac re testantibus: Sed re maturius ab illo librata, constanter docuit, priori opinione revocata, iustorum animas statim ab obitu clara Dei potiri contemplatione: nihilque in contrarium ex locis allegatis directe colligi potest, quod singillatim ostenderemus nisi brevitati esset consulendum attente legatur Augustinus, omnia ejus verba perpendantur: & vix unus reperiatur qui nobis non consentiat. perpauca nihilominus in globo addere juvat ne oppositorum difficultate videri reſtemur. ad primum ergo dicendum est, non, ut respondent omnes Theologi majoris notæ, quibus non consentire nobis per ipsos licebit, Augustinum Millenariorum opinione imbutum, quam brevi postmodum exiit, hac scripsisse. cum de tempore quo habitus est sermo ille in die octavarum paschæ non constet, & Augustinum jam episcopum fuisse, proindeque ac Millenariorum commentis valde alienum, cum illum habuit, non improbabilius iudicetur. sed dicendum, ex iis quæ in illo sermone loquitur Sanctus Doctor, nec ullo modo colligi posse ipsum existimavisse ante iudicii diem animas iustorum non gaudere intuitiva Dei visione, cum de illa directe vel indirecte nec minimum habeat verbum, & de illarum statim a solutione corporum ad resurrectionem usque haud quidquam loquatur. Sanctos post iudicii diem quietem habituros, & sabbatum in hac terra cum Christo, qui Ecclesiam, ad quam nullus malus intrabit, est habituros, juxta scripturam celebraturos fore dicit Hipponensis: inde tamen non sequitur illorum animas cælesti beatitudine fuisse fraudatas ante illud

illud tempus, quas illa donari plurimi, ut ostendimus, docet. utrum autem tempore illius sabbati Deum visuri sint iusti nec ne, quidve durante illo sabbato sint aduri, omnino tacet, dicens dumtaxat illud esse celebrandum antequam eamus in illam vitam, & in illam requiem de qua dictum est, quod oculus non vidit, nec auris audivit, nec in cor hominis ascendit quæ præparavit Deus diligentibus se. unde ex illo sermone nihil quocumque modo erui potest, quod Augustinum dubitantem vel non dubitantem exhibeat circa statum animarum ab obitu usque ad diem iudicii. Hinc gratis opponuntur laudata verba ut pote quæ sint extra propositum.

Nec validius in nos argumentantur ex eo quod dixerit Augustinus animas sanctas post mortem in quibusdam esse receptaculis ubi in pace requiescunt. de loco ubi sunt animæ illæ certus non fuit Sanctus Doctor, quod ipsi communge est cum omnibus fere veteribus, ut jam observavimus loquentes de Sancto Chrysostomo. verum quidquid opinatus fuerit de illarum domicilio de quo non inquirimus, certum est illum non dubitasse de earum gloria. ubique possunt esse beatæ, quia ubique est Deus ex cuius possessione vera oritur beatitudo. & aliunde tenet Sanctos apud inferos jam non esse, ut ante Christi resurrectionem fuere veteres. profecto deinceps boni fideles effuso illo prævio (sanguinis Christi) jam redempti, prorsus inferos nesciunt, inquit lib. 20. de civit. cap. 14. illas autem animas in loco ubi sunt, quisquis ille sit, Deum non videre nusquam dixit: imo illum contrarium docuisse ostendunt testimonia quæ mox allata sunt. quod confirmatur tum ex iis quæ habet lib. 2. quæst. Evan. quæst. 38. jam Sinus Abrahe, inquit, intelligitur secretum Patris quo post passionem resurgens assumptus est Dominus ubi etiam ante resurrectionem, iustorum anima vivunt cum Deo. Tum ex illis quæ scribit lib. 1. de peccat. mer. ac remiss. cap. 19. de parvulis morientibus post susceptum baptismum. Si percepto baptismo, inquit, de hac vita migraverit (parvulus) perficietur illo lumine veritatis, quod incommutabiliter manens in æternum iustificatos præsentia creatoris illuminat. Non est autem potior ratio pro parvulorum animabus quod Dei præsentia seu visione statim a morte fruantur ut docet Augustinus, qui aliunde sæpius asserit contra pelagianos, qui volebant parvulos sine baptismo decedentes æternam vitam consequi, non vero regnum cælorum, illos utrumque obtinere si baptizati decedant, & utroque privari si non baptizati obeant: non est, inquam, potior pro illis ratio quam pro animabus adultorum. vitam æternam autem, regnumque cælorum nihil aliud esse ex Augustino quam Deum videre, quis nescit? quapropter evanescit oppositio; & gratis fingitur in domicilio suo, quodcumque illud supponatur, iustorum animas visione intuitiva Dei cælestique felicitate nunc privari in mente Sancti Doctoris.

Quod si Dei visionem servare videatur ad resurrectionem usque, quando scilicet de hominibus in Angelos profecerimus, ut loquitur post Hieronymum scribens ad Fortunatianum, de simplici visione Dei non est intelligendus Augustinus, veluti anima ante resurrectionem corporum Deum minime videre censerit, tunc enim, ut ex allatis constat, esset sibi metipsi contrarius; sed
de

de visione perfectiori. siquidem cum aliis non paucis existimavit Sanctus Doctor, perfecta Dei cognitione Sanctos non fore potituros nisi post resurrectionem, siue propter vehementem animarum in corpora affectum, ex quo toto impetu non feruntur in Deum, ut ferentur resumptis corporibus suis, nihil amplius habentes desiderandum; siue alia quadam occultiore de causa. unde licet perfectum hunc beatificæ visionis gradum Sanctis ante resurrectionem, in qua Angelis æquales efficiemur, abjudicaverit, non tamen hanc visionem simpliciter ipsis denegavit. & juxta hunc sensum beatitudine completa corporis scilicet & animæ, non gaudebunt Sancti nisi post resurrectionem, qui jam quoad animam & quoad ipsam visionis Dei substantiam vere sunt beati, post resurrectionem incrementum accepturam esse Dei visionem voluerunt plures ex veteribus. idne futurum sit vel non, noluit determinare Hipponensis: unde lib. 1. retract. cap. 14. ait, *utrum autem ad contemplandam cordis oculis veritatem, sicut dictum est, facie ad faciem, nihil ex hoc minus habeant, non est hic locus disputando inquirere.* Hæc visio facie ad faciem, quæ Patribus ante Christi ascensionem concessa non fuerat, merito dicitur ab Augustino liberatis in resurrectione servari. tunc enim illa visione donabitur simul universitas liberatorum cum beatitudine completa, qua incomplete & minus perfecte nunc potiuntur iusti statim a morte, quod nullibi negat Augustinus aut in dubium revocat. quæstionem principalem attingens Sanctus Doctor nihil a catholico dogmate recessit; animas iustorum ut primum corpore solvantur Dei consortio frui, & beatitudine æterna gaudere constanter docuit, varias quæstiones minoris momenti, ad principalem tamen quendam habentes ordinem, vel intactas relinquens, vel dubitanter de iis quæ nullam præferunt certitudinem, aut de quibus nihil temporibus suis certi compertum erat, pro sua prudentia loquens, ut ostendunt quæcumque ex ipso in præsentibus retulimus.

III. *Ab eodem dubio vindicatur Sanctus Bernardus.*

Obscura quædam licet scripserit Sanctus Bernardus, ex quibus inferri potest ipsum aliquando voluisse iustorum animabus ad extremam usque diem procrastinandam esse cælestem beatitudinem, diserte tamen adeo sententiam oppositam tenuit, Sanctos in Cælis triumphum agere, gloria coronari, divinitatis essentiam contemplari, æterno circumfundi lumine, lætari cum angelis affirmans sapissime, ut non nisi ex mentis præoccupatione anceps hac de re alicui possit videri. & qua ductus ratione Durandus præ cæteris, acerbè nimis Sanctum hunc Doctorem est infectatus, mitiusque eum eo agens Petavius pronuntiavit tamen notissimum esse illum iustorum felicitatem ad diem usque iudicii suspendere, difficile intelligitur: Neque enim illos Abbatis Claravallensis scripta non legisse vel non intellexisse licet asserere, quos vel incautos vel indoctos dicere summæ esset inscitie. ipsos circa istius mentem fuisse vehementer hallucinatos manifestabunt testimonia non pauca, quæ causam ejus agentes, sumus modo allaturi.

O o

Ber.

Bernardum ergo loquentem audiamus serm. 2. de Sancto Victore. *Hodie, inquit, despecto mundo, & mundi principe triumphato, supra mundum vere Victor ascendit, accipiens de manu Domini coronam victoriae.... anima ejus in bonis demorabitur. quare ubi? cum Abraham, Isaac & Jacob in regno calorum. ita cum talibus & tali in loco sedet.... Non est terra oblivionis quam anima Victoris inhabitat: non terra laboris ut occupetur in ea: non denique terra, sed cœlum est.... jam cœlos ingressus, quos & ante apertos beatis oculis suspiciebat, vere nunc revelata facie speculatur gloriam Dei, absorptus quidem, sed non oblitus elatorem pauperum. Beata visio qua in eandem imaginem transformatur de claritate in claritatem tamquam a Domini spiritu. Hic ab adversariis petere liceat, arbitraturne ad diem extremam usque suspendi iustorum felicitatem, qui illos dicit jam de manu Domini accepisse victoriae coronam, in bonis demorari in regno cœlorum, & revelata facie gloriam Dei speculari? quid aliud intelligit qui talia profert, nisi illorum animas vere esse beatas quæ intuitiva Dei visione fruuntur. His quæ de Sancto Victore prædicat Bernardus, similia sunt ea quæ serm. 2. de verbis Apostoli, super hæc, non est regnum Dei esca & potus, habet de justis defunctis sic loquens. Jam bauriunt aquas in gaudio de fontibus Salvatoris, & nudis, ut ita dicam, oculis divinitatis intuentur essentiam, nulla corporeorum phantasmatum imaginatione decepti. Ecce gaudium in fine, sed sine fine. Nihil certe ambiguitatis præferunt hæc verba, ut dubius circa præsentem animarum Sanctorum statum haberi possit Bernardus.*

Hunc iterum audiamus in festo omnium Sanctorum serm. 3. sic loquentem. *acceperunt jam singulas stolas; sed non vestientur duplicibus, donec vestiamur & nos: quomodo de patriarchis & de prophetis ait Apostolus; Deo melius aliquid providente pro nobis, ut non sine nobis consummarentur. Stola enim prima ipsa est quam diximus felicitas & requies animarum: secunda vero immortalitas & gloria corporum..... unde & Beatus Joannes qui multa nobis de eo statu in quo feliciter beata anima requiescunt, per spiritum reservavit: sine macula, inquit, sunt ante thronum Dei. eodem sermone nos hortans ad sectanda Sanctorum vestigia, gloriamque eorum in nostra mente revocandam hæc habet. Oculis meis, memoria mea, & cogitare de Sanctis, quodam modo eos videre est. Sic nempe portio nostra in terra viventium.... sic, inquam, conversatio nostra in cælis est. veruntamen non sic nostra sicut illorum. ipsorum enim substantia ibi est, nostra autem desideria: ipsi per præsentiam, nos per memoriam ibi sumus. His addere juvat quæ habet serm. 2. de S. Malachia Episcopo in Hybernia. pro hujusmodi ergo, inquit, dilectus a Deo & hominibus non immerito hodie Malachias in consortium Angelorum recipitur, re adeptus, quod nomine dicebatur. & quidem ante Angelus erat, non minus puritate quam nomine: sed nunc felicius gloriosus in eo interpretatio nominis adimpletur, quando pari cum Angelis gloria & felicitate letatur, de eodem loquens episc. 376. itaque, inquit, & pium est Malachiam fieri defunctum, & pium magis Malachie congratulere viventis. Numquid non vivit? & beate, illius deinde animam sic alloquitur. Absit autem ut tua nunc, o anima Sancta, minus efficax asume-*
tur

sur oratio, quando præfenti vivilius supplicare est majestati; nec jam in fide ambulat, sed in specie regnat. absit ut imminuta, nedum exinanita tua illa tam operosa charitas reputetur, cum ad fontem ipsum charitatis æternæ procumbis, pleno hauriens ore, cujus & ipsa prius stillicidia sitiebas. His in omnibus Bernardi verbis, aliisque non paucis quæ sparsim ipsius in scriptis leguntur, solemnem ac constantem dogmatis catholici professionem qui non agnoscit, hunc vel arenam in littore maris, vel aquam in Oceano vix deprehensurum arbitraret.

Opponunt Quædam Abbatis Claravallensis testimonia quæ indicant ipsum animabus iustis Dei visionem, ingressum in requiem & gaudium Domini denegasse ante diem judicii. etenim serm. 2. in festo omnium Sanctorum, modum loquendi Joannis in Apocalypsi tenens dicit animas iustorum esse sub altari & non supra, ubi expectant beatam spem & adventum gloriæ magni Dei & Salvatoris sui, donec mereantur in gaudium Domini introire, illasque non nisi post resurrectionem implendas esse lætitiæ cum vultu Dei. & aliunde enumerans Sanctus Doctor bona quibus nunc fruuntur animæ illæ, visionis divinæ mentionem nullam facit, cujus certe meminisset si eas illa frui existimasset, cum in ea potissimum reponatur supernaturalis creaturæ intellectualis beatitudo. ex quibus non immerito colligitur incertum saltem fuisse Bernardum an cælesti felicitate ante diem judicii donentur animæ iustorum.

Resp. Nec ullum dubitationis vestigium circa beatitudinem qua jam fruuntur in cælis animæ iustorum quibus nihil expiandum superest, in omnibus quæ loquitur Abbas Claravallensis reperiri agnoscat quisque mentem ipsius assecutus ejusdem verba pensaverit. felicitatem inchoatam & imperfectam a beatitudine consummanda & perfecta, ut par est, distinguens optime Bernardus, istam ad judicii usque diem merito distulit, illam statim ab obitu animabus iustis licet concedens. Hanc autem felicitatem quæ in Dei contemplatione ex parte consistit, a Bernardo etsi nunc non completam iustorum animabus concedi ostendunt, tum illa quæ habet lib. de diligendo Deo cap. 11. dicens; animas jam solutas corporibus immerfas ex toto credimus immenso illi pelago æterni luminis & luminosa æternitatis. quid enim aliud est lumen æternum præter ipsum Deum, cujus æterna cognitione & beatificante visione Sancti omnes in cælo indeficienter illuminantur? Tum ea quæ leguntur in illo sermone secundo de omnibus Sanctis. ubi de utraque hac felicitate perfecta & imperfecta distincte loquitur mentem suam modo non ambiguo aperiens. dicit enim de Sanctis quos cum Joanne in Apocalypsi sub altari collocat: adhuc ergo signatum est super eos lumen vultus Domini; & licet non plenam, habent tamen lætitiæ multam in corde suo, donec veniat dies illa, qua implebit eos lætitiæ cum vultu suo Recogitant annos suos in dulcedine animæ suæ: latantur pro diebus quibus humiliati sunt, annis quibus viderunt mala... quanta est felicitas eorum! quam immensa lætitiæ! qui nimirum triplici gaudio, de recordatione transactæ virtutis, de exhibitione præsentis quietis, de certa expectatione futuræ consummationis exultant. jam dixerat animas illas converteri in requiem suam, donec veniat dies qua introire mereantur in requiem Domi-

ni, perfectam scilicet, quando resumpris corporibus completa beatitudine fruuntur, quam incompletam existimat post Augustinum Bernardus, & cum ipsis censent omnes Theologi, quandiu erunt a corporibus separatæ; unde subdit, ut juxta hunc sensum se locutum fuisse ostendat; *expectant beatam spem & adventum gloriæ magni Dei & Salvatoris sui, qui resuscitabit & reformabit corpora eorum, configurata proprii corporis claritati.* opinabatur Sanctus Bernardus a doctrina Sancti Augustini non recedens, minus perfecte Deum nunc videri ab animabus iustorum quam post resurrectionem, proindeque imperfectum esse pro tempore præsentis illorum beatitudinem, quæ, in corporum resurrectione, quam ardentius exoptant animæ illæ, complenda est beatitudinem consummatam vocat Bernardus Domini requiem; sumptam pro completa corporis & animæ felicitate, in quam ut ingredi mereantur, expectant, scientes se in illam non fore ingressuras nisi corporibus suis in mortuorum resurrectione iterum uniantur. ex præsentis illarum a corpore separatione involuntaria imminuitur iustorum felicitas ob pondus nimium, quo jam animæ in sua corpora inclinantur: adeo, inquit, *viget in eos desiderium hoc naturale, ut necdum tota eorum affectio libere pergat in Deum.* concedens ergo Bernardus animabus iustis felicitatem inchoatam, ipsis denegat ad diem usque iudicii plenam & perfectam beatitudinem dumtaxat; & juxta hanc sensum intelligenda sunt ea omnia illius verba, quæ animas illas cælesti beatitudine nondum potiri videntur supponere. quod ne gratis a nobis excogitatum reputetur, ipsum Sanctum Doctorem audiamus sui ipsius interpretem, tum Serm. 87. de diversis, hæc de statu præsentis animarum de quibus loquimur promentem. *in hoc statu positi Sancti bibere quidem possunt; sed inebriari non possunt: quoniam a perfectissima contemplatione divinitatis quodammodo retardantur, dum adhuc resurrectionem sui corporis in fine sæculi præstolantur.* tum lib. de diligendo Deo cap. 11. de imminutione felicitatis ob vicens in animabus illis desiderium sic loquentem. *vino divini amoris etiam tunc anima suavitatem naturalis immiscet affectionis, qua resumere corpus suum, ipsumque glorificatum desiderat. affectus ergo jam Sanctæ charitatis potata vino, sed plane nondum usque ad ebrietatem, quoniam temperat interim ardorem illum hujus lactis permixtio.* Nec ullatenus urget quod addunt dicentes Sanctum Bernardum recensentem bona quibus nunc fruuntur animæ iustorum non loqui de intuitiva Dei visione: de illa enim si non explicite loquitur, implicite illius meminit animas in hoc statu beatas esse pronuncias, cum non possint alia re quam Dei intime ipsis præsentis visione esse felices. & aliunde in manifesta divine essentię contemplatione hominis supernaturalem in patria felicitatem reponit variis in locis Sanctus Doctor. Nec mirum est, inquit Carolus VVitalse, si in præsentis animarum status descriptione visionem Dei non commemorat: duos anime status comparans, ut extollat futurum more oratorum præsentem deprimit, & quæcumque in isto eminere possunt silet, ut ille magis ac magis illustretur.

Opponunt iterum: æterna beatitudine quæ in Dei contemplatione sita est donari non censet iustarum animas, qui illas dicit esse non in domo Dei, sed solummodo in atriis domus illius. id autem affirmat Bernardus, tum Serm.

Serm. 3. in festo omnium Sanctorum docens, illas in beatissimam hanc domum sine nobis, nec sine corporibus suis intraturas: tum Serm. 4. de Dedicatione Ecclesiæ dicens, in atriiis illis esse magis liberationem a malo, quam boni remunerationem, illicque justos esse securos, sed in domo fieri beatos, & aliunde atria domus Dei in quibus collocat justorum animas, sunt locus expectationis, & in eo est gustus lætitiæ, in domo vero satietas gloriæ. Non sunt ergo adhuc beatæ ex Bernardo animæ illæ, nondum quæ Dei intuitiva visione fruuntur.

Resp. Si de domo Dei quæ juxta communem scripturarum loquendi morem est ipsum cælum in sensu proprio loqueretur Sanctus Bernardus, ex iis quæ in duplici hoc sermone scripsit, exurgere quædam difficultas posset circa illius mentem, dubiumque aliquod efformari quantum ad præseniem animarum de quibus agitur statum. verum cum in sensu allegorico, ut evidens est, de domo Dei, per quam intelligit beatitudinem completum animæ & corporis, loquatur, omne evanescit dubium, cunctaque ruit difficultas. ad hæc Psalmistæ verba, *quam dilecta tabernacula tua Domine virtutum! concupiscis & desicis anima mea in atria Domini. Beati qui habitant in domo tua Domine, in sæcula sæculorum laudabunt te.* ad hæc verba, inquam, quæ figurate vel allegorice exponit attendens, tres animarum sanctarum status distinguunt: unum in corpore corruptibili, seu in militia, vel in tabernaculis: alterum sine corpore, seu in requie, vel in atriiis: tertium in corpore jam glorificato, vel in beatitudine consummata, seu in domo Dei. tertium hunc animarum statum, in quo beatitudine perfecta & consummata fruetur homo, felix secundum se totum, in anima videlicet ac in corpore, exiollere vult S. Bernardus, in eoque omnem justorum felicitatem videtur collocare, veluti in secundo statu cælesti felicitate non gauderet animæ illæ. sed hæc per auxilium loqui Sanctum Doctorem intelligit quisquis omnia ipsius verba diligenter expendit. idque eo magis quod in illo secundo statu, quem ut supra observavimus, plus æquo pro more oratorum, deprimere videtur, animas illas felices prædicat, ejusdem felicitatis, quæ perfecta non potest esse nisi rebus sumptis corporibus, ut pluries dictum est, consummationem expectantes: Hæc quæ mentem illius aperientes proferimus ipsum confirmantem audiamus duplici in illo sermone quem nobis opponunt: *acceperunt jam animæ illæ inquit, Serm. 3. de omnibus Sanctis, singulas stolas, sed non vestientur duplicibus, donec vestiamur & nos . . . stola enim prima ipsa est . . . felicitas & requies animarum: secunda vero immortalitas & gloria corporum . . . sed unde hoc tibi? o misera caro, unde tibi hoc? anima Sanctæ, quas proprio Deus insignivit sanguine; te desiderant, quas redemisti proprio sanguine, te expectant, & ipsarum sine te compleri lætitiæ, perfici gloria, consummari beatitudo non potest . . . Hæc est ergo beata spes, quam expectant anime Sanctæ: & licet in gratiarum actione versentur pro ea felicitate, in qua jam requiescunt, adhuc tamen orant & clamant ad Deum pro consummatione quam præstolantur. & Serm. 4. in festo Dedicationis Ecclesiæ, in atris est gustus lætitiæ, inquit: verum ubi est gustus lætitiæ, numquid ibi non est felicitas saltem inchoata? cum ergo, ut con-*

stat

stat ex mox allatis, tertium statum animarum, in quo ex duplici corporis & animæ felicitate constatur integra & completa hominis iusti beatitudo, nomine domus Dei per allegoriam intelligat Sanctus Bernardus, mirum non est si eas in illa domo nondum esse, nec in eam ante corporum resurrectionem, quæ fiet in resurrectione in novissimo die, fore ingressurus affirmet, ut revera id futurum credimus & speramus. *neque enim præstari decet integram beatitudinem, donec sit homo integer cui detur.* interim stola prima, quæ est felicitas & requies animarum, ut loquitur, vestiuntur animæ illæ, quæ beati non possunt nisi Deum contemplando, ut docet ipse Bernardus, expectantes donec in resurrectione vestiantur secunda, quæ est gloria corporis & immortalitas. O vere igitur beatæ animæ, quæ in tabernaculis declinantes a malo, quod est culpa, in atriis ubi liberantur a malo, quod est pœna, habent gustum lætitiæ, orantes ut ingrediantur in domum Dei, recepturæ bonum, quod est sœtetas gloriæ. His, ut æquitas postulat, attente perpensi nemini videbitur Abbas Claravallensis arbitrari animas iustorum cœlesti beatitudine privari donec advenerit iudicii dies, quin potius ex iis quæ de illo huc usque didicimus restat ipsum a catholico dogmate nullo modo aberrasse, ipsumque animas, quæ dum corpore solvuntur nihil habent purgandum, statim cœlesti beatitudine donari, ac intuitiva Dei visione gaudere firmiter credidisse.

Sed inquit oppositum tenentes, quare ergo Sanctus ille Doctor Sanctos ad resurrectionem usque sub altari collocat, super altare exaltandos cum venerit tempus, vultque tunc, post resurrectionem nempe, Filium ostensurum se nobis non in forma servi, sed in forma Dei, & ostensurum nobis Patrem etiam & Spiritum Sanctum, ac ministraturum delicias manifestæ suæ contemplationis, novas utique, & usque ad tempus illud nobis penitus inexpertas, ut loquitur serm. 4. in festo Sanctorum omnium? Talia opponentibus respondebimus, exaltationem super altare de qua loquitur Abbas Claravallensis, nihil aliud esse juxta illius allegoricum loquendi modum, quam perfectiorem Dei cognitionem, illa qua nunc donantur in præsentia, quam minus perfectam cognitionem designat Sanctos collocando ad resurrectionem usque sub altari. idque habet ex opinione in qua cum multis aliis Ecclesiæ patribus versabatur, existimans visionem Dei, qua separatæ a suis corporibus animæ Sanctæ nunc fruuntur, maximum incrementum esse accepturam ex resurrectione corporum post mortuorum resurrectionem. fuitque opinio illa ratio præcipua ob quam statum illum felicitatis adeo extollit, præsentis felicitatis statum ex opposito valde deprimens, ut semel observavimus, veluti iste in comparatione alterius parum quid foret, sed in sermone illo multum esse exaggerationis res ipsa clamat. Sanctum autem Doctorem nihil aliud insinuare quam visionis Dei perfectiorem gradum, illiutque cognitionis incrementum ostendunt ea quæ loquitur ibidem: *transcendit enim, inquit, beata anima Christi incarnationem & humanitatem, ut divinitatem ejus... sublimius contempletur.* Hactenus itaque contemplantur Deum sed tunc ipsum sublimius contemplantur. Christus cujus humanitatem nunc perfecta vident & cognoscunt animæ beatæ, illis post resurrectionem semetipsum & Patrem, San-

Sanctumque Spiritum perfectius ostendet, illas ad cognoscendam divinitatem tunc evehens, in quantum a creatura intellectuali cum superioris ordinis adiutorio Deus ut est in se cognosci potest. eo præcise tendit omnis Sancti Bernardi oratio: & quisquis in illa aliquid aliud intelligere arbitrat, longius a mente illius labitur. ex ipso igitur Dei cognitione ac contemplatione jam fruuntur Sancti, in cælesti patria expectantes donec in resurrectione transiens Christus, ipsis ministraret novas & inexpertas delicias, quibus non resumptis corporibus nequeunt abundare.

Q U Æ S T I O O C T A V A.

*Quanam fuerit circa visionem Dei animabus iustis concedendam mens
Joannis XXII. utrum aliquid de ea re definiat.*

Joannem vigesimum secundum Pontificem Maximum obtestatoribus sermonis anas dedisse, ac de se, veluti de felicitate animarum, quæ dum corpore solvuntur nihil purgandum habent, non recte opinatus fuisset, sinistra sentiendi causam suppeditasse etsi aliunde non constaret, habemus ex Benedicto XII. Joannis Successore, & ex Adriano VI. licet erga Joannem iste durius loqui videatur, insensissimis illius Pontificis hostibus probabiliter credens nimium. a vero fortasse recedunt & qui hunc Pontificem ab omni erroris suspitione plene immunem prædicant, necnon & illi qui ipsum a recta fide defecisse hac in parte indecenter pronuntiant: etsi illum ut Doctorem privatum, non ut Ecclesiæ caput ac universalem fidelium præceptorem, ea de re locutum fuisse contendant. media autem via nobis videtur incedendum, attente inspectis variis momentis quæ ad veritatem historię conferre possunt, ne duri censores, vel abjecti adulatores habeamur.

A S S E R T I O U N I C A.

Licet Joannes XXII. qui ab initio Pontificatus ad annum usque 1330. antiquam Majorum doctrinam & fidem tenens in eam postea inclinaverit sententiam quæ visionem Dei intuitivam animabus iustorum ad resurrectionem usque procrastinat, nihil tamen ea de re definiit: immo morti proximus, illam revocans opinionem, dogma catholicum palam professus est.

Duplici argumento breviter ostenditur hunc summum Pontificem fidem majorum ac doctrinam per illud temporis intervallum tenuisse. 1. quia ut observat Rainaldus ad ann. 1331. in cunctis fidei professionibus quæ ipso jubente editæ sunt, potissimum ad Armenos, Tartaros, Persas, Lithuanos quæ fuere transmissæ, totidem verbis inseruntur decreta summorum Pontificum qui a Clemente IV. ad ipsum usque fuerunt, in quibus haud dubie aliquid saltem immutasset si diversimode ab ipsis credidisset. 2. quia id manifestant ea quæ locutus est sanctorum catalogo inscribens anno 1317. Lu-
do-

dovicum Caroli Siciliæ regis Filium, ex ordine minorum, & urbis Toloſæ almæ parentis Episcopum, in cujus canonizationis diplomate inquit, *in medio domus tuæ, ad Deum contemplandum facie revelata est ingressus... Hinc celi præstant hospitium... Christus hunc refecit.* an. 1320. Thomam Herfordienſem Episcopum. an. 1323. Thomam Aquinatem, in quorum canonizationis diplomatibus eodem fere modo loquitur: de quibus videatur Raynaldus. ab hujusmodi sermonibus, atque etiam a Sanctorum Canonizatione abſtinuiſſet Joannes, si ea quæ loquebatur nullo cogente, vere non credidiſſet. quibus addi poteſt veluti probium argumentum non levis momenti, ſilentium adverſariorum qui de eo probabiliter non tacuiſſent ſi tuac temporis apud ipſos in leviſſimam etiam ſuſpicionem veniſſet.

Nec valet dicere verba hujus ſummi Pontificis in præcætitis Bullis, fidem Romanæ Eccleſiæ ac doctrinam circa ſtatum animarum poſt morrem, indicare, non vero quid ipſe ſentiret Pontifex. Nihil enim probat miſeram illud eſſugium: cum ad Sanctorum illorum canonizationem ut dictum eſt, ipſum nulla ratio compelleret. & aliunde ſi animas juſtorum intuitiva Dei viſione non gaudere exiſtimaveſſet, quomodo Sanctos fidelibus populis invocandos abſque impietate potuiſſet proponere, ipſoſque ille invocaveſſet? quomodo miſarum ſolemnia celebraveſſet, ut fere ſingulis diebus celebravit, inter quæ Sanctos ſumma frui ſeſcitute, cælique eſſe hoſpites profitebatur? antiquam ergo doctrinam Eccleſiæ, cui frequens adeo perhibuit teſtimonium, tenebat Joannes, nec ab illa vel latum ungue deſlexerat.

Verum ab antiqua Eccleſiæ fide nuſquam directe recedens Joannes, in eam tamen opinionem, juxta quam animæ beatæ divinam eſſentiam viſione faciali non ſunt viſuræ ante diem judicii, inclinavit, ideoque multis mentem ipſius minus deſe capientibus, vel etiam illi aliunde inſenſis, in ſuſpicionem venit, atque etiam apud quampſures, potiſſimum in Gallia, ſiſſire audivit. ipſum autem in hujusmodi opinionem aperte inclinaviſſe, non illegitime colligitur, tum ex variis ſermonibus quos habuit anno 1331. tum ex iis quas hac de re ſcripſit Epistoſas ad Philippum Galliz Regem, & ad Petrum Rogerium Rothomagenſem Archiepiſcopum, qui poſtea fuit Pontifex Maximus Clemens VI. tum ex prolatis a generali Miniſtro ordinis Minorum Gerardo Odonis provinciæ Aquitaniz apud Gallos alumno. quæ omnia ex monumentis minime dubiis juxta hiſtoriæ fidem narrare juvat.

Raynaldus locupletiffimus author ad an. 1331. refert ex contaneo quodam Scriptore, ſummum Pontificem habuiſſe in procerum conventu publicos ſermones in feſto omnium Sanctorum, Dominica tertia adventus, & in vigilia Epiphaniz, in quibus quæſtionem de ſtatu animarum quæ jam acerrime a pluribus ventilabatur, attingens, permulta ex Scripturis & Patribus teſtimonia quæ collegerat vel colligenda curaverat, catholico dogmati parum faventia protulit, ex quibus malevolorum numero non levi, indignationem & invidiam ſibi paravit. His brevi Lutetiz Pariſiorum auditis, ut recte minus ac erronee ſentiens Joannes habitus eſt. majoris odii ſeminarium fuit inconfulta ratio prædicti Gerardi Odonis Sacræ facultatis Pariſienſis

sis Doctoris, qui a summo Pontifice in Scotiam cum socio missus, Lutetiæ, quæ transibat, in numero cætu Pontificis, ut aiebant, sententiam publice tueri ac defendere ausus est, idque majori cum fiducia eo quod, ut plurimi suspicati sunt, ad hoc missus a Joanne fuisset.

Variis tam adversus summum Pontificem quam adversus Generalem Fratrum Minorum ministrum querelis commotus Rex Francorum, Parisienses Theologos apud se in saltu Vincennarum congregavit, ab iis postulans an catholicæ fidei consonum esset quod prædicasse serebatur Joannes XXII. & publice propugnasset memoratus Generalis Gerardus. Regi unanimes viva voce responderunt, se a multis fide dignis audivisse quod quidquid in hac materia sanctitas sua dixit, non asserendo seu opinando protulerit, sed solummodo recitando: & ad rem ipsam quod spectat, se omnes in hanc sententiam convenire, quod animæ purgatæ ad visionem nudam & claram, beatificam, intuitivam & immediatam divinæ essentia assumentur. Hi omnes jubente Rege Parisios iterum congregati sua dicta in scriptis redegerunt & instrumento publico consignaverunt die vigesima septima decembris, illorumque sententiam ac declarationem alii omnes tam regentes quam non regentes, plenis in comitiis apud Mathurinenfes die secunda januarii subsequentiis approbaverunt.

Parisiensis sacrae facultatis declaratione fretus Philippus a Gerardo nisi ut hæreticus haberi ac comburi vellet palinodiam decantari jussit, eandem Parisiensem Theologorum declarationem, aut decretum eodem tempore ad summum Pontificem cum acerbis minacibusque litteris mittens, eique mandans ut reseret continuator Nangii, quod sententiam Magistrorum Parisiensem, qui melius sciunt quid debet teneri & credi in fide quam juris, & alii Clerici, qui parum aut nihil sciunt de theologia, approbaret, & contrarium sustinentes corrigeret. Regi Philippo respondit Joannes, de minis ipsius, ut videtur, parum sollicitus, sed de Gerardo se purgans & a rege enixe petens ut quæstionem de statu animarum in utramque partem sineret agitari, donec aliud fuerit per sedem Apostolicam ordinatum vel declaratum. interea ad Rothomagensen Archiepiscopum transmisit libellum, in quem permulta Scripturarum & patrum momenta suæ opinioni faventia congesserat. injunxit etiam cunctis Cardinalibus, aliisque Prælatibus, ac Doctoribus Theologiæ & juris canonici præsentibus in sua curia, ut supra hac quæstione diligenter studerent, ipsique quid eis videretur, exponerent. id constat ex ipsius litteris ad Archiepiscopum & ad Franciæ Reginam.

Ex his ergo quæ de Joanne XXII. unanimi consensu referunt historici, evidens est ipsum aperte inclinasse in eam sententiam quæ Sanctis visionem Dei intuitivam denegat ante corporum resurrectionem. alioqui cur in sermonibus suis absque necessitate ulla quæstionem quæ magno animorum æstu agitabatur attigisset, permulta quæ opinioni huic in quam inclinabat favere poterant allegando; id enim summum Pontificem minime decebat, qui cum sit totius Ecclesiæ Pastor & Doctor, nihil in rebus quæ ad dogma catholicum necessarium ordinem dicunt, prolaturus est nisi quod ubique, quod

semper, quod ab omnibus tenetur? quare Gerardum sibi addictissimum, ob dissensionem ab ipso publice habitam, ut opinionem in quam Pontifex palam inclinabat, multiplici argumento firmaret intempestive adeo, super temeritate sua vehementer, de ea monitus, non objurgavit, satis fecisse arbitratus quod de illo se purgaret? quare sciens Joannes ex iis quæ protulisse narrabatur, ingens ortum fuisse scandalum, eoque magis quod in erroris suspicionem apud quamplures venerat, Galliarum regem a quo acriter hac de re fuerat increpatus, rogavit nihilominus ut in suo imperio unicuique pro suo genio sentire vel defendere quod bonum de affirmativa vel negativa iudicaret, per ipsum liceret, veluti de questione quadam dubia & incerta res esset: & eodem tempore quæcumque suæ opinioni favebant trans mittebat Joannes ad Rothomagensem Archiepiscopum? summus igitur ille Pontifex, velint nolint, in opinionem illam vere & palam inclinavit. Nec ad malevolos, ut de illa re constet, attendamus oportet, cum assertionem nostram confirmet Benedictus XII. qui, teste Ptolomæo Lucensi hist. lib. 24. in concione publice habita die Purificationis, asseruit Sanctos clare videre essentiam Dei contra opinionem decessoris sui, qui de hoc dubium secerat: & Adrianus VI. qui in tractatu de Sacramento Confirmationis dicit de Joanne XXII. ferri, quod sententiam procrastinantem ad resurrectionem usque intuitivam Dei visionem publice docuit, declaravit, & ab omnibus teneri mandavit. sed in sua narratione longius progressum fuisse Adrianum existimamus, eumque duobus circiter post Joannem sæculis degentem, a rumoribus longe lateque sparsis ab hujus Pontificis inimicis, vel ex illorum scriptis id hausisse.

Verum quidquid sit de fundamento quo nititur Adriani VI. relatio, quam diligentius perscrutari præsentis non est instituti, certum est Joannem XXII. nihil circa questionem de qua tractamus definiisse. etenim id ipse Pontifex publice protestatus est coram tabellionibus his verbis, ut referuntur a Raynaldo ad an. 1334. die 3. Januarii. *Ne quis finistre interpretari possit nos sensitse aliquid aut sentire, quod Sacra Scriptura obviat aut fidei orthodoxa, dicimus & testamur expresse, quod quidquid in questione... visionis animarum... in sermonibus & collationibus diximus, allegavimus, ... non intendentes aliquid determinare vel decidere.* Hinc apparet Theologos Parisienses non immerito Regi Philippo respondisse, ut supra retulimus, se multorum, quibus debetur fides, relatione audivisse, quod quidquid in hac materia Sanctitas sua dixit, non asserendo seu opinando protulit, sed solummodo recitando. de sermonibus quorum occasione in suspicionem venerat summus Pontifex, loquens apud Rainaldum ad an. 1331. Ulricus doctor Germanus lib. 24. hæc habet. *si sermo papalis pie & sane intelligitur, non proprie sermo nec definitio, nec determinatio seu prædicatio: sed magis quasi quadam scholastica disputatio, ad disputantium collatio esse perpenditur.* quod potest confirmari ex declaratione Gerardi Franciscanorum Generalis ministri, qui confessus est, teste Villano cum aliis, se quidquid, de hac re dixerit, disputandi gratia protulisse tantum. Hunc autem Joannis mentem sequi neminem latebat.

In.

Insuper ex eodem Rainaldo ad an. 1333. habemus summum illum Pontificem Regi Galliarum rescribentem, ipsi contestatum fuisse se nihil definiisse; ideo Regem obsecrat ut quilibet dicere, disputare & prædicare valeat, quod sibi juxta doctrinam Evangelicam & Apostolicam disputandum videbitur aut etiam prædicandum. aliudque non leve indicium est quod reapse nihil definire intendisset, mandatum quod anno 1333. dedit Joannes controversiam hanc dirimere cupiens, Cardinalibus, Episcopis, aliisque Doctoribus, ut summa cum diligentia eam expenderent & quidquid circa eam fuisset a Patribus Ecclesiæ pronuntiatum, conferrent. idque eis a summo Pontifice ut absque dilatione facerent, sub anathematis pœna præcipiebatur. Hujus rei meminit bulla quæ incipit, *Benedixit Deus*, ipsius successoris Benedicti XII. pro ut a Bzovio refertur ad an. 1336. qui Joannis successor, in alia bulla, quæ incipit *sicut habet*, de qua Rainaldus ad. an. 1334. affirmat illum nihil definiisse, seque interfuisse narrat, cum aliis plurimis Cardinalibus publicæ professionis quam ediderat Joannes die 3. januarii, in qua, ut ait Ptolomæus Lucensis, in consistorio protestatus fuit coram Cardinalibus, Prælatibus, & Capellanis, quod in prædicta questione nihil definiendo, sed recitando dixerat, ut supra retulimus, & quod paratus esset revocare, si qua enormia dixisset. Nec dii dissentit Ockhamus, & Bonagratia, uterque ex ordine Minorum, qui Joanni XXII. infensi hostes erant, adhæserantque Ludovico Bavaro, qui Pontificem hunc deposuerat, & in ejus locum per vim & nefas Romæ coram populi multitudine summum Pontificem curiamque Romanam Avenionæ residere ægre & impatienter ferente, suffecerat Antipapam Petrum de Corbario ex eadem Franciscanorum familia.

Nec ullam fidem aliunde meretur Ockhamus, licet Parisiensis Doctor, & magnæ eruditionis vir, dum pro suo fervido ingenio in Joannem XXII. incurrens, in libro quem inscripsit compendium errorum Papæ Joannis, narrat illum suam sententiam de dilatione beatificæ visionis libellis & constitutionibus stabilisse, eamque pertinaciter propugnasse, ac nullum permisisse Parisiis magistrari in facultate Theologiæ, nisi prius tactis Sacrosanctis juraret, quod constitutiones suas supradictas sanas & catholicas in perpetuum reputaret, & nunquam ipsas impugnaret. parvificandam esse hanc Ockhami narrationem brevi advertet quisquis meminerit illum erga summum hunc Pontificem male affectum, rumoribus in ipsum per malevolos sparsis ex quibus fuerit deceptus, facilius credere potuisse. quod adeo verum est, ut de Pontificem accusantium dolo & fallacia ipse Ockhamus dubitaverit. quapropter in dialogo parte 2. tract. 2. dicit sibi non imputandum, si rem aliter quam habet veritas narravit, sed illis qui eam hoc modo ipsi nuntiarunt, unde si quid a se imperite dictum fuisset, correctionem Charitativam se non recusaturum declarat; ex quibus evincitur non recte se gessisse in iis quæ ad Joannem XXII. spectabant, sed potius imprudenter, temere & ex invidia scripsisse: postulabat enim æquitas, non minus quam ea quæ ab omnibus fidelibus debetur Pontifici Maximo reverentia, ut rem, si de ea necessario erat scripturus, a radicibus rimaretur, ne prorsus falsa, aut saltem

dubia, ut accidit, narraret. falsa inquam ut accidit, cum nusquam Theologis Parisiensibus Joannes injunxerit quod, de sua propugnanda opinione tum ab ipsis, tum ab aliis qui Magisterii gradum erant consecuturi; scribit Ocham. falsa etiam, aut saltem dubia, ut ostendunt ea omnia quæ jam allegavimus ex consensu cunctorum, qui de capite illo historie tum Ecclesiasticæ, tum civilis scripserunt.

Nec magis audiendi sunt alii omnes qui hac in parte Ochami narrationi standum putantes Joannem XXII. erroris damnant vel suspicantur. quotquot enim fuisse Ludovico Bavaro Imperatori, & Antipapæ Petro de Corbario qui adhaeserunt, ut Michael de Cæsena ordinis etiam Fratrum minorum quondam Generalis minister, aliique licet numero pauci ejusdem Instituti, qui a legitimo Pontifice, ob privatas rationes ad propositum nullatenus spectantes, Schismatis labe polluti descenderant, ut Pseudopapæ partes amplecterentur, quæcumque adversus Joannem a malevolis divulgabantur pro veris reputabant, & obtrektorum sermonibus vires addebant falsa falsis apponentes, eoque libentius quod religionis larva obiegebantur. illorum hisque similitum dictis quamplures fidem præstantes, circa ea quæ Joannis sunt decepti, alios pariter decipere: sed hi omnes testimoniis supra relatis redarguuntur. & aliunde quidquid a nonnullis opponeretur, ut a Marsilio Inghen, & Gerfone, si vere auctor est sermonis cujusdam in festo Paschæ, probat solummodo in opinionem illam vere inclinasse Joannem XXII. ut contendimus, non vero quod quidquam de illa definierit. Dum autem addunt hunc Pontificem eos qui pro sua sententia stabant, inter eos eminet Gerardus Odonis, gratia & favore fuisse persecutum; qui vero ab illo diffidebant, ut Durandus Meldensis Episcopus, & Thomas Vallenſis, ab ipso durius fuisse exceptos; gratis prorsus id proferunt. quid enim Gerardo Papa præstitit, ut Joannis Laurentii Berti utar verbis, quod amplissimum ordinem moderantis merito ac dignitarii esset impar? Durandum vero non quia aliter sentiebat circa statum animarum, sed propter quasdam assertiones non bene intellectas, aut apte minus expositas, a fidei censoribus in jus fuisse vocatum ex manuscripto vaticano constat. Thomas autem Vallenſis a fidei inquisitoribus pæna multatus Avenione fuit, eo quod in publica concione divinam maledictionem indecenter est imprecatus in eos qui intuitivam Dei visionem æternamque felicitatem ad diem usque judicii procrastinari asseriebant, ut narrat Brovius ad an. 1331. quod privato præsertim homini, veniente controversia, minime licitum erat. quæ cum ita sint, probatum manet Joannem XXII. qui de clara Dei visione dubium fecerat, ut ait Ptolomæus Lucensis, circa illam nihil determinasse, utpote morte præventum.

Imo opinionem in quam non occulta inclinabat, morti proximus revocavit, ac dogma catholicum palam professus est de hac Joannis XXII. retractione, quam, definitionem prioris ejus sententiæ contrariam, jure merito nuncupamus, instrumentum authenticum habemus apud Rainaldum & Brovium in illa fidei professione quam die tertia decembris anni 1334. coram Cardinalibus quorum nomina referuntur in manuscripto vaticano, edidit, quæ.

queque, præsentibus Tabellionibus ea de causa vocatis, ipso præcipiente lecta est, *futemur & credimus*, inquit, *quod anima purgata, separata a corporibus, sunt in Cælo, Cælorum regno, & Paradiso, & cum Christo, in consortio Angelorum congregata, & vident Deum ac divinam essentiam facie ad faciem clare, in quantum status, & conditio compatitur animæ separata. si vero alia vel aliter circa materiam hujusmodi per nos dicta, prædicata, seu scripta fuerint, quoquo modo illa diximus, prædicavimus, seu scripsimus recitando dicta Sacra Scriptura & Sanctorum, & conferendo, & non determinando, nec etiam tenendo; & sic & non aliter illa volumus esse dicta. insuper . . . illa habemus & haberi volumus pro non dictis, prædicatis & scriptis, & ea revocamus expresse . . . & ea submitimus Ecclesiæ determinationi & Successorum nostrorum. Hanc autem professionem quam constitutione decretoria probabiliter confirmasset Joannes si tempore sufficienti superstes ipsi fuisset, intexuit Benedictus XII. qui Joannem excepit, quique cum aliis cardinalibus quando emissæ est aderat, constitutioni quam ad perpetuam rei memoriam illico edidit.*

Illius prioris sententiæ revocationis, & veluti publicæ in oppositum definitionis, præter Rainaldum & Bzovium meminere Joannes Villanus, continuator Nangii, Nicolaus Gillius, Bullæus Historiæ Academiæ Parisiensis Scriptor, Marsilius Inghen, qui de hac controversia consuli poterunt, sicut & Giacomini, Spondanus, Cossietellus, Belleforest, Ptolomæus Lucensis, & Ulricus. Hanc fidei professionem præceperat undecim abhinc mensibus alia ejusdem sententiæ revocatio. in illa enim authentica declaratione facta die tertia Januarii de qua supra locuti sumus, postquam dixisset Joannes in publico consistorio, se illud solum tenere & credere, quod & Scriptura Sacra potest, & poterat Catholice fidei convenire, hæc addebat: *& si forsan in prædictis sermonibus vel collationibus, aliqua quæ vel Scriptura Sacra seu fidei orthodoxæ quovis modo essent vel viderentur obvia, ipsa præter intentionem a nobis prolata dicimus & asserimus, eaque revocamus expresse, non intendentes illis adherere, nec ea in præsentem defendere, nec etiam in futurum.* & exinde colligitur ad publicam & formalem hujus quæstionis acriter ventilatæ determinationem, nihil aliud ex hoc tempore expectasse Joannem XXII. nisi maturiorem discussionem, ne præceps alicui videretur ipsius judicium: vel forte, quod non improbabiliiter dixerim, ne minacibus litteris Philippi Francorum Regis terrium fuisse ac cessisse a malevolis & obtræctatoribus promulgaretur. ceterum quo impellente priore suam sententiam revocaverit summus Pontifex; an motu proprio & veritati cognitæ cedens: an amicorum suasu & affinium, qui metuebant, ne si contraria opinioni ad quam inclinabat accederet impofterum Ecclesiæ definitio, labe indecora aspergeretur Joannis memoria, ut nonnullis placuit, investigare non juvat: & aliunde non nisi temere de internis judicatur. quidquid sit, certum est Joannem XXII. ut susceperamus ostendendum, qui ad annum usque 1330. majorum fidem & doctrinam tenuerat, in eam postea inclinasse sententiam (re nondum ab Ecclesia determinata) quæ visionem Dei intuitivam animabus justis ad resurrectionem usque procrastinat: nihil tamen circa quæstionem illam definisse, imo morti proximum, prio-

rem

rem revocando opinionem Catholicum dogma palam & publice fuisse professum.

Queritur, utrum a recta fide defecisse in hac parte, & alicujus erroris labe maculatus reputari possit Joannes XXII?

Resp. possit ne summus Pontifex ut privatus Doctor a recta fide aliquando deficere, & cujusdam erroris labe pollui vel non, hic non investigantes, id unum ad præsens propositum respondebimus, de Joanne XXII. nullo modo ferri posse sinistram illud judicium; idque duplici ex ratione. 1. quia etsi in opinionem quæ animabus nihil purgandum habentibus visionem Dei intuitivam ac proinde Sanctorum felicitatem ad resurrectionem usque procrastinat aperte inclinaverit in extrema senectute, nihil tamen pro ea definiens, sed circa illam dubitanter se gerens, quid tum Scripturæ tum patres de illa docerent diligentius inquiri voluit, & tandem omne exuens dubium, antiquam Majorum doctrinam, a qua aliquo tempore recessisse visus est, palam professus, oppositam sententiam morti proximis authenticè revocavit Joannes, ipsis fatentibus hujus summi Pontificis magnæ doctrinæ viri hostibus insensibilis. 2. quia etsi a primis Ecclesiæ diebus inter fideles, si quosdam excipias etiam inter Sanctos Patres, qui, ut alias observavimus, Papiæ adhæserant, unanimiter obtinuisse sententia juxta quam animæ iustorum, quibus nullæ maculæ de terrenis contagiis adhæserunt, statim ac corpore solutæ sunt, intuitiva Dei visione fruuntur, ea tamen ut fidei dogma solemniter Ecclesiæ declaratione nondum iis diebus videbatur determinata, unde de illa dubitans ad tempus Joannes, qui oppositam sententiam nulla definitione nulloque decreto firmavit, nullo est errore notandus. & indecenter satis loqui mihi videntur Catholici quidam Theologi, dum de summo illo Pontifice idem sere ac nos in omnibus judicium ferentes, addunt illum suum tandem retractasse errorem; mitius & reverentius cum illo acturi, si eum sententiam suam revocasse dixissent.

QUÆSTIO NONA.

Quodnam & quodplex sit visionis beatificæ objectum.

NON pauca otiose satis petra tractantes aliquando Theologi, quibus a superfluis ac vanis, nulliusque utilitatis quæstionibus esset abstinendum, perplura circa beatificæ visionis objectum scire desiderant, quæ nec felicitati Sanctorum, nec disputantium doctrinæ quidquam conferunt. Numquid augmentum accipiet, aut detrimentum patietur cælestis beatitudo quod possit a Beatis videri vel non una persona in Deo sine altera, unum attributum non visis alteris? Deum, ut est in se, vident iusti, & hujusmodi cognitione beantur. de iis quæ possunt esse vel non per metaphysicas abstractiones, quorumve possibilitas si afforet, nusquam ad actum reducetur, imo quod ad statum actualitatis transeat est absolute impossibile, si inter nos concerneretur qui illorum interest? quidve nostræ exinde accedit eruditioni? quid nos sci-

re

re juvat si futura, si possibilia, omnia vel ex parte, nec non & præsentia cuncta a Beatis in Cælesti patria cognoscantur vel non. propositam ergo quæstionem brevi complectamur, primum nihilominus beatificæ visionis objectum quod Deus est & quæ in ipso sunt, a secundario, creaturis videlicet & quæ circa eas sunt, accurate distinguentes.

ASSERTIO PRIMA.

Deum unum in essentia, Trium in personis, eaque omnia, quæ sunt in Deo formaliter, tam absoluta quam relativa, intuitu vident in Cælo Beati; nec non clare cognoscunt cuncta fidei Mytheria, quorum fidem in terris habuerunt.

BEati mundo corde quoniam ipsi Deum videbunt, sæpius cum Christo diximus, & cum Apostolis Paulo & Joanne, videmus nunc per speculum & in enigmate, tunc autem facie a faciem. videbimus eum sicuti est. Deus autem in se est unus in essentia, trinus in personis, & quæcumque sunt in Deo formaliter sive absolute sive relativa, sunt ipsemet Deus: videant ergo Beati oportet divinam essentiam, tres personas divinas, eundæque Dei attributa: alioqui ab ipsis non videretur Deus: & in hac visione consistit æterna beatitudo, dicente Christo apud Joannem cap. 17. *hæc est vita æterna ut cognoscant te solum Deum verum, & quem misisti Jesum Christum.* ad quæ Salvatoris verba ut ostendat S. Augustinus in cognitione Trinitatis sitam esse vitam æternam hæc habet tract. 105. in Joan. *ordo verborum est, ut te & quem misisti Jesum Christum cognoscant solum verum Deum.* consequenter enim & Spiritus Sanctus intelligitur, quia Spiritus est Patris & Filii, tamquam Charitas substantialis & consubstantialis amborum. quoniam non duo dii Pater & Filius, nec tres dii Pater & Filius & Spiritus Sanctus: sed ipsa Trinitas unus solus verus Deus. omnia pariter Dei attributa quæ necessario ab essentia fluunt, nec non primarias ac specificas eorum rationes vident Beati, cum videntes Deum sicuti est, visuri sint quicquid in prima Dei notione comprehenditur, & sine quo nec esse, nec concipi potest Divinitas.

Cuncta pariter fidei mytheria, quorum fidem habuere in terris clare cognosce a Beatis in cælo aperte indicat Apostolus dum epist. 1. ad corint. cap. 13. tres virtutes Theologicas, fidem, spem, & charitatem distinguens, & de illis tribus dicens quod nunc maneant, sed de charitate sola quod sit perpetuo duratura & numquam excidat, addit nunc nos ex parte cognosce: at cum venerit quod perfectum est, in futuro videlicet sæculo nobis post resurrectionem in cælo semper cum Domino permanfuris, evacuandam esse quod est ex parte, ut quæ nunc per speculum & in enigmate videmus, facie ad faciem contemplemur. & revera in patria nec fides nec spes erunt, quia ibi nulla obscuritas, tenebræ nullæ, nullus timor, anxietudo nulla, sed cuncta erunt in lumine, omnia in securitate: & quicquid vel ex fide credere, vel ex spe desiderare in hoc mundo Beati, cum Deo & in Deo

Deo possidentes in cælo, indefectibili potentur felicitate, cui certe quidquam deesset ipsis clare non intelligentibus accernentibus ea, quæ per fidem ambulantes in tempore crediderant. ipsos autem eorum omnium claram in æternitate cognitionem esse adepturos aperte satis significat Augustinus lib. 20. de civit. cap. 21. hæc scribens. *ibi vidimus & gaudebit cor nostrum. Nec exprofficit quid tunc videbimus: sed quid nisi Deum? ut impleatur in nobis promissum Evangelicum, Beati mundo corde, quoniam ipsi Deum videbunt, & omnia illa quæ nunc non videmus, credentes autem pro modulo capacitatis humana longe minus quam sunt, atque incomparabiliter cogitamus. & videbitis; inquit, & gaudebit cor vestrum. Hic creditis, ibi videbitis. omne igitur quod fide divina in præsentī vita credimus, & ad Deum necessarium ordinem dicit, quodve imperfecte & obscure noscimus, perfecte & distincte in altera vita, revelata facie Deum contemplantēs, cognoscemus.*

ASSERTIO SECUNDA.

Beati in cælo se invicem, suosque noscunt: de rebus vero præsentibus ac præteritis, ea sciunt quæ ad ipsos spectant: de futuris autem, & aliis ad ordinem universi pertinentibus, ea vident quæ illorum felicitati conferre possunt.

Sese invicem, suosque in cælo cognoscere Beatos tenent Sancti patres. *In meliorem statum destinamur resurrecturi in spirituale consortium, agnitus tam nosmetipsos quam nostros; inquit Tertullianus lib. de Monogamia cap. 10. Magnus illic vos charorum numerus expectat, parentum, fratrum, filiorum... ad horum conspectum & complexum venire, quanta & illis & nobis in commune lætitia est! ait Sanctus Cyprianus lib. de mortalitate. Tunc nihil latebit proximum in proximo, nec erit quod suis quisque aperiat, abscondat alienis ubi nullus erit alienus: dicit Sanctus Ambrosius de obitu Valentiniani. Idque sic se habere ratio dicit, cum ex istiusmodi mutua cognitione non leve augmentum accepturam esse iustorum felicitatem unusquisque nostrum facile intelligat.*

Ad præsentia vero & præterita quod attinet ea nosse Beatos, quæ ad ipsos spectant, colligitur ex Sacris Scripturis dicente Apostolorum Principe Epist. 2. cap. 1. *dabo operam, & frequenter habere vos post obitum meum, ut horum memoriam faciatis.* Idque confirmant ecclesiæ Doctores. Sic inter alios Sanctus Papa Gregorius loquitur lib. 12. moral. cap. 17. *an aliquid nesciant qui scientem omnia sciunt? an fratres suos periclitantes non videant, non current? an qui Deum totī & totum sapiunt, cum Deus charitas sit, charitatis exortes sunt?* Hinc dicebat mox laudatus Ambrosius de Theodosio loquens, illum in cælo Honorii & Arcadii filiorum ipsius curam fore habiturum & in hac cognitione quam habent in cælo Beati eorum quæ ad ipsos spectant fundatur Sanctorum invocatio, quam ex continua ecclesiæ praxi ab Apostolorum temporibus, ut Catholicum dogma contra recentiores Hæreticos definivit Concilium Tridentinum. ad quid autem Sanctorum invocatio, si preces quæ ad ipsos

ipſos a fidelibus populis diriguntur illi ignorarent? has ergo orationes, ſicut & cultum qui eis in eccleſia ad ipſius præſcriptum exhibetur, ipſis ma-
 niſeſtari eſt indubitatum. illos ad familiam, ad Rempubicam cujus erant vi-
 ventes in terris, ante Deum aſſiſtentes attendere, & quæ circa eas agun-
 tur intelligere certiffimum eſt. illudque quodammodo exigere videtur Dei
 juſtitia, quod Sancti in cælo ſint de ſuorum ſalute ſolliciti, quos in medio
 tentationum undequaque hoſtibus inſidiantibus circumdatis militare non
 ignorant. quomodo autem in eis eſſet hæc pro ipſis familiaritate & charita-
 te conjunctus ſollicitudo, ſi Beatos laetent in æternitate, quæ ſunt illorum
 de quibus ad ipſos ſpectabat in tempore? Hos omnes quos ſibi ſuperſtites
 in via reliquerunt, quorumve curam aliquando ipſi gerebant, æternæ gloriæ
 in patria habere conſortes haud dubie delectantur Beati, illos in terris per
 juſtitia ſemitas ambulantes intueri non parum ipſorum felicitati conſert; il-
 los ſuis orationibus apud Deum adjuvare, ut & illi ad æternæ ſalutis por-
 tum pervenire mereantur, ipſorum non poteſt non intereſſe: quomodo
 igitur de illorum virtutibus poſſent ex hilarari, vel illorum ſubvenire neceſ-
 ſitatibus, ſi præterita & præſentia quæ ſuorum ſunt non intelligerent? quan-
 to magis ea cognoſcant in cælo Beati quæ ſibi propria ſunt de præteritis
 ac præſentibus, ut ſunt tentationum pericula ex quibus Deo per gratiam
 miſericorditer adjuvante feliciter evaſerunt, impiorum æterna ſupplicia, ultrix
 Dei juſtitia, in qua ex ſpeciali miſericordia non inciderunt, quorumve per-
 petua recordatione non poſſunt non delectari, quis non intelligit? Divitis
 Epulonis huiſtoriam vel parabolam apud Lucam cap. 16. adeat is cui illa om-
 nia non eſſent comperta.

Res futuras, ſicut & illas quæ ſunt ordinis univerſalis in mundi iſtius na-
 turali conſtitutione, videre Beatos quantum ad illorum felicitatem conferre valet,
 ex illis quæ de Angelis loquens Auguſtinus habet lib. 4. de Geneſi ad lit-
 teram cap. 24. conſpicere licet. *cum Sancti Angeli, inquit, ſemper videant ſa-
 ciem Dei.... procul dubio univerſam creaturam, in qua ipſi ſunt principaliter
 conditi in ipſo verbo Dei prius noverunt, in quo ſunt omnium, etiam quæ tem-
 poraliter facta ſunt, æternæ rationes, tamquam in eo per quod facta ſunt omnia.*
 quod autem eo loci de Angelis ſcribit Hipponenſis, de omnibus aliis Bea-
 tis eſt pariter intelligendum, cum horum omnium ſit una & eadem ratio.
 Sanctus Bernardus ſerm. de triplici genere bonorum, pro cunctis juſtis lo-
 quens ait: *tunc omnia quæ in cælo, & quæ in terra ſunt, perfectiſſime cognoſce-
 mus, in ipſo fonte ſapientia rerum omnium cognitionem bibentes.* Adquod videtur
 ipſa ratio oſtendere. cognitio enim certa rerum naturalium & ſupernatura-
 lium ab intellectu creato naturaliter appetitur, cum ſcientia quæ circa illas
 verſatur ſit vera animi perfectio. hac igitur fraudari non poſſunt Beati in
 cælo, ubi omnia perfectæ erunt in genere ſuo: & eo minus quod in
 adipiſcendis huiſmodi cognitionibus in gradu imperfectiſſimo ſuper terram,
 pro naturali inſtinctu quamplures illorum multum deſudarunt.

Non tamen exiſtimandum cuncta tum præterita, tum præſentia, tum fu-
 tura Beatos cognoſcere, multoque minus cuncta poſſibilia; hoc enim ſuppo-

sito Beatorum scientia Dei scientiam & cognitionem fere æquaret, quod falsum est. unde diximus hæc cognituros esse Beatos quantum ad illorum felicitatem opus erit. in cælesti gloria Sanctos esse ex omni parte felices est indubitatum; quidquid ergo illorum beatitudini conferre valet ipsis esse a Deo remuneratore munificentissimo præstandum negari non potest. alioqui verum non esset, beatitudinem in se ipsa consideratam, esse statum omnium bonorum aggregatione perfectum; quod tamen, consentientibus omnibus, importat illius natura. Has ergo cognitiones alias cuiuscumque ordinis sint, quæ cælesti æternæque beatitudini nihil præstant, Sanctis concedere videtur superfluum illis fruuntur vel non, quid interest?

ASSERTIO DECIMA.

Quomodo fiat visio Beatifica & undenam sit repetenda ipsius inæqualitas.

NUllam dari posse Creaturam, quantumvis perfectâ supponatur, cui naturalis sit vel debita intuitiva Dei visio cum Doctore Subtili ut ex omni parte indubitatum existimantes, ex eo quod nulla esse possit, quæ ex propria & intima naturæ suæ conditione beata sit & impeccabilis, (quod utrumque secum necessario & absolute importat intuitiva illa Dei visio) dicente Augustino lib. 12. de civit. cap. 1. quod *omnis Creatura qua potest esse beata, non ex se ipsa potest, quia ex nibilo creata est, sed ex illo a quo creata est: & lib. 4. de Trinit. cap. 4. agente de creatura intellectuali, quamquam magna natura sit, vitiari tamen potuit, quia summa non est: examinandum habemus quomodo ad visionem hanc beatificam eleveetur intellectus creatus, & quodnam sit visionis intuitivæ principium; vel quod idem est, per quid potentia naturalis ex se insufficiens ad objectum beatificum attingendum, perficiatur ut valeat ad Deum usque pervenire. Necessarium esse auxilium ali-quod supernaturale ostendimus, cum homini possibilem non esse per solas naturæ vires visionem Dei intuitivam supra declaravimus contra Beguardos & Beguinas.*

Circa naturam istius auxilii non omnimode inter se concordant Theologi. quidam volunt novum illud auxilii genus a charitate vere distinctum & gloriæ lumen vocatum, nihil esse aliud quam ipsum Deum creaturæ intellectuali assistentem, eamque incessanter & continuo adjuvantem ad supernaturalem hunc actum eliciendum; existimant alii communiter auxilium illud vel lumen gloriæ, esse qualitatem quamdam fixam, permanentem, intellectui creato inherenter, & ab ipsa visione distinctam, quæ intellectui vires addit, & cum ipso ut internum principium ad ejusmodi actum eliciendum concurrit.

Falsissimo fretus principio Jovinianus æqualem in omnibus Sanctis esse visionem beatificam sentiebat ex Stoicorum placitis, ut testatur Sanctus Hieronymus. sicut peccata æqualia inter se volebat ita & bonorum operum merita æquabat: ideoque pœnarum & præmiorum respective æqualitatem propugnabat:

gnabat: unde inter Sanctum & Sanctum sicuti nec inter reprobum, & reprobum, nullam diversitatem admittebat. undenam repetenda sit beatificæ visionis inæqualitas tum in ordine morali tum in ordine physico investigandum occurrit. Id ne repetatur a solo lumine gloriæ, vel etiam ab intellectu perspicacitate, in utramque partem controvertitur. circa duplex præsentis quæstionis objectum, quænam sit nostra mens, sequentes declarabunt assertiones.

ASSERTIO PRIMA.

Creatura intellectualis per nativas vires ad Deum intuitivè videndum ex se insufficientis, per lumen gloriæ, quod est habituale quoddam auxilii genus illi omnino necessarium, ad Beatificam visionem evectur.

Insufficienciam creaturæ intellectualis ex viribus nativis ad intuitivam divinæ essentię contemplationem cum alias abunde satis ostenderimus, nihilque dicendum omiserimus, pauca de secunda assertionis parte nobis tractanda superiunt. Hanc autem luminis gloriæ absolutam necessitatem ad supplendam creaturæ insufficienciam implicate vel indirecte, efficaciter tamen, manifestant quæ de ista locuti sumus. luminis gloriæ veritatem sufficienter suadent divinæ Scripturæ: sic Psal. 35. *quoniam apud te est fons vitæ, & in lumine tuo videbimus lumen* Isaï cap. 60. *non erit tibi amplius sol ad lucendum per diem, nec splendor lune illuminabit te: sed erit tibi Dominus in lucem sempiternam, & Deus tuus in gloriam tuam:* & Apocal. cap. 22. *& videbunt faciem ejus . . . & non egebunt lumine lucernæ, neque lumine solis, quoniam Dominus Deus illuminabit illos.* Hinc noster Nicolaus de Lyra Academiæ Parisiensis Doctor Theologus percelebris in verba Psalmistę mox laudata juxta Sanctorum Patrum doctrinam hæc habet in glossa: *in lumine creato gloriæ videbimus lumen tuæ essentia, quod videri non potest ab intellectu creato, nisi ad hoc elevetur per lumen gloriæ, fortificans lumen naturale intellectus.* admittendum ergo est lumen illud quo mediante revelatur menti creatę eique manifestatur Deus ipse, qui est gloria nostra, & beatitudo nostra. ejus autem necessitatem, quam ut ad fidem spectantem definiit Concilium Viennense sub Clemente V. damnans errores Beguardorum & Beguinarum, ipsa ratio fatetur. Dato enim quod Deus clare cognoscibilis & facie ad faciem videndus, sit, ut vera est, extra spheram naturalem intellectus creati, necessarium ipsi est quoddam auxilii genus, quod ipsius incapacitatem & infirmitatem suppleat, intellectum evehendo usque ad Deum, illumque roborando ad visionem Dei eliciendam, non solum extrinsece hunc afficiendo, sed sese ipsi adjungendo eique intrinsece adhaerescendo, tamquam actionis ejus vel intellectus actionis principium. ideoque creaturæ intellectuali necessarium est hujusmodi supernaturale auxilium, nedum ad facilius & expeditius, sed etiam ad simpliciter & absolute actum visionis eliciendum: unde cessante tali auxilio, si ex impossibili æterna non esset semel concessa creaturæ visio beatifica, propriæ

sue ac naturali infirmitati vel insufficientiæ relicta creatura, a Dei visione ac supernaturali beatitudine vere & realiter deficeret.

Nec huic luminis gloriæ omnimodæ necessitati ullo modo contradicit Doctor subtilis, quin potius illum ut quid indubitatum supponit. & juxta ipsum in cælesti beatitudine lumen gloriæ se habet respectu visionis in intellectu, sicut se habet respectu amoris beatificantis Charitas in voluntate, quam nemmo non necessariam existimabit. *Nullus negat communiter*, inquit in 1. dist. 17. quæst. 2. in fine, *in gloria habitum luminis gloriæ in intellectu. & iste ex parte intellectus potest poni correspondere charitati ex parte voluntatis.* & miror quod Theologi insignes ut VVitalle, Tournely, alique non mediocri notæ Scotum celeriter nimium legentes, leviter adeo asserant ipsum tenuisse homini in cælum eveho ut videatur Deus, sufficere charitatem, quæ in hominis istius anima jam erat, & ex actuali quodam & extraordinario concursu augetur, nullo ipsi adveniente de novo habitu supernaturali. Nonne advertunt talia fantes, verba Doctoris accurate minus perpendendo, se a vero illius sensu recedentes absurda & inepta illi supponere? enim vero quid confert ad visionem charitas, quæ intellectum nequit afficere? ex cognitione, quæ se habet præsuppositive ad amorem in cælesti patria, ut quondam de formali hominis beatitudine differentes diximus, inflammetur voluntas, & in Deum beatificantem vehementius feratur, id suadet ratio, & est juxta vera Doctoris principia. sed ex amore fruitivo, qui non se habet præsuppositive ad cognitionem, non enim diligimus ut videamus, contemplamur e contra ut fortius amemus, ad Dei contemplationem. Evehatur mens creata, id opinari renuit ratio, & est a Scoti mente prorsus alienum: cum ad hoc invertendus esset ordo potentiarum & operationum, quem recte semper ille distinxit: unde parum & que de eo cogitant qui, illum non admittere supernaturalis auxilii, ut est lumen gloriæ, necessitatem, ut intuitive Deum cernere queat intellectualis creaturæ, arbitrati sunt, cum oppositum sentiat.

Sed inquirunt, Scotus dicit, quod „necesse non est aliquem habitum in „patria creatum in ipsa anima ponere, qui sit principium videndi objectum „vel in illud tendendi, saltem alium nisi charitatem: quodque cum essentia divina sit summa lux ex se, & de se intelligibilis, & de se perfectissima, sive motiva intellectus, nullum lumen requiratur sibi cooperativum“ esto quod hæc & similia dixerit Doctor subtilis. & merito quidem; quæ si non dixisset, ea nihilominus didicimus erat, ut a communi Theologorum sententia non recederet. at quare & quando talia loquitur, nisi in hypotesi quod intellectus non concurreret active ad visionem beatificam, sed illam in semetipso dumtaxat reciperet, quo posito lumen gloriæ esset solum modo respectu intellectus aliquid dispositivum ad visionem recipiendam: at in tali hypotesi, quam non admittit Scotus, si ponendus esset quidam alius habitus in patria creatus præter charitatem, illa forma disponente utpote supernaturali, requirente iterum aliud ad illam dispositivum, admittendus esset progressus in infinitum. & aliunde si intellectus non concurreret active ad beati-

tificam visionem, sed illam in se reciperet, cum essentia divina sit summa lux, & per se intelligibilis, inutile aut superfluum esset quodcumque aliud lumen sibi cooperativum: tunc enim beatifica visio ab essentia divina sola totaliter produceretur, intellectu mere passivo ad eam se habente.

Verum juxta Doctoris subtilis principia cum aliter res se habeat, & ad visionem beatificam active concurrat intellectus creatus, ipsi necessarium est lumen gloriæ, quo adjuvante ad contemplandum Deum evehatur, capaxque reddatur elicendi visionem Dei. Hinc est quod in 4. dist. 40. quæst. 11. dicitur quod „ anima humana non est sufficienter activa ex puris naturalibus „ ad consequendum actum visionis, quia ex se non habet Deum in se præ- „ sentem sibi sub ratione objecti, nec in alio in quo eminentius contineatur: ideoque in Beato ponitur aliquid supernaturale, non propter receptionem, sed propter operationem, ut a Beato eliciatur actio qua Deum attingat. & cum duplex potentia in Beato concurrat in operatione, scilicet intellectus & voluntas, propter utramque potest talis supernaturalis forma poni: una ex parte intellectus, quæ dicitur lumen gloriæ: altera ex parte voluntatis, quæ dicitur charitas. si autem objectum in se præsens sufficeret ad causandam actionem visionis intuitivæ, & intellectus sit mere passivus habens se solum in ratione susceptivi ad actum visionis, cum non requiratur propter receptionem solum aliqua forma ex parte intellectus, tunc non requiritur lumen gloriæ. si etiam voluntas sit mere potentia passiva respectu fruitionis, tunc ex parte voluntatis non requiritur charitas. unde ponentes voluntatem mere passivam respectu fruitionis tollunt charitatem. „ quando igitur Doctor subtilis necessitatem tollere videtur luminis gloriæ, loquitur juxta mentem eorum qui intellectum passivum volunt, vel de lumine gloriæ se tenent ex parte objecti, quod objectum cum sit totum in lumine, sitque ipsa summa lux, nullum aliud ut videatur, exigit lumen ex parte sui, satisque sit quod menti creatæ se exhibeat præsens. necessitas autem luminis illius, vel formæ supernaturalis, ut loquuntur, cuncta se tenent ex parte potentiæ, quæ ex se infirma ad actionem supernaturalem, qualis est visio Dei intuitiva, indiget evehi aut perfici ad actum hujusmodi producendum. Hæc vero potentia si passiva esset, tali auxilio non indigeret, cum nihil tunc operaretur? quapropter de intellectu respectu ad visionem Dei loquens Scotus ibid. in Resp. ad 3. Arg. concludendo dicit, „ si autem est potentia passiva, & receptiva, tunc non requiritur lumen gloriæ. „ indiget autem illo potentia activa: ideoque dicit in eadem questione num. 9. & in reportatis ibid. num. 9. „ si autem ponatur „ quod intellectus est aliquo modo activus respectu cognitionis Dei, non potest tamen agere nisi cum lumine. „ verum est quod dicit Doctor in resolutione dist. 40. quæst. 11. lib. 4. quod „ lumen gloriæ licet re ipsa sit in „ Beatis, tamen non est simpliciter necessarium. „ Sed statim rationem velut reddens suæ sententiæ addit, quod „ voluntas divina intellectum creatum præveniens, sic præter habitum quemcumque potest illum elevare ac juvare, ut possit beatificam comproducere visionem, obiciens divinitatem ipsam „ in-

„intellectui ratione objecti. “ & sic loquens, cum omnibus Theologis sentit, qui tenent lumen gloriæ habituale non ita necessarium esse intellectui creato ad videndum Deum, ut non possit suppleri per actualem quemdam & uberiorem Dei concursus; licet communi huic opinioni plures ex Thomistis non assentiantur. ex his ergo liquet Doctorem subtilem necessitati luminis gloriæ, quo evehatur ad beatificam visionem intellectus creatus, nullatenus contradicere, quamvis in hypotesi intellectus passivi, in quam inclinare quandoque videtur, aliud juxta ipsum ferendum sit judicium. quæ omnia si æqua lance librascent illi Theologi de quibus supra locuti sumus, opinionem Doctori nostro ab ipsius mente alienam non adjudicassent. Sic præter intentionem licet, præcipiti tamen culpandoque judicio, credulæ juventuti, sæpius in verba magistri juranti, insidiantur homines doctrina conspicui, Doctori subtili Magistro colendissimo, insulas quandoque suppositivæ opinioniones adscribentes. quod ut verum fatear, mihi stomachum non parum movet, cum hominem profundi sermonis, subtilis, recti tamen ingenii, sanctissimæ semper doctrinæ, tot titulis magni faciendum, apud permultos exinde veluti evulsiſſe video, atque etiam de tanta injuria ipsius discipulis non exposulantibus. His ex indulgentia observatis ad propositum redeamus.

Lumen gloriæ de quo agitur, esse habituale quoddam auxilii genus intellectum evehens ad visionem beatificam, farentur quotquot illius necessitatem agnoscunt. est habitus, idest qualitas quædam stabilis & permanens, supernaturalis, intellectui Beato infusa, non acquisita, non minus quam charitas in homine juxta; gratiaque Sanctificans quæ diffunditur in cordibus nostris per Spiritum Sanctum: & intellectui datur ut ipsa juvante, Deum non transeunt & ad tempus, sed in statu firmo ac stabili contemplari queat. id autem observandum, quod licet sit de fide ex Concilio Viennensi intellectum creatum indigere supernaturali auxilio ad Deum intuitive videndum, ad fidem non pertinet illius auxilii natura, de qua nihil definitivè Ecclesia, an sit habitualis vel actualis motio, transiens vel permanens. dicitur habitus supernaturalis & infusus, ex eo quod non sit homini connaturalis, & ad operationem supernaturalem conceditur, nec ulla hominis industria, ullo labore comparari potest. per hunc habitum evectus & corroboratus intellectus Deum intuitive cernit, quem facie ad faciem non videret, nec posset videre, tali auxilio deficiente.

Ex his sequitur, in visione intuitiva intellectum esse causam principalem, quidquid sentiant nonnulli, tenentes lumen gloriæ id habere causæ principalis, & intellectum esse causam instrumentalem, quod fiditum esse facile intelligitur, cum facultas vitalis ut est intellectus, active concurret per modum causæ efficientis & principalis ad actionem vitalem, ut est intuitiva visio, quæ est vera cognitio. unde lumen gloriæ melius diceretur instrumentum quo adjuvatur causa quæ in actione principalem habet partem. sequitur insuper illud habituale auxilii genus quod lumen gloriæ dicimus, Beatis concedi plane in ordine ad visionem, & non ad ornatum solum vel decorem: „non enim potest poni aliqua forma in Beato solum ad decorem & pulchritu-

„ di-

„dinem, & quæ non ordinetur ad actionem : & illa formæ supernaturali : requiritur propter operationem eliciendam,“ inquit Scotus ubi supra. quomodo autem id intellectui præstet lumen gloriæ ut illum ad intuitive videndum Deum evehat; illud præstat ipsi in ordine ad visionem Dei elicendam, quod in nobis fides, spes, charitas habitus supernaturales præstant in ordine ad actus fidei, spei, & charitatis, cum facultatibus concurrente efficienter, & earum virtutem augendo, non juxta modum habituum naturalium facilius operari dumtaxat præstantium, sed dando operari simpliciter, facultate naturali ad actum illum supernaturalem remanente impotente, nisi habitibus illis supernaturalibus qui dantur ad agendum, adjuvetur.

A S S E R T I O S E C U N D A .

Visionem beatificam, quæ in omnibus tam Angelis quam hominibus ejusdem est speciei, non esse in omnibus Beatis æqualem ob meritum inæqualitatem nos docet Catholica fides.

Ejusdem speciei in omnibus Beatis esse visionem beatificam quis negaret? Undenam enim defumeretur illius specifica diversitas, cum pro omnibus idem sit formale objectum, & eadem sint in omnibus visionis intuitivæ principia? formale æternæ ac beatificantis visionis objectum est Deus clare contemplandus, quibuslibet intellectibus beatis eodem modo se præsentem exhibens, licet juxta diversam mensuram. principia sunt intellectus creatus & lumen gloriæ: mens autem ut concurrens ad intuitivam Dei visionem, in omnibus prorsus ejusdem est conditionis, cum in cunctis sive Angelis sive hominibus, actum visionis intuitivæ eliciat ut per auxilium supernaturale evecta: sicque etiam si specie discrepant mentes Angelicæ & humanæ, eadem omnino esset cunctarum ratio, cum non per lumen gloriæ evehantur ut formaliter vel Angelicæ vel humanæ, sed præcise pro ut sunt in genere facultates intellectuales, sub qua ratione certo non discrepant specificæ. lumen gloriæ in omnibus & singulis prorsus idem est: in cunctis idem præcise munus exequitur. ejusdem ergo in cunctis Beatorum spirituum ordinibus sit speciei visio beatifica necesse est.

Idius vero beatificæ visionis inæqualitatem ob diversitatem meritum Sacræ Scripturæ sicut & Ecclesiæ Patres prædicant. in domo Patris mei mansiones multe sunt, inquit Christus Dominus apud Joannem cap. 14. unusquisque propriam mercedem accipiet secundum suum laborem, ait Apostolus 1. epist. ad Corinth. cap. 3. & cap. 15. dicit: alia claritas solis, alia claritas lune, & alia claritas stellarum. Stella enim a stella differt in claritate: sic & resurrectio mortuorum. Ex his sive Christi, sive ipsius Apostoli verbis colligunt Sancti Doctores beatificæ visionis inæqualitatem fundatam supra meritum imparitatem. Quomodo multe mansiones apud Patrem, si non pro varietate meritum? quomodo & stella a stella distabit in gloria, nisi pro diversitate radiorum? inquit Tertullianus in Scorpiaco cap. 6. Non res indiscreti judicii electio est; sed ex me.

meriti delectu facta discretio est. multas mansiones Dominus in Caelis esse statuit: plures enim mansiones diversae dignitati habitantium preparantur; sed licet diversa sit dignitas, differt enim stella stella in gloria: tamen quotquot habitationibus, variis licet, digni habebuntur, fidei fructum & bonorem gloriae Caelis sortientur. ait S. Hilarius in psal. 64. Cum audiunt in domo patris mei mansiones multae sunt, ait S. Augustinus de Apostolis loquens tract. 67. in Joan. a perurbatione recreantur certi ac fidentes post pericula temptationum se apud Deum cum Christo esse mansuros, quia est alius est alio fortior.... alius alio sanctior, in domo Patris mei mansiones multae sunt: nullus eorum alienabitur ab illa domo, ubi mansionem pro suo quisque accepturus est merito.... multae mansiones diversas meritum in una aeterna vita significant dignitates. alia est enim gloria solis, alia gloria lunae, alia gloria stellarum; stella enim a stella differt in gloria: sic & resurrectionis Mortuorum, tamquam stellae Sanctis diversas mansiones diversae claritatis, tamquam in Caelo, sortientur in Regno.

Juxta meritum mensuram repetendam esse mercedem apud Deum ut indubium habens Sanctus Martyr Polycarpus, minas mortis intenuit dicebat, ut habetur in actis passionis ejus: *merita mea doloris asimatione pensabo: quanto graviora pertulero, tanto praemia majora percipiam.* amplitudini meritum respondere praemii magnitudinem, sicut iniquitatibus supplicia sciens Chrysostomus dicebat homil. 41. in epist. 1. ad corinth. *est in regno caelesti sunt omnes, non tamen omnes isdem praemiis potentiuntur; uti nec in gehenna peccatores omnes eadem tormenta patientur.* a quo non recedens Theodoretus in illud idem quod loquitur Apostolus de stellarum differentia, ait quod non omnes iusti ejusdem praemii erunt participes, sed recte factis congruentem habebunt remunerationem. quibus omnibus consonant ea quae jam dixerat Mediolanensis Antistes Ambrosius lib. de bono mortis cap. 10. his verbis: *erit igitur ordo diversus claritatis, & gloria, sicut erit diversus ordo meritum.* & lib. 5. in Lucam dicens, *cum fueris in regno Caelorum tunc processus est mansionum: est unum regnum, diversae tamen sunt merita in regno Caelorum.* His addantur, Cyprianus lib. de habitu virginum, & ante ipsum Justinus dial. cum Tryph. Irenaeus lib. 1. cap. 10. Prosper in sententiis. Fulgentius lib. 3. ad Trasim. Gregorius Magnus lib. 4. moral. cap. 31. & alii plures, inter quos non praetermittendus S. Hieronymus lib. 2. adversus Jovinianum quem pluribus argumentis ex professo confutavit.

Scripturae auctoritati, & Sanctorum patrum testimonio accedunt Conciliorum decreta quod credendum statuerat Synodus Mediolanensis post Siricum damnans Jovinianum anno 389. teste Sancto Ambrosio epist. 42. definire tum Patres Florentini in decreto unionis dicentes. *Sanctorum animas in Caelum mox recipi, & intueri clare ipsum Deum trinum & unum pro meritum diversitate, alium alio perfectius.* Tum patres Tridentini sess. 6. can. 32. anathema pronuntiantes in eum qui dixerit, *bona opera hominis iustificati quae sunt Dei dona non esse etiam hominis ipsius bona merita, aut ipsum bonis operibus, quae ab eo per Dei gratiam & Christi meritum sunt, non vere mereri si in gratia decesserit, vita aeterna consecutionem, atque etiam gloria augmentum.*

Nec

Nec defunt rationes Theologicæ ad veritatis istius confirmationem. si quidem in ipsa Dei iustitia ac magnificentia fundata videtur inæqualitas beatificæ visionis, data semel meritorum diversitate. Nonne postulant æquitas plus mercedis rependi iis qui plus laboraverunt, qui graviora passi sunt, qui maiora gesserunt, qui dura certamina certaverunt? alioqui, quomodo vita æterna seu Cælestis beatitudo vocari posset præmium & merces, si inferioris meriti iusto secundum eandem mensuram rependeretur juxta quam accepturus est Sanctus, cujus undequaque merita coruscant? Hoc semel admisso, Beatissima Genitrix Dei virgo Maria in æterna beatitudine, nullo præ iustis aliis etiam inferioris ordinis gauderet privilegio, quam super omnes Cælos & super choros Angelorum exaltatam celebrat Sancta Christi Ecclesia. & quis id etiam cogitaret? Insuper qua ratione iustitia ultrix diversas infligeret pœnas pro scelerum inæqualitate, juxta illud Apocalypseos, *quantum glorificaverit se & in deliciis fuit, tantum date illi tormentum & luctum*, si iustitia præmians de meritorum diversitate parum sollicita, iustos quoscunque faceret in retributione pares?

Ergone, inquit illi quibus non arridet beatificæ visionis inæqualitas, erit in cælesti patria, cur alteri unus invideat? Nonne infelicem se reputabit iste ex majori alterius felicitate, quam ex innata naturæ inclinatione non poterit non appetere? & inde angor, hinc mæror. Numquid non est in retribuendo Deus universalis Pater ille familias, qui singulis operarius sero vocatis eundem rependit denarium, nulla diversitatis meritorum habita ratione?

Resp. quam carnaliter de Cælesti patria sapiunt, qui inordinatos naturæ vitiatæ affectus in ea futuros arbitrari videntur, dum ibi locum esse invidiæ ex retributionis inæqualitate fingunt! Neque enim in illo regno beatitudinis in quo pax summa est, inveniri poterunt huiusmodi scandala quæ colligantur, inquit Sanctus Papa Gregorius hom. 12. in Evang. Deo beatificatori ex intimis visceribus adhærescentes plus quam sibi omnes Sancti, quid uni præ alio in æternitate ex æquo præstetur, vel non videbunt ut tristari possit, ita ut felicitas unius ex majori alterius mercede minueretur, indeque confundi queat hujus supernæ civitatis perfecta pax, summa concordia: vel potius diversum illud gloriæ pondus uniuscujusque meritis correspondens in ipsa Dei tunc non occulta iustitia cernentes exultabunt Sancti, indeque lætabuntur, quod sibi datum esse pro merito suo unusquisque intelliget, ideoque sua sorte contentus, nullus erit qui quod sibi non debetur desideret: unde ex aliorum abundantia infelix non erit qui minus acceperit; sed magis se beatum reputabit quod ipse habeat quantum desiderare potuerit. Hinc idem Gregorius lib. 35. moral. cap. 15. perbelle ait, *æqualis est nec major appetitus, quia quis tantum capit quantum cupiat: quantum quisque fuit, tantum bibit: inæqualis, quia, qui plus bibit, plus fuit: æqualis tamen plenitudo, quia æqualis est omnium saturitas.* Nullus igitur angor ibi esse poterit, nullus mæror, quia quod suum est se accepisse quisque agnosceret, nec oculo obliquo alterius majorem honorum atque gloriarum gradum ullus limabit. ad quod advertens S. Augusti-

R r nus,

nus, de æterna felicitate civitatis cœlestis sic loquebatur lib. 22. de civit. cap. 30. *Id etiam beata civitas illa magnum in se bonum videbit, quod nulli superiori nullus inferior invidet, sicut nunc non invident Archangelis Angeli ceteri, tamque nollet esse unusquisque quod non accepit, quamvis sit pacatissima concordia vinculo ei qui accepit obstrictus, quam nec in corpore vult oculus esse qui est dignus, cum membrum utrumque contineat totius carnis pacata compago. sic itaque habebit donum aliis alio minus, ut hoc quoque donum habeat, ne velis amplius. & revera, quomodo & quare aliquis in Cælo vellet amplius habere, quando unusquisque apparente gloria Dei ibi feliciter satiabitur?*

Deum cunctis pro diversitate meritorum præmia inæqualiter largientem esse universalem Patrem Familias, operariis singulis eundem tamen denarium rependentem quis iret inficias? & vere totius familiæ pater cunctos Filios suos æterno amore prosequens, singulisque operariis eandem mercedem rependens, cum nullus eorum, etsi alius alio sanctior, alienetur a domo Dei, quæ, per denarium illum qui omnibus datur æqualiter in præmium, designata est, de illa tract. 67. in Evang. Joan. sic loquitur Augustinus. *Denarius quidem ille equalis est omnibus, quem Pater Familias eis qui operati sunt in vinea, jubet dari omnibus, non in ea discernens qui minus & qui amplius laboraverunt: quo utique denario vita significatur æterna, ubi amplius alio nemo vivit, quoniam vivendi non est diversa in æternitate mensura... propter unum denarium nullus separatur a regno, atque ita Deus erit omnia in omnibus, ut quoniam Deus Charitas est, per charitatem fiat, ut quod habent singuli, commune sit omnibus. sic enim quisque etiam ipse habet, cum amat in altero quod ipse non habet. Non erit itaque aliqua invidia impari claritatis, quoniam regnabis in omnibus unitas charitatis: inæqualitatem nihilominus meritorum cui respondet inæqualitas præmiorum in ejusdem parabole expositione supponit vel potius declarat S. Doctor, tum serm. 87. de verbis Domini cap. 4. etsi vitæ eternæ ratione alius ab alio non discrepet. Denarius est vita æterna, inquit, & in vita æterna omnes æquales erunt. quamvis enim meritorum diversitate fulgebunt, alius magis, alius minus: quod tamen ad vitam æternam pertinet, equalis erit omnibus: non enim alteri erit longius, alteri brevius, quod pariter sempiternum est. Tum lib. de Sancta virginitate cap. 26. ubi Jovinianus illa parabola in sui erroris confirmationem abutentis, videtur diluere objectionem sic loquens. quid sibi ergo vult, inquirunt, ille denarius, qui opere vinea terminato æqualiter omnibus redditur?... quid utique, nisi aliquid significat, quod omnes communiter habebunt, sicut est ipsa vita æterna, ipsum regnum celorum, ubi erunt omnes quos Deus prædestinavit, vocavit, iustificavit, glorificavit... Hic ille denarius, merces omnium. stella tamen ab stella differt in gloria, sic & resurrectio mortuorum: hæc sunt merita diversa sanctorum. si enim celum significaretur illa denario, nonne in celo esse omnibus est commune sideribus? & tamen alia est claritas solis, alia gloria lune, alia stellarum... ita quia ipsa vita æterna pariter erit omnibus Sanctis, equalis denarius omnibus attributus est: quia vero in ipsa vita æterna distincte fulgebunt lumina meritorum, multa mansiones sunt apud Patrem: ac per hoc in denario quidem non impari, non vivit alius alio proximius; in vul-*

tis autem mansionibus honoratur alius alio clarius. una igitur erit omnibus merces quantum ad æternæ vitæ durationem propter hujus denarii unitatem, sed non omnibus in eadem mensura ob meritum inæqualitatem.

Hæc autem ut facilius intelligantur, duplex, ut ita dicam, beatitudo in patria debet distingui: essentialis una, accidentalis altera. Dei possessio per cognitionem ex parte intellectus, & amorem fructivum ex parte voluntatis, essentialem constituit beatitudinem, quæ omnibus Beatorum ordinibus communis est: omnes enim Deum in æternitate contemplantur, illum clare & facie ad faciem videntes, huncque toto cordis affectu diligunt, & in illum toto voluntatis pondere feruntur. at cognitionis in intellectu, & amoris fructivi in voluntate, non eadem est intensio in cunctis Deum per utramque illam operationem possidentibus. in tantum ab unoquoque justorum cognoscitur & diligitur Deus, in quantum in eo intellectus per auxilium supernaturale evehitur, & in illo dilatantur spatia Charitatis. de utroque juxta suam capacitatem quisque habet, quam in singulis æqualem esse gratis fingeretur. quantacumque sit in Beatis cognitionis & dilectionis intensio, Deum nusquam juxta ipsius cognoscibilitatem & amabilitatem cernent vel diligunt, cum Deus sit infinite cognoscibilis & amabilis, & operationis infinitæ, etiam in cælo, capax non est mens creatæ; & ideo ob connaturalem & necessariam creaturæ limitationem, ab illa, quantumvis perfecta supponatur, Deus comprehendendi non potest qui est omni ex parte infinitus. cognoscetur Deus in æterna felicitate a Beatis pro ut illis seipsum manifestabit, & ab illis diligetur juxta omnem latitudinem Charitatis; quæ cognitio ex parte creaturæ, sicut & Charitas qualiscumque sit intensio, ex omni se creatura adhærebit Deo, & ex illimitata hac adhæensione, gloria Dei satiata creatura, summa ac perfecta felicitate fruatur in perpetuum. Hæc major vel minor cognitionis ac dilectionis intensio, in æqua Dei largitate fundata, beatitudinem accidentalem constituit: hæcque cum Sanctorum meritis æquiparetur, in omnibus justis eadem non est, sed diversa seu inæqualis juxta meritum inæqualitatem. unde licet unus non possit dici alio beatior, quia pro modulo omnes possident Deum qui est omnia in omnibus, & hunc totaliter adeo possident, ut cuncti repleantur in desiderii animæ suæ, sicque pari fruantur felicitate in Deo veræ ac summæ beatitudinis principio consummati, non omnibus tamen datur secundum eandem mensuram Deum cognoscere & diligere, sed unicuique datur pro ut diversa postulat ratio meritum.

His ita observatis, quæ dicturi eramus in nostris Theologico-Moralibus exercitationibus, tractantes de actibus humanis, ubi de vera & unica hominis beatitudine tum objectiva, tum formali, facile solventur quæcumque contra præsentem assertionem opponerentur. ex mox dictis non inferas tamen in singulis Beatis inæqualem esse visionem beatificam: inepta enim & falsa hæc illatio foret, cum plures in cælesti patria reperiuntur justis æqualis meriti, qui proinde cæteris paribus, eandem beatitudinem accidentali in sensu jam exposito sunt potituri.

Inæqualitas beatificæ visionis moraliter ex meritum inæqualitate repetenda, proxime & efficienter petitur, tum ex inæqualitate luminis gloriæ, tum ex diversâ perspicacia intellectus, qui Physice per nativam aciem activæ concurrunt tamquam causa principalis, non autem ut instrumentalis, ad illam visionis hujus inæqualitatem.

Causam moralem hujus inæqualitatis esse meritum diversitatem abunde satis ostendunt quæcumque circa præcedentem assertionem disputavimus: meritis enim debetur merces, & virtuti præmium. unde Sanctus Fulgentius lib. de Trinitate dicebat quod *tantum amplius alius alio in illa vita Deum videbit, quantum amplius in hac vita eum dilexit, præceptisque ejus obediens fuit.*

Causam vero proximam illius inæqualitatis & efficientem esse tum inæquale lumen gloriæ, tum ipsam mentis vim naturalem, jure, merito propugnamus; utpote quod ad eisdem effectus inæquales concurrentibus diversis causis seu principiis propriam cuique sed diversam agendi virtutem habentibus, ipsis proximè tribuenda sit effectuum hujusmodi inæqualitas. cum ergo ad visionem beatificam quam inæqualem in Sanctis mox ostendimus, lumen gloriæ ac intellectus creatus tamquam duo principia concurrant, & aliunde constet de diversâ intellectuum perspicacia disparique virtute, qua ratione ab utroque principio non repeteretur proxime ac efficienter visionis beatificæ indubitata inæqualitas?

Totam inæqualitatem illam refundentes Theologi ex maxima parte in lumen gloriæ, quod in majori vel minori mensura pro meritum varietate Sanctis a Deo subministratur, nihil conferre ad illam mentis creatæ vim naturalem arbitrantur. sed præterquam quod infirmas existimant Scotisæ rationes, quibus aliis nullam in hac inæqualitate partem habere nativam intellectus activitatem ostendere conantur, mihi insuper hæc arbitantes parum sibi metipsis constare videntur. est autem inæqualis mentium acies ac perspicacia causa efficiens & principaliter inæqualitatis visionis beatificæ. ubi enim sunt ejusdem actus duæ causæ simul ad illum concurrentes, illa haud dubie vere efficiens & principalis est censenda, quæ est realiter illius actus elicitiva, & per propriam sibi facultatem illum elicit; illa vero quæ per suum concursum licet absolute necessarium, facultatem elicitivam actus ad illum producendum perficit & elevat, supplendo quæ facultati elicienti defunt ex se vires, nullumque erga talem potentiam aliud munus habet, quam naturalis infirmitati ipsius subvenire illam adjuvando, sufficientes vires ad hunc actum eliciendum ipsi suppeditans, ipsaque vero nusquam est elicitiva illius actus, hæc, inquam, causa minus principalis est reputanda; & vere efficiens in rigore logice dici nequit, sed potius instrumentalis causa esset prædicanda. in visione autem beatificæ, mens creatâ actum visionis vere ac

ica-

realiter efficit, illumque producit per facultatem sibi propriam, id est, pro ut potentia est vitalis, cum visio beatifica etiam actus ordinis supernaturalis, sit vere actus vitalis juxta quoscunque Theologos: lumen vero gloriæ, quod ad productionem talis visionis est ita absolute necessarium, ut potentia elicitiva illius nusquam posset, ipso deficiente, in talem prorumpere actum, non potest hunc elicere actum: id enim facultati vitali, ut est intellectus, proprium est: totumque munus luminis illius est, quod intellectui ex se ad visionem beatificam cum viribus natis impotenti, sufficientes addat vires, illum adjuvando, & efficienter concurrando ad visionem Dei eliciendam, est ergo intellectus causa efficiens principalis visionis beatificæ, ad quam active secundum sibi connaturalem perspicaciam concurrat, & in istius perspicaciæ inæqualitatem principaliter est refundenda visionis illius inæqualitas.

Et si ex hoc duplici principio ad eundem effectum indivise concurrente, unum reputari posset velut instrumentum respectu alterius, illud melius de luminis gloriæ diceretur quam de intellectu causa Principe illius effectus, nempe visionis beatificæ. Neque enim ad supernaturalem istius visionis actum eliciendum intellectus est propter lumen gloriæ sed lumen gloriæ est propter intellectum. præterea ex duabus causis simul ad eundem effectum ita concurrentibus, ut nulla earum valeat absque alia illum producere, illa indubitanter principalis non reputabitur quæ absolute loquendo suppleri poterit effectum non impedito, cum alia in nulla hypotesi per quamcumque alteram causam suppleri queat. cum ergo omnibus, fere fatentibus in visione beatifica habituale illud auxilii genus elevans mentem creatam ad Deum in cælo intuitive videndum, possit absolute suppleri per actualem quemdam transeuntem & supernaturalem Dei concursum, mens vero nequeat suppleri, id enim importat repugnantiam: evidens est in visione beatifica intellectum esse causam principalem vereque efficientem actus illius vitalis, qui nonnisi a potentia vitali elici potest. & aliunde quomodo, ad illum concurrat active intellectus, si naturalis ipsius acies major vel minor ad inæqualitatem illius nihil confert? virtus sibi propria & innata per quam active concurrat intellectus ad visionem Dei eliciendam, quantumvis elevatus & roboratus sit per lumen gloriæ, in omnibus æqualis non est. quid enim est hujusmodi virtus menti innata, nisi acies illa diversa juxta quam perfectius, vel minus perfecte operatur, vel producit suas intellectiones, quæ ejusdem in quibuslibet intellectibus essent perfectionis, si perspicaciæ illorum inæqualitas ad vitales eorum actus non conferret? dicentne vim naturalem intellectus, quæ in variis subjectis adeo diversa est ac inæqualis, locum habere in actibus vitalibus ordinis naturalis, non vero in supernaturalibus; vel intellectum in visione beatifica non agere ut est potentia naturalis, sed ut elevata & facta supernaturalis per lumen gloriæ, & sub illa ratione nullam esse in mente Beatorum inæqualitatem?

Verum talia opposcentes ut validius suæ sententiæ fundamentum, rationem illam jejunam & infirmam minime probant, quæ tamen fulciri indigeret. cur enim diversa mentis acies ad actus vitales ordinis naturalis aliquid

quid conferret, & non ad eos qui sunt ordinis supernaturalis? Adus illi diversæ sunt speciei, cum actus ab objectis specificentur, sunt tamen ejusdem generis in utroque ordine, ex eo quod sint actus vere vitales; in utroque ordine eliciuntur ab eadem vitali facultate, a qua elici non possunt nisi secundum id quod proprium est huic facultati etiam per accedens; in adum ergo cujuscumque sit ordinis influere debet major vel minor activitas mentis ac perspicacia, quæ huic menti, licet quid accidentale, est vere ac realiter propria. Supponamus ex impossibili nullam intellectibus creatis inesse vim naturalem ad eliciendas suas intellectiones ordinis naturalis; quæro, quid in tali hypotesi, fictitia quidem, conferret lumen gloriæ pro intellectionibus ordinis supernaturalis? Nihil prorsus, & ad actus illos diversi ordinis eliciendos erit semper impotens talis intellectus. unde si ad vitales actus ordinis naturalis confert multum naturalis acies mentis creatæ, ad actus eisdem est ordinis supernaturalis non parum est etiam collatura. Nec obstat quod dicitur, intellectum videlicet in visione Dei non agere ut potentia est naturalis, sed ut elevata & facta supernaturalis per lumen gloriæ. Nam primo falsam est facultatem illam fieri supernaturalem per lumen gloriæ, cum hoc posito inutile esset auxilium habituale, & satis esset auxilium aliquod actuale, cujus vi ac efficacia supernaturalem in statu transformata illa potentia esset ad effectum visionis beatificæ in ratione, ut ita dicam reciproca cum objecto videndo, & nullo habituali indigeret: siquidem necessitas illius auxilii habitualis petitur ex habituali & non cessatura indigentia creaturæ, quæ remanens in suo esse naturali, postulat indefinenter perfici & elevari ad eliciendos actus supernaturales, qui activitatem ipsi connaturalem excedunt. elevatur ergo facultas naturalis per auxilium supernaturale, quo mediante & in illa habitualiter permanente illa remanens in suo esse naturali acquirit vires sufficientes ad actus supernaturalis ordinis eliciendos, quos illo deficiente nequiret producere. secundo intellectus agit in visione Dei in quantum est potentia naturalis, perfecta quidem & elevata per auxilium illud habituale ad actum supernaturalis ordinis productionem. etenim illa potentia agit quæ per lumen gloriæ elevatur: potentia autem quæ elevatur est potentia naturalis, & elevatur secundum omnes perfectiones quibus gaudet in suo esse naturali; quæ si non elevaretur cum omni activitate & perspicacia quibus ditatur, non elevaretur sed potius destrueretur, & transiret a suo reali statu ad statum mutatum & non suum, & tunc talis intellectus non perficeretur, sed alter diversi ordinis huic amplius non existenti sufficeretur, sicque non esset eadem creatura quæ beatificæ Dei visione potiretur. quod cum sit omni ex parte absurdum, restat intellectum creatum per gloriæ lumen elevari secundum activitatem suam majorem vel minorem ad actus supernaturalis productionem, & ad illum efficienter concurrere per eandem suam vim naturalem per tale lumen pariter elevatam, proindeque in illam diversarum mentium inæqualem activitatem non minus quam in inæquale lumen gloriæ refundendam esse visionis beatificæ inæqualitatem. & vanum est ad sententiam nostram impugnandam recurrere ad potentiam, ut dicunt, obedientialem, quæ est perfecta

fecta creaturæ ad Deum subjeccio, quæ in omnibus inquirunt est equalis, unde nihil juxta ipsos nihil conferre debet ad visionis inæqualitatem major acies mentis, quia non agit intellectus in quantum est perfectior, sed simpliciter ut est elevatus a Deo per lumen gloriæ. at illud ultimum ipsi incumbere probandum, cum circa illud præcise versetur questio.

Ex jam dictis sequitur in cælesti patria perfectiorem intellectum cum æquali lumine gloriæ, & cæteris paribus, perfectiorem elicere visionis Dei actum, quam intellectum minus perfectum. & illud tenemus juxta mentem Doctoris subtilis, qui sententiam quam cum ipso propugnamus videtur mutuasæ a Sanctis Ecclesiæ Patribus. & illud verum prorsus est, quia ut dicit Scotus in 4. dist. 49. quæ. 11. eundem esse intellectum in patria qui fuit in via, ideoque intellectum qui ex suæ conditione naturæ fuit hic vegetior altero, ibi pariter futurum esse illo vegetiorem, & proinde operationes perfectiores eliciturum. *sicut intellectus est hic, inquit, & ibi eadem natura: ita posse videre est hic & ibi eadem potentia: sed modo est remota, tunc erit propinqua.* & reapse hic remota, quia non elevata, & actus suos elicit modo sibi connaturali juxta præsentis quas habet vires: ibi autem & tunc propinqua, quia elevata per lumen gloriæ intellectiones eliciet supernaturales juxta vires quas habebit ab habituali illo adjutorio supernaturali, & Doctoris subtilis sententiæ quæ nostra est non obscure favent Sancti Patres. Sic S. Augustinus lib. 12. de Genesi ad litteram loquens de anima conspiciente Deum adjuta lumine gloriæ in cælesti patria ait: *cum illud graditur, & a carnalibus substracta sensibus, non spatiis, localibus, sed modo quodam suo etiam supra se videt illud (æternum videlicet & increatum lumen quod Deus est) quo adjuta videt quicquid se intelligendo videt.* quid aliud est modus animæ proprius, juxta quem supernaturali adjuta lumine Deum intelligit & videt, nisi naturalis ipsius acies ac perspicacia? & si obscura alicui viderentur illa Sancti Doctoris verba, audiat Cyrillum Hierosolymitanum dicentem catech. 6. quod *pro modulo virum revelat unigenitus.* Nec non & Maximum ad cap. 1. de divinis nominibus scribentem, quod *pro cujusque modulo ac facultate percipia Dei illuminatio tribuitur.* quare de inæqualitate luminis gloriæ dumtaxat hæc intelligenda vellent quæ a patribus dicta videntur de inæqualitate facultatum. vires enim sunt in facultate autem eliciente, non vero in auxilio suppeditante vires, vel potius elevante facultatem. *pro cujusque modulo ac facultate* inquit S. Maximus. certissime *cujusque* illud non spectat ad auxilium sed ad potentiam quæ adjuvatur.

Ergo, inquiet aliquis, Angelus cujus intellectus est vegetior ex nativa sua conditione, perspicaciorque humano intellectu clarius & perfectius cum æquali lumine gloriæ Deum videret quam Christus? & quare non? si revera Christus haberet æquale lumen cum Angelo tunc minus perfecte Deum videret, ut tenetur a Scoto in 3. dist. 13. quæ. 4. verum quia Christus ob summam gratiam qua semper fuit ditatus & necessario ob unionem hypostaticam, longe superet in merito quaecumque naturam angelicam, habuit lumen gloriæ longe majus & intensius Angelo, quod lumen supplebat imperfectio-

fectionem intellectus humani qui erat in Christo ratione naturæ humanæ verbo in ipso unig.

Nec plus roboris accedit sententiæ eorum qui a nobis hac in parte dissentiunt, dum dicunt mentem creatam, licet remaneret in patria in esse suo naturali quod non destruitur per lumen gloriæ, sed perficitur dum tuens per illud elevata efficitur capax, actualiter non minus quam habitualiter cum illa concurrente & cooperante supernaturali auxilio, eliciendi supernaturales actus, visionem nempe Dei, non agere secundum proprias & insitas sibi vires, ingenitamve perspicaciam, sed secundum id quod cum aliis omnibus creatis mentibus habet commune; quia 1. id supponit, inquirunt, maiorem vel minorem esse perfectionem naturalem in animabus separatis quæ tamen æquales sunt. 2. iustitiæ divinæ id ex ipsis officeret, cum sæpius adveniat perspicaciori pollentes ingenio minoris esse meriti ante Deum, & equitati adversaretur quod alios antecellerent in perfectiori Dei cognitione. 3. Quia gradus aliquis beatitudinis si correspondeat naturali mentis activitati, merita non erunt causa moralis totius beatitudinis, nec lumen gloriæ illius causa physica, quod tamen certum tenent omnes, nisi concedant adionem supernaturalem fluere, saltem ex parte, a principio naturali, quod juxta ipsos implicat: tunc enim gradus quidam æternæ felicitatis non esset merces & præmium, cum daretur potentiæ naturali, quo posito sequeretur Deum posse videri naturaliter, quod non minus erroneum est quam falsum. unde ipsis videtur in perspicaciam mentium inæqualem nullo modo posse refundi inæqualitatem beatificæ visionis, quæ tota ab inæquali lumine gloriæ, ut ipsi opinantur, est necessario ac simpliciter repetenda.

Quam parum urgeant variæ illæ rationes quibus assertionem efficaciter impetere sibi gratulantur adversarii quis prima fronte non intelligit? quare enim non ageret in visione Dei creata mens secundum insitas sibi a natura vires? hæc agere debet secundum id omne quod cum illa perficitur & elevatur per lumen gloriæ quod illam elevat & perficit secundum id omne quod in ipsa est. Cum illa per illud lumen elevatur naturalis illius acies ac perspicacia: debet ergo agere secundam suam perspicaciam, activitatemque sibi ingenitam. & quamvis in visione beatifica agat secundum id omne quod cum aliis habet commune, agit nihilominus etiam secundum id quod ipsi est peculiare: & contrarium gratis ab adversariis statuitur. Inde sequeretur, inquirunt, animas esse alias perfectiores, cum tamen sint omnes æqualis perfectionis. Sed præter quamquod in hoc supposito fundatur questio ista mere scholastica, unde habent ejusdem esse perfectionis omnes animas? Negabunt ne varios esse Beatorum spirituum ordines quorum alii sunt aliis majores, ut loquantur inter alios Patres, Sanctus Gregorius Magnus hom. 34. in Evang. & Sanctus Bernardus hom. 1. super Missas? saltem non diffitebuntur mentem Angelicam perspicaciorem esse mente humana, quod satis est ut habeamus intentum. & ipsi nobis in hac parte consentiunt volentes animarum inæqualem perfectionem in variam organorum structuram & dispositionem esse refundendam. at quovis ex fonte fluat hæc perfectionum inæqualitas,

hæc

hec ad visionis beatificæ inæqualitatem conferre debet. hæc animabus facta est connaturalis; illam eas in patria non fore conservaturam nulla sufficiens ratio ostendit. Id inquit, iustitiæ divinæ officeret: talia opposcentes ad ea quæ proferunt parum advertunt. Si creaturæ inferioris meriti, sed mentis perpicacioris, conferretur a Deo gloriæ lumen in eadem mensura juxta quam confertur creaturæ meriti amplioris, cujus mens minori pollet perpicacia, id summæ Dei æquitati videretur adversari: nec nos id ita intelligimus, cum quæstio procedat de inæqualitate luminis gloriæ ac potentiæ cæteris aliunde paribus. & quis inficias iret Deum creaturæ meriti inferioris sed mentis vegetioris minus fore concessurum luminis gloriæ quam conferret creaturæ majoris meriti, sed mentis minus perpicacis? quis nescit meritis Beatorum, non potentiæ naturali, commensurari lumen gloriæ, & Deum pro sua æquitate in donorum suorum largitione rem esse diligenter compensaturum, ordinemque iustitiæ erga omnes in retribuendo servaturum? Nec gratis fingitur hujusmodi compensatio, cum possulet æquitas ut auxilium quod datur in ordine ad actum visionis Dei eliciendum & ad supplendam creaturæ indigentiam, sit uniuscujusque meritis commensuratum, ita ut, cæteris paribus, qui majoris est meriti apud Deum plus mercedis habeat & præmit illo cujus minus est meritum. & optime in nostrâ sententia salvatur summa illa Dei æquitas, non obstante majori vel minori mentis creatæ ingentia perpicacia: nec umquam perfectiore Dei cognitione gaudebit qui alios meritis non superabit.

Verum insunt: si sagacitati mentis corresponderet gradus aliquis beatificæ visionis, merita non essent illius causa moralis; nec lumen gloriæ causa illius physica; actio supernaturalis ex parte oriretur a facultate naturali, proindeque gradus quidam beatitudinis non reputaretur merces aut præmium. at hæc sic se habere quid vetat? Beatitudo essentialis merces est ac præmium cum meritis correspondeat, licet gradus illius respondentes mentis activitati non reputentur merces. in meritum inæqualitatem tamquam causam moralem refunditur visionis beatificæ inæqualitas, & in luminis gloriæ quod cum potentia intellectuali ad eliciendum visionis actum ut diximus efficienter concurrat, inæqualitatem ut causam physicam, licet in ratione causæ physicæ præcipuam habeat partem facultas naturalis per tale lumen elevata tam secundum diversam suam activitatem quam secundum suum esse intrinsecum: & ex illa potentia naturali quam perficit & elevat auxilium supernaturale physice proficiscitur actio hæc supernaturalis. poterit ergo Deus naturaliter videri? erroneam & falsam hanc illationem unde habent? non certe ex iis omnibus a nobis hoc usque expositis. Deum intuitive videri per facultatem naturalem cum auxilio supernaturali illam elevante quantum opus est ut actum visionis Dei supernaturalem ex se ipso elicere queat, vel Deum intuitive videri naturaliter posse, sunt duo valde diversa. ultimum istud errorem dicimus a Viennensi Concilio proscriptum, & a catholicis quibuscumque reprobatur: illud vero primum ut indubitatum quid merito propugnemus, cum eadem firmitate contendentes, inæqualitatem beatificæ visionis non minus es-

se repetendam ex diversa mentis perspicacia, quæ physice per nativam vim active ad eam concurrît velut principalis causa, non vero ut instrumentalis, quam ex inæqualitate luminis gloriæ, necnon & meritum, quæ merita, vera sunt & unica causa moralis inæqualitatis hujusce visionis: quæ omnia, ut monuimus, sunt cæteris paribus intelligenda & in his diutius quam statim proposueramus sumus immorati, ut legentibus innotescat in tuenda nostra sententia non levi nos duci ratione, sed levissima potius esse quibus impugnamur argumenta.

Queritur, an in visione beatifica sit admittenda quædam species impressa vel expressa?

Resp. Supponendo ex philosophia intellectum & objectum ad cognitionem concurrere, duplex distinguitur species, impressa, quæ habetur ut qualitas immixta ab objecto per quam ad objecti cognitionem determinatur facultas intellectualis: Expressa, quæ est objecti cogniti imago ab eadem facultate intellectuali producta, diciturque sermo interior, verbum mentis, alia vero dicitur radix objecti, ejusque vicaria qualitas. Species impressa ut inutilis ab omnibus in visione beatifica reprobat, ex eo quod admittenda non sit nisi ad absentiam objecti supplendam aut ejus cum facultate improprietatem: Deus autem Beatis est intime præsens, se enim ipsis præsentem ac videndum exhibere supponitur, etque in se ipso intelligibilis. ad quid igitur esset hujusmodi species? illam tamen possibilem tenent vulgo Theologi, quia non repugnat. Species expressa admittitur cum sit ipsa objecti in mente representatio seu imago, sine qua nec cognoscitur, nec videtur objectum. De specie impressa loquens Doctor quod l. 14. ait: *si objectum in se præsens sufficit ad actionem visionis causandam, quantum ad illud quod requiritur ex parte objecti, non requiritur species.* Speciem expressam non obscure indicat S. Augustinus dum lib. 9. de Trinit. cap. 11. dicit, *cum Deum novimus sit aliqua Dei similitudo illa notitia.* & lib. 14. cap. 17. ad hæc Joannis verba, *similes ei erimus, quoniam videbimus eum sicuti est; Hinc apparet, inquit, tunc in ista imagine Dei fieri ejus plenam similitudinem, quando ejus plenam perceperit visionem.*

Querunt nonnulli, utrum hæc species expressa sit a Deo sese representante, vel ab ipsa cognitione distincta? verum hujusmodi quæstiones, aliasque non dissimiles nullius prorsus utilitatis quocumque sensu intelligantur, ad illos qui vana vel etiam inepta pertrahere delectantur, discutiendas relinquimus ad majora quæ non manent illico properantes.

CONCLUSIO SECTIONIS.

Beatitudinem cujuscumque creaturæ intellectualis ex Deo solo esse posse universa prædicante natura, quid mirum si in ipsum, qui eadem ratione finis noster est ultimus & necessarius, toto cordis impetu feratur anima Christiana, nonnisi perfecta summæ veritatis quæ Deus est, cognitione satisfacienda? mirandum magis, quod tot reperiantur Sacramento fidei signati, qui rebus præsentibus adeo delectantur, ut de æterna Dei contemplatione parum

parum solliciti, nihil aliud præter terrena sapiant, veluti permanentem haberent hic civitatem, & futuram, in qua, dicente Augustino, nulla exit toleranda calamitas, nulla frænanda cupiditas, sed una Dei regnabit Charitas, non essent inquisituri. o quam dissimiles a iustis omnibus qui soluti corpore mortis hujus, revelata facie gloriam Domini speculantur in eandem (2. Cor. 3.) imaginem transformati; quique (*ibid.* 5.) dum essent in corpore, peregrinantes a Domino, per fidem & non per speciem ambulantes, ingemiscebant gravati in hoc tabernaculo, habitationem quæ de Cælo est superindui cupientes, unam (*Psal.* 26.) petii a Domino, hanc requiram, inquebat Regius psalter, ut inhabitem in domo Domini omnibus diebus vite meæ. quemadmodum (*Psal.* 41.) desiderat cervus ad fontes aquarum, ita desiderat anima mea ad te Deus. si vehemens adeo fuit desiderium iusti hujus sub priori testamento, in quo spes Sanctorum differebatur, Deo pro nobis melius aliquid providente, ut non (*Hebr.* 11.) sine nobis consummarentur, quanto vehementius debet inflammari cor eorum, qui repromissiones non a longe aspicientes & salutantes, sed illas per Sanguinem Christi accipientes, ut primum ex hoc ergastulo carnis fuerint egressi, æterna ac beatifica Dei visione recreabuntur immensum illud cunctarum perfectionum pelagus inenarrabili cum lætitia contemplaturi. Hac spe ductus Augustinus, Paulo cupienti dissolvi & esse cum Christo, non absimilis, divini amoris vulnere lauciat, in hæc verba indefinenter prorumpebat: non te video, Deus meus; moriar ut te videam. & quid aliud haberet peroptandum ille quem hæc terrestria non tenent, sed quem Deus solus tenet? De ineffabili Dei visione, quæ nemo in terris degens gaudebit, multa disserere quid juvaret, si ex hac recordatione in se desiderium vehemens inflammari non sentiret Theologus? frustra in contemplando infinitam Dei naturam varique illius attributa totus occuparetur intellectus, nisi in via de illo juxta Scripturas dum loquimur, ita cor nostrum ardens esset in nobis, ut eo illico frui, hunc facie ac faciem videntes, laudabili cupiditate appeteremus. (*August. in Joa. Tract.* 40.) Hoc nobiscum agat nostra de visibilitate Dei præcedens disputatio, ut perpetuo suspirantes in illius ineffabilem gloriam, desiderium quantum possumus extendamus, illudque in modum tantæ capacitatis augeatur, ut idoneum sit sumere quod oculus non vidit, nec auris audit, nec in cor hominis ascendit.

S E C T I O Q U I N T A.

De Scientia Dei.

INter ea quæ a Theologis solent pertractari si quædam sint intricata absqueque mysteria humanum ingenium torquentia, ea certe sunt quæ jam nobis dicenda occurrunt de intellectu divino ejusque voluntate tractaturis. Hæc enim tot undequaque scatent difficultatibus, ut innumeros inter scopulos perpetuo incidendum habeamus, in unum fere necessario casuri alterum

vitare cupientes. Magnum ergo iudiciorum Dei profundum veluti scrutaturi, præcipium prudenter cavemus, a Sacre Scripturæ ac Sanctorum Patrum sententiis minime recedentes.

QUÆSTIO PRIMA.

Utrum sit in Deo scientia, quodnamque sit illius objectum?

Non ad instar scientiæ hominum de cuncta scientiis Dei cognitione debemus iudicare. illa dubia, incerta, mutabilis, limitata, discursiva: hæc vero infinita, immutabilis, simplicissima, infallibilis omnia unico eodemque æterno actu intelligens, quidquid est cognoscibile habens pro objecto. plura circa eam nonnulli investigant, quæ cum levioris sint momenti missa facimus, præcipuam quæstionem in unica assertionem resolventes.

ASSERTIO UNICA.

Deus, cui inest plenitudo Scientiæ, ipsaque simplicissima, habens Deum ipsum pro primario objecto, & pro secundario ea omnia quæ sunt extra ipsum, perfectissime se novit, cunctaque alia a se & sigillatim: ipsique patenti intima cordis; nec ab ipso sunt abscondita mala sive natura, sive pæna, sive culpa seu peccata.

DEo plenitudinem inesse scientiæ nemo, si non stultus, negabit. Id undequaque de illo proclamant libri Sacri. 1. Reg. cap. 2. *Deus scientiarum Dominus est, & ipsi præparantur Cogitationes.* Job. Cap. 12. *apud ipsum est fortitudo & sapientia, ipse habet consilium & intelligentiam.* cap. 28. *sapientia ubi invenitur? unde ergo venit, & quis est locus intelligentiæ? . . . Deus intelligit viam ejus, & ipse novit locum illius.* Eccli. cap. 42. *cognovit Dominus omnem scientiam.* Rom. cap. 11. *O altitudo sapientiæ & scientiæ Dei!* Coloss. cap. 2. in quo (Christo) *sunt omnes thesauri sapientiæ & scientiæ absconditi.* de Dei scientiæ plura Augustinus, quem pro cunctis Doctoribus loquentem audiemus, differit lib. 2. de diversis quæstionibus ad Simplicianum quæst. 2. *cum scientia Dei distet ab humana scientia . . . utraque tamen scientia vocatur & hæc quidem humana talis est, ut dicat de illa Apostolus, scientia destruetur, quod nullo modo recte de Scientia Dei dici potest . . . cum dempsero de humana scientia mutabilitatem, & transitus quosdam a cogitatione in cogitationem . . . cum hæc cuncta detraxero, & reliquero solam vicinitatem certæ atque inconcusse veritatis una atque æterna contemplatione cuncta lustrantis: immo non reliquero, non enim habet hoc humana scientia, sed pro viribus cogitavero, insinuat mihi utramque scientiæ Dei: quod tamen nomen . . . potuit esse rei utrique commune: quamquam & in ipsis hominibus solet discerni a sapientia scientia . . . in Deo autem nimirum non sunt hæc duo, sed unum. quibus & veritatem divini scientiæ statuit Sanctus Doctor, & ab ea quæcumque humanæ scientiæ redolent imperfectionem penitus removel. Hanc in Deo esse scientiam quæ ad res omnes*

omnes se extendat, & juxta quam cuncta ipse Deus fecerit egregie describit lib. 5. de genesi ad litteram cap. 14. & 15. asserens neminem tam excordem esse qui contrarium quid arbitretur.

Ad quid assertionem multiplici auctoritate tum Scripturæ, tum Patrum solum ostendere laboramus, cum pro illius veritate clamet ratio naturalis? Nonne Deus est eius perfectissimum quo melius nequit excogitari? Nonne scientia est perfectio simpliciter simplex quæ melior est ipsa quam non ipsa? Hæc in Angelo & in homine est vera perfectio, licet innumeris obnubilata imperfectionibus: quanto magis in Deo nullo adumbrata defectu erit admittenda? Hanc autem in se simplicissimam esse & non discursivam, ostendunt ea quæ mox retulimus ex Augustino, cui ratio suffragatur, ex eo quod illatio unius ex alio in cognoscente limitationem intellectus arguat, & longe perfectius sit singula cognoscere unico & simplici intuitu in se ipsis, quam in alio & per eorum causas. Deo autem quidquid est perfectius, in genere perfectionis esse concedendum omnes consentiunt.

Deum sup̄ scientiæ primarium objectum perfectissime se ipsum cognoscere declarant Scripturæ. *Nemo novit Filium nisi Pater, neque Patrem quis novit nisi Filius, & cui voluerit Filius revelare*, inquit Christus Matth. cap. 11. Joan. cap. 10. *sicut novit me Pater, & ego agnosco Patrem*. epist. 1. ad corinth. cap. 2. *nobis autem revelavit Deus per spiritum suum: spiritus enim omnia scrutatur, etiam profunda Dei . . . quæ Dei sunt nemo cognovit, nisi spiritus Dei*. unde Augustinus lib. 15. de Trin. cap. 14. ait: *novit omnia Deus Pater in se ipso; novit in Filio: sed in se ipso tamquam se ipsum, in Filio tamquam verbum suum, quod est de his omnibus quæ sunt in se ipso*. idque ita esse ratio suadet. primæ menti quæ præstantissima est præstantissimum intelligibile propositum esse necesse est. nihil autem se ipsa præstantius habet prima mens quæ Deus est. Hinc semetipsum, notionesque suas semper intelligit.

Omnia alia a se Deum cognoscere & sigillatim, habemus ex iisdem Scripturis, quæ testantur etiam ipsi patere intima cordis, nec ab ipso esse abscondita mala, sive naturæ, sive peccatæ, sive culpæ ut sunt peccata. sic Job. cap. 11. *ipse novit hominum vanitatem, & videns iniquitatem, nonne considerat?* cap. 28. *Tempus posuit tenebris, & universorum finem ipse considerat, lapidem quoque caliginis & umbram mortis . . . ipse enim fines mundi intuetur, & omnia quæ sub celo sunt respicit*. cap. 31. *Nonne ipse considerat vias meas, & gunctos gressus meos ipse dinumerat?* psal. 68. *Deus tu scis insipientiam meam & delicta mea a te non sunt abscondita*. psal. 138. *Domine probasti me & cognovisti me: tu cognovisti sessionem meam & resurrectionem meam. intellexisti cogitationes meas de longe . . . Domine tu cognovisti omnia novissima & antiqua* 1. paralip. cap. 28. *omnia corda scrutatur Dominus, & universas mentium cogitationes intelligit*. psal. 7. *scrutans corda & renes Deus*. psal. 43. *ipse novit abscondita cordis*. Jerem. cap. 17. *ego Dominus scrutans cor, & probans renes: qui do unicuique juxta viam suam, & juxta fructum adinventionum suarum*. Deuter. cap. 32. *Nonne hæc condita sunt apud me, & signata in abscuris meis? mea est ultio, & ego retribuam in tempore*. Job. cap. 14. *signasti quasi in sacculo delicta mea*.

Res

Res etiam levioris momenti, minuta quoque animalia a Deo cognosci ostendunt. Matth. cap. 5. *respicite volatilia cæli, quoniam non serunt, neque metunt, neque congregant in horrea; & Pater vester caelestis pascit illa* cap. 10. *Nonne duo passeret asse veneunt; & unus ex illis non cadet super terram sine Patre vestro? vestri autem capilli capitis omnes numerati sunt.* Luc. cap. 12. *Nonne quinque passeret veneunt dipondio, & unus ex illis non est in oblivione coram Deo?* epist. ad Hebr. cap. 4. *Non est ulla creatura invisibilis in conspectu ejus: omnia autem nuda & aperta sunt oculis ejus.* de malis naturæ ut sunt portenta & monstra legitur Sap. cap. 8. *signa & monstra sit antequam fiant, & eventus temporum & seculorum.* ac tandem de malis pœnæ dicitur Amos cap. 3. *Visitabo super vos omnes iniquitates vestras... Si erit malum in Civitate, quod non fecerit Dominus?*

Deo nihil, cujuscunque generis supponatur, esse ignotum confitetur quisquis veram de illo distantie naturalilumine ideam habet. in suis perfectionibus non minus quam in suo esse infinitum Deum qui non prædicat, de illo non recte sentire alias diximus. cum ergo infinitæ cognitionis illam esse clamet ratio, omnia quantumvis occulta censeantur, æternæ, ac infinitæ sapientiæ illius & cognitioni esse perpetuo præsentia solus excors negare potest cuncta Deo jubente aut permittente, vel faciente eveniunt: quomodo igitur illorum omnium quorum ipse causa est, posset ab illo rationabiliter adimi notitia? unde in re adeo unicuique manifesta a sanctorum Patrum testimoniis referendis quod abstinemus nemo mirabitur.

QUÆSTIO SECUNDA.

An futura quacunque & possibilia cognoscat Deus: anve per hanc ipsius infallibilem præscientiam tollatur rerum contingentia.

INter ea quæ sunt secundarium-divinæ scientiæ objectum alia sunt pure possibilia quæ nusquam sunt a statu possibilitatis ad statum existentie transitura, & alia quæ præter esse possibile tum in infinita Dei virtute tum in sua non repugnantia, quod habent ab æterno, esse reale sunt in tempore habitura. ex iis quædam dicuntur futura necessaria, ut pote quæ a solo ipsius Dei voluntatis decreto pendent: quædam futura contingentia & libera vocantur quæ possunt in tempore esse vel non esse. illorum alia sunt absolute futura, alia futura, conditionate. ad illa quod spectat, plura sunt quorum conditio ex qua pendet eorum futuritio vere ponetur, & ad ordinem futurorum pertinent; multa vero quorum conditio cum non sit ponenda, quæ remanent in ordine possibilium. alia insuper inter futura sunt ordinis supernaturalis, & alia futura libera & contingentia ordinis naturalis.

De possibilibus ac necessariis futuris vix quæstio movetur. Sed de futuris contingentibus quæ ab hominis libertate pendent, necnon de conditionate futuris

turis quorum ponenda non est conditio, non parum controversitur. cum hac futurorum contingentium in Deo notitia, quæ vulgo præscientia nuncupatur, stare non posse liberum arbitrium hominis existimans Tullius Cicero lib. 2. de divinatione, præscientiam futurorum a Deo fultulit, ut habemus ex Augustino lib. 5. de civit. cap. 9. illam pariter Deo detrahebat Marcion, ut & bonitatem ac omnipotentiam, eo quod protoparentem in peccatum labi passus esset, testante Tertulliano lib. 2. contra Marcionem cap. 5. Ex eodem principio errorem oppositum educens Joannes Hus, ut Deum cuncta præscientem agnosceret, hominem libero arbitrio spoliandum judicavit. Non certa cognitione, sed verisimilibus dumtaxat conjecturis futura libera contingentia Deo esse perspecta, ut pote quæ determinatam veritatem objectivam non habentia, contendunt delirantes Sociniani, ut ex Socinio Crelii, & Smalcii scriptis fit manifestum. Hos omnes etsi diversa sentientes, sed circa Dei præscientiam dissimili ratione errantes simul convellemus.

ASSERTIO PRIMA.

Deus cui possibilia quæcumque vere sunt nota, futura omnia etiam libera & contingentia, necnon futura conditionata, etiam si non sit ponenda conditio a qua eorum penderet existentia, certa & infallibili Scientia cognoscit.

DE possibilibus quod Deo vere nota sint habemus ex Scriptura Sacra habetur Eccli. cap. 23. *Domino Deo, antequam crearentur, omnia sunt agnita: sic & post perfectum respicis omnia* Jerem. cap. 1. *prius quam te formarem in utero, novi te* Rom. cap. 4. *vocat ea que sunt, tamquam ea que non sunt.* & quid mirum? ad quæcumque se potest extendere omnipotens Dei virtus, illa perspecta habeat necesse est, cum illa sint dumtaxat possibilia quibus existentiam dare potest Deus; qui in non sibi nota virtutem suam nequit exercere. aliunde in genere intelligibilium sunt cuncta possibilia, licet quam plura ad existentiam non sint perducenda, ad mentem ergo infinitæ perfectionis necessario pertinet illorum notitia.

De futuris generatim quod Deo nota sint pronunciat eadem Scriptura Sap. cap. 8. habetur, *Scis præterita, & de futuris affirmat: signa & monstra fecit antequam fiant, eventus temporum & sæculorum.* & reapse futura omnia certo cognoscere ille censendus est, cui sunt cuncta temper præsentia, cujusve respectu ob suam incommutabilem æternitatem non est in rei veritate præteritum aut futurum, sed præsens perpetuum, ut loquuntur Sancti Doctores; quique omnia que fuerunt, sunt & erunt unico numquam defectu mentis actu prospicit. quæ si ita non essent ut catholice credimus, quomodo ora prophetarum aperire posset Deus ut ipso affante innumera nuntiarent, longe antequam fierent? Nonne idoneum est testimonium divinitatis veritas divinationis, ut loquitur in Apologetico Tertullianus? Hinc falsa gentium Numina apud Isaiam cap. 41. irridens Deus dicit, *accedant, & nuntient nobis quæcumque ventura sunt. quæ ventura sunt indicate nobis: annuntiate que ventu-*

ra sunt in futurum, & sciemus quia dii estis vos. Hæcque cunctorum hominum mentibus adeo insita est opinio, ut ex Dei existentia convincens pro ipsius præscientia adversus Tullium inferat argumentum S. Augustinus lib. 5. de civit. cap. 9. multo sunt autem, inquit, tolerabiliores qui vel scilicet fata constituent, quam iste qui tollit præscientiam futurorum. Nam & consistere esse Deum, & negare præscium futurorum, apertissima insania est. quod & ipse cum videret etiam illud tentavit asserere, quod scriptum est, dixit insipiens in corde suo, non est Deus. & iterum, non paucis interpositis, ostendens Sanctus Deus Divinitatem tollere qui ipsi præscientiam subtrahit, de Cicerone dicit: aut enim Deum esse negat, quod quidem inducta alterius persona in libris de deorum natura facere molitus est: aut si esse constituitur Deum, quem negat præscium futurorum, & jam sic dicit nihil aliud, quam quod ille dixit insipiens in corde suo, non est Deus. qui enim non est præscius futurorum, non est utique Deus.

Nec est quod dicatur plures ex antiquis Sanctis Doctoribus, inter quos ipse Augustinus lib. 2. ad Simplicianum quæst. 2. S. Gregorius Magnus lib. 20. moral. cap. 23. alique, veram præscientiam in Deo non agnovisse; quid enim interest quod nomen non admiserint qui rem ipsam confessi sunt? omnia summæ huic intelligentiæ non successive sed in æternum ac unico mentis actu esse comperta, sive futura, sive præterita, sive præsentia, ut jam observavimus, volentes veteres illi, hanc cognitionem Dei cuncta simul uno velut æternitatis suæ puncto complectentem, scientiam maluerunt dicere quam præscientiam, ne aliquid de novo scientiæ Dei temporaliter advenire videretur quod absurdissimum est. Ne autem horum Doctorum mentem hoc modo intelligentes aliquid conjecturæ tribuisse judicemur, ipsum Augustinum rem loco laudato ita exponentem audiamus. quid est enim præscientia, inquit, nisi scientia futurorum? quid autem futurum est Deo qui omnia supergreditur tempora? si enim scientia Dei res ipsas habet, non sunt ei futura, sed præsentia; ac per hoc non jam præscientia sed tantum Scientia dici potest. si autem sciet in ordine temporalium creaturarum, ita & apud Deum nondum sunt quæ futura sunt, sed ea prævenit sciendo; his ergo ea sentit: uno quidem modo secundum futurorum præscientiam, altero vero secundum præsentium scientiam. aliquid ergo temporaliter accedit Scientia Dei, quod absurdissimum atque falsissimum est. Nec enim potest quæ ventura prævenit nosse cum venerint, nisi his immutescant; & prænoscendo antequam sint, & cognoscendo cum jam sunt.

Futurorum ad quæ se extendit certa & infallibilis Dei cognitio, multa sunt libera atque contingentia, quæ ab hominis sunt libertate suspensa, & circa ea versatur divina præscientia testantibus Scripturis. Psal. 32. qui fixit sigillatim corda eorum, qui intelligit omnia opera eorum. Isaï cap. 48. scio enim quia prævaricari prævaricaberis, & transgressorem ex utero vocavi te. Joan. cap. 6. Sciebat enim ab initio Jesus qui essent non credentes, & quis traditurus esset eum. Diving præscientiæ de hujusmodi futuris veritati testimonium perhibent tum in veteri, tum in novo testamento, per multa vaticinia res quamplures certissime eventuras prænuntiandi, in quibus si Prophetarum oracula cum subsequenter conferantur eventibus, qui prædictionibus aptissime cum res-

pon.

pondeant, ad infallibilem Dei præscientiam, tamquam ad verum & unicum totius prophetiæ principium, referenda esse illa oracula unicusque fiet manifestum. unde merito dicebat Tertullianus lib. 2. cont. Marc. cap. 5. *præscientia Dei tantos habet testes, quantos fecit prophetas.*

Nec sunt audiendi Sociniani cum veritatem & infallibilitatem divinæ præscientiæ tollere putantes dicere non verentur, conjecturis dumtaxat, non certa ac indefectibili cognitione innixas fuisse istiusmodi prædictiones, quas dicunt esse non de rebus quæ libere erant futuræ ex hominum voluntate, sed de iis quas futuras Deus absolute decreverat; quæve comminationes potius quam prædictiones fuisse contendunt. & aliunde futurorum quorundam cognitionem Deo inesse concedunt, sed omnium futurorum notitiam nolunt illum habere. verum sic infanientes Sociniani, divinitatem oretenus consistentes, sed illam in rei veritate e medio tollere cupientes, quibus nituntur argumentis? Nonne advenit scilicet Italia loquentes idea entis perfectissimi ut Deus est, derogare, dum illum fingunt ex conjectura solum, & non ex certa scientia, res futuras cognoscere, sine quo vel iubente, vel permittente non possunt evenire? Nonne hæc duo sunt contradictoria, quod ventura antequam fiant prænuntiare faciat, & illa infallibiliter non cognoscat? quæ sunt facturi homines opera mala ex perverta eorum voluntate, dicenturne illa non libere, ac contingenter operari? illa autem præscit Deus cum per prophetas ejus prænuntientur. & qua fronte dicere possunt, quæ prophetæ prænuntiarunt comminationes potius esse quam prædictiones, cum illas legere satis sit, ut in pluribus nihil esse comminationis deprehendatur? præterea excideretne veritas prædictionis etiam si essent comminationes ex parte ea, quæ prænuntiantur? & tandem, unde habent, ex innumeris quæ contingenter futura sunt, alia a Deo cognosci, alia vero illum latere? est ne pro quibusdam potior ratio quam pro aliis respectu summæ & perfectissimæ intelligentiæ, cujus infinita sapientia quæ omnia comprehendit, ad quodcumque cognoscibile ex æquo fertur? gratis ergo hæc finguntur a Socinianis, quorum deliriis non delectatur nisi ille qui insipienter dixerit in corde suo, non est Deus.

Nec infallibili Dei præscientiæ futura libera & contingentia certo cognoscenti officere credatur, quod opponunt nonnulli dicentes, hæc contingentia futura nec in se, nec in suis causis determinatam habere veritatem; ratione cujus nequeunt esse objectum divinæ scientiæ, cum veritatem determinatam non habentia non sint in ordine cognoscibilem, sicuti ea quæ repugnant dici nequeunt in ordine possibilem, nec objectum divinæ potentia esse possunt. & sicut ad ista non se extendit Omnipotentissima Dei voluntas, ita nec ad illa potest se extendere perfectissima Dei scientia. falsum enim est futura contingentia non habere jam determinatam veritatem objectivam, nisi per veritatem determinatam intelligeretur quædam existendi necessitas contingentia destrudiva. hæc vero futura, in se, in suis causis, in Dei cognitione sunt determinate vera, non quidem pro præsentibus, sed pro futuro, pro tempore scilicet quo libere ad hoc vel ad illud se determinante

Tt

huma.

humana voluntate, illud quod potest esse vel non esse, a statu possibilitatis transire ad statum existentiae. illam autem liberam voluntatis humanae determinationem aliquando futuram, in hac ipsa libera voluntate, & adus ex ea procedentes, per suam praescientiam infallibilem Deus certo cognoscit, ut pote quae sint respectu illius vere in ordine cognoscibilium, licet creatum intellectum haec lateant. unde nulla est paritas cum rebus ex natura sua repugnantibus, quae omnipotentissimae Dei voluntatis terminus vel obiectum numquam esse possunt. sicque inconcussa manet assertio futurorum contingentium cognitionem Deo adjudicans.

Et ipsa futura conditionata, quorum ponenda non est conditio, certa & infallibili scientia Deum cognoscere quis negaret, diserie adeo id testantibus Sacris Scripturis? Dominum interroganti David in Ceilam fugienti a facie Saul de rebus sub non ponenda conditione futuris, sic non ex probabili conjectura, sed affirmative omniique seculo dubio, fuisse a Deo responsum, ut habetur lib. 1. Reg. cap. 23. quis ignorat? *Domine Deus Israel*, inquit David, *audivit samam servus tuus, quod disponat Saul venire in Ceilam, ut evertat urbem propter me: si tradent me viri Ceilae, in manus ejus? & si descendet Saul sicut audivit servus tuus? Domine Deus Israel indica servo tuo. & ait Dominus, descendet. dixitque David: si tradent me viri Ceilae, & viros qui sunt mecum in manus Saul? & dixit Dominus, tradent:* cui compertum non est quod Eliseus loquebatur Regi Joas, cum tot victorias concessurus erat Deus super Syros, quot vicibus jaculo ille percussisset terram, ut legitur lib. 4. Reg. cap. 13. Regi dixit Eliseus Propheta Domini: *Tolle sagittas. qui cum tulisset, rursus dixit ei: percutite jaculo terram. & cum percussisset tribus vicibus, & stetit, iratus est vir Dei contra eum, & ait: si percussisses quinquies, aut sexies, sive septies, percussisses Syriam usque ad consumptionem: nunc autem tribus vicibus percuties eam.* Numquid non erat cognitio illa de futuro conditionato non eventuro ex non apposita conditione? qui nota non sunt exprobrationes quibus apud Mathæum cap. 11. Christus exprobravit civitatibus, in quibus factae sunt plurimae virtutes ejus, quia non egissent poenitentiam? *Vae tibi Corozain, vae tibi Bethsaida, quia si in Tyro & Sidone factae essent virtutes, quae factae sunt in vobis, olim in cilicio & cinere poenitentiam egissent.* certa infallibilique scientia id noverat Christus: aliqui iustae exprobrationi locus non fuisset. quid de justo morte occupato Sap. cap. 4. dixerit Spiritus Sanctus nemo nescit. *Raptus est ne malitia mutaret intellectum ejus, aut ne fictio deciperet animam illius.* ipsum igitur noverat Deus a recti tramite recessurum, si ad provectionem aetatem pervenisset. Hinc de infantibus morte immatura praeventis loquens Sanctus Gregorius Nyssenus mortem ipsis pro beneficio reputabat. *consentaneum est enim, inquit, ab illo qui per aequum futurum novit ac praeteritum, prohiberi parvuli progressum ad perfectam aetatem, ne malum illud quod praescientia sua cognovit in eo qui victurus esset, ita perficiatur, atque ei qui ea voluntate arbitrioque victurus fuisset, vitii nequitiaeque materia vita fiat.*

Innumeris prope modum Patrum testimoniis assertionem confirmare possemus,

mus, si a cordatis quibuldam veritas illius posset in dubium revocari. unum ergo pro omnibus audiemus Augustinum. is autem Deum quæ essent futura si poneretur conditio cuncta præscire, ubique vel supponit, vel ostendit, potissimum de Tyriis & Sydoniis loquens, & de iis quos præmatura mors occupat priusquam a iustitia deficiant, per oppositum ad illos qui diuturniorem agentes vitam malitia mutantur & pereunt. sic lib. de corrept. & grat. cap. 8. de his, ait, *differimus qui perseverantiam bonitatis non habent, sed ex bono in malum deficiente bona voluntate moriuntur. Respondent, si possunt, cur illos Deus cum fideliter & pie viverent, non tunc de vitæ hujus periculis rapuit, ne malitia mutaret intellectum eorum, & ne fides deciperet animas eorum. utrum hoc in potestate non habuit, an eorum mala futura nescivit? Nempe nihil bonum nisi perverissime atque insanissime dicitur. & lib. de dono perseverantiæ cap. 9. certe poterat, inquit, illos Deus præsciens esse lapsuros, antequam id fieret, auferre de hac vita. An eo redituri sumas, ut adhuc disputemus quanta absurditate dicatur, judicari homines mortuos etiam de his peccatis, quæ præscivit eos Deus perpetratos fuisse, si viverent? & iterum eodem capite ait: sed numquid possumus dicere, etiam Tyrios & Sidonios talibus apud se virtutibus factis credere noluisse, aut credituros non fuisse si fierent? cum eis ipse Dominus attestetur quod acturi essent magnæ humilitatis penitentiam, si in eis facta essent divinarum illa signa virtutum. & juxta eundem sensum toto capite decimo disserit Sanctus Doctor. Deinde cap. 11. hæc habet: *Non volentis neque currentis, sed miserationis est Dei, qui & parvulis quibus vult, etiam non volentibus, neque currentibus subvenit. . . & majoribus etiam his quos prævidit, si apud eos facta essent, suis miraculis credituros, quibus non vult subvenire, non subvenit: de quibus in sua prædestinatione occulte quidem, sed iuste aliud judicavit.* His similia pluribi loquens Hipponensis, infallibilem Dei præscientiam futurorum conditionatorum, licet numquam ponenda conditione. ut quid omnimode certum, manifestat.*

Et quam ob causam hujusmodi futurorum certa & infallibilis cognitio a Deo adimeretur? ergone non essent illa in ordine cognoscibilium ex eo quod non sit ponenda conditio? at nihilominus hæc est possibilis poni: si autem vere ponenda esset, hæc certo futura cognoscerentur a Deo. Num dici potest cognitionem illam in Deo pendere ab aliquo accidentali & contingenti ejusmodi est positio vel non positio conditionis? etsi ergo numquam ponatur conditio, illa futura sub conditione cognoscit tamen Deus, & infallibiliter. Non cognoscit quidem illa ut futura, quia vere futura non sunt, sed cognoscit ea in quantum quamdam habent futuritatem, quæ tota se tenet ex parte conditionis.

Sed inquirunt, in doctrina Patrum, Augustini præsertim & Fulgentii, nihil præscitur a Deo nisi vere futurum. & illam non futurorum scientiam in Pelagianis improbant imo & irrident. advertant qui talia opponunt, ipsam futurorum sub conditione in Deo præscientiam a Patribus non in se improbari, sed in quantum a Pelagianis hac abutentibus male intelligebatur merita hominum naturæ viribus liberique arbitrii virtute comparata, causam

divinæ prædestinationis quosdam præ aliis felicitis esse, contententes Pelagiani & Semipelagiani, ut responderent argumento contra ipsos insolubili, desumpto ex parvis merito non disparibus, quorum alii ex occulto Dei judicio absque baptismo decedunt, alii post susceptum baptismum felicitatem æternam consecuturi moriuntur, eo confugiebant, istos baptismate suscepto obeuntis salvari ex præsentia meritorum quæ bona opera exercentes adepturi erant, si ad ætatem adultam venissent; illos vero inbaptizatos ex hac vita migrare ob prava opera quæ si vixissent in eis præseebantur: unde in aliis merita bona, quæ vere futura non erant, præmiabantur, & in aliis pariter merita mala seu peccata, quæ realiter non erant futura, puniebantur. Hujus autem effugii absurditatem ut ostenderent, Augustinus & Fulgentius, nec prædestinationem, nec reprobationem in hæc merita vel demerita quæ futura non sunt posse relundi dicebant. quod lib. de prædest. Sanct. cap. 12. confirmat Augustinus ex verbis istius Apostoli: *omnes adstantibus ante tribunal Christi, ut referat unusquisque secundum ea quæ per corpus gessit, sive bonum, sive malum*. Deinde sic prosequitur Sanctus Doctor: *gessit, inquit Paulus, non adjunxit, vel gesturus fuit. sed unde hoc talibus viris in mentem veneris nescio, ut futura quæ non sunt futura, puniantur aut honorentur merita parvulorum*. ad sensum ergo Pelagianorum & Semipelagianorum dumtaxat, præscientiam illam damnat Hipponensis, fidusque ejus discipulus Fulgentius: quos aliunde constat præscientiam futurorum sub conditione, etiam non ponenda, in Deo vere propugnasse.

Nec est quod dicatur, ea quæ supponuntur futura sub conditione numquam ponenda, determinatam veritatem non habere, proindeque cognitionis divinæ objectum fieri non posse etenim quæcumque a Deo prævidentur habent veritatem determinatam suo modo, & secundum illorum modum sunt divinæ præscientiæ objectum. absolute futura habent respectu cognitionis Dei veritatem determinatam pro tempore in quo erunt. futura conditionata similiter habent veritatem determinatam sub conditione: quæ conditio an sit aliquando ponenda vel non, vere & infallibiliter a Deo præcitur; & juxta diversum hunc modum futurum illud cognoscitur determinate venturum ex conditione quæ ponetur, vel cognoscitur determinate possibile & non venturum, ob nusquam ponendam conditionem, qua accedente, a statu meræ possibilitatis transiret ad statum existentiae. uno verbo futura illa omnia determinate præsciuntur a Deo eo præcise modo quo futura sunt ideoque determinatam habent veritatem, licet a mente non infinita sed limitata, quidquam certi circa illa possit prænunciari, ut jam dixeramus eadem recurrente difficultate pro futuris liberis & contingentibus. sed hæc addidisse non erit fortasse superfluum ad majorem rei intelligentiam, cum aliunde in quibusdam diversis possit esse ratio futurorum contingentium sed vere futurorum, & illorum quæ futura censentur sub conditione non ponenda.

Quartum, cum certa supponatur & infallibilis circa futura Dei præscientia, quare ergo multa in libris Sacris prænunciantur ut certo futura, nulla adhi-

hibita conditione, quæ tamen non evenere? sic Isaïæ cap. 38. Ezechie prænuntiatur mors in proximo, qui tamen tunc mortuus non est. Jonæ cap. 3. post quadraginta dies futura prædicitur subversio Ninive, quæ tamen subversa non fuit.

Resp. Quo sensu ea sint intelligenda quæ de Regis Ezechie morte, nec non Ninive eversione in Sacris Scripturis prænuntiantur exposuimus ubi de immutabilitate Dei in responsione ad secundam objectionem. ea de novo dicere esset superfluum. id unum addemus quantum ad præsens propositum, illud tunc vere evenisse quod futurum ille atque præciebat, cujus præscientia falli non poterat, ut scribit S. Augustinus lib. 6. de Genesi ad litteram cap. 17. prædictiones illæ, etsi specie tenus essent de futuro absoluto, in intentione tamen Dei nonnisi de futuro conditionato erant. illorum autem futurorum, quorum conditio implicite continebatur in prophetarum comminationibus, ipsis etiam nescientibus prophetis, adimpletio locum non habuit cum de conditione non ponenda penderet eventus. imo ex interveniente opposita conditione illud præcise evenit, quod Deus, mediantibus prophetarum suorum comminationibus, noverat atque voluerat esse venturum. & tantum abest quod certitudinem divine præscientiæ evertant istiusmodi variatæ quæ non impleta reputantur: quin potius cum juxta veram Dei voluntatem impleta sint, infallibilitatem cognitionis ejus circa futura, cujuscumque sint ordinis, invictissime ostendant.

ASSERTIO SECUNDA.

Per infallibilem hanc futurorum in Deo præscientiam tolli rerum contingentiam, aut hominis everti libertatem, solus inferre poterit non Catholicus.

NON catholicam quis negaret illationem quæ veritatibus ex revelatione ab Ecclesia propugnatis contradiceret? in Deo infallibilem futurorum cognitionem ut dogma fidei, æque ac in homine libertatem arbitrii, ab Ecclesia propugnari nullus ignorat. non tollit ergo futurorum contingentiam, nec ab homine arbitrii libertatem aufert infallibilis Dei præscientia. veritatem istius inductionis quæ est ipsa assertio, triplex argumentum ex Augustino desumptum confirmabit.

Ex Dei præscientia in homine non oritur ulla operandi necessitas, si in homine operandi & tali modo operandi voluntatem supponat divina præscientia. ubi enim est vera in aliquid operante voluntas, nulla potest supponi necessitas, cum hæc duo sese invicem excludant. præscientia in Deo est nuda rerum cognitio: & hæc ex eo quod sit de re futura, non minus supponit operantis voluntatem, quæ illam supponit cognitio rei præsentis aut præteritæ, quæ certe nullo modo contingentiam illius tollit. vel enim illam toleret Dei præscientia in quantum est præcise præscientia, vel quia Dei præscientia est. nullum autem dici posse ostendit Augustinus lib. 3. de libero ar-

arbitrio cap. 4. sic cum Evodio differens. *an quia Dei præscentia est? quid ergo si tu præsces peccaturum aliquem, non esset necesse ut peccares? imo necesse esset ut peccaret: non enim aliter esset præscentia mea nisi certa præsces, inquit Evodius, quem sic urget Augustinus: non igitur quia Dei præscentia est, necesse est fieri quia præsces, sed tantummodo quia præscentia est; quæ si non certa prænoscit utique nulla est... non continuo tu peccare cogeres quem peccaturum esse præsces, neque ipsa præscentia tua peccare eum cogeret, quomvis sine dubio peccaturus esset... sicut itaque non sibi adversantur hæc duo, ut tu præscentia tua noceris, quod alius sua voluntate facturus est: ita Deus neminem ad peccandum cogens, prævidet tamen eos qui propria voluntate peccabunt. frustra igitur ex Dei præscentia futuris contingentibus aliquid evenire necessitatis ex parte Dei unde tolleretur illorum contingentia, optime ostendit Hippo-nensis quibusdam formidini esse, exemplo rerum præteritarum quibus nihil addi necessitatis quod illarum recordamur, argumentum illustrans his verbis: Sicut enim tu memoria tua non cogis facta esse quæ præterierunt, sic Deus præscentia sua non cogit facienda quæ futura sunt.*

Futura cuncta præcivit Deus eo vere modo, quo sunt futura, nihil per suam cognitionem quantumvis infallibilem, eorum futuritionis modo im-mutans illa ergo futura contingentia cum sint futura libere, nulla ipsis imponenda necessitate, ex illa Dei præscentia nulla ipsis advenire potest ne-cessitas. quod perbelle Evodio exponit ibid. cap. 3. Augustinus, ostendens quam sit monstruosum dicere aliquem velle necessario, in quo supposita ne-cessitate, nulla remanei voluntas. *attende queso, inquit, quanta cecitate dica-tur, si præsces Deus futuram voluntatem meam, quoniam nihil aliter potest fie-ri quam præsces, necesse est ut velim quod ille præsces; si autem necesse est, non jam voluntate, sed necessitate id me velle futendum est. O stultitiam singula-rem? quomodo ergo non potest aliud fieri quam præsces Deus, si voluntas non erit, quam voluntatem futuram ille præsces? ... si necesse est ut velis (ho-mo) unde vult cum voluntas non erit? ... voluntas igitur nostra nec voluntas esset nisi esset in nostra potestate. porro quia est in potestate, libera est nobis. Non enim est nobis liberum, quod in potestate non habemus, aut potest non esse quod habemus. ita fit ut & Deum non negemus esse præscium omnium futurorum, & nos tamen velimus quod volumus. cum enim sit præscius voluntatis nostra, cujus est præscius ipsa erit. voluntas ergo erit, quia voluntatis est præscius. Nec vo-luntas esse poterit, si in potestate non erit. ergo & potestatis est præscius. non dissimili argumento adversus Tullum utitur Sanctus Doctor lib. 5. de civit. cap. 9. illum refellens quod vellet omnia esse sub fato, si certus esset ordo causarum a Deo scius quo omnia fiunt; idque ideo falsum ostendit, quod nostræ voluntates, in quarum arbitrio nihil fit per illam Dei scientiam, sint in ordine causarum, & ab ipsis proficiantur humani actus, quorum natura postulat ut libere eliciantur nulli subjacentes fato. qui omnes, inquit, rerum causas præsces, profecto in eis causis etiam nostras voluntates ignorare non potuit, quas nostrorum operum causas esse præsces. & rursus ut contingentiam humanorum actuum non tolli per Dei præscentiam ostendat, veluti ab ad-*

versario querens ait, *quomodo igitur ordo causarum, qui præscienti certus est Deo, id efficit ut nihil sit in nostra voluntate, cum in ipso causarum ordine magnum habeant locum nostra voluntates.*

Fixitiam illam necessitatem, quam ex certitudine divinæ præscientiæ futuris contingentibus advenire coniciuntur Hæretici, refellit iterum Augustinus ex ipsis Dei operibus quibus præscientia ejus circa illa nullam asserti necessitatem. Deum ab æterno videre quidquid fuerat in tempore facturus, nullum puto fore negaturum. ergone circa opera ad extra, ut loquuntur, libertate carebit, illaque producet necessario, ita ut ab iis producendis non possit abstinere? si Dei præscientia, ut ipsis placet, futuris liberis necessitatem asserti, ita erit, sicque omnia opera Dei erunt æterna, nihilque operabitur in tempore. quod quam sit absurdum cum omnibus pateat, æterna Dei cognitione causarum secundarum non tolli indifferentiam pariter evidens est. sic a paritate rationis valide argumentatur. Hipponensis causam agens nostram lib. 3. de libero arbitrio cap. 3. unde nulli dubium esse potest quin remaneat cum infallibilitate divinæ præscientiæ futurorum liberorum contingentia. illudque non difficile intelliget quisquis Patrum doctrinæ attendens, noverit non ideo res futuras esse quia Deus eas præscivit, quasi earum futuri-tionis ratio seu causa sit Dei præscientia; sed ideo e contra Deum illas præscivisse quia vere future sunt.

SOLUTIO OBJECTIONUM.

1. **O**bjectio. Quæcumque Deus ab æterno præscivit in tempore futura, non possunt tali tempore non evenire. neque enim falli Dei præscientiam est possibile. quæ autem non possunt non evenire necessario eveniunt, & quæ eveniunt necessario contingentia nullo modo dici queunt. futurorum ergo contingentiam tolli per divinam præscientiam est manifestum. Sic Petrus quem prædixerat Christus Paulo ante Passionem suam cum negaturum, non poterat vi divinæ præscientiæ illum non negare.

Resp. Nihil aliud esse quam sophisma, meramque cavillationem, quæ proponitur difficultas per unius dumtaxat vocis intelligentiam brevi solvenda, quis non advertit? futuros quoscumque eventus ab æterno præscivit Deus, eo tempore infallibiliter succedere eoque modo quo sunt ab illo præsciti certissimum est. Ergone futura libera necessitate contingentiam eorum tollente succedent? minime. quod aliquid a me infallibiliter peragatur, vel quod aliquid ductus necessitate peragam, sunt duo hæc plane diversa. Dato quod Deus præscierit me cras scelus aliquod patraturum, illud a me certissime perpetrabitur: certa est enim & infallibilis Dei præscientia, at nulla ductus necessitate, sed ex libera determinatione propriæque voluntate illud committam. perversam hanc meam voluntatem, ejusque culpandam determinationem ab æterno videt Deus, & in illa mea libera determinatione scelus quod sum patraturus pariter videt. quid actui meo ex libera voluntate mea proficiscenti, necessitatis asserti Dei cognitio? quomodo hujuscemodi actus ac voluntarij meę deter-

determinationis contingentiam æterna Dei præscientia tollit? sed quidquid infallibiliter evenit, inquit, evenit, necessario. at unde id habent? gratis ab ipsis supponitur. quam dudum synonyma facta sunt hæc duo verba? promiscue sæpissime usurpantur a Theologis: tanto pejus; nihilominus discrepant toto cælo. rescindenda est abusiva hæc vocum arbitrariaque usurpatio, & inde permixtis occurratur difficultatibus, quæ ad nihilum redigentur sublata semel hac vocum equivocatione. aliter juxta scho'æ morem possumus respondere. quod evenit infallibiliter evenit necessario, necessitate consequenti nec quidquam in actum ponente, esto. necessitate antecedenti in actum influente ejusve contingentiam tollente, nec homini cordato vel illud cogitare licet. Necessitas ergo illa tota se tenet ex parte voluntatis libere actum elicientis. sed data hac libera voluntatis determinatione, ab ea veluti necessario proficiscitur hujusmodi actus, quia impossibile est hominem eodem tempore talem actum velle elicere & non velle: unde necessitas illa, ut dicunt, est hypotetica & non absoluta, & in illam nullatenus influit Dei præscientia; quin potius in præscientiam influere dicenda esset humanæ voluntatis libera determinatio, cum hæc in causa sit quod a Deo præsciatur. *Neque enim idcirco sit, quod futurum esse cognoscatur, sed quod futurum sit, idcirco futurum esse cognoscitur:* inquit Eusebium lib. 6. præpar. Evang. cap. 11. & sic apparet quam falso dicatur per Dei præscientiam tolli futurorum contingentiam, illamque causis secundis necessitatem imponere. ad exemplum Petri Christum negantis quod spectat, cujus infidelitatem in ipsam Dei præscientiam impietas refundere videtur, satis sit dicere cum Sancto Augustino lib. 5. de civit. cap. x. *Neque ideo peccat homo, quia Deus illum peccaturum esse præcivit: immo ideo non dubitatur ipsam peccare, cum peccat, quia ille cujus præscientia falli non potest, non fatum, non fortunam, non aliquid aliud, sed ipsum peccaturum esse præcivit. qui si nolit, utique non peccat: sed si peccare voluerit, etiam hoc ille præcivit.* Hinc liquet tam arduam rem, non esse adeoque difficilem, ut nonnullis cursim eam indagantibus visum est, hominis libertatem & Dei præscientiam conciliare. harum vocum *infallibiliter & necessario*, significatio addicatur, & ludere in verbis Theologos amplius non delectet, brevi difficultas pro majori parte cessabit.

2. Objeccio. præscientia Dei quæ certa est, necessaria ac immutabilis, est rerum futurarum causa. Cum igitur ex causa necessaria gignantur effectus necessarii non vero contingentes, per illam Dei præscientiam si admitatur, non potest non tolli contingentia futurorum.

Resp. Præscientiam Dei esse certam eo sensu quod non ex conjectura sed ex plena certitudine ac indubitata cognitione quæ futura sunt videat Deus; illamque necessariam, ita ut hæc sit divinitatis attributum, atque perfectio Deo tam essentialis quam connaturalis, vel ita ut istius præscientiæ objectum necessario sit quidquid est verè futurum; atque etiam immutabilem, in quantum circa futura falli non potest, & quod semel agnovit futurum, semper præscit ut tale donec evenierit eo tempore eoque modo quibus a Deo præscitur, quis non concederet? verum illam, pro ut est præscientia seu prævia cogni-

cognitio infallibilis eorum quæ aliquando erunt, futurorum causam esse eo sensu quod in illorum futuritionem quodammodo influat, dici non potest, ut Evodius optime ex sui comparatione lib. 3. de libero arbitrio cap. 4. his verbis jam a nobis laudatis ostendit Augustinus: *sicut tu quædam quæ fecisti meministi, nec tamen quæ meministi, omnia fecisti: ita Deus omnia quorum ipse auctor est præscit, nec tamen omnium quæ præscit ipse auctor est.* non magis ergo præscientia divina eorum quæ illam objective terminant causa dici potest, quam præscientia humana efficere dicenda est illa quæ sunt objectum ipsius, nec una plus altera hominum libertati nocent.

Hinc apparet falsitas inductionis, cum Deus in quantum futura præsciens non ea efficiat quorum est præsciens. & aliunde non nisi in rebus physicis, minime vero in ordine morali, locum habere potest propositio affirmans ex causa necessaria gigni effectus necessarios. in actibus a voluntate hominis libere procedentibus, voluntariamque ejus determinationem consequentibus nulla fingi potest necessitas, nisi consequatur liberum ipsius voluntatis actum: & hæc proprie dici nequit necessitas, utpote quæ in actum illum nullatenus influat. at necessitas antecedens cum qua stare non potest futuri actus contingentia, supponi non potest in esse eventui contingenti ex præscientia divina: sunt enim hæc contradictoria ideoque impossibilia, actum vel effectum quemdam esse liberum & contingentem, & per Dei præviam cognitionem fieri necessarium. tunc questioni locus non esset: cum enim cuncta, ut merito supponitur, præsciat Deus, futurorum contingentiam tollente ejus præscientia, de quo procederet questio? idem esset ac si quereretur, an futurum liberum & contingens sit futurum necessarium, quod est mere negatorium. uno verbo, præscientia Dei ea ratione qua est præscientia, nihil influit in futurum contingens: unde ergo contingentiam illius posset tollere?

Ex jam dictis facile intelligitur nec Wiclefium, de quo in Concilio Constantensi, nec alios quoscunque qui prius illo aut posterius erraverunt circa Dei præscientiam, cum arbitrii humani libertate illa pugnare arbitantes, veram habuisse de illa notionem quod si it omnes advertissent præscientiam in Deo supponere rem contingentem & contingenter futuram, & ut talem ab illo cognosci, adeoque cum sit illa posterior, non posse eam reddere necessariam, humanæ libertati hanc non officere intellexissent. unde ut recte in hac questione procedatur semper est attendendum quod scientia Dei non antecedit decretum ejus liberum, sed illud supponit, ea propter libertatem quam consequitur non potest illa auferre. præscientia Dei solam necessitatem consequitur, arguit in rebus ab eo præscitis. erunt quidem & necessario quæ præscit Deus, sed non quia præscivit, cum futuris illorum præscientiam antecedit. erunt tamen suppositione facta quod præsciuntur: necessitas autem hæc consequens libertati non adversatur quod intelligens pro solita ingenii sagacitate Scotus dixit in 1. dist. 39. quæ. unica, Num. 35. quod *contingentia relata ad divinam scientiam sine tantum necessaria necessitate consequentia: hoc est, ista consequentia est necessaria, si Deus scire illa esse futura, illa erunt.* Non tamen sunt necessaria necessitate absoluta, nec necessitate consequenti.

Hinc facile resolvitur quæstio illa logica non adeo levis ut multi putant, utrum propositionibus de futuro contingenti insit determinata veritas, vel falsitas. Neque enim determinatam possunt habere veritatem ante absolutum Dei decretum, in quo solo potest determinate cognosci. Siquidem res non extrahuntur de esse possibili indeterminato & indifferenti, ad esse futurum certum & determinatum, nisi per illud decretum. ab illo igitur præscindendo nec sunt, nec cognoscuntur certo ac determinate, unde, ut optime observat Scotus, futura quandiu remanent in statu possibili, suntque indifferenter ad esse, non sunt vera contingentia, quia nihil est tunc per quod habeant veritatem determinatam. posita autem determinatione voluntatis divinæ jam sunt vera. prius est enim aliquid esse, quam illud esse tale. si ergo ante Divinum decretum esse determinatum non habet, nec ante illud decretum tale esse habebit. si tale esse non habet nisi dependenter ab illo decreto, nec nisi dependenter ab illo poterit determinate cognosci. verum hæc obiter dicta sunt ut intelligatur quæstiones quæ levioris reputantur momenti, maximam quædamque ac necessariam habere cum majoribus difficultatibus. gravissimæ quæstionibus connexionem.

QUÆSTIO TERTIA.

Quonam in medio cuncta cognoscat Deus?

DEum nihil eorum quæ sunt, fuerunt, & erunt, vel esse possunt, latere ex jam dictis abunde constat, quomodo autem, & quonam in medio illa omnia intueatur Deus, examinandum habemus, non mediocribus quædamque occurrentibus difficultatibus. medium cognitionis vocatur illud in quo res quædam cognoscitur, quodve illa prius cognitum, in illius ducit cognitionem. Deum seipsum, suamque essentiam, & quæcumque in Deo cum ipsius essentia identificantur nullo in medio quam in se ipso cognoscere evidens est, ac ab omnibus conceditur. Nihil enim est quod prius cognoscat Deus quam seipsum, suamque essentiam, quæ ipsa est Deo ratio & causa cognoscendi quæcumque alia a se. De iis omnibus igitur quæ sunt extra Deum, quæstio procedit. Sunt autem illa vel possibilea vel futura; & ex futuris, alia sunt necessaria, alia sunt libera. ac inter futura libera, quædam sunt absoluta, quædam vero conditionata futura libera absoluta quæcumque a Deo videri in reali eorum cum æternitate coexistentia placet nonnullis, hac via difficultatem omnem fugere arbitrantibus. hæc vero futura contingentia cognoscendi veram rationem in Deo esse antecedens & efficax, absolutumque ipsius decretum volunt Theologi non pauci; ex quo antecedenti decreto, de quo sinitre multi loquuntur, fuit juxta Thomistam qualitas quædam physice prædeterminans, quam non ponendam existimant cum suo Doctore Scotistæ. circa hæc omnia quid sentiendum judicaverimus a Scoti Doctrina non recedentes, asperient sequentes assertiones.

Res omnes siue futuras, siue possibiles, in sua essentia cognoscit Deus.

VEL in sua essentia Deus futura cuncta & possibilia, intuetur, vel in se ipsis illa a Deo videntur. illud ultimum excogitari nequit: in eo enim inadmissibili supposito huiusmodi cognitionem a creaturis emendicaret Deus, & ab aliis objectis suae scientiae rationes acquireret, indeque, ut optime observat Doctor Subtilis, *vilesceret intellectus divinus pro eo quod pateretur ab aliquo alio ab essentia sua*, inquit quæ. 4. prologi. quod ne incidenter dixisse videatur & præter propriam sententiam, addit. in 1. dist. 3. quæ. 3. *essentia divina sola movet intellectum divinum ad cognoscendum se, & omnia alia cognoscibilia ab ipso intellectu.* & indignum Deo arbitratum quod a creaturis incognoscendo penderet unde dist. 35. quæ unica investigans utrum rationes rerum quæ cognoscuntur per ipsa objecta, sint essentiae divinae ratio illa cognoscendi, dicit quod hoc videtur *vilificare intellectum divinum, quia tunc esset passivus aliorum objectorum cognitorum per istas rationes.* & revera vilesceret essentia divina indigens rationum illarum per quas determinaretur ad creaturarum cognitionem, cum præsertim sint respectus ad creaturas a quibus moveretur intellectus divinus: quod est absurdum. est igitur essentia divina: sibi ipsi ratio res futuras & possibiles cognoscendi per semetipsam & in semetipsa: omnia enim possibilia & intelligibilia in divina essentia continentur virtute ac eminenter nulloque alio interveniente medio ipsi opus est ut ab illo hæc omnia intelligantur.

Quam autem sententiam sic proponit Scotus illam a Sanctis Patribus accepit. divina mens ea quæ sunt, non ex iis quæ sunt novit, sed ex se & in se. inquit Dionysius lib. de divinis nominibus cap. 7. & S. Ambrosius cap. 1. in symbolum hæc habet: *licet omnia caelestia & terrestria ac minima quaque perspicat Deus, nihil tamen extra se intelligere; sed singula in se intueri dicitur.* S. Augustinus lib. 5. de genesi ad litteram cap. 15. sic loquitur. *vidit omnia quando fecit, & sicut vidit ita fecit: non præter seipsum videns, sed in seipso... omnia priusquam fierent, erant in notitia facientis... non opinor eum esse tam exordem, ut Deum quæ non noverat fecisse arbitretur. porro si noverat ea priusquam faceret ea, profecto priusquam fierent apud illum erant eo modo nota.* & lib. 15. de Trinit. cap. 14. *Novit omnia Deus pater in se ipso, novit in Filio, sed in seipso tamquam seipsum.* ac tandem lib. 83. questionum, quæ. 46. *Deus nihil extra se intuetur, sed in se tamquam in causa omnium.*

Res omnes siue futuras, siue possibiles ab æterno videri a Deo certissimum est. Æternum ergo esse oportet illud, in quo a Deo videntur. nihil autem æternum prædicari potest præter ipsum Deum: in illo igitur dumtaxat hæc videntur necessum est. aliunde res omnes a Deo non possunt videri nisi in illo a quo & per quem esse tum futurum, tum possibile possunt habere. cum ergo tale

Vv 2 esse

esse a Deo solo habere queant, in se ipso Deus illas intueatur consequens est, futura necessaria & a solo Deo pendentia Deum in se videre omnes consentiunt. quare de futuris liberis & contingentibus diversum ferretur iudicium? Eadem enim quantum ad eorum futuritionem & una pro quibuslibet videtur ratio. dicenturne futura libera videri a Deo in voluntate se aliquando ad illa determinatura? Sed eadem semper recurret questio. hæc voluntas ad talem adum se in tempore determinatura non potest ab æterno a Deo videri nisi in ipsa Dei essentia. hæc voluntas nequit videri nisi ubi est. cum ergo sit dumtaxat in ipsa Dei essentia in qua virtualiter & eminenter continetur, in nullo medio distincto ab ipsa Dei essentia potest cognosci.

ASSERTIO SECUNDA.

Futura libera & contingentia non cognoscit Deus in reali eorum cum ipso coexistentia, illorumque in æternitate præsentia.

Deo qui est æternus nihil potest realiter coexistere quod non sit æternum; coexistere enim alicui est cum illo simul existere. futura autem libera & contingentia non sunt æterna, cum esse non habeant nisi in tempore: non possunt ergo a Deo cognosci in illorum reali cum ipso coexistentia, ac eorum in æternitate præsentia. Supponit enim hæc Dei cognitio existentiam eorum quæ intuetur, secundum suum esse proprium ac reale ab æterno. Hinc argumentari videtur S. Augustinus ad assertionis nostræ confirmationem, dum lib. 5. de genesi ad litteram cap. 18. sic loquitur. *Hæc antequam fierent utique non erant. Quomodo ergo Deo nota erant quæ non erant? & rursus quomodo ea faceres quæ sibi nota non erant? Non enim quidquam fecit ignorans. Nota ergo fecit, non facta cognovit. proinde antequam fierent, & erant, & non erant. erant in Dei scientia, non erant in sua natura.*

Oppositam assertioni sententiam refutat Doctor Subtilis eadem via, ostendens præsentiam rerum in æternitate juxta quam hæc futura a Deo cognoscantur, supponere eorum ab æterno existentiam, sicuti immensitas Dei in loco supponit actualitatem loci existentiam. Si immensitas non est ratio coexistendi loco nisi actuali, quia illud quod non est, nulli potest coexistere: pari ratione æternitas non erit ratio coexistendi alicui nisi existenti, quia coexistere dicit relationem realem: sed relatio realis non est, cujus fundamentum non est reale. ita in 1. dist. 39. quæ unica.

Intelligibilis nec non impossibilis est illa futurorum in æternitate præsentia. quis enim intelligit quomodo res futura in tempore successivo, quod simul non est, nec esse potest, ante illam differentiam sui temporis, quæ secundum successionem est futura, sit præsens Deo actualiter? nam successio illa non est simul cum Dei æternitate, non enim nunc est, sed erit in illa æternitate? Non itaque potest coexistere, cum nullatenus habeat præsentiam in æternitate. aliunde possibile non est illud quod in se nihil adhuc est, & nihil habet proprii esse, propriæque durationis, alterius mensu-

rae vel durationi coexistere. quomodo ergo Deo coexisterent in æternitate futura libera, quæ ab æterno nihil fuerunt & nullam habere durationem? præterea futura illa contingentia non possunt cognosci a Deo præsentia in æternitate nisi realem & physicam habeant in æternitate existentiam: & hoc concedunt adversarii. sed exinde absurdum quid videtur sequi, scilicet futura huiusmodi duplicem exigere existentiam: unam quidem ratione cuius videntur a Deo in æternitate ex jam supposito: alteram vero iuxta quam vere ac physice existent in ea parte temporis quo sunt futura. Neque enim dici potest duplicem illum modum existendi esse unum & eundem, utpote qui diversæ, ut ita dicam, durationis uterque sit, æternæ unus & interminabilis in cognitione Dei, temporalis alter & transitoria pro instanti quo reapse a statu futuritionis ad statum pro nunc existentia futura illa transibunt. Sicque futura illa bis a Deo sunt producenda, quod implicare videtur, nulloque sufficienti nititur fundamento. & tandem futura illa a Deo certo cognoscuntur ab æterno tamquam futura, non autem tamquam præsentia: at supposito quod ab illo cognoscantur in reali eorum cum æternitate coexistentia non cognoscuntur ut futura, sed ut præsentia: etenim physica & realis eorum cum æternitate coexistentia dicit æqualem eorum præsentiam in æternitate, non solum, ut loquitur Scotus in mente adversariorum, quantum ad entitatem quam habent in esse cognoscibili, sed etiam quantum ad entitatem quam habent in esse existentia. jam ergo respectu cognitionis divinæ adu existunt, & non nisi improprie futura dicuntur. dum enim quantum ad Deum cognoscentem, res omnes ponuntur præsentibus & æternitati coexistentes, auferuntur illarum futuritio & contingentia. & tunc amplius non manet resolvenda quæstio, quoniam in medio futura libera & contingentia cognoscat Deum. quæ cum ita sint ut res ipsa clamat, inconcussa remanet, assertio nostra.

Nec adversariorum argumentis efficaciter concutitur: hæc enim facili negotio diluuntur. si futura, inquit, vel præterita non semper essent adu præsentia Deo, sed successive in æternitate fluere, Dei duratio esset successiva similis nostre in qua res transeunt, & sibi succedunt ac ita cognoscuntur: illud autem Deum dedecet. verum talia oppositores advertant oportet successionem temporum se tenere ex parte Creaturarum, quæ cum sint imperfectæ & labiles, nequeunt aliter durare. imo si illæ in æternitate Deo coexisterent, sequeretur illud inconveniens, at Deus solus est æternus: alia vero fluunt & prætereunt temporibus subiecta. Sicut autem res creatæ dum existunt certos habent ac determinatos locos in quibus consistunt; ita certis sunt additæ temporibus ut existant & durent. & sicut nulla res creata correspondet Dei immensitati, ita nulla coexistit Dei æternitati. Dum vero dicunt, per præsentiam objectivam rerum non sufficienter salvari perfectam æternitatem, illamque consuevi cum tempore: unde ipsis videtur distinguendum, Deo quod permanens est ac perfectum tribuendo, quod contra caducum & mutabile est relinquendo creaturis: ac insuper ex præsentia objectiva exurgere varietatem & inconstantiam tum in rebus, tum in illarum

rum cognitione, quod certe a Deo est prorsus alienum: ipsis respondebimus satis esse, quidquid dicant, præsentiam objectivam ad divinam cognitionem, ex eo quod ut cognoscatur objectum non requiratur præsentia actualis, ut apparet in possibiliis, quæ in statu possibilitatis cognoscuntur a Deo, nec aliter cognosci possunt. & quare imperfectionem diceret in cognitione divina quod res in suis statibus attingat uti sunt, & uti existunt in statu possibili, futuro, actuali? Nihil mutationis ex iis differentiis advenit cognitioni divinæ, quæ semper eadem invariabiliter perseverat, sicut & voluntas divina decernens res futuras. ex parte creaturarum est tota mutatio: nec divinam cognitionem attingit illa imperfectio rerum objectarum, quæ nullum divino intellectui principium cognoscendi ministrant: imo sicut ab omnipotentia accipiunt esse, ita & ab intellectu cognosci: & sicut summa Dei potentia non dependet a creaturis quas condit, ita nec intellectus ab objectis quæ cognoscit.

At instant dicentes quod si ea quæ sunt futura realiter ac physice non existant in æternitate non distinguuntur a possibiliis, cum in suo esse futuro nihil accipiant nisi terminationem liberam decreti divini, quod cum sit intra Deum nihil ponit physicum in re, ideoque in eodem manent statu in quo erant possibiliis absque ulla mutatione: donec per Dei actionem præsentia fiant. illud autem ipsis videtur absurdum. Verum quod res ita sit, ut sentiunt adversarii, nullum est incommodum. etenim res in statu futuro dum non est in actu, addit dumtaxat supra statum possibilem, terminationem & respectum ex ea ortum ad liberam divinæ voluntatis decretum, quod in re futura nihil ponit actualis existentie, sicque retinet medium hunc statum inter possibilem & præsentem, qui terminat liberum Dei decretum de futura existentia rerum absque ulla præsentia actuali; & pro isto statu cognoscitur per scientiam liberam, quæ dicitur visionis; & sicuti res a statu possibili transit ex virtute decreti liberi ad futurum, ita & scientia quæ de illa erat necessaria tamquam de re in statu possibili transit in liberam visionis in statu futuro sine ulla sui intrinseca mutatione. & ideo ultro conceditur ut quid indubitatum, nihil ex futuritione entitati objecti accidere præter actualem positionem ex parte liberi decreti divini, & ex parte Scientiæ addi respectum scientiæ visionis objecti, quod futurum apparet, terminando in eo genere scientiam liberam. quod & adversarii admittant oportet, cum non possint non distinguere scientiam necessariam possibilem, & scientiam liberam futurorum.

Sic adhuc insistant. verum non est futura esse Deo præsentia tantum obiective: non enim potest obiectivum illud esse stare cum divino decreto de futuritione rerum, quæ cum illius decreti sit effectus per illud in re actualiter poni debet, alioquin frustraretur actus divinus: re enim manente in esse possibili & obiectivo nullum erit decretum, cum voluntas Dei libera non queat stare sine mutatione facta in re, nam voluntas in se non mutatur, sed mutatur objectum: unde sequitur futura esse Deo actu præsentia in æternitate. præsentem difficultatem de ratione futuritionis, & de modo quo de-

cer-

cernuntur futura, adversariis futura non negantibus pariter solvendam esse ostendere non juvat: satis est quod illam pro instituto nostro solvamus. Dicendum ergo Deum velle per suum decretum ut res possibilis transeat de statu possibili ad futurum, & ad id opus non est quod ponat aliquid possibile in esse possibili præter reductionem in actum futurum, sed ad illam dicat respectum quemdam rationis habitudinis ad illam rem, in quo respectu ex omnibus actus liberi ratio consistit. Nihil tunc de novo reale advenit, vel rei decretæ, vel actui divino decernenti præter habitudinem illam quæ fundat respectum rationis. Nec dici potest quod voluntas divina libera cum aliquid vult, semper in objecto aliquid ponat: datur enim in Deo voluntas inefficax, quæ est affectus quidam benevolentis, sine aliquo tamen effectu in re posito: quæ voluntas inefficax admittitur ab omnibus Theologis duplicem in Deo distinguendis voluntatem, efficacem unam, quæ semper est conjuncta cum effectu & in re aliquid ponit: inefficacem alteram, in simplici affectu benevolentis sistentem, & effectum carentem, nihilque in re ponentem. quæ cum ita sint, facile intelligitur futura contingere vere ab æterno cognosci a Deo, licet non sint actus præsentia in æternitate.

Nec dicatur actualem illam rerum præsentiam in æternitate esse necessariam ad cognitionem intuitivam Dei, qui nequit eas in esse objectivo intuitive cognoscere: hæc enim præsentia actualis non est necessaria Deo ad cognoscendum intuitive creaturas, cum abundet lumine in sua essentia in qua melius eas & clarius cognoscit quam in se ipsis. & si aliquando patres indicare viderent rerum præsentiam in æternitate ratione cujus a Deo cognoscerentur, intelligendi sunt de præsentia dumtaxat objectiva: omnia enim etsi diversis temporibus existentia, unico intuitu Deus ab æterno videt, juxta illud Augustini, *apud Deum nec præterita transierunt, & futura jam facta sunt.* unde differentis illæ temporum præteriti, præsentis, & futuri, apud Deum non videntur esse, cum respectu ipsius sit præsens perpetuum, nihilque sit ei successivum. Idque sic intelligebat Doctor Subtilis dum sententiam nostram defendens hæc loquebatur in 1. dist. 39. *auctoritates omnes quæ videntur sonare omnia esse præsentia in æternitate, intelligenda sunt de præsentia in ratione cognoscibilis, & non tantum cognoscibilis, quasi cognitione abstractiva, sicut rosa non existens est præsens intellectui meo per speciem, sed cognitione vera intuitiva, quia non aliter cognoscit Deus facta quam fienda, & ita perfecte sunt præsentia cognita ab intellectu divino fienda sicut facta.*

E X E R C I T A T I O N E S A S S E R T I O T E R T I A .

Futura omnia libera & contingenter videt Deus in suis decretis efficacibus & absolutis.

HUjus assertionis quam expresse tenet Scotus veritas non difficile ostenditur. in illo medio cognoscuntur a Deo hujusmodi futura quod solum reperitur inter cognitionem rei in statu possibili, & cognitionem rei in statu futuro. cum ergo inter utramque nihil mediet nisi efficax & absolutum Dei decretum, per quod res possibilis extrahitur in statum futurum, consequens est ut in illo hæc futura cognoscantur. res de statu possibili in quo est necessario, & ut talis in essentia cognoscitur, non eruitur ut transeat ad statum futurum nisi mediante absoluto & efficaci Dei decreto quo determinate vult illud quod erat jam possibile, fieri in tempore futurum, & nihil aliud huic rei advenit mutationis præter transitum illum a statu possibilitatis ad statum futurationis non potest autem causari transitus ille nisi per absolutum & efficax Dei decretum, quo non posito res illa in perpetuum remaneret in ordine possibilem, & nusquam esset in ordine futurorum. in solo igitur decreto tamquam in unico ac vero cognitionis medio debet a Deo videri. & ubinam videri posset, nisi in illo per quod saum esse futurationis potest obtinere, quod aliud esse nequit præter decretum vi cuius determinato quodam tempore existet? videretur ne in re ipsa? at in illo casu rei cognitionem mutaret Deus a creaturis, tuncque, ut cum Scoto diximus, vilesceret necessario intellectus divinus. & aliunde absurdum esse rem in se ipsa cognosci antecederet ad decretum: quod enim non est futurum nisi consequenter ad decretum non potest intelligi futurum nisi consequenter ad illud decretum.

Liberum ergo illud Dei decretum rem possibilem determinans futuram est causa libera quidem, sed immutabilis, rei illius futurationis: unde per illud solum divine voluntatis liberum & contingens decretum, res libere & contingenter futura ab intellectu divino videtur, qui sicut antea noverat rem possibilem in essentia, ita nunc eam cognoscit in eadem essentia affecta decreto libero & contingenti in statu futuro. & falso diceretur de isto decreto jure dubitari, cum non attingat res omnes in singulari futuras, sed indistincte & confuse in futura seratur: divina enim voluntas fertur distincte in res omnes singulares volens eas, & determinans in singulari, absque multiplicatione actuum ex parte ipsius: & absque illa cognitione vel potius determinatione distincta rerum in singulari, non staret providentia, quæ est de singularibus, ut notum est. Ideoque res singulas cum suis proprietatibus ac circumstantiis decernit Deus, per suam liberam voluntatem, quæ libere ac contingenter terminatur ad res futuras, quæ pariter sunt contingentes & liberæ, uti & decretum per quod decernuntur, quod potest esse & non esse cum operatur rerum futurationem. Nec est alia ratio cognoscendi
crea-

creaturas in se ipsis immediate quam illud decretum, vel essentia illi att. & decreto: quod contingenter volens obiectum, dat contingentiam ipsi obiecto, sicut posquam est determinatum ad suum esse futurum certitudinem conferit & infallibilitatem. per divinam voluntatem res immutabiliter determinatur, & per intellectum divinum immutabiliter & determinate cognoscitur; tam enim voluntas, quam intellectus sunt immutabiles. cum istis tamen ex Scoto fiat *contingentia obiecti cogniti, quia voluntas volens hoc determinate, contingenter vult hoc.* ita & contingentia, & infallibilitas obiecti provenit ex contingentia, & immutabilitate decreti.

Est autem illud decretum in quo futura illa videntur a Deo efficax & absolutum, cum rem in actu ponat & cum executione, in quo consistit efficacia absoluta. non tamen est physice prædeterminans, multoque minus compellens vel necessitans. quam vero hic propugnamus opinionem de decretis antecedentibus & efficacibus totam esse Doctoris Subtilis diximus, & merito, ut ex ipsius testimoniis fiet manifestum. in 1. dist. 41. consultans Henricum prædeterminationem ex prævisione boni usus liberi arbitrii defendentem sic loquitur: *Contra istud arguitur, primo, quia Deus non prævidet istum bene usum libero arbitrio, nisi quia vult, vel præordinat istum bene usum eo, quia sicut dictum est dist. 39 certa præviso futurorum contingentium est ex determinatione voluntatis divine. Si ergo offeratur voluntati divina duo æquales in naturalibus, quare, quare istum præordinat bene usum libero arbitrio, & illum non? Non est huius, ut videtur, assignare rationem nisi voluntatem divinam. Nonne evidenter per illa verba significantur decreta antecedentia & efficacia, etiam in profundissimo prædeterminationis mysterio? unde sic prosequitur Doctor: hoc est prima distinctio inter eos, quam per se sequitur electio vel reprobatio, scilicet determinatio divine voluntatis pro hoc non pro illo. ergo in prima distinctione pertinet ad prædeterminationem & reprobationem, sola ratio est divina voluntas. Hæc adeo evidenter sunt, ut nulla indigeant interpretatione.*

Ab hac sententia non recedit in questionibus. quotlibetalibus, hæc enim habet quæ. 14. *sequitur motio contingens. . . igitur oportet illius motionis principium ponere voluntatem, & sit huiusmodi motio contingens ordinate primo ad intra: quia nisi ipsa voluntas determinetur in se ad volendum alteram partem, numquam determinabitur aliquid ad extra. primo igitur determinat se ad volendum hoc fore determinate. secundo ex hoc intellectus videns istam determinationem voluntatis infallibilem novit hoc esse futurum. . . completa motione contingentis ad intra, sequitur motio ad extra. illa igitur tota est contingens, & per consequens immediate ipsius voluntatis ut principis.* Decretum ergo antecedens & efficax ut quid omnimode necessarium simul & indubitatum defendit Scotus Divi Thomæ hæc in parte consentiens; & quæ ducti ratione velint nonnulli Scoti, si textus præcedentes pluresque alios iis similes data opera attente perpenderit, magistrum pro sententia de decretis antecedentibus & efficacibus non stare, dicant qui noverint. in hoc dumtaxat a Thomistis veri differunt Scoti discipuli, quod illi physicam qualitatem prædeterminationem cum

hujusmodi decretis admittant, quam non admittendam rationibus non levis illi existimant.

Hæc vero sententia juxta quam futura omnia libera & contingentia videt Deus in suis efficacibus absolutivæ decretis, videtur Sanctorum Patrum doctrinæ prorsus conformis, illorumque sulta auctoritate. quid enim aliud significant hæc Augustini verba lib. 5. de civit. cap. 9. *quapropter & voluntates nostræ tantum valent, quantum Deus eas valere voluit, atque præcivit: & ideo quidquid valent, certissime valent; & quod factura sunt, ipsa omnino factura sunt, quia valituras atque facturas ille præcivit, cujus præsentia falli non potest.* Nihil ante divinum decretum esse determinate futurum, Deique voluntatem rem prædefinientem esse veram ejusdem rei rationem, ex qua sequatur futura in ipso decreto a Deo cognosci insinuat idem Sanctus Doctor lib. 26. contra Faustum cap. 4. sic loquens. *illud sane scimus, hoc de illo factum quod Dei voluntas habet: quod autem voluntas Dei non habet fieri de quoquam omnino non posse: & rursus: illud utrum futurum sit nescio: & ideo nescio quia quid habeat de hoc re Dei voluntas, me latet: illud tamen me non latet, sine dubio futurum, si hoc Dei voluntas habet. porro si audiam, quod aliquid futurum erat, sed Deus fecit ne fieret; fidsissime respondebo, illud potius futurum erat quod Deus fecit, non illud quod si futurum esset, hoc fecisset. Nam Deus quod facturus erat utique sciebat, & ideo simul sciebat illud futurum non fuisse, quod ne fieret facturus erat: & procul dubio potius verum est quod scit Deus quam quod opinatur homo. quod confirmatur ex his verbis lib. de prædest. Sancti. cap. 10. prædestinatione Deus ea præcivit quæ fuerat ipse facturus: & ex illis tract. 68. in Joan. Deus fecit futura, ea prædestinando. cum ergo ex Hipponensi con-
tingentia illa fiant futura per antecedens Dei decretum, illa in eodem Decreto a Deo cognosci consequens est.*

Illud idem significant quæ loquitur Sanctus Gregorius Magnus lib. 12. moral. cap. 2. *nulla quæ in hoc mundo ab hominibus sunt, absque omnipotentis Dei occulto consilio veniunt. Nam cuncta Deus futura præsciens, ante sæcula decrevit, qualiter sæcula disponantur.* & Sanctus Ildorus lib. 1. sentent. cap. 18. *cur futura quasi præterita scribuntur? nisi quia ea quæ adhuc facienda sunt in opere, jam facta sunt in Dei prædestinatione.* Nec omittendus est S. Fulgentius lib. 1. ad Monimum cap. 12. *in æternitate incommutabili voluntatis sue creator ille jam fecisse videtur quod in creatura mutabili, prout opportune faciendum disposuit sic rite dispositum facit.* eodem fere modo loquuntur quæmpleures alii Patres, ex quorum testimoniis legitime colligitur Deum in suo antecedenti decreto futura contingentia cognoscere; quod non concedere non poterit quicumque attenderit futurorum hujusmodi primam causam esse divinam essentiam determinatam per suum decretum, quod illa, ut dictum est, a statu possibilitatis extrahens transire facit ad statum futurationis, illisque confert esse futurum, quo non posito decreto, perpetuo privarentur.

Nec audiendi sunt adversarii dum dicunt præfata Sanctorum Patrum testimonia probare quidem pro futuris ordinis supernaturalis in statu præsentis, mi-

minime pro futuris ordinis naturalis, vel pro futuris ordinis supernaturalis in statu naturæ Innocentis, quæ noverat Deus in creata voluntate eodem modo quo ut contendunt, futura ordinis naturalis ab illo videntur in creata voluntate se ad ea aliquando determinatura. Nam primo Patres non distinguunt inter futura ordinis naturalis vel supernaturalis: nec istiusmodi distinctionis ullum vestigium reperire est in verbis illorum mox relatis, ut facile innotescent omni testimonia laudata diligenter perferutanti; imo de contingentibus ordinis naturalis pro majori parte sermonem faciunt. & aliunde prior non est ratio quantum ad Dei præscientiam, pro quibusdam quam pro aliis. & si concedatur opera supernaturalia nunc videri a Deo in antecedente & absoluto suo decreto, pariter concedendum est in statu naturæ innocentis. illa novisse Deum in eodem decreto, & in illo futura ordinis naturalis pro utroque statu a Deo videri. Nec ad fundandam utriusque status vel utriusque ordinis futurorum distinctionem sufficiens est ratio desumpta ex diversitate auxiliorum, nempe quod in statu naturæ innocentis gratia esset versatilis, in præsentī vero statu gratia sit per se efficax. illud enim utriusque gratiæ discrimen, quod ab omnibus non admittitur, & de quo differere præsentis non est instituti, mutare non debuit medium scientiæ diviniæ, quæ futura contingentia in quocumque statu videre non potuit nisi in eo solum ex quo suum esse futurum habere possunt. illud autem habere non possunt nisi ex determinatione voluntatis diviniæ, ut ostensum est: (opera sint naturalia sive supernaturalia: gratia sit versatilis vel ab intrinseco efficax, nihil interest) in illa igitur quæcumque futura contingentia sunt a Deo cognita. Secundo indignum Deo esse, jam satis insinuavimus, quod futura videret in creata voluntate se aliquando ad ea determinatura, ex eo quod in tali supposito divina scientia speciem & perfectionem a creaturis defumeret, & pro sua certitudine ac veritate ab eis penderet, quod excogitari nequit quin eodem tempore vilescat intellectus divinus, ut loquitur Doctor, cognitionis suæ certitudinem a creaturis mendicando: sicque opus esset quodammodo ut Deus extra se exiret ad habendam futurorum cognitionem, quod opinari, sacrilegum cum Augustino libenter assererem. præterquam quod Patrum auctoritates, quibus sententiam suam confirmare præsumunt qui volunt Deum futura ista cognoscere in futura creatæ voluntatis determinatione, nullo modo sunt ad propositum & omnes eo tendunt ut ostendant, quod in præcedentibus statuimus, præscientiam Dei non esse causam rerum, illasque non esse futuras quia prænoscentur a Deo, sed potius illas a Deo prænosci quia future sunt; quod optime conciliatur cum antecedentibus & absolutis decretis, in quibus Deus prima omnium rerum causa futura cuncta cognoscit.

SOLUTIO OBJECTIONUM.

1. *Obiectio.* Dato quod futura libera & contingentia cognoscat Deus in antecedenti & efficaci suo decreto, eadem ratione dicendus erit Deus in suo decreto mala hominum opera eorumque peccata cognoscere. Id autem asserere absurdum videtur, ex eo quod in tali supposito peccati causa & auctor Deus non immerito censeretur, quod absque impietate nequidem cogitari potest. unde ex hoc capite stare non valet assertio.

Resp. Non parum esse in eo difficultatis frustra difficeretur, verum solvitur dicendo quod in peccato duo sunt consideranda: substantia actus, qui est physicum quid; & defectus conformitatis cum regula seu lege, qui est aliquid morale in quo precise consistit ratio peccati. omne autem peccatum vel est omissionis vel commissionis. si omissionis cognoscitur a Deo in negatione concursus: si commissionis in exhibitione illius ad substantiam actus, qui permittitur in re illicita & vetita a Deo praevisa. Ideoque certa semper manet ratio cognoscendi in decreto, vel non concurrendi ad omissionem, vel concurrendi ad substantiam actus prohibiti. & hac est responsio Doctoris Subtilis in 1. dist. 41. sic loquentis: *Deus praescit se cooperaturum lucifero ad substantiam actus qui erit peccatum. Hoc autem praescit quia vult cooperari illi, si est peccatum commissionis; vel praescit se non cooperaturum ad actum aliquem, si non vult ipsum: Et hoc si iste actus primus est peccatum omissionis: Et sciendo se cooperaturum ad talem substantiam actus cum non circumstantiis debilis, vel non cooperaturum ei ad actum necessarium, Et per consequens quem omittet, sciet illum peccatum, ita quod scit hunc peccatum, non solum quod scit se permissurum, sed etiam quia scit se cooperaturum huic ad substantiam actus non circumstantiati, Et per consequens iste committet; vel non cooperaturum ei ad actum necessarium, Et per consequens iste omittet.* Nec tamen in Deum refundi potest peccatum, cum concursus Dei, vel negatio concursus attingat dumtaxat materiale actus, in quod malitia quae est quid morale non potest cadere, non vero formale illius, quod est deviatio a regula. & ad primum concurrir Deus tamquam prima ac universalis causa, sine cuius cooperatione ac motione nihil operarentur causae secundae, a quibus est & non a Deo, defectus conformitatis cum regula. unde Deus mala hominum opera, quorum auctor & causa esse non potest, ut fuisse ostendimus tractantes de peccatis, cognoscit in determinatione suae voluntatis de praestando vel non praestando suo tam speciali quam generali concursu ad talem vel talem actum secundum substantiam, seu secundum illius esse materiale consideratum. ex quo facile intelligitur non magis ex decretis antecedentibus Deo tribuenda esse hominum peccata, quam ex concursu simultaneo quem defendunt quicumque efficacibus absolutisque divinis decretis hac in parte adversantur.

2. *Obiectio.* Per antecedentia & efficacia illa decreta videtur tolli humana libertas, & cum illis stare non intelligitur rerum contingentia, quibus necessitatem non potest non inferre voluntatis divinae determinatio,

a qua

a qua suum esse futurum habent, quæque cum sit immutabilis, eamdem rebus ab ipsa decretis confert immutabilitatem, ratione cujus ea quæ libera & contingentia reputabantur sunt necessaria: quo posito inadmittenda prorsus sunt antecedentia hæc decreta.

Resp. A defensoribus scientiæ mediæ, de qua inferius dicemus, humanam tolli libertatem rerumve contingentiam per efficacia & antecedentia de quibus agimus decreta, omnibus notum est pluribus abhinc annis decantari. verum illud fuisse ab ipsis gratis excogitatum, nec usquam probatum, imo & esse omnino improbabile manifestum est iis omnibus quos præjudicata huc usque non fefellit opinio. cum antecedentibus divinis decretis, si bene intelligantur, optime stare futurorum contingentiam, hominisque libertatem facile ostenditur, si undenam sit repetenda ratio contingentiæ & humanæ libertatis causa dignoscatur. illa cum Doctore Subrili repetentes ex voluntate divina, difficultate concordiæ decretorum cum libertate minime deterremur. Scorum ergo in Reportatis dist. 40. de hac re dissentientem audiamus. *Supposito quod contingentia sit in rebus, videndum est, inquit, ubi est prima ratio contingentiæ? & dico quod prima ratio contingentiæ est in voluntate divina comparata ad alia a se. probatur hoc; quia si necessario se haberet in causando alia a se, nihil esset contingens in rebus, nulla enim esset causa secunda, & nullum malum esset in rebus.* Hac semel stabilita propositione assertaque veritate prosequitur, *prima igitur ratio, & causa contingentia in rebus est ipsa voluntas divina, & tunc dici potest ulterius, quod aliqua sunt contingentia duplici contingentia ex parte causantium, sicut velle nostrum, cujus prima causa est Deus, & secundaria est voluntas nostra, & utraque contingenter causat.* quæ ut optime intelligantur observandum est cum Doctore ex isto capite dissentiente ad Angelico, Deum nedum scire contingentia futura, sed etiam scire contingenter futura contingentia, in quantum contingentia sumitur ex parte scientiæ, ita ut futurum sit contingens, & scientia de illo sit etiam contingens. etenim contingentia objecti fundatur in libero decreto divini voluntatis quæ vult etiam contingenter, ut illud objectum sit. ante decretum liberum decernens tale objectum futurum, vel potius determinans sujuritionem illius, objectum illud utpote indeterminatum, non cognoscebatur determinate ab intellectu divino. at interveniente libero & contingenti Dei decreto, objectum determinatur ad esse futurum & tunc futurum est contingenter, & scientia divina de illo est contingenter, quia poterat non esse. cuncta hic sunt contingentia, & nihil ponitur necessario. voluntas libera est contingens, & libere ac contingenter decernit futurum contingens, retenta sua contingentia cujus voluntas divina est causa contingens, non ab illo auferens, sed illi potius tribuens contingentiam. Scientia pariter de isto objecto est contingens, quæ cum ante decretum esset neutra & indeterminata quemadmodum & objectum, nunc contingenter fit certa & determinata, ex eo quod sequatur decretum contingens & contingenter determinans sujuritionem objecti futuri contingentis. & ideo hæc scientia quæ est visionis, vulgo in scholis dicitur libera.

Restat

Restat ergo sufficienter declaratum, decretum Dei de futuro contingenti & libero esse causam antecedentem futuri contingentis, illudque non solum ejus contingentiam & libertatem non tollere, sed etiam hanc illi tribuere & tributam conservare. nosque talia promittentes veram Scoti mentem fuisse assecutos manifestant ea quæ habet in 4. dist. 40. quæ. 6. non est contra naturam voluntatis, inquit, determinari a causa superiori, quia cum hoc stat quod sit causa in suo ordine. licet igitur a Deo sit determinata humana voluntas, est tamen libera & contingens ut exigit ipsius natura. dumque ipsi objiciebatur quod causa superiore, ut Deus est, determinante, voluntas in suo ordine causandi determinaretur, tunc in ordine causandi non esset contingens, respondet, propter determinationem ejus in suo ordine est equalis contingentia, id est servatur contingentia voluntatis, quia determinatio divina est in suo ordine contingens, ac proxime non aufertur per contingentiam causæ primæ contingentia causæ secundæ. Idque ita esse debet, si cum Doctore ponamus in Deo radicem cujuscumque contingentia: causarum secundarum, ut certum nobis videatur: radix contingentia: ac necessitatis in creatis, est contingentia seu libertas, & necessitas in operando primæ causæ quæ Deus est. unde sic loquitur in 1. dist. 2. quæ. 2. aliquid causatur contingenter, ergo prima causa contingenter causat, ergo volens causat. probatio primæ consequentiæ: qualibet causa secunda causat in quantum movetur a prima: ergo si prima necessario movet, qualibet alia necessario movetur, & qualibet necessario causat: ergo si aliqua secunda causa contingenter movetur, & prima contingenter movebit, quia non causat secunda causa nisi in virtute primæ causæ in quantum movetur ab ipsa. & juxta idem principium a quo nusquam defleat, hæc habet dist. 39. Nulla causatio alicujus causæ potest salvare contingentiam, nisi prima causa ponatur immediate contingentia causare, & hoc ponendo in prima causa perfectam causalitatem, ut catholici ponant.... oportet istam contingentiam querere in voluntate divina, vel in intellectu divino. Non autem in intellectu,.... prima ergo contingentiam oportet querere in voluntate divina. Idque aliter se habere non posse indubitanter tenent, ita ut si prima causa necessario causaret omnia eveniret necessario, & nulla causalitas causis secundis adscribi posset. in omnibus causis procedendo nihil contingenter erit, si prima causa necessario causat, inquit dist. 8. quæ. 5. omnis causa necessario agens agit secundum ultimum potentia suæ, quia sicut non est in potestate sua agere & non agere, ita nec intense nec remisse agere: ergo si prima causa necessario causat, causat quicquid potest causare: potest autem causare ex se omne causabile: ergo causat omne causabile: ergo nulla causa secunda aliquid causat.

Verum cum prima causa non operetur ex necessitate naturæ sed sit principium liberum, illud quod libere procedit ab illo, est liberum non necessarium: quomodo modum actus voluntatis quodlibet libere a voluntate libere operante, ideo est liber, quia procedit libere a principio libero. Sic creatura decreta libere per liberum Dei decretum existit libere & contingenter, & si natura sua libera & contingens est, & libere & contingenter operatur, non privatur suo connaturali modo operandi ex vi decreti eam ponentis, cum

eam illud liberum sit, & libere ac contingenter ponatur. Divinum decretum suam reinnet libertatem & contingentiam, eamque communicat effectibus libere ac contingenter, nihil adimens, nec detrahens de illorum contingentia & libertate. ea propter antecedentia decreti nullam imponit necessitatem rebus contingentibus, cum contingenter decernantur, & sinantur esse & operari contingenter, non immutata conditione, sed conservata natura libera & contingenti. stat ergo cum infallibilitate & immutabilitate decreti contingentia rerum decretarum, & libertas conjuncta cum earum infallibilitate. proindeque jure cum Doctore nostro Subtilive magistro admittenda judicamus antecedentia ista decreta, quæ cum libertati causarum nihil noceant, nec rerum contingentiam evertant, verum divinæ cognitionis medium pro futuris liberis ac contingentibus dici debent.

Idque eo magis quod decreta concomitantia, ex formidine lædendæ libertatis inducta, non possunt cum veritate consistere. ex illa enim concomitantia non possunt non vilesceere voluntas divina & divinus intellectus, cum Deus sit expectaturus a creatura comprincipium sui actus volendi & intelligendi, veluti a creaturis mutuaret rationes determinandi & intelligendi rem futuram contingentem. Si voluntas divina rem contingentem sine concursu illius determinare non potest, illius profecto indiget, & penitus vilescit. Sic insuper voluntati omnipotenti detrahitur, & creatæ voluntati nimium tribuitur: cum enim contingentia ex Scoto sit modus positivus, si tota hæc contingentia non sit a voluntate divina, & concurrat uti concausæ illius, tunc non est omnipotens, quia totam contingentiam non potest ponere, & voluntas humana erit æqualis potestatis cum voluntate divina, quia ex se ponit unam partem contingentiae, quam nisi concausam illam habeat, omnipotentia ponere non potest: & aliunde in se aliquid habere, idque Deo largiri quod ab ipso non acceperit, non immerito gloriabitur eadem humana voluntas. præterea supponamus istam futurorum contingentiam oriri tamquam ex integra causa a voluntate divina & humana, quæro utrum concurrant ut indifferentes, vel ut determinatæ? Si tamquam indifferentes, quomodo determinabunt? Nec enim principium indifferens potest esse causa quidquam determinandi. si in quantum determinatæ, assignetur illud a quo determinantur. si a principio determinato, ergo datur decretum antecedens & efficax. Si a principio indeterminato, dabitur progressus in infinitum. ex quibus ostenditur inadmissibilem esse in Sententia Scoti hanc concomitantiam decreti dependentis a voluntate creatæ.

Ergo, inquiet aliquis, datis decretis antecedentibus voluntas creatæ necessario, non libere, voluntati divinæ cooperabitur in executione horum actuum liberorum; nec enim libertas quo indeterminacionem & indifferentiam supponit, stare poterit cum determinatione quæ est a Divino decreto. falsissima est hæc illatio. voluntas creatæ cooperabitur voluntati divinæ pro ut ab illa mota antecedenter nulla inducta necessitate. decrevit enim ab æterno divina voluntas ita præmovere creatam voluntatem, ut hæc decretum libere sequatur correspondendo voluntati divinæ, cum naturis rerum se accommodet pri-

ma

ma causa; unde fit quod quando causæ sunt contingentes & liberæ ut est humana voluntas, Deus vult illas ipsi libere cooperari, suosque effectus contingenter juxta suam naturam producere; earumque naturam libertatem non tollit divinum decretum causarum secundarum voluntatem antecedens. sed potius perficit & conservat, retinens quod proprium est cuicque creaturæ. unde advertendum duplex esse genus determinationis; una necessaria est, alia libera: contingentiam prima tollit, non autem secunda, ut apparet in determinatione voluntatis nostræ liberæ, quæ cum se ipsam determinat, libere & non necessario se determinat, adumque libere & contingenter elicit ad quem libere & contingenter se determinavit. Non inficior Deum per voluntatem suam liberam ponere posse effectum necessarium, cum possit si velit creatam necessitate voluntatem: sed tunc mutabitur modus operandi creaturæ, cujus naturam antevertet Deus, in ea ponens aliquid quod inferat necessitatem, illamque ex principio libero & contingenti, ut erat ex sua natura, efficiens principium necessarium. verum cum per suum efficax, absolutum, antecedensque decretum nihil immutet Deus in voluntate creata cujus libertati semper consulit, ut sæpius dictum est, nullo modo per illud tollitur contingentia rerum, quæ licet posito decreto esse futurum immutabile habeant, libere tamen & contingenter sunt futuræ, quia decretum illud Dei antecedens, quod in ipso est liberum & contingens, illas contingenter futuras & libere ab æterno determinavit.

ASSERTIO QUARTA.

Futura conditionata cognoscit Deus in antecedenti suo Decreto, non quidem absolute sed conditionate.

HÆc assertio quæ est præcedentis veluti corollarium iisdem momentis jam allatis stabilitur. & ratione iterum confirmatur. futura cujuscunque sint generis vel absoluta, vel conditionata, a Deo videri non possunt nisi in quantum a statu possibilitatis transeunt ad statum futuritionis sive absolutæ sive conditionatæ. cum igitur ex possibilibus futura fieri nequeant, ut superius ostendimus, nisi per divinæ voluntatis decretum, sive absolutum sive conditionatum juxta naturam rei futuræ; nam sublato illo decreto a quo suum esse omnia habent, nihil potest dici vere futurum sicuti nec vere existere, utpote cum esset quodcumque tam futurum quam præsens sit illius Decreti effectus; in illo proinde antecedenti Decreto tamquam in unico medio videntur a Deo. Nihil præterea ut futurum cognosci potest a Deo, nisi pro ut ad futuram illius existentiam per suum concursum Deus est cooperaturus: non est autem cooperaturus ad illius rei existentiam nisi per suum Decretum determinetur ad suum concursum præstandum: Decretum ergo Dei antecedens est ipsi ratio cognoscendi futura. unde dicit Doctor Subtilis in 1. dist. 39. quod intellectus divinus determinatur ad illud existens aut futurum cognoscendum, ad quod determinatur voluntas divina. si determinatio voluntatis di-

vi.

vinæ est intellectui ratio cognoscendi, cum determinatio hæc Dei voluntatis sit ipsum antecedens Decretum, evidens est Decretum illud esse medium necessarium & unicum divinæ cognitionis. res futuræ sive absolutæ, sive conditionatæ, non possunt videri in seipsis antecederet ad illud decretum si revera illud supponant: evidens autem est illud Decretum supponi a rebus futuris, cum esse qualecumque, etiam futurum, non obtineat nisi *dependenter* ab illo & consequenter ad illud, ut ex jam dictis constat: non possunt igitur videri nisi in tali Decreto. Nec enim alio in medio videre poterat Deus conversionem Tyriorum & Sidoniorum de quibus Christus in Evangelio, si apud eos factæ fuissent virtutes quæ apud Corozaitas & Betsaiditas factæ sunt. siquidem hæc illorum bona voluntas quæ conversionem erat præcessura, non poterat cognosci nisi in Decreto de conferenda illis gratia per se efficaci ex supposito quod in iis factæ fuissent huiusmodi virtutes, quæ gratia bonam hanc voluntatem, quæ non potest esse nisi a Domino, erat infallibiliter operatura, cum independenter ab illo Decreto ipsis inesse non potuisset: hæc bona voluntas ex qua in cinere & cilicio poenitentiam egissent. in antecedenti igitur suo Decreto futura conditionata Deum videre certum est.

Conditionatum autem & non absolutum est illud Dei decretum. quidquid enim a Deo absolute decernitur futurum, illud pariter est absolute futurum, cum necessaria sit connexio inter modum existendi rei & naturam Decreti esse huic conferentis: non potest igitur pro futuro conditionato aliud in Deo admitti decretum præter conditionatum: alioqui ex futuro conditionato fieret futurum absolutum quod implicat. sicut ergo res absolute futuræ decernuntur absolute, ita quæ sunt conditionate futuræ, decernuntur conditionate. & hoc modo, ut res ipsa postulat, proportionatur divinum decretum naturæ ac conditioni futurorum. Nec inde sequitur, ut nonnulli existimare videntur, aliquid esse futurum independenter a Dei decreto. Sive enim decretum sit absolutum, sive sit conditionatum secundum naturam vel existentiam futurorum, semper quoquo modo res sit futura vel absolute, vel conditionate, pendet ab illo Dei decreto, a quo solo futuritionem vel absolutam vel conditionatam habere potest. Nec eo recurrendum est ut admitatur pro conditionate futuris decretum, absolutum ex parte Dei & conditionatum ex parte objecti: inutile enim est in supposito id decretum absolutum ex parte Dei, illumque parum deset: inutile, cum non influat in effectum, ex eo quod res futura sub conditione esse præsens & actuale non sit habitura: parum decens, cum Deum dedecet quod aliquid ejus absolutum decretum frustraretur: frustraretur autem si absolute decerneret Deus illud quod non est futurum nisi conditionate, quodve non evenit ex eo quod ponenda minime sit conditio, in qua fundatur rei hypotetica futuritio, ut sit manifestum ex laudato exemplo de conditionata conversione Tyriorum ac Sidoniorum.

Decretum illud in quo futura tum absoluta, tum conditionata dicuntur a Deo cognosci permixtis videtur non posse dici antecedens, quia, inquam,

Yy

prius

prius cognoscuntur ea ad quæ terminatur decretum, quam aliquid circa ea decernatur, cum circa rem prorsus ignotam nullum possit ferri decretum, & prius sit illam in se ipsa videri quam de illa a Deo quidquam determinari. Verum frustra hæc nobis opponerentur, nec ulla est difficultas si tollatur verborum æquivocatio. Deum prius cognoscere res in suis ideis, seu in sua essentia in qua omnia tum possibilia, tum futura intuetur, quam circa alias aliquid decernat, quis difficitur? Non enim cæco impetu ducitur Deus, ut de incognitis quidquam statuatur; sed nihil inde inferitur contra decreta antecedentia. rem in se possibilem esse, nec illam ulla ex parte repugnare cognoscit Deus antequam ipsius decernat futuritionem necesse est. verum cum non de rerum possibilitate sed de illarum futuritione, vel de earum translatione ab esse possibili ad esse futurum, controversia moveatur, videndum utrum illa quæ possibilia esse jam supponuntur, & ut talia a Deo cernuntur, prius decernantur ab ipso futura quam ut talia cognoscantur; vel explicatius, an rerum futuritis sit causa decreti, aut decretum causa futuritionis. Cum igitur futuritio rerum a nemine cordato dici queat causa decreti divini illas ut futuras determinantis, hoc enim involvit contradictionem; evidens est Decretum sive absolutum, sive conditionatum res a statu possibilitatis ad statum futuritionis extrahens, esse veram causam futuritionis illarum, proindeque Decretum illas futuras constituens antecedere actum intellectus divini cognoscentis res ut futuras. quæ cum ita sint ut ratio dicat, Decreta in quibus futura tum absoluta, tum conditionata cognoscit Deus, Decreta sunt vere antecedentia. Non inde tamen inferas aliquid esse intervallum inter actum divinæ voluntatis rem futuram decernentis, & actum intellectus illam futuram cognoscentis: puerilis enim esset huiusmodi inductio, cum nihil in Deo successive eveniat, sed omnia in illo sint æterna, idemque sit in ipso velle & intelligere, nulla extant temporis prioritate. sed penes nostrum concipiendi modum se tenet illa veluti verum successio, utpote qui ob facultatum nostrarum limitationem unico mentis actu varia objecta capere non possumus, sed illa successive intelligimus, & veluti essent in Deo pro diversis instantibus ea consideramus.

QUESTIO QUARTA.

Quotplex in Deo admittenda sit scientia; & utrum detur media quidam scientia inter scientiam simplicis intelligentiæ & scientiam visivis.

Scientia Dei entitative simplicissima, ex diversa ratione objectorum circa quæ versatur, quæve illius sunt velati terminus, multiplex vocari potest alia est speculativa, quæ in sui objecti contemplatione tota est, & per quam Deus res dumtaxat possibles speculatur, ex oppositione ad eum quæ practica nominatur, ex eo quod futura respiciens tendit ad opus quocumque factibilia producendo, & per eam omnia opera sua operatur est Dominus dum res universas condidit. alia est necessaria antecedens quocumque Dei

decretum, Deum ipsum, resque simpliciter possibiles habens pro objecto, cum scientia libera quæ ab ea distinguitur, & versatur circa res contingentes vel existentes vel vere futuras, liberum divinæ voluntatis decretum supponat. alia vocatur scientia approbationis bonos respiciens & bona, ea probans & præcipiens, cui ex adverso correspondet scientia improbationis per quam videt Deus malos & mala quæ vetat & improbat. alia tandem est scientia simplicis intelligentiæ, & scientia visionis. circa res mere possibiles sub hac ratione possibilitatis, abstrahendo a qualibet existentia, aut futuritione versatur prima, quæ omne Dei decretum antecedit. res vel existentes, vel aliquando futuras attingit altera, illas in quacumque temporis differentia existant contemplans tamquam præsentem; & hæc supponit decretum Dei absolutum, cum nihil existat, aut sit futurum, nisi dependenter a divina voluntate.

Quemadmodum inter duos rerum status, quorum unus est in esse possibili, alter in esse futuro, datur status alius intermedius, juxta quem res transeunt ab esse possibili necessario in esse futurum sub conditione, & liberum, ut jam ex abunde dictis constat, ita inter scientiam simplicis intelligentiæ quæ est de possibilibus & necessaria, scientiamque visionis quæ est de futuris & libera, mediam quamdam scientiam excogitavere nonnulli, quasi medium necessarium in quo Deus cognoscat liberas & contingentes Creaturarum rationabilium actiones posita tali vel tali conditione, videatque per mediam illam quam vocant scientiam, ad quid se determinatura sit creata voluntas in hac vel illa circumstantia, quidnamve sit actura hoc vel illo gratia dono adjuncta, veluti per scientiam simplicis intelligentiæ scientiamque visionis ad hujusmodi cognitionem certo vel sufficienter Deus non duceretur. futura conditionata a Deo cognosci nemine ferme refragante superius ostendimus. de medio in quo cognoscantur, non quidem necessaria, cum sint ex sua natura determinata, sed libera & contingencia, præsertim actus humani ad quos reducitur controversia propter eos instituta, dissident inter se Theologi.

Ratio cognoscendi bona opera conditionate futura in sententia veterum Pelagianorum, ut colligitur ex Augustino, Prospero & Hilario, erat determinatio liberæ voluntatis humanæ valentis naturæ viribus bonum operari sine auxilio gratiæ, illudque sine ipsa operaturæ, si in eo statu conditionato poneretur. eratque hæc opinio illorum hæresis consequentia. cum enim vellet naturam propriis viribus relictam sibi sufficere ad recte vivendum, præcepta divina observanda, atque adeo ad salutem æternam consequendam, ac ita de facto honeste vivere, servare mandata, & consequi beatitudinem, consequenter affirmabant Deum cognovisse in statu conditionato quem admittent, quid futura esset voluntas humana, si in his vel illis poneretur circumstantiis, ex nativæ suæ libertatis virtute absque gratiæ auxilio.

Molinæi systematis defensores docent futura hæc conditionata a Deo cognosci præciso quocumque ipsius decreto, in cooperatione humani arbitrii cum gratia in tali vel tali circumstantia congruenter ad auxilium indifferenter oblatæ gratiæ constituti: hoc posito futurum conditionatum in se ipso, attenta congruitate, & connexionione gratiæ indifferenter cum arbitrio

hu.

humanæ voluntatis, nullo arbitrium antecedenter determinante decreto expectato cognoscit Deus. pugnat, inquiunt, cum humanæ voluntatis nativa libertate decretum illud antecedens: illud enim sequente operatione, quæ sublato Decreto non daretur, non a se, sed ab alio determinatur voluntas contra suam ingentiam libertatem. debet ergo ex ipsis ut libere operetur homo, cum illo sibi oblato indifferenti gratiæ auxilio sese ab intrinseco determinare arbitrium. quo posito efficacia divinæ gratiæ non a virtute ipsi intrinseca, sed a consensu voluntatis quem illa non operatur, est repetenda; sique voluntas cum auxilio gratiæ oblato in his vel illis circumstantiis congruenti, sufficiens est ac totale operandi principium.

Juxta majorem Theologorum numerum qui Divi Augustini, Doctoris Angelici, & Doctoris Subtilis principiis religiose adherent, scientia conditionata in Deo non sumitur ex ipsis objectis conditionatis, nec in ipsis fundatur ex virtute suæ cooperationis futuræ sub his vel illis circumstantiis, si in eis cum oblato gratiæ auxilio ponerentur, independenter a quolibet Dei decreto, sed nititur divino antecedenti decreto conditionato, ut in assertionem præcedenti statuimus juxta Subtilis magistri vera principia. Hinc ratio videndi futuram operationem voluntatis in talibus circumstantiis positæ, liberæ, ac indeterminatæ ad operandum, non est ipsa voluntatis creatæ immediata determinatio independentes a divino decreto, sed ipsum decretum, vi cujus, mediante gratiæ per se & ab intrinseco efficacia auxilio, libere, sed infallibiliter ad opus bonum determinabitur voluntas, salva semper & integra remanente ipsius libertate: adeoque ratio operandi est decretum antecedens, cui annexa est gratia efficax, operatio vero ex tali decreto est objectum scientiæ conditionatæ. voluntas posita in his vel illis circumstantiis, in quibus maneat indifferens cum sibi oblato auxilio indifferenti, nequit cognosci certò ac determinate operatura, nisi consequenter ad divinum decretum liberum, contingentèr item & libere, antecedenter tamen illum determinans. sicuti res se habet in futuris absolutis, quæ nisi determinentur a Deo, & ponantur in statu futuro absoluto non possunt cognosci a Deo per scientiam visionis & absolutam. per decreta absoluta liberos absolutos actus prædeterminatione nullomodo violari arbitrii libertatem ut cum Doctore Subtili ostendimus, concedunt etiam plures inter primarios Scholæ Molinistice auctores percellibres.

Per Decreta antecedentia in sensu mox exposito lædi humanam libertatem arbitratus Ludovicus Molina Jesuita, ea, ut e medio tolleret, quoddam scientiæ genus excogitavit, per quam Deus ante quodlibet Decretum ex parte sui videat quid creata voluntas ex propria determinatione boni vel mali virtute sua cum gratiæ versatilis quodam auxilio actura sit, si in tali vel tali circumstantia ponatur. Hanc autem scientiam quam mediam vocat, quamque a suo Magistro Petro Fonseca acceperat Molina necessariam volunt ipsius patroni, ut dirigatur divina voluntas in decernendo quid futurum sit absolute: nisi enim ei proponat intellectus hac scientia instructus; quid operatura sit, vel non operatura voluntas, non poterit Deus prudenter & firmi-

miter decernere quid sit absolute futurum : Duabus de causis admittendam esse volunt hujusmodi scientiam : una est ut Deus prudenter ac certo provideat futura : altera ne per illud antecedens divinæ voluntatis Decretum penitus auferendum lædatur arbitrii libertas . unde a suis auctoribus fuit adinventum , ut Dei providentia in prædestinando , & hominum in operando ad prædestinationis & reprobationis effectum adstruerentur . illam mediam appellandam volvere , ex eo quod inter scientiam necessariam possibilem , & liberam futurorum versetur . & revera cum ultra necessariam , addat futuritionem conditionatam eorum possibilem , quæ intra illum præcisum possibilitatis statum sine ullo ad futuram existentiam ordine consistebant : nec tamen progreditur ad existentiam absolute futuram , quæ pertinet ad scientiam liberam : sicque hæc scientia , quam exploratricem non immerito diceremus , participat de necessaria antecedentia ad Decretum absolutum : de libera , determinationem ad unam partem existentia , posita congruitate & opportunitate gratiæ sub illa conditione futuræ .

Modum certum conciliandi gratiæ efficaciam cum libertate arbitrii veteribus Scholasticis ignotum advenisse arbitratus Molina , librum suum de concordia , recentis sui doctrina , Divo Augustino prorsus aliena , ipso scirente , relictum in lucem edidit anno 1588 : qui ingentium discordiarum inter Theologos deinde Seminariorum exitiit , potissimum inter Patres Dominicanos ex una parte , & Patres Jesuitas qui Molinæ doctrinam aliquantulum a nonnullis mitigatam , suam fecere ex altera , ad quas compescendas impotentes fuere Clementis VIII. & Pauli V. conatus in famosis illis Congregationibus de auxiliis per longum temporis spatium hac de re habitis . gratiam quæ hominibus datur in statu præsentis , quæque est gratia Medicinæ , non distinguens Molina a gratia quæ data est Adamo innocenti , quæque erat gratia Sanitatis , voluit omnem gratiam esse versatilem , quæ cum creatam voluntatem non sibi subiciat , sed ipsi famuletur : suam habet efficaciam ex liberæ voluntatis determinatione ac consensu , ab illa suum sortiendi effectum : ab hac doctrina recedens in quibusdam Suarez ejusdem instituti , quem multi sequuntur , gratiam in utroque statu admittit versatilem , sed illius efficaciam non a solo eventu repetit , hanc potius a quadam cum voluntatis dispositionibus aliisque circumstantiis congruentia repetendam existimans : unde vulgo congruistæ vocantur . a recentior inventa illa doctrina , quæ a quampluribus parum Catholica reputatur , de qua judicium ferant qui voluerint , penitus alieni Thomistæ , sicut & alii omnes Theologi , qui cum de gratia res est , Augustinum ducem sequi gloriantur , mediam scientiam uno ore rejciunt , eamque e medio omnimodo tollendam validis ducti argumentis prædicant : in eo omnes consentiunt , quod decreta antecedentia & gratiam per se efficacem defendant , in eo dissentientes quod Thomistæ nullo appposito discrimine inter statum naturæ innocentis & statum naturæ lapsæ , hominem in utroque indigere ad bonum præstandum gratia nedum per se efficaci , sed etiam voluntatem physice præmoventi & operi eam applicanti contendunt : alii vero utroque statu distincto velint homini innocenti & sano ac propenso ad bonum gratiam a Qualem versatilem libero voluntatis ejus arbitrio subjectam fuisse datam ; homi-

mini vero post lapsum propensiori ad malum, & tardiori ad bonum necessarium esse gratiam ab intrinseco efficacem, quæ licet non physice sed moraliter tantum humanam præmoveat voluntatem, suum semper certo ac insalubriter sortitur effectum. quoquo modo res se habuerit Adamo innocente, de scientia Dei pro præsentis naturæ lapsæ statu de quo tota inter Theologos vertitur controversia, quætionem movebimus, fusus de natura gratiæ alio tempore tractaturi, hic præcise investigantes an in præsentis statu sic Deus sua formet decreta circa hominum salutem & salvandorum electionem, sicque ipsis suam largiatur gratiam, ut per exploratricem quamdam scientiam prius dirigatur, ita cognosciturus quid ex voluntate sint acturi his aut illis muniti auxiliis, & in his aut illis positi circumstantiis. ad pleniorum discendorum intelligentiam his necessario præmissis rem definiamus.

ASSERTIO UNICA.

Nulla in Deo inter scientiam simplicis intelligentiæ & scientiam visionis admittenda est Scientia media; estque in statu præsentis quorundam opera supernaturalia, ut merum commentum, nulloque sufficienti nixa fundamento, quin potius omnimode, utcumque intelligatur, improbabili, a Scholis quibuscunque prorsus eliminanda.

Cum scientiæ, ut apud omnes tritum est, specificentur ab objectis, pro diverso objectorum genere diversa in Deo debet admitti scientia. duplex autem est dumtaxat respectu Dei diversum objectorum genus. siquidem ea omnia ad quæ divina scientia se extendit velut ad objectum ipsum specificans, sunt vel mere possibilia, & nunquam extitura, vel præter possibilitatem sunt in ordine futurorum, & aliquando vere extitura. si nullum aliud esse præter possibile sunt habitura, pertinent ad scientiam simplicis intelligentiæ per quam a Deo ab æterno cognoscuntur. si autem habeant esse pro tempore vere futurum, per scientiam visionis cujus sunt objectum, ab æterno pariter cognoscuntur a Deo. nullo alio igitur stante medio cognoscendorum ordine, nulla inter utramque debet in Deo admitti scientia media. Neque enim futura de quibus discernimus conditionata, sive ponenda sit conditio, sive non sit ponenda, medium quoddam constituunt objectorum genus. conditione nunquam poneada, illa futura remanent semper in ordine possibilem, nec illum ullo modo prætergrediuntur: ponenda vero conditione, sunt respectu divini intellectus in ordine vere & absolute futurorum ideoque cognoscibilia quæcumque, ad scientiam vel simplicis intelligentiæ vel visionis pertineant tamquam necessarium & proprium ipsius objectum necesse est. frustra que inter existentia necessario & existentia contingenter, mediate in ratione rei cognoscibilis futura conditionate aliquis contenderet, cum rerum necessitas vel contingentia objectum specificativè scientiæ eas ut terminum ætiogenæ nequaquam reputari queant, ut eniliber serio attendenti fiet indubitatum.

Hac

Hac prima assertionis parte, quæ per se intelligitur, sufficienter firmata, ad secundam in qua, vel impugnanda vel defendenda duobus fere ab hinc sæculis adeo defudatur, veritatem manifestandam properemus, offerri eam de scientia media doctrinam, quæ a Patribus Societatis, quorum sententiam plures alii sunt amplexi, quasi unanimiter propugnatur, esse quoad opera supernaturalia (de aliis parum solliciti) in statu præsentis naturæ proflus a Scholis quibuslibet eliminandam ut merum commentum, illamque nullo sufficienti nixam fundamento, utcumque intelligatur, tamquam omnimode improbabilem esse rejiciendam. ut autem in argumentorum varietate inconspicere procedamus, unicuique momento ex iis quæ sumus ad rei elucidationem adducturi, adjiciemus quæ opponi solent, firmitatem asserti validius citande manifestaturi.

1. *Ut Sacris Scripturis parum consona improbatur Scientia Media.*

IN præsentis naturæ lapsæ statu vere gratuitam esse salvandorum prædestinationem ad gloriam ex Sacris Scripturis demonstrari nullus est in canonicorum librorum lectione tantisper versatus qui nesciat. sic Christus apud Joannem cap. 15. Apostolos alloquitur. *Non vos me elegistis, sed ego elegi vos, & posui vos at eas, & fructum afferatis, & fructus vester maneat.* & Paulus Ephes. cap. 1. ait, *elegit nos in ipso ante mundi constitutionem ut essemus Sancti & immaculati in conspectu ejus in obsequio: qui prædestinavit nos in adoptionem filiorum per Jesum Christum in ipsam secundum propositum voluntatis suæ.* & Epist. ad Titum cap. 3. *Non ex operibus justitiæ quæ fecimus nos, sed secundum suam misericordiam salvos nos fecit.* inter alia plura quæ possent laudari Scripturæ verba, celebris est locus ille Apostoli Epist. ad Rom. cap. 9. ubi ostendit vocationem electorum non in eorum merita, sed in Dei beneplacitum esse refundendam. Cum enim nondum nati fuissent, aut aliquid boni egissent, aut mali, ut secundum electionem propositam Dei maneret: non ex operibus sed ex vocante dictum est ei, quia major serviet minor sicut scriptum est: *Jacob dilexi, Esau autem odio habui.* Ex iisdem Scripturis manifestum est gratiam per quam in præceptis Dei ambulamus opera justitiæ facientes, bonum secundum a malo recedentes, esse per se & ab intrinseco efficacem, non autem reddi talem cooperatione liberi arbitrii, aut ex circumstantiis congruis, sed suavi quadam & potenti præmotione in nobis operari bonam voluntatem, dando ex sua nativa virtute posse, velle, & perficere. quod enim aliud indicant hæc verba Ezechielis cap. 36. *dabo vobis cor novum, & Spiritum novum ponam in medio vestri: & auferam cor lapideum de carne vestra, & dabo vobis cor carneum. & Spiritum meum ponam in medio vestri; & faciam ut in præceptis meis ambuletis, & judicia mea custodiatis, & operemini.* quomodo autem facit Deus ut faciamus, exponit in hunc locum Augustinus lib. de grat. & libero arbit. cap. 16. præbendo, inquit, *vires efficacissimas voluntati.* & quid sunt efficacissimæ illæ vires, nisi ipsa gratia, quæ facit ut lex impleatur, inquit ibid. cap. 14. cum ergo prædestinationem gratuitam tollat do-

arina

Strina scientiam mediam propugnans, illam in meritis humanis a Deo per hanc scientiam exploratis fundans, simulque gratiæ divinæ efficaciam repetat a consensu humanæ voluntatis effectum ei pro arbitrio tribuentis: quod utrumque tenent Molinæ systematis defensores, jure merito tamquam Sacris Scripturis parum consona improbaturs scientia media.

Duos percelebres Scripturæ textus pro scientia media veluti ipsi apertissime faventes laudant illi quibus arridet novum illud systema, unus desumitur ex libro Sapientiæ in quo sic legitur cap. 4. *raptus est ne malitia mutaret intellectum ejus, aut ne scilicet deciperet animam illius*, alter vero ex evangelio Matthæi cap. 11. dicente Christo, *va tibi Corozain, va tibi Bethsaida, quia si in Tyro & Sidone factæ fuissent virtutes, quæ factæ sunt in vobis, olim in cilicio & cinere penitentiam egissent*. ex his colligunt Deum justo mortem acerbam præmature intulisse quia prævidebat eum si diutius vixisset in peccata gravia lapsurum, & in impenitentia moriturum; quod, inquit, cognovit Deus non in aliquo antecedenti suo decreto, sed in dispositionibus voluntatis justi illius, quem per scientiam suam exploratricem videbat in talibus aut talibus circumstantiis futurum, in quibus gratiæ auxiliis minime consensus a justitia erat vere recessurus. conversio pariter Tyrionum & Sidoniorum juxta ipsos non cognoscebat a Christo in absoluto & antecedenti decreto, sed in attemperazione auxiliorum cum præparatione voluntatis eorum, qui in talibus positi fuissent circumstantiis ut Christo prædicanti credidissent, si apud eos factæ fuissent virtutes quæ apud Corozaitas & Bethsaiditas factæ sunt, consensum præbituri gratiæ quam inefficacem pro arbitrio isti non consentientes reddidere, remque sic necessario se habere volunt, ne frustranea atque etiam iniqua videantur increpatio Christi, Judæos ob incredulitatem & impenitentiam objurgantis. legitima enim, inquit, fuisset Judæorum excusatio, qui in absolutum & antecedens Dei decretum, cui annexa fuisset collatio gratiæ effectum necessarium producentis, Tyrionum & Sidoniorum conversionem conditionate futuram refundere potuisset, cum pro ipsis Judæis non fuisset idem ex parte Dei decretum absolutum & antecedens, nec eadem gratia, effectum sibi necessario connexum habenti, fuissent adjuti. Siquidem ut justa ac seria reputari possit reprehensio unius præ alio, debet esse par ac eadem utriusque conditio, non dissimilia subministrari debent auxilia, sed æqualia sint uni & alteri præparata salutis media necessum est. cum ergo, inquit, Christi objurgatio in Judæos seria & justa non possit existimari, nisi supposita Dei prævisione, per viam scientiæ mediæ quid in his vel iis circumstantiis si omnes essent cum auxiliis suæ voluntatis dispositionibus congruenter accommodatis operaturi intelligentis, hæc tamquam Scripturis Sacris consona debet admitti.

Verum quidquid fabulentur Scientiam mediam tuentes, ipsis minime favent hæc duo Scripturæ testimonia, quæ, si bene intelligantur, ostendunt potius conditionatorum scientiam in Deo esse ab antecedenti decreto dependentem, ac primo ad textum desumptum, ex libro Sapientiæ quod spectat, per ipsum aperte constat præmaturam mortem justi, de quo agitur, nullam habere

habere aliam causam quam antecedentem & absolutam simulque efficacem voluntatem Dei illum ad gloriam ab æterno nulla habita ratione meritorum prædestinantem, ad cujus decreti executionem rapitur priusquam intellectum ejus malitia mutet, aut illius animam ficio decipiat. & juxta hunc sensum hæc Scripturæ verba semper intelligit Augustinus, quem magisquam Molinæ sectatores audire juvant. Hinc iusti hujus mortem in occulta Dei judicia secundum suæ voluntatis consilium cuncta disponentis esse refundendam asserit lib. de grat. & libero arbit. cap. 25. his verbis: *ad occulta Dei judicia revocate quando videtis in una causa, quam certe habent omnes parvuli, bædēt. taurum malum trahentes ex Adam, huic subveniri ut baptizetur, illi non subveniri ut in ipsa obligatione moriatur: illum baptizatum in hac vita relinqui, quem præcivit Deus impium futurum: istum vero rapi ex hac vita ne malitia mutet intellectum ejus: & in istis nolite dare injustitiam, vel insipientiam Deo, apud quem justitia fons est & sapientia.* Idque contra eosdem Pelagianos rursus statuit Sanctus Doctor sic loquens lib. de correp. & grat. cap. 8. *Respondent, si possunt, cur illos Deus cum fideliter & pie viverent, non tunc de hujus vita periculis rapuit, ne malitia mutaret intellectum eorum, & ne ficio deciperet animas eorum. utrum hoc in potestate non habuit, an eorum mala futura nescivit? Nempe nihil horum nisi perverissime atque insanissime dicitur. cur ergo non fecit? Respondent qui nos irrident, quando in rebus talibus exclamamus, quam inscrutabilia sunt judicia ejus, & investigabiles viæ ejus? Neque enim hoc non donat Deus quibus voluerit. aut vero scriptura illa mentitur, quæ de morte veluti immatura hominis iusti ait: *raptus est ne malitia mutaret intellectum ejus, aut ne ficio deciperet animam ejus.* Cur igitur hoc tam magnum beneficium aliis dat, aliis non dat Deus? quis autem ex his Augustini verbis non intelligit ad absolutum & antecedens Dei decretum esse recurendum, ut misericordix quam iusto huic exhibuit, ratio vera inveniatur? quid enim aliud inenuntat occulta Dei judicia per quæ electis seu vocatis secundum propositum efficaciter providetur, quam absolutam divinæ voluntatis determinationem ipsis ex antecedenti decreto media efficacia ad salutem misericorditer præparant?*

Nec ullo modo verum est in sententia, Sancti Doctoris Deum rapuisse iustum quia præciebat eum, si viveret, in peccata lapsurum, ratione circumstantialium in quibus positus ex voluntatis suæ dispositionibus, casum & inefficax gratiæ auxilium reddidisset. peccata illius neque divinæ gratiæ inefficacitate nec absolute, nec conditionate Deum præcivisse asserit Augustinus lib. de prædest. Sanct. cap. 14 sic loquens: *Raptus est, ne malitia mutaret intellectum ejus.* Dicitur enim secundum pericula vitæ hujus, non secundum præscientiam Dei, qui hoc præcivit quod futurum erat, non quod futurum non erat: id est quod ex mortem immaturam fuerat largiturus, ut temptationum subtraheretur incerto; non quod peccaturus esset, qui mansurus in tentatione non esset. Id autem sic evenisse ut temptationum hujus vitæ periculis subtraheretur, ex absoluto divinæ voluntatis decreto scientiam conditionatam antecedente, insinuat Hipponeus hæc addens. *Sed quare aliis concedatur, ut ex*

hujus vite periculis, dum iusti sunt, auferantur; alii vero iusti donec a iustitia cadant, in eisdem periculis vita productiore teneantur; quis cognovit sensum Domini? ex quibus intelligitur Deum id solum præcisse certo & infallibiliter, quod erat futurum absolute, nempe iustum esse rapiendum ex hac vita periculosa peccatis obnoxia; lapsum vero ejus si diutius vixisset, nullo modo præcivisse: futura enim conditionata quæ non sunt connexa cum decreto Dei absolute, nullam habent veritatem determinatam; unde illorum cognitio reducit ad scientiam possibilitium, quæ ex ordine possibilitatis minimeeducta, futurorum etiam sub conditione ordinari non accensetur, ideoque ut futura non possunt a Deo præcisci, ex eo quod dato quod præcirentur, falleretur Dei præscientia, quod nequidem potest excogitari.

Quæ de Tyrillis & Sidoniis, quos apud Mathæum & Lucam affirmat Christus fuisse credituros, quovæ certo & constanter asserit Augustinus penituros, si facta apud judæos signa suo tempore apud se fieri vidissent, pro defensione Scientiæ mediæ asserunt adversari, minime ipsis favent. nihil enim jvat recurrere ad congruitatem circumstantiarum ac dispositionum eorum voluntatis cum auxiliis gratiæ, quam ipsi cooperando ex virtute liberi arbitrii efficacem reddidissent, quam inefficacem lecerunt judæi non cooperantes, si in illorum civitatibus prædicasset Christus, signa & virtutes operans apud illos; vana proorsus est hujusmodi expositio, quæ nedum difficultatem non solvit, sed potius auct, siquidem eo redit illa quæstio quam lib. de dono perseverantiæ cap. 9. sibi proposuerat Sanctus Augustinus, cur apud eos tanta miracula facta sint qui videntes ea non fuerant credituri, & apud eos facta non sint qui crederent si viderent? quam quæstionem ut solvat, ad absoluta & antecedentia divini voluntatis decreta semper confugit, dum ad altiora & occulta Dei judicia circa hominum prædestinationem id pertinere affirmat, postquam enim dixit Christum prædicari noluisse Evangelium prioribus sæculis infidelibus quibus erat plenus orbis terrarum, quia eos nec verbis, nec miraculis suis credituros esse præciebat, subiungit, Hæc certe de Tyro & Sidone non possumus dicere, & in eis cognoscimus ad eas causas prædestinationis: hæc divina judicia pertinere. quod expressius adhuc declarat rem indubitanter definiens, facile est quippe, inquit ibid. ut infidelitatem accusamus judæorum de libera voluntate venientem, qui factis apud se tam magnis virtutibus credere noluerunt, quod & Dominus increpans arguit, & dicit, vae tibi Corozain... sed numquid possumus dicere etiam Tyrios & Sidonios talibus apud se virtutibus factis credere noluisse, aut credituros non fuisse si fierent, cum eis ipse Dominus attestetur, quod acturi essent magnæ humilitatis penitentiam, si in eis facta essent divinarum illa signa virtutum? infidelitatem judæorum, sicut & non factas virtutes apud Tyrios & Sidonios ad occultum divini prædestinationis mysterium, tamquam ad veram rationem refert Sanctus Doctor cap. 14. sic loquens. in massa perditionis relictæ sunt Tyrii & Sidonii, qui etiam credere potuerunt, si mira illa Christi signa vidissent. sed quoniam ut crederent non erat eis datum, etiam unde crederent est negatum. ex quo apparet habere quosdam in ipso ingenio divinum naturaliter minus intelligentiæ, quo moveatur ad fidem, si congrua suis mentibus vel audiant verba, vel

vel signa conspiciant; & tamen si Dei altiore iudicio, a perditionis massa non sunt gratiæ prædestinatione discreti, nec ipsa eis adhibentur vel dicta divina, vel facta, per quæ possent credere, si audirent utique talia vel viderent. in eadem perditionis massa relictæ sunt etiam iudæi, qui non potuerunt credere factis in conspectu suo tam magnis clarisque virtutibus. Cur enim non poterant credere, non tacuit Evangelium dicens, "cum autem tanta signa fecisset coram eis, non crediderunt," in eum, ut sermo Isaiæ Prophetæ impleretur, quem dixit, Domine, "quis credidit auditui nostro, & brachium Domini cui revelatum est? & ideo non poterant credere, quia iterum dixit Isaias. excæcavit oculos eorum, & induravit cor illorum, ut non videant oculis, nec intelligant corde & convertantur, & sanem illos." Joan. cap. 12. Non erant ergo sic excæcati oculi, nec sic induratum cor Tyriorum & Sidoniorum: quoniam credidissent, si qualia viderunt isti signa vidissent. Sed nec illis profuit quod poterant credere, quia prædestinati non erant ab eo, cujus inscrutabilia sunt iudicia, & investigabiles viæ; nec ipsis obsuisset quod non poterant credere, si ita prædestinati essent, ut eos cæcos Deus illuminaret, & induratis cor lapideum vellet auferre. ex his Augustini verbis manifestum est non fuisse prævisos credituros in Christum Tyrios & Sidonios nisi essent prædestinati: & nihil ipsis profuit illa congruitas, illudque naturale intelligentiæ munus conditionate prævisum. Hæc igitur ad divina iudicia cum Hipponensi ex doctrina Apostoli sunt revocanda: indeque deducitur conversionem tum iudæorum, tum Tyriorum & Sidoniorum in ordine rerum possibilem remansisse, non verò in ordine futurorum extitisse, cum nullum circa eos fuisset antecedens divinæ voluntatis decretum in quo præciri posset illorum conditionate futura conversio, quæ non erat aliquando futura absolute.

Præterea laudati illi duo Scripturæ textus, si invicem conferantur & expendantur, Scientiæ mediæ adversantur. utrobique ponitur scientia de conditionatis, tam quoad iustum morte præmatura raptum, quam quoad Tyrios & Sidonios. in rapt prævidentur demerita conditionate futura, si diutius vixisset. in Tyriis & Sidoniis merita futura sub conditione, si audirent & viderent. in systemate Scientiæ mediæ voluntas divina electura erat Tyrios & Sidonios quos prævidebat merituros; rejectura vero erat raptum qui prævidebatur demeriturus: contra autem est apud Scripturam; raptus eligitur, Tyrii & Sidonii rejiciuntur. explodendum ergo est illud systema. Scientia mediæ excogitata est ad dirigendam voluntatem divinam, ut secundum illam operans eligat congruos & rejiciat incongruos: non obtinetur tamen ille finis: etenim congrui prævisi per Scientiam mediam Tyrii & Sidonii rejiciuntur: incongrui qualis est iustus raptus, eliguntur. non consonat ergo Scripturæ Sacræ Scientia mediæ.

Quod spectat ad aequitatem increpationis Christi iudæos præ Tyriis oburgantis, nemo est, qui non videat etiam stante Scientia mediæ eandem excusationem habituros esse iudæos de incredulitate sua, quia positi non essent in talibus circumstantiis in quibus per illam scientiam prævidebantur a Deo penitentiam acturi, cum e contra in opportunis illis circumstantiis ad penitentiam

agendam Tyrii fuissent, ex hypotesi quod apud ipsos factæ fuissent virtutes, quæ apud judæos factæ sunt. unde utrobique eadem remanet difficultas; nec umquam vana aut derisoria, sed justa semper & legitima reperitur Christi objurgatio: in culpa enim judæorum est quod salutis mediis usi non sint Christi doctrinæ ac miraculis non credentes; quæ doctrina ipsis nuntiata fuerat, & apud ipsos facta erant illa miracula, ut in Christum credentes converterentur. verum semper est, conversionem judæorum, sicut & conversionem Tyriorum & Sidoniorum, si aliquando futura vere extitisset, non in congruitate sive auxiliorum, sive circumstantiarum, sive dispositionum voluntatis, quæ per scientiam mediam Deum movissent ad illos eligendos, fuisse cognoscendam, sed in determinatione divinæ voluntatis, quæ in hypotesi illorum conversionis aliquando absolute futuræ, ipsis contulisset auxilium efficax hunc conversionem infallibiliter operaturam. consequenter ad absolutum aliquod decretum, ut non obscure insinuant ea quæ ex Divo Augustino mox retulimus; idque propter rationes in præcedentibus adductas quia nihil potest esse futurum absolute vel conditionate, nisi dependenter a decreto Dei conditionato vel absoluto.

II. *Ut prorsus aliena a doctrina S. Augustini, imo & ab ipso repudiata, improbatum Scientia mediæ.*

CUM in iis quæ ad hominum prædestinationem ex parte Dei & ad auxilia divinæ gratiæ spectant, maxima sit Sancti istius Doctoris auctoritas in ecclesia, quæ suam doctrinam in illius scriptis constanter agnovit, quique ad vindicandam adversus Pelagianos & Semipelagianos mysteriorum prædestinationis & gratiæ profunditatem fuit a Deo eorum tempore datus, magnum systemati scientiæ mediæ detrimentum accedit quod scientia illa doctrinæ ipsius contraria ostendatur, & ab eodem prorsus improbatum. sufficiens est eorum quæ hic ostendenda suscipimus manifestationem, argumentum esset Molinae istius scientiæ pene auctoris testimonium, cum in sua concordia fateatur quæ. 23. art. 4. disp. 1. memb. ult. eam fuisse Augustino ignotam, licet deinceps eam se in patribus, atque etiam apud Augustinum invenisse dixerit. estque manifestum adeo sententiæ hujus Sancti Ecclesiæ Patris oppositam esse doctrinam Scientiæ mediæ, ut illud tamquam omnino certum dixerit Cardinalis Bellarminus tom. 4. controversiarum, contr. 3. generali, lib. 1. de grat. & libero arbit. cap. 22. ubi postquam retulit opinionem eorum, qui gratiam efficacem constituunt in assensu & cooperatione humana, ita ut ab eventu dicatur gratia efficax, quia videlicet sortitur effectum; & ideo sortitur effectum, quia voluntas humana cooperatur, & asseruit juxta illos auctores (de propugnandis Scientiam mediam loquitur) in potestate hominis esse, ut gratiam faciat efficacem, quæ alioquin ex se non esset nisi sufficiens, sic concludit. "Hæc opinio aliena omnino est a sententia B. Augustini, & quantum ego existimo a sententia etiam Scripturarum divina. Nam S. Augustinus lib. de prædest. sanct. cap. 8. dicit gratiam effici-
,, fici-

„ficacem videlicet a nullo duro corde respui, quia ipsa cor emollit. ubi vi-
 „des efficaciam tribui gratiæ, non voluntati humane.“ Quam Augustini
 doctrinam, suamque simul probat Bellarminus variis Sacræ Scripturæ locis,
 & subiungit Molinæ sententiam prorsus improbandam: “ Denique hæc opinio
 „evertit omnino fundamentum prædestinationis divinæ, quam S. Augustinus
 „ex divinis litteris solidissime comprobavit. inde enim pendet certitudo,
 „atque infallibilitas prædestinationis, quod electis Deus efficacem gratiam
 „præparavit. “ Ne autem Bellarminum, nosque hujus Sancti Doctoris
 mentem non fuisse affectos aliquis inepte pronunciet, rem maturius per-
 pendamus Augustinum diligentius pervolventes.

Totam rationem prædestinatos a non prædestinatis discernendi poni in
 prævisis hominum futuris operibus bonis & defensoribus Scientiæ mediæ,
 per quam videns Deus quid in talibus circumstantiis facturi essent vocati,
 juxta eorum correspondentiam veniendi & cooperandi, & ex opposito ob non
 correspondentiam & non cooperationem multorum, illos præ illis eligit, ac
 prædestinat per subsequens decretum, omnibus notum est. ab Augustino au-
 tem electorum a non electis discretionem poni in libera & gratuita volun-
 tate Dei miserentis, vocantis, prævenientis, atque trahentis, ita ut pro-
 positum voluntatis divinæ prædestinantis & vocantis antecedit quemcumque
 humanæ libertatis usum, nemo ignorat, nisi Sancti Doctoris lectioni om-
 nimode insuetus. Hunc ergo pluribus in locis hæc de re loquentem audia-
 mus, statimque ipse cum doctrina Scientiæ mediæ e diametro pugnare
 cuilibet innotescet. contra Pelagianos arbitantes electionem quorundam eo-
 rum merita præcedentem personarum acceptionem in Deo arguere, hæc scri-
 bit epist. 194. ad Sixtum presbyterum Romanum, & postea Pontificem,
 cap. 2. *quod autem personarum acceptorem Deum se credere existimant, si cre-
 dant quod sine ullis præcedentibus meritis, cujus vult miseretur, & quos dignatur
 vocat, & quem vult religiosum facit: parum attendunt quod debita reddatur pœna
 damnato, indebita gratia liberato, ut nec ille se indignum queratur, nec dignum
 se iste gloriatur; atque ibi potius acceptionem nullam fieri personarum, ubi una
 eademque massa damnationis involvit, ut liberatus de non liberato discat, quod
 etiam sibi supplicium conveniret, nisi gratia subveniret. si autem gratia, utique
 nullis meritis reddita, sed gratuita bonitate donata. quibus verbis offendi Hip-
 ponensis in quorundam ab aliis discretionem elucere simul occultam Dei ju-
 stitiam quæ illum punit, & magnam ejus misericordiam quæ hunc liberat,
 demonstrans iram in vasa quæ sunt in perditionem: & notas faciens diviti-
 as gloriæ suæ in vasa misericordiæ, ut loquitur Apostolus. Deinde subdit:
 quia universa ista massa merito damnata est, contumeliam debitam reddit justitia,
 bonorem donat indebitum gratia, non meriti prærogativa, non sati necessitate, non
 temeritate fortunæ; sed altitudine divitiarum sapientiæ & scientiæ Dei, quam non
 aperit, sed clausam miratur Apostolus, clamans, o altitudo, &c. Nullam ibi
 humanæ libertatis usum commemorat Augustinus, prædestinationem electo-
 rum in antecedenti divinæ voluntatis proposito reponens.*

Nec autem hanc electionem in præscientiam futurorum quodam modo re-
 fun-

fundendi ansam etiam levissimam Pelagianis relinquit, illorum occurrit objectionibus hæc addens cap. 3. Num. 12. *Et ne quisquam existimaret credentes sic ad ejus præscientiam pertinere, quomodo non credentes, id est ut non eis fides ipsa desuper daretur, sed tantummodo voluntas eorum præferretur, mox adiecit atque ait, Et dicebat (Christus) propterea dixi vobis, quia nemo potest venire ad me, nisi fuerit ei datum a patre meo.* Pelagianos deinde urgens quoddamque eis effugium occcludit, & prosequitur his verbis cap. 7. Num. 31. *verum isti, qui personarum acceptorem fieri existimant Deum, si una eademque causa super alios veniat Misericordia ejus, super alios vero maneat ira ejus, nempe totas vires argumentationis humana in parvulis perdit... quam quæso allaturi sunt causam quod alius sic gubernatur ut baptizatus hinc exeat, alius infidelium manibus traditus, vel etiam fidelium prius quam ab eis baptizandus offeratur, expirat? An hoc fato vel fortuna daturi sunt?... (Num. 32.) quid hic dicturi sunt, qui ut gratia dari possit, nonnulla præcedere merita humana contendunt, ne sit personarum acceptor Deus? que tandem hic merita præcesserunt? Si eorundem cogitaveris parvulorum, nulla sunt propria, utrique est illa massa communis. multis hic interpositis parvulos istos nihil meritis vel demeritis fuisse ostendentibus, ut unus eligeretur altero derelicto, fortius illos premit Sanctus Doctor eorumque fuisse effugium irridet cap. 8. qui sunt isti qui respondeant Deo, quandoquidem illo Rebecca habenti geminos ex uno concubitu Isaac patrisistri cum, illi nondum nati nihil egissent boni vel mali, ut secundum electionem propositum ejus maneret, electionem scilicet gratia, non debiti, electionem qua eligendos facit ipse non invenit; non ex operibus, sed ex vocante dicit, minori servitutum esse majorem... quid enim diligebat in Jacob antequam natus fecisset aliquid boni, nisi gratuitum misericordia sua donum? Et quid oderat in Esau antequam natus fecisset aliquid mali, nisi originale peccatum? Nam neque in illo diligeret iustitiam, quam nullam ille fecerat; neque in isto odisset naturam quam bonam ipse fecerat. Mirum est autem cum his coarctantur angustii, in quanta se abrupta præcipient metuentes retia veritatis. Ideo, inquit, nondum natorum alium oderat, alium diligebat quia eorum futura opera prævidebat. quis istum acutissimum sensum defuisse Apostolo non miremur? Hoc quippe ille non vidit, quando sibi velut adversantis objecta questione, non id potius tam brevæ, tam apertum, tam, sicut isti putant, verum absolutumque respondit. Cum enim rem stupendam proposuisset, quomodo de nondum natis, nec aliquid agentibus boni aut mali recte dici potuerit, quod unum Deus dilexerit, alium odio haberit, ipsa sibi objecta questione motum exprimens auditoris, quid ergo dicemus, inquit, numquid iniquitas apud Deum? absit. Hic ergo erat locus, ut diceret quod isti sentiunt, futura enim Deus opera prævidebat, quando minori majorem servitutum esse dicebat. Non autem hoc Apostolus dicit, sed potius ne quisquam de suorum operum audeat meritis gloriarì, ad Dei gratiam & gloriam commendandam voluit valere quod dixit, cum enim dixisset, absit ut iniquitas sit apud Deum... Moysi enim dicit, inquit, miserebor cujus misertus ero, & misericordiam præstabo cui misericors fuero. Igitur non volentis neque currentis, sed miserentis est Dei. ubi nunc merita, ubi opera, vel præterita vel futura tanquam liberi arbitrii viribus adimpleta vel adim-*

plen.

plenda? Nonne apertam protulit Apostolus de gratuita gratiæ, hoc est veræ gratiæ, commendatione sententiam? Nonne stultam fecit Deus hereticorum sapientiam? hæc audiant, hæc legant, hæc meditentur qui Scientiam mediam propugnant, seque ab Augustini doctrina prorsus alienos agnoscant. alia quedam ejusdem Doctoris adiciamus testimonia ex innumeris quæ laudari possent, ut quam proposuimus sententiam, veram & constantem esse ipsius doctrinam plene intelligatur.

Egregia sunt quæ habet lib. 14. de civit. cap. 26. omnipotenti Deo, inquit, Summo ac summo bono creatori omnium naturarum, voluntatum autem bonarum adjutori & remuneratori, malarum autem relictori & damnatori, utrumque ordinatori, non desuit utique consilium, quo certum numerum civium in sua sapientia prædestinatum etiam ex damnato genere humano sua civitatis implet; non eos jam meritis, quando quidem universa massa tamquam in vitata radice damnata est, sed gratia discernens; & liberatis non solum de ipsis, verum etiam de non liberatis, quid eis largiatur, ostendens. Non ex usu prævisio libertatis, sed ex gratuito liberantis beneficio provenit liberatio. lib. 2. contra duas epistolas Pelagianorum cap. 7. cum secundum Dei propositum vocatur alius, alius non vocato datur gratuitum bonum, cujus boni est vocatio ipsa principium; non vocato redditur malum, quia omnes rei sunt ex eo, quod per unum hominem peccatum intravit in mundum. & infra compellens Pelagianos ait: profecto despicitis, qui dicente veritate, non ex operibus, sed ex vocante dictum est; vos dicitis, ex futuris operibus, quæ Deus illum facturum esse præsciebat, Jacob fuisse dilectum: atque ita contradicitis Apostolo dicenti, non ex operibus: quasi non posset dicere, non ex præsentibus, sed futuris operibus: sed ait, non ex operibus, ut gratiam commendaret. & ejusdem libri cap. 10. de Pelagianis quos impugnât loquens ait: putant fortasse ita dimisse Apostolum: scimus quia diligentibus Deum omnia cooperantur in bonum, iis qui secundum propositum vocati sunt, ut propositum hominis vellet intelligi, quod propositum tamquam bonum meritum sequatur misericordia vocantis Dei: ignorantibus ideo dictum esse, qui secundum propositum vocati sunt, ut Dei, non hominis propositum intelligatur, quo eo quos præscivit & prædestinavit conformes Imaginis Filii sui, elegit ante mundi constitutionem. Non enim omnes vocati, secundum propositum sunt vocati: quoniam multi vocati, pauci electi. ipsi ergo secundum propositum vocati, qui electi ante constitutionem mundi. quis non videt in cunctis Augustini textibus totam electionis rationem ad Dei propositum antecedens quamlibet operum prævisionem revocari?

Omnem bonæ voluntatis in homine præparationem quam in illa præscit Deus, esse ipsius Dei beneficium, hanc bonam voluntatem operantis per efficacem suam gratiam, ideoque humanam voluntatem de se non præsciri congruam, sed ex Dei voluntate & proposito præparatam fieri & congruam ostendens lib. 4. cap. 6. Sanctus Doctor, nullum omnino Scientiæ mediæ relinquit locum, quæ voluntates hominum supponit aptas, flexibiles, & congruas ad gratiam recipiendam; illas e contra reluctantes ponit Augustinus, proindeque a congruis ac preparatis longe diversas; & illas docet juvari &

con-

converti a Domino pro sua misericordia. quomodo est hominis bonum propositum, inquit, sine miserante prius Domino, cum ipsa sit bona voluntas qua preparatur a Domino?... reluctanti enim prius divinae vocationis ipsa Dei gratia procuratur, ac deinde in illo jam non reluctante studium virtutis accenditur. verumtamen in omnibus quae quisque agit secundum Deum, misericordia ejus praevenit eum. Deinde quærentibus Pelagianis quare alios eligat Deus, alios vero derelinquat, ipsis ut sæpius fecerat respondet per hæc Apostoli verba, o homo tu quis es, ut respondeas Deo?... quis enim cognovit sensum Domini?... aut quis prior dedit illi, & retribuetur ei? postea subdit Sanctus Doctor, non itaque istam scrutari audeant inscrutabilem questionem, qui meritum ante gratiam, & ideo jam contra gratiam defendentes, priores volunt dare Deo, ut retribuaturs eis; priores utique dare quodlibet ex libero arbitrio, ut sit gratia retribuenda pro premio... Cur autem iste accipiat, ille non accipiat, cum ambo non mereantur accipere, & quisquis eorum acceperit, indebite accipiat, vires suas metiantur, & fortiora se non scrutentur. Libri omnes adversus Pelagianos vel Semipelagianos ab Augustino scripti abundant Sententiis Scientiam medicam funditus evertentibus, utpote quæ gratiam per se efficacem & prædestinationem antecedentem cujuscunque meriti prævisionem statuentibus, a quibus omnimode recedit scientia media.

Verum contendunt Scientiæ mediæ defensores se cum Augustino minime pugnare, illum potuisse habere patronum gloriantur, ex eo quod vocationem congruam ille admittat, & rationem propositi in quo est electio & prædestinatio, reponat in præscientia ejus qui crediturus est, ac secururus vocationem; quæ præscientia conditionata est juxta Augustinum, inquitur, & antecedit propositum seu decretum Dei prædestinantis. unde ut a se repellant hanc quam ostendimus scientiæ mediæ systema habere cum Augustini doctrina oppositionem, nonnulla afferunt ex illo Sancto Doctore specie tenus sibi faventia, quæ si contra ipsos solverimus, quod susceperamus ostendendum magis ac magis confirmabitur.

Opponunt 1. convincens & efficax ut arbitrantur, testimonium rem totam continens, desumptum ex libro primo ad Simplicianum, quæst. 2. Augustino sic loquente. Si vocationis ista, ita est effectrix bonæ voluntatis, ut omnis eam vocatus sequatur, quomodo verum erit, multi vocati, pauci electi? quod si verum est, & non consequenter vocationi vocatus obtemperat, atque ut non obtemperet in ejus est propositum voluntate, recte etiam dici potest. igitur non miserentis Dei, sed volentis atque currentis est hominis: quia misericordia vocantis non sufficit, nisi vocati obedientia consequatur. An forte illi qui hoc modo vocati non consentiunt, possent alio modo vocati accommodare fidei voluntatem, ut & illud verum sit, multi vocati, pauci electi; ut quoniam multi uno modo vocati sint, tamen quia non omnes uno modo affecti sunt, illi soli sequantur vocationem, qui ei capiendi reperiuntur idonei; & illud non minus verum sit, igitur non volentis neque currentis sed miserentis est Dei, qui hoc modo vocavit, quomodo aptum erat eis qui secuti sunt vocationem? ad aliquem autem vocationi quidem pervenit: sed quia talis fuit quæ moveri non possent, nec eam capere apti essent, vocati quidem dici poterant, sed non electi: & non jam
simi-

familiter verum est, igitur non misereris Dei, sed volentis atque currentis est hominis: quoniam non potest effectus misericordia Dei esse in hominis potestate, nil ille frustra misereatur, si homo nolit; quia si vellet etiam ipsorum miseri, posset ita vocare, quomodo illis aptum esset, ut & moverentur, & intelligerent, & sequerentur. Verum est ergo multi vocati, pauci electi. illi enim electi, qui congruenter vocati, illi autem qui non congruebant, neque contemperabantur vocationi, non electi, quia non secuti, quamvis vocati. item verum est, non volentis, neque currentis, sed misereris est Dei: quia etiam si multos vocet eorum tamen misereatur, quos ita vocat, quomodo eis vocari aptum est ut sequantur. falsum est autem si quis dicit, igitur non misereris Dei, sed volentis atque currentis est hominis: quia nullius Deus frustra misereatur; cuius autem misereatur, si eum vocat, quomodo scit ei congruere, ut vocantem non respuit. Nonne, inquit, meditare, hæc Sancti Augustini verba manifestant ipsum voluisse in congruitate vocationis quæ præscientiam attemperationis meritorum cum voluntate eorum qui vocantur supponit, fundari electorum prædestinationem, ad quam non pertinet reprobi, qui hac vocatione congrua non sunt vocati. quod confirmatur ex iis quæ sequuntur, ubi postquam quæstionem sibi proposuit his verbis; hic dicit aliquis, cur ergo Esau non sic est vocatus ut vellet obedire? nonnullis interjectis exemplis subiungit: quis audeat dicere desuisse Deo modum vocandi, quia etiam Esau ad eam fidem mentem applicaret voluntatemque conjungeret, in qua Jacob iustificatus est? . . . quis dicat modum, quo ei persuaderetur ut crederet, etiam Omnipotens desuisse? Cum igitur eo loci tota ratio eligendi unum præ alio sit congruitas vocationis voluntati prædestinati accommodatæ, sententia scientiam mediam propugnans non est doctrinæ Divi Augustini contraria.

Resp. Inter ea quæ suo systemati de scientia media apud Augustinum sibi favere arbitrantur congruunt & Molinistæ, mox laudatum testimonium proferunt, velut omnia adversariorum tela insuperabiliter retundens, non advertentes se valde allucinari, cum eadem arma quæ victricia ab ipsis reputantur, in ipsos efficaciter vertantur. enimvero circa Sancti Doctoris mentem in iis quæ ad Simplicianum scribit errore non remittendo labuntur, pro ipsa Augustini Sententia habentes, ea quæ ex aliorum loquebatur opinione, mox ab ipso viriliter confutanda. quod ut ostendamus advertendum est, ut optime observavit doctissimus Macedo noster, in Sancti Doctoris Operum editione versatissimus, Augustinum in prima hujus quæstionis parte, ab his verbis, unde occurrit animo quævere, cur dixerit, ut secundum electionem propositum Dei maneret? Disputantem de prædestinatione, & difficiles humano intellectui quæstiones moventem, partes agere liberi arbitrii, pro gratia pugnantium in secunda ejusdem quæstionis parte, ab illis verbis, sed quid hoc querimus? cum ipse subiungat Apostolus. Cum naturalis ratio, vel potius humana superbia, gratuitam prædestinationem ab omni meritorum prævisione independentem non facile intelligat, multaque sint Scripturæ testimonia electionem ex pura Dei misericordia comprobantia, querit Augustinus, cur ad Esau non pervenerit ea misericordia, quæ ad illum perveniente salvare-

tur, sicuti Jacob a Deo dilectus; tuncque ad vocationem recurrens, & hunc locum Matthæi, *multi vocati, pauci electi*, exponens, varios vocandi modos inquit, juxta quos varie accipit illam Sententiam, *igitur non volens, neque currentis, sed miserentis est Deus*: & quisnam sit verus illorum verborum sensus explorat.

Hinc pro arbitrio humano veluti certans Sanctus Doctor, congruus illas vocationes accommodatas arbitrio eorum qui a Deo vocabuntur quomodo eis erat aptum ut vocarentur, commemorat, & discretionem inter eos qui vocati obediunt, & eos qui vocati non obediunt, repetit ex eo quod licet uno modo vocati, cum diversimode sint affecti, illi vocationem sequuntur, qui ei capiendæ reperiuntur idonei, alii non sequuntur quia apti non erant & idonei dum fuere vocati; indeque tota ratio discernendi erat horum cooperatio. Hæc ex propria sententia minime proponens in illa quæstionis hujus parte prima Augustinus, causam agit liberi arbitrii, in qua ratio divinæ electionis nititur voluntate humana, ex cujus obedientia, aut inobedientia sumitur discretio, explorante Deo, & expectante quid vocatus sit acturus, ut eligatur vel relinquatur: quo posito aptitudo & idoneitas ad veniendum vocationi consentiendo, non est præcedentis electionis effectus, sed electionem antecedit, cum illi eligantur ex prævisione meritum, nempe ob obedientiam dum vocati sequuntur. His omnibus in gratiam liberi arbitrii ab Augustino disputante propositis argumentis, quæ cum profundissimo prædestinationis antecedentis mysterio, ac libera Dei & omnino gratuita electione non concordant, decepti, qui adversus gratuitam Dei misericordiam erga suos electos pro humanæ voluntatis arbitrio veluti armati adhuc decertant, a veteribus divinæ gratiæ hostibus non longe fatis recedentes, commentitiæ suæ scientiæ mediæ sufficientia reperire arbitrantur fundamenta in illo ad Simplicianum libro, ab hallucinatione sua certissime revocandi, si Augustinum in secunda ejusdem quæstionis parte pro divina gratia efficaciter pugnantem, quæcumque in prima propulerat in favorem liberi arbitrii ex aliena opinione, funditus evertere advertissent.

In hac autem secunda parte omnem meritum prævisionem in electione removet, illam prorsus gratuitam & ex sola Dei miserentis gratia proficiscentem ostendens: idque non cursim aut incidenter, sed data opera & a primis istis verbis, *sed quid hoc quarimus?* ad finem usque libri, ex propria sententia loquens, non aliam divinæ prædestinationis causam agnoscit, quam liberam & absolutam Dei voluntatem, cui nemo resistit, & juxta cujus beneplacitum quorundam miseretur, nulla distinctione meritum; interutabilia ipsius judicia, vique ejus investigabiles cum Apostolo admirat, nullam affirmans in Deo esse injustitiam, quod misereatur cujus vult, & inducet quem vult: quodque fixum atque immobile esse vult in mente sobria pietate atque stabili in fide. eorum vero, quibus probata fatis non apparent hæc Dei judicia, pro nutu suæ voluntatis unum ab alio discernentis, occurrens quæstioni Sanctus Doctor, respondet cum eodem Apostolo, *O homo, tu quis es qui respondeas Deo? Nunquid dicis figmentum ei qui se finxit,*
quare

quare me fecisti sic? aut non habet potestatem figulus luti, ex eadem conspersione facere aliud quidem vas in honorem, aliud in contumeliam? quibus verbis Pauli retunditur, inquit, hujus impudentia questionis. & ne ambigatur de ipsius mente circa gratuitam omnimodam divinæ electionis a qua omnem antecedentis meriti radicem præcidit, ut nonnisi in Domino gloriari possit qui gloriatur, exemplum conversionis ejusdem Apostoli adducit, sicut superius attulerat exemplum Pharaonis, ut ostendat verum esse quod ait Paulus: *ergo ejus vult miseretur & quem vult odorat.* & postquam plura in confirmationem suæ sententiæ disseruit, facturus dicendi finem resumit sic loquens: *& tamen quid dicemus? Numquid iniquitas est apud Deum exigentem a quo placeat, dñantem cui placeat? qui nequaquam exigit indebitum, nequaquam donat alienum. Numquid iniquitas est apud Deum? absit. quare tamen huic ita, & huic non ita? O homo, tu quis es? Debitum si non reddis, habes quod gratuleris: Si reddis, non habes quod queraris. credamus tantum esse capere non valemus.* & ea omnia quæ loquitur eo loci Augustinus in favorem gratiæ prædestinationis efficacia adeo reputavit, ut cuncta quæ pro libero humanæ voluntatis arbitrio disputaverat parte præcedenti, nulla, vel potius inanitia judicaverit, per eum vincente Dei gratia.

Nec id a nobis pro arbitrio excogitatum quis existimet, proindeque ex illo ad Simplicianum libro efficaciter argumentari defensores scientiæ mediæ, divinam vocatorum electionem ex usu prævisio bene operaturæ voluntatis statuantes: hunc enim solvendæ adversariorum oppositionis modum ex illorum hallucinatione ipse Augustinus nobis subministravit lib. 2. retract. cap. 1. ubi commemorans suos libros ad Simplicianum, meminit secundæ istius questionis juxta expositionem mox a nobis datam, his verbis. *in ejus questionis solutione laboratum est quidem pro libero arbitrio voluntatis humane, sed vixit Dei gratia: nec nisi ad illud potuit perveniri, ut liquidissima veritate dixisse intelligatur Apostolus, quis enim se discernit? quid autem habes quod non accepisti? Si autem accepisti quid gloriaris quasi non acceperis? quod volens etiam Martyr Cyprianus ostendere, hoc totum ipso titulo definivit dicens, in nullo gloriantium, quando nostrum nihil est. ubi notanda sunt, hæc verba, laboratum est pro libero arbitrio voluntatis humane: quidquid ipsi favere poterat ut in illud quadamtenus refunderetur vocatorum electio, fundata in prævisione cooperationis humanæ voluntatis pro nutu vocationi divinæ consentientis vel non consentientis, adduxerat Sanctus Doctor in prima questionis hujus parte, ad quam referuntur laudata verba, per quæ non obscure insinuat se contra propriam sententiam fuisse locutum, & ideo multum in disputando laborasse: sed vanum & irritum ejus laborem reddidit Dei gratia, qua adjuvante, gratuiam prædestinationem fundatam in absoluto divinæ voluntatis Decreto, ejusque proposito antecedenti omnem posthorum meritum prævisionem, ex Doctrina Apostoli defendens juxta proprium sensum, victoriam reportavit de iis quæ ex aliena opinione certans dixerat; idque vere significant hæc alia ejus verba, sed vixit Dei gratia: quæ ad secundam questionis partem spectant ut merito observavimus. quibus attente in legendo & relegendo illo ad Simpli-*

cianum libro perpenſis ad nihilum redigitur defenſorum ſcientiæ mediæ oppoſitio, cui certiffime nullas addunt vires, qui ad eam ſolvendam diſtingunt inter electionem conſequentem & antecedentem; inter prædeſtinationem ad gloriam & prædeſtinationem ad gratiam, ambigentes & incerti, de qua loquitur ibi Auguſtinus: quæ licet diſtinctio ſæpe admittenda & certa, locum tamen non habet in laudato teſtimonio, utpoſe cum textum, vel potius quæſtionem ex Apoſtolo tractans ibi Sanctus Doctör, diſerte loquitur de prædeſtinatione ad gloriam, quam vult abſolute eſſe ex gratuita miſericordia, nullum habente reſpectum ad merita hominum quorum præviſionem antecedit, ut attente meditantibus cujque, & totum Auguſtini ratiocinium ponderanti fiet compertum.

Idque eo facilius, ſi noverint quanti fecerit ipſe Auguſtinus judicium quod illo duce mox tulimus, ad illud ſe remittens, & locum iſtum ſecundi libri retractationum producens lib. de prædeſt. Sancti. cap. 4. & lib. de dono perſever. cap. 21. adducens eundem primum librum ad Simplicianum quæſt. 2. & dicens nihil ibi remanſiſſe quo vocetur in dubium gratiam Dei non ſecundum merita noſtra dari, & conſequenter elucere, etiam non ſit expreſſum, etiam uſque in finem perſeverantiam non ſi ab eo donari, qui nos prædeſtinavit in ſuum regnum & gloriam. Hanc autem prædeſtinationem, quam comitatur illa uſque in finem perſeverantia, quæque vera eſt Sanctorum prædeſtinatio, eſſe in conſtanti Auguſtini doctrina independentem a meritorum præviſione. illamque omnimode antecedere, ſumus infra offenſuri, de illa ſeſſione ſequenti ex proſeſſo tractaturi, hanc ut certam pro nunc ſupponentes, mediſtis & congruitis hic relinquentes examinare quanti valeat præſens eorum oppoſitio, & quo jure totum ſuum eſſe Auguſtinum in præſentibus valeant ſidenter affirmare.

Opponunt 2. Exponens Sanctus Doctör quamplures propoſitiones ex Episto-la ad Romanos num. 55. ſuper hæc verba Apoſtoli cap. 8. *quos vocavit, ipſos & juſtificavit*, hæc habet: *non omnes qui vocati ſunt, ſecundum propoſitum vocati ſunt: hoc enim propoſitum ad præſcientiam & ad prædeſtinationem Dei pertinet; nec prædeſtinavit aliquem, niſi quem præſciſſis crediturum, & ſecurum vocationem ſuam, quos & electos dicit.* unde legitime concluditur præſcientiam eſſe cauſam prædeſtinationis, quæ cooperationem vocati ejulque merita præſupponit in doctrina Auguſtini.

Reſp. Illud nobis opponere teſtimonium quid juvat adverſarios, quod nullus in re de qua agitur eſſe ponderis, ſi Auguſtinum norint, non poſſunt ignorare? enim vero illam verborum Pauli expoſitionem quæ Pelagianorum errorem ſapit, a quo non erat dum hanc ſcriberet totaliter alienus, emendaſſe & retractaſſe Sanctum Doctorem cui non eſt compertum? ſi ut minus recta, & fidei catholicæ parum conſona correctæ hæc ſunt, tamquam dicta a presbytero de gratiæ Chriſti myſteriis inſufficienter adhuc inſtructo, quomodo poſſunt laudari velut in nos militantis? ipſe ergo pro nobis reſpondeat Auguſtinus, illumque hujusmodi delumbantem cavillationes mediſtæ ac congruiſſe cernentes operiantur conſuſione ſua. *Diſputans quid elegerit Deus*

in nondum nato, cui dixit *serviuturum esse majorem . . .* ad hoc perduxit rationationem, ut dicerem, non ergo elegit Deus opera cuiusquam in *præscientia*, quæ ipse daturus est: sed fidem elegit in *præscientia*, ut quem sibi crediturum esse præscivit ipsum elegerit cui Spiritum Sanctum daret, ut bona operando etiam vitam æternam consequeretur. Nondum diligentius quæsieram, nec adhuc inveneram qualis sit electio gratiæ . . . quæ utique non est gratia, si eam merita ulla præcedat, & infra: sed parum de ipsa vocatione disserui, quæ sit secundum *propositum Dei*: non enim omnium qui vocantur talis est, sed tantum electorum . . . quamvis minus diligenter ibi de illa, quæ per Dei *propositum* sit, vocatione traſſaverim. Hæc ille lib. 1. retract. cap. 23. cujus initium capituli est: Cum presbyter adhuc essem, contigit ut apud carthaginem inter nos qui simul eramus, ad Romanos Apostoli Epistola legeretur: & quadam interrogabar a fratribus: quibus cum sicut poteram, responderem, &c.

Opponunt 3. Sanctus Augustinus lib. 83. quæst. 68. indicat discretionem quorundam ab aliis quæ sit a Deo per electionem, niti meritis humani arbitrii antecedenter prævisis per scientiam conditionariam, merita oculiſſima invenientem in discernendis & prædestinandis: sic enim habet num. 4. *proprus* cujus vult miseretur, & quem vult obdurat: sed hæc voluntas Dei iniusta esse non potest. venit enim de oculiſſimis meritis: quia & ipsi peccatores cum propter generale peccatum unam massam fecerint, non tamen nulla est inter illos diversitas. præcedit ergo aliquid in peccatoribus, quo quævis nondum sint iustificati, digni efficiantur iustificatione; & item præcedit in aliis peccatoribus quo digni sint obſuſione & num. 5. sed Deus non miseretur qui ad pacem vocat, nisi voluntas præſſerit . . . vocatio ergo ante meritum voluntatem operatur.

Resp. Licet dici posset eo loci nullam de præſcientia fieri mentionem, cum tamen a defensoribus scientiæ mediæ ab Augustino illam supponi iudicetur, de ea litem hic non movebimus, alio modo soluturi difficultatem eo graviorem, quo ab ejus communi doctrina de discretionem prædestinatorum a reprobis in massa damnata existentibus magis distare videtur. dicendum ergo loco mox laudato merita illa quæ commemorantur non præcedere prædestinationem veluti ipsius aliqua ex parte causam, sed illam subsequi tamquam ipsius effectum. unde advertendum merita hæc oculiſſima, quibus iustificantur in executione & salvantur qui iustificati sunt, fuisse illis a Deo per prædestinationem in intentione præparata. eodem enim tempore quo ad gloriam nonnullos ex massa damnationis per electionem separat nulla habita ratione futurorum meritorum, illos prædestinat ad gratiam per quam illis in intentione præparat futura merita in tempore executioni mandanda. Siquidem quantumvis gratuita sit ex parte Dei Sanctorum prædestinatio, quam juxta infra dicenda supponimus ex absoluto & antecedenti divini voluntatis decreto, ut jam satis insinuant quæ huc usque diximus, tamen istiſſi gratiæ electionis fructum non consequentur, vel effectum non obtinebunt electi, nisi merita ex eorum parte accesserint. præparantur autem iis hæc merita in intentione Dei per decretum ejus absolutum vel conditionatum juxta exigentiam, de illis danda gratia efficaci eorum merita per se operantur, præben-

bendo vires, ut loquitur Augustinus, efficacissimas voluntati. per illa merita sic preparata quæ sunt bona miserentis Dei qui subvenit, cum bonum velle operatur. in nobis, peccatores nondum iustificati efficiuntur digni justificatione; & iustificati recte vivunt ut æternam salutem consequantur. illam merendo per bona opera quæ faciunt; idque non ex ipsis tamquam ex ipsis, sed ex Dei gratia quæ illis subministratur consequenter ad vocantem misericordiam: atque ex illis occultissimis meritis misericorditer a Deo destinatis oritur diversitas illa quæ est inter peccatores, qui cum omnes fuerint in massa damnata æqualiter peccatores, alii ab illa separantur sine ullis bonis meritis, adepturi in tempore merita ipsis preparata; alii non separantur, & male vivunt, a Deo recedentes per peccata; quæ sunt in illis id quod præcedit quo digni sint obtusione. sicque semper verum est, quod Deus, cuius vult miseretur, & quem vult obdurat. nihil igitur in illo Augustini testimonio quod pertineat ad questionem de prævisione meritum ante decretum prædestinationis, neque de præscientia conditionata media; unde parum est ad propositum. Nec ad solutionem proposuæ difficultatis dici potest Augustinum retractasse quæ jam scripserat, cum in iis nihil videatur retractandum, & cohæreant cum constanti ipsius doctrina de gratia & prædestinatione gratuita, ut in 1. dist. 41. optime observat Doctor subtilis, recedens a sententia Magistri stantis progratis excogitata illa retractione, cujus nulum apud Hyponensem invenitur vestigium, licet alia quædam retractet de eadem hac questione 68. lib. 1. retract. cap. 26. ex quo sequitur hanc esse veram ejus doctrinam & falso existimari a congruistis & medistis merita illa occultissima de quibus loquitur, esse merita quæ Deus per scientiam conditionatam mediam, ut ipsi fingunt, inveniat in discernendis & prædestinandis, sed merita, ut dictum est, a Deo in intentione per prædestinationem preparata, dum peccatores compuncti, & vere de peccato dolentes, se per pœnitentiam ex bona voluntate ad justificationem disponunt, quæ voluntas bona in illis præcedit gratiam justificationis, qua digni ex ea fiunt: sed hæc bona voluntas meritum non est humanum, etsi per eam vere mereatur homo, cum sit Dei voluntatem præparantis donum, quod primam originem habet in vocatione secundum propositum; sicque verissima est hæc Sancti Doctoris consequentia: *vocatio ergo ante meritum voluntatem operatur.* & pariter verum est juxta hanc expositionem, quod antea dixerat: *Deus non miseretur, qui ad pacem vocat, nisi voluntas præcesserit.*

His ita diligenter perpenſis, manifeste apparet sententia defensorum scientiæ mediæ, arbitrantium per eam conciliari facillime merita humani arbitrii cum gratia, & in illa fundari rationem præligendi ob merita per eam prævisa bene operantium ex usu bono liberi arbitrii cum auxilio congruo gratiæ, quo semel posito, occultum amplius non est, aut investigabile prædestinationis Myſterium, sed est aperta & facilis illius ratio: apparet, inquam, illorum sententiam ab Augustini illud occultissimum & intellectu difficilissimum reputantis doctrina esse penitus alienam. unde improbanda jure merito affirmatur.

III. *Ut non satis recedens a Semipelagianorum placitis rejicitur scientia media.*

Defensores scientiæ mediæ Semipelagianorum, quos debellavit Augustinus, & cum ipso, ipsique superstitēs Prosper & Hilarius Episcopi doctrina & Sanctitate præclari refutarunt, placitis adherere, ideoque eorum doctrinam erroris illorum nota esse inurendam, ablit ut proferamus. Neque enim Theologos systema defendentes, quod in Scholis salva fide propugnari permittit Ecclesia, erroris insimulare, præsumerem, etsi cunctis, in rebus prædestinationis & gratiæ diversa a se sentientibus, ipsi ita injuncti sint, ut illos erroris oppositi apud impios postulare non desistant, fraternæ non immerito charitatis hos vere catholicos reputans, ipsorum hac in parte sententiam ut non satis distantem a Massiliensium veterum placitis, nihilominus improbo. & reapse, quidquid pro suæ doctrinæ defensione scripsit Sanctus Augustinus de virtute & efficacia divinæ gratiæ, ac de gratuita Sanctorum prædestinatione. vel potius pro Sanctis istius tuenda doctrina a Massiliensibus male excepta scribere Prosper & Hilarius, militat non leviter contra scientiam illam conditionatam defensorum recentis systematis: & quidquid contra Hipponensem præfulem ex ipsius doctrina terribi calumniabantur isti, contra impugnantes scientiam mediam adhuc calumniantur Medisæ & congruissæ: quod non obscure significat ipsos, etsi Semipelagianos non contentientes, ab iis non satis recedere.

Et primo quidem quod adversus scientiam conditionatorum pro ut a Massiliensibus, idest Semipelagianis, intelligebatur scripsit Augustinus monitus a Prospero & Hilario de istorum querimoniis, contra scientiam mediam pro ut a suis defensoribus admittitur non leviter militare vix dubium esse potest. Docente Augustino decretum Dei absolutum & antecedens, electionemque efficacem juxta propositum divinæ voluntatis absque ulla præscientia conditionata, scandalum exinde adversus ipsius doctrinam sumptere Massilienses, de quibus ad illum Epist. inter Augustinianas 225. sic scripsit Sanctus Prosper. *multis servorum Christi qui in Massiliensi urbe consistunt, in Sanctitatis tue scriptis, quæ adversus Pelagianos hæreticos condidisti, contrarium putant Patrum opinioni & ecclesiastico sensui quidquid in eis de vocatione electorum secundum Dei propositum disputasti.* Deinde relatis permultis ob quæ illi valde commovebantur, expositaque ipsorum doctrina recta minus, sic prosequitur: *illud etiam qualiter diluatur, quæsumus patienter insipientiam nostram ferendo demonstres, quod retractatis priorum de hac re opinionibus, penè omnium par incenditur & mea sententia, quæ propositum Dei prædestinationem Dei secundum præscientiam rece erant, ut ob hoc Deus alias iusta honoris, alios consummatione peccatis, quia fuerunt uniuscujusque præviderit, & sub ipso gratiæ adjutorio, in qua futurus esset voluntate & actione præcicerit. id pariter testatur Sanctus Hilarius Epist. 226. inter Augustinianos hæc scribens: Hæc sunt itaque quæ Massilia, vel aliis etiam locis in Gallia ventitantur . . . cum autem dicitur eis quare aliis, vel alicubi prædicetur, vel*

vel nunc prædicetur quod aliquando pene omnibus, sicut nunc aliquibus gentibus non prædicatum sit: dicunt id præscientiæ esse divinæ, ut eo tempore, & ibi & illis veritas annuntiaretur, vel annuntietur, quando & ubi prænoscebatur esse credenda, quæ censebant Maüsilienses, meditarum & congruitarum esse doctrinam nemo nescit: ipsorumque placita in his Proſperi & Hilarii verbis esse ex parte contenta quis diffiteretur?

Quid ergo his acceptis litteris Augustinus? recessit ne priori sententia ea quæ de prædestinatione & gratia, præsertim lib. de correptione & gratia scripserat retractando? minime. immo libros de prædestinatione Sanctorum & de dono perseverantiæ scribens, scientiam conditionatam a decreto absoluit & efficaci independentem penitus contrivit, ut sit manifestum ex sequentibus ipsius verbis lib. de prædest. Sanct. cap. 10. prædestinatione quippe Deus ea præscivit, quæ fuerat ipse facturus: unde dictum est, fecit quæ futura sunt quando ergo promisit Deus Abraham in semine ejus fidem gentium, dicens, Patrem multarum gentium posui te non de nostra voluntatis potestate, sed de sua prædestinatione promisit: promisit enim quod ipse facturus fuerat, non quod homines. cap. 9. exponens ea quæ olim dixerat epist. 102. quæst. 2. tunc voluisse hominibus apparere Christum, & apud eos prædicari doctrinam suam, quando sciebat & ubi sciebat esse, qui eum fuerant credituri: quibus ejus verbis abutebantur Semipelagiani ad scientiam suam conditionatam in Deo statuentiam: sic loquitur. *censuit me me sine præjudicio latentis consilii Dei aliarumque causarum hoc de præscientia Christi dicere voluisse, quod convincenda paganorum infidelitatis, qui hanc objecerant questionem, sufficere videretur? quid enim est verius quam præscisse Christum, qui & quando & quibus locis in eum fuerant credituri? . . . potest etiam sic dici tunc voluisse hominibus apparere Christum. & apud eos prædicari doctrinam suam quando sciebat & ubi sciebat esse, qui electi fuerant in ipso ante mundi constitutionem. non minus roboris habent contra eosdem quæ loquitur cap. 17. quid est quod ait Apostolus: sicut elegit nos in ipso ante mundi constitutionem? quod profecto si propterea dictum est, quia præscivit Deus credituros, non quia facturus fuerat ipse credentes, contra istam præscientiam loquitur Filius dicens, non vos me elegistis, sed ego elegi vos: cum hoc potius præscierit Deus, quod ipsi eum fuerant electuri, ut ab illo mererentur eligi. electi sunt itaque ante mundi constitutionem ea prædestinatione, in qua Deus sua futura facta præscivit. electi sunt autem de mundo ea vocatione, qua Deus id quod prædestinavit implevit. quos enim prædestinavit ipsos & vocavit, illa scilicet vocatione secundum propositum: non ergo alios, sed quos prædestinavit, ipsos & vocavit: nec alios, sed quos ita vocavit, ipsos & justificavit: nec alios, sed quos prædestinavit, vocavit, justificavit, ipsos & glorificavit illo utique sine qui non habet finem. Hæc autem omnia quæ errores Semipelagianorum circa scientiam conditionatam in Deo compescens protulit Augustinus, adeo militant contra scientiam mediam quam impugnamus, ut ipsius defensoribus ut tela victricia perpetuo opponantur, ad quæ retundenda, ut ut possunt, non mediocriter laborant, & huc usque infuso se satis.*

Nec audiendi sunt si dicant, Sanctum Doctorem non ipsam scientiam con-

conditionatam in se spectaram sed illius abusum dumtaxat in Massiliensibus improbasse, & aliunde scientiam illorum conditionatam longe a scientia media distare; tum quia præscientia bonorum operum quæ causa est prædestinationis quorundam vel etiam reprobationis aliorum, extendebant Semipelagiani ad opera bona vel mala quæ numquam erunt, sed futura fuissent si diutius homines illi vixissent, quod de parvulis quorum alii baptizantur, alii non baptizantur affirmabant, teste Sancto Prospero ibidem. tum quia licet putantes ad singulos actus bonos esse necessariam Dei gratiam, naturam tamen ad fidei initium sibi sufficere existimabant Massilienses; sicque scientia conditionatorum abutebantur, volentes Deum per illam cognoscere quinam ex solo nature affectu bene dispositi essent ad fidem suscipiendam si eis annuntiaretur, indeque moveri ut mittat prædicantes illam. at utrumque illud incommodum a fide catholica alienum ad scientiam mediam non pertinere dicunt ejus patroni; unde ex improbatione conditionatæ scientiæ Semipelagianorum non sequitur improbatio scientiæ mediæ, quæ ab alia est plane diversa.

Verum etsi duplicem hunc Semipelagianorum errorem reproben Medisæ & Congruisæ quem proscribere voluit Augustinus, eodem nihilominus istum concidit scientia media, quæ ab auctore suo fuit, ut constat apud omnes, excogitata ut ea exploratrice utatur Deus ad formanda sua decreta. id autem improbasse Augustinum in Semipelagianis, testantur ea quæ mox diximus, ex quibus apparet decretum Dei esse absolutum & efficax, ita ut omnia sint futura vi illius decreti, & quæcumque fiunt, ex una & omnipotentissima Dei voluntate fiant, & cuncta quæ præsciuntur, prius fuerint a Deo prædestinata, exceptis peccatis quæ præsciuntur & non prædestinantur. nec solum abusum Semipelagianorum in introducendis per suam scientiam meritis conditionatis improbat Hippoensis, sed etiam independentiam a decreto, ut occasionem tolleret ponendi aliquod initium meriti discretivum in hominis voluntate, quale eo prætextu meriti conditionati inducebant Massilienses, quod patet ex epistolis Prosperi & Hilarii. at numquid illud initium meriti discretivum in voluntate non ponit scientia media? Nonne priusquam quoddam eligat Deus, & illos ab aliis discernat, inquit per illam & explorat, utrum hac electione digni sint aliquando futuri, quidve sint meriti adepturi bona opera exequentes ex libera voluntatis determinatione, adjutæ quidem gratia Dei, sed ad bonum eligendum ex seipsa se determinantis? Neque enim in systemate scientiæ mediæ voluntas determinatur a gratia, licet cum gratia hæc se determinet. & quomodo voluntatis determinatio bonum eligentis diceretur gratiæ effectus, si gratia reddatur efficax per consensum voluntatis? hunc consensum non operatur gratia, cum virtutem ad hunc effectum producendum, saltem proximam & completam non habeat ex vi ipsi intrinsicæ, hicque virtutis gradus sit ipsi a voluntate conferendus. quomodo & unde oriatur illa voluntatis cooperatio, si non ex propria voluntatis determinatione, quæ in gratiam certe non potest refundi, cum effectum gratiæ præcedat ut ipsius causa saltem partialis, dicant si possunt qui suis principiis

stantes scientiæ mediæ defensores, gratiam per se efficacem inadmittendam proflus existimant, cum ergo initium illud meriti discretivum in hominibus voluntate fluat necessario ex illorum systemate ut patet, & fusius ostenditur, ubi de divini gratiæ efficacia, illudque a Massiliensibus inductum cum meritis conditionatis reprobaverit Augustinus, nedum scientiæ illorum conditionatæ abutum, sed & ipsam scientiam in illis improbavit. unde est ab erroribus in quos labebantur Semipelagiani occasione scientiæ conditionatæ prout illam intelligebant, alieni sint Meditæ & Congruistæ, in ipsos tamen vere militavit saltem ex parte, quæ de gratiæ efficacia & gratuita prædestinatione scripsit sanctus Doctor.

Secundo. Quodquid olim calumniabantur adversus incommoda quæ ex non intellecta doctrina Augustini sequi putabant Massilienses, id adhuc in impugnatores scientiæ mediæ calumniari Meditæ & Congruistæ quis ignorat? Hinc simplices perturbari; inter doctos oriri dissensiones; ex proposito absoluto Dei prædestinantis independentem a prævisione meritum & usu liberi arbitrii generari teporem ac torporem, simul & negligentiam bonum operandi: injuriam fieri æquitati ac providentiæ Dei hos præ aliis absoluto suo proposito sine respectu meritum eligentis; desperationem ingeri hominibus si in sua non sit potestate salvari, vel non salvari; quæ omnia Semipelagianos effectus esse Augustinianæ doctrinæ sæpius distasse testantur in suis epistolis ad Augustinum Prosper & Hilarius, & colligitur ex ipso Augustino lib. de dono persever. cap. 15. & sequent. prædicare non cessant scientiæ mediæ defensores, ut cuncta eorum in impugnantes scripta testantur. insuper cum iisdem conquerentibus de doctrina hujus Sancti Doctoris existimare fingunt, ex illa, ut de Massiliensibus scribit S. Prosper, vacillare illud: Deus vult omnes homines salvos fieri. prædestinatorum numerum tam esse certum ac determinatum, ut nec augeri possit, nec minui. studium virtutis cessare. non omnibus paratam esse vitam æternam. Christum non pro omnibus mortuum esse. per gratiam præoperantem liberum impediri arbitrium, atque ex illa doctrina sequi, perseverantiam sic prædicari, ut non vel suppliciter emereri, vel amitti contumaciter possit, quidquid donatum sit prædestinatis, id eos non posse amittere & retinere propria voluntate, sicut reprobos contra minime posse in melius mutari & salutem obtinere. inutilem, & infructuosam esse prædestinationis gratuitæ prædicationem, ut de iisdem refert S. Hilarius, cujus epistola cum illa quæ est Sancti Prosperti, præfixa est libris de prædestinatione Sanctorum & de dono perseverantiæ inter opera Sancti Augustini Tom. 10. edit. PP. BB. quantum autem effectus illi alieni sint a scientia media intelligit quisquis ad eos vitandos, & contrarios cavendos illam fuisse excogitatum advenit. & revera, ad consolandos homines; ad afferendam spem & fiduciam obtinendæ salutis; ad excutiendum torporem, ad querelas removendas; ad concordiam liberi arbitrii cum gratia; ad ipsius libertatis indifferentiam constituendam; ad salutem in potestate hominis collocandam; ad exhortandos homines ad faciendum quod in se est per suam liberam voluntatem, scientiam mediam fuisse adinventam, palam & ubique affir-

affirmare non dubitant illius auctores & patres. quæ cum ita sint, ut omnibus rem diligentius investigantibus brevi fiet manifestum, non immerito dicitur rejicienda scientia media tamquam a Semipelagianorum placitis non satis recedens.

IV. *Ex inutilitate simul ac falsitate fundamentorum quibus nixa dicitur scientia media, tamquam commentitium quid exploditur.*

I Nutilem prorsus esse ac commentitiam, simulque fictitiam & inanibus fundamentis nitentem scientiam mediam, ideoque ut merum otiosæ mentis figmentum illam esse rejiciendam invictè probabitur, si intentum quod sibi proposuere illius Auctores, quoque velut obtento gloriantur illius defensores, renuentibus licet & oppositum demonstrantibus cujusvis alterius Scholæ Theologis, habere nusquam illos posse ostenderimus; quod facili negotio exequemur, scopum hujusce systematis cum effectibus ipsi contrariis comparantes. ac primo nullitatem rationis desumptæ ex certitudine, & prudentia divinæ operationis, quæ hujusmodi scientiam exposulat ut rationabiliter & prudenter se gerat Deus, suisve Creaturis provideat per suam prædestinationem, quæ est pars providentiæ, sic juvat ostendere. Dato illo fundamento, vel hac stante ratione, directionem scientiæ mediæ in prædestinando sequeretur divina voluntas, & ab hac in providendo regeretur: id tamen verum non est, cum non possit ad recte & certo operandum voluntas dirigì a scientia, quæ voluntati nihil distat certum & determinatum, imo expectat consensum divinæ voluntatis eligentem quem voluerit statum præscientiæ de se indifferentis ad electionem voluntatis. illa enim scientia ex se repræsentat Petrum verbi gratia, in tali circumstantia posse damnari, & Judam si poneretur in aliis circumstantiis posse salvari, non autem dirigit, nec ducit illos ad hunc potius statum quam ad illum, sed ambos relinquit æquales; unde voluntati liberum prorsus est determinare statum quem velit. & ratio determinandi est voluntatis libertas, quæ Petrum mavult eligere quam Judam, ponendo Petrum in iis circumstantiis in quibus prævidit illum acturum penitentiam, & relinquendo Judam in iis in quibus præscit illum penitentiam non fore acturum. si enim vellet salvari Judam, Petrum vero damnari, mutaret manus, volendo eligere Judam ubi, & quando præsciebat esse salvandum, & relinqueret Petrum ubi, & quando prævidebat eum esse damnandum. sicque illa scientia potius dirigitur a voluntate, quam voluntas a scientia. quod si dicatur, scientiam mediam dirigere voluntatem in causa prædestinationis, demonstrando statum & circumstantias in quibus possit voluntas eligere quem velit, & supposito quod hunc præ illo eligere velit, proponere media illum salvandi, cum qui salvandus est, omnino per illa media prævisa erit salvandus; nihil inde sequitur, quia id non est peculiare scientiæ mediæ in ordine ad dirigendam voluntatem ad rationem determinatam prædestinandi, cum nihil distet, nec voluntati persuadeat quem sit prædestinatura, sed est commune cuilibet actui intellectus, qui præsupponitur ad actus voluntatis, præ-

existentem cognitionem natura sua requirentis. hic autem agitur de certa & determinata ratione scientiæ providentiæ, ex qua eligat Deus unum præ alio: & in hoc sua est prædestinatio, ad quam nihil conducit scientia media, æqualiter voluntati liberæ salvandos & damnandos indifferenter proponens, cum tamen prædestinatio dicat certam divinæ voluntatis determinationem tam ad eligendum statum & media, quam ad discernendum prædestinatos a reprobis. pendet igitur scientia a voluntate divina, ab ea dirigitur, & ad unam partem determinatur: imo nisi sese determinasset voluntas ad statum & personarum electionem, anxia remaneret per scientiam, duos status pares ac ex æquo diversos, ei æqualiter & indifferenter representantem. vana ergo ex hac parte, & inutilis est scientia media.

Secundo. Ad libertatis humanæ conservationem fertur excogitata hæc scientia: Deo enim, inquit, per suum Decretum antecederet determinante voluntatem ad operandum, tollitur ab illa indifferentia & libertas, cum ex vi decreti efficacia operatura sit illud quod Deus determinate decernit, non quod ipsa pro sua indifferentia, & ex arbitrio velit operari. at hæc scientia media dum studet tueri humanæ libertati quam non tuerit, se ipsam evertit. certa sit & infallibilis circa suum objectum divina scientia necesse est. verum posita libertate creaturæ in statu conditionato, quænam tueri divinæ scientiæ certitudo & infallibilitas circa objectum? voluntas humana libera in illis circumstantiis posita cum gratia indifferenti prorsus indifferens ad operandum & non operandum, cum nullum sit principium illius determinativum, est objectum scientiæ mediæ: quomodo autem huic scientiæ dabit certitudinem & infallibilitatem voluntas humana, quam ipsa non habebit? Dicitur ne circumstantias esse congruas & opportunas, & a Deo cognitæ, adeoque in iis ita collatis voluntati operaturæ, Deum videre proportionem cum ea, ita ut ratione illius constitutionis certo & determinate scire possit operationem secuturam? at illud falsum est, omnique in hac sententia probabilitate caret. quid enim ei conferunt circumstantiæ ad determinationem voluntatis, cum sint extrinsecæ & ex se nihil moventes? Nam si movent, aut natura sua movent, & jam non sunt gratia, quod dici non debet: vel si cum gratia movent & sunt supernaturales, jam gratia non est indifferens; nec integra remanet libertas sublata illa indifferentia. unde permanebit indeterminatio, aut tollitur libertas indifferentiæ. etenim collatum illud ex gratia, & voluntate, & circumstantiis opportunis vel est quid indifferens, vel quid determinans: si indifferens, non facit scientiam determinatam: si determinans, non retinet liberum quod esse nequit absque indifferentia. perditur ergo libertas, vel tollitur scientiæ mediæ certitudo.

Tertio. Ne in Deo videatur esse acceptio personarum, dum quoddam eorum non præcitis meritis, libere eligit, alios relinquit & reprobat, sicque tollatur non electis occasio querelam, inducere scientiam mediam ipsius Auctores, ut ea ducente eligantur illi qui sibi collato gratiæ auxilio laudabiliter usuri prævidentur, illi vero reprobentur qui secus facturi prænoscentur. verum per scientiam mediam non obtinetur ille finis, quin potius major ex

ea occasio oritur querelarum, & apparet acceptio personarum. etenim per illam scientiam videt Deus varios status, diversas circumstantias in quibus homines positi, bene vel male sint operaturi: exempli causa, si Petrus in illo statu constituitur, peccaturus est: Judas si in tali statu ponatur, bene operaturus est, & vicissim. Cur ergo Deus hac scientia instructus Judam collocare voluit in eo statu in quo peccaturus est, & non in eo, in quo erat recte facturus: & Petrum ponere voluit in statu illo in quo erat bonum operaturus, & non in eo, in quo erat peccaturus? quid meruere vel demerueret Petrus & Judas, ut ille excluderetur ab illo statu in quo positus salvaretur, ille vero ut a statu, in quo positus periret, traduceretur ad statum in quo fieret salvus? unde ex scientia media est reprobis occasio querendi de Deo, quod rejecki sint in statum damnationis, cum poni ab eo potuissent in statu salvationis. per eam ergo non tollitur incommodum illud quod supponunt in principis gratiæ per se efficaci, & prædestinationis gratuitæ & antecedentis. Si enim conquerantur isti, quare non dederit eis gratiam efficacem, conquirerent & alii, quare ejecerit eos a statu gratiæ efficaci in quo essent si Deo placuisset, & dejecerit eos ad statum in quo pro eis non erat gratia efficax. imo præcitis in eo statu potior esset ratio querendi, quam in statu gratuitæ prædestinationis, in quo non attenditur ad aptitudinem vel proportionem ad salutem in illis qui eliguntur, sed in omnibus, tam eligendis, quam non eligendis, invenitur demeritum ex originali peccato cum privatione gratiæ. unde cum in omnibus sit eadem inhabilitas, eademque proportio ob damnatam massam, nulla sit injuria illi qui rejicitur; injuria vero quædam sit in systemate scientiæ mediæ ei qui erat aptus ad salutem in uno statu, ejiciendo illum ad statum in quo aptus non erat. & ex hoc capite scientiæ mediæ valde præstat systema eam impugnantium juxta Doctrinam Sancti Augustini, in quo non est acceptio personarum, quæ manifeste sequitur in Deo ex doctrina scientiæ mediæ. quia cum per illum omnes videret Deus in certis statibus, si in eis ponerentur, posse salvari, cur quosdam ex illis anteponit aliis, reponendo eos in statu salutis, & alios postponit, traducendo eos ad statum damnationis? Nonne vera est acceptio personarum, non interveniente demeriti consideratione, alios velle acceptare, alios nolle? inutile igitur & falsum est illud scientiæ mediæ fundamentum.

Quarto. Supponitur necessaria aut saltem utilis valde scientia media ut per eam Deus cognoscente quid ex voluntate gratia versatili, ut dicunt, seu indifferenter adjuva aduri sunt homines, eligantur aliqui, relinquantur alii pro eorum prævisis meritis vel demeritis. sed talia qui fingunt advertere deberent se vana & nusquam ponenda proponere, dum recurrendum putant ad eum statum in quo fiat discretio bonorum qui nulli futuri sunt. Enim vero cum ea versatili & indifferente gratia in neutram partem se determinaturi sunt homines: vel se determinantes, ad malum semper se determinabunt, & nihil præter peccatum operabuntur: & qua spe ducti scientiæ mediæ defensores existimant illos qui eligentur, nulla gratia præmovente, sed versatili & indifferente adjuvos, se ad bonum ex voluntate fore determinaturos? primus homo

homo Adam in statu innocentie originalis & felicitatis, summa pace, tranquillitate animi & corporis fruens, absque ulla rixa passionum, & absque ullo appetituum dissidio, ab omni ad malum pronitate liber, auxilio sine quo non, id est gratia versatili & indifferente fultus, *terrente nullo, & insuper contra Dei terrentis imperium libero usus arbitrio, non silet in tanta felicitate. in tanta non peccandi felicitate*, ut loquitur Sanctus Augustinus lib. de corrept. & grat. cap. 12. in peccatum præceps ruit: & posterius ejus in præsentī statu naturæ, affectu concupiscentia, innumeris animi & corporis miseris ad malum inclinantibus & quasi prementibus vallati, cum illo auxilio gratiæ versatilis suo relictū arbitrio ad bonum operandum se determinabunt? vix intelligitur moraliter loquendo, quod aliquid recte ad salutem agant, & illos cum sola hac indifferenti gratia nihil esse præter peccatum operaturos probabilissimum est. voluntas primi hominis fortis & sana, habens virtutem liberi arbitrii; non deficiente adjutorio Dei, nulla premente concupiscentia, ad malum declinavit: & voluntas aliorum hominum invalida & imbecilla in tanta infirmitate vitæ hujus, inter tot & tantas tentationes, absque validiori auxilio bonum amplecteretur? talia narrent, aut potius mentiantur illi quibus notum non est quam grave sit nos circumstantis ab Adæ lapsu pondus peccati; & nisi subveniretur infirmitati voluntatis humanæ, ut divina gratia inclinabiliter & insuperabiliter ageretur, cum auxilio versatili & indifferente voluntas humana in sua infirmitate deficeret. quam distent ab Augustini doctrina medistæ ac congruistæ iterum advertant; & certo scientes in eo statu quem apud se formant, homines in sua natura constitutos, cum sola gratia indifferenti nihil boni esse operaturos, unde possint præsciri bonae eorum merita ubi quæ a Deo eligantur, nullum esse ad rem prædeterminationis & gratiæ, aut ad liberi arbitrii cum utraque concordiam, imo esse inutilem scientiæ mediæ usum agnoscant, illamque ut futilibus nixum fundamentis, tamquam commentitium quid explodi patienter serant.

V. *Ut recens inventum quid, & multiplici censura notatum, explodenda scientia media non immerito judicatur.*

CUnctam in rebus quæ ad religionem dicunt ordinem, etiam circa questiones quæ non nisi remote & indirecte ad fidem aut ad consuetudinem fidei referri possunt, vitandam esse novitatem, est apud omnes catholicos receptissimum, adeo ut ipsa etiam novitatis suspicio injuriæ vertatur ei qui illius merito infimulatur; unde sufficiens videtur argumentum in rebus Theologicis ad tollendum e medio quodcumque sistema, quod recens inventum, & Sanctis Doctoribus incognitum reperiatur. Hoc laborare vitio scientiam mediam frustra negaretur, cum de novo illo fretu sibi gratuletur ipse auditor Molina in sua concordie asserens, se omnium mortalium primum veram conciliandi cum gratia libertatem adinvenisse rationem, quam Augustinum magnum divinæ gratiæ Magistrum ac defensorem latuisse faretur. tantique recens illud inventum facit, ut dicat, quod si Augustini ætate nuta & ex-

explorata fuisset scientia media, forte nec Pelagiana hæresis nata fuisset, nec Lutherani tam impudenter arbitrii nostri libertatem fuissent ausi negare. Verum de illa ut primum prodiit feliciter adeo non judicare permulti insignis Theologi, qui eam suspectam habuere præsertim in Hispania & in Gallia, ubi carpi vehementius & exagitari cepit ab ortu, nunquam ab adversariorum animadversionibus cessatura donec æternæ tradatur oblivioni. ipsique non desuere Domestici hostes, qui Molinæ sibi arrogantis sua se industria id obinuisse quod veteres assequi non potuerant, jactant jam ferre impotentes, ipsius concordiam, quam in multis a prisca Sanctorum Patrum, & præsertim Augustini Doctrina discrepantem inveniunt acriter reprehenderunt.

Hanc Molinæ doctrinam de scientia media, quam omnes Patres Societatis, perpaucis excipiendis, fecere suam, in omnibus ferme Academiis, & apud cunctos majoris Nostræ Magistris male audientem, a novitatis suspicione vindicare tentavit Franciscus Suarez ejusdem Institutii inclytus Theologus, ostendere arbitratus eam Augustini diebus oriam, & ab eo continenti serie ad nos usque fluxisse, Patribus, Scholasticisque antiquioribus pro illa stantibus. Verum ipsi nullam fidem adhibuere æqui rerum æstimatores, & adversus Systema Molinianum quod in quibusdam emendavit, eodem impetu insurrexere quolibet tempore Theologi fere omnes qui in verba Societatis non jurare Religioni ducunt. inter quamplura quæ excitavit dissidia inventum illud Molinianum gravi censura interdum non semel notatum, primas tenet notissima illa controversia inter Patres Dominicanos ex una parte pro Thomistica Schola, & Patres Societatis ex altera pro Molina certantes, quam terminare desiderans Clemens VIII. quosdam Cardinales, quibus adjunxit plures Theologos Consultores ad rem diligenter discutiendam designavit. Hinc notissimæ illæ Congregationes de auxiliis, in quibus sæpius congregatis diversorum Ordinum Consultoribus coram Summo Pontifice per maximum temporis spatium res ventilata est. Molinæ Doctrinam acri Censura notare meditantibus iis quibus fuerat hæc cura demandata, se non fuisse auditos Patres Societatis conquesti sunt: unde jubente Summo Pontifice iterum congregantur Consultores, iisque audientibus partes Molinæ suscepit Gregorius de Valentia, cui gravi morbo correpto & e vivis sublato, suffragus est Pater Vestida, Thomistarum partes agente Patre Thoma Lemos Dominicano, qui ab initio ad finem usque Causam suam fortiter doctique sustinuit; adeo ut scientia media in sexagesima Congregatione, Pelagiano errori affinis, atque Semipelagianorum fundamentum, a Consultoribus fuerit reputata.

Cum jam in Molinæ librum tot discordiarum originem, pronuntiaturus esset Clemens VIII. teste Cardinali Bellarmino in ejus vita, qui de hac re meditantem summum Pontificem a tali proposito avocare studens, ipsi nihil ominis in illo perseveranti respondisse fertur, ultimum diem prius obiuram suam Sanctitatem, si hanc mentem exequi tentaret, ex improvviso morte præventus est. mortuo Clemente nulla ab ipso hac de re sententia, lata, Car.

Cardinalibus interim mutuo juramento obstrictis, ante creationem Leonis XI. cui brevi tempore hac viâ sancto suspectus est Paulus V. quod his controversiis intra annum finem imponeret futurus Pontifex, promissis stare volens Paulus, sub quo plures adhuc habitæ sunt congregationes, rem iterum perpendi curavit. verum aliis succedentibus negotiis, variisque rationibus Pontificem moventibus, intermissæ sunt congregationes, nihilque fuit a consultoribus decretum. & si vera narrant qui volunt iussisse Paulum V. parari bullam contra Molinæ librum, mutato igitur Consilio nullam edidit eo in negotio definitivam constitutionem. imo declaravit Innocentius X. nullam esse adhibendam fidem Autographo seu Exemplari prædictæ assertæ constitutionis, neque ab alterutra parte, seu a quocumque alio illam allegari posse vel debere, sed observanda esse decreta Pauli V. & Urbani VIII. quibus cautum fuit, ne ubi de divinis auxiliis disputant Theologi, aliqua erroris aut alterius censuræ nota sese invicem perstringant. licet tamen judiciali sententia per sedem Apostolicam non fuerit censura notata Molinæ doctrina, ut dictum est, consultoribus nihilominus ad illius recognitionem delegatis minus tuta in fide visa est, ut ex eorum iudicio de variis capitibus sigillatim certum est. ipsamque, ut errori affinem, & ob sui novitatem merito suspectam, Clementi VIII. injucundam prorsus fuisse testantur. ea quæ, in sua historia congregationum de auxiliis narrante Hyacintho Serri, protulisse fertur summus Pontifex, in primæ congregationis ingressu, Patres Societatis Molinæ doctrinam defendentes allocutus his verbis. "quid est, quod molimini? an non dubitatis pro defensione unius Molinæ invehere, in ecclesiam Dei Pelagii dogma? perpendite, obsecro vos, quam grave, periculum a vestris istis concertationibus universo orbi Christiano impen-," dat: Nolite communi necessitati & saluti privatas rationes vestras præferre. cedite Patribus, cedite veritati. "quæ Pontificis verba, si conferantur cum subsequente consultorum censura, privata quidem & minime decretoria, ac cum censuris quibus Academicæ Lovaniensis & Duacensis inter alias, Molinæ doctrinam notarunt annis 1586. & 1589. facillime dignoscetur, ut recens inventum quid, & multiplici censura notatum, explodendam scientiam mediam non immerito judicari.

Cæterum ab ulteriori inquisitione hac. in causa abstinendum existimamus, ne videamur sapere plusquam oportet sapere; neve malevolis animum præbeamus dicendi, nos contumeliæ memores, in defensores scientiæ mediæ vindicare injuriam, quam Scotisticæ scholæ temere intulere recentis illius ac tot titulis improbandi inventi auctores & fautores, Molina, Valentia, Arrubal, Alarcon, &c. dum Scotisticam formalem distinctionem, ab ipsi minime intellectam, gravi & iniqua censura notarunt.

VI. *E medio tollenda censetur scientia media ob diversa incommoda quæ ab illa necessario procedere videntur.*

Permulta ex scientiæ mediæ systemate oriri incommoda, quæ licet a quampluribus ipsum impugnantibus plus æquo exaggeretur, certissimum est; perperam, ne superfluis studeamus, hic breviter attingemus. Rationem primæ causæ a Deo tollere, ejusque supremum in hominum voluntates dominium evertere videtur scientia media. de ratione primæ causæ est quod sine illa nihil possit causa secunda. at posita hac scientia, causa secunda agit independententer a prima. etenim concursus Dei indifferenter oblatas creatæ voluntati determinatur ab ipsa, alioqui dicendum esset voluntatem determinari per primam causam, quod decretum antecedens & efficax supponeret. est a voluntate determinatio concursus illius, non a Deo, qui illam expectat a creatura, & ideo explorat ut videat quoversum se habet voluntas: licet enim in illo systemate admittatur gratiæ præveniens necessitas, hæc tamen cum sit versatilis & indifferens, non habet suam efficaciam nisi ex determinatione voluntatis, quæ determinatio etsi cum gratia sit, per gratiam tamen non est: neque enim cum scientia media fiat gratia præmovens voluntatem. determinatio igitur concursus divini, usus & applicatio gratiæ, non est ab antecedente Dei decreto, sed a creatura; ideoque causa secunda agit independententer a prima, & sic a Deo tollitur ratio primæ causæ. evertitur etiam supremum ejus dominium, de cujus ratione est quod inclinet, & vertat pro suo arbitrio hominum voluntates, & corda eorum quantumvis dura flectat prout vult, servato semper modo naturali causæ liberæ. data vero prædicta scientia media Deus nihil exequi potest in causa secunda ratione illius dominii: ipsi enim explorandum est an hæc divinæ vocationi cooperari voluerit, vel utrum cassam & irritam factura sit supremam Dei voluntatem, nisi hæc se attemperaverit genio creaturæ, inquirendo prius & explorando quid illa sit actura in tali posita, aut tali circumstantia; neve hoc vel illo munita auxilio congrua & opportuna ex parte Dei sit vocatio vel non: quis autem indignam Deo non dicet hujusmodi Inquisitionem, ratione ejus creaturæ videtur Deus subjacere in formandis suis decretis, in quantum effectus divini operationis pendet a determinatione voluntatis, quæ Deum non habet auctorem. quomodo hæc concilietur cum supremo Dei dominio in tali systemate, & quomodo ipsi servetur ratio primæ causæ, dicant qui intellexerint.

Nonnulla jam ex præcipuis incommodis scientiam mediam necessario committantibus, in iis quæ in præcedentibus differimus, sparsim attingimus: unde cum de iis iterum dicere non juvet, id unum ex mente maxime partis nobis de recenti hoc systemate contentientium addere licet, nimirum hæc virtutibus christianis maximum inferre detrimentum, illasque veluti e medio tollere. Hinc humilitatis & modestiæ simplicitatis ruina, si in viribus liberi arbitrii confidere, etiam ex parte, unicuique licet, atque in semetipso, & non in Deo solo, superbiens creatura gloriari soleat, salutem, quæ a Do-

Ccc

mino

mino Deo est, aut salutis initium sibi met, & non soli gratiæ Christi tribuendo. Hinc tollitur orationis necessitas, & cordis fervor extinguitur. si enim semper gratia præsto est, & humanæ famulari voluntati, ita ut de ea pro arbitrio disponat, ejusque actionem & virtutem pro nullo impediatur, aut retardet, quod ita se habere necessum est, si gratiæ auxilium indifferens sit ac versatile, & voluntatis consensum ex propria virtute & per vim ipsi intrinsicam non operetur, sed omnem virtutem & efficaciam desumat ex determinatione voluntatis quam non fuerit operatus ille qui, magis habens in potestate sua voluntates hominum quam ipsi suas, ut loquitur Hipponensis, humanorum cordium quocumque voluerit inclinandum omnipotentissima solus gaudet potestate, ut quid oramus, Deum suppliciter deprecantes ut ipse nos convertat, nosque misericordiæ suæ dignos efficiens ad se trahat? Nonne irritorie petitur quod scitur non ipsum dare a quo petitur, sed ipso non dante in illius esse qui petit potestate non ignoratur? ut idem inquit Augustinus. Hinc convelliur timor ille religiosus de quo Apostolus, Philip. cap. 2. *cum metu & tremore vestram salutem operamini. Deus est enim qui operatur in vobis velle & perficere pro bonâ voluntate.* ut quid saluti timendum, si a nobis est bona voluntas, cui semper adest gratiæ auxilium versatile quod talis sit naturæ, ut in nostra sit potestate illo uti quomodo & quando voluerimus, possumusque in nobismetipsis esse fidentes illud nunquam desinurum, nosque bonam hanc voluntatem & opus bonum pro libito semper habituros, ita ut ad incutiendum dumtaxat terrorem adversus quem animos nobis addere licet, fuerit a Christo didum, Joan. cap. 8. *queretis me, & in peccato vestro moriemini?* Hæc & alia permulta incommoda, quæ missa facimus, quo pacto non procedant necessario ex doctrina, scientiæ mediæ ostendant si veraciter possunt, qui illam proponunt, eamque pro vera & firma Ecclesiæ catholice doctrina haberi volunt, idque rudioribus, ac mulierculis persuadere conatur, suos adversarios ex hac parte, erroris apud indoctum vulgus temere insinuando.

VII. *Ut Doctoris Subtilis principii prorsus contraria scientia media est a scola Scotistica totaliter eliminanda.*

ET si in verba magistri jurare ratione sufficienti contradicente, veritatis amatorem non parum dedecet, ab ipsius tamen sententia dum probabiliiori nititur fundamento quod recedat, ipsi non immerito vitio vertiur. Neque enim cordati est hominis, in questionibus quæ in utramque partem defendi possunt, nisi invicta ratione frangatur, a propriæ scholæ placitis discrepare, ut in oppositam alterius sententiam concedat. quare ergo a Doctoris Subtilis pro decretis antecedentibus statim principii deficientes aliquot Scotistæ non ignobiles, partes alienas, patrocinantes scientiæ mediæ, fuerint amplexi, nonnullis e suis pedicas ponentes, vix intellexerim. Se rationem victos, a signis paternis dilabentes ad extra transisse castra, dicere illos vetant quæcumque scientiæ

scientiam mediam impugnant hucusque disseruimus. Medistarum & Congruistarum sententiæ plane contrarium esse Scotum interea comprobemus. ex duobus principiis Scoti certis & indubitatis, ex quibus alias jam sumus argumentati res constabat. unum est quod nulla inest futuris contingentibus certa & determinata veritas ante decretum liberum divinæ voluntatis. illud enim expresse tenet in 1. dist. 39. his verbis. *Tunc autem, loquitur de ratione contingentium ante Dei decretum, non sunt vera contingentia, quia tunc nihil est per quod habeant veritatem determinatam. posita autem determinatione voluntatis divina jam sunt vera videlicet pro illo secundo instanti: & hoc idem erit ratio intellectui divino (quod eras in primo) intelligendi ista quæ sunt jam vera in secundo instanti, & fuissent cognita in primo instanti, si fuissent in primo instanti.* vera itaque esse non possunt dum non sunt: non sunt autem antequam determinentur a divina voluntate. Deinde positis duobus modis cognoscendi objecta, sic pergit. *Patet secundum utrumque quod intellectus divinus determinatur ad illud existens, ad quod determinatur voluntas divina: non potest voluntas determinare, quia intellectus determinate apprehendat illud quod voluntas determinat. & immutabiliter, quia tam voluntas quam intellectus sunt immutabiles.* & ex hoc principio impugnat prædestinationem ex-prævisione boni usus liberi arbitrii, quia Deus non prævidet bonum hunc liberi arbitrii usum, nisi in quantum illum ipse præordinavit in absoluto & antecedenti voluntatis suæ decreto, ut videre est dist. 41. ex quo evidens est juxta principium illud, veram Doctoris Subtilis mentem manifestans, quod certe ut ab illo proponitur, stare nequit cum systemate scientiæ mediæ, illam a schola Scotistica esse totaliter eliminandam, & ab illo defecisse studio non remittendo Fabrum Faventinum, & Poncium probantes illam, ac in Scholam nostram inducentes, nec non Vulpem, & Malthium ad illos propius accedentes, dum contra doctrinam Scoti & antiquæ ejus scholæ de decretis antecedentibus efficacibus, decreta concomitantia adinveniant.

Quam longe fuerit a Congruistarum & Medistarum placitis Doctoris Subtilis doctrina, ex altero notissimo ipsius principio invide colligitur. juxta Scotum tota ratio cognoscendi futura contingentia est decretum divinum, per quod dumtaxat suum esse futuritionis acquirunt, quod esse futuritionis priusquam habeant nullo modo sunt, proindeque nec sunt cognoscibilia; etenim quod non est ullomodo, non potest cognosci, cum cognoscibilitas sui qualitas quædam vel proprietas rei in suo esse jam constitutæ, ratione cujus objectum intellectus illam cognituri fieri potest. Deum autem hæc futura alias cognoscere præter suum decretum, adeo ut intellectus divinus primo & immediate feratur in existentiam, & veritatem rerum cognoscendarum, indignum prorsus Deo existimat Scotus: tunc enim cognosceret rem quam non ipse determinasset, & in ea supponeret, & ab illa desumeret principium suæ cognitionis illam ab objecto velut emendicans, in qua certe cognitione non parum vilesceret divinus intellectus, ut cum ipso diximus ubi egimus de medio in quo cuncta Deus cognoscit. & hoc posito constanti principio a quo non recedit, mediam scientiam in Deo non potest admit-

tere.

Ccc 2

tere. ipsius verba in 1. dist. 39. refertur juvat. intellectus divinus, inquit; qui offert simplicia, quorum unio est contingens in re; aut si offert complexiones, offert eam sicut neutram; Et voluntas eligit unam partem, scilicet conjunctionem istorum pro aliquo nunc in re, facit illud determinate esse verum. Hoc autem existente determinato vero, essentia est ratio intellectui divino intelligendi illud verum; Et hoc naturaliter quantum est ex parte essentia. ita quod sicut naturaliter intelligit omnia principia necessaria quousque ante actum voluntatis divina, quia eorum veritas non dependet ab illo actu, Et essent cognita ab intellectu divino, si per impossibile non esset volens, ita essentia divina est ratio cognoscendi ea in illo priori instanti natura. quia tunc sunt vera; non quidem quod illa vera moveant intellectum divinum, nec etiam termini eorum ad apprehendendum talem veritatem, quia tunc intellectus divinus visceres, quia pateretur ab alio ab essentia sua: sed sicut essentia divina est ratio cognoscendi simplicia; ita Et complexa talia. Scientia media supponit objecta conditionata ex se ante quodcumque divinum decretum, ac sumpta in se ipsis vera esse ac determinata, & independentes ab essentia & voluntate divina proponi constituta, & apta ad cognitionem intellectui divino: quæ cum esse nequeant ex Scoto, quin vilescat intellectus divinus patiens ab alio ab essentia sua, ab illo mendicans suæ principium cognitionis, & illa nullo modo supponi possint, sequitur scientiæ mediæ prorsus esse contraria illius principia, & ideo a Scoticis scholæ illam esse omnino eliminandam. unde nemini rem ut par est ponderantium videbitur, quod quæstiones omnes in his exercitationibus Theologicis juxta veriora Doctoris Subtilis principia resolvere, ut fieri potest, intendentes, scientiam mediam ob alia motiva apud maximum Theologorum numerum male audientem; etiam ex hoc capite omnimode improbandam judicaverimus.

Ex omnibus quæ hucusque diximus manet sufficienter probatum in statu præsentis naturæ, (de aliis enim statibus inquirere mens nostra non fuit) locum habere non posse Scientiam mediam quoad opera supernaturalia, de quibus solummodo præsens controversia movetur, eamque nullo sufficienti fundamento fulciri, sed omnimode carere probabilitate, ut varia quæ allegavimus monumenta testantur; ac proinde ut merum commentum a quibuslibet Scholis esse penitus eliminandam, non tamen negandum Molinæ illud systema, potissimum ut proponitur a Congruistis, licet a Molinæ sensu vix distantibus, rursus & catholice defendi possit, utpote ab Ecclesiâ toleratum, ipsamque nonnullis, tum Scripturæ, tum Sanctorum Patrum testimoniis specie tenus huic faventibus firmari posse: quæ tamen ex iis deduci possunt argumenta omnem vim cunctumque robur amittunt, comparata ad validissima & robustissima momenta ex iisdem Scripturis & Patribus & ratione Theologica excerpta, quibus ab oppositi systematis de gratia per se efficaci & prædestinatione ex antecedenti decreto defensoribus impugnatur Molinæ ac sequacium sententia, ut quolibet tempore rem æqua lance & mente libera ponderantibus fiet indubitatum. præcipuis Medistarum oppositionibus cum satis jam fuerit factum, pauca solvenda supersunt.

S O L U T I O O B J E C T I O N U M .

1. *Objeſtio*. Ex quampluribus Sanctorum Patrum ſententiis conſtat illos voluiſſe res non eſſe futuras quia eas cognoviſcit Deus aut determinavit futuras, ſed potius ab illo eas fuiſſe præſcitas quia vere ſunt futuræ. Id autem ſyſtemati ſcientiæ mediæ effeaciter favet, cum Deus earum rerum ſuturitionem non præſeierit, niſi in quantum cognoviſcit ad quid in illis vel iſtis circumſtantiis voluntas creata ſit ſe determinatura.

Reſp. Varia Sanctorum Patrum atque etiam Sacrarum Scripturarum teſtimonia a ſcientiæ mediæ patronis ſolito congeſta, non eſſe ad propoſitum prima fronte intelligitur, ex eo quod illa omnia ſpeſcent ad præſcientiam Dei, qua futura cuncta cognoviſcere certo tenet Chriſtianus quæque præſcientia rerum ſuturitionem neceſſario ſupponit: ſed nihil habent de modo vel medio in quo res ſunt futuræ a Deo præſeiente cernuntur. vel etiam de operibus naturalibus circa quæ non verſatur quæſtio, aut ſæpius de peccatis ſiſ in locis reſ eſt, quæ in quantum peccata ſunt; videri & præſeiri nequeunt niſi in futura voluntatis creatæ determinatione. & aliunde futura illa ejuſmodi que ſint ordinis vel ſunt vere futura, vel dumtaxat futura ſub conditione non ponenda: ſi primum ad ſcientiam viſionis pertinent; ſi ſecundum, ad ſcientiam ſimplicis intelligentiæ.

2. *Objeſtio*. Vel eſt admittenda gratia congrua & verſatilis humano ſubjacens arbitrio in præſenti ſtatu, vel ab homine ipſum tollendum eſt liberum arbitrium, quod cum gratia per ſe efficaei & decretis antecedentibus minime poteſt ſtare, gratia autem congrua & verſatilis ſupponit neceſſario ſcientiam mediam: eſt ergo admittenda.

Reſp. Ex decretis antecedentibus & abſolutis ſequi in nobis liberi arbitrii amiſſionem garriant qui eatholice minus de Dei gratia ſentiant: illorum verſaniam effeaciter arguere tentabimus de Chriſti Salvatoris gratia anno proxime futuro Deo juvante diſputaturi. interim contempta hac pervetuſta Semipelagianorum adverſus Auguſtinum, ac ſemper contra ipſius diſcipulos re-viviſcente calumnia, falſiſſimum dicemus gratiam tum congruam, tum verſatilem ex ſe ſupponere Scientiam mediam. etenim gratiæ congruitas, quam, ſi bene intelligatur, & nos volumus admittendam, eſt quid intrinſecum ipſi gratiæ, cum nihil aliud ſit quam proportio ſeu convenientia auxilii cum effectu ad quem producendum conferitur, etique ab intrinſeco ineſt virtus ad vineendum omni ex parte impedimentum quod ipſius effeaciam retardare poſſet. & illa nedum non ſupponit ſcientiam mediam, ſed hanc prout evellit, ex eo quod huiusmodi congruitas conſequatur decretum abſolutum, vi cujus Deus vocat quos ſcit vocationi conſenſuros, conſert ipſis congruum auxilium, in cujus nativa virtute cognoviſcit illorum conſenſum, quia illo mediante eos decrevit conſenſuros. & in hoc ſenſu intelligendi ſunt Ecceſiæ Sancti Doctores cum de congrua vocatione loquuntur, & nullatenus in ſenſu congruitatis extrinſecæ, quæ effectu non habeat niſi ab innata li-
bet-

bertate ac determinatione voluntatis, quæque nihil aliud est quam habitudo ad futuram determinationem, quam Deus præcivit libero arbitrio cum gratia eliciendam; & sic in Moliniano systemate intelligitur, unde Congruistæ dicti sunt illam qui tuentur. Hæc gratiæ congruissæ extrinseca veteribus ignota supponit scientiam mediam, non inficior: quid inde? nisi utramque esse simul improbandam, cum gratia versatili humanæ voluntatis arbitrio subiecta, quam rejiciunt quicumque veram magni Augustini doctrinam sequuntur: & quæ aliunde stare potest absque scientia media, ut testantur Theologi qui in statu naturæ innocentis admittendam censent gratiam versatilem, & scientiam mediam nec in illo statu pro Adamo innocente retinere volunt. unde ex illo capite nullius ponderis est argumentum quod ex ea petitur.

Cetera quæ possent opponi aut jam soluta sunt, aut facili negotio solvantur, si ad modum quo exposita sunt varia tum Scripturæ, tum Augustini testimonia, quæ sibi favere arbitrantur Congruistæ, attendatur. Id unum semper advertendum nempe, quæcumque futuræ, sive ordinis supernaturalis, sive in ordine naturali, sive sint futura absolute, sive sint futura conditionate, sive sit ponenda conditio, sive non sit ponenda, ut statim monuimus, cognosci a Deo per scientiam visionis quæ circa vere futura versatur, aut per scientiam simplicis intelligentiæ, cujus objectum sunt res possibiles, ad quarum ordinem referuntur futura sub conditione non ponenda. quæ ex def. 2a conditionis, vel potius ex ejus non positione, nihil respectu divinæ cognitionis habent præter possibilitatem, unde quocumque modo a Deo cognoscantur non interit, ad fingendum aliud scientiæ genus inter utramque, quod in nullo casu locum habere potest.

CONCLUSIO SECTIONIS.

Cuncta, præterita, præsentia, futura, cognosci a Deo, quem nec ulla cogitatio hominum læt, Hebr. cap. 4. in cujus conspectu non est ulla creatura invisibilis, cujusque oculis omnia nuda sunt & aperta, cuive omne cor patet, & omnis voluntas loquitur, illaque omnia, sublato quolibet locorum aut temporum intervallo, ipsi ita certo ab æterno & per æternum innotescere, ut apud eum de iis omnibus nulla possit esse aut erroris obumbratio, ille solus posset inficiari, qui illius veri ac summi numinis existentiam & naturam, delirans in corde suo insipienter impugnet. Deum unico & indivisibili simulque æterno intellectu actu, omnia absque compositione ulla, ulloque discursu comprehendentem, cujus infinita scientia est cunctarum rerum causa directiva, quas efficit omnipotentissima sua voluntate, omnium tam possibilem quam futurum infallibiliter præcivum prædicare qui renueret apertissimæ infantiæ merito argueretur; ab illo parum absumilis qui per infallibilem ac præviam ipsius de rebus omnibus cognitionem illarum contingentiam tolli, aut hominum libertati vim & necessitatem inferri existimaret. Nec extra se ad cunctarum rerum principia, variasque illarum progressionem intelligendum
exeat

exeat oportet Deus , qui dicente Bernardo , (*lib. 5. de Consil.*) totus est lux , & tenebræ in eo non sunt ullæ ; totus est oculus , & qui minime aliquando fallitur , quia minime clauditur ; qui extra se non querit lumen cui admoveatur ut videat ; ipse qui videt , ipse unde videt . cœlestia , terrestria , ac minima quæque prospiciens , nihil extra , sed singula in se intuetur , inquit Ambrosius : unde pronuntiavit Augustinus , quod sacrilegium est asserere quod Deus exeat extra se ad aliquid cognoscendum . frustra ergo in excogitando vel intelligendo medio in quo res omnes cernantur a Deo desudant homines altiora se investigantes , cum ipse sibi sit medium cognitionis suæ . Nonne divini intellectus operationem , vel ejusdem operationis modum , laboriosis perquisitionibus nostris attingere arbitramur ? id unum potius intelligere studeamus , quanti nostra interest , si Deum omnia cognoscere , omnia intueri , adeo ut ipsam præterire non possint occultissima cordis nostri secreta / firmissime credentes , nihil operemur quod oculis summæ ipsius majestatis possit displicere ; sed magis sint nostra casta consilia , juxta judicia , sancta desideria , nosque in omni conversatione nostra Sancti simus . Verum cum illud ex nobismetipsis habere non possumus , oculi nostri sint , semper ad Dominum , ut ipse per auxilium gratiæ suæ adjuvans infirmitatem nostram , „ (*Hebr. cap. 13.*) aptet nos in omni bono , ut faciamus „ ejus voluntatem , sciens in nobis quod placeat coram se per Jesum Christum , cui est gloria in sæcula sæculorum , Amen “ .

S E C T I O S E X T A .

De voluntate Dei .

Q Uemadmodum in Deo est intellectus , seu vis , & facultas , qua Deus se , cunctaque cognoscibilia & intelligibilia novit , ita in ipso admit-tenda necessario est voluntas , seu vis , & facultas , qua se , cunctaque bona vult & amat . Utrumque fides & ratio testantur . Dei intellectum ejusque voluntatem ubique prædicant Divinæ Scripturæ , tota celebrat religio , ipsa-que Dei idea vel natura significat . Hæc omnium unum verum Deum cognoscentium una & eadem vox est . ens enim perfectissimum quomodo diceretur , si hujusmodi facultates ens spirituale constituentes , in ipso non essent , & in summo perfectionis gradu ? quæcumque circa Dei voluntatem pro more Theologorum in præsentī tractatu de divinis attributis occurrunt dis-puncta sequentes quæstiones complectentur .

Q U A E S T I O P R I M A .

An multiplex in Deo sit voluntas , illaque semper sit efficax .

D E voluntate Dei non penes illius effectus , sed in se ipsa considerata præsens quæstio procedit . Nullam in Deo admittendam esse cuiuscum-que

que generis compositionem etiam Metaphysicam, utpote qui sit Ens simplicissimum, suo loco cum Doctore ostendimus: unde si aliquid in Deo quamdam arguere videretur multipliciter, id non ex rei natura, sed ex diversitate terminorum repetitur: ex quo fit quod Divinæ simplicitati nullo modo afficiat hujusmodi multiplicitas. an semper impleatur Dei voluntas secundum diversos quos dicit respectus perpendunt Scholastici, idque eo diligentius, quod multum juvat pro intelligenda hac divina voluntate circa omnium hominum salutem, & ad explicanda divinæ gratiæ arcana, atque etiam ad prædestinationis mysterium enucleandum.

ASSERTIO PRIMA.

Una & simplicissima est in Deo voluntas, qua pro vario ad creaturas respectu multiplex formaliter est agnoscenda.

EX diversitate volitionum multiplicem voluntatem colligere qui niteretur, non rectius argumentaretur illo, qui ex diversitate operationum quas successive vel eodem tempore elicit, aut elicere potest homo, multipliciter indiduosum in illo colligendam exitimaret. ex creatæ voluntatis limitatione, quæ in diversa objecta eodem tempore tendere non potest, oritur successiva volitionum ejus multiplicitas. Divina autem voluntas cum sit infinita, unico & indivisibili actu omnia sua objecta vult, nulla de novo ipsi adveniente volitione: eodem modo quo divinus intellectus unica intellectione, illaque æterna, ad omnia intelligibilia illa se extendit. ex quo facile intelligitur unicam tantum realiter & entitative esse in Deo voluntatem, sive consideretur ut facultas, sive sumatur pro actu; Deus enim quæcumque voluit ab æterno voluit. & voluntatem in Deo esse per modum potentie & actus primi certissimum est, non minus quam intellectum, cum eadem sit utriusque ratio. quemadmodum intellectus habet rationem actus primi respectu intellectionis, quæ comparate ad facultatem intellectivam, non potest habere nisi rationem actus secundi, cum juxta axioma receptissimum prius sit esse quam operari: ita voluntas habet rationem actus primi respectu suarum volitionum quæ actus secundi rationem dumtaxat habent comparate ad facultatem volitionis elicivam. & inde nulla in Deo resultat imperfectio, cum potentia seu actus primus, ut sunt intellectus & voluntas, actum secundum, ut sunt intellectio & volitio, non præcedant nisi prioritate rationis & ordinis, non vero prioritate temporis.

Hæc tamen Dei voluntas una & simplicissima in se multiplex, est si pro vario respectu ad creaturas de illa loquamur. ac primo dividitur in voluntatem beneplaciti, & voluntatem signi: voluntas beneplaciti, quæ est proprius divinæ voluntatis actus, ea est qua reapse aliquid vult efficienter. Hac voluntate mundum, quem ex Decreto libero creavit, conservat: quosdam homines præ aliis ad gloriam prædestinat, eisque auxilia necessaria confert. voluntas signi est signum aliquod externum voluntatem designans, & dicitur

voluntas, ut signum odii vocatur odium. quintuplex est hujus voluntatis signum, videlicet præceptum, prohibitio, permissio, consilium & operatio, ut hoc versu exprimitur.

præcipit, & prohibet, permittit, consulit, implet.

illa veluti totidem nostræ voluntatis signa ad Deum translata sunt a Theologo, ut facilius diversos illius voluntatis effectus significarent. Hæc voluntas signi in Deo aliquando est conjuncta cum voluntate beneplaciti circa idem objectum, ut cum Deus imperavit Noe ut arcam ædificaret, id enim præcipiebat & volebat: aliquando vero non, ut cum de immolando filio præceptum dedit Abrahæ, cujus fidem & obedientiam probare volebat, nec immolationem Isaac revera volebat. ex quo sequitur voluntatem beneplaciti esse Deo intrinsicam, ipsique proprie attribui: voluntatem vero signi extrinsecam esse, & metaphorice tantum de Deo prædicari.

Voluntas Dei secundo dividitur in antecedentem & consequentem. antecedente voluntate Deus vult aliquid nulla habita ratione circumstantiarum, hæcque circa rem generatim & per se consideratam versatur. consequente voluntate rem specialiter, suisve cunctis indutam circumstantiis vult Deus. utriusque meminit discrimen inter utramque assignans Damascenus lib. 11. de fide Orthodoxa cap. 29. his verbis? „Voluntas antecedens est, quod „quis a se ipso vult. Consequens, quod ex eorum quæ sunt causa profici- „scitur. Nam præcedente voluntate vult Deus omnes salvos fieri, & ad a- „gnitionem veritatis pervenire: verum nobis peccantibus vult nos castigari „prout conducit“. primam dicit voluntatem bonitatis, alteram autem vo- „luntatem justitiæ.

Voluntas Dei tertio dividitur in absolutam & conditionatam. prior nullam admittit conditionem vel hypothesein, ut videtur esse illa qua mundum creare voluit. posterior conditionem includit & hypothesein, ut fuit subversio Ninive post quadraginta dies, nisi de via sua mala converterentur Ninivite. & similiter percussio Syriæ a Rege Joas ad consumptionem usque, si quinque aut sexies jaculo Rex terram percussisset. unde sequitur admittenda esse in Deo decreta conditionata.

Voluntas Dei iterum dividitur in efficacem, quæ suum semper obtinet effectum, & semper impletur, ut est ea qua vult electorum salutem: & inefficacem, quæ non semper impletur, ut est voluntas, qua hominum cunctorum vult salutem, vel qua Ninivitarum subversionem conditionate decreverat. non de qualibet Dei voluntate, sed de efficaci intelliguntur hæc verba psal. 113. omnia quæcumque voluit, fecit.

Alia tandem est in Deo voluntas necessaria, qua vult objectum necessarium, quod aliter esse non potest, ut cum vult Pater æternus generare & producere Verbum: & alia libera, qua Deus vult objectum contingens, puta conservationem Mundi, quem posset non conservare, si veller.

Ex hoc multiplici divinæ voluntatis respectu plura Theologis occurrunt discutienda. primo, utrum omnis Dei voluntas impleatur, quod facili brevique negotio solvitur. quærent deinde, an detur in Deo voluntas aniecedens sal-

vandi omnes & singulos homines: hæc autem quæstio maximi momenti cum magnam habeat affinitatem cum morte Christi & auxiliis divinæ gratiæ, remittetur, ut moris est, ad Tractatum de Christi gratia. Tertio de voluntate Dei conditionata quæritur, an detur. & hæc quæstio soluta manet ex iis quæ dicta sume de scientia conditionata, ex quibus sequitur in Deo admitti posse Decreta conditionata, quæ in Scripturæ & Patrum Testimoniis fundata videntur. utrum respective ad hominum actiones admittenda sint in Deo Decreta efficacia & prædeterminantia, curiosius pariter investigatur: idque diligentius pendendum suscipimus ubi de gratia efficaci. Demum de Dei libertate quæritur, & circa ejusdem libertatis constitutum non parum controversitur. hæc licet controversia cum processione Spiritus Sancti in divinis maximam atque necessariam habeat affinitatem, ratione cujus ad Tractatum de Sanctissimæ Trinitatis Mysterio non immerito remittenda videretur, cum tamen pro solito, in quantum libertas est verum Dei attributum, hic de ea dicatur, de illa mox quæstionem movebimus, si prius propositi quæstionis secundæ parti fecerimus satis. igitur sit.

ASSERTIO SECUNDA.

Sola Dei voluntas consequens & absoluta semper impletur.

PROPOSITIONIS istius veritas & certitudo neminem latebit qui adverterit esse absque dubio non semper impleri illam voluntatem Dei, quæ signi vocatur, antecedens, ac conditionata. quot enim divina aut præcepta, aut consilia, quæ sunt totidem Dei voluntatis signa hominibus manifestata, & nihilominus a permultis non implentur, ut ingrata non minus quam frequenti docemur experientia? voluntate antecedente Deum omnium hominum velle salutem concedunt & defendunt omnes Catholici, hancque non singulata sed vera ac sincera voluntate velle, ut suo tempore propugnabimus. quot tamen sunt a via salutis aberrantes qui in æternum damnantur, quis hominum dinumereret? voluntates in Deo conditionatas, quæ non executioni mandantur quis renueret confiteri, nisi sacrarum Scripturarum, totiusque Christianæ Doctrinæ præsertim ignarus? quid aliud indicant ea Davidis verba Psal. 105. *Dixit, ut disperderet eos, si non Moyses electus ejus stetisset in confectione in conspectu ejus, ut averteret iram ejus ne disperderet eos.* Nonne Regi Joas plenam de Syris victoriam ad consumptionem usque Syriæ Deus concedere volebat si jaculo terram quinquies, aut sexies, sive septies Rex percussisset, ut supra observavimus juxta id quod habetur lib. 4. Regum cap. 13. Nonne urbem Ninivem volebat subvertere Deus, si intra quadraginta dierum spatium non respicerent Ninivitæ, ut apud Jonam cap. 3. legitur?

Cum ergo legitur in Scripturis Sanctis, Psal. 113. *Omnia quæcumque voluit fecit.* Itaq. cap. 14. *Dominus exercituum decrevit, & quis poterit infirmare?* & cap. 46. *consilium meum stabit, & omnis voluntas mea fiet.* Daniel cap. 4. jux-

ta voluntatem enim suam facit tam in virtutibus cœli quam in habitatoribus terræ: & non est qui resistat manus ejus, & dicat ei, quare fecisti? Esther cap. 13. non est qui possit tunc resistere voluntati. Roman. cap. 9. *Voluntati ejus quis resistit?* quando talia leguntur in Scripturis Sanctis, & apud Patres, voluntas Dei consequens & absoluta predicatur. & in hoc apparet supremum Dei dominium, quod ea quæ sua voluntate decreverit, impedire, nec etiam retardare unico instanti nulla possit creatura. Hæc omnipotentissima voluntate rerum omnium effetrice, mundum condidit Deus & conservat; *omnia operatur secundum consilium voluntatis suæ*, inquit Apostolus, Ephes. cap. 1. in ipso velle & operari unum & idem sunt; *quoniam ipse dixit, & facta sunt: ipse mandavit & creata sunt* ait David Psal. 32. Non tamen inde concludendum in omnibus rebus Deum necessitatem imponere, cum id sit omnimode falsum. nec enim libertati causæ libere aliquo modo officere ille censendus est, qui voluntates nostras etiam rebelles ad se propitius compellens, miris & veris modis, servata hominis libertate flectit, regit, & agit prout ipse vult, non solum rem attingens, sed etiam modum, ut optime docet Sanctus Thomas. Sed de his fufius in Tractatu de Gratia. satis est pro nunc quod generalem de voluntate Dei notionem secundum varium respectum, quem habere potest, dederimus.

QUÆSTIO SECUNDA.

Utrum Deus sit vere liber: quid sit importet ratio essentialis per quam intelligitur summa ipsius libertas?

IN explicando modo juxta quem conciliari possint in Deo immutabilitas ipsius & libertas, ita ut summa hæc concordia, quam inter utramque illam perfectionem nemo sensatus & fidelis negare potest, humanæ menti secundum propriam sui rationem distincte innotescat, homines mortales frustra desudare jam monuimus de Immutabilitate Dei disputantes. hæc igitur supposita, nec de illa tantillum ambigentes, naturam liberi in voluntate divina pro capiti nostro exposiuri, observabimus de Dei operationibus ad intra, ut sunt generatio Verbi, processio Spiritus Sancti, alique actus interni & immanentes ad divinam pertinentes essentialiam, de quibus in Tractatu de Trinitate, præsentem quæstionem non moveri, sed de operationibus ad extra quæ ad creaturas terminantur.

Doctores Subtilis a cujus sententia non recedere nos delectat, cum ipsum in rebus etiam ad fidem non pertinentibus, veritati summo ex studio semper consuluisse, ex assidua ipsius lectione habeamus compertum, Doctoris, inquam, Subtilis principis adherenter in nostris Theologico-moralibus exercitationibus circa actus humanos, duplicem agnovimus libertatem: essentiali nem unam, quæ sequitur naturam voluntatis, quæ ex dominio quod habet in suos actus, ad illos se determinat, & in illos fertur ex delectatione & complacentia, quamvis ab iis nec possit nec velit abstinere. alteram con-

tingentia, quæ est secundum electionem, & a libertate essentiali non excluditur, sed necessitatem non minus quam coactionem ipsa excludit. unde est de natura actus liberi & contingentis quod possit esse, vel non esse. indifferentiam tamen seu suspensionem, aut indeterminatorem actus, quam ad meritum & demeritum includit libertas humana, non admittit divina libertas: quod enim vult Deus, semper & ab æterno voluit. intrinsicam Deo esse libertatem, quæ est perfectio simpliciter simplex, ideoque cum natura Dei realiter identificatam negaverit ex Calvinistis Vorstius, actum Dei liberum vel decretum ejus dicens quid accidentale in Deo, & ab ipsius natura distinctum, quid refert? certum est inter Theologos ac indubitatum post Divum Augustinum nihil esse in Deo per modum accidentis, quod cum summa ejus simplicitate stare nequit. libertate contrarietatis qua sicuti ad bonum ita ad malum ferri potest creata voluntas, liberam non esse divinam voluntatem non est quod hic observemus, cum nullus contradicat. in constituenda essentia divinæ libertatis, vel assignanda ratione juxta quam explicetur & intelligatur natura actus liberi in Deo, in varias sententias abeunt Theologi, qui pro majori parte minus a se invicem. distant in re, quam in modo loquendi, eo intricato magis, quo plus immutabilitatis Dei & libertatis concordiam ex eo intelligi existimant. omnis omnibus iis opinionum differentiis, quid tenendum probabilius nobis videatur id proponemus.

ASSERTIO PRIMA.

Vera & proprie dicta libertate circa objecta ad extra datur Deus.

DEum cuncta operari prout vult, & quæ vult nulla ductus necessitate sed ex arbitrio, & juxta voluntatis suæ decretum, ubique testantur libri Sacri. psal. 113. omnia quæcumque voluit fecit. Eccli. cap. 39. *Si enim Dominus magnus voluerit, spiritus intelligentia replebit illum.* epist. 1. ad Corinth. cap. 12. *Hæc omnia operatur unus atque idem Spiritus, dividens singulis prout vult.* ad ephes. cap. 1. *operantur omnia secundum consilium voluntatis suæ.* eodem modo, iisdemque verbis loquuntur omnes Patres, qui expressius veram & proprie dictam libertatem in Deo non poterant commendare. & in hac certitudine fundatur spes nostra in gratiis & beneficiis, quæ ab ipso præstolamur in orationibus, quæ minus ferventer funderemus, si votis nostris annuens Deus, non posset quæ ab ipso petimus, nobis ad placitum non concedere. & in eo potissimum resulget supremum Dei dominium in creaturas, quod nihil circa eas operetur ex necessitate; idque maximam in illo denotat perfectionem, quæ si deesset ita ut non posset Deus agere vel non agere pro arbitrio, non posset dici ens summe perfectum: ex eo enim melius illo aliquid excogitare tunc poterimus: illud ens videlicet quod erit suis juris, & nullam habebit causam actus sui quam ipsam voluntatem suam se libere determinantem.

Nec .

Nec est quod opponatur in Deo non posse supponi indifferentiam, quæ suspensionem actus & veluti dubium circa eligenda significet: id enim libertati humanæ evenit ex ipsius limitatione tam ex parte intellectus, quam ex parte voluntatis, quando homo anceps & veluti inops consilii quid agat nondum decrevit. id enim ultro concedimus, & quamdam in Deo imperfectionem argueret. verum licet passiva hæc indifferentia in illo admitti non possit, quia indeterminatio in Deum cadere non potest, admittenda nihilominus est indifferentia activa, quæ est de natura libertatis, quia Deus ad certum quid agendum non alligatur, & ad opus novum, non novum sed sempiternum adhibet consilium, ut aliquando dixit Augustinus.

Nec dicatur impossibile esse libertatem in Deo cum ipsius immutabilitate. a tali cogitatione cessabit, quisquis attenderit illud omne liberum in Dei operibus, quod mutabilitatis speciem ferre nobis videtur, se tenere non ex parte Dei, sed ex parte objecti terminantis divinam voluntatem, cuius volitio, quæ temporalis est quantum ad productionem termini contingentis, fertur ab æterno libere & contingenter in illud objectum, quin illa successio atque etiam mutatio huiusmodi objectorum circa quæ versatur Dei voluntas, in ipsam vel minimum influat. Hæc enim divina voluntas, sicuti & volitio quam producit, fixa & immobilis intrinsece perseverat, cum sit æterna, quamvis illius terminus qui est quid vere extrinsecum, si in se ipso spectetur, sit necessario mutabilis, & nihil de immutabilitate Dei participet præter illam rationem objectivam quam ab æterno habet relative ad illius voluntatem, quæ ex libera & contingenti etsi æterna determinatione tendit pro tempore in illud objectum, quod actu libero illud producente, existentiam nihilominus contingentem, ex illius voluntatis divinæ decreto est statutus & immutandis temporibus ac momentis habiturum. ex quo ut fieri potest, intelligitur immutabilitati Dei nullomodo derogare divinæ voluntatis libertatem, nec huic ipsius libertati quidquam detrahi per ejus immutabilitatem: proindeque immutabilitatem simul & libertatem esse divinæ voluntatis perfectiones in Deo ab invicem inseparabiles, quæque etsi versentur aliquando circa idem objectum, minime inter se pugnant, cum secundum diversum respectum utraque illa perfectio in illud feratur.

ASSERTIO SECUNDA.

Libertas in Deo est ipsa ejus voluntas, quatenus ex vi electiva ipsi intrinseca & essentiali illam formaliter liberam constituit, antecedenter ad decretum a quo potuit abstinere, fertur in actum qui potuit esse & non esse, & terminatur ad objectum ipsi extrinsecum & contingens.

HAc definitione aut melius descriptione, recte videtur explicari natura libertatis in Deo, simulque formalis ratio actus liberi, & minus reperitur difficultatis ad conciliandam libertatem Dei cum ejus immutabilitate. libertas enim voluntatis quæ electionem dicit, licet in Deo absque ulla suspen-

suspensione & indeterminatione, debet esse quid intrinsecum Deo & non superadditum. Hæc autem vis electiva voluntatem constituens formaliter liberam, est intrinseca, illique essentialis adeo, ut sequatur naturam voluntatis, quæ sine illa esse nequit. & eadem ratione actus elicited a voluntate per vim hanc electivam ipsi intrinsecam, est Deo quid intrinsecum. actus autem in quem fertur voluntas ex vi electiva, potuit esse vel non esse, & ideo est liber, aliqui esset necessarius. est enim de ratione actus liberi quod possit esse vel non esse, per quod differt ab actu necessario qui non potest non poni. & ita liber est actus ille divinæ voluntatis, ut Deus nedom potuerit creaturas suas producere vel non producere, sed ita ad illarum productionem se determinavit ab æterno, ut potuerit ad illam non se determinare. repetitur autem libertas illius actus in Deo ex connotatis, cum in illud objectum potuerit pro arbitrio se ferre potius quam in aliud, & unum præ alio connotare: nam penes entitatem suam necessarius esset actus ille, qui terminatur ad objectum Deo extrinsecum & contingens: sunt enim quid vere contingens & voluntati divinæ extrinsecum creaturæ ab illa productæ. & unicus est in Deo simulque æternus ille actus, nullum de novo elicit, nullum deperdit; unde immutabilitati non officit libertas in Deo.

Dixi ex vi electiva voluntatem constituente formaliter liberam, quia erat assignandum illud constituens libertatem in Deo. actus liber constituitur talis quia elicited a potentia libera & modo libero: potentia vero libera constituitur præcise libera per intrinsecam essentialem illam vim ratione cuius pro nutu ad id vel illud est indifferens. additum est antecederet ad decretum a quo potuit abstinere. posito enim decreto voluntas jam non est proprie indifferens, & determinata. est tamen actus semper liber, quia consequens est ad decretum a quo voluntati liberum fuit abstinere, & objectum ad quod terminatur non deperdit suam contingentiam, ex eo quod decretum ipsum etiamsi immutabile, est semper contingens quia potuit non ferri. quibus ita expositis bene intelligitur natura libertatis in voluntate Dei, & natura actus liberi qui participat naturam potentie a qua elicited, & cum qua realiter identificatur. ad solutionem ergo eorum quæ opponi possent, & bene intellecta minoris sunt momenti, distinguendum est inter libertatem & actum liberum, seu actuale libertatis exercitium. libertas in Deo pertinet ad ipsius naturam, & est verum & necessarium attributum divinitatis, cum Deus nec esse, nec possit concipi sine libertate qua possit ad extra agere, vel non agere. actus vero liber qui ratione termini & objecti est contingens, quique proinde potuit non poni, est effectus vel potius exercitium istius facultatis quæ est in Deo vera perfectio, licet rationem veram perfectionis non habeat tale exercitium.

QUÆSTIO TERTIA.

An & quid sit providentia in Deo?

A Morem quo necessario, libere tamen, se amat Deus, ipsi esse rationem totam & unicam amandi ea omnia quæ sunt extra ipsum, cum nemo de Deo optime sentiens inficiari queat, dicente Scriptura quod (*prov. cap. 10.*) universa propter semetipsum operatus est Dominus, non immerito ex illo amore quo cuncta quæ creavit & conservat, prosequitur, colligendum videtur ipsum omnibus providere, & tamquam causam universalem & infinitam res omnes, ut recte ac congruenter gubernentur, providentia sua complecti. generalem hanc providentiam, qua Deus regit res. Secundum quod natæ sunt regi, ut ait Scotus, juxta illud quod habet Augustinus, "res quas condidit, sic administrat Deus, ut eas suos motus agere sinat: ", cum Epicureis Philosophis a Deo remouent impii, nullam divinam providentiam præesse rebus humanis opinantes, animos & corpore fortuitis casibus committentes: a quibus parum distare censendi sunt illi, de quibus idem loquitur Augustinus lib. 3. de libero arbit. cap. 2. qui quæquam negare non audeant præsidere humanæ vitæ providentiam Dei, de ea nefario errore pessime sentiunt. generalem hanc providentiam, specialemque rerum omnium curam & gubernationem ex parte Dei contra illos omnes defendemus veram illius ideam subministrantes.

ASSERTIO UNICA.

In Deo est vera ac proprie dicta providentia omnia complectens: & illa dici debet, dispositio æterna divine voluntatis, juxta quam omnia & singula in suos proprios fines per sufficientia seu convenientia media diriguntur.

Summam illam rebusque omnibus invigilantem Dei providentiam celebrant Libri Sacri, simulque ostendunt ea, quæ ab hac recedere magis videntur, ipsi subiicere, & ab illa occultis sed veris modis regi: atque etiam ad minutissima animalia usque illam se extendere testantur. sic in Libro Judith cap. 9. in oratione sua Deum alloquens hæc vidua ait: *hoc factum est quod ipse voluisti, omnes enim viæ tuæ paratæ sunt, & tuæ judicia in tua providentia posuisti.* & cap. 11. hæc mihi dicta sunt per providentiam Dei. ipsius providentiam commendans David Psal. 32. in hæc verba prorumpit. *De cælo respexit Dominus, vidit omnes filios hominum. de preparato habitaculo suo respexit super omnes qui habitant terram: qui finxit sigillatim corda eorum, qui intelligit omnia opera eorum.* Eccle. cap. 5. habetur: *neque dicas coram Angelo, non est providentia, ne forte iratus Deus contra sermones tuos, dissipet cuncta opera manuum tuarum.* Sap. cap. 14. tua autem, pater, providentia gubernat. cap. 17. *suggerit perpetuæ providentiæ jacuerunt.* cap. 6. *pusillum & magnum ipse fecit, & aqua-*

aqualiter cura est illi de omnibus. cap. 8. attingit ergo a fine usque ad finem fortiter, & disponit omnia suaviter. Matth. cap. 6. respicite volatilia cæli, . . . pater vester cælestis pascit illa. Nonne vos magis pluris estis illis? cap. 10. Nonne duo passeret assè venaunt: & unus ex illis non cadet super terram sine Patre vestro? vestri autem capilli capitis omnes numerati sunt. omnibus invigilare Dei providentiam, & juxta æternam ipsius voluntatis dispositionem ad proprios fines ea dirigi aperte significat illud Proverbiorum cap. 16. Sortes mittuntur in finem, sed a Domino temperantur. Hinc apud Isaiam cap. 45. prædices quoque per Cyrum ipse facturus erat Deus, consilium ejus ipse reclusus, ait, ego Dominus, formans lucem, & creans tenebras, faciens pacem, & creans malum: ego Dominus faciens omnia hæc.

Quam commendetur a Sanctis Patribus hæc immensa Dei providentia omnia regens, cuncta gubernans, omnesque res supremo cum imperio dirigens, quem hominum latet? unum ergo, ne longius in dicendo progrediamur, pro omnibus loquentem audiemus Augustinum lib. 5. de Genesi ad litt. cap. 21. & 22. ubi totus est in vindicanda providentia, quam ex multiplex ipsius effectus ostendit, impios omnes, Atheos, Deistas, Socinianos, Philosophos cum Manichæis convellens. "Non tulla de sapientia scriptum est, inquit, quod amatoribus suis ostendit se in viis hilariter, & in omni providentia occurrit illis. Nec omnino audiendi sunt, qui putaverunt subtilius quidem mundi partes, id est a confinio corpulentioris aeris hujus & supra, divina providentia gubernari: hanc autem imam partem terrenam & humidam aerisque hujus vicinioris qui terrarum & aquarum exhalationibus humescit, in quo venti nubesque consurgunt, casibus potius & fortuitis motibus agitari. contra hos enim loquitur psalmus, qui cum explicasset laudem cælestium, se etiam ad ista inferiora convertit, dicens, laudate Dominum de terra, diacones & omnes abyssi: ignis, grando, nix, glacies, spiritus tempestatis, quæ faciunt verbum ejus. Nihil enim tam videtur casibus volvi, quam omnes istæ procellosæ ac turbulentæ qualitates, quibus cæli hujus inferioris, quod non immerito etiam terræ nomine deputatum est, facies variatur & vertitur. sed cum addit, quæ faciunt verbum ejus, satis ostendit earum, quoque rerum ordinem divino subditum imperio, latere nos potius quam universitatis deesse naturæ. quid autem ore suo Salvator, cum dicit unum passerem non cadere in terram sine Dei voluntate, & quod sænum agri post paululum mittendum in cibatum, ipse tamen vestiat, nonne confirmat non solum totam istam mundi partem rebus mortalibus & corruptibilibus deputaram, verum etiam vilissimas ejus, abjectissimasque particulas divina providentia regi? & qui hoc negant, si in hac mundi parte, quam putant fortuitis motibus perturbari, potius quam sapientia divinæ summitatis regi. . . viderent tantum ordinem, quantus in membris carnis cujuslibet animalis apparet. . . nonne clamarent ne puncto quidem temporis Deum, a quo est omnis mensurarum modus, omnis paritas numerorum, omnis ordo ponderum, ab ejus gubernatione cessare? quid ergo absurdius, quid insulsius sentire

,, potest,

„ potest, quam eam totam esse vacuum nutu & regimine providentiæ, cu-
 „ jus extrema & exigua videas tanta dispositione formari, ut aliquanto at-
 „ tentius cõpitiata, ineffabilem incutiant admirationis horrorem? & cum ani-
 „ mæ natura naturæ corporis antecellat, quid est dementius quam putare
 „ nullum esse divinæ providentiæ iudicium de moribus hominum, cum in
 „ eorum carne tanta ejus solertiæ clareant & demonstrentur indicia? “ qui-
 bus verbis nihil luculentius asserti potest.

Verum quid in ostendenda assertionis veritate ex Scripturæ & Patrum tes-
 timoniis immoramur, cum fidei ipsa suffragatur ratio? Hac enim duce pro-
 videntiam in omnibus agnovere quamplures Philosophi. “ De providentia
 „ Plotinus Platonici disputat, eamque a summo Deo, cujus est intelligibilis
 „ atque ineffabilis pulchritudo, ulque ad hæc terrena & ima peringere, flo-
 „ sculorum atque foliorum pulchritudine comprobat: quæ omnia quasi objecta &
 „ velocissime pereuntia decenissimos formarum suarum numeros habere non
 „ posse confirmat, nisi inde formentur, ubi forma intelligibilis & incommuta-
 „ bilis simul habens omnia perleverat. “ inquit Hipponensis lib. 10. de civit.
 cap. 14. & inde Philosophi, præcipueque Platonici, ait cap. 14. “ rectius
 „ cæteris sapuisse laudantur, quod divinam providentiam hæc quoque rerum
 „ infima atque terrena administrare docuerunt. “ & revera quis naturam
 ipsam clamantem audiens, etsi religio taceret, non agnoscat mundum quem
 novit a supremo & infinito ac æterno opifice conditum, conservari & per-
 severare non posse secundum suarum partium mirabilem structuram si tolla-
 tur specialis hæc Dei providentia & gubernatio? Dicant Sociniani iniquita-
 tem adversus Deum loquentes, quid reperire sit in universali & speciali re-
 rum directione per necessariam & indefectibilem Dei providentiam, quod
 rationi adversetur, vel quod repugnantiam quamdam involvat. Nonne ma-
 gis rectam rationem offendit omnia casu & fortuito fieri, vel ex opposito
 cuncta ex necessitate evenire? & unde illa necessitas quam legem universa-
 lem, juxta quam omnia peraguntur, supponunt? an ex primitiva rerum con-
 stitutione adeo in suo ordine perfecta, ut absque ulla causa extrinseca ef-
 ficiente, invariabili successione res omnes perpetuis motibus nihilominus
 obnoxii ab illo ordine nullo modo recedant? sed unde illa fixa & perman-
 ens consuetudo quæ sui ipsius causa esse non potest, si ab agente superiore,
 infinito, omnipotente, cujus æterna sapientia cuncta regantur, originem non
 habeat? quid sit illa indefectibilis Dei providentia, quomodo res cunctæ, cu-
 jusque sint ordinis, ipsius subjaceant directioni, non intelligunt: elto.
 at forte melius intelligunt quid sint casus, fortuna, fatum, natura, neces-
 sitas, juxta quorum imperium omnia componuntur: si intelligunt, & aliud
 velint præter Dei unius per se existentis, rerum omnium conditoris atque
 rectoris providentiam, mentem suam ipsi averiant, & aliquid, quod recte ra-
 tioni non adversetur nobis loquantur. quod si non intelligunt, vel nihil
 habent dicendum quod recta ratio ferre queat & probare, ut quid hanc per-
 petuo adorandam supremi Numinis cuncta disponentis providentiam; ipsius
 beneficiis ingrati, non incite minus quam impie blasphemant?

Ecc

At

At homines illos sua abutentes ratione, ipsique, ut fidei christianæ contradicant, vim facientes relinquamus, cum illis aduri qui catholicæ veritati aliunde adhærentes, de divina tamen providentia non satis recte sentiant, ex variis quæ in mundo contingunt mala Deo permittente qui ea tollere posset, adversus illa scandalum sumunt, dum viam impiorum prosperantem cernunt, bonis & iustis interea vitam in amaritudine animæ suæ degentibus. Hæc omnia Dei providentiam non evertere sciant, quæ ex occulto ipsius consilio evenire fides simul & ratio testantur. quæcumque tollere mala Deum posse si vellet quis ignorat? si illa non tollit, nec ex imbecillitate, nec ex invidia, quæ in Deo non est, id oritur, ut Epicuro talia opponenti respondebat Laëtantius lib. de ira Dei: sed ad summam ipsius sapientiam est referendum, cujus viæ omnes sunt iustitia & veritas. quot bona oriuntur, Deo sic disponente, ex innumeris malis quæ undique circumstant, quis numeraret? Deus summe bonus, summe sapiens, qui mala esse non sineret, si eis bene uti summa sua bonitate non posset, ut ait Augustinus, potentius & melius esse iudicavit, etiam de malis benefacere, quam mala esse non permittere. Neque ipsius providentiæ magis adversantur calamitates quibus flagellamur, quam monstra quæ in mundo nascuntur. Judicia Dei abyssus multa: & in prosperitate impii, & in adversitate iusti reducet summa ipsius equitas: utraque enim ex altissima Dei sapientia proficiscitur. ad maiorem gloriæ & ostensionem impiorum felicitatem, bonorum miseriam permittit Deus, illorum quædam bona opera moralia temporali prosperitate præmiando, istorum temporalem miseriam veramque iustitiam in perpetuas æternitates coronaturus. desinant ergo quicumque sint divinæ providentiæ obtrepatores, & ex iis quæ videntur, etiam in occultis veneranda ipsius vestigia intelligere discant.

Nec quis insipienter dicat absurdum esse, si de minutissimis animalibus vilissimisque rebus Deo cura tribuatur. unde enim illud absurdum repeteretur, & quid Deum dedecet, si ad reptilia usque, viliorave animantia, quæ suum esse ab ipso participant, paternam suam providentiam extendat; cum rem sic se habere laudata superius verba Christi confirmet? Nec de illis Deo esse curam insipienter asseritur. His omnibus generali quadam providentia & sigillatim invigilat. absurdum esset cogitare, & in insipientia diceretur, Deum non aliter creaturis rationabilibus quam irrationabilibus providere. singulari ac speciali providentia hominibus consulere Deum, illosque rebus cunctis antepone, & multo magis curare certissimum est: & naturalem ordinem rerum, cui in omnibus consultit Deus, everteret qui unicum providentiæ modum in illo admitteret. "Non sumus tam fatui adulatores," Dei, inquit Hieronymus, ut dum potentiam ejus etiam ad ima detrahimus, in nos ipsos injuriosi simus, eandem rationabilium quam irrationabilium providentiam esse dicentes. "unde videtur pro diverso rerum ordine diversam posse admitti in Deo providentiæ indefectibilis rationem."

Ex hucusque dictis intelligitur, optimam esse quam tradimus divinæ providentiæ descriptionem, dum illam dicimus æternam dispositionem divinæ
volum.

voluntatis, juxta quam omnia & singula in suos proprios fines per sufficientia seu convenientia media diriguntur. est igitur immutabilis illa dispositio, cum sit æternus divinæ voluntatis actus. omnia complectitur, nihilque est in rerum universitate quod ipsius dominio se subducere possit; & juxta hanc immutabilem & æternam divinæ voluntatis dispositionem omnia & singula diriguntur in suos proprios fines: neque enim possunt dirigi in fines qui non ipsis proprii sint: nam in illo casu non esset directio, sed deviatio a regula, cum hoc supposito non regerentur res secundum quod natæ sunt regi, id est per media opportuna & apta ad finem consequendum: & nisi quædam sit proportio habitudinis inter media & finem in quem tendere debent, numquam attingetur finis, quod vere esset contra ordinem providentiæ, & non potest supponi, cum divina providentia in sui dispositione non fallatur. ex illa descriptione colligitur, providentiam de omnibus esse æqualem ex parte actus, inæqualem vero in effectibus & terminis.

Quæritur, An divina providentia finem suum semper assequatur, adeo ut finis consecutio sit de ipsa ratione providentiæ?

Resp. De ratione providentiæ est quod semper suum finem assequatur. Duplex est autem finis: specialis unus, qui est finis ultimus creaturæ: universalis alter, qui est finis Dei providentis, & aliud non est quam manifestatio attributorum Dei. Hunc generalem finem, qui finis operantis Dei dici potest, semper assequitur divina providentia, etenim in omnibus & per omnia suam gloriam Deus ostendit: in remunerando manifestans misericordiam, si finem specialem creaturæ assequatur ipsius providentia: in vindicando justitiam, si illum non assequatur; sicque verissimum est quod dicit Divus Augustinus, nullam esse creaturam, quæ non, velit nolit, divinæ providentiæ serviat. & inde intelligitur finem specialem rerum quæ ipsi subji-ciuntur divinam providentiam non assequi semper. finis creaturæ rationalis est beatitudo æterna: at quot inter homines sunt qui illam non consequuntur? De ipsa igitur ratione providentiæ est finis consecutio: finis saltem ejus generalis, si non semper finis specialis.

QUÆSTIO QUARTA.

An & quid sit prædestinatio in Deo?

Valde remotam esse a sensibus carnis hanc Scholam in qua Deus auditur & docet, lib. de prædest. Sanct. cap. 8. clamans Augustinus, quid aliud nobis significasse videtur, nisi divina prædestinationis & gratiæ Mystéria, in quibus caligat humana mens, non esse ratione naturali merienda. & revera, quemadmodum natura nihil meriti confert ad dona gratiæ, quæ gratis omnino donatur a Deo sine ullo ad meritum naturæ respectu, ita naturales rationes ab humano sensu depromptæ, & naturali ingenio excogitatæ, parum ad intelligentiam mysteriorum ejusdem gratiæ proficiunt. Hinc ipse Sanctus Doctor, qui in re prædestinationis & gratiæ naturales rationes nove-

noverat non valere, noluit in hac quæstione subtilitatibus uti, quibus ingeniosissimus & doctissimus, ut ingeniose observavit noster Macedo, multum valebat, & in aliis controversiis usus fuerat adversus Manichæos, Arianos, & Donatistas, sed solis testimoniis Scripturarum & Patrum Pelagianos & Semipelagianos voluit confutari. Non ergo humanas cogitationes ad rimanda hæc mysteria adhibeamus; sed Scripturam & Sanctos Patres, Augustinum imprimis consulentes, in solvendis, quod sumus tractaturi, quætionibus, veritati diligenter studeamus.

Prædestinatio, quæ vi nominis significat quamdam voluntatis dispositionem ad aliquem finem, hic sumitur pro actu divinæ voluntatis per æternum suum decretum eligentis quos ex misericordia vocat sive ad gratiam sive ad gloriam. in malam nihilominus partem quandoque sumitur, potissimum a veteribus sæpe dicentibus de reprobis, illos esse prædestinatos ad interitum, ad pœnam, ad supplicium æternum. ipseque Divus Augustinus aliquando sic loquitur, ut lib. 15. de civit. cap. 1. lib. 21. cap. 24. Tract. 49. in Joan. in Enchiridio cap. 100. his verbis: *bene utens & malis tanquam summe bonis ad eorum damnationem, quos iuste prædestinavit ad pœnam & ad eorum salutem, quos benigne prædestinavit ad gratiam.* verumtamen in bonam partem plerumque accipitur, præscientiæ nomine aliquando significatur prædestinatio, ut cum dicit Apostolus Epist. ad Romanos cap. 11. *non repulit Deus plebem suam quam præscivit.* Hoc quod ait præscivit, non recte intelligitur, nisi prædestinavit, inquit Augustinus lib. de dono perseverantiæ cap. 17.

Ejusdem libri cap. 14. quid prædestinationis nomine relative ad electos sit præcise intelligendum docet S. Doctor veram & distinctam ejus definitionem tradens, quam fere omnes Scholastici, Magistro sententiarum duce, amplectuntur. *Prædestinatio, inquit, est præscientia & preparatio beneficiorum Dei, quibus certissime liberantur quicumque liberantur.* Ex hac loquendi ratione aliquod dubium oritur apud nonnullos, quibus quidquam difficultatis esse videtur circa illud quod in definitione prædestinationis intelligendum voluerit Augustinus nomine præscientiæ, & nomine beneficiorum Dei quibus certissime liberantur quicumque liberantur. at licet per præscientiam alii scientiam simplicis intelligentiæ significari contendant; alii scientiam suam mediam adeo reputantes necessariam, ut sine illa cunctarum rerum exploratrice prudenter se determinare Deus nequeat, illam intelligant de scientia conditionatorum ab humana voluntate eliciendorum, certissimum videtur majorem Theologorum numero præscientiam de qua loquitur Hipponeus, esse scientiam visionis, per quam prænovit Deus quid circa suos electos & in ipsis est facturus. & illud indicant ipsius verba lib. de prædest. Sancti. cap. 10. *prædestinatio sine præscientia esse non potest: potest autem sine prædestinatione præscientia.* prædestinatione quippe Deus ea præscivit, quæ fuerat ipse facturus. præscientia illa est eorum quæ vere sunt futura: est enim cognitio prævia mediorum illorum quæ ad salvandorum efficacem electionem seu liberationem præparat Deus. & hæc necessario præcedit prædestinationem, quæ si non dirigeretur, ut ita dicam, per præscientiam qua cognoscitur virtus & efficacia beneficiorum gratiæ quæ libe-

libe-

liberandis præparantur, posset effectu suo fraudari decretum Dei prædestinantis, si ex impossibili infallibilia & efficacia semper non forent divina decreta; quia hac præscientia non præcedente in tali hipotesi prædestinationem, nec illam quadamtenus dirigente, posset non reperiri necessaria conexio inter prædestinationem & media seu beneficia quæ illam infallibiliter & efficaciter comitantur: quod cum dici non possit, sequitur præscientiam de qua agitur non esse conditionatam scientiam sed absolutam cognitionem eorum quæ electis suis præparat Deus, & præparari non possunt nisi a Deo prænoſcantur. Deus ergo juxta Augustinum unico & indivisibili absoluto suæ voluntatis decreto præſcit, præparat, prædestinat.

Hinc facile intelligitur definitionem allatam omnia explicare, quæ in prædestinatione continentur, in quantum juxta Apostoli doctrinam nectit utramque præscientiam & præparationem, monstratque præscientiam antecedere voluntatem ostendendo rationem prædestinandi. præparatio significat intentionem voluntatis sive propositum Dei ordinantis, & eligentis beneficia præſcita ad salutem æternam eorum qui liberantur ex massa damnationis, in qua omnes posteri Adæ ratiœ peccati ipsius includuntur, nisi per propositum Dei miserentis, ab illa damnatione liberentur. & apertissime declaratur Sancti Doctoris mens per verba immediate tum præcedentia, tum subsequencia definitionem. *an quisquam dicere audebit, inquit laudato capite 14. libri de dono persever. Deum non præſciſſe quibus daturus esset ut crederent, aut quos daturus esset filio suo, ut ex eis non perderet quemquam? quæ utique si præſciſſit, proſeſſo beneficia sua, quibus nos dignatur liberare præſciſſit . . . ceteri autem ubi nisi in massa perditionis justo divino judicio relinquuntur?* His expositis nullum supererit dubium circa beneficia quæ liberandis præparantur, quæque significant in allata definitione tum gratiæ, tum gloriæ æternæ munera: mentem suam sic exprimente Augustino lib. de prædest. Sancti. cap. 10. *inter gratiam & prædestinationem hoc tantum interest, quod prædestinatio est gratia præparatio, gratia vero jam ipsa donatio.* & infra: *quocirca prædestinatio Dei quæ in bono est, gratia est, ut dixi, præparatio: gratia vero est ipsius prædestinationis effectus.*

Circa prædestinationem, præter Astrologos, Manichæos, Priscillianistas factum & necessitatem ex syderum influxu statuentes, & alios cum Valentino, Basilide, Marcione arbitantes quemlibet natura sua bonum vel malum, salvandum vel reprobandum nasci, errasse Pelagianos ac Semipelagianos a præcedentibus in multis parum dissimiles, ex variis in ipsos Divi Augustini scriptis compertum habemus. circa prædestinationem singulari modo opinatus est Ambrosius Catharinus ex ordine prædicatorum insignis Theologus, cui plures etiam ex suis parum petere, erroris ipsum hoc in capite insimulantes, Duplicem salvandorum ordinem, duplicemque prædestinandi modum excogitavit: unum eorum qui superioris sunt excellentiæ ac meriti, ut Sanctissima Dei genitrix Maria virgo, Apostoli, alique virtutibus & miraculis illustres, quibus a Deo singulariter prædestinatis, talia conferuntur gratiæ dona, ut ex iis infallibiliter obtineant paratam sibi gloriam. alterum eorum qui meriti inferioris nullo speciali decreto prædestinati, sed communi providentiæ

reli-

relictis, & communibus gratiæ auxiliis suffulti a Deo præsciuntur salvandi, licet nullo efficaci adjutorio subtrahantur a perditione; quo posito alii quam illi quos Deus per absolutum & efficax decretum ab æterno liberare statuit, a massa damnationis liberarentur. Hunc Theologum ab errore ut vindicet Tournely, illum existimat voluisse duntaxat electos primi ordinis prædestinari gratuito & ante meritum prævisionem; salvando vero alterius ordinis consequenter ad merita ipsorum a Deo prævisa prædestinari: sed nullam sufficientem reddit rationem cur de illo ita sentiat. nulla videtur censura sufficere notatam Catharini opinionem intricatam satis, ex qua sequitur non determinari a Deo numerum salvandorum, qui tamen ex ejus præscientia certissimus est.

ASSERTIO UNICA.

Admittenda est in Deo prædestinatio Sanctorum, qua est præscientia & preparatio beneficiorum Dei, quibus certissime liberantur quicumque liberantur: ad quam illi soli qui pertinent æternam salutem consequuntur.

IN Sacris Scripturis & Patrum doctrina divinæ prædestinationis veritatem niti adeo certum est, ut vix Christiani nomine sit donandus, qui certum & immutabile decretum in Deo non agnoscit, quo ab æterno quosdam præ aliis salvare voluerit. quos prædestinavit inquit Apostolus ad Rom. cap. 8. *hos & vocavit; & quos vocavit, hos & justificavit; quos autem justificavit, illos & glorificavit.* & Ephes. cap. 1. *elegit nos in ipso ante mundi constitutionem, ut essemus Sancti . . . prædestinavit nos in adoptionem filiorum per Jesum Christum in ipsum secundum propositum voluntatis suæ . . . Nos sorte vocati sumus, prædestinati secundum propositum ejus, qui operatur omnia secundum consilium voluntatis suæ.* & adeo est juxta catholicæ fidei principia hæc de qua loquimur prædestinatio, ut a fide defecerit qui eam negat. Hoc scio, neminem contra istam prædestinationem, quam secundum Scripturas Sanctas defendimus, nisi errando disputare potuisse: inquit Augustinus lib. de dono persever. cap. 19. *Nimie contentio est prædestinationi contradicere, vel de prædestinatione dubitare, ait cap. 21. & cap. 23. dicit: Ac per hoc prædestinationis hujus fidem, qua contra novos hereticos nova solitudine nunc defenditur, numquam Ecclesia Christi non habuit.* Hinc Sanctus Fulgentius lib. de fide ad Petrum inter opera Augustini hæc habet cap. 35. seu Reg. 32. *firmissime tene, & nullatenus dubites, omnes, quos vestra misericordie gratuita bonitate Deus facit, ante constitutionem mundi in adoptionem filiorum Dei prædestinatos a Deo.*

Et revera quid aliud prædestinationis nomine significatur quam divinæ voluntatis decretum quo ab æterno efficaciter statuit quibusdam dare gratiam & gloriam. illud autem in Deo admittendum esse decretum suadet ratio, cum Deus nihil in tempore operetur quod ab æterno non decreverit. quibus ergo gratiam & gloriam donat in tempore, utramque illis donare ab æterno decrevit. alioquin dici posset illud quod fit a Deo & gratiæ ipsius beneficio, fieri contra vel præter intentionem & voluntatem ejus, cum cit-

ea illud non esset decretum : quod quam sit absurdum nemo non videt.

Est autem prædestinatio, ut diximus ex Augustino præscientia & præparatio beneficiorum Dei, quibus certissime liberantur quicumque liberantur. & per hæc verba intelligitur tota, ut ita dicam, divinæ prædestinationis æconomia. videri Deus in sua præscientia, quos ex massa damnata electurus est. His præordinatis per propositum Dei eligentis, voluntas per hanc præscientiam immediate dirigitur ad præparationem mediorum, per quæ certissime liberentur illi præordinati sive discreti per propositum Dei miserentis. Non speculativa tantum est hæc Dei prædestinatio, sed magis est practica, quæ futura beneficia preparat, & certa est ac determinata, ut discreti & separati a massa damnata per propositum, sint infallibiliter liberati, secundum certissimam scientiam, & infallibilem providentiam. & hanc esse mentem Augustini in sua prædestinationis definitione patet, ex eo quod hæc præscientia non versatur circa electionem hominis prædestinati, sed circa præparationem beneficiorum respectu illius. homo enim non præparatur, sed eligitur, eique electio fit illa præparatio, veluti fini cui media præparantur ad gloriam, ad quam dirigitur consequendam. Huic Sancti Doctoris definitioni stans Scotus illam sic explicavit in 1. dist. 40. *prædestinatio*, inquit, *proprie sumpta dicit actum voluntatis divinæ, videlicet ordinem electionis per voluntatem divinam, alicujus creature intellectualis, vel rationalis ad gratiam & gloriam.*

Quod autem versetur illa definitio in præparatione beneficiorum supposita electione hominum, quibus ea prædestinatio, sive præparatio, fiebat in præscientia determinata post propositum electionis eorum, ostendit Augustinus lib. de correptione & gratia cap. 7. firmitatem electionis, infallibilitatemque effectus illius pariter ostendens his verbis. *quicumque ergo ab illa originali damnatione divinæ ista gratia largitate discreti sunt: non est dubium quod & procuratur eis audiendum Evangelium, & cum audiunt credunt, & in fide, quæ per dilectionem operatur usque in finem perseverant; & si quando exorbitant correpti emendantur, & quidam eorum, etsi ab hominibus non corripiuntur, in viam quam reliquerant redeunt, & nonnulli acceptæ gratiæ, in qualibet ætate, periculis hujus vite mortis celeritate subtrahuntur. Hæc enim omnia operatur in eis, qui vasa misericordiæ operatus est eos, qui & elegit eos in Filio suo ante constitutionem mundi per electionem gratiæ. ex quibus colligitur, præscientiam in definitione positam, non ad prædestinatos, qui jam sunt discreti per propositum Dei, ex quo sequitur ipsa præscientia, seu præparatio beneficiorum, respectum dicere, sed ad beneficia præparanda.*

Illos dumtaxat qui ad illam pertinent prædestinationem, quive sunt electi secundum propositum Dei miserentis, esse salutem æternam consecuturos, habetur ex Scriptura, quæ dum de prædestinatis & electis loquitur, non quorundam meminit, sed de omnibus salvandis sermonem habet; de quibus dicit quod ipsis paratum sive destinatum sit Regnum Cælorum. & aliunde si alii præter prædestinatos salvarentur, & nullum circa ipsos daretur efficax Dei decretum, ex quo sequeretur pro illis præparatio mediorum ad gloriam infallibiliter conducentium, quibus censentur carere. cum comuni

muni providentiæ juxta Cathariorum relinquantur, communi gratiæ auxilio, non vero speciali immediatam cum salvatione connectionem habente, suffulti, per semetipsos a massa damnata liberarentur, sicque in se & non in Deo gloriarentur, cum non a Deo essent discreti, sed a se ipsis: quod est contra Apostoli doctrinam, cui parum consuleus Catharinus a veritate recessit, de occultissimo prædestinationis mysterio longe alter quam Augustinus sentiens, a Pelagianorum aut Semipelagianorum placitis in suo intricatissimo commento parum alienus. circa illius opinionem omni carentem fundamento, quoquo modo intelligatur, non insilemus.

Vana prorsus & fere inopia sunt quæ a Semipelagianis & eorum reliquiis, ad nauseam utque recantata opponuntur ad impugnandam divinæ prædeterminationis veritatem, ipsis dicentibus doctrinam de prædeterminatione multos in desperationem adducere, multos ex adverso in temerariam præsumptionem ex infallibilitate divini decreti, & ex illa oriri libertatis perditionem. hujusmodi oppositionibus sæpe adeo fuit factum satis, ut nihil virium amplius habere possint; & ad earum solutionem homini digoe de Deo cogitanti sufficit rationis naturale lumen. & aliunde ubi de gratia efficaci agitur eandem recurrunt difficultates, si quæ sint ibi solvendæ.

QUÆSTIO QUINTA.

Unum prædestinatio ad gloriam sit ita gratuita, ut meritum prævisionem præcedat. & nullam habeat causam præter gratuitam Dei prædestinantis voluntatem.

PRædestinationem liberum esse divinæ voluntatis actum mere gratuitum, quo nulla habita ratione meritum, sive ex viribus naturæ in ordine morali, sive ex gratiæ auxiliis in ordine supernaturali, acquirendum, Deus per suam Misericordiam ex motu proprio quosdam discernit ex massa perditionis, aliis cunctis in ea relictis, illos ad æternam prædestinationem beatitudinem, ipsisque nedum generalia gratiæ auxilia præparans, sed etiam efficacia & specialia ejusdem gratiæ beneficia quibus infallibiliter, certoque beatitudinem consequantur, intervenientibus in executione divini decreti ad æternæ gloriæ adeptionem meritis ex parte electorum per media ipsis in intentione Dei efficaciter præparata comparandis, defendunt & invito robore propugnant Theologi, qui Sancti Augustini doctrinæ indefectibiliter adherentes mentem ipsius verius videntur affectui. Alii ex adverso, ejusdem licet, ut volunt, Sancti Doctoris nixi doctrina, rationem prædestinationis illorum qui ad æternam felicitatem eliguntur a Deo, desumunt ex prævisione meritum quæ gratia supernaturali auxiliante sunt adepturi. Deus juxta eorum principia omnium hominum non dissimili voluntate vult salutem, nulla erga quosdam præ aliis ductus prædilectione: unde omnes salvos fieri æqualiter volens, media necessaria & sufficientia ad salutem singulis confert, eos ad cælestem eligens gloriam, quos pro virtute mediorum illorum bene operaturos prævidet,

det, & usque in finem perseveraturos. quænam ex duplici hac Theologorum sententia, quæ in præsentî quæstione in utramque partem agitata, ad fidem non pertinet, probabilioribus nitatur fundamentis, valde controversitur. posterior quæ ponit hominum merita ad instar causæ moralis Deum moventia ad illorum electionem, iustitiæ magis videtur congruere. prior vero quæ non attendit ad merita Deum nullomodo ad quosdam eligendos moventia, ipsius misericordiam magnificentius manifestat.

Merita nihilominus humana in qualibet hac opinione habent locum, licet diversa ratione comparata, vel ut causæ moventes ad destinandam gloriam propter ipsa, vel tamquam effectus electionis illa antecedentis. in re prædestinationis alio modo adhuc interveniunt electorum merita, in ordine videlicet executionis, etiam si juxta priorem sententiam non interveniant in ordine intentionis. gratuita sit prædestinatio. & antecedit meritum prævisionem; quæ in ipsam nihil influant in intentione Dei prædestinantis: verumtamen in executione, cœlestis beatitudo, quæ dicitur merces, corona iustitiæ, non rependetur nisi consequenter ad merita, ad quorum acquisitionem media efficacia præparantur electis; sicque Deus merita hominum quæ sunt effectus specialium gratiæ donorum coronans, nihil coronat nisi dona sua, ut loquitur Augustinus variis locis. Hic de prædestinatione in statu præsentî, post Adæ peccatum, nos quæstionem movere, de statu innocentie non inquirentes, ex jam dictis facile intelligitur. & de illa quærimus, utrum prædestinatio Sanctorum ad gloriam, ex qua sequitur prædestinatio ad gratiam quam perseverantia finalis comitatur, fiat ex prævisione meritum, vel eorumdem meritum prævisionem antecedit. Hæc est illa prædestinatio, quam vocant adæquatam & completam, de qua Sancti Patres, & cum ipsis veteres Theologi vulgo locuti sunt, quæve efficax est Dei decretum salvandi & liberandi quos eligit de massa perditionis, circa quam quid nobis sentiendum videatur, declarabit sequens.

ASSERTIO UNICA.

Prædestinatio Sanctorum in statu præsentî naturæ antecedit quamcumque meritum prævisionem. Et est ita gratuita ut nullam habeat causam præter absolutam Dei voluntatem, infinitamque ejus Misericordiam.

Hanc Sententiam eo libentius amplectimur, quod cum magis in Scripturarum testimoniis & Divi Augustini fundetur quam sententiæ opposita, tenetur a Subtili præceptore, a quo recedunt plures Scottiæ, eodem tempore a vera Augustini doctrina recedentes, specie quidem qua putaverint magistrum liberum cuique reliquisse utram sequi veller, quod si diligentius inquirerent, non adeo verum compertissent, sed studio quo privato ducti affectu, suæ defectionis quamdam afferrent excusationem. evidenter ita loquitur pro assertione nostra Scotus, ut illum audiendum judicaverim priusquam

Fff

af-

assertionis fundamenta proferantur. *volens ordinate finem*, & ea quæ sunt ad finem, inquit in 1. dist. 41. *præius vult finem*, quam aliquod entium ad finem, quia propter finem alia vult. ergo cum in toto processu quo creatura beatificabilis perducitur ad perfectum finem, finis ultimus sit, beatitudo perfecta, Deus volens huic aliquid istius ordinis, primo vult huic creatura beatificabilis finem, & quasi posterius vult sibi alia, quæ sunt in ordine illorum, quæ pertinent ad illum finem. sed gratia, fides, merita, & bonus usus liberi arbitrii, omnia ad istum finem sunt ordinata, licet quadam remotius, & quadam propinquius. ergo primo illi vult Deus beatitudinem, quam aliquod istorum, & præius vult ei quodcumque istorum, quam prævideat ipsum habiturum quodcumque istorum: igitur propter nullum istorum prævisum vult ei beatitudinem. quid speciosius ad propositum posset desiderari, quo nobis Scotum consentire demonstraretur, non video. Unde duce Subtili magistro assertionem multiplici argumento firmandam suscipimus. eaque cum oppositis difficultatibus separatim sunt proponenda ne ex dicendorum multitudine confusio oriaur.

ARGUMENTA EX SACRA SCRIPTURA.

NON ex meritis electionem Sanctorum & prædestinationem, sed ex electione & prædestinatione merita Sanctorum esse, permulta ostendunt Sacre Scripturæ testimonia. Christus apud Joannem cap. 15. Apostolos alloquens dicit: *Nos vos me elegistis, sed ego elegi vos & posui vos ut eatis & fructum afferatis, & fructus vestri maneat.* ex Christi electione fructus Apostolorum, qui non eliguntur quia fructum sunt allaturi, sed ut fructum manentem afferant ad quem positi sunt, ut eant. eligit ergo Deus homines prius, & non ipsi prius Deum. Adrom cap. 13. de prædicatione Pauli loquens Lucas ait, & crediderunt quotquot erant præordinati ad vitam æternam. non quia credituri erant verbis Apostoli illi qui eum audiebant, electi sunt & præordinati ad gloriam, sed ex hac eorum electione orta est fides qua Apostolo credere. epist. ad Rom. cap. 8. dicit Apostolus: *Diligentes Deum omnia cooperantur in bonum iis qui secundum propositum vocati sunt Sancti.* quare iis qui diligunt Deum omnia vertantur in bonum, en rationem & causam, nimirum, vocatio secundum propositum facit, quod propositum Dei est unica causa vocationis, ex qua sequuntur cætera Dei beneficia, per quæ fructum vocationis & effectum obtinent.

Ex una Dei Misericordia cum exclusione operum quorumcumque illam moveant, & antecedenter ad quamlibet meritorum prævisionem, Sanctos vocari & prædestinati invicte probant hæc verba ejusdem Apostoli in eadem epistola, cap. 9. *cum nondum nati fuissent, aut aliquid boni egerent aut mali, ut secundum electionem propositum Dei maneret, non ex operibus, sed ex vocante dictum est ei, quia Major serviet minori, sicut scriptum est Jacob dilexi, Esau autem odio habui.* Hunc locum Malachie de electione Jacob præ Esau nulla habita ratione operum, imo cum exclusione illorum, assumit Apostolus, ex Dei misericordie proposito electionem gratuitam Jacob ostendere volens, qui

in eodem erat statu ac Esau uterini & gemelli frater, qui derelictus mansit in statu odii ob peccatum originale quod uterque pariter contraxerat. & in electione unius Jacob representari gratuitam omnium Sanctorum prædestinationem verba antecedentia ostendunt, *quorum adoptio est Filiorum . . . non qui Filii carnis, hi Filii Dei, sed qui Filii sunt promissionis*. qui sunt Filii promissionis quam Abraham in Isaac dedit Deus, illos prædestinavit, & quia sunt prædestinati ut sint Filii Dei, ad illos vere pertinet filiorum adoptio, ad quam non pertinent filii carnis, id est non electi qui ob illam non electionem non sunt Filii promissionis, ideoque in semine Abraham non estimantur. idem ex sequentibus Apostoli verbis pariter ostenditur. *quid ergo dicemus: numquid iniquitas apud Deum? Nisi verba superius allata in exemplo Jacob & Esau gratuitam prorsus unius præ alio electionem significarent, quomodo locum habere posset hæc inductio, numquid iniquitas est apud Deum? cunctam dubii rationem tollerent merita prævisa: sed illa etiam prorsus remouentur ex verbis Moysis apud Exodum cap. 33. respondente Apostolo: absit: Moysi enim dicit, miserebor cuius miserebor; & misericordiam præstabo cuius miserebor.* & si dubium aliquod adhuc superesset circa omnimodam electionis diuinæ gratuitatem, certissime evanescet auditus Pauli verbis rem concludentibus: *igitur non volentis, neque currentis, sed miserentis est Dei*.

Gratuitam Dei miserentis electionem iterum commendat Apostolus ephes. cap. 1. *elegit nos in ipso ante mundi constitutionem, ut effemus Sancti & immaculati in conspectu ejus in caritate: qui prædestinavit nos in adoptionem Filiorum per Jesum Christum in ipsum, secundum propositum voluntatis sue.* & epist. 2. ad Timoth. cap. 1. discipulum hortans ad animi firmitatem quam exigit Evangelii prædicatio hæc scribit: *collabora Evangelio secundum virtutem Dei, qui nos liberavit, & vocavit vocatione sua Sancta. non secundum opera nostra, sed secundum propositum suum & gratiam, quæ data est nobis in Christo Jesu ante tempora secularia;* quibus similia sunt quæ habet ad Titum cap. 2: *Non ex operibus justitiæ quæ fecimus nos, sed secundum suam misericordiam saluos nos fecit ubique exaltator Dei vocantis propositum: ubique divina voluntas ex Misericordia, non ex operibus non ex præcedentibus meritis, libere nos vocans elucet.* unde jure merito in nobismetipsis gloriandi causam omnem aufert, ex eo quod nihil in nobis invenerit Deus meriti ratione cuius nos discerneret, quasi fuerit prævisio boni usus gratiæ Deo causa discernendi, quosque propriis meritis nostris discretos invenerit, ac ut tales elegerit. & ideo Apostolus epist. 1. ad corinth. cap. 4. vanam, quæ suboriri posset ex non satis intellecta gratiæ misericordia, gloriam retundere volens ait, *quis enim te discernis? quid autem habes quod non accepisti? si autem accepisti, quid gloriaris quasi non acceperis?* & plura possent afferri Scripturarum testimonio assertionis veritatem confirmantia: sed in longum nimis protraheretur sermo, & aliunde in decursu dicendorum redire poterunt. adversariorum oppositiones ex iisdem Scripturis sunt audiende.

SOLUTIO OBJECTIONUM.

1. **O**bjectio. Math. cap. 25. in ultimo judicio electos sic allocuturus est Christus: *venite benedicti Patris mei, possidete paratum vobis regnum a constitutione mundi: esurivi enim & dedistis mihi manducare; sitivi & dedistis mihi bibere*, &c. cum ergo electis paratum dicat Christus cæleste regnum ob opera Misericordiæ quæ exercuerunt, evidens est ex meritorum prævisione ipsos fuisse electos. Idque confirmant varia Scripturæ loca, quæ regnum Cælorum meritis rependi ostendunt, unde merces, corona, retributio sæpius vocatur, & certe supponunt laborem, certamina, merita eorum quibus retribuitur; quod pariter significant varix Parabolæ ex Evangelio, in quibus sub multiplici figura designatur æterna beatitudo, quæ prædestinationem non esse gratuitam videtur indicare.

Resp. Ex supra prænotatis præsentem in antecessum solutam agnoscat difficultatem quæ parum urget, quisquis attenderit duplicem nos dixisse ordinem in prædestinatione distingui. in intentione unum, in executione alterum. prædestinatio Sanctorum, in intentione Dei quosdam præ aliis ad Cælestem gloriam eligentis, de qua præcisè inter Theologos movetur quæstio, antecedit, ut ostendunt loca Scripturæ in rei testimonium mox allata, quamcumque meritorum prævisionem, Deo ex pura Misericordia pro beneplacito, quos vult eligente. in executione vero interveniunt prædestinatorum merita, quæ causa sunt cur cæleste regnum possideant, quod nemo Catholicus negabit, etsi non sint causa cur ad illud possidendum fuerint prædestinati. Hinc est quod in verbis Christi quæ opponuntur, hæc propositio causalis, *esurivi enim & dedistis mihi manducare*, &c. non connectitur, cum hoc verbo *paratum vobis*, sed cum isto *possidete*. unde opera Misericordiæ laudantur ut causa glorificationis, & non ut ratio electionis. Idque colligitur ex eo quod Christus eo in loco nihil habet de prædestinatione in ordine intentionis, sed de illius executione agit, cum de extremo judicio loquens possessionem gloriæ actualem tamquam fructum bonorum operum, eorumque mercedem electis esse rependam significat. Nec particula causalis *enim* respectu electorum refertur magis ad gloriæ præparationem, quam respectu reproborum ad ignis eterni præparationem, dum illos ibidem alloquens Christus dicit, *discedite maledicti in ignem æternum, qui paratus est diabolo & Angelis ejus: esurivi enim & non dedistis mihi manducare*. non potest autem dici ignem æternum fuisse paratum Diabolo ejusque Angelis propter mala hominum opera. in eo se tenet comparatio inter sortem oppositam electorum & reproborum, quod sicuti isti non mittentur in ignem æternum nisi ob eorum merita mala, ita illi non intrabunt in regnum Cælorum nisi ob eorum merita bona, quæ etsi ad illorum electionem non conferant in intentione eligentis Dei, ut jam dictum est, in executione multum inserviunt, & sunt conditio sine qua non. & ideo beatitudo merces, corona, merito vocatur, quæ laborantibus, certantibus, vincentibus ex æquo rependitur.

Nec

Nec dicatur gratis fingi, & contra sensum verborum Scripturæ, quod Deus in ordine executionis non coaserat gloriam nisi interveniant merita, illi quem prædestinavit ad illam meritis inconsultis. & qui id gratis & irrationabiliter fingi inconsulte proferunt, se nec quod impugnant intelligere manifestant. dicunt enim sibi ipsis sapientes, si Deus in executione non vult dare gloriam sine meritis, cur decrevisset dare illam absolute & sine meritis? an alter posuit velle in ordine intentionis, & aliter in executione? unde talis mutatio? talia dum opponunt se insipientes ostendunt. unde enim habent Deum decrevisse dare gloriam absolute & suo meritis, & quis unquam hoc dixit? Deus non habita ratione meritorum prædestinat ab æterno aliquem ad gloriam, & in hoc apparet ipsius misericordia: sed sic aliquem prædestinare, non est decernere dare illi in tempore gloriam absolute & suo meritis. Hæc duo sunt plane diversa: & quod ordo intentionis differat ab ordine executionis, nullum arguit in Deo mutationem, nisi forte respectu illorum qui huc duplicem ordinem minime capiunt. & revera illum non capiunt, dum ordinem intentionis supponunt esse oppositum ordini executionis, & illa duo decreta intentionis & executionis esse contraria: est enim unicum & absolutum decretum, quo ante prævisionem meritorum Deus prædestinatur ad gloriam, quam tamen non consequetur nisi plenus meritis, quorum hæc eadem gloria erit præmium: est in prædestinando Deus misericors, & in retribuendo iustus; nec ulla est inter misericordiam & iustitiam oppositio. ordo intentionis in illo decreto absoluto refertur ad causam prædestinationis: ordo vero executionis respicit ad effectum illius: & in duplici illo ordine sibi invicem dante manum, Deus semper idem vult æterno & incommutabili consilio. Sed maxima pars adversariorum, inquit, & præcipue Scotistarum, non recurrit pro reprobatione ex demeritis ad distinctionem intentionis, & executionis, cum non dicant, Deum ex prima intentione voluisse damnare aliquos sine meritis: ergo, inquit, idem est dicendum de electis, eodem modo de utroque loquente Evangelio. inepta prorsus argumentatio, & quam dedecet illos Scotistas sic discurrentes. ut quid respectu reproborum distinctio intentionis & executionis supponeretur, cum intentio & executio, saltem in reprobatione positiva, de qua agitur loco laudato Marhæ, sint unum & idem? aliud est de electis existimandum quorum respectu ordo intentionis differt ab ordine executionis, cum terminus utriusque, vel obiectum sit diversus: unus ordo habet pro obiecto causam prædestinationis, alter, effectum prædestinationis, & de meritis malis reproborum, & meritis bonis electorum est diversimode loquendum. postulat divinæ iustitiæ ordo, ut nullus positive reprobetur nisi præcesserint merita mala: at nullatenus exigit ordo misericordiæ ut in eo, cui impertitur præcesserint merita bona. ex duobus hominibus ejusdem criminis reis quod uni supplicium decernatur, altero ad eadem damnatione liberato, atque etiam, nullo interveniente merito bono, ad honoris gradum evectio, nullam in principe arguit injustitiam, licet ex una parte eluceat maxima ejus clementia & liberalitas. sed multum in eo esset iniquitatis, si nullo precedente cri-

minc

mine vel merito malo, uni vel utrique decerneretur & indigeretur supplicium. & ut finem dicendi faciamus, cum de electis & reprobis eodem modo Christus loquitur, de prædestinatione & reprobatione in se spectatis non loquitur, sed de ultimo & præcipuo utriusque effectu. unde contra assertionem exinde nihil concluditur. aliunde dici posset, Christum eo loci totum esse in commendanda bonorum operum, eleemosynæ potissimum necessitate, quorum pro illis qui piis virtutum operibus studuerint, merces erit regni æterni possessio, illi vero qui his non studuerint, supplicio æterni ignis diabolo parati prædentur. & juxta hunc sensum loquitur Sanctus Augustinus serm. 60. quem ut sibi faventem opponunt illi Scotistæ quos ultimo loco refellimus, licet ad virtutum exercitium, ad eleemosynæ præsertim erogationem adhortans, nec quidquam de prædestinatione cogitet S. Doctor, æterna gloria remunerandam esse misericordiam in pauperes ostendens, & igne æterno puniendos immisericordes, in extremi judicii die. *quare causas, inquit, vel tanta mercedis, vel tanti supplicii, percipite regnum, & ite in ignem æternum. quare isti percipientes sunt regnum? esurivi, & dedistis mihi manducare. quare isti ituri sunt in ignem æternum? esurivi, & non dedistis mihi manducare.*

2. *Objeccio.* Quæcumque allata sunt Scripturæ loca ad assertionis confirmationem intelligi debent solummodo de electione ad Apostolatam, ad fidem, ad gratiam, non vero de prædestinatione ad gloriam. ex illis igitur non potest haberi intentum.

Resp. Etsi daremus quod opponitur, hæc scilicet esse intelligenda de electione ad gratiam, ad fidem, ad Evangelium, quod non concedimus, nihilominus haberemus intentum. fides, gratia, sunt media ad effectum prædestinationis consequendum. si gratuita est electio ad media, prædestinatio ad finem qui prius intenditur, cum finis non sit propter media, sed media sint propter finem, gratuita esse debet & antecedere prævisionem meritum, quæ ratione mediorum acquiruntur ad finis consecutionem. verum allati textus referuntur præcisè ad prædestinationem adæquatam & completam, gloriæ possessionem in intentione Dei decernentis completentem, juxta modum quo a Sanctis Doctoribus fuit semper intellecta. Christus elegit Apostolos ex gratuita dilectione merita illorum antecedente, sicut ipse homo Deus a Patre fuit dilectus, & prædestinatus gratis ex proprio affectu. *sicut dilexit me pater; & ego dilexi vos.* ita Christiani non præligantur per merita ipsorum futura, sed ex libera & gratuita Dei voluntate, ut ipsorum merita, quæ sunt fructus quem electi facturi sunt ex sua electione, & ad quem a Deo positi sunt, maneant in æternum, cum consummata charitate gloria æterna ad quam sunt electi, donabuntur.

Verba Apostoli ad Ephesios non esse intelligenda de electione ad gratiam & merita per illam futura & dependenter ab iis ad gloriam, ostendunt vetera præcedentia. *Benedixit Deus qui benedixit nos benedictione spirituali, ubi nihil nobis in illa benedictione tribuitur. Sicut elegit nos, ut effemus sancti, & immaculati, præcedit electio sanctitatem per gratiam, ut effemus, non quia*
era

eramus. ut autem ostendat se meritum prævisionem non habere ut causam prædestinationis subiungit; etiam *Et nos sorte vocati sumus, prædestinati secundum propositum ejus qui operatur omnia secundum consilium voluntatis suæ.* unde sæpius dicit Deum prædestinare, Deum vocare secundum propositum suum, adeo ut merita nostra non sint ratio nostræ electionis; & si interveniant humana merita, non sunt nisi effectus vocationis. sicut frustra laborant adversarii, dum, allata Scripturarum testimonia nobis parum favere ostendere conantur. id unum evincere poterunt, quod jam statutum, electionem mediorum in ordine executionis præcedere quodam modo electionem ad gloriam, quam Deus suis electis ita vult, ut ex hoc amore finis illis provideat media convenientia, & proportionata creaturæ libere, ex quibus merita unde illis gloria tandem gloriosius conferatur: sed illa sequuntur ex illo amore finis, non antecedunt; ideoque restat prædestinationem in ordine intencionis gratuitam esse ac liberalem, cujus motiva sunt misericordia & dilatio erga salvandos, quæ optime conciliatur cum retributione ex justitia in ordine executionis, quem pluribus in locis, ut in diversis parabolis, præcipue intendere videtur Scriptura Sacra, ut magis hominum captivi accoromodatum, & ad virtutum exercitium fortius illos moventem.

ARGUMENTA EX SANCTO AUGUSTINO.

QUoniam inter alios Patres in rebus prædestinationis & gratiæ eminet Augustinus, quem sibi a Deo datum ad vindicanda utriusque mysteria adversus Pelagianos ac Semipelagianos agnoscit Christi ecclesia, easque de causa hunc sibi patronum volunt omnes Theologi, tum sententiam nostram qui amplectuntur, tum huic oppositam qui tuentur: imo ipsi hæretici, ab illius licet doctrina prorsus aberrantes, ejusdem patrocinio se gloriamur contendunt, adeo ut in eo circa Sanctum hunc Doctorem consentiant omnes, vera esse & certa quæ de arcanis prædestinationis & gratiæ ipse docuit & propugnavit, mentem illius veramque doctrinam altius rimari nos juvat, unde magis legentibus innotescat nos in dicendo illum nobis magistrum non immerito vindicare.

Primum argumentum. Rem prorsus nostram definit in Enchiridio ad Laurentium Augustinus. dum dicit prædestinationem electionem non solum ex prævisis meritis non fuisse factam, sed ex adverso ex prævisis demeritis per misericordiam Dei liberantis illam esse, cum ex omnibus Adæ posteris in suo capite ob illius peccatum in eadem cum illo damnatione constitutis, & in eandem perditionem ituris, Deus miseratione commotus quosdam ex illa massa damnata liberare decrevit, & miserendo ex illa veteri conspersione discrevit, ac discernendo elegit, cæteris in communi perditionis statu juxta judicio derelictis. Hæc autem scribit cap. 99. *ergo Deus cujus vult miseretur, & quem vult obdurat. miseretur scilicet magna bonitate, obdurat nulla iniquitate; ut nec liberatus de suis meritis gloriatur, nec damnatus nisi de suis meritis conqueratur. sola enim gratia Redemptor discernit a perditis, quos in unam perditionis conrevertat massam ab origine ducta causa communis. . . .* Videt homo, si caput

universum genus humanum tam iusto iudicio divino in apostolica radice damnatum, ut etiam si nullus inde liberaretur, nemo recte posset Dei vituperare iustitiam; & qui liberantur, sic oportuisse liberari, ut ex pluribus non liberatis, atque in damnatione iustissima derelictis, ostenderetur quid meruisset universa conspersio, & quo etiam istos debitum iudicium Dei duceret, nisi eis indebita misericordia subveniret; ut voluntium de suis meritis gloriari, omne os obstruatur; & qui gloriantur, in Domino gloriatur. Ne autem merita naturæ tantum eo loci excludi quiquam opinetur, satis est si observent ubinam erant electi ante discretionem, in eadem nimirum massa cum non electis seu reprobis, & utrorumque paria esse merita, vel potius demerita, peccatum originale scilicet ac omnia quæ ex illo sequebantur.

Hanc veram esse Augustini mentem, nec illud incidenter esse loquutum ostendunt innumera, ut ita dicam, ipsius testimonia luce meridiana clariora, plusquam ex viginti illius operibus desumenda, & ab ipso in iisdem centies maiori cum nervo, semperque diverso recantata. perpaucas censemus, referenda, veritati, simul & brevitati ut fieri potest, consulentes. lib. 13. de Trinit. cap. 10. misericordiam Dei commendat, merita mala quibus liberamur per Christi Redemptoris merita bona commemoratis, his verbis. quid tam necessarium fuit, quam ut demonstraretur nobis quanti nos penderet Deus, quantumque diligeret? quid vero huius rei tanto indicio isto manifestius atque praeclarior, quam ut Dei filius immutabiliter bonus, in se manens quod erat, & a nobis pro nobis accipiens quod non erat, præter sua natura detrimentum, nostræ dignatus inire consortium, prius sine ullo malo suo merito mala nostra perferret, ac sic jam credentibus quantum nos diligit Deus, & quod desperabamus jam sperantibus, dona in nos sua sine ullis bonis meritis nostris, immo præcedentibus & malis meritis nostris indebita largitate conferret? & revera quid in electis pigri-derit præter merita mala Deus cum elegerit, & peccati tenebras, dicit lib. 2. contra duas Epistolas Pelagianorum cap. 7. quis te discernit, utique ab ira vastis, a massa perditionis, quæ per unum omnes misit in damnationem? . . . ille discernit, qui unde discernaris impertis, penam debitam removendo, indebitam gratiam largiendo: ille discernit, qui cum essent tenebra super abyssum dixit, fiat lux, & facta est lux; & dixit, hoc est discernit inter lucem & tenebras. Non enim cum sole essent tenebra, quid discerneret invenit: sed lucem faciendo discernit.

Hoc idem prosequitur argumentum & elegantissime Augustinus, lib. de gratia & libero arbitrio cap. 5. & 6. de Pauli Apostoli conversione loquens, in quo non invenit Deus cum illum vocavit, aliquod meritum bonum, sed multa merita mala, quibus nisi poena utique debebatur. illud ægre omittimus, sed longior est sermo, quam ut referatur. De eodem argumento aliquid habet enarrat. in Psal. 55. in hac verba, pro nibilo salvos facies eos: Nullis, inquit, eorum meritis præcedentibus salvos facies eos. quod ut ostendat, ejusdem Apostoli exemplum affert. Nulla ergo huius (pauli) bona merita præcesserant, immo talia præcesserant de quibus damnaretur: nihil boni attulit, & salvus factus est, pro nibilo salvos facies eos, id est, gratis data gratia tua. quid ille

ille latro attinuerat ad crucem? de sauce in iudicium, de iudicio in lignum, de ligno in Paradisum.

Secundum Argumentum. Efficacius ad assertionis confirmationem asserere non poterat quidquam Augustinus, exemplo Christi Salvatoris, qui ut caput & primus prædestinatorum, eorum fuit exemplar. & sicut ille gratis omnino nullis prævisis meritis ex parte humanitatis suæ prædestinatus fuit, ita gratis & absque ullis prævisis meritis propriis homines sunt a Deo prædestinati. quod argumentum tantè putavit esse virtutis Sanctus Doctor ut sæpius eo utatur. Sic lib. de prædest. Sanct. cap. 15. *est etiam præclarissimum lumen prædestinationis & gratiæ. ipse Salvator, ipse mediator Dei & hominum homo Christus Jesus: qui ut hoc esset, quibus tandem suis, vel operum, vel fidei præcedentibus meritis natura humana, quæ in illo est, comparavit? Respondeatur quæso; ille homo, ut a verbo Patri coæterno in unitatem personæ assumptus, Filius Dei unigenitus esset, unde hoc meruit? quod ejus bonum qualecunque processit? quid egit ante, quid credidit, quid petiit, ut ad hanc ineffabilem excellentiam perveniret? . . . Sicut ergo prædestinatus est ille unus, ut caput nostrum esset, ita multi prædestinati sumus, ut membra ejus essemus. Humana hic merita conticescant, quæ perierunt per Adam: & regnet quæ regnat Dei gratia per Jesum Christum Dominum nostrum, unicum Dei Filium, unicum Dominum. quisquis in capite nostro præcedentia merita singularis illius generationis invenierit, ipse in nobis membris ejus præcedentia merita multiplicata regenerationis inquirit. Incarnatio Christi quæ erat principium omnis meriti, non poterat cadere sub meritum: sic nec homines mereri possunt gratiam primam prædestinationis ob futurum usum ex gratiis quæ illam subsequuntur.*

Iterum Augustinus lib. de dono persever. cap. 24. Nullum autem est illustrius prædestinationis exemplum quam ipse Jesus, quam ipse Mediator. quisquis fidelis vult eum bene intelligere, attendat ipsum, atque in illo inveniet & se ipsum. . . qui ergo hunc fecit ex femine David hominem justum qui numquam esset injustus, sine ullo merito præcedentis voluntatis ejus; ipse ex injustis facit justos sine ullo merito præcedentis voluntatis ipsorum. ut ille caput, hi membra sint ejus. . . illum ergo & nos prædestinavit, quia & in illo ut esset caput nostrum, & in nobis ut ejus corpus essemus, non processerunt merita nostra, sed opera sua futura præcivit. & in Enchiridio cap. 36. factio Sermone de Incarnatione Verbi, hæc habet. Hic omnino granditer & evidenter Dei gratia commendatur, quid enim natura humana in homine Christo meruit, ut in unitatem personæ unici Filii Dei singulariter esset assumpta? quæ bona voluntas, cujus boni propositi studium, quæ bona opera præcesserunt, quibus mereretur iste homo, una fieri persona cum Deo? Numquid antea fuit homo, & hoc ei singulare beneficium præstitum est, cum singulariter promereretur Deum? . . . unde natura humana tanta gloria, nullis præcedentibus meritis, sine dubitatione gratuita, nisi quia magna hic & sola Dei gratia fideliter & sobrie considerantibus evidenter ostenditur, ut intelligant homines per eandem gratiam se justificari a peccatis, per quam factum est ut homo Christus nullum posset habere peccatum? Idque pariter ostendit Sanctus Do-

Ator ibidem exemplo Mariæ Virginis quæ electa est, non ex prævisis meritis sed gratis omnino, ut esset Mater hominis Dei.

Tertium Argumentum. Ex gratuita Dei prædestinantis voluntate esse quæcumque media ad salutem conducentia, & ex ejus in electos affectu, docens sapissime ac constanter Augustinus, ipsam prædestinationem gratium ostendit. lib. de corrept. & grat. cap. 7. loquens de his qui ab originali damnatione discreti, Evangelium audiunt, credunt, & in ea fide quæ per dilectionem operatur, usque in finem perseverant, subdit, hæc omnia operatur in eis qui vasa misericordia operatur est eos, qui & elegit eos in filio suo ante Constitutionem Mundi per electionem gratiæ. non enim sic sunt vocati, ut non essent electi. sed quoniam secundum propositum vocati sunt, profecto & electi sunt per electionem, ut dictum est, gratia, non præcedentium meritorum suorum, quia gratia illis est omne meritum. quod intelligit tam de initio fidei quam de ipsa fide, cunctisque bonis operibus quæ secundum illam ex gratia faciunt electi. & sic prosequitur cum Apostolo: De talibus scimus, quoniam diligentibus Deum omnia cooperantur in bonum, his qui secundum propositum vocati sunt; quoniam quos ante præfavit & prædestinavit, quos autem prædestinavit, illos & vocavit, quos autem vocavit, ipsos & justificavit, quos autem justificavit, ipsos & glorificavit ex illis nullus perit, quia omnes electi sunt. Electi sunt autem, quia secundum propositum vocati sunt, propositum autem non suum, sed Dei. omne bonum quiddam operantur electi, omnis gratia per quam illud operantur, ipsaque, ut dixi, perseverantia, cuncta hæc a vocatione secundum propositum, id est a prædestinatione, ducunt originem. Horum si quisquam perit, fallitur Deus: sed nemo eorum perit, quia non fallitur Deus. Horum si quisquam perit, vitio humani vincitur Deus: sed nemo eorum perit, quia nulla re vincitur Deus, electi autem sunt ad regnandum cum Christo.

Idem sæpe resumit argumentum adversus Pelagianos & Semipelagianos, ipsum audiamus lib. 5. contra Julianum, cap. 14. Ne forte ante constitutionem Mundi ex operibus præcognitis putarentur electi, securus est & adjunxit, si autem gratia, jam non ex operibus, alioquin gratia jam non est gratia, ex isto numero electorum & prædestinatorum, etiam qui pessimam duxerunt vitam per Dei benignitatem adducuntur ad penitentiam, per cuius patientiam non sunt hinc vitia in ipsa scelere perpetratione subtrahit. ex his nemo perit quicumque alite moriatur. Absit enim ut prædestinatus ad vitam, sine Sacramento Mediatori finire permittatur hanc vitam; est ergo propositum Dei vocantis causa vera & radix omnium mediorum quæ præparantur & conferuntur prædestinatis ad illorum infallibilem certissimamque liberationem. & gratiam ex qua merita omnia fluunt antecedit electio ad cuius finem consequendum interveniunt, illa omnia operante gratia Christi, cuiusque operis boni efficii principi. ideoque Peccatores non ex statu gratiæ, sed ex peccati statu ad penitentiam vocantur, quibus autem conferuntur illa media vel gratiæ auxilia, ex eo præcise conferuntur juxta Hipponensem, quod sunt prædestinati ad gloriam; unde ad gloriam minime prædestinatis non conferuntur. lib. de

correp. & grat. cap. 13.) Hi vero qui non pertinent ad hunc prædestinatorum numerum . . . pro meritis iustissime iudicantur. Aut enim jacent sub peccato? . . . quo voluntur per diversas cupiditates noxias, alii magis, alii minus; sed omnes mali, & pro ipsa diversitate, diversis suppliciis iudicandi. aut gratiam Dei suscipiunt, sed temporales sunt, nec perseverant; deserunt & deseruntur. dimissi enim sunt libero arbitrio, non accepto perseverantia dono, iudicio Dei iusto & occulto.

Non mirum igitur si electionem prædestinatorum in gratuitam, prorsusque liberam Dei voluntatem refundat Augustinus, simulque divinæ electioni profunditatem ac media ad illam spectantia, summæ Dei misericordiæ, exclusæ iustitiæ, tribuat. & ex hoc capite procedit quartum argumentum. & quid aliud intendit Sanctus Doctor, dum in Dei misericordia ponens totam rationem eligendi, parabolam de Patre familias operarios ex denario diurno vineam sua conductente, sæpe adducit. sic lib. 2. contra duas Epistolas Pelagianorum cap. 7. acceptio personarum ibi recte dicitur, ubi ille qui iudicas relinquens causæ meritum de qua iudicat, alteri contra alterum suffragatur, quia invenit aliquid in persona quod honore vel miseratione sit dignum. si autem quispiam duos habeat debitores, & alteri velit dimittere debitum, alterum exigere; cui vult donat, sed neminem fraudat: nec acceptio personarum dicenda est quando iniquitas nulla est. Alioquin eis qui parum intelligunt, potest acceptio personarum videri; ubi vineæ dominus operariis, qui una hora illic opus fecerunt, tantum dedit, quantum illis qui pertulerunt pondus diei & æstus, æquales faciens in mercede, quorum tam magna distantia fuerat in labore. sed quid respondit de hac velut acceptione personarum adversus Patrem familias murmurantibus? amice, non tibi facio injuriam: nonne ex denario convenisti mecum? tolle quod tuum est, & vade. volo autem & huic novissimo dare sicut & tibi. an non licet mihi. quod volo, facere? Nempe hic tota iustitia est: hoc volo: tibi reddidi, huic donavi . . . sicut ergo hic nulla est acceptio personarum . . . Sic etiam cum secundum propositum Dei vocatur alius, alius non vocatur, vocato datur gratuitum bonum, cuius boni est vocatio ipsa principium; non vocato redditur malum, quia omnes rei sunt ex eo quod per unum hominem peccatum intravit in mundum. omnes Adæ posterii sunt iustitiæ divinæ debitores: aliis ex bonitate donatur debitum; ab aliis ex iustitia exigitur. ab hac communi damnatione qua tenentur obnoxii omnes, liberantur nonnulli ex Dei misericordis beneplacito: alii non liberantur ex occulto quidem sed numquam injusto Dei iudicio. unde merito dicit Augustinus: Nec ulla est acceptio personarum in duobus debitoribus æqualiter reis, si alteri dimittitur, ab altero exigitur, quod pariter ab utroque debetur, item lib. de dono persever. cap. 8. Non sumus ingrati, quod secundum placitum voluntatis sue, in laudem gloriæ gratia sua tam multos liberat misericors Deus de tam debita perditione, ut si inde neminem liberaret, non esset injustus . . . qui ergo liberatur, gratiam diligit: qui non liberatur, debitum agnoscat. si in remittendo bonitas, in exigendo æquitas intelligitur, nusquam esse apud Deum iniquitas invenitur . . . recolamus illos operarios in vinea . . . Numquid & hi audierunt murmurantes a Patre familias, nisi, hoc volo? ita quippe ejus erga alios fuit largi-

tas, ut erga alios nulla esset iniquitas. & isti quidem utrique in bonis sunt: verumtamen quantum ad justitiam spectat & gratiam, potest & de eo qui liberatur, recte dici, volo: potest & de eo qui damnatur, tolle quod tuum est & vade; huic autem volo, quod non debetur donare.

De mediis ex prædestinationis decreto præparatis, meritisque per illa adeptis loquens, hæc Dei dona esse per gratiam declarat, ipsumque Dei regnum, & coronam gloriæ esse ex Dei gratia ejusque liberalitate affirmat, lib. de gratia & libero arbitrio cap. 7. & sequentibus. *Sed quia & ipsa bona opera nobis ex Deo sunt, a quo nobis & fides est, & dilectio, propterea idem ipse Doctor gentium, etiam ipsam vitam æternam gratiam nuncupavit. & nascitur inde non parva quaestio. . . si enim vita æterna bonis operibus redditur, sicut apertissime dicit Scriptura, quoniam Deus reddet unicuique secundum opera ejus; quomodo gratia est vita æterna, cum gratia, non operibus reddatur, sed gratis detur, ipso Apostolo dicente; ei qui operatur merces, non imputatur secundum gratiam, sed secundum debitum. & hanc quaestionem, ex qua videretur sequi vitam æternam gratiam non esse, sed esse debitam bonis operibus quorum est merces, solvit Augustinus dicens, & ipsa bona opera nostra quibus æterna redditur vita, ad gratiam Dei pertinere. & hæc ita ad Dei gratiam pertinent, ut sint potius quodam modo opus Dei quam nostrum, in quantum ab ipso opera illa nobis præparantur, & in illis creamur, ut loquitur Apostolus. Ephes. cap. 2. unde qua ratione dixerit non ex operibus vitam æternam, sed ex gratia, sic exponit: audi & intellige, non ex operibus dictam, tamquam tuis ex te ipso tibi existentibus, sed tamquam his in quibus te Deus finxit, idest, formavit & creavit. Hoc enim ait, ipse sumus figmentum, creati in Christo Jesu in operibus bonis . . . fingimur ergo, idest, formamur & creamur in operibus bonis, quæ non præparavimus nos, sed præparavit Deus, ut in illis ambulemus. itaque si vita bona nostra nihil aliud est quam Dei gratia, sine dubio & vita æterna, quæ vite bonæ redditur, Dei gratia est: & ipsa enim gratis datur, quia gratis data est illa cui datur. sed illa cui datur, tantummodo gratia est: hæc autem quæ illi datur, quoniam premium ejus est, gratia est pro gratia, tamquam merces pro justitia. & iterum cum eodem Apostolo: Roman. cap. 6. stipendium peccati mors: gratia autem Dei vita æterna: ut hinc intelligeremus, non pro meritis nostris Deum nos ad æternam vitam, sed pro sua miseratione perducere.*

De illa autem æterna vita, quam coronam justitiæ vocat Apostolus, aliquis gloriatur, illam cum David misericordiæ coronam dicit cap. 9. Numquid non corona bonis operibus redditur? Sed quia ipsa bona opera ille in nobis operatur, de quo dictum est: Deus est enim qui operatur in vobis velle & operari pro bona voluntate: ideo dixit Psalmus, coronat te in miseratione & misericordia, quem Psalmi locum exponens enarrat. in Psal. 102. scribit: jam forte quasi arrogans esse caperas, cum audires, coronat te. ergo magnus sum, ergo lætatus sum. Cujus viribus? Tuæ, sed ab illo subministratis. Nam lætarius, manifestum est; & ideo coronaberis, quia vinces: sed vide quis prior viceris, vide quis te faciat etiam secundo Prophetam. . . qui in nobis visus sumus, in illo vicimus. ergo coronat te, quia dona sua coronat, non merita tua. pius omnibus illis laboravi,

ait

ait Apostolus: sed vide quid adjungit. Non ego autem, sed gratia Dei mecum. & post labores omnes expectat ipsam coronam & dicit: bonum agonem certavi . . . de cætero superest mihi corona justitia . . . quare? quia agonem certavi . . . unde certasti? . . . Non ego autem, sed gratia Dei mecum. ergo & quod coronaris, illius misericordia coronaris. Si gloria, si media ad illam conducentia, si merita ex talibus mediis orta, si hæc omnia in gratuitam & liberam Dei voluntatem ex Sancti Augustini doctrina, sunt prius refundenda, quanto magis decretum prædestinantis Dei, ex quo cætera omnia fluunt, in illius principiis, ex absoluta & antecedente Dei voluntate, seclusa justitia, erit refundendum?

Quintum argumentum. Nec illud quod ultimo veluti loco nobis suppeditat Augustinus argumentum cætera alia confirmans præmittere licet, cum eo potissimum causa agatur nostra. illudque desumitur ex duorum filiorum Isaac Jacob & Esau exemplo, quo ad prædestinationis gratuitatem omnimodam ostendendam, omne genus prævisi meriti ab illa excludens, utitur multis, ut rem totam prædestinationis continente, æque ac reprobationis. De eo quid loquatur Epist. 194. ad Sixtum qui deinceps Romanus Pontifex creatus est, perpendamus: & quomodo ipsius efficaciam declinare nitantur, adversarii intueamur. Cum illi nondum nati nihil egissent boni vel mali, ut secundum electionem propositum ejus maneret, electionem scilicet gratia, non debiti, electionem, qua eligendos facit ipse, non invenit; non ex operibus, sed ex vocante dicit, minori servitutum esse majorem: in quam sententiam beatus Apostolus etiam testimonium propheta longe posterioris assumpsit; Jacob dilexi, Esau autem odio habui: ut intelligeretur hoc apertum postea per prophetam, quod antequam illi nascerentur, erat in Dei prædestinatione per gratiam. quid enim diligebat in Jacob antequam natus fecisset aliquid boni, nisi gratuitum misericordie sue donum? & quid oderat in Esau antequam natus fecisset aliquid mali nisi originale peccatum? Nam neque in illo diligeret justitiam, quam nullam ille fecerat; neque in isto odisset naturam, quam bonam ipse faceret. irridens postea Sanctus Doctor quid responderent illi quibus cum pugnabat, quique, iis qui a nobis de gratuitate prædestinationis completæ, seu ad gloriam dissentiant, præverant sic prosequitur. Mirum est autem cum his coarctantur angustiis, in quantis se abrupta præcipitent metuentes retia veritatis. ideo, inquit, nondum, natorum alium oderat, alium diligebat, quia eorum futura opera prævidebat. quis istum acutissimum sensum desuisse Apostolo non miretur? Hæc quippe ille non vidit, quando sibi velut adversantis objecta quaestione, non id potius tam breve, tam apertum, tam (sicut isti putant) verum absolutumque respondit. advertant adversarii quomodo ironice loquens Augustinus responsum parvi faciat illorum quibus & ipsi adhærent: seque iidem telis ab illo confixos agnoscant. Cum enim rem stupendam proposuisset, quomodo de nandum natis nec aliquid agentibus boni aut mali recte dici poterit, quod unum Deus dilexerit, alium odio habuerit: ipsa sibi objecta quaestione motum exprimens auditoris, quid ergo dicemus, inquit, nemquid est iniquitas apud Deum? absit. Hic ergo erat locus, ut diceret quod isti sentiant: futura enim Deus opera prævidebat . . . Non autem hoc Apostolus dicit, sed potius

tius ne quisquam de suorum operum meritis gloriari, ad Dei gratiam & gloriam commendandam voluit valere quod dixit. rem totam ibi enucleate proponit. Hipponensis, & quæ opponuntur vulgo a propugnantibus electionem ex prævisione meritorum evērit. Cum enim dixisset, absit ut sit iniquitas apud Deum; tamquam ei diceremus, unde hoc ostendit, cum afferas non ex operibus; sed ex vocante dictum esse, major serviet minori. Moysi enim dicit, inquit, miserebor cui misertus ero, & misericordiam præstabo cui misericors fuero igitur non volentis neque currentis, sed miserentis est Dei. ubi nunc merita, ubi opera vel præterita vel futura tamquam liberi arbitrii viribus adimpleta, vel adimplenda? Nonne apertam protulit Apostolus de gratuita gratia, hoc est veræ gratiæ commendatione sententiam? His, ut evidens est, Augustini verbis refelluntur quicumque in operibus gratiæ aliquid ponunt ex parte hominum ratione cujus sint præelecti.

Omnen revera quorumcumque meritorum prævisionem in negotio prædestinationis, quæ relative ad salutem hominis, vel melius in salutis æconomia, est prima & præcipua gratia, atque efficax seu fructifera radix aliarum omnium gratiarum ad illam spectantium æconomiam, profus tollendi ductus motivo Augustinus ex se ostenditur, dum tanto cum studio exemplum duorum horum geminorum affert; adeo ut quibuscumque in operibus illo utitur, nec ullum verbum habeat, nisi vis aperta ipsi inferatur, quod vere favet sententiæ illorum qui prædestinationem ex prævisis meritis descendunt: quod bona fide consentitur qui & verba Sancti Doctoris, & aptam verborum illius compositionem diligenter perpendunt. illum de eodem argumento iterum audiamus in Enchiridio cap. 98. adhibuit, (Apostolus inquit, alterum propheticum testimonium, ubi scriptum est, Jacob dilexi, Esau autem odio habui.... qua in re si futura opera vel bona huius, vel mala illius, quæ Deus utique præsciebat vellet intelligi, nequaquam diceret non ex operibus; sed diceret, ex futuris operibus, eoque modo istam solveret questionem; imo nullam, quam solvi opus esset, faceret questionem. . . ambo itaque gemini natura filii iræ nascebantur, nullis quidem operibus propriis, sed originaliter ex Adam vinculo damnationis obstricti. sed qui dixit, miserebor cuius misertus ero, Jacob dilexit per misericordiam gratuitam: Esau autem odio habuit per iudicium debitum. quod cum deberatur ambobus, in altero alter agnovit non de suis distantibus meritis sibi esse gloriantum: quod in eadem causa idem supplicium non incurrit, sed de divina gratiæ largitate: quia non volentis, neque currentis, sed miserentis est Dei... ut qui gloriatur, in Domino gloriatur. rationem autem quare in Domino ipsi gloriantum sit afferens concludit, sola enim gratia redemptos diservit a perditis, quos in unam perditionis concreverat massam ab origine ducta causa communis. Hæc & alia Sancti Doctoris verba, quotiescumque de causa electorum agens exemplo utitur Jacob & Esau, accurate perpendat diligens lector: & ubique sibi constantem illum inveniētem, prædestinationem ex prævisis meritis ab illo non potuisse suis principiis stando propugnari agnoscat.

SOLUTIO OBJECTIONUM.

Objectio. ex eodem exemplo duorum geminorum mox adducto in nos argumenta ducuntur quæ ab Augustino, quem sibi arroganter fidenter adversarii, suppeditata censentur. ex iis quæ scribit ad Simplicianum lib. 1. quæst. 2. colligitur ipsum voluisse bona opera prævisa in Jacob esse causam quod fuerit a Deo prædestinatus. nemo enim eligitur nisi jam distans ab illo qui rejicitur. non distat autem nisi ob futura opera bona, quæ justificationis gratiam sequuntur. ideoque Deus non confert gratiam electis quia illos elegit, sed potius eos eligit quia collaturus est eis gratiam, ex qua ortum ducent opera bona. sic loquitur Sanctus Doctor: *Non ergo secundum electionem propositum Dei manet, sed ex proposito electio; id est non quia invenit Deus bona opera in hominibus, quæ eligat, ideo manet propositum justificationis ipsius; sed quia illud manet ut justificet credentes, ideo invenit opera quæ jam eligat ad Regnum Cælorum. . . non tamen electio præcedit justificationem, sed electionem justificationis. & superius jam dixerat. quomodo est enim iusta, aut qualiscunque omnino electio ubi nulla distantia est? Si enim nullo merito electus est Jacob nondum natus, & nihil operatus, nec omnino eligi potuit nulla existente differentia quæ eligeretur.*

Resp. quam cum Bellarmino ad oppositæ difficultatis solutionem plures majoris notæ Theologi ineunt viam, rem attigisse existimantes, dum dicunt talia juniorem ac imperitiorem scripsisse Augustinum electionem ex distantia cum poneret ex parte electorum, quam doctior postea factus retrahaverit, nos deviam valde reputantes, non minus quam illa sit, quam velut tritam sequuntur non pauci, qui volunt ibi Augustinum de electione loqui in ordine executionis, ad quem media ita necessaria sunt, ut aliter finis seu gloriæ non esset consecutio, non vero in ordine intentionis, juxta quem prius finem Deus intendat quam media; aliud cum doctissimo Macedo in Augustini lectione versatissimo tentamus iter, sententiam Bellarmini ut falsam, & Sancto Doctori injuriosam respuentes: nec alteram quam memoravimus opinionem probantes; utpote ab illius mente non parum alienum.

Tantum igitur abest quod locus mox adductus sententiæ de prædestinatione post prævisa merita faveat, quin potius nihil manifestius dicere potuerit Augustinus pro causa gratiæ & prædestinationis gratuitæ. quod ut intelligatur, advertendum est, ut jam semel in præcedentibus, ubi de Scientia Dei, observavimus hac in secunda questione libri 1. ad Simplicianum duas esse partes, in quarum prima causam liberi arbitrii agit Sanctus Doctor, & in secunda causam agens gratiæ, quidquid pro libero arbitrio statuisset videbatur funditus evertit. Hinc lib. 2. Retract. cap. 1. librum illum commemorans, & de secunda illius questione loquens ait: *in cujus questionis solutione laboratum est quidem pro libero arbitrio voluntatis humana, sed vicis Dei gratia.* Ideoque diligenter examinandum an pro gratia, an pro libero arbitrio disputet, ut recipiatur quod gratiæ favet, & rejiciatur quod pro libero arbitrio lo-

loquitur. quæ opponuntur ab adversariis verba Augustini, ab illo dicebantur in favorem humanæ libertatis, & ea de causa ex meritis homines electi ad gloriam dicebantur. ibi ponebat discretionem ex distantia, id quod erat pro arbitrio. erat autem distantia justificationum a non justificatis respectu gloriæ, ad quam ab æterno erant electi in præscientia, non vero illi. at admissa electione hac discretiva ex justificatione, illationem refutabat Augustinus, ergo ex meritis, recurrendo ad Dei propositum, ex quo justificatio illa manavit, & affirmabat ex illo proposito gratuito provenire justificationum electionem, eratque gratuita eorum justificatio: sicque non fundari propositum eligendi, ac prædestinandi ad gloriam in ea electione justificationum, sed potius in electione gratuita antecedenti ad illam, & cujus illa erat effectus. unde ait, *non ex operibus, sed ex vocante... non electione meritorum, quæ post justificationem gratia proveniunt, sed liberalitate donorum Dei voluit intelligi, ne quis de operibus extollatur.* quod erat prorsus in favorem gratiæ: & in hoc liberum illa vincebat arbitrium.

Id autem adversarios non juvat, quin potius: cum ibi statuat Augustinus, quod omni data occasione statuit, electionem ad gloriam a Deo primitus intendit, & gratuito ac ex liberalitate: illamque electionem ad gloriam fontem esse gratiæ ac meritorum quæ sunt dona Dei. unde in oppositæ sententiæ patronos vertitur laudatum Augustini testimonium. Distantia in ordine ad gloriam non fundatur in justificatione, sed in causa illius; causa autem fundatur in gratia danda secundum propositum electivum prædestinatorum: recurrendum ergo ubi est fons & principium conferendæ justificationis. Hinc Sanctus Doctor: *Non ergo secundum electionem propositum Dei manet, sed ex proposito electio: id est, non quia invenit Deus opera bona in hominibus qua eligat, ideo manet propositum justificationis ipsius; sed quia illud manet ut justificet credentes, ideo inventi opera qua jam eligat ad regnum Cælorum.* Demus & libenter, hanc distantiam de qua Augustinus, & in illa dicamus fundari justificationum discretionem, illorumque præ aliis ad gratiam prædestinationem: verum ea omnia proficiantur ex Dei proposito antecedente eligente illa media ad justificationem, ut illi sui prius electi in præscientia ad gloriam, quam illis libere, gratuito, & ex Misericordia destinavit, ducantur juxta plenam & perfectam executionem propositi divini seu antecedentis decreti, quod est causa illorum electionis ad gratiam & merita gratiam, qua justificentur, habent a Deo electi: sed illam habent ex misericordia Deo liberaliter & gratuito illam donante: illam habent quia electi: & ideo electi, quia, nullis ex parte illorum præcedentibus meritis, placuit ei, qui illos segregavit ex utero matrum suarum, & vocavit per gratiam suam. unde non possunt in se gloriari, sed in Domino. Hæc est vera Augustini doctrina in illo ad Simplicianum libro, seclusa quacumque retractatione, & præciso recurso ad duplicem ordinem intentionis & executionis, qui licet vere aliunde admittendus, in præsentis testimonii expositione locum non habet. ad judicia divina recurrit Sanctus Doctor dum de causa quaeritur prædestinationis. *Namquid est iniquitas apud Deum exigentem a quo placet, donan-*

tem

tem cui placet ? qui nequaquam exigit indebitum , nequaquam donat alienum : querant ibi prævisionem meritum qui suum dicunt illo laudato Augustinum , & quæ adjungit audiant . Numquid iniquitas est apud Deum ? absit . quare tamen huic ita , & huic non ita ? ibi inter electos & non electos distantia : sed quomodo , & ubinam illam admittat , inquiramus . O homo , tu quis es ? debitu si non reddis , habes quod gratuleris : si reddis , non habes quod queraris . non invenitur illa distantia in justificationis evanescit : inscrutabilia sunt iudicia ejus , & investigabiles viæ ejus .

In laudato testimonio Libri ad Simplicianum latere aliquid , quo adversus Christi gratiam pro libero arbitrio abuti possent Pelagiani , aperit Augustinus circa finem his verbis . *quod si electio hic fit aliqua , ut sic intelligamus quod dictum est , Reliquia per electionem gratia salva facta sunt ; non ut justificationum electio fiat ad vitam æternam , sed ut eligantur qui justificentur : certe ita occulta est hæc electio , ut in eadem conspersione nobis prorsus apparere non possit , aut si appareat quibusdam , ego in hac re infirmitatem meam fateor .* Subtilem Pelagianorum illationem aperit , quasi dicerent . verum est illam distantiam inter justificatos , & non justificatos per gratiam , & peccatum fieri , sed causam illius inquirimus : cur illi sint iusti , hi autem peccatores . Certe non nisi quia operibus suis justificari illi meruerunt , & alii demeruerunt : unde ad arbitrium causa reducit . cui argumento in favorem arbitrii respondet , se non invenire hanc causam , uipote a Scripturis Sanctis , & a Pauli Doctrina alienam : ideoque recurrendum esse ad iudicia divina , ut diximus , cum illa prima discretio in meritis arbitrii fundari nequeat : alioqui gratia non erit gratia . est ergo ad liberam & gratuitam Dei voluntatem , & propositum ipsius recurrendum ; & ita vincit Dei gratia . & illud Augustini testimonium est ipsius doctrina de prædestinatione antecedenti adeo relictum , ut illius meminerit lib. de dono persever. cap. 21. confirmans ea quæ dixerat , quæque adeo accurata & certa iudicat , ut ex iis nullum possit oriri dubium , gratiam Dei non secundum merita nostra dari & ex iis eluceat , eisi non sit expressum , etiam usque in finem perseverantiam non nisi ab eo donari qui nos prædestinavit in suum regnum & gloriam . Sic ex Augustino ipso nullius est ponderis argumentum quo nos impetere putant adversarii prædestinationem consequentem defendentes , ex laudatis & sequentibus verbis Libri ad Simplicianum , quasi insolubilis esset difficultatis , quam tamen per ipsum Augustinum efficaciter solvimus .

Hinc facile intelligitur quam inconsiderate fuerit excogitatum , tum a Bellarmino , viro aliunde summæ eruditionis , & in Sanctorum Patrum lectione non mediocriter versato , tum a pluribus clarissimis Theologis Doctissimo illi Cardinali nimium credentibus , Augustinum (jam Episcopum & quadragenario majorem , dum librum præfatum ad Simplicianum scriberet) juniorem adhuc , & quæstionibus ad gratiam spectantibus nondum sat exploratis , talia protulisse , veluti ea quæ tunc dixerat senior factus retractaverit . in eo valde illi hallucinantur : neque enim apud Augustinum circa mox relictam ipsius doctrinam , ullum extat vestigium retractionis cuiuscumque .

H h h

dum

dum lib. 1. retract. cap. 23. dicit quod nondum diligentius quæsierat, nec invenerat, qualis sit electio gratiæ, de qua dicit Paulus: *reliquia per electionem gratiæ salva facta sunt*: recognoscit librum expositionis quarundam propositionum ex Epistola ad Romanos, quem scripserat adhuc Presbyter, & in illo dicit, se minus ibi diligenter de illa, quæ per Dei propostum fit, vocatione tractasse; nec misum cum nulla circa prædestinationem tunc questionem veretur. & tantum abest quod illud a se dictum eo loci velit intelligi de iis quæ scripserat in Libro primo ad Simplicianum, quasi re minus pensata tunc fuerit locutus, quin potius lib. de prædest. Sanct. cap. 4. quem scriptis duobus Libris retractationum edidit, Librum primum ex duobus quos ad beatæ memoriæ Simplicianum scripsit, Episcopum Mediolanensis Ecclesiæ, Sancti Ambrosii successorem, in ipso Exordio sui Episcopatus, commemorans asserat, se questionem secundum veritatem divinarum Scripturarum solvisse: seque Apostolico testimonio quo utitur ad questionis solutionem fuisse convictum, cum, inquit, *de hac re aliter scirem, quam mihi Deus in hac questione soluenda, cum ad Episcopum Simplicianum, sicut dixi, scriberem, revelavit*. quid ergo de Bellarmino in præfenti negotio sentiendum sit, minime dixerim. iudicium ferant qui minori erga hunc purpuratum deudent reverentia, qui cautius de Augustino erat locuturus, ne aliis simul cum eo errandi præberet occasionem, eo certiore quo ipse inter doctos majori gaudent auctoritate.

Secunda Obiectio. Sanctus Doctor Serm. 100. de verbis Evangelii Lucæ cap. 9. hæc habet. *in hoc capitulo hoc discimus, quoniam quos voluit Dominus, hos elegit. elegit autem, sicut dicit Apostolus, & secundum suam gratiam, & secundum illorum iustitiam*. & infra. ego illos elegi, quia vidi mentes illorum de me præsumentes, non de se, nec de Baal. Hæc autem electionem in meritum prævisione fundari ostendunt, nec aliud videntur significare.

Resp. Duplicem hanc electionem, de qua eo loci Augustinus, respicere ordinem intentionis, & executionis vulgo dicunt Theologi; & facilis est hoc modo difficultatis solutio, quæ non potest improbari, cum fundamentum habeat in Augustino. at rem altius rimando, diversimode videtur solvenda. electionem iustorum esse gratuitam, & sine meritis decretam pro more ostendit Augustinus occasione duorum, quorum unus proficiens se secutarum Christum rejicitur, aliter continuo tacens, & nihil dicens vocatur a Christo. humilitatem Christianam persuadere conatur Augustinus ex cognitione misericordię & gratiæ Dei vocantis pro beneplacito, & eligentis nulla habita ratione meritum. unde sic exclamat, *cave o Christiane, cave superbiam*. Nihil in toto illo Sermone est de iustitia. quomodo ergo verum erit quod dixit? elegit autem, sicut dicit Apostolus, & secundum suam gratiam & secundum illorum iustitiam. Hæc verba non sunt Pauli, sed tantum illa: *Reliquia per electionem gratiæ salva facta sunt*: quæ conferuntur cum istis Apostoli Rom. cap. 11. ex lib. 3. Reg. cap. 19. desumptis: *Reliqui mihi septem millia virorum, qui non curvaverunt genua autem Baal*: quos omnes, sicut reliquias aliorum, gratis, non meritis

ritus propriis prælegit Deus, ne de se præsumerent, aut gloriarentur, cum ex se nihil haberent præter peccatum. & in illo capite tradens Paulus doctrinam prædestinationis & electionis quorundam præ aliis, concludit, *o altitudo divitiarum*; uti solet, dum de Mysterio prædestinationis & reprobationis agit Augustinus, in cujus laudato Sermone locus non est iustitiæ meritum ad vitam æternam, nec ad primam aut ultimam gratiam: imo excluditur in electione, quæ misericordiæ & gratiæ est effectus. quapropter, seclusa iustitia ex propriis meritis eorum qui sunt electi, sic intelligendus est Sanctus Doctor dum dicit, elegit eos secundum gratiam suam, & illorum iustitiam: electi sunt secundum Dei gratiam, quæ iustitia illorum facta est, cum eorum sanctitatem gratia, qua sunt electi, fuerit operata. hancque genuinam esse illius mentem confirmant hæc alia ipsius verba, *ego illos elegi, quia vidi mentes illorum de me præsumentes, non de se, nec de Baal: non sunt mutati, sic sunt ut a me facti sunt*: de Deo, non de se præsumunt, quia tales Deus per electionem gratiæ illos effecit. & revera, gratia illa ex qua, in accepta jam iustitia per gratiam electionis, perseverant, est beneficium ipsius gratiæ, quod per electionem, aut in electione fuit illis a Deo in sua præscientia præparatum. est enim pro electis in intentione Dei vocantis secundum propositum; quedam, ut ita dicam, gratiarum concatenatio vel coherentia, unde ex una ad aliam successively progrediuntur electi, ut meritis ex gratia comparatis tandem pleni, gloriam consequantur pro merito, ad quam ex Dei benepacito, gratis, & absque ullo eorum merito sunt prædestinati. & hic recurrit ordo duplex intentionis & executionis, de quo sæpe Doctor Subtilis in præsentī negotio secundum Doctrinam Augustini, cui firmissime adhæret. ex hac data interpretatione a mente Sancti præsulis nullatenus aliena facile evincitur testimonium ex illius laudato Sermone desumptum, potius & efficacius impetere prædestinationem ex prævisis meritis stantes, & nostram sententiam ab illo magis confirmari.

Alia insuper asserti potest præcitati ex Augustino testimonii interpretatio, ad mentem Apostoli, ipsiusque Augustini propius fortasse accedens, & prædestinationem antecedentem statuens. eo in Sermone, qui alias erat septimus de verbis Domini, exponit locum Evangelii de differentia inter vocatos, & adducit Augustinus locum Epistolæ ad Romanos cap. 11. in quo Apostolus loquitur de discretionē electorum a reprobis, dicens per gratiam salvari reliquias, populi scilicet reprobi, Judæorum nimirum, ex quibus, ut ait Hiphonensis, *quos voluit Dominus, hos elegit*: illos nempe de quibus dixerat Paulus, *Reliquia per electionem gratiæ salvæ facta sunt*: illos autem non secundum eorum merita vocavit Deus, sed secundum propositum suum; unde dicit Sanctus Doctor, *elegit autem secundum suam gratiam*. & ex electis istis, qui sub reliquis salvatæ per gratiam, ostendit Apostolus Deum non repulisse plebem suam quam præcivit, etsi ad fidem Evangelii vocatæ sint Gentēs: seque dat in exemplum, & commemorat Eliam, qui potaverat omnes, se solo excepto, in idololatriam fuisse prolapsos: quem Deus a sua deceptione ut revocaret, illam monet multos esse adhuc fideles, qui designantur per

septem millia virorum, quos sibi ab aliis segregaverat Deus tamquam reliquias gratiæ, quos eo nomine appellat, quia alii obrepati, oblinati, ac reprobi erant, & juxta eundem sensum pergit toto capite Gentes assumenda in locum Judæorum deficientium, donec perveniat ad occulta Dei judicis, ad quæ pertinent illorum prædestinatio, illorum reprobatio: & tunc miratus ac stupens exclamat, *o altitudo divitiarum &c.* illis quos elegit Deus secundum gratiam, idest, ex misericordia & gratuita liberalitate prædestinatis ad gloriam, quæ est cunctarum gratiarum maxima, & respectu electorum aliorum in ordine ad salutem causam & principium, opponit Augustinus illos, qui secundum eorum justitiam in damnata peccati massa derelicti reprobantur, & ut oppositio sit gratiæ & justitiæ, gratiæ in prædestinando nullis suppositis meritis ex parte eorum qui prædestinantur: justitiæ in non prædestinando illos qui propter sua demerita in primitiva damnatione omnibus Adæ posteris communi relinquuntur, illos electos dicit ad gratiam, istos ad penam, ut constanter tenet cum agit de discretionem electorum a reprobis in statu derelictionis. & juxta hunc sensum exponit locum Apostoli, adducens testimonium Isaïæ: *Nisi Dominus Sabaoth reliquisset nobis semen, sicut Sodoma facti essemus, &c.* ubi electionem conjunctam cum reprobatione semper retinet, & electionem gratiæ Dei attribuit, ut dictum est. unde cum dicit *elegit autem & secundum suam gratiam, & secundum illorum justitiam*, nullus est ibi locus justitiæ meritorum & operum, quam excludit eum Apostolo: *si gratia, jam non ex operibus, de tuo merito non extollaris: alioquin gratia jam non est gratia.* ad prædestinatos quos elegit Deus secundum suam gratiam, non spectant ullomodo sequentia hæc verba, & secundum illorum justitiam; sed contra ad non prædestinatos, qui secundum suam justitiam, seu sui demeriti exigentiam, quod demeritum dicit illorum justitiam, derelicti reprobantur. sic eadem sententia duo ex Apostolo statuit Augustinus pro more suo: prædestinationem illorum secundum gratiam, nullo ex parte ipsorum interveniente merito: reprobationem illorum secundum justitiam, quæ in eorum demeritis fundatur.

Nec aliquem moveat quod dixerit, elegit secundum illorum justitiam, de reprobis significans: veluti eligere sumi posset pro reprobare, & justitia pro demerito seu injustitia haberi. Pauli modum loquendi tenet Augustinus, justitiam in malam partem usurpantis, illamque justitiæ quæ virtus est ex Deo opponentis. sic Epist. ad Rom. cap. 10. *ignorantes justitiam Dei, & suam querentes statueret, justitiæ Dei non sunt subjecti.* & in eodem sensu dixerat cap. 8. *præsentia carnis mors est.* unde in Psal. 118. ad illa verba; *hec facta est mihi, quoniam justitias tuas exquisivi*, ait *justitias utique tuas, quibus justificas impium, non meas, quæ nunquam me primum faciunt, sed superbium.* sic patenter reprobatorum demerita dicit illorum justitiam malam, sicuti Serm. 129. Phariseorum superbiam illorum dicit justitiam. quod multis Sancti Doctoris testimoniis, si opus esset, haud difficile posset confirmari. electio vero quæ præelectionem secundum gratiam vulgo significat, in malam partem quandoque sumitur. Augustinus per eam sepius intellexit destinationem ad penam,

nam, quemadmodum aliquando dixit prædestinari ad damnationem. & recte Deus penam & supplicium impiorum potest intendere, ideoque potest ad eam eligere. Nec mirum videri debet, si verbum eligere in malam partem accipiens illud cum reprobatione conjungat, qui dixit Judam fuisse electum ad perditionem. sic enim loquitur lib. de corrept. & grat. cap. 7. super hæc Christi verba: *Nonne ego vos duodecim elegi, & unus ex vobis Diabolus est: illos, inquit, debemus intelligere electos per misericordiam, illum per judicium; illos ad obtinendum regnum suum, illum ad fundendum sanguinem suum.* Id unum inter electos & reprobos in sensu Augustini est discriminis, quod dum de bonis loquitur, verbum eligere in sensu vero & proprio accipit: dum vero de malis, in sensu latiori & improprio. ea propter superius de Apostolis dixerat: *electi sunt ad regnandum cum Christo, non quomodo electus est Judas ad opus cui congruebat.* Hæcque de causa lib. questionum in Genesim, dicit quest. 117. eadem mox laudata Christi verba commemorans, quod non facile invenitur electorum nomen in malo, & declarat proprie loquendo, non vero per synecdochæ, hoc est nomine melioris & majoris partis alios etiam comprehendendo, ad electionem non pertinere nisi bonos. Nihilominus de Juda dixerat Tract. 117. in Evang. Jo. n. *filius perditionis dictus est traditor Christi, perditioni prædestinatus*, quibus ita observatis ad intelligentiam priorum verborum Augustini, evidens est ab illo excludi in prædestinatione Sanctorum iustitiam illorum ac merita, totumque gratia tribui divinæ ac misericordiæ: reprobis vero, dum in massa perditionis a Deo relinquuntur, secundum illorum iustitiam, id est demeritum seu iniustitiam retribui: unde penitus evanescit adversariorum oppositio, & eo facilius, quo magis Augustini sententia explicatur. & quæcumque asserantur ex ipso testimonia, etsi prima fronte prædestinationem ex prævisis meritis statuere videantur, si diligenter, & animo sincero perpendantur, nec unum erit, ex quo directe contra gratuitam seu antecedentem prædestinationem, quæ est vera, constans, & unica hujus Scripti præsulis doctrina, liceat argumentari: illud licet non advertant nec fateantur, qui ex prejudicata nimis opinione, vel ex inordinato affectu ipsius scripta, forte etiam celeriori cursu, pervolvunt.

Neque enim circa profundiora ac difficiliora divinæ gratiæ ac prædestinationis mysteria, quæ in altitudinem divitiarum sapientiæ ac scientiæ Dei, occultatae ipsius judicia, sunt refundenda, satis est semel & iterum legisse Augulianum: & nisi attento animo, veritatis quandoque latentis detegende studio, legentes secum meditentur, testimonia cum testimoniis conferendo, hallucinationi & deceptioni frequens patebit aditus, ita ut Pelagianorum ac Semipelagianorum placita, quæ convellere studet Sanctus Doctor, eorumque objectiones, quas expedire ac funditus tollere instituit, pro vera ipsius sententiâ, quod non raro accidit, ab incautis habeantur. Augustini Doctrinam altius si fuisse rimatus Honoratus Tournely, de quo non immerito dicit Berti in suo Augustiniano systemate vindicato dissert. 4. cap. 1. *quem nescimus omnes cujus sententia sit homo, circa præsentis prædestinationis & gratiæ questiones, non debent adeo in confirmanda sua opinione de consequente præ-*

destinatione, argumentum desumpisset ex verbis Sancti Doctoris pro libero arbitrio laborantis in prima parte secundę quęstionis ex libro 1. ad Simplicianum de quo superius egimus; nec illud tanti fecisset ex eo quod nihil de illa quęstione retractaverit, si advertisset, ut res est, & supra ostendimus, Augustinum in secunda parte in qua certat pro gratia, evertere omnino quę dixerat in prima certans pro humanę voluntatis arbitrio: quin potius vidisset se eo loci habere Augustinum adversarium: & eodem tempore intellexisset se, Bellarminum, ipsique adherentes, dum dicunt hęc juniorem scripssisse Sanctum Doctorem, veluti ea quę tunc scripserat aliquando retractaverit, merito quidem, sed inefficaciter ac infirme refellere. idque dictum sit pro illis omnibus, qui prędestinationem ex pręvisis meritis ex eodem testimonio probare conantur, Augustinum ab ipsis longe distantem, suam hac in parte falso & incaute gloriantes.

Doctrinam pariter istius Sancti Doctoris non sat perpendentes nonnulli falsas illi ascribunt opiniones, quę ab ipsis mente sunt alienę, ejusque principii quandoque adverlantur. Sic in presenti negotio gratuitam prędestinationem ex Augustino impugnare arbitantes oppositam sententiam ut defendunt, argumentantur ex Sermone 233. de tempore, nunc in appendice Num. 71. inter suppositos; non advertentes hunc locum quem afferunt, & ut efficacissimum nobis opponunt, esse a vera Theologia abhorrentem, & errore Pelagianorum refertum, in quantum significat gratiam secundum merita nostra dari. dum enim cap. 4. quęritur, quare hunc vocat Dominus, illum non vocat; uni subvenit, uni non: respondetur, hunc dignum habet probationis operibus suis; illum habet indignum pro operibus suis malis: ex quibus sequitur homines se ipsos discernere, & se discernere per naturę vires: unde concludit, inquire pacem, & sequere eam totis viribus tuis: & cum hæc feceris, gratiam meam percipies. quid mirum deinde, si Theologi in doctrina Augustini ita exerciti, quamplura ejusdem testimonia solvere impotentes, decenter adeo pronuntiant, optandum fore, ut Augustinus parcius prædicasset suam illam Monarchiam gratiæ tum Dei, tum Christi. Nunc enim ipsis dicentibus, parcius prodirent spuria virulamina quę ejus nomine in perniciem Christianismi sparsa altas radices dant, ut necesse sit ea Pontificiis oraculis reprobari. at quorsum spectat hæc eorum oratio? & quid inde colligunt, nisi in materia de prędestinatione: se ad credendum Augustino non teneri? O dignam tantis viris sententiam! & reapse quod ore pronuntiant, factis ostendant, dum sub e mentito nomine Augustini, cujus tamen Dilcipuli videri volunt, spuriam doctrinam quam sibi fingunt defendentes, verę ipsius doctrinę eo magis adversantur, quo ad Pelagianorum aut Semipelagianorum placita propius accedunt.

ARGUMENTA EX ALIIS PATRIBUS.

Licet in rebus prędestinationis & gratiæ solus sufficeret Augustinus, cujus doctrinam fecit suam Christi ecclesia, operę prætium erit ut obstruan-

struantur ora loquentium iniqua, nonnulla asserre aliorum Patrum testimonia, quibus fiat manifestum illos omnes idem cum Hipponensi sentire: & exinde intelligitur prædestinationem abique prævisione qualibet meritiorum, ideoque ex gratuita Dei misericordia proficiscentem, licet ad fidem non pertineat, totoque defendatur opposita sententia, non minus in omnium ferme Patrum doctrina fundari, quam in Augustini ac Scripturarum Sanctorum testimoniis; proindeque veritati magis consonam esse, majorique donari probabilitate.

Clemens Romanus in epist. ad corinth. cap. 1. de Abrahamæ posteris loquens ait, *omnes glorificati & magnificati sunt, non per se ipsos aut eorum opera, aut iustas actiones, quas patravimus, sed per voluntatem ejus. sic nos ex voluntate ejus in Christo Jesu vocati.* Gregorius Nyssenus in psalmos cap. 14. ait, *licet hostis gravis impressio sit, repellitur tamen (o Deus) auxilio tuo. Nam gratis hominibus salus a te venit, non ex operibus iustitia, sed ex sola gratia tua: pro nihilo enim salvos facies illos.* Hilarius in psal. 118. super hæc verba: *& veniat super me misericordia tua Domine: Salus nostra, inquit, ex misericordia Dei est, & bonitatis sue hoc munus.* Ambrosius lib. 6. in Lucam ait: *Deus, quos dignatur, vocat, & quem vult, religiosum facit.* Joannes Chrysostomus homil. 1. in epist. 1. ad corinth. *Nos nihil recte egimus, sed per voluntatem Dei salutem invenimus, & quoniam ei visum est vocati sumus, non quoniam digni eramus.* Hieronymus in epist. ad Ephes. *non eliguntur Pauli & qui ei similes sunt, quia erant Sancti & Immaculati, sed eliguntur & prædestinantur, ut in consequenti vita per opera atque virtutes Sancti & Immaculati fiant.* Auctor operis de vocatione gentium lib. 2. cap. 35. *Deus quos elegit sine meritis, dat ut ornentur & meritis. & frustra dicitur, quod ratio operandi non sit electis, cum adhuc ut operentur electi sint.* Gregorius Magnus lib. 20. moral. cap. 15. docet ex inscrutabili Dei judicio ac voluntate pendere prædestinationem: idque confirmat ex epistola ad Romanos dicens: *Nemo perscrutari appetat, cur cum aliis repellitur, alius eligatur.... inscrutabilia sunt judicia ejus. & in lib. 1. Reg. cap. 14. lib. 5. ait: mali non pereunt nisi quia ad vitam æternam prædestinati non sunt. Hinc.... credebant quotquot prædestinati erant ad vitam æternam. Hinc Paulus, quos præscivit, & prædestinavit; & quos prædestinavit, vocavit.*

Istos præ cæteris laudavisse satis sit: ne, cum a nonnullis temere novissimæ temporibus dicitur a recentiorum Patrum & Doctorum circa prædestinationem sententia longe distare antiquos Patres, alicui ratio dubitandi suboriatur. illos omnes qui post Augustinum scripsere de rebus prædestinationis & gratiæ, ab istius doctrina non recedere religioni duxisse quia ignorat? Nec inficias eundi ulli ratio videatur, quod plures inter Sanctos hos Doctores, dum de iustorum electione & vocatione loquuntur, ac fideles cum adhortantur ut totis viribus ad gloriam æternam consequendam laborent, electorum merita commemorarent, eaque quasi fuerint ratio discretionis laudent: cum illorum testimonia solvere, si quid in iis videatur difficultatis, arduum non sit, dummodo attendatur ad duplicem ordinem intentionis & executionis, de quo

de quo jam dictum est. merita Deo non sunt causa eligendi istos præ cæteris: idque eo minus, quod merita ipsa non sint nisi effectus electionis, & a Deo præparentur cum mediis, id est gratiæ auxiliis illa operantibus, & ex decreto antecedente manantibus: & illud spectat ad ordinem prædestinationis (in intentione Dei, quosdam e massa perditionis discernentis per suam gratiam ac misericordiam. in executione tamen interveniant oportet merita, quæ Deus prædestinans in sua gratia præparavit. gloriæ enim æternæ possessio, quæ est maxima gratia, nulli retribuetur absque meritis, Christi scilicet pro parvulis post baptismam decedentibus: propriis vero ex parte adulorum: sicque verum omni ex parte erit vitam æternam respectu illorum omnium esse mercedem, præmium, & coronam. quibus sic expositis optime intelligitur quomodo in prædestinatis manifestetur simul misericordia & justitia, & quomodo justitia superexaltet misericordia: unde in æternum cum psalte Regio in testimonium gratitudinis incessabilis dicent exultantes prædestinati, *misericordiam & judicium cantabo tibi Domine.*

ARGUMENTA EX SCOTO.

Quoniam a Doctoris Subtilis venerandi præceptoris nostri sententia, potissimum in quaestionibus quæ sunt alicujus momenti, non recedere gloriantes profiteamur, assertionem nostram de gratuita prædestinatione ex parte Dei, nulla ad eam concurrente provisione meritum ex parte eligendorum, juxta mentem ipsius esse ac vera illius principia ostendamus oportet; illos qui hac de re hæc incertum fuisse & dubium existimant; ejus doctrinam stridit nimis ac leviter esse rimatos eodem tempore ostensuri. ex eo quod in 1. dist. 41. utraque circa causam prædestinationis sententia exposita, suisque argumentis confirmata, dixerit Scotus, "de istis opinionibus omnibus eligatur quæ magis placet, dum tamen salvetur libertas divina sine aliqua injustitia, & alia, quæ salvanda sunt circa Deum, ut liberaliter eligentem; & qui aliam opinionem tenuerit, respondeat ad ea, quæ tacta sunt contra eam: " hinc arbitrati sunt ipsum circa hanc materiam anxium fuisse, nihilque de ea determinasse cum inde tantum collecturi fuissent, ipsum, quod verum est & concedimus, existimasse prædestinationem in utramque partem defendi posse ex quo factum est illos verba ejus pro arbitrio fuisse interpretatos. Scotus tamen prædestinationem antè prævisa merita clare adeo tuetur, sententiam divi Thomæ quam proposuerat amplectendo, ut neminem varios ipsius textus legentem fugere vel latere possit, cum sæpius asserat nullam esse rationem prædestinationis præter Dei voluntatem, licet in reprobatis detur ratio eorum reprobationis: & ex comparatione quam statuit relative ad Dei voluntatem inter prædestinatos & reprobos, expressa inveniatur ejus sententia Augustini doctrinæ plane conformis.

Præter argumentum quod in ingressu ex ipso retulimus de ratione finis quodque est probatissimum, alia non minus evidentiâ proferuntur. sic loquitur

tur eadem dist. 41. Num. 12. *Nec mirum quod non ponitur similis processus prædestinationis & reprobationis, quia bona omnia attribuantur principaliter Deo: mala autem nobis; & ita Deum prædestinare sine ratione congruit bonitati sue.* en ex D. Are subili argumentum pro gratuita prædestinatione, ipsa Dei bonitas. de eodem iterum habet & iisdem verbis in Reportatis, seu resolutionibus quæstionum super 1. librum Sentent. dist. 41. insuper in illos qui volunt Deum quosdam eligere quia præscit illos bene usuros libero arbitrio gratia adjuvo, arguit ex eo quod Deus non prævidet bonum illum arbitrii usum, nisi quia illum vult & præordinat. unde juxta ipsum id præter rationem assertum videtur. „Quandoquidem, inquit, certa futurorum contingentium prævisio ex divinæ determinatione voluntatis est: quapropter non prius illud intellectus prævidet, quam voluntas id ipsum determinaverit. “ Hincque probare intendit nullum in prædestinatione intervenire meritum ex parte electorum.

Aliud habetur ex eodem argumentum in 2. dist. 20. quæst. 2. docens enim cum Sancto Gregorio Papa lib. 4. Moral. „quod si parentem primum nulum „la peccati rubigo corrupisset, nequaquam ex se filios gehennæ generaret; „sed illi qui nunc per Redemptorem salvandi sunt soli ab illo electi nascerentur: “ omnia merita excludit, illaque ponit tamquam consequentia electionem, illiusque effectum: quod ostendit ex alio suo argumento de volente ordinate finem unde ait: „Deus est ordinate volens, igitur primo „vult seipsum tamquam finem. Deinde vult suam bonitatem creaturæ rationali communicare, id est conferre illi beatitudinem. Tertio vult illi gratiam, quæ ordinatur ad felicitatem æternam: “ hæc sunt ipsius verba in reportatis, similia prorsus iis quæ scripserat loco mox laudato. audiant illa & perpendant Pontius, Faber, Frassen, alique e nostris a Scoto recedentes, & in Magistro dubii vestigium quoddam si possunt reperiant. num dubitanter loqui dicetur dum in reportatis ad dist. 41. libri 1. Sentent. postquam plura disseruit ut ostendat solam Dei voluntatem esse ipsi causam prædestinandi, & præ aliis adducto exemplo de Jacob & Esau, concludit his verbis: „causam si quæras, hanc reddit Apostolus, quia Moysi „dictum est, miserebor cuius miserebor, &c. verum ergo manet illud Augustini, gratiam Dei non invenire eligendos, sed facere. quamvis autem „prædestinationis non sit ratio aliqua, quatenus est a Deo, nec etiam ex „parte prædestinati aliquo modo prior ista prædestinatione, propter quam „illa actio divina magis terminetur ad hunc quam ad illum, tamen hoc „modo est in reprobo aliqua reprobationis ratio. “ quod confirmatur ex iis quatuor instantibus quæ in hac re observat. „In primo instanti, inquit, „vult Deus electis beatitudinem conferre . . . in secundo decernit se daturum electis gratiam, &c. “ gratia ex qua merita originem habent decernitur ex D. Are consequenter ad prædestinationem, quæ prior est in intentione Dei: idque ob rationem principalem, nempe quia prius est intendere finem quam media.

Dubius ergo minime fuit circa præsentem quæstionem Subtilis Scotus, qui

ubique prædestinationem seclusis meritis statuit; etsi ad placitum legentis optionem suat esse, quod nonnullis e suis deceptionis occasio fuit. legant itaque & verba conferant. quinque has opiniones quas proponit inquirant: statimque quartam, quæ affirmat prædestinatos fuisse electos ex gratuita Dei misericordia absque ulla causa ex parte ipsorum, illam esse quam incunctanter defendit, facile advertent: potissimum si ad hæc verba: *de istis opinionibus omnibus*, attendant, quæque indicant nedum opinionem Henrici, quam existimavit non improbabilem, & opinionem Divi Thomæ cui adhæret, commemorasse Scotum; sed etiam illam quæ fuit Sancti Augustini initio suæ conversionis de fide initiali, quamque ipse Sanctus præfatis toties retractavit: & aliam quam quintam opinionem vocat, licet quartæ, quæ est Scoti, & quantum ad reprobationem in aliquo diversæ a secunda, quæ est Angelici Doctoris, sit potius expositio, quam nova opinio. circa diversas illas opiniones de quibus Scotus, errat potius, dum quintam dicit opinionem, illam quæ est num. 11. ad hæc verba, *potest aliter dici*: est enim hæc quarta & Doctoris propria. quinta vero est num. 12. post objectionem quæ incipit *contra istud*. & in illa ponuntur quatuor hæc instantiæ naturæ quæ mox cum ipso, & ex ipso observavimus: idemque dictum est, ac merito, quintam hanc opinionem esse potius expositionem quartæ præcedentis, quam novam quamdam sententiam, & reapse, mentem suam disertius in illa aperit. Decipitur pariter Pontius, dum ad illa verba *de istis opinionibus omnibus*, num. 13. dicit, quod ex hoc pater Scotum pro sua modestia nihil determinare voluisse quoad has sententias: indicans enim hoc loquendi modo, Scotum nullam harum opinionum fecisse suam, hallucinatus est, cum quartæ, quam validis confirmat argumentis, etsi infirma Pontio visa fuerint, nomen dederit Doctor, illamque fuisse exposuerit: satis est ad iudicium nostrum æquitate ostendendam, si attente Scotus legatur. id autem observandum nobis erat, ut manifestum fieret. Doctorem subtilem una simul cupi Augustinum sententiam, pro gratuita prædestinatione ad gloriam antecedenter ad prævisionem cuiuscumque meriti etiam per gratiam comparandi stitisse & firmiter, contra illos qui hæc in parte arbitrantur Scotum sequi, prædestinationem consequentem, quæ est sententia Henrici ab ipso Scoto impugnata, defendentes, quia utram sequi vellet cuique liberum reliquit: veluti si ex nullo illo capite potuissent dignoscere quamnam vero fuerit opinio illius: sed de his satis. cum Pontio & aliis quibusdam iterum non agemus.

ARGUMENTA EX RATIONE.

Humanas cogitationes ad rimanda prædestinationis mysteria a nobis non fore adhibenda in principio dictum fuisse non immemores, nullis utemur subtilitatibus a quibus longe distant rationes Theologice per quas assertionem sumus breviter confirmaturi.

Primum argumentum. Est illud quo utitur Doctor de volente ordinate finem. Gloriam æternam, idest beatificantem Dei possessionem, quæ est

summa & maxima gratiarum ex parte Dei, quarum cum auxilio supernaurali sit capax creatura intellectualis, esse illius finem ultimum; & adeo necessarium, ut ipse Deus sibi & creaturæ aliura non potuerit proponere, nihil cum possit operari quod propter se non operetur, nemo negabit: gratiam vero ac merita quæ ab illa gignuntur esse media ad finis istius consecutionem ordinata in confesso est apud omnes est autem de ratione operantis intellectualis quod prius finem intendat quam electionem, & præparationem mediorum: quomodo enim cum fine obtinendo proportionem haberent media ex supposito quod ille prius illis non intenderetur? ordo executionis nullatenus præcedit ordinem intentionis; nec umquam de mediis cogitaretur sine nondum proposito. & exinde est quod in executione applicatio mediorum præcedat consecutionem finis; ut enim vulgo dicitur, quod est prius in intentione, est posterius in executione. consequens ergo est prædestinationem seu voluntatem dandi gloriam præcedere voluntatem præparandi media: proindeque decretum Dei eligentis esse absolutum & antecedens quamcumque meritorum prævisionem.

Secundum argumentum. Prædestinatio antecedens Deum magis decet, estque in illa plus dignitatis quam in electione consequente. in illa enim totum tribuitur justitiæ, nihil misericordiæ Dei aut liberalitati: in illa vero & misericordiæ & justitiæ jura servantur, misericordiæ & gratiæ in intentione; justitiæ in executione. quo posito nostra sententia alteri præstat. magis, inquam, Deum decet: alioqui enim tota prædestinationis ratio ad natum vel meritum reducitur creatæ voluntatis: & in formando suo decreto expectaturus est Deus determinationem illius, atque a creaturis emendicaturus causas & principia discretionis & electionis: quod nec potest dici, nisi vilescat, ut sepe cum Doctore observavimus, divina Majestas pro nutu & arbitrio creaturæ operatura, & quasi cum illa contractum factura, qui speciem quamdam indigentis arguit in ipsa, ac divinam voluntatem ita in manu hominis ponit, ut Deus, illum non movente homine, nec velle nec operari queat. ex quo sequitur, quod si cuiquam hominum non videretur in hypothesis gratiæ versatilis, se determinare ad merita comparanda, ratione quorum nonnullos eligeret, nulla tunc esset in Deo prædestinatio agnoscenda, quod est evidenter absurdum.

Tertium argumentum. prædestinationem ad gratiam mere gratuitam esse concedunt omnes. ut quid ergo prædestinationem ad gloriam, quæ est omnium gratiarum in ordine ad electorum salutem fons & principium, non concedunt esse similiter gratuitam? Hæc illorum inter utramque pugnantia ex falso quodam supposito proficisci videtur. existimantes enim prædestinationem ad gratiam priorem esse prædestinationem ad gloriam, primam tenentes gratuitam; ne Pelagiano errore laborent, alteram opinantur minus gratuitam, fide catholica circa illud ultimum caput nihil desiniente, saltem explicite. saltem autem videntur supponere, ex eo quod gloria non ordinetur ad gratiam, quocirque modo illud intelligant, sed magis gratia, tam in intentione Dei quam ratione finis & in executione, ordinetur ad gloriam.

Tollatur hominum ad Deo Beate fruendum electio, vel eterne salutis adi-matur spes, quem fructum ex divina gratia habebunt? qua ratione inverti-tur ordo decretorum Dei circa prædestinationem tum ad gloriam, tum ad gratiam? (licet enim divinum de prædestinatione ad utramque decretum, quod in se realiter unum est, nulla sufficienti stante ratione cur multiplex reputaretur, considerare veluti duplex esset, relative ad duplicem effectum.) gratia illa de qua hic agitur non est quæcumque gratia simpliciter, sed gra-tia quæ ex Dei præparatione ordinatur ad gloriam: siquidem gratia ad quam prædestinantur electi, (& de illa potissimum in præsentī disputatione move-tur questio ab iis quos lextra propositum vagari non delectat;) ea est quæ designatur ab Augustino de prædestinatione completa agente, ut nos cum illo agendum iudicavimus, nomine beneficiorum Dei, quibus certissime liberantur quicumque liberantur, & quorum beneficiorum præsentia & præ-paratio connectitur in Dei decreto cum liberandorum prædestinatione seu discretionē a non liberatis, adeo ut discretio & electio illorum nusquam sit disjungenda a beneficiorum præparatione, sicuti finis & media in conse-quente finem pro ut consequitur finem, ab invicem non separantur. cum igitur gloria sit finis, tam in intentione Dei ad eam prædestinantis, quam in expectatione illorum qui ad illam prædestinantur: gratia vero, id est Dei beneficia liberandis præparata sint media ordinata ad gloriam; & prius in ordinate volente intendatur finis quam media, prædestinatio ad gloriam ne-cessario debet præcedere prædestinationem ad gratiam: unde fit quod præ-destinatione ad gratiam data pure gratuita, dicente Apostolo Rom. cap. 11. *si autem gratia, jam non ex operibus; alioquin gratia non est gratia: & Ephes. cap. 2. gratia estis salvati per fidem, & hoc non ex vobis, Dei enim donum est non ex operibus, ne quis gloriatur.* (& eo loci de prædestinatione ad gratiam: in quantum connectitur cum prædestinatione ad gloriam ad quam ordinatur, & a qua non disjungitur, Apostolum loqui ex ipso contextu evidens est.) ipsius enim sumus factura, creati in Christo Jesu in operibus bonis, quæ præpara-vit Deus ut in illis ambulemus: nomine omnium salvandorum & pro illis om-nibus loquitur: prædestinatio ad gloriam dicenda pariter est pure gratuita. sicque probatum manet ex quocumque capite, ut faciamus dicendi finem, prædestinationem adequatam & completam, seu decretum Dei efficax qui-busdam præ aliis dandi gloriam, & gratiam sive primam; ut est voca-tio efficax ad fidem & justificationem; sive secundam, ut sunt bona opera subsequencia, & potissimum, præter perseverantiam temporalem in bono, perseverantia finalis, id est usque mortis cum gratia sanctificante in electis, quæ sunt Dei gratuita beneficia ab illo prædestinatis misericorditer præpara-ta, antecedere quæcumque meritum prævisionem; & ita in præsentī na-turæ statu gratuitam esse, ut nullam habeat causam præter absolutam Dei vo-luntatem, infinitamque ejus misericordiam. unde nec bonis operibus ex na-turæ viribus elicitis, nec meritis supernaturalibus ex bono usu gratiæ com-parandis, movetur Deus in componendo suo efficaci decreto circa prædestina-tionem ad gloriam & gratiam.

SOLUTIO OBJECTIONUM.

x. **O**bjectio. ratio desumpta ex volente ordinate finem, juxta quam cum Scoto dicendum videtur Deum prius prædestinare ad gloriam quam ad gratiam ex qua fiunt merita, ex eo quod gloria habeat rationem finis, merita vero & gratia sint tantum media ordinata ad finem assertionem nondum non firmat sed potius evertit. Deus enim non vult electis gloriam sub unica ratione finis, sed magis sub ratione præmii, coronæ ac mercedis, eamque vult conditionate, saltem ex parte creature, non autem efficaciter & absolute: unde merita prius velle debet quam gloriam. aliunde gloria & finis meritorum respectu nostri. at respectu Dei gloria est velut medium, & merita sunt finis, cum magis faciant ad Deum cui ex meritis nostris major accedit gloria: nobis autem magis confert gloria qua coronamur. minus ergo prudenter non vult Deus prius volendo merita quam gloriam.

Resp. efficaciam argumenti ex volente ordinate finem, quo ad prædeterminatione antecedentem & gratuitam statuendam vitur Doctor Subtilis, ostendit studium sententiam oppositam defendentium ut illud infirmet. verum licet plura loquantur ut vires illius elidant, nihil ipsis prodest. siquidem ut astruant Deum ordinate & sapienter agentem prius intendere merita quam gloriam, eo deveniunt ut dicant gloriam, quæ certissime est finis unicus quem intendit Deus, ex eo quod necessarium ordinem ad illum dicat, posse non considerari sub ratione finis, bene vero sub ratione præmii, coronæ ac mercedis, quasi vero licet merces, præmium, corona dicatur gloria, possit hæc amittere rationem finis, qui ipsi necessario inest tam respectu hominum quam respectu Dei, quoties, ut in præsentī controversia, consideratur in ordine intentionis Dei ad illam prædestinantis. Hic disseritur de causa movente Deum ad quorundam electionem, quod meritis nullo modo tribui potest; cum gratia, ut jam ostensum est, ex qua fiunt merita, supponat electionem. ipsa etiam gloria, quæ in se ipsa spectata est finis a Deo intentus, in quantum reputatur corona, merces, præmium, supponit pariter electionem illorum quibus est reddenda: ubi enim est retributio, oportet ut sint quibus retribuitur. unde nihil aliud inferri potest ex omni adversariorum ratiocinio, nisi quod semel & iterum diximus, electionem in ordine executionis supponere merita ex parte præmiandorum: quæ merita si deessent ex impossibili, jam supposita electione absoluta ex parte Dei, effectu suo fraudaretur divinæ voluntatis decretum, quod repugnat. sed quoquo modo id intelligatur, gloria ad quam destinantur electi, semper habebit rationem finis: gratia vero & merita nusquam poterunt esse nisi media conducentia ad finem: & quamvis etiam in intentione Dei gratuito prædestinantis ad gloriam ipsa sint absolute necessaria ad divini decreti executionem, ea tamen nullomodo dici poterunt Deum moventia ad discernendum alios præ aliis, quia non potest inverti ordo necessarius inter finem & media, juxta quem ille non potest non esse prius illis in
in.

intentione . & in hoc sensu dicebat princeps Apostolorum 2. epist. cap. 1. *Sasagite ut per bona opera certam vestram vocationem & electionem faciatis* , quasi diceret , gratis a Deo vocati & electi , in quantum ex vobis est , reddite per bona opera vestram vocationem & electionem certam : nisi enim per opera virtutum certa & immobilis fieret , a vestra spe decideretis , cum bonum operantibus dumtaxat pateat introitus regni cœlestis , ad quod gratuito vocati estis , ideoque verbis laudatis subiungit Petrus : *hæc enim facientes non peccabitis aliquando : sic enim abundanter ministrabitur vobis introitus in æternum regnum Domini nostri , & Salvatoris Jesu Christi* . cum autem addunt Deum velle gloriam Creaturæ conditionate , saltem ex parte creaturæ , id verum esse patet in ordine executionis , licet absolutum sit & efficax Dei decretum iustos ad gloriam prædestinantis nulla habita ratione meritum .

Multipli argumentum Pontius , Dupasquier , alique quos sequitur Tournely , conantur ostendere media seu merita prius intendi a Deo respectu electorum quæm gloriam seu finem : sed in ipsius est meta petitio principii , circulus vitiosus , cum illud de quo litigatur pro ratione asserant , semper ut certum supponentes quod ipsis probandum incumberet , quodque adversus ipsos ut absolute falsum negamus , prævisionem scilicet meritum præcedere electionem , & prædestinationem ad gratiam prius esse prædestinatione ad gloriam , & intentum ut habeant , si possibile ipsi esset , contra evidentiam pugnant , dum enim ipsis opponitur media necessario ac efficaciter conducentia ad finem non posse intendi prout sunt media efficacia ad illum finem , nisi efficaciter intendatur & finis , & illo fine prius intento eligens moveatur ad electionem horum mediorum efficacium ; ex quo sequitur Deum electis suis præparantem media efficaciter ac infallibiliter conducentia ad gloriam , illa quæ ea ratione præparantem quod efficaciter ac infallibiliter ad eam electos doceant , gloriam seu finem prius intendere quam mediorum præparationem , primam propositionem negant , ut illationi necessarii ex illa non consentiant , extra propositum divagantur , distinguentes , subsistuentes , obscurum , ut dicitur , per obscurius explicantes : ut cum opinatur Tournely prædictam negans propositionem difficultati fecisse satis dicendo , quod multis reprobis nonnulla interdum efficaciora conferuntur gratiæ auxilia , quam electis , si una excipiamur hoalis perseverantia ; Deus tamen erga illos efficacem & absolutam non habet intentionem dandi gloriam : unde concludit electionem mediorum efficacium non semper supponere efficacem & absolutam finis intentionem , advertendum ipsi erat vanum prius ac futile esse huiusmodi ratiocinium , cum non agatur simpliciter de mediis magis vel minus efficacibus quæ conferuntur electis & non electis : quid enim prædest quod efficaciora reprobis concedantur gratiæ auxilia , si hæc non sint , ut vere non sunt , respectu illorum in ordine finis , & ad illum efficaciter non conducant , quantumvis efficacia supponantur quædam gratiæ auxilia quæ interdum reprobis conferuntur , hæc intendi non possunt pro ut sunt media necessario ac efficaciter conducentia ad finem , cum respectu reproborum nullo modo possint habere rationem mediorum ex eo quod

quod pro illis non dirigantur ad finem; hæc autem directio ad illum est ipsis absolute necessaria ut possint reputari media. unde non mirum si reprobis conferantur hæc gratiæ auxilia, quia Deus finem seu gloriam efficaciter intendat; & reapse in tali supposito, jam scilicet facta electione salvandorum, finem seu gloriam pro non salvandis Deus non potest efficaciter intendere; id enim implicat. & in rei veritate illa gratiæ auxilia pro salvandis habet vere rationem mediorum, quæ sunt dumtaxat in ordine ad gloriam beneficiorum Dei, quæ liberandis præparantur ut certissime liberentur, quod erga reprobos locum non habet, probandum ergo erat ab ipso Sorbonista, hæc efficaciora gratiæ auxilia quæ reprobis aliquando conferuntur, esse a Deo pro illis electis tumquam media certo ac efficaciter conditientia ad finem; quin Deus efficaciter pro illis finem intendat, quod ex omni parte repugnantiam cum involvat, eadem remanet difficultas ipsi insolubilis.

Secunda Obiectio. Duplex ordo intentionis & executionis, juxta quem, licet prædestinatio non fiat ex prævisione meritum, ita ut merita hæc futura non moveant Deum ad alios eligendos præ aliis, prævidentur tamen merita & vere sunt interventura ut decretum Dei prædestinantis suum fortitius effectum, quem non haberet sublati meritis, quæ in electis sunt absolute necessaria, ut per illa consequantur gloriam ad quam sunt prædestinati antecedenter ad illa: duplex ille ordo non potest admitti nisi in Deo duplex prout admittatur decretum, duplexque volitio: unum quo statim datur gloria absque meritis, aliud quo vult illam conferre ob merita: duplex autem illud decretum videtur secum pugnare, aut saltem est inutile: rejiciendus ergo duplex ille ordo in sensu exposto.

Resp. Duplex ille ordo intentionis & executionis, quo supposito facile intelligitur justos gloriam, ad quam gratis, & non attentis ipsorum meritis, prædestinati sunt, non fore consecuturos nisi ex meritis, quibus illa pro mercede retribuitur: & quem Pontius sibi non arridere dicit, frustra ab ipso, & aliis in hac parte Pseudoscoristis rejiceretur. falsa ratione duomur existimantes hunc duplicem ordinem supponere vel postulare duplex in Deo decretum duplicemque volitionem, eum unico decreto, unoque voluntatis actu cuncta hæc determinet Deus, cui cum omnia sint semper præsentia, nihilque sit respectu illius successivum, unica & æterna tum intellectus tum voluntatis operatione quæcumque factibilia disponit. Hinc est quod eodem decreto quos vult gratis eligit ad gloriam, eosdem in tempore pro meritis coronandos; & eadem volitione merita pro sui executione decreti expectat ab illis, quos pro beneplacito, & nihil de eorum meritis in prædestinando cogitans, eligit ad gloriam: unde quos ex misericordia discernit ante tempora, ex justitia coronat in tempore, non multiplicata volitione ex parte Dei, qui utpote infinitus in omnibus suis operationibus & attributis sicut in suo esse, intelligit & vult modo infinito. & multiplicata volitionem, quam videtur arguere gloria celestis, quæ relative ad prædestinatos terminat eodem instanti duplex Dei attributum, misericordiam in intentione, justitiam in executione.

tione, repetenda est ex limitatione mentis creatæ, quæ duplex objectum; vel etiam idem numero objectum sub diverso respectu, unica intellectiōe attingere non potest, & res eodem modo in Deo se habere pro limitato capto suo perperam sibi fingit.

Nec quod impugnât Pontius cum suis, contra Scotum argumentans duplicem ordinem intentionis & executionis in re prædestinationis stabilientem, satis intellexisse videtur, dum ex duplici illo ordine duplex colligit decretum, quod mutationem quandam arguit in Deo. Dicunt enim, si Deus in executione non vult dare gloriam sine meritis, cur in intentione decrevisset dare illam absolute & sine meritis? an aliter velle potuit in ordine intentionis, & aliter in executione? unde talis mutatio? misera & ridenda sane argumentatio! unde habent Doctorem Subtilem, & nos cum illo, usquam dixisse Deum, in ordine intentionis statuisse gloriam conferre sine meritis? præcindendo a meritis & independentier ab illis ad gloriam quosdam gratuitò eligere, iidem tamen gloriam non decernere aut conferre sine meritis, sunt duo valde diversa, & minime secum pugnant: illa unico voluntatis decreto determinat Deus. præscientia meritum, quæ ipsum minime latent, cum in efficacia suæ gratiæ præparantur ab ipso illis quos electurus est, minime motus Deus, ex misericordia discernit quosdam a massa damnata, a quibus, ut ex iustitia retribuat illis gloriam, quam gratuito & ex liberalitate præparavit vocando eos secundum propositum, merita exigit in executione, quæ in intentione non fuerunt ratio illos vocandi, sed fuerunt tamen, etiam in ordine intentionis, ratio præmiandi, in quantum decretum divinum, quod est æternum, & in quo duplex ille ordo, duplex quodam modo habens objectum, disjungi non potest, in tempore est executioni mandandum, suumque infallibilem effectum fortiri debet. sicque utrumque verum est, Deum scilicet meritis inconsultis ab æterno decrevisse dare nonnullis gloriam, & illum in tempore iidem quos non elegit propter merita, retributurum esse gloriam pro meritis. & quod Deus ab æterno in intentione habuit, id in tempore executioni mandatur eodem præcise modo quod illud in intentione habuit. Numquam decrevit Deus dare gloriam sine meritis subsequenter electionem, licet ea merita prævisa illum non moverint ad electionem. quod si adverterent illi quos resellimus, & quomodo ea omnia intelligantur a Doctore perpendere, nec ab illo recederent, nec ipsi quæ nusquam excogitavit imperite adscriberent. alia quibus sententiam Scoti inconsiderate impetit Pontius multa ut intentum habere differens, nullius sunt ponderis, & supponunt quod esset probandum, ut dictum est; merita scilicet prævisa esse Deo rationem prædestinandi. & cum dicit autoritates Augustini, quæ probant electionem ad gloriam præcessisse prævisionem meritum, commodissime explicari posse de electione ad gratiam cum finali perseverantia, quod inquit, vel leviter eas consideranti satis apparet, se ostendit verba Sancti Doctoris alte fuisse minus perscrutatum; ejusque testimonia leviter considerasse. videnda pariter loquitur dum prædestinationem consequentem valide propugnare arbitratus, auctoritates tum Scripturæ, tum Au-

gustini, quibus niti potest illius opinio, tamquam insufficientes parvi facere videtur, ex eo quod probabiliter exponantur ab adversariis. unde iudicat rationem esse fundamentum a quo pendet firmitas suæ conclusionis: & revera rationibus infirmis, ac jejunis eam probare conatur, quæ cum proprio pondere ruant, iis respondere non vacat.

Tertia Obiectio. Dato quod prædestinatio sit a meritis salvandorum prævisis independens facile intelligeretur quare quibusdam datur perseverantia finalis, aliis vero non datur; & querentibus huiusce rei causam, responderi posset, perseverantiam finalem ideo uni dari, quia est prædestinatus ad gloriam, ideo alteri non dari, quia non est prædestinatus. est autem difficillimum imo & impossibile intellectu quare uni detur, alteri vero non: illudque se penitus ignorare lib. de corrept. & grat. cap. 8. confitetur Augustinus, & ad inscrutabilia Dei judicia, quæ penetrare non possumus, ipse recurrit. & aliunde dicendum esset quod sicuti perseverantia finalis eo tempore quo datur seu in executione non conceditur propter merita, sed est plane gratuita, ita gloria quæ cum finali perseverantia est immediate conjuncta, in executione gratis, non vero meritis conceditur: illud autem cum defendi nequeat, dicendum est ex prævisione meritorum fieri prædestinationem.

Resp. Ex eo quod nequeat reddi ratio cur uni detur perseverantia finalis, alteri vero non, ad veritatem, & ad mentem Sancti Augustini propius accedere, qui volunt ex prævisa finali perseverantia fieri prædestinationem ad gloriam, exillians Tournely, veram ideam tum de gloria relative ad prædestinationem, tum de perseverantia finali, se non habere ostendit. nonne advertere debuisset perseverantiam finalem, pro ut talis est & cum gloria immediate conjungitur, non habere rationem meriti, & ex illa Deum nullo modo fieri posse creaturæ debitorem. per finalem perseverantiam, quæ Dei donum est, solis & omnibus prædestinatis ita reservatum, ut nullus prædestinatus eo absolute carere possit, nullusque non prædestinatus (quæcumque de prædestinatione defendatur sententia) illud absolute possit obtinere, homo non meretur, cum nullum ex ea eliciat actum, illaque nihil sit aliud quam conjunctio mortis cum iustitia habituali, per quam transit, in istu oculi a statu viæ ad statum patriæ, hæcque dormientibus aliquando, aut gravissimo repentinique morbo correptis, cunctumque proinde actum exercere impotentibus concedatur. Hæc potius dicenda est præcedentium meritorum meta & ultimum complementum, & non raro perseverantiæ iustorum in bonis operibus, qua vere distinguitur, merces & præmium; illam quibus vult Deus ex misericordia largitur: estque gratia superioris ordinis, quam in suo antecedenti decreto preparavit in sua præsentia iis qui secundum propositum sunt vocati; nec ullum est excellentius illa donum in ratione doni nisi gloria cælestis, quæ illam infallibiliter comitatur. non mirum ergo si ad inscrutabilia Dei judicia recurrit Sanctus Augustinus cum ab illo queritur, cur hoc donum ille accipiat, ille non accipiat. & quid aliud nisi arroganter a quocumque quantumvis docto posset responderi? etenim querere quare perseverantia finalis quibusdam concedatur, quibusdam non concedatur, nihil

Kkk

aliud

aliud est, quam querere, cur quidam sint prædestinati, cur quidam non sint prædestinati; cuius rei ratio non est præter unum divine voluntatis beneplacitum.

Et a vero valde aberrant qui cum eodem dicunt falso nos supponere si teneamus ideo electis finalem perseverantiam concedi, quod sint ad gloriam prædestinati: in decreto enim Dei eligentis formaliter & necessario includitur decretum de concedenda perseverantia finali, & ab invicem nequeunt separari, vel magis est unum de utraque decretum. se in doctrina Augustini parum verlatos manifestant, qui aliter a nobis sentiunt. Nec nos moveat, inquit lib. de corrept. & grat. cap. 9. quod filijs suis quibusdam Deus non dat istam perseverantiam. absit enim ut ita esset, si de illis prædestinatis essent & secundum propositum vocatis, qui vere sunt filijs promissionis . . . non igitur filijs suis prædestinatis Deus perseverantiam non dedit; habens enim eam si in eo filiorum numero essent . . . ac per hoc tales filii filio Christo dati essent; quemadmodum ipse dicit ad Patrem, ut omne quod dedisti mihi non pereat, sed habeat vitam æternam. Hi ergo Christo intelligentur dati, qui ordinati sunt in vitam æternam. ipsi sunt illi prædestinati, & secundum propositum vocati, quorum nullus perit. ac per hoc nullus eorum ex bono in malum mutatus finit hanc vitam; quoniam sic est ordinatus, & ideo Christo datus, ut non pereat, sed habeat vitam æternam. unde tota remanet difficultas; quæ in objectione commemoratur; & forte major in nostra sententia, si magis & minus dari posset in incomprehensibilitate iudiciorum Dei respectu intellectus creati illa penetrare non valentis. ad illationem de gratuitate gloriæ & perseverantiæ in ordine executionis quam opponit Tournely, non est quod attendamus, cum nihil sit præter verba, ut cuilibet legenti innotescit: & quam parum sibi ipse constet neminem fugere potest.

Alia quæ adversus prædestinationem antecedentem, quam ut quid indubitatum defendimus, afferri solent argumenta: ut cum dicitur illam pugnare cum generali voluntate Dei circa omnium salutem: per illam auferri humanam libertatem, induciq; necessitatem: illam bonis torporem, malis desperationem inducere: non electis querendi occasionem præbere, difficillimum & durum reddere prædestinationis mysterium: illa omnia, iisque similia misa facimus, cum adeo trita sint & ad nauseam usque recantata, ut fere apud omnes qui de prædestinatione egerunt, legi possint. præterquamquod non nisi apud indoctos, vel a Pelagianorum & Semipelagianorum errore non satis distantes, aliquam veritatis speciem inducere possunt, quam haud difficile deperdunt ex bene intellecta divina gratiæ efficacia, ad quam hæc ordinem dicunt, nec non natura libertatis.

QUÆSTIO SEXTA.

An & quid sit Reprobatio?

EX semel admissa juxta Christianæ fidei principia prædestinatione ex parte Dei, per quam ex eadem hominum massa quamplures discernuntur, a communi damnatione, quam ex protoparentis inobedientia omnes incurrerunt, ex misericordia liberandi, admittenda videtur ex consequenti reprobatio eorum omnium, qui ex justo Dei judicio derelinquantur in massa perditionis, a generali hæc damnatione, a qua etiam nullus redimeretur nullo modo culpam posse Dei justitiæ, inquit S. Augustinus lib. de natura & gratia cap. 5. minime liberandi, sicut ergo ad prædestinatorum ordinem pertinent omnes illi quos Deus secundum propositum, æternæque voluntatis suæ decretum vocavit, quique sunt de numero illorum, quibus in sua præscientia præparavit illa gratuita beneficia, quibus certissime liberantur quicumque liberantur, ita ad ordinem reproborum pertinent illi omnes quibus ea efficacia & præciosissima beneficia non præparantur, licet liberandorum & non liberandorum non eadem sit ratio, ut ex Scoto post Augustinum jam indicavimus.

Totam de reprobatione doctrinam tradidisse paucis verbis videtur præfatus Sanctus Doctor lib. de corrept. & grat. cap. 13. Sic loquens num. 42. „ Hi „ qui non pertinent ad istum (prædestinatorum) certissimum & felicissimum „ numerum, pro meritis justissime judicantur. Aut enim jacent sub pecca- „ to quod originaliter generatione traxerunt, & cum illo hæreditario debi- „ to hinc exeunt, quod non est regeneratione dimissum; aut per liberum „ arbitrium alia insuper addiderunt: arbitrium, inquam, liberum, sed non „ liberatum; liberum justitiæ, peccati autem servum, quo voluntur per no- „ xias cupiditates diversas, alii magis, alii minus; sed omnes mali, & pro „ ipsa diversitate diversis suppliciis judicandi. aut gratiam Dei suscipiunt, „ sed temporales sunt, nec perseverant; deserunt & deferuntur. dimissi e- „ nim sunt libero arbitrio, non accepto perseverantiæ dono, judicio Dei „ justo & occulto. „ merita nulla supponere ex parte liberandorum divi- „ nam electionem, que ex mere gratuita liberalitate & misericordia profici- „ tur cum Sancto celebratissimo illo Doctore fuisse ostendimus: reprobationem „ vero in demeritis ac peccato fundari, ut satis ostenduntur mox laudata ejus „ verba, cum illo pariter ostendimus, Calvini ipsique consentientium impieta- „ tem ac blasphemiam convellentes.

Duplex autem vulgo distinguitur reprobatio; negativa una, positiva altera, per illam ad singularem hanc electorum sortem de qua egimus quis non admittitur, sed ab ea excluditur: per istam debita peccatis poena constituitur & præparatur, & ad eam non electi decernuntur. utraque a positiva divini voluntatis actu est: neque enim ex eo intelligitur negativa repro-

batio, quod per actum positivum non ordinetur, sed quia specialium horum beneficiorum quæ prædestinatis præparantur & conferuntur, denegationem importat. circa causam reprobationis tum negativæ, tum positivæ præcipua movetur quæstio, cum de illius veritate & natura omnes Catholici eodem modo communiter loquantur. sicuti de prædestinatione in præsentī naturæ statu egimus, præseindendo ab iis quæ de statu innocentiz, vel de Angelis quæri possent, ita de reprobatione in ordine ad præsentem hominum conditionem ab Adami peccati temporibus quæstionem movemus.

Existunt severiores Thomistæ reprobationem negativam in quantum est beneficii indebiti, gloriæ nimirum denegatio, fieri ante cuiuscumque peccati, sive originalis, sive actualis prævisionem, ex una Dei voluntate, qui omnia propter semetipsum operatus, alios ad misericordiæ suæ manifestationem elegerit ad gloriam, alios ab illa exclusit ad ostendendas divitiarum potentiæ suæ ac sapientiæ, licet reprobationem positivam in quantum est ad æternam supplicia destinatio, non fieri velint nisi propter illorum peccata. in originale peccatum saltem, quod etiam in Baptismate fidelibus fuerit dimissum, radicalis tamen est ac prima & remota causa, cur Deus illos a beneficiis istis gratiæ quæ electis suis præparavit, atque etiam a gloria ipsa voluerit excludere, reprobationem refundere quampluribus placet, qui Magistrum hæc in sententia sequuntur Augustinum, a quo minime recedit Doctor Subtilis, alii contendunt cum Molina reprobationem negativam adultorum non fieri ex prævisione solius peccati originalis, sed ex prævisione peccatorum actualium. & his consentire debent quicumque prædestinationem teneant ex prævisione meritorum: si enim nemo prædestinatur nisi consequenter ad merita ex gratia, a fortiori nemo reprobatum nisi consequenter ad demerita seu peccata.

Eo blasphemie devenit Calvinus ut hominum reprobationem etiam positivam prout est ad pœnam æternam destinatio, dixerit factam a Deo ante cuiuscumque prævisionem peccati, eamque in unam Dei voluntatem atque arbitrium refundat. unde sicut ad gloriam aliquos absque meritis creavit Deus, ita alios juxta Calvinum absque demeritis & peccatis ad damnationem condidit. Hinc ut suum ostendat in omnes dominium, suumque circa utrosque decretum executioni mandat, electis gratiæ auxilia, per quæ ad bonum necessario inclinentur, confert, reprobos autem ad peccata impellit; quapropter non minus impiorum scelera, quam iustorum virtutes Deum vere habent auctorem, arbitratur. Hæc impia huiusce reformatoris Ecclesie Christi dogmata horribilia adeo Discipulis ipsius visa sunt, ut tere omnes ab illo hac in parte recellerint.

Eo se vertit tota circa reprobationem difficultas, ut exponatur ratio Deum movens ab æterno ad excludendum a gloria cœlesti majorem hominum numerum, eosque æternis pœnis mancipandos: sive sint parvuli ante Baptismi susceptionem morientes; sive sint adulti infideles, peccatis, tum originali, tum actualibus inquinati hac vita fungentes; sive fideles adulti sint, in quibus per sacrum regenerationis lavachrum culpa originalis deleta fuit, qui nihilo-

homines in peccato finali obcunt. de triplici hominum illo genere, ex quo tota Adæ posteritas conlefcit quæstio movetur, cum ex illis omnibus conftet miserimus reproborum numerus.

A S S E R T I O U N I C A.

Prima & generalis ratio, juxtaque utriusque reprobationis causa fuit originale peccatum in omnes Adæ posteros diffusum: hæcque reprobationis parvulorum ratio adequata, adulterum vero inadequata; nec in solam Dei voluntatem, antecedenter ad cujuscumque peccati, originalis, vel actualis, prævisionem, potest reprobatio hominum absque impietate referri.

HAnc assertionem, quæ tota est Augustini ubique statuentis, cum de electione iustorum, ac de reproborum damnatione agit, ex omni humano genere per protoparentis peccatum vitiato, unam consisti massam juxta a Deo damnatam, ex qua per misericordiam nonnulli liberandi discernuntur, aliis in eadem puniendis ex justo judicio derelictis, tenet Scotus noster in 1. dist. 41. postquam enim dixit nullam esse prædestinationis rationem ex parte prædestinati, ex quo sequitur illam proficisci a Dei voluntate, ut sentit cum Divo Thoma: sic prosequitur, *reprobationis tamen est aliqua causa; quod sic probat, quia damnatio non videtur bona, nisi quia justa: videtur enim esse crudelitas punire aliquem non præexistente in eo culpa: igitur a simili non vult Deus prius aliquem punire, quam videat aliquem esse peccatorem: quod dicit juxta Augustinum lib. 11. de Genesi ad litteram cap. 24. non prius est Deus ultor, quam aliquis sit peccator.* ubi advertam oportet hanc sententiam, quæ vere est Sancti Doctoris, male ex incuria editorum qui Scoti scripta typis mandarunt fuisse laudatam: Neque enim ut relata est, legitur apud Augustinum, neque in eo loco unde desumpta profertur. de statu Diaboli ante peccatum differens Sanctus Doctor, utrum futuri præscius fuerit vel non, peccati sui nempe atque supplicii, sic querendo ait cap. 17. *Numquid ille prius ultor, quam iste peccator? absit. Neque enim Deus damnat innocentes.* auctoritate igitur Augustini, a quo vix aliquando recessit, fretus Doctor Subtilis sic prosequitur. *Non igitur primus actus divina voluntatis circa Judam; est velle damnare Judam, prout Judas offertur in puris naturalibus; quia tunc videretur damnare sine culpa: sed videtur quod oportet Judam offerri voluntati divina sub ratione peccatoris antequam velis ipsum damnare. ergo cum reprobare sit velle damnare reprobatio habebis ex parte objecti rationem, scilicet peccatum finale prævisum.* His in verbis præceptoris, quibus nihil disertius aut magis ad rem potest excogitari, peccatum finale esse causam motivam reprobationis, sive illud sit originale, sive sit actuale, sive utrumque, plene ostenditur.

Fundatur autem assertio nostra in doctrina Apostoli epist. ad Rom. cap. 9. de Jacob & Esau loquentis, quorum unus a Deo diligitur, alter odio habetur; ut jam pluries ex ipso retulimus quæstione præcedenti; & reprobos designans per vasa iræ, per vasa in contumeliam, quomodo autem & qua ratione fieri possent vasa iræ apta in interitum, vasa in contumeliam nisi ex massa

massa damnata propter peccatum primi parentis essent formata: Neque enim Deus qui iustus est in omnibus viis suis, aliquid aliud odisse potest in homine præter peccatum. unde Augustinus epist. 194. ad Sixtum: quid oderat in Esau antequam natus fecisset aliquid mali, nisi originale peccatum? . . . Neque in isto odisset naturam, quam bonam ipse fecerat. & lib. 1. ad Simplicianum quæ. 2. non edit Deus Esau hominem, sed Esau peccatorem. quod autem in Esau, antequam quidquam mali fecisset odio habuit Deus, illud ab æterno odio habuit in omnibus reprobis antequam per actualia peccata ipsius odium sibi fuerint conciliati. quare prima & generalis causa reprobationis quorumcumque hominum merito assignatur originale peccatum in omnes. Ad quod posterius propagatum.

Ex vitiata radice cunctis hominibus generatis neminem immeritum a Deo damnari innumeris in locis ostendit adversus Pelagianos Hipponensis, quandoque etiam contra Manichæos. & contra illos ex damnatione parvulorum qui nullo proprio reatu tenentur obnoxii, colligit necessarium existentiam peccati originalis: quod si non admittatur, absque iustitia damnarentur illi quibus nullum aliud potest imputari peccatum. Hinc est quod dicat lib. 10. de Genesi ad litteram cap. 11. anima innocentissima, si ex Adam propagata non est, unde quomodo possit iuste ire in condemnationem, si de corpore sine Baptismo exierit, quisquis istam sententiam de anima tenens potuerit demonstrare, mirandus est. & lib. 11. cap. 21. Verum atque manifestum est, iustitia ipsi esse contrarium, ut nullo præcedente merito, hoc ipsum in quoquam Deus damnet quod in eo ipse creaverit. lib. 3. contra Julianum cap. 18. Bonus est Deus, iustus est Deus: potest aliquos sine bonis meritis liberare, quia bonus est: non potest quemquam sine malis meritis damnare, quia iustus est. Hinc lib. 2. contra eundem cap. 10. dixerat: Deus autem iustus, si tanta parvulis mala, quanta nunc dicere non sufficio, nihil peccati trahentibus irrogaret, magis appareret iniustus. & iterum lib. 3. cap. 12. vos qui miseram falsæ defensionis premitis, & perniciose laude oppugnantis infantiam, quare nihil mali merentes tot in parvulis imagines Dei, si non baptizentur non admittitis ad regnum Dei? . . . qua iustitia, queso, a regno Dei, a vita Dei, alienatur imago Dei, in nullo transgressa legem Dei? & in solum peccatum fundari posse reprobationem non electorum ita absolute docet Sanctus Doctor, ut si aliter esset, iniquitatem illud argueret in Deo: Sic enim loquitur Epist. 186. ad Paulinum. quemquam immeritum, & nulli obnoxium peccato si Deus damnare creditur, alienus ab iniquitate non creditur. & exinde infinitam Dei misericordiam exaltat, quod ex illa massa primi hominis, cui mors debetur merito ex eo quod illius peccato tota sit infecta, multos non ad eorum mala merita attendens Deus ab illa communi damnatione liberaverit. ut videri potest subius in hac prælaudata Epistola.

Iustus Sancti præsulis nunquam satis celebrandi doctrinæ, quæ est totius Ecclesiæ Catholicæ sententia & fides, adherentes Patres Concilii Viennensis sub Lothario, hanc fidei professionem emittunt cap. 3. *fidenter fateamur prædestinationem electorum ad vitam; & prædestinationem electorum ad mortem. in electione tamen salvandorum, misericordiam Dei præcedere meritum bonorum: in*
da-

damnatione vero periturorum, meritum malum præcedere judicium Dei. et quæ ipsi rationi Theologicæ plane conformis sententia quam ex fidei principiis cum Valentini Patribus post Augustinum proponimus. Enimvero ut ad mentem Doctoris Subtilis argumentemur, quæcumque erga homines determinat Deus in ordine prædestinationis aut reprobationis, in Misericordia ipsius ac iustitia necessario fundantur. in misericordia quidem, cum quidquam nemini debens Deus, ex massa damnata, quæ iustissimas desertionis suæ, per primi hominis inobedientiam pœnas est datura, nonnullos ad bonitatis suæ manifestationem discernit, nulla ex ipsorum parte meritorum interveniente ratione, et quæ gloriam disponit æternam; utque gratuitæ istius electionis infallibilem consequantur effectum, accommodata atque efficacia gratiæ beneficia illis præparat, quibus a communi illa damnatione necessariam ab Adæ peccato trahente originem, certissime liberentur. in iustitia vero, cum illi omnes qui ab illa massa non sunt discreti, pro merito subjaceant huic damnationi, in qua etiam si quotquot aliquando existerent Adæ posterius relinquere, non esset apud Deum iniquitas: & ab ipso in statum perditionis de peccato suo pœnas daturi deferuntur. at quod non prædestinati sic reproben- tur nulla sit eis injuria, cum a peccato omnibus communi habeant quod non prædestinentur: nulli enim qui tenetur debitor non potest esse injustus, si pro æqualitate demeritorum uni dimittat debitum, illud ab altero repe- tens. & in eorū misericordia differt a iustitia, quod in supplicii irrogandis nullus absque præcedentibus meritis malis iuste plectatur, cum in gratuitis beneficiis conferendis quisque absque præcedentibus meritis bonis sit benefi- cii capax, non reclamante contra beneficium largitorem iustitia. unde re- probatio tum negativa, tum positiva præsupponit necessario peccatum finale cui debeatur, eum prædestinatio ad gloriam & gratiam ex parte electi nul- lum supponat meritum, cui in prædestinantis intentione præparetur. Non ponitur, inquit Subtilis præceptor, similis processus prædestinationis & repro- bationis; quia bona omnia attribuantur principaliter Deo; mala autem nobis: & ita Deum prædestinare sine ratione congruit bonitati suæ: sed ipsum velle damna- re non videtur sibi immediate posse attribui: respectu objecti cogniti in suis puris naturalibus, sed tantum respectu objecti ut cogniti in peccato mortali finali. id- que ab Augustino epist. 186. acceperat Doctor: Si hæc massæ generis humani ita esset media, ut quemadmodum nihil boni, ita nec mali aliquid mereretur, non frustra videretur iniquitas, ut ex ea fierent vasa in contumeliam.

Unum est in præsentī assertionē quod nonnullos movere posset, illud ni- mirum juxta quod tam pro adultis baptizatis, quam pro non baptizatis, as- firmamus peccatum originale esse illorum reprobationis primam generalem- que rationem, quod ipsis non arridet, cum per Sanctum baptismum delectum fuerit peccatum illud in omnes Adæ posteros transfusum, & illud jam am- plius non imputetur, dicente Apostolo renatis in Christo per regenerationis lavacrum nihil esse damnationis ex veteri illo delicto. exinde videtur ipsis a peccato originali tollenda omnimode ratio in baptizatis reprobationis. ve- rum in asserto nihil est quo in nos moveri possint, cum omnem vim ac

effi-

efficaciam baptismatis cum iis agnoscens, reatum & culpam, ipsum scilicet formale primævi delicti, in quibuscumque baptizatis deleri confiteamur, adeo ut huiusmodi noxa jam ipsis nequeat imputari. remanet tamen post baptismum in Adæ filiis concupiscentia, vel fomes, quæ, ut loquitur Sacrosancta Synodus Tridentina, licet peccatum non sit, ex peccato est, & ad peccatum inclinatur: estque proinde peccatum originale materialiter sumptum, radix omnium peccatorum actualium, quæ positivè reprobationis adultorum iustissima causa sunt; ex quo non illegitime inferimus cum Doctore Subili post Augustinum, ut testantur verba illius de correptione & gratia superius laudata, causam inadæquatam reprobationis adultorum esse originale peccatum, cum pro parvulis atque etiam adultis nullo actuali seu personali infectis peccato, totalis & adæquata reprobationis, tum positivè, tum negativè, ratio ex illo proficiatur. etenim in concupiscentia in quantum est materiale peccati, originali quoad culpam deleta per baptismum, prævidet Deus velut in radice futura atque finalia adultorum peccata, ratione quorum æternæ damnationi, id divina exigente iustitia, mancipantur. Hinc in sensu vere litterali judicamus accipienda hæc Hipponensis verba epist. 194. *querimus causam prædestinationis & invenire non possumus; querimus causam derelictionis, & invenimus eam causam esse peccatum originale.*

Nec quæstionem videtur attigisse Tournely, dum sententiam cui subscripsimus impugnare opinatur gravissimo momento, dicens quod peccatum dimissum per gratiam baptismalem non potest esse causa reprobationis negativæ. videtur enim supponere nostræ sententiæ defensores velle peccato originis tribui negativam reprobationem, etiam dimisso per baptismatis gratiam, & veluti sub illo respectu, quod cum dolo scripsisse non absque fundamento dixerim, ut ridicule sentire ipsius adversarios facilius insinuet. quomodo non advertit reprobationem negativam antecedere beneficium redemptionis per Christum, proindeque originalis noxæ deletionem per Sanctum Baptisma? omne genus humanum per primi hominis peccatum radicitus vitiatum cum Augustino, quem suum in præsentia tam de prædestinatione quam de reprobatione negotio facere frustra conatur, consideraturus erat tamquam massam damnatam, cui nihil a Deo debebatur quam derelictionis suæ iustissima poena, a remedio quod ipsi erat in tempore ex gratuita misericordia præparandum, quod præcedens, cum huiusmodi remedii præparationem totaliter antecedit prædestinatio quorundam, & ex consequenti aliorum negativa reprobatio. etenim merita Christi per passionem & mortem efficaciter prædestinatis applicanda, non prædestinatis vero generali, quodam modo applicanda & temporaliter dumtaxat, non autem efficaciter quantum ad fructum totalem, gloriæ nimirum consecutionem, sunt effectus absoluti & antecedentis illius decreti, quo certum quemdam filiorum Adam numerum a generali & iusta perditione illa statuit liberare Deus. sicque verum quæstionis, ut est intelligenda ac proponenda, statum attingens, momentum quod grave arbitratum, nullius esse adversum nos ponderis agnovisset; vel magis istiusmodi argumentum, si serio proponatur, merum esse sophisma intellexisset, pec-

catum originale in causa reprobationis negativæ iamquam per Baptisma dimissum si consideretur.

Et nullum aliud ferendum est iudicium de ratiocinio quo probare arbitratrur idem auctor gratis fingi & periculose, ut loquitur, peccatum originale in Baptizatis reprobis causam esse radicalem & remotam negativæ illorum reprobationis, ex eo quod, inquit, hæc supponere debet aliquod demeritum quod sit objectum odii ex parte Dei. sed numquid demeritum non est originis peccatum? pro parvulis inbaptizatis obeuntibus reprobationis illorum negativæ causa est huiusmodi delictum: eodem decreto non prædestinati intelliguntur tam non Baptizandi, quam Baptizandi; neque enim in reprobatione negativa non Baptizandorum peccatum originale consideratur ut finale, cum sub hoc respectu sit reprobationis eorum positivæ causa: utroque ergo negativæ reprobationis eadem erit causa: & ex peccato originali non magis potest concludi pro parvulis non Baptizatis, aliisque hoc solo infectis decedentibus, quam pro adultis reprobis baptizatis, de quibus non prædicatur negativa reprobatio in quantum sacro tincti sunt lavacro, ut falso argumentari videtur Tournely nihil addens virum suo ratiocinio vel sophismati dum subiungit reprobationem illorum negativam necessario involvere positivam damnationem: id enim falsum est in sensu ipsius, in quantum utriusque eandem causam esse insinuare vellet. reprobationem negativam comitur positiva reprobatio, id verum est: sed hæc non involvitur in illa, ita ut sint unum quid & idem, eandemque habeant formaliter causam; & quamvis rigore loquendo in materia prædestinationis ac reprobationis non detur medium inter exclusionem a gloria & destinationem ad penam, utriusque tamen idem non est totale principium. exclusio a gloria, sive negativa reprobatio, id est quorundam non electio aliis electis, fundatur in noxa originali, sive illud futurum finale, sive non: ab illo enim respectu præscinditur dum Deus in ordine ad electos ejusdem peccati labe conspersos ad eum exercens Misericordiam liberantis, in ordine ad reprobos ad eum exercet Justitiæ punientis. destinatio ad penam, sive positiva reprobatio fundatur totaliter in peccato originali pro non Baptizatis pro ut est peccatum finale, si ante adultam ætatem obeant: partialiter vero pro adultis reprobis, quibus intelligitur poena ab actualia peccata finalia. uno verbo, reprobatio cum solo originali decedentium, adæquate refunditur in illud: negative, in quantum est peccatum originis, & sub hoc respectu importat exclusionem a gloria: positive, in quantum est finale delictum, & sub illo respectu dicit destinationem ad supplicium. reprobatio illorum in quibus deletum fuit per Baptismum primum illud delictum, & peccata actualia finaliter, veteri huic delicto etiam post Baptisma remanenti quantum ad materiale, fomitem nempe & concupiscentiam, addidere, in quantum reprobatio dicit simpliciter exclusionem a gloria, & negativa vocatur, primario refunditur in peccatum originis; secundario in peccata actualia, prout dicit destinationem ad penam, & positiva vocatur; estque quodammodo negativæ reprobationis effectus & consequentia illius. quod absque ullo errandi dictum sentiret Tournely.

nely, si rem alius perpenderit, & ordinem decretorum in Deo, eorumque executionem accuratus distinxisset.

Nec quidquam virium suo infirmissimo argumento addidisse sibi blandiatur, dum Bellarmino visum fuisse dicat illud solvi non posse. dum enim lib. 2. de grat. & libero arbit. cap. 16. scribit doctissimus Cardinalis, „ porro qui „ ob solum originale peccatum a Deo prævisum omnes reprobos damnatio- „ ni perpetuæ additos fuisse contendunt, questionem plane insolubilem sibi „ ipsi faciunt: neque enim intelligi potest quomodo Deus propter originale „ peccatum damnare velit eos, quibus in Baptismo peccatum ipsum vere, „ proprièque dimisit. nam etiã dimissa culpa originali, non continuo tol- „ lantur concupiscentia, ignorantia, mortalitas, aliæque id genus miserie, „ tamen propter ista non potest velle Deus hominem damnare, cum Apo- „ stolo Jesu. „ quid aliud agit, quam ipsum legentibus significare, se de re- „ probatione negativa intellexisse quod de positiva intelligi debet, cum suppo- „ nat nobiscum sentientes asserere Deum velle damnare propter culpam origi- „ nalem hominem cui illa in Baptismo dimissa fuerit, quod nemo sensurus dixerit. Neminem ob illam Deus damnare vult, aut possit reprobari, quod idem sonat, nisi cum illa ultimo fato tuncum; quia iis qui renati sunt in Christo Jesu nihil est damnationis ex peccato originali in ordine ad suppli- „ cium, id est relative ad positivam reprobationem, quæ peccatum finale necessarium supponit. permultos ob originale peccatum quibuscumque Adæ pos- „ teris commune, a gloria exclusos vult Deus, illos ad eam ex iusto iudicio non prædestinando: hos sic exclusos a gloria tamquam a beneficio indebito, „ & negative reprobatos, damnat ad supplicium positive reprobandos ob origina- „ le peccatum, si in illis est finale, & propter actualia peccata finalia. unde in Deo voluntas excludendi a gloria debet quodammodo distingui a volun- „ tate puniendi, licet id fiat unico divinæ actus voluntatis, cujus veluti du- „ plex objectum considerantur exclusio a gloria, & destinatio ad penam. His sic intellectis, ut vere sunt intelligenda, evanescit fictitia hæc quæstio- „ nis insolubilis a Tournely post Bellarminum, originale peccatum tam- „ quam veram negativæ reprobationis causam defendentibus, gratis opposita. falso ab utroque arguuntur quasi dicerent reprobos damnari a Deo propter originale peccatum per Sanctum Baptisma in ipsis deletum, quod ab illo- „ rum sententia longe alienum, ipsi non nisi cum dolo potest asseri.

Gravioris armaturæ non sunt alia momenta quibus sententiam nostram impugnari invicte arbitratr ille sorbonista, quam stare non posse sibi si- „ git cum sincera Dei voluntate circa omnium hominum salutem, quod fal- „ sum esse aliquando ostendimus; & juxta quam „ supposita reprobatione ne- „ gativa antecedente actualium peccatorum prævisionem, necesse videtur, in- „ quit, ut Deus in executionem (quæ certa & infallibilis esse debet) hu- „ jus reprobationis, auxilia gratiæ eo consilio reprobis subtrahat, ut non „ salventur. „ sincere minus & frustra hæc proferuntur. Deum hæc suæ gratiæ excellentiora beneficia & auxilia, necessarium seu infallibilem ac ef- „ fici-

ficacem ordinem dicentia ad æternæ gloriæ consecutionem, inter quæ præcipuum habet locum finalis perseverantiæ donum, quæque vocatis secundum propositum nunquam subtrahuntur, sed consequenter ad efficaciam Dei decretum illos ad gloriam prædestinantis semper subministrantur, non prædestinatis subindeque negative reprobatis non conferre certissimum est. Si enim semel data illorum non prædestinatione, illis ex impossibili conferrentur hujusmodi excellentiora gratiæ beneficia certissime liberandis dumtaxat præparata; tunc liberandorum numero contra Dei hos non prædestinantis decretum adscriberentur, cum auxiliis necessarium ac infallibilem ordinem ad gloriæ æternæ consecutionem dicentibus, ex supposito abundarent, quod defendi non potest. verum exinde non sequitur Deum subtrahere illis auxilia gratiæ, eo consilio ut non salventur: Hæcque propositio quæ calvinismum plene sapit, dolose & gratis sententiam nostram defendentibus adscribi videtur, atque etiam contumeliose; quia illam intelligit Tournely generaliter de quibuscumque efficacis gratiæ auxiliis, veluti illis perpetuo carere non prædestinatos sentiremus, cum de connexis necessario & infallibiliter cum Dei prædestinantis decreto debeat tantum intelligi; & aliunde eorum non salvationis causam ille existimet a nobis retundi in consilium Dei generalia hæc gratiæ efficacis auxilia non subministrantis ea intentione ut salvari nequeant; quod nisi indocte, vel ex pravo fine, ut sententiæ nostræ connexum excogitari potest. non prædestinatis Deus non confert hæc indebita gratiæ beneficia solis prædestinatis reservata, non eo consilio ut non salventur, ita ut illorum salutem non velit Deus, quod nemo catholicus sentiet; sed quia illi non sunt revera salvandi. quare autem non sint vere salvandi, licet velit Deus omnes homines salvos fieri: & quare ipsis non conferantur beneficia gratiæ salvandis præparata? *O homo tu quis es? inscrutabilia sunt iudicia ejus, & investigabiles viæ ejus.* Desinat ergo quisquis illi Theologo nimium credit, nobis cum illo opponere ea quæ sunt a nostra sententia profus aliena, nihilque in nos urgere argumenta quæ gravissima falso existimavit, melius consultus agnoscat. iis, quæ peccatum originale causam esse reprobationis negativæ cum Doctore subtili post Augustinum defendentes statim ab adversariis nihil addatur: & quam gravi fundamento nixi incedamus, culibet in doctrina Hipponensis versato brevi fiet manifestum. Hunc si diligenter perpendisset Tournely, non eo animo ut quæ sibi placent in scriptis Sancti Doctoris pro arbitrio intellectus reperiret, juxta quæ plurimum mentem detorta Sanctorum Patrum volumina sic legentium, ut sententiæ propriæ magis quam veritati ipsos habeant consulentes, exitiosissimum morem; sed ut par erat, eo fine ut suam sententiam Augustini doctrinæ conformaret, ipsique firmiter adherens tamquam Ecclesiæ in rebus prædestinationis & gratiæ oraculo, suam mentem juxta principia illius verè dirigeret, reprobationem negativam a positiva distinxisset, & exinde prædestinationem ex meritorum prævisione vix defendi posse agnosceret, in detorquendis Sancti Doctoris testimoniis in alienum sensum tamdiu & invanum non laborasset. Hunc sibi patum constantem, & ab Augustino sæpius reco-

dentem, concilient, si possunt, qui prædestinationem antecedentem impugnantes, nullam agnoscunt reprobationis aliam causam in baptizatis quam actualia peccata. verum eodem tempore exponant ad Hipponensis mentem, quamvis sit illorum peccatorum prima radix, & unde sit quod a Deo illa permittantur sublata negativa reprobatione.

Deum ex solo suo beneplacito, & antecedenter ad quodcumque peccatum originale vel actuale negative reprobare, & æternis suppliciis positive destinare homines permultos, impietas calviniana asseruit, adversus quam reclamant Sacre Scripturæ, hominum perditionem ex ipsis esse, eorumque damnationem non aliam habere causam præter illorum peccata ubique testantes, nec non Sancti Patres idem, ut inconcussum fidei dogma, voce unanimi profitentes. unde cum Arausiaci secundi Concilii Patribus can. 23. pronuntiare debet omnis catholicus, aliquos ad malum divina potestate prædestinatos non solum non credimus, sed etiam, si sunt qui tantum malum credere velint, cum omni detestatione illis anathema dicimus. idem contra calvinum pronuntiavere anathema Patres Tridentini sess. 6. can. 17. contra huiusmodi impietatem pugnat ratio, quæ Deum summe iustum agnoscens, nullum posse ab ipso damnari absque præcedente demerito clamat. ipsius rationis vocem si audisset Calvinus, nusquam in Deum blasphemus dixisset, non nullos homines fuisse in damnationem ab illo creatos: illos a Deo ad peccandum impelli, omnemque gratiam, veramque fidem illis denegari: aliaque permulta quæ apud ipsum videri possunt, & de quibus hic agere nostri non est instituti.

Primariam igitur reprobationis causam cum Augustino, quem exacte sequitur Scotus, dicimus peccatum originale, quod est radix omnium peccatorum actualium, unde provenit ratio reprobationis positivæ in adultis, etiam iis quibus remissum fuit per baptismum, ob concupiscentiam & materiale peccati, quæ dum vivimus manet in nobis, inclinât ad peccatum, & fomes est illius ac illicitum, juxta Concilii Tridentini doctrinam, in decreto de peccato originali. Nec ex eo arguendus est Jansenius quod non salvandum damnationem, omniaque eorum peccata, ob quæ æternis suppliciis iustissime mancipantur, radicitus refundat in culpam originale, ex qua facta est concupiscentia, quæ quamvis per baptismi gratiam reatu præterierit, post baptismum manet actu, ut cum S. Augustino explicantes naturam peccati originalis aliquando ostendimus. Hincque erroris illum arguens idem Tournely, se quæstionem minime attigisse iterum ostendit, cum illum arguere videatur veluti dixisset Jansenius peccatum originale pro ut est per gratiam baptismatis remissum, esse causam radicalem primam, tamen non immediatam damnationis æternæ reproborum: non enim inadvertenter scripsit, in mente Jansenii peccatum originale etiam per gratiam baptismatis remissum, est causa saltem radicalis prima, &c. Hæc vox etiam quæ eo loci reduplicationem quandam importat, causalitatem in sermone Tournely significare videtur, quod ab ipso gratis, fingi jam diximus; & ut fidum hunc errorem convellat, Concilio Tridentino abutitur, veluti existimasset Tridentini Patres, peccatum originale, licet dimissum per Sacri Fontis aquam, non

non esse primam & radicalem causam peccatorum actualium, & sub hoc respectu causam radicalem pœnæ quæ peccatis illis ex iustitia debetur; quod tamen nemo dicet, cum oppositum constet ex eorum doctrina. Nec satis a Pelagianorum placitis circa effectus peccati originalis videntur recedere, qui in illo veram & propriè dictam omnium peccatorum causam nolunt intueri, nec in illud vindictæ quam de iis sumit Deus, primitivam & generalem rationem refundunt. tunc enim concupiscentiam, cunctorum peccatorum originem etiam post baptismum, inter effectus & pœnas peccati originalis videntur non annumerare. siquidem dato semel quod concupiscentia, quæ ad peccatum inclinans hominem, est verus fons veraque radix cuiuscumque delicti, sit ex peccato, ut docent Patres Tridentini, nonne consequens est quæcumque patitur homo ex delictis suis, quæve certe non committeret si delecto per baptismum originali culpa, ab eo pariter tolleretur concupiscentia, remote saltem & radiciter ac mediate refundi in peccatum originale? ex peccatis actualibus est positiva adulatorum baptizatorum reprobatio, quæ est æternis suppliciis iusta & debita mancipatio: peccatorum actualium principium & causa est concupiscentia, qua sublata non est unde peccatum in homine proficiscatur: concupiscentiam pro ut ad malum inclinât peperit culpa originalis: eorum ergo omnium quæ sunt a concupiscentia efficienter vel occasionaliter, prima parens, causaque generalis, si non immediata, mediata tamen erit & radicaliter noxa originalis. post baptismi susceptionem non imputatur peccatum originale, quod vere per regenerationis Sacramentum dimittitur: remanent nihilominus quæcumque effectus & pœnæ rationem habent. concupiscentia in quantum ad malum inclinât, quæ est primarius peccati originalis effectus, non imputatur homini ad peccatum; nec est ipsa peccatum; est nihilominus peccatorum omnium vera parens: concupiscentia enim cum conceperit parit peccatum, inquit Jacobus Episc. catho. cap. 1. *peccatum vero, cum consummatum fuerit, generat mortem*. mortem animæ (de hac enim loquitur eo loci beatus Apostolus) sequitur æterna damnatio seu positiva reprobatio: est ergo illius radicalis causa saltem mediata peccatum originale; quod si non daretur, nec pariter daretur peccatum æuale ad mortem, nec consequenter daretur iusta de illo, quod in hac hypotesi non esset, ex parte Dei vindicta.

Peccati igitur originalis existentiam, ejusque in omnes Adæ posteriores transusionem, omnesque ex illo fluentes effectus & pœnas, cum Pelagio negat Tournely, sententiam eandem qui tenent; vel peccatum illud primitivum & radicalem causam reprobationis non salvandorum, nobiscum post Doctorem subtilem, si ab Augustini doctrina recedere illum non delectet, agnoscat. Irensem ergo erroris ex illo capite arguere destinant, qui Pelagio peccatum originale impugnanti non consentiunt. Hæc autem a nobis conscripta, non in favorem Janseii, sed pro defensione nostræ sententiæ, quæ cum ecclesiæ catholicæ doctrina circa peccatum originale essentialiter connectitur, illi advertant. indirecè enim scholam nostram, veluti Janseium arguens, carpere videtur Tournely, qui ab hujusmodi censura non minus indocia quam inju-

sta

ita melius consulto abstinuisset, si quantum ex illa se merito carpendum exhibebat iis quos immerito arguebat, advertisset. Theologos aliunde venerandos & doctrina præclaros, iniquum simul & præceptis ferre iudicium, dum quos impugnant eorum non intellecta sententia, erroris inconsiderate arguunt, quantum dedecet, quis non intelligit? cum Sancto Augustino causam nobis esse communem, & a Calvinii impietate omni ex parte alienam esse Schottlicæ scholæ de reprobatione sententiam, nemo, si non indoctus ignorat. primariam reprobationis causam Dei absolutam voluntatem absque ullo ordine ad peccatum ore blasphemio pronuntiat hæretiarca. nullam nisi ex præcedenti demerito seu finali peccato a Deo reprobari cum Hipponensi tenet fidelis Scotista, dicitque de reprobis sermonem faciens ex illius Epistolæ 194. *si sunt vasa ira, quæ perfecta sunt ad perditionem quæ illis debita redditur, sibi hoc imputens, quia ex ea massa facta sunt, quam propter unius peccatum, in quo omnes peccaverunt, merito Deus, iustique damnavit.* Hinc a præceptore ejusque Scholæ defecit Maffrius, dum reprobationem negativam absque peccati prævisione factam fuisse contendit: & nullo proflus fundamento fretus se Augustini discipulum esse arbitratur, contra tanti Doctoris sententiam minime cum illo distinguens inter rationem prædestinandi & rationem reprobandi, atque de massa puræ naturæ, non vero peccato originali infectæ accipiens in sensu perditionis massam illam de qua Apostolus, ab Augustino celebratam. ex illa Dei voluntate independentem a demerito seu peccato reprobandis, homines ad interitum impelli ac necessitate peccare, Deo in ijs non minus mala quam bona opera operante sentit calvinus, a quo omnimode recedens Scoti discipulus, omne bonum cum Augustino Dei gratiæ tribuit, malum vero humanæ dumtaxat attribuit voluntati: unde cum Sancto Doctor Epistola eadem sic loquitur: *quomodo Deus faciat vasa iræ in perditionem, ut ostendat iram . . . tamen in eisdem ira visis, propter meritum massæ in contumeliam debitam factis, id est in hominibus propter naturam quidem bonam creatis, sed propter vitia supplicio destinatis, iniquitatem, quam rectissime veritas improbat, damnare movit ipse, non facere, sicut enim voluntati ejus tribuitur humana natura, nullo dubitante laudanda, sic hominis voluntati tribuitur culpa, nullo recusante damnanda.* verum hæc in gratiam scholæ nullæ sufficiant ad retundendam malevolentium incogitantiam, vel ad illorum, si opus esset, audaciam manifestandam, simulque frangendam contumeliosam in Augustini discipulos intolerabilem procacitatem.

QUESTIO SEPTIMA.

An immutabilis sit & fixa Sanctorum prædestinatio, ita ut certus adeo sit prædestinatorum numerus, qui nec minui possit nec augeri.

HUic quæstioni, quæ diversimode proponitur a nonnullis inquirentibus, utrum prædestinatio sit in potestate prædestinati, & utrum prædestinatus possit damnari, jam ex parte secimus satis ostendentes cum de prædestina-

finatione ageremus, infallibilem effectum habere electionem eorum qui secundum æternum Dei propositum sunt vocati. nec dubium aliquod circa eam oriri potest cuicumque decreta Dei absoluta & efficacia ex se immutabilitatem ipsius participare consenti. potest autem considerari prædestinatio, ut cum Scoto supra statuimus, & in intentione Dei prædestinantis, & in executione, seu in homine adsequente gloriam ad quam est a Deo præordinatus: unde circa utrumque, Deum scilicet & hominem, potest moveri questio brevi solvenda, cum nulla, cujusdam saltem momenti, occurrat difficultas, nisi de verbis litigare cupientibus.

ASSERTIO UNICA.

Adeo fixa est ac immutabilis Sanctorum prædestinatio, tam ex parte Dei eligentis quam ex parte hominum electorum, ut certus ac determinatus a Deo prædestinatorum numerus nec minui possit, nec augeri.

Hæc assertio, quæ licet tamquam fidei dogma non proponatur, necessarium tamen ad fidem dicit ordinem, probatur ex Scripturis. habetur enim Joan. cap. 6. *Hæc est autem voluntas ejus qui misit me Patris, ut omne quod dedit mihi non perdam ex eo.* & cap. 10. *ovæ meæ... non peribunt in æternum, & non rapiet eas quisquam de manu meâ.* epist. 2. ad Timothei cap. 2. *firmum fundamentum Dei stat, habens signaculum hoc: cognovit Dominus qui sunt ejus.* quæ manifeste significant non perire posse ullum eorum quos suos per gratuitam misericordiam illos a massa damnata discernens fecit Dominus. quacumque ergo virtutis specie inter mortales fulgeant nonnulli, si ab illa ante decessum defecerant, in bono finaliter non perseverantes, inter a Deo vocatos secundum propositum nunquam fuere computandi, dicente Apostolo Joanne Epist. 1. cap. 2. *ex nobis prodierunt, sed non erant ex nobis: nam si fuissent ex nobis, permansissent utique nobiscum.*

Et hæc constans fuit Sancti Augustini doctrina, ut testantur hæc inter alia ipsius verba, tum lib. de corrept. & grat. cap. 7. *existis nullus peris, quia omnes electi sunt: electi sunt autem, quia secundum propositum vocati sunt.* Horum si quisquam peris, fallitur Deus: sed nemo eorum peris, quis non fallitur Deus. Horum si quisquam peris, vitio humano vincitur Deus: sed nemo eorum peris, quia nulla re vincitur Deus. & cap. 9. *sunt filii Dei. futuri erant per Evangelii prædicationem, & tamen antequam factum esset, jam filii Dei erant in memoriâ Patris suis inconcussa stabilitate conscripti.* & infra. *ipsi sunt illi prædestinati & secundum propositum vocati, quorum nullus peris. ac per hoc nullus eorum ex bono in malum mutatus: finis hanc vitium: quoniam sic est ordinatus, & ideo Christus datur, ut non pereat, sed habeat vitam æternam.* Tum hb. de dono perseverantiæ cap. 17. *quos ergo prædestinavit, ipsos & vocavit vocatione illâ, quam me sæpe commemorare non piget, de qua dictum est, sine penitentia sunt dona & vocatio Dei.* Namque in sua quæ falli mutarique non potest præsentia,

op.ra

*opera sua futura disponere, id omnino, nec aliud quidquam est prædestinare. Hinc est quod definiens, ut supra dictum est, prædestinationem Sanctorum, eamque dicens præscientiam & præparationem beneficiorum Dei, ea dicit præparari iis qui per illa certissime liberantur; quæ immutabilem certitudinem prædestinationis tam ex parte liberandorum quam ex parte liberantis expriment: non esset autem fixa & immutabilis, si ita non esset a Deo præfixus prædestinatorum numerus, ut non possit minui vel augeri. & juxta hunc sensum intelligenda sunt quæ habet Sanctus Doctor in Enchiridio cap. 103. loquens de iis qui salvi fiunt ex absoluta Dei voluntate, juxta quam infallibiliter illi salvantur, quia, inquit, *neceffe est fieri si voluerit*. necessitate scilicet consequentis illius decretum, in quo media ad infallibilem ejus effectum continentur, nec non & modus applicandi media juxta naturæ humanæ liberæ remanentis exigentiam accommodatus.*

Augustino fidem ipsius discipulum addamus Fulgentium Ruspensem Episcopum lib. de fide ad Petrum cap. 35. seu Reg. 32. hæc loquentem: *firmissime tene, & nullatenus dubites, omnes quos vasa misericordiae gratuita bonitate Deus facit, ante constitutionem mundi in adoptionem filiorum Dei prædestinatos a Deo: neque perire posse aliquem eorum quos Deus prædestinavit ad regnum, quemquam eorum quos Deus non prædestinavit ad vitam ulla posse ratione salvari.*

Verum disertius adhuc immutabilitatem prædestinationis docet Hipponensis, prædestinatorum numerum certum & definitum ostendens lib. de corrept. & grat. cap. 13. *Hæc de his loquor, inquit, qui prædestinati sunt in regnum Dei, quorum ita certus est numerus, ut nec addatur eis quisquam, nec minuitur ex eis.... certum vero esse numerum electorum, neque augendum, neque minuendum, quamvis & Joannes Baptista significet.... tamen apertius in Apocalypsi dicitur, tene quod habes, ne alius accipias coronam tuam. Si enim alius non est accepturus nisi iste perdidit, certus est numerus.* assertionem aperte adeo expriment cuncta hæc testimonia ut illis addere decerpisse sit. Nec inferas ex his ultimis Augustini verbis, etsi fixus electorum sit numerus quantum est ad eligentis determinationem. mutationi tamen obnoxium fieri posse divinum decretum obiective seu terminative, cum unus in electorum numero non computatus, possit accipere coronam quam perdidit alter, ab illo numero in quo jam fuerat computatus decidendo. id enim solum eo loci dixisse videtur Hipponensis, ne de sua electione, etsi de ea ipsi constaret, aliquid præsumat, sed potius ignorans utrum odio vel amore dignus sit, an de numero prædestinatorum vel non, in divina nihilominus confidens misericordia, se Sanctorum consortio fore aggregaturum sperans unusquisque, cum timore & tremore salutem operetur, magisque satagat ut per bona opera suam vocationem faciat certam. falso inde tamen colligeretur quemdam ex electorum numero, in quo jam fuisset per divinum decretum computatus, posse decidere: quod cum immutabilitate divinorum decretorum omnimode pugnans evenire non posse, jam ostendit Sanctus Doctor per verba superius relata: *ex istis nullus perit, &c.* unde dicendum est, prædestinationem Sanctorum, quæ fixa est ac immutabilis tam determinative quam obiective, hos est

est tam ex certitudine decreti in intentione Dei eligentis, quam ex parte illorum ad quos terminatur illud decretum nullomodo mutandum, incertam tamen esse iis qui sunt objectum istiusmodi decreti illos utiliter latentis, ut de incomprehensibilibus Dei judiciis incerti non superbiant, sed scientes quod omnia in futurum servantur incerta ut habetur Eccles. cap. 9. in omni humilitate & timore Deo placere studeant.

Et revera nisi fixa & immutabilia essent ad sensum assertionis, decreta Dei, cujus est hominum salus, quænam esset spes nostra? nonne anxii & timidi perpetuo fluctuantes, ab omni vento torporis ac dissidentie circumferremur, si temporaria forent, & de novo pro rerum in tempore varietate mutarentur adoranda illius decreta, ut iis visum est, de quibus Sanctus Bonaventura in 1. dist. 41. art. 2. quæst. 1. inintelligibilia ergo loquuntur, qui volunt prædestinationem ita esse in hominis potestate, ut qui prædestinatus supponitur & esse simpliciter possit damnari, & ex adverso qui prædestinatus non est, simpliciter possit salvari. etenim summam Dei sapientiam, ipsique essentiali immutabilitatem ab illo videntur auferre qui talia sunt fabulati: quibus annumerandos non immerito censemus tamquam de Deo digne minus sentientes, illos omnes, qui ex immutabilitate decretorum circa numerum prædestinatorum, necessitatem quamdam cum humani libertate arbitrii impossibilem sequi, aliaque non congrua, nullum esse reale habentia præter illud quod participare possunt ab imbecillitate humanæ mentis, de divinis decretis soli Deo notis, ejusque modo operandi juxta creaturæ exigentiam attemperato, temere judicantis, proficisci existimant, timore trepidantes ubi nullus est timor.

Nec Augustinum sibi patrocinantem habere gloriantur qui incertum & indeterminatum electorum numerum volunt, ita ut in uniuscujusque hominis sit potestate huic adscribi vel ab illo deleri, ex eo quod habeatur lib. 6. Hypognosticon cap. 8. in fine; *Nequisquam autem putares divino judicio fieri, non omnes homines salvari: dixit Apostolus, qui vult omnes homines salvos fieri... Hinc nemo gloriatur, nemo desperet; solus enim Dominus scit qui sunt ejus. in quantum autem possumus, omnes homines ad bonum opus exhortemur, nulli desperationem demus, pro invicem oremus, in conspectu Dei nos humilitemus, dicentes: fiat voluntas tua. ipsius erit potestatis, judicium in nobis debitum mutare damnationis, & gratiam prædestinationis indebitam prærogare. & aliunde vulgatum sit illud ejusdem proloquium, si non es prædestinatus, fac ut prædestineris. quibus similia sunt quæ loquitur term. 102. de tem. utinam tam cito homo peccator resurgat ad penitentiam, quantum cito Deus vult definitam mutare sententiam. Neque enim quidquam illos hæc juvant. Tum quia opus illud Hypognosticon dictum, Augustini non esse nunc omnibus notum est; & aliunde ex illo textu non habetur intentum, cum libri illius auctor ibi non loquatur de mutatione prædestinati in reprobum, vel reprobi in prædestinatum, ut transitur a statu temporario gratiæ ad statum temporarium peccati, & vice versa; sed loquitur de transitu a massa damnatorum ad statum prædestinatorum non vice versa, istorum enim fixus est numerus, & qui stat ad illum pertinentes*

M m m

f i i t

scit Deus, qui solus novit qui sunt ejus. Hæc autem discretio prædestinatorum a reprobis facta ante mundi constitutionem, nulli obnoxia esse potest mutationi. & dum de futuro videtur loqui auctor ille dicens, *ipsum eris potestatis judicium mutare damnationis*, &c. futurum pro præterito usurpat, prædestinationem cum executione merita supponente connexam significans. Nec enim in Deo futurum est quoddam vel præteritum, sed præsens continuum & æternum. verum cum hominem lateat consilium Dei, & solus Dominus noverit quos voluerit prædestinatorum numero adscribi, merito additum est; *Hinc nemo gloriatur, nemo desperet*, &c.

Tum quia nullibi legitur apud Augustinum illud essatum, *si non es prædestinatus, fac ut prædestineris*: quod videtur desumptum ex illo ejus textu Tract. 26. in Joan. *si non traberis, ora ut traharis. ora*, inquam, & non *fac*, ut vitiose legitur a nonnullis, hæc sententiæ falso addentibus hæc sequentia verba, tamquam legerentur apud illum, *si non iustificaris, fac ut iustificeris*: quæ nusquam protulit Sanctus Doctor. præterquam quod utrumque illud vulgatum, etsi Augustini esset, quod ab illo minime prolatum fuisse nemo nisi indoctus ignorat, accipiendum esse modo exhortatorio, cuicumque Augustinum legenti fit manifestum, sicut intelligenda sunt verba ejus laudata ex sermone 102. quæ locutus est Sanctus Doctor ad ædificationem & instructionem populorum, quos ad penitentiam ex pio illo motivo adducere cupiebat, quemadmodum Sanctus Ambrosius, dum populum alloquens dicebat: *Novis Dominus mutare sententiam, si tu noveris mutare delictum*. Hæc in sensu morali & exhortatorio, non vero Theologico & dogmatico relative ad præsens nostrum propositum, ab utroque Sancto Doctore prolata, quis non fatetur; unde nihil ex iis potest contra assertionem quam fere omnes amplectuntur inferri. nec in sensu hujus nostræ assertionis ea exponere quidquam juvat, cum non esse ad propositum satis innotescat.

Aliter ergo, inquit aliquis, de certitudine prædestinationis coram populo disserendum erit, quam in Scholis? etiamsi illud concedamus, quid contra jam expositam doctrinam exinde concludetur, nisi juxta ordinem charitatis esse, quod de occultissimis prædestinationis & reprobationis mysteriis in publicum disserens Doctor, audientium utilitati consulat, ne quasdam veritates vulgi captum excedentes attingens illis officiat, quibus proficere debuisset, cibos robustiores & nocivos dando quasi robustioribus, cum hæc quasi parvulis aut infirmis fuisset dandum. multa habebat dicere Apostolis Christus: verum cum ea ante ipsius passionem portare non possent, de illis tunc temporis tacebat. ex male intellecto ordine decretorum Dei circa electorum prædestinationem, & non prædestinatorum in massa damnata derelictionem, oriri nonnumquam scandalum potest apud indoctos, quorum captum superant profunda hæc arcana, & non nisi in ruinam multorum de iis dici potest in rigore Theologico: prudenter igitur de iis taceat qui populus in Spiritualibus præest, moralitates potius quam Scholasticas quæstiones tractans; idque eo magis quod quamcumque opinionem quisquis teneat circa occultissima hæc mysteria, id semper pro certo est tenendum & populis perpetuo prædicandum,

dum, iis qui bonum operati fuerint, & in finem usque in bono perseveraverint, bene futurum esse in altera vita: & ex adverso male. post mortem esse futurum iis, qui declinantes a semita divinarum mandatorum, & post concupiscentias suas euntes, a sua impietate non cessaverint, & ad Dominum qui multus est ad ignoscendum, per veram penitentiam non reversi fuerint, sed secundum impenitentem cor suum thesaurizaverint sibi iram in die ire: perditionem nostram ex nobis esse: Deum nusquam deesse illis qui tempore accepto ad illum corde sincero clamant, & ab illis inveniri qui non fide, sed mente pura querunt illum: & tandem nullum perire nisi violentem. Hæc, quæ cum fructu audituri sunt populi, ipsis exponere & aperire summæ est charitatis & prudentiæ, veritates illas quas portare non possunt, Scholasticis & doctioribus investigandas relinquendo: Neque enim omnia expediunt quæ licent. ob tarditatem nihilominus indocti vulgi, numquam est deferenda veritas, aut quidquam ipsi oppositum est proferendum: sed ubicumque sese dederit occasio ex dicendi necessitate, nihil nisi sacris consonum Scripturis, Sanctorumque Patrum, veritati ubique consensuum, doctrina refertum, ore promat Christianus orator, etsi a permultis non capiat.

Hanc methodum temporum necessitati & audientium exigentiæ accommodatam servato Charitatis ordine, habemus ab Augustino lib. de dono perseverantiæ cap. 16. his verbis. *Dicatur ergo verum, maxime ubi aliqua questio ut dicatur impellit, & capiant qui possunt; ne forte cum taceatur propter eos qui capere non possunt, non solum veritate fraudentur, verum etiam falsitate capiantur, qui verum capere quo cœteatur falsitas possunt. facile est enim immo & utile, ut taceatur aliquod verum propter incapaces. Nam unde est illud Domini, „ad, „huc multa habeo vobis dicere, sed non potestis illa portare modo. „ & illud Apostoli, „Non potui vobis loqui quasi spiritualibus, sed quasi carnalibus: quasi parvulis in Christo lac vobis potum dedi, non escam; nondum enim poteratis, sed nec adhuc quidem potestis. „ quamvis modo quodam dicendi fieri possit, ut id quod dicitur, & parvulis lac, & grandibus esca sint. sicut, „ in principio erat verbum, & verbum erat apud Deum, & Deus erat, „ verbum, quis Christianus tacere potest? quis capere? aut quid in doctrina sana potest inveniri grandius? quod tamen & parvulis non taceatur & grandibus, nec parvulis occultatur a grandibus. Sed alia est ratio verum tacendi, alia verum dicendi necessitas. causa verum tacendi, longum est omnes quærare vel insere: quarum tamen est & hæc una, ne peiores faciamus eos qui non intelligent, dum volumus eos qui intelligent facere doctores, qui nobis aliquid tale tacentibus doctiores quidem non fiunt, sed nec peiores fiunt. cum autem res vera ita se habet, ut fiat pejor, nobis eam dicentibus, ille qui capere non potest, quid putamus esse faciendum? Nonne potius est dicendum verum, ut qui potest capere capiat, quam tacendum, ut non solum id omnia non capiant, verum etiam qui est intelligentior, ipse sit pejor? qui si audiret & caperet, per illum etiam plures discerent, in rebus igitur prædestinationis ea est tenenda regula, quam circa Dei præscientiam vult observari Sanctus Doctor cap. 15. hæc scribens,*

bens, objectioni quæ ea in causa proponi poterat occurrendo: *Numquid enim, si hoc audito nonnulli in torporem segnitieque vertantur, & a labore proclives ad libidinem post concupiscentias suas eant propterea de præscientia Dei falsum putandum est esse, quod dictum est? ... Numquid ergo propter huiusmodi animas ea quæ de præscientia Dei vera dicuntur, vel neganda sunt vel tacenda; tunc scilicet, quando si non dicantur, in alios itur errores? quod cum sic evenire comperitum ille haberet, quantum ad istam de qua loquimur prædestinationis certitudinem: dicebat enim cap. 19. Hoc scio, neminem contra istam prædestinationem, quam secundum scripturas sanctas defendimus, nisi errando disputare potuisse refutans ea quæ opponebantur concludit cap. 20. *est verum est quod dicitur, ab illis videlicet ad quorum confutandos errores librum de dono perseverantiæ scribebat*) de prædestinatione beneficiorum Dei, non est tamen populis prædicandum? prædicandum est prorsus, ut qui habet aures audiendi, audiat sicut enim prædicanda est pietas, ut ab eo qui habet aures audiendi, Deus reſte colatur ... ita prædicanda est & ista prædestinatio beneficiorum Dei, ut qui habet aures audiendi, non in se ipso, sed in Domino glorietur.*

Doctores Subtilis auctoritatem, veluti a nobis circa prædestinationis certitudinem dissentientis quis frustra opponeret in 1. dist. 40. cum enim sentire videtur quod prædestinatus possit damnari, hanc quæstionem quam sibi proponit, eo loci examinat in sensu lógico, distinguens sensum compositum & divisum, & quodam modo abstrahens a divino decreto. antecedenter ad illud, evidens est quod prædestinatus poterat non prædestinari, & proinde damnari, cum fuerit contingenter prædestinatus ex actu libero ac contingenti voluntatis divinæ, quæ sicut illum a perditionis massa pro arbitrio discrevit, ita pro arbitrio in ea posuit illum relinquere. at consequenter ad decretum ex natura sua, prout divinum, immutabile, evidens est quod prædestinatus non potest damnari, in sensu videlicet compositionis, consideratus propterea sub ea ratione qua est prædestinatus, juxta quam rationem procedit quæstio, quæ de certitudine prædestinationis consequenter ad Dei decretum movetur. & juxta sensum nostræ assertionis illam solvit Scotus; & ideo ad secundum argumentum dicit, *quod voluntas creata non potest impedire voluntatis divinæ ordinationem: nam impedire esset, si flaret oppositum voluntatis divinæ, & oppositum eveniret per voluntatem creatam: hoc autem est impossibile.* ex quibus evidenter ac necessario colligitur juxta Doctorem infallibilitas divini decreti, quo dato falsum prorsus est prædestinatum posse damnari; quia, ut dixerat distinctione præcedente cum Sancto Augustino, Deus non potest falli: ita, inquit, *non potest impediri voluntas ejus, quia non potest flare ordinatio sui cum opposito ejus quod ordinavit.* unde cum rationem asserens ad oppositum dicit quod si prædestinatus non posset damnari, non esset sollicitandum alicui de observantia præceptorum, & consiliorum: quod si admittatur, frustra ponitur tota lex divina: tunc loquens in sensu adversariorum talia opponentium, prædestinationem attingit in ordine executionis, quæ legis divinæ adimpletionem, & mandatorum observantiam præexigit, ad quam minime respicit Deus, si de prædestinatione in ordine intentionis res habeatur.

&

& nulla circa mentem Scoti in tota hac distinctione oriri potest difficultas : brevis etenim & clare est exposita quæstio illa, quam qui leget, in ea intelligenda nullo modo esse laborandum statim advertet. & semel data logica si illa distinctione quam disputandi gratia statuit, breviter solvuntur quæcumque argumenta in contrarium.

Quæritur, utrum de sua prædestinatione aliquis possit certus esse?

Resp. Ex certitudine ac infallibilitate decretorum Dei quam necessario sequitur irrevocanda circa numerum prædestinatorum determinatio, se ad fortunatum illum numerum pertinere certo scire, non nisi temere quoque affirmaret, nisi id ex speciali Dei revelatione didicisset. soli etenim Deus cognitum esse numerum electorum in æterna felicitate locandorum canit Ecclesia in suis orationibus. unde sess. 6. cap. 12. dixit Concilium Tridentinum : *Nemo quamdiu in hac mortalitate vivitur, de arcano divinæ prædestinationis mysterio usque adeo præsumere debet, ut certo statuat, se omnino esse in numero prædestinatorum: quasi verum esset, quod iustificatus aut amplius peccare non possit, aut si peccaverit, certam sibi resipiscentiæ promittere debeat: nam nisi ex speciali revelatione, sciri non potest quos Deus sibi elegerit.* Hinc contra recentiores Hæreticos sic statutum est can. 16. *si quis magnum illud usque in finem perseverantia donum se certo habiturum, absoluta & infallibili certitudine dixerit, nisi hoc ex speciali revelatione didicerit, anathema sit.* quod definire Patres Tridentini juxta Magni Augustini doctrinam lib. de corrupt. & grat. cap. 13. *quis enim ex multitudine fidelium, inquit, quamdiu in hac mortalitate vivitur, in numero prædestinatorum se esse præsumat? & reapse arcanum illud homines in hac vita degentes prorsus latere summæ erat Dei sapientiæ: ex ea enim ignorantia in qua versamur mortales circa terminum vel objecta divinorum decretorum, nescientes utrum ad felicem hunc numerum eorum qui ex misericordia Dei mere gratuita sunt certissime liberandi pertineamus, sed id per Christi merita ex Christiana fiducia sperantes, gignitur quarumcumque virtutum exercitium. Bonis ne torpeant, inest a virtute decidendi, & in bono deficiendi timor, ex quo humilitas, vigilantia, oratio, fervor spiritus, debita Deo pro gratiis ab ipso collatis gratitudo. malis ne desperent, adest spes veniæ si viam suam & iniquas cogitationes derelinquentes penitendo resipiscant, unde penitentiarum lamenta, cordis contritio, labor assiduus, perpetua divinæ clementiæ exoratio, aliaque id genus opera quæ Deum ipsius propitium reddere possunt. sicque nec nimium fidendi, nec nimium diffidendi cunctis oritur eadem ratio: nonnullis, ut in gratia stabiles fiant, perpetuo laborandum: aliis, ne in malo perseverent sed boni ex gratia redantur, continuo orandum. ab utroque fortasse cuncti cessarent, si quisnam sit futurus quorumcumque exitus esset in hac vita cuilibet notum: unde ex latente consilio Dei, ejusque investigabili judicio non minus presumptionis quam desperationis iustis & iniustis exhibetur remedium: ideoque perpetue sunt Deo gratiæ agendæ quod de futura sorte nos reddiderit incertos; nihilque de illa curiosius investigare expedit nobis.*

Quæritur, quinam sint tum prædestinationis, tum reprobationis effectus?

Resp.

Resp. Per plures a nonnullis enumerari solent prædestinationis ac reprobationis effectus, quos utriusque signa a quibusdam, præcipue Moralistis & mysticis placuit appellari. verum cum hæc sint valde æquivoca, & reprobis ac prædestinatis per sæpe communia, ut quotidiana multiplicique docemur experientia, quidquam de illis asserere non minus periculosum est quam difficile. omnia Dei dona supernaturalia quæ veram rationem habent beneficiorum illorum quæ præparantur iis qui per illa certissime liberantur, hæc ego dicam veros prædestinationis effectus, inter quos alia divinæ gratiæ auxilia etiam ordinis superioris, si ad hujusmodi beneficia non pertineant, minime recensabo. ad dotes vero naturales, quæ a terrena sapientibus, & de rebus divinis ex mundano affectu judicare volentibus pro effectibus prædestinationis & signis habentur, quod spectat, has dicam creationis effectus, nullum ex se ad prædestinationem dicentes ordinem, & ad illam non minus quam ad reprobationem indifferentes. illis siquidem sæpius abundant reprobi, carent e contra prædestinati non raro. & Augustinum non habent sibi patrocinantem qui acumen ingenii, excellens indolem, præclaras naturæ dotes, ex quibus tot, præsertim apud Romanos, prodire virium moralium opera, prædestinationis tum signa, tum effectus reputant. ab his longe distat Sanctus Doctor variis in operibus contra Pelagianos aut Semipelagianos, quæ ne longius progrediamur, missa facimus, cum aliunde minoris sit momenti quæ hac de re proponi potest quæstio, quam ut in ea discutienda immoremur. pro signis vel effectibus prædestinationis moraliter & generice loquendo, ac de via ordinaria haberi possunt indefessum virtutis exercitium, rerum cælestium amor, vera erga Deum ac proximum charitas, perseverans sui ipsius abnegatio, alique id generis quæ uberiore gratiam videntur supponere, quibusque perseverantiæ finalis donum quodammodo deberi credere possumus. Nec vocationem, justificationem & glorificationem, de quibus Apostolus Epist. ad Rom. cap. 8. effectus prædestinationis rigoroſe loquendo dicerem, sed magis pro completa & adæquata prædestinatione haberem, quæ sine ipsis vera & efficax esse nequit. quod tamen opinative dixerim, & sententiam oppositam nullo modo arguens, aut impugnans.

Effectum reprobationis ex adverso verum negationem dicam beneficiorum illorum quæ certissime liberandis duntaxat, seu prædestinatis, a Deo ex misericordia præparantur, quæque necessariam aut infallibilem cum prædestinatione tam in ordine intentionis, quam in ordine executionis, connexionem habent. Neque enim ullum horum beneficiorum reprobis concedi existimarem, ex eo quod efficacia sint illa beneficia, & absolutum ordinem dicant ad gloriæ consecutionem, quemadmodum absolutum est efficax Dei prædestinantis decretum, totali seu completo suo effectu nusquam fraudandum. Non tamen inde inferatur reprobis non concedi, & sæpissime efficacia supernaturalis gratiæ auxilia, ita ut culpandi non sint quod pereant, & non perire in ipsorum non sit potestate; illegitima & inepta, non minus quam impia esset hujusmodi illatio, sinceram Dei voluntatem erga omnium hominum salutem penitus tollens. efficacia ergo gratiæ auxilia, etiamque ordinis excell.

cellentioris, non prædeterminatis quandoque confert Deus, ideoque verè virtutis opera plures ex illis non raro exercent, ac in bono constanter adeo ad tempus perseverant, ut pro electis ac Sanctis ab hominibus quos latent occulta Dei judicia habeantur. Hæc autem gratiæ auxilia ipsis concessa, non sunt ex ordine beneficiorum quæ certissime liberandis preparantur; eapropter a bono tandem deficiunt, non perseverant usque in finem & pereunt, Deo semper ob eorum damnationem omnimode inculpando. in ipsis vera iustitia aliquando est, & gratiam Dei vere suscipiunt: *sed temporales sunt, nec perseverant, deferunt, & deferuntur: dimissi enim sunt libero arbitrio, non accepto perseverantia dono iudicio Dei iusto, & occulto;* inquit Augustinus lib. de corrept. & grat. cap. 13. si enim collata ipsis hæc gratiæ auxilia efficacia per quæ sunt temporaliter iusti, essent in ordine prædictorum beneficiorum, usque in finem perseverarent, & certissime liberarentur per illa, ex eo quod in sententia Augustini omnimodam sive infallibilem habeant cum liberatione connexionem. unde illorum beneficiorum carentia verus est, ac necessarius quadamtenus, ex consequenti nimirum, reprobationis effectus. inter moralia ejusdem signa non immerito connumerantur voluntaria ac habitualis divinorum mandatorum transgressio, mentis exæcatio, cordis obduratio, immoderatus sui ipsius amor, carnalium voluptatum effrænis appetitus, rerum spiritualium despectus, aliaque hujusmodi, de quibus apud mysticos tractatores, cui libuerit, inquirat. Hæc autem dixi, moralia signa, cum temporalia esse possint, & ab iis possint Deo miserante recedere & ad meliorem frugem reverti, qui a vita Dei alienati sunt. nec quemquam eorum, quando in hac vita degunt, de numero esse reprobatorum asserere ulli licet; potens est enim Deus etiam sceleratioribus ab iniquitatis abyssu reducere secundum misericordiæ suæ consilium: & nonnisi præcipiti ac culpando iudicio circa futuram cuiusdam sortem ferri potest ab aliquo mortalium tam in malo, quam in bono sententia; utrum enim in finem usque perseveraturi sint boni, vel mali penitus ignoramus. Deus solus novit qui sunt ejus: ille novit qui permaneant ad coronam, qui permaneant ad flammam; novit in area sua triticum, novit & paleam: novit segetem, novit & Zizania, inquit Augustinus Tract. 12. in Joan. ipsi soli reservatum est de quibuslibet iudicium.

QUÆSTIO OCTAVA.

Quodnam sit ferendum de Hæresi prædestinarianæ iudicium.

Augustinianæ doctrinæ de Christi gratia & prædestinatione, quæ a per multis sæpius fuit male intellecta & in pravam sensum detorta, non paucos quovis lere sæculo extitisse, etiam magni quandoque nominis adversarios, nullus, nisi historiæ ecclesiasticæ prorsus ignarus, nescit. ab his confictam fuisse prædestinarianam hæresim, quæ, si de Lutheranis & Calvinistis de prædestinatione impie sentientibus taceamus, nihil aliud esse videtur, quam calumniæ a Semipelagianis adversus defensores doctrinæ divi Augustini pri.

primitus adinventę, & contra eosdem a Semipelagianorum reliquijs ad nostra usque tempora successivę recantatę, confitetur & propugnat quisquis est, si prejudiciis liber, veritatis amicus. Hujus rei convincens testimonium habemus ex Hincmaro Rhemenſi Episcopo præcipuo historię prædestinantię architecto, non alios agnoscente prædestinianos, quam quos ab Augustino debellatos fuisse fabulatur. scribit enim opusculo vel libro de prædestinatione cap. 13. "Necessarium duximus alligare in quatuor fasciculis ad comburendum zizanias, quę in Dominici tritici modio prisci seminarunt prædestiniani, quos Augustinus & Prosper suis scriptis sufficientissime revicerunt. "Nullus ante Hincmarum suspensę fidei virum, fidei illius hæresis meminit scriptor, si non Pelagiano, aut Semipelagiano errore conspersus. Auctorem prædestinati Eutyche antiquirem, opera & labore Jacobi Sirmondi sæculo proxime elapso e pulvere excitatum; Tyronem Prosperum in chronico; Faustum Rhegiensem; Gennadium Massiliensem; Ennodium Ticinensem; de illa sermonem habentes, a Pelagianorum vel Semipelagianorum partibus stetiſſe cui non est compertum; qui eorum scripta tantillum perlustraverit? Hinc verba illorum retexere jam superfluum: a dubitantibus relegantur.

Commentarii istius erroris capita habemus ex Gennadio Massiliensi Semipelagianismi tincto fulgine. illa sic proponit in catalogo Hieronymiani de hæresibus appendice. "Prædestiniani sunt, qui dicunt, 1. quod Deus non omnes homines ad hoc creavit, ut omnes salventur, sed ut multitudine hominum ornetur mundus. 2. quod etsi generali prædicatione dicat, *venite ad me omnes qui laboratis, & onerati estis, & ego reficiam vos*: non tamen omnes ea voluntate vocet, ut omnes sequantur vocantem. 3. sed nec omnes, qui ipso inspirante obediunt vocationi, dicuntur accipere exequendi in bono opere perseverantiam, sed post multos labores & justitię fructus, si non sint de salvandorum numero, subtrahendas eis vires agendi, ne perderent in bono. 4. & e contrario illos, qui prædestinati sunt ad vitam æternam, etiam in perfidia, vel in omni genere peccati longo tempore voluntur, accepturos occasionem, qua & credant in Deum, & secundum Dei præceptum vivant, ut possideant societatem justorum. 5. Tali definitione id docere student, quod Deus personas hominum accipiat. 6. quod alios etiam invitos post multa mala opera attrahat ad salutem, alios post bona opera rejiciat, & compellat in malum, quo pereant in æternum. "Hęc varia erroris capita ab Augustini doctrinę defensoribus propugnari adhuc contendunt, qui prædestinatorum fabulam tamquam veram hæresim aliquando extitisse fabulantur, quę tum in Adrumetino monasterio temporibus ipsius Augustini, tum in Galliis sub Celestino I. exorta fuerit, & iterum per Gottescalum nono ecclesię sæculo in gallia renovata. quid de illa sentire debeat veritati studens, breviter, ut fieri poterit, aperiemus, cum jam eruditissime a non paucis, inter quos Contenson eminentissimus Norris, Berti, quibus adhærere nos compellit idem qui studuerunt veritatis amor, pertractata fuerit præsens quęstio; & ab iisdem fuerit invictę proba.

probatum, invidioſo prædeſtinatorum nomine Auguſtiniæ doctrinæ defenſores fuiſſe oneratos a minus recte ſentientibus de divina gratia, a quibus non ſatis recedere videntur qui partes amplectuntur oppoſitas: de quibus tamen quoddam ferre iudicium non intelligimus, quos catholice in omnia ſentire nullo modo dubitamus.

ASSERTIO PRIMA.

Nec inter Adrumetinos Monachos vivente Sancto Auguſtino, nec in Gallis ſub Celeftino I. fuere hæretici prædeſtiniani: ſed eorum nomine a Semipelagianis calumnioſe trauſacti ſunt ſemel doctrinæ Auguſtiniæ defenſores.

AD Monachos Adrumeti monaſterii quod ſpectat, nullos fuiſſe inter eos erroris huiusmodi ſuligine tinctos, idque de ipsis non niſi ex calumniis prædicari, invidum argumentum eſt altum de illa hæreſi ſilentium Auguſtini, quem hæc non potuit latere, cum de diſſentionibus quæ in monaſterio exortæ fuerant ex mala a quibusdam fratribus intellectis iis quæ de divina gratia & prædeſtinatione ipſe ſcripſerat, a Creſconio & Felice monitus fuerat. de illo autem errore nec unum verbum habet Sanctus Doctör in ſuo libro de Hæreſibus ad Quodvultdeum, jam ſedatis memoratis inter Adrumetinos ſcripto, aut in alio quovis opere ſuo ex iis, quæ ultimo vitæ ſuæ tempore pro divinæ gratiæ defenſione edidit. Neque enim prædeſtinianos, ſi iune temporis exiſtiſſent, indebellatos reliquiſſet, aut de eis tacuiſſet Hipponenſis, qui Hæreticos, quicumque fuerint fortiffime infeſtatus eſt. vel ſaltem de eis ex ſere impoſſibili tacente Sancto præſule, in ipſos ſcripſiſſent illius Diſcipuli SS. Proſper, Hilarius, Fulgentius Petrus Diaconus, & alii qui nec illorum meminere, ſed contra Pelagianos & illorum reliquias totis viribus certavere. inſuper, quomodo de hæreſibus ſcribens Auguſtinus dicere potuiſſet Pelagianam hæreſim eſſe omnium recentiffimam, ſi alteram Pelagianam quam jugulaverat recentiorem ipſe, ut volunt, debellaſſet?

Et fruſtra de prædeſtinianis volunt, quibus arridet illud commentum, intelligi ea quæ leguntur apud Auguſtinum epiſt. 214. ad Valentinum Abbatem Adrumetinum & fratres qui cum ipſo ſunt, de illis qui monaſterium turbaverant ſic gratiam Dei prædicantes, ut liberam hominis eſſe arbitrium negarent. cui commento plus roboris addere conantur, dum aſſerunt contra prædeſtinianorum emergentes errores. Hipponenſis antiſtitis opem imploraſſe Proſperum & Hilarium. Neque enim advertunt qui talia fabulantur Monachos Adrumetinos ad quorum compellenda diſſidia, pacemque inter eos firmandam, librum de gratia & libero arbitrio ipſis ſui interpres tranſmiſit, in ſuſpicionem veniſſe Semipelagianismi potius quam prædeſtinianismi; & ideo ſcripſiſſe Sanctum Doctorem librum de correptione & gratia, adverſus eos qui Pelagiana inflati elatione inutilem eſſe correptionem, officereque libero arbitrio divinæ gratiæ conſeſſionem fallaci conſequentia ex recte minus acceptis ipſius Auguſtini verbis inferebant, ut ex libro 2. retractationum ul-

Non

timis

tinis duobus capitibus aperte colligitur. quibus attente perspectis, simulque lectis apud Augustinum epistolis 214. 215. 216. rem fere omnem continentibus, manifestum est nihil apud Monachos Aduemetinos fuisse quod prædestinarianismum saperet, nec quidquam de eo aliquando audivisse Augustinum. & aliunde apud omnes constat præter Semipelagianos in monasterio Aduemetino alios non fuisse, qui a fide catholica in aliquo deficerent.

Quod autem Prosper & Hilarius ad Sanctum Augustinum scripserint eum adducturi ut emergentes prædestinianos confutaret, merum est Sirmondi effera ætate, ut inquit Noris, octogenario majoris, dum hæc scriberet commentum: unde hæc quam ex prædestinato texuit historiam, multis scaten-tem a veritate distantibus mendis, fabulam nuncupavit Gilbertus Maguinus vir summæ eruditionis. & satis est ut innotescat quantum hac in parte deceptus fuerit senio confectus Jesuita Sirmondus, doctrina aliunde celebratus, si epistolæ legantur Prosperi & Hilarii apud Augustinum, in quibus de Semipelagianis ut ab Hipponensis resellantur, expositis illorum querimoniis & erroribus tota res est: nec in ipsis ullum reperitur fidei prædestinarianæ hæresis vestigium, nisi ab illis qui, oculis præ senectute caligantibus, Augustinum, Prosperum & Hilarium legerent.

Neque in Galliis sub Cælestino 1. fuisse Prædestinianos invide colligitur ex eorundem Sanctorum Patrum circa illos silentio. Hi enim adversus hæreses quæ suis temporibus vigeabant animo indefesso pro veritate decertavere: nihil ergo cum de prædestinarianismo illi habeant, manet a nobis assertum, verum adhuc magis insistamus. qui nobis hæc de re contradicunt, ex Prospero & Hilario colligendum putant apud Massilienses extitisse qui hæresim prædestinarianam disseminarent. sed pace illorum dixerim, vel quid sit prædestinarianum dogma ipsis non esse notum, vel ipsos epistolas Sanctorum Prosperi & Hilarii ad Augustinum, & Augustini ad Prosperum & Hilarium non legisse. Massilienses quorum emergentes errores extinguere capiebant Prosper & Hilarius, gratiam prædestinationem, cum Dei alios præ aliis pro arbitrio, & inconsultis futuris eorum meritis, ante mundi constitutionem eligentis efficaci absolutoque decreto admittere volebant, & eadē causā ex Sancti Augustini doctrina non intellecta scandalum fumperant, existimantes per illam tolli liberum hominis arbitrium, & in Deum refundendam esse periclitium damnationem, cum necessario sint perituri illi omnes quos Deus non prædestinavit, putantes insuper removeri omnem industriam, tollique virtutes, Deo per suam constitutionem humanas voluntates præveniente; & tandem sub prædestinationis nominis fatalem quandam induci necessitatem pro certo tenentes. Hæc omnia ex epistolis Prosperi ac Hilarii constant. verum si errore prædestinariano, ut adversariis placeat, laborasset Massilienses, tantum abest ut ipsis displicuisset sic intellecta Augustini doctrina, quin potius illam læti fuissent amplexi, sibi tanti Doctoris patrocinium gratulantes. etenim supponuntur Prædestiniani gratuiti defensores prædestinationis, aliorum quæ dogmatum quæ ex illa Massilienses fluere arbitrabantur conquærentes, & ideo ab Augustino recedebant. manifestum igitur testimonium sunt illorum querimoniarum.

Mas-

Massilienses ab errore prædestinatio longè fuisse, sed a Pelagiano errore circa divinæ gratiæ necessitatem & naturam, ipsos satis non recessisse & ab ipsis *Semipelagianismo* majores vires accepisse. unde malo obllare volens *Augustinus*, quod habebat compertum ex epistolis *Prosperi* & *Hilarii*, quibus *Massiliensium*, nondum damnato *Semipelagianismo*, minime pro hæreticis habendorum, cura erat, libros scripsit de prædestinatione Sanctorum, & de dono perseverantiæ, adversus inimicos gratiæ Christi, & *Augustinianæ* doctrinæ improbatore, ut ex prioris libri initio intelligitur. falso igitur ex prælaudatis *Prosperi* & *Hilarii* epistolis argumentantur, qui hæresis prædestinatiæ seminarium in *Galliis* apud *Massilienses* invenisse arbitrantur.

Nec veritatis magis consulunt, dum prædestinatio a *Cælestino Summo Pontifice* per suam ad *Episcopos Galliæ* epistolam damnatos prædicant. siquidem alios non damnare intendit *Papa*, quam eos de quibus ad sedem Apostolicam conquirentes scripserat *Prosper* & *Hilarius*, quos ad reprimendas *Pelagianorum* reliquias ad Summum Pontificem litteras direxisse nemo bona ductus fide negare potest. qui sunt illi de quibus ii conquesti sunt, nisi qui *Sancti Augustini* ultimo fato vix functi, famæ & doctrinæ malevole detrahebant, de quibus loquens *Cælestinus* dicebat, eos conari etiam quiescantium fratrum memoriam dissipare, *Augustinum* potissimum intelligens. quis autem diceret prædestinatio, si extitissent, lacerasse memoriam tanti Doctoris, aut ipsius scriptis invidisse, quos auctorem sibi *Augustinum* vulgo jactasse, & confictis libris fuisse mentitos supponit ipse *Simondus*? si ergo eos dumtaxat reprehit *Cælestinus*, ut ex *Prospero* est indubitatum, qui *Augustini* scripta reprehendebant, & contra ipsius doctrinam temere insurgebant, & quæ scripserat de gratia Dei & prædestinatione inscite calumniabantur, quod de *Semipelagianis* & non aliis omnes docti semper intellexerunt, quomodo prædestinatio, quos nullus horum temporum scriptor commemoravit, a *Cælestino* i. damnati confinguntur, de quibus nec unum verbum habet Summus Pontifex? Hac de re legatur *Sanctus Prosper* lib. contra collatorem: quem illos de quibus conqueritur, reliquias *Pelagianorum*, Juliani imitatores, *Pelagiani* seminis germina, sæpius appellasse ipsius scripta testantur: & pro nobis hunc aperte pugnare facile cuilibet legenti innotescet.

Quam ergo fidem mereatur *Prosper Tyro*, qui primus prædestinatiæ hæreseos texuit historiam vel potius commentum, deceptus haud dubie vocibus quorundam *Semipelagianorum*, qui livoris zelo ducti prædestinatio vocitabant quotquot erant qui ipsorum erroribus contrarii doctrinæ *Sancti Augustini* adhærebant, præter ea quæ mox diximus, ostendunt innumeri, quibus scætet ejus chronicon, errores, quique ipsius circa historiam & temporum rationes imperitiæ manifestant. unde merito sunt culpandi *Sygeberus*, & alique a quibus hac in parte non sat recedit *Cardinalis Baronius*, qui prædestinatio scdam aliquando extitisse arbitrantur, *Tyronis* historiæ facilius credentes, cum rem altius rimari debuissent, & de veritate aut falsitate eorum quæ publicis annalibus erant credituri certiores fieri, ne ipsi falsa pro veris nuntiantes in errorem, ut accidit, incautos inducerent. majorem

non merentur fidem Paulus, Gennadius, Arnobius junior, qui Semipelagianismi errore laborantes, sibi insensos calumniari non erubuerunt, veluti opposito errore Prædestinarianismi reapse illi laborassent. quis non miratur tot videns recentis ævi scriptores veterem illam fabulam ebuisse, illamque, re parum exagitata ac librata, ut quid indubitatum, scriptis suis indocile consignare?

Verum inquirunt non pauci, hæresim prædestinarianam proscribere Concilium Arelatense triginta Episcoporum, & Concilium Lugdunense: quod sufficit ad firmandam incunctanter existentiam illius, ne chimæram debellasse censentur utriusque Concilii Patres? quibus ne in longum sermo protrahatur, breviter iudicamus respondendum cum Contensonio quod sicut a Semipelagianis primitus conficta est hæresis prædestinariana, ita ab illorum reliquiis ficta hæc duo concilia quorum apud catholicos scriptores subsequen-
tium temporum nullum extat vestigium, suæ deinceps commemorata. Faustum Semipelagianorum veluti principem, & Hincmarum de quo in causa Gottheschalci iterum dicturi sumus, si demamus, nullum alicujus nominis Theologum aut scriptorem reperimus qui illorum meminerit conciliorum, quæ ab Ecclesia nunquam suæ inter vera concilia recensita, nec illorum acta, si quædam proferantur, quod non conceditur, sunt ab illa recepta: unde nulla ex illis est adversariorum oppositio. sed de illa consulantur laudatus Contensonius, Norris, alique posterioris ævi auctores, qui præsentem questionem copiose non minus quam erudite, ut jam observavimus, & ex professo pertractarunt.

ASSERTIO SECUNDA.

Nec Gottheschalcus hæresim prædestinarianorum aliquando renovavit.

Gottheschalcum natione Germanum, professione Monachum in Orbacensi cœnobio ordinis Sancti Benedicti apud SueSSIONES, hæresis prædestinarianæ salto fuisse insinuatam, illamque nusquam ab ipso fuisse renovatam, non pauca comprobant momenta, quæ si bona fide perpendantur, collatis inter se iis quæ Gottheschalcus favent aut adversantur, brevi evanescet tota, quam hac de re texuit Sirmondus, fabula, minus fortasse ex senectute, ut quibusdam placet, quam pro genio domestico adversus Augustinianæ doctrinæ defensores; huncque Monachum, in rebus de prædestinatione ab Hipponensis præsulis sententia ne latum quidem unguem discedentem, sed fortasse inconsultius aut intempestive de iis aliquando locutum, ab insensissimis simul & potentissimis hostibus inique non minus quam inhumane ad mortem usque fuisse exagitatum, fiet omnibus uni parti plus æquo non studentibus manifestum.

Roma, quam Apostolorum limina visitaturus petierat, rediens Gottheschalcus a Rigbaldo Rhemorum chorepiscopo pro more temporum, non dissonante Rotaldo SueSSIONENSIS præsulæ, & cœnobitæ illius Pastore legitimo, sacer-

cerdotio, maturus ætate, jam initiatus, apud Everardum comitem in finibus Venetorum non parum temporis commorans, ut comitis studio faceret satis ac religioni, de duplici prædestinatione ad vitam & ad interitum cum illo, & iterum cum Nothingo Episcopo Brixienſi juxta Sancti Doſoris Auguſtini mentem diſſeruit. in Hipponenſis Antilitis lectione vel doctrina inſufficienter verſatus præſul Brixienſis, ex Gotheſcalchi, quem vincere ſcientia & ſermone non poterat, ſententia ac colloquio ſcandalum ſumpſit, eumque ut catholicæ minus ſentientem, apud Rabanum Archiepiſcopum Moguntinum accuſavit, qui Nothingo reſcribens, Gotheſcalchi ſententiam conſutare tentat, illumque comitis Eberardi domo, datis ad ipſum litteris, expelli curat.

Hoc ſiniſtræ ſuſpicionis rumore ſe longius aſperſum impatienter ferens Gotheſchalcus, tali tamen non cedens injuriæ, Germaniam repetiit, & apud Moguntiam in placito regio cui præſidebat Rabanus, ſimulque aderant quidam alii Epifcopi, fidem ſuam expoſiturus libellum apologeticum obtulit. His in comitiis, quæ apud nonnullos Moguntini Concilii, cujus aſta perire, nomen acceperunt, erroris a Rabano accuſatus Gotheſchalcus, ut hæretice ſentiens damnatus eſt, atque exilio mulctatus, Hincmaro Rheunenſi Archiepiſcopo cuſtodiendus fuit traditus. ab eodem Hincmaro in cujus erat poteſtate, ſæpius privatim cum auditis fuiſſet Gotheſchalcus, ad Cariſiacum conventum pro rebus politicis a Carolo Calvo Galliarum rege convocatum, agente Hincmaro cæius illius præſide, venire compulſus eſt; in hocque conventu duodecim epifcoporum, ex quibus Concilii nomen habuit, erroris iterum ab Archiepiſcopo accuſatus, quaſi de prædeſtinatione prave ſentiret, & ex ejus doctrina peccatores ad malum impelli ſequeretur, ut in errore pertinax, & ob alia crimina ipſi objecta, proſcriptus fuit; exindeque cum ignominia exauſtoratus, in carcerem poſt duriffima verbera jubente Hincmaro traditus eſt; ac in prima ſua ſententia moriens, Sacramentis privatus, eccleſiaſtica caruit ſepultura, monachis contra mandatum Hincmari, in cujus, diſceſſi erat cænobium, in quo Gotheſchalcus jacebat incarcerationis, nihil tentare, ut ei ex charitate ſuccurrerent, præſumentibus.

Miſerrimum hunc cænobitam duobus in Conciliis tamquam prædeſtinationum errore pertinaciter laborantem damnatum, ac duriffimo carceri propterea ad mortem uſque mancipatum, ab hujusmodi hæreſi abſolvere quis non formidaret, præſertim ad numerum eruditorum clariffimorumque virorum, qui adſitis Moguntini Concilii, Cariſiacique canonibus in cauſa Gotheſcalchi ſtandum eſſe exiſtimant, ſi attendatur? verum ſalva reverentia, quæ debetur tot tantique magiſtris, qui rem alte ſatis non rimentes, nimirumque Rabano & Hincmaro inelytarum Eccleſiarum Archiepiſcopis non ignobilibus, ſed Gotheſcalco ultra modum, ex opinionibus circa prædeſtinationem & gratiam ab Auguſtini doctrina valde diſſonis quas ebiberant adverſantibus, credentes, ac totius negotii ſeriem diligenter minus exponentes, Rabani, Hincmarique famæ magis quam veritati videntur conſuluiſſe, Gotheſcalcum a prædeſtinationa hæreſi immunem validiora oſtendunt argumenta.

menta, ex visceribus causæ desumpta, non minus quam ex permixtis circumstantiis rem omnem a principio ad finem usque comitantibus, quæque ab ipsa, nisi præcepta circa eam feratur iudicium, nullomodo possunt aut debent sejungi. & mirum certe quod de iis non paucis siluerit doctissimus ac sapientissimus magister Natalis Alexander, qui etsi longius de Gothescalco differuerit, de eo nihilominus plura dicenda reliquit, cum ea omnia quæ ipsi aduerfantur, & cum erroris reum faciunt referens, quæcumque ipsi possunt favere, illumve ab errore vindicandum comprobant, alto prætereat silentio.

Argumentis ex visceribus causæ desumptis Gothescalcum ab errore prædestinatio immunem ostendi jam diximus, & non immerito, siue ad doctrinam ipsam quam propugnauit, siue ad modum quo in ipsum actum est, siue ad primos causæ illius actores attendamus, de variis circumstantiis, quæ iudicium quod in ipsum latum est comitantur, deinceps disturi. ad doctrinam quod spectat, nisi pro arbitrio iis quæ locutus fuerat, aut in libello apologetico quem in sui defensionem scripserat Gothescalcus, addat unusquisque ab Augustini sententia recedere studens, quid habet erroris Gothescalchi sermo? *impious ob sua certissime præscita merita mala ad penam & supplicium esse a Deo prædestinato* docuit Gothescalcus, ut constet ex fragmento ipsius confessionis pro ut ab Hincmaro ipsi insensibilissimo refertur: ac in sua perseverans sententia de impiis loquens asserit, quod *Deus præscivit eos peccatum habituros: ortum, peiorem obitum: prædestinavit autem eos ad luendum perenne tormentum, & sempiternum interitum*. verum in illo loquendi modo in quo de duplici prædestinatione, siue electorum ad requiem, siue reproborum ad mortem in operum malorum præscientia fundata, movetur quæstio, quidnam reperitur error? Nonne de gemina prædestinatione, sicut de libero arbitrio, de voluntate Dei, de morte Christi, de quibus prave sentire perhibetur ab Hincmaro Gothescalcus, eadem loquitur quæ Sanctus Prudentius Trecentis Episcopus Epistola ad Hincmarum & Pardulum Episcopos, Rattramus duobus in libris de prædestinatione, Lupus Servatus qui & Ferrariensis Abbas libro de tribus quæstionibus, Sanctus Remigius Lugdunensis archiepiscopus cum celebratissima sua ecclesia in libro de tribus epistolis, alique nonnulli virtute ac scientiam clarissimi tenuere? sed Gothescalcus, inquit aduerfarii, licet eadem loquatur quæ dixere prælaudati scriptores, alienum habuit ille intentum, & illorum verba etsi aliunde dura, nihil nisi catholicum sonant, cum e contra in confessione & doctrina Gothescalchi sensum hæreticum necessario importent. etenim ex gemina prædestinatione quam defendit, sequitur, reprobos ad interitum prædestinatos compelli ad peccatum, & nullo modo posse vitare mala ob quæ prædestinantur ad penam. Deumque sua prædestinatione efficere mala merita in reprobis, sicut sua prædestinatione efficit merita bona in electis. juxta ipsum per Adæ peccatum in homine liberum extinctum est arbitrium: Deus non vult cunctis hominum salutem; Christusque pro omnibus & singulis hominibus suum non effudit sanguinem.

Ve.

Verum talia in mente habuisse Gothescalcum, ipso de iis tacente, immo potius oppositum insinuante, unde illi habent? ex libello apologetico, fortasse dicent, quem coactus vi tormentorum flammis tradidit, & in quo Scripturarum ac Patrum sententias in pravam sensum detorserat; nec non ex duplici ipsius confessione. At libellum hunc nullus hominum legisse commemoratur: nec illius nemo meminit præter Hincmarum, cui hac in causa parce credendum esse, ut mox dicemus, vel etiam nullomodo, permulta ostendunt. quantum autem ad Gothescalchi confessionem, illam minus erroneam significant ipsa verba Hincmari lib. de prædestinatione cap. 15. hæc scribentis. *Dicunt Gothescalcus & ejus affines, prædestinavit Deus reprobos ad interitum, non ad peccatum.* ipseque Gothescalcus in suæ professionis chartula ad Rabanum, eodem referente Hincmaro, de gemina prædestinatione loquens ait: *sicut Deus incommutabilis ante mundi constitutionem omnes electos suos incommutabiliter per gratuitam gratiam suam prædestinavit ad vitam æternam, similiter omnes omnino reprobos, qui in die judicii damnabuntur propter ipsorum mala merita, idem ipse incommutabilis Deus per justum judicium suum incommutabiliter prædestinavit ad mortem merito sempiternam.* quid aliud significant, nisi immutabilitatem æterni Dei decretorum circa prædestinationem bonorum ad gloriam, fundatam in summa ipsius Misericordia; prædestinationem vero malorum ad penam, fundatam in summa Dei justitia, illos propter ipsorum mala merita damnantis, justæque ac merito ob illa demerita æternis suppliciis in sua infallibili præscientia eos mancipantis, verba relata Gothescalchi? Numquid hæc non est una & eadem vox catholicorum omnium qui Augustino adherent de bonorum prædestinatione aut malorum reprobatione loquentes, ut in præcedentibus ex illo Sancto Doctore ostendimus? ut quid ergo hac de causa hæreseos infirmulandus Gothescalcus, aliis eadem cum eo loquentibus absolutis?

Desinat igitur Hincmarus quamplura Gothescalchi confessioni pro arbitrio addens, falsam & erroneam ex gemina illa prædestinatione in bonam & in malam partem, inferre consequentiam, veluti ex illa oriatur in impiis peccandi necessitas, liberumque eorum opprimatur arbitrium, cum nec unum, ex quo illa fluat, Gothescalcus habeat verbum. quod a Christi ecclesia creditur & tenetur de libero arbitrio, de quo, inquit, cum a cæteris catholicis Patribus evidenter sit Deo gratias, disputatum, tum præcipue contra Pelagianos & Celestianos a Beato Augustino plenius & uberius diversis in opusculis, illud idem se tenere profitetur vir ille in lectione Hipponenfis versatissimus. Ergo ne prave de libero arbitrio sentiens prædicabitur, quia de eodem Rabanum juxta Semipelagianorum placita sentientem existimaverit arguendum, ut ea indicant quæ in eodem fragmento apud Hincmarum sequuntur verba ad ipsum Rabanum directæ? unde te potius ejusdem catholicissimi Doctoris fructuosissimis affectionibus incomparabiliter inde quoque malueram niti, quam erroneis opinionibus Massiliensis Gemnadii, qui plerisque præsumpsit in locis tam fidei catholica, quam Beatorum etiam Patrum inviolatissimis auctoritatibus, infelicis Cassiani perniciosum nimis dogma sequens, reniti: erroris ergo infirmulentur omnes qui in rebus gratiæ

&

& prædestinationis, salvo semper, & in tuto remanente, iis fortiter defendentibus, libero arbitrio, ab Augustino nullomodo existimandi descendendum; ut non minus aperte quam falso pluribus ab hinc annis, imperite simul & contumeliose garrunt apud imperitum & profanum vulgus, male senarii homines non pauci, eadem quæ in primos Augustini discipulos ex contumelia dixeret veteres Semipelagiani, in ejusdem doctrinæ modernos defensores, eodem ducti principio oblatrantes: una ipsis cum Gothescalco, religiosissimisque ac doctissimis viris, qui pro isto, pariem oppositam floccifaciennes, palam dicere non formidaverunt, communis est causa. aut si, ab omnibus in rebus fidei ac sanæ Theologiæ opinionibus versatissimis, nedum ab errore liberi, sed etiam ut sanioris doctrinæ defensores, tamquam veri Augustini discipuli isti merito jureque habentur, ab hæresi prædestinatio non absolvi non potest Gothescalcus, de voluntate Dei circa hominum cunctorum salutem, ac de morte Christi pro omnibus & singulis sentiens, æque ac de libero hominis arbitrio in præsentis naturæ lapsæ ac per Christum reparatæ statu, pro ut a cunctis catholicis sentiendum vult Sacrosancta Dei ecclesia, nihil de quæstionibus Theologicis in utramque partem tuto agitatis definitiens. Nec mirum quod Rabanum Semipelagianorum erroribus imbutum judicaverit Gothescalcus, qui iisdem ab ipso impugnabatur argumentis, per quæ simili in causa doctrinæ Augustinianæ primi defensores frustra fuerant a Semipelagianorum principibus & antesignanis impugnati. & insufficientis omnino est quod in Gothescalcum ex illa in Rabanum accusatione ab ipso intenta insert Hincmarus argumentum, veluti inde sequatur, hunc prædestinatum necessario fuisse, qui Archipræsule Moguntinum, Regii potius quam sacerdotalis conventus præsidem, Semipelagiani erroris existimaverit jure insimulandum.

Nec difficilis ab hæresi prædestinatio vindicabitur Gothescalcus, cujus doctrina, si animo non torvo perpendatur, nec minimum hujusmodi hæresis præsefert indicium, primi illius in ipsum causæ actores si inspiciantur. a Nothingo Brixienſi præſule insufficientis in rebus prædestinationis armaturæ, qui Gothescalcum posset vincere vel etiam diligens de illius doctrina ferre judicium, ut ut poterat per epistolam edoctus Rabanus Maurus, vita spectabili, & doctrina clarus, quæ apud Eberardum, & cum ipso Nothingo dixisse narrabatur Gothescalcus, hunc veluti viru prædestinatio inſectum juxta ejusdem delatoris accusationem, nullo tamen authenticò instrumento firmatam, Gothescalcum inauditum, opusculo de prædestinatione edito ut Nothingi precibus annueret, consultandam suscepit, prædestinatio erroris merito quidem recteque debellans, sed huic Monacho ex falso expositio adscriptos, de errore facti tamen nihil suspicatus, ut satis constat ex Rabani præſatione ad Nothingum, nec non ex ipsius epistola ad comitem Eberardum. ex Brixienſis episcopi accusatione prave erga Gothescalcum affectus jam præſul Moguntinus, illum ad placium regium apud Moguntiam accedentem, ut de sua doctrina dicturus audiretur, sicque in omnibus catholicis sentiens probaretur, dure satis excepit; & veluti jam ipsum a recta fide cir-

ea prædestinationem, aliaque relata capita, defecisse, uno accusante Nothingo, fuisse prorsus indubitatum, vix apologeticum libellum Scripturæ & Patrum, Augustini potissimum sententiis refertum, quem in suæ fidei defensionem obulerat Gothescalcus, admisit vel oculis perlustravit Rabanus.

Hoc monachi apologetico perstringebatur pteses Moguntini confessus, cujus nulla extant acta alia præter unam Rabani epistolam, quæ synodica non est. verum, ut non raro magnatibus evenit, siue Ecclesiastica, siue civili, aut politica dignitate fulgentibus, quibus adeo certa sunt consilia cum aliquid fuit ab ipsis constitutum, ut sibi sæpius dedecori vertant, si pedem revocantes, se, vel ex præcepti judicio, vel ex humana infirmitate, in pronuntiando aliquando errasse fateantur, apologetico illo frustra perstrictus Rabanus, a præconcepta semel opinione ex Nothingi minus æqua delatione non recessit; sed omnia in confesso pro libito tractans, Gothescalcum erroris accusat, proseriptionem subripit, exilio multat, & tamquam hæreticum Hincmaro tradit in custodia asserendum. Rabanum summi ingenii virum & inter doctiores merito fuisse annumeratum non diffitemur: sed illum properato nimis in causa Gothescalchi se gessisse, cujus mentem non bene initio istius controversiæ fuisse assecutum testatur quæcumque a piissimis clarissimisque ejusdem ætatis hominibus pro proscripti hujus monachi defensione cum adhuc sub iudice lis esset, scripta sunt non leviter existimamus, exacerbatus in Gothescalcum, quem jam a recta fide aberrantem ex Nothingo habebat, re minus perpensa, Rabanus, quod erroris Semipelagiani in libello sibi a Gothescalco in sui defensionem oblato argueretur, hac violatus injuria, sed intentam hujus erroris notam de se remove parum sollicitus, maxima quæ pollebat autoritate in Moguntino Concilio confirmatus, illum voluit tamquam de hæresi convictum & pertinacem, (nulla nihilominus rei judicariæ in rebus fidei servata formula) damnari, & a consedentibus in dicto confesso de illo magnifice sentientibus, voti compos effectus est. rem ita fuisse non leve indicium videtur actorum confessus Moguntini omnimoda amissio, vel potius subfuratio, una excepta epistola Rabani quam synodicam gratis vocat Natalis Alexander, utpote quæ subscripta non reperitur ab episcopis qui hoc in concilio una cum Rabano Gothescalchi iudices assidebant. & in qua pro genio suo multa scribere ad Hincmarum temporum circumstantiis accommodata potuit Rabanus, nisi forte plura etiam e suo Rabani scriptis addere præsumperit Hincmarus, a quo prælaudatam habemus epistolam.

Nec temeritatis nos existimamus insimulandos, de Hincmaro, etsi a pluribus ejusdem ævi Scriptioribus, tum ex animo, tum ex adulatione summis laudibus exaltato, ac præcipuo in causa Gothescalchi adore, sinistram adeo ferentes judicium. is enim magna vitia eximiiis virtutibus obvolvebat. in dicendo facundus, in agendo prudens, in vindicandis episcopatus & imperiij viribus roboris erat invidi. sed ausus promptus, propriisque commodis invigilans, quoscumque suis consiliis non suffragantes impatiens imperiosus ferebat. quid plura dicam? illum virum suspensissimæ fidei permultis pronun-

tiant, cui falli & fallere proclive fuit, ipso non diffidente Sirmondo. Hunc tandem Nicolaus 1. versati cavillatoris, falsarii, impostoris, uno verbo Camelonis titulus insignivit. Hujusce generis erat Hincmarus Carisiacæ Synodi præses, cui Gothescalchi causa credita est, & a quo privatim sæpius auditus, ut ipse ad Rabanum rescripsit Hincmarus, conventum Carisiacum adire compulsus est. Damnato tamquam hæretico ab Episcopis pro civilibus regni negotiis hoc in conventu coactis, Gothescalco, & post sententiæ in eum late executionem, quam inauditum irreligiositatis & crudelitatis exemplum appellat Ecclesia Lugdunensis, in sua doctrina firmiter perseverante, alium sibi & Pardulo Laudunensium episcopo, Hincmarus hac in causa adjunxit auctorem, Joannem Scotum Erigenam, cui ignominiose cecidit quod scilicet infelicitis illius Monachi in carcere retrusi errores suscepit confutandos: nihil enim ex suscepto consilio habuit emolumenti, quam Pelagii, Cælestii, & Julani erroribus imbutum se omnibus exhibere, ob prava sentia quibus scater male conceptus ejus liber de unica prædestinatione; atque posteris non leve suppeditare argumentum, ab hujusmodi opinionibus non satis distare Hincmarum & Pardulum, qui talem pro tuenda veritate sibi adscriperant adiutorem.

Oppresso Gothescalco, ac in conventibus Moguntino & Carisiaco, præter hæresis prædestinariæ labem, damnato ob pravitatem morum, ministerii sacerdotalis ab ipso, inquebant, irregulariter usurpati, abusum, negotiis civilibus contra propositum datam operam, aliaque id genus, quorum a suis legitimis superioribus nusquam fuerat accusatus, immo ipsius ordinationem per chorepiscopum factam Rotaldo Sueffionum Episcopo ratam habente, ut primum gesta in ipsum fama vulgavit, accurrerunt quamplures viri docti & religiosi pro ipso dicentes, qui eadem cum illo circa prædestinationem, aliaque capita de quibus supra, sentientes, scriptis suis Gothescalum ab errore liberum ostenderunt. quæ si attento animo perpendantur, simulque pensentur non pauca ad Carisiacum judicium ordinem dicentia, veluti tot circumstantiæ in causa Gothescalchi non disjungendæ, in ipsum ex injuria & immerito fuisse ab utroque conventu, Rabano & Hincmaro agentibus, animadversum brevi probabitur.

Primus omnium Gothescalchi partes prudentius tuitus est, eumque non obscure ab errore vindicavit. is enim de actis Carisiacensis concilii certior factus ab Hincmaro, & ab eodem interrogatus, an Gothescalchus ex præscripto concilii in carcere detentus, in cæna Domini aut paschate ad sacrum audiendum officium & communionem esset admittendus, nec ne, nedum hunc sacris non prohibendum esse rescripsit, sed etiam libello ad Hincmarum dato pro illo locutus est; intelligensque vir sanctus veram Augustini doctrinam impugnati in Gothescalchi proscriptione, proindeque in illum, livoris zelo potius quam veritatis amore, insurrexisse ipsius accusatores, Hincmarum & Pardulum in libelli præfatione adhortatur his verbis. *Hoc primum vestram sinceritatem moneat & postulans, ut doctrinam Beatissimi Patris Augustini abque ulla dubitatione, undequaque doctissimi. sanctarum Scripturarum auctoritati in om-*
nibus

ribus concordissimam.... vestri pontificatus tempore commento qualibet impugnari non permittatis. idemque Scoti Eriginæ confutans errores, geminamque prædestinationem, ob quam carpebatur Gothescalcus, defendens, eundem loquendi modum usurpat, quem ille in duplici confessione, (non abnunte Natali Alexandro) sicuti dum loquitur de voluntate Dei de omnium salute, ac de morte Christi; licet, inquit, Prudentii asserio toto Cælo distet ab errore Gothescalchi; quod ipsi probandum incumberet, simulque præcise ostendendum quod erraret Gothescalcus. Nec eo sistit Prudentii studium, cum capitula quatuor Carissaca, quæ deinceps edita fuere in altero confesso iubente Carolo Calvo, quibusve impetitur Gothescalchi doctrina, oppugnaverit, & refellenda, ut a Pelagiano dogmate non satis aliena, judicaverit, ut constet ex ipsius Epistola ad VVenilonem Senonensem Archiepiscopum, pro ordinatione Aenæ Episcopi Parisiensis. & in hoc ab eodem Natali arguitur, quod subscripsisse feratur antea his Carissaciis capitulis. sed cum aliud supposititiæ hujus subscriptionis argumentum non suppeditet Magister Sapientissimus, quam Hincmari id falso narrantis testimonium, quo videntur niti Annales Bertiniani, hanc levitatis notam Prudentio gratis inurentes, id tamquam omnimode improbabile, salva ipsi debita reverentia, nos feret respuentes.

Sancto Prudentio in causa Gothescalchi se comitem dedit Lupus Ferrariensis, qui tam in libro de tribus quæstionibus quam in collatione quam habuit circa illas cum Carolo Calvo Galliarum Rege cui acceptissimus erat, eandem tenet doctrinam quam propugnabat S. Prudentius, a Doctrina Gothescalchi parum dissimilem, sed ab illius mente alienus, inquit Natalis Alexander; qui illam diversitatem repetit ex falso supposito, ita ut Gothescalcum errore Prædestinatio laborasse jam invictè statuisset. quæstionem de gemina prædestinatione, eodem iubente Galliarum Rege, attingens Ratramnus Corbejenfis Monachus, doctrina insignis, de prædestinatione impiorum ad penam eodem modo ex Augustino loquitur, quo de illa locutus fuerat Gothescalcus, nullam ex illa fluere in pereuntibus peccandi aut pereundi necessitatem ostendens, cum ex culpa sit delinquentis quod perveniat ad penam, non vero ex necessitate prædestinantis, qui ad supplicia prædestinavit æterna eos, quos ex propria voluntate peccantes in sua præscivit impietate manfuros. & sic mentem suam diligentius aperiens Ratramnus, castigatior in loquendo fuit Gothescalco a cujus sententia non recedebat. Hinc fuit quod ut primum opusculum adversus Gothescalcum ad reclusos scripsit Hincmarus, in ipsius epistola ad Amicum insurrexit Ratramnus Gothescalco patrocinaturus.

Sanctum Remigium Lugdunensem Archiepiscopum, ipsiusque celebris suam ecclesiam, Gothescalco patrocinari ita evidens est, ut non contradicat in suis dissertationibus jam sæpe laudatus Theologus Parisiensis Accademig nominatissimus. nulla notandam esse censura illius monachis doctrinam ostenditur libro de tribus epistolis, licet ipsius improbari possit levitas, vel temeritas, ac culpari importuna loquacitas. erratum errorem de prædestinatione malos ad peccatum necessitante, & in mortem ex impietate a qua re-

cedere non possint ire cogente, quem Gothescalco affingunt permulti, ne illum inique in praefatis conventibus damnatum fateantur, ab ipso remouet ecclesia Lugdunensis, hoc genus erroris dicens, *nec apud Haereticos, nec apud quemquam catholicorum se cognouisse, vel auduisse; ita ut etiam de ipso nobis incredibile videatur.* illam iuxta Augustini mentem verba dixisse, & in Gothescalchi damnatione ipsum impugnari Hipponensem, haec indubitanter tenuit, libro de veritate Scripturae asserente Remigio, in omnibus Gothescalchi sensibus & veram omnino & salubrem intelligentiam esse: cum B. Augustini ab omni semper ecclesia venerabiliter recepti, & usque in finem saeculi recipiendi sensum fuisse sequuntur. Cujus veridicum sensum non oportuit sui persona alicujus hominis a catholicis Dei Sacerdotibus condemnari; ne jam non iste, qui errare putatur, sed ille potius, cujus auctoritatem sequitur, Haereticus esse judicetur. Hinc quaecumque erga Gothescalcum apud Carisiacum conventum, & exinde in illum acta fuerunt, apprimè edoctus, hucusque flagris & caedibus trucidatum ac pene morientem lacrymatus, haec in eodem libro ipsius defendens doctrinam loquebatur Remigius: *videtur nobis sine dubio, quod illa quae de divina praedestinatione dixit, iuxta regulam catholicæ fidei vera sint, & a veridicis Patribus manifestissime confirmata, nec ab ullo penitus nostrum, qui catholicus haberi vult, respuenda sive damnanda. & ideo in hac re dolemus, non hunc miserabilem (Gothescalcum) sed ecclesiasticam veritatem esse damnatam.*

Nec est quod pluribus, quos sequitur Natalis Alexander, placeat asserere nullo ducti sufficienti argumento, Sanctum Remigium, & ipso cum Lugdunensem ecclesiam, hosque quos jam retulimus religiosissimos doctissimosque viros, plus aequo fuisse Gothescalco, & errore facti fuisse deceptos: verba sunt ista, quæ nullius sunt ponderis dum nullo efficaci roborantur testimonio. eodem ergo ductus errore Rotaldus Svesionum Episcopus, quem Gothescalchi doctrina latere non potuit, utpote qui, inter eos, qui in Carisiacum palatium ad Synodum placitumque Regium conuenere, a Natali aliisque recensetur, illis comitis in causa Gothescalchi, cujus naturalis erat iudex, interesse noluit, quod illum, & in illo, (narrante in historia Rhemensis Floardo S. Remigii Rhemensis Abbate) opprimi veritatem ferre non posset. errore ergo facti decepti Patres Concilii Valentini III. quique trium provinciarum, Lugdunensis, Viennensis, Arelatenensis, Episcopi, capitula Carisiaca contra Gothescalcum anno 853. edita; reprobavere anno 855. aliaque quatuor illis opposita edidere; quæ cum Carisiacis non pugnare, utrisque sensura minime nativum tribuens, nititur ostendere Natalis, immensam, ut ita dicam in causa Gothescalchi, & adversus illum dissonantiam; quibus attente & equa laque perpenis, inacta prorsus remanet res, cum dubium semper super sit, an Gothescalcus sibi ascriptos tenuerit errores, anve aliter ab ipso senserint qui ipsi sunt patrocinati, ut supponit, sed non probat Alexander, contradicentibus eruditissimis non paucis quibus assentimur, validioribus ac indubitatis ducti momentis.

Errore ergo facti pariter decepti Patres Concilii Lingonensis anno 859. Patrum Valentini quatuor capitula Carisiaca damnantium confirmavere decre-

decreta. Errore ergo facti una cum illis deceptus Nicolaus: I. Romanus Pontifex, utrumque illud Concilium probavit, Canones pro tuenda Gothescalchi editos firmans, ut ex Sancto Prudentio apud Hincmarum, & Bertinianis Annalibus Rhemenſi Archipræſtuli ſaventibus habemus. & illo etiam ex errore facti idem ſummus Pontifex Hincmarum, ad ſe de Gothecalco & adis circa illum, ſcribentem contempſit, ipſique minime reſcribens Nicolaus, ut ex Hincmaro apud Flodoardum conſtat, Gothecalchi cauſam a ſuis legatis voluit judicari. Huiusmodi commento quis credet? totque ſanctitate & doctrina percelebres viros, cauſa Gothecalchi pluribus annis agitata, ac diligentius & accuratius perpenſa illius doctrina, a variis ſynodis defendenda aut damnanda, ipſi jam adverſantibus duorum conventuum definitionibus, præceps de hac re iudicium tuliffe, aut circa doctrinam parum ſibi cognitam, contra præcedens Episcopale duplex ſtatutum pronuntiaviſſe quis aſſerere tot reſclanantibus teſtimoniis, non formidabit, ut uni parcaur Hincmaro? fruſtra ut ipſi hac in cauſa ſuccurratur, epistolam Amolonis Archiepiscopi Lugdunenſis ad Gothecalcum, illum conſutandi gratia, nonnulli proferrent, unaque ſimul epistolam Gothecalchi ad Amolonem antea directam: commentitia hac utraque epistola ſiniſtrum tulit de Gothecalco tulit iudicium ſcilicet Natalis: tantam præ ſe fert Gothecalchi inculturn & horridum ſcriptum novitatis notam: torque momenta Amolonis reſcriptum, octo ſeculis ignotum, ſuppoſititium ſignificant, ut mirum ſit, quod eruditiffimus Alexander ipſi vel minimum credere potuerit. Nonne id eſſe recens inventum illi in mentem venit, quod primum a Sirmondo etſi doctiſſimo, & inter eruditiores Societatis eruditiffimo, ultimis temporibus editum fuerit? illudque eo magis, quod ea que ſuperſunt Gothecalchi & Amolonis ſcripta, in prædeſtinationis & reprobationis doctrina ſibi nullo modo adverſantur; nihilque de duabus illis epistolis habet Sanctus Remigius Amolonis ſucceſſor, cui in cauſa Gothecalchi ille auxilio non levi fuiſſent. ſpuria hæc ſuppoſititia que ſcripta tamquam genuina laudaverit noviffimis diebus Franciſcus Morenas in ſua epitome Hiſtoriz Fleuriacæ, innumeris in locis, ac in rebus maioris momenti ab ipſo ex induſtria adulteratæ, non eſt quod miremur; audacem venalemque ſcriptorem de veritate parum ſollicitum, dolus ille juvabat. verum ſic hallucinentur authores quos delectat veritas, id dedecori ipſis non poteſt non verti, cum incautos in errorem ipſi culpabiliter decepti inducant. Nec Natali parcendum quod Cariſiaca capitula conciliare tentans cum Canonibus Valentinis, putaverit hæc verba que canone quarto leguntur: *porro capitula quatuor, que a Concilio fratrum noſtrorum minus proſpecte ſuſcepta ſunt, propter inutilitatem, vel etiam noxietatem, & errorem contrariam veritati:* ab Ebbone Gratianopolitano; utpote qui Valentinis canonibus condendis præcipuam naverit operam, fuiſſe huic Canoni inſerta. Si quidem omni caret probabilitate quod Ebbo, quantumcumque fuerit authoritatis inter Patres Valentinos, huiusmodi cenſura capitula Cariſiaca Synodo inconſulta notaverit, audaciæ ac fraudis ab aliis Episcopis iure arguendus, qui de expungenda hac cenſura hoc in caſu non ſiſtentiſſent: quod ſi in Synodo Lingoniensi, & quindecim

decim post dies in Concilio Tullensi relecti sunt Canones Valentini & probati, expuncta hac censura, id iisdem Episcopis, qui Concilio Valentino interfuerant, consentientibus actum est; Hi enim paci ex charitate studentes, & propter Episcopatus honorem Hincmari sanæ consulere cupientes, accessu sunt quod Carissacorum capitulorum censura, quæ in omnibus Concilii Valentini exemplaribus legitur, in iisdem Canonibus relectis & probatis a Synodis Lingonensi & Tullensi, in gratiam Hincmari omitteretur. sed exinde non minus certum est ad Carissaca capitula proferenda editos fuisse Canones Valentinos.

Sed nec ipse Hincmarus putavit Valentinos Patres, aliosque quos diximus Gothefcalco patrocinatos de ipsius doctrina parum dubios, errore facti deceptos ejus partes suscepisse: quin potius illos doctrinæ, quam in Gothefcalco damnatam voluerat, ex animo adherere optime intellexit; eisdemque inclementi ac contumeliosa Gothefcalchi excruciatione, a judicibus Moguntinis & Carissaciis inique & inconsulta decreta, graviter offensos, ac illius erga infelicissimum hunc Monachum cunctam agendi rationem penitus improbanes, hunc, & cum ipso Sancti Augustini doctrinam fuisse tuitos recte cognovit. Hinc ut vidit Hincmarus sibi hac in causa tot magni nominis viros non favere, suæque Carissaca capitula a valentina Synodo fuisse reprobata, ut inutilia, noxia, erronea, ac veritati contraria, atque suum Scotum Erigenam ut Hæreticum anathemate percussum, zeli & invidiæ diaboli accensus, inquit cum Nicolao 1. eminentissimus Norris, in Valentinos Patres intolentissime pro sua indole, & calumniose debachari cepit, ecclesiæ Lugdunensis scripta, præsertim de tenenda Scripturæ veritate, acriori proscribit stylo, dolens quod omnimode in causa Gothefcalchi a sua spe decidisset, nullo summi pontificis hac in re patrocinio potiturus, quem sibi propitium, favente Carolo Calvo, facile reddidisset, Gothefcalchi Patronos errore facti deceptos ostendere potuisset.

Gothefcalcus ergo prædestinariani erroris immerito fuit insimulatus, qui, licet imprudenter fortasse & inconsiderate, Augustini venerandam propugnans de gratia & prædestinatione doctrinam, se gesserit, pro veritate certabat. certum enim est cuilibet rem altius rimanti, tria erroris capita quæ a Nothingo, Rabano, & Hincmaro, opponebantur Gothefcalco, eadem esse prorsus ac ea quæ primis Augustini Discipulis per calumniam falsæ illationes veteres Semipelagianii objiciebant, ut quolibet tempore Augustinianæ doctrinæ defensoribus Semipelagianorum reliquæ opponere non cessarunt. conferatur doctrina Gothefcalchi in se ipsa, & pro ut insuper illam intelligi voluerit adversarii ejus, cum Augustini doctrina pro ut illam exponunt objecta Gallorum, ut videre est apud Prosperum adversus Collatorem, & in responsione ad objectiones Vincentianas, & statim ab errore prædestinarianorum plane liber pronuntiabitur Gothefcalcus.

Quid ergo causæ fuit quod Hincmarus Gothefcalcum, quem in lectione, ac doctrina Augustini versatissimum fuisse nemo nisi ex invidia negabit, quemque memoriæ tenacem, facilem & expeditum ad dicendum, etiam inimici illius fateantur, acriter adeo fuerit insectatus tantumque odium erga ipsum

ipsum ostenderit, ut ad mortem usque & ultra illum infestissime vexaverit, vix dignosci potest, & non nisi temere pronuntiaretur. de hoc iudicium ferre, silente Historiâ, nostri non est instituti. sat est, quod investigandum suscepimus circa scitium veterum prædestinatioerrorum, nos diligenti liberoque animo perpensis. Hic ergo sistemus pedem, iis, quæ de Deo ejusque attributis fuerant dicenda finem facturi.

C O N C L U S I O S E C T I O N I S.

Voluntas Dei hæc est Sanctificatio nostra, inquit Apostolus. eo se vertunt respectu hominum, quos ex motu proprio creavit, ac pretioso filii sui sanguine a peccati servitute liberavit, æterna omnia ipsius consilia. ideo cunctis sapienter providet, ut gloriam quam nobis ponit in præmium, ipsius adimplentes voluntatem consequamur. Nec est, quod in æternam consilii sui quosdam præ aliis eligentis, decretum, eorum qui percurrunt damnationem recondamus: ex gratuita enim & omnino libera salvandorum prædestinatione, nulla in aliis nascitur pereundi necessitas; & semper verum erit quod dictum est, perditio tua ex te, Israel. occulta sapientiæ & scientiæ Dei mysteria, ut solent Theologi, perscrutati sumus: altiora aut profundiora non quæramus; sed sapientes ad sobrietatem, ex iis quæ Deus revelavit nobis quid ipsius misericordiæ debeamus utiliter intelligamus, ne quid ipse suæ debeat justitiæ infelicitate experiamur. inscrutabilia ejus judicia de cætero adorantes, ut per bona opera certam nostram vocationem & electionem faciamus, magis satagamus; sicque repleti fructu justitiæ per Jesum Christum, ad Deum securi perveniamus, qui nos liberavit, & vocavit vocatione sua. Sanctæ, non secundam opera nostra, sed secundum propositum suum & gratiam, quæ data est nobis in Christo Jesu ante tempora secularia: cui est gloria & Imperium in sæcula sæculorum.

F I N I S

NOI

NOI RIFORMATORI

Dello Studio di Padova .

A Vendo veduto per la Fede di Revisione , ed Approvazione del P. F. *Filippo Rosa Lenzi* Inquisitor General del Santo Officio di *Venezia* nel Libro intitolato *Manoscritto Exercitationes Theologicae in universam Theologiam Auctore A. R. P. Jacobo Aymar* non v' esser cosa alcuna contro la Santa Fede Cattolica , e parimente per Attestato del Segretario Nostro , niente contro Principi, e buoni costumi concediamo Licenza ad *Antonio Zatta Stampator di Venezia* che possi essere stampato , osservando gli ordini in materia di Stampe , e presentando le solite Copie alle Pubbliche Librarie di Venezia, e di Padova.

Dat. li 3. Genaro 1763. M. V.

(*Sebastian Zustinian Reff.*

(*Alvise Valareffo Reff.*

(*Francesco Morosini 2º. Cav. Proc. Reff.*

Registrato in Libro a Carte 190. al Num. 1070.

Davidde Marchesini Seg.

